





植等編

北京大學《儒藏》編纂與研究中心

#### 圖書在版編目(CIP)數據

儒藏. 精華編. 一九七/北京大學《儒藏》編纂與研究中心編. 一北京:北京大學出版社,2014.5

ISBN 978-7-301-11915-0

I. ①儒··· Ⅱ. ①北··· Ⅲ. ①儒家 Ⅳ. ①B222

中國版本圖書館 CIP 數據核字(2014)第 060276 號

書 名:儒藏(精華編一九七)

著作責任者:北京大學《儒藏》編纂與研究中心 編

責任編輯:王長民 吴冰妮 魏奕元 趙 新 童 祁 王 應

標 準 書 號: ISBN 978-7-301-11915-0/B • 0601

出版發行:北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博: @北京大學出版社

電子信箱: dianjiwenhua@163.com

電 話:郵購部 62752015 發行部 62750672 編輯部 62756449 出版部 62754962

印刷者: 北京中科印刷有限公司

經 銷 者:新華書店

787 毫米×1092 毫米 16 開本 43.5 印張 487 千字 2014 年 5 月第 1 版 2014 年 5 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家 社會 科學基金 重大項目 目「十一五」國家重點圖書出版規劃項目・重大工程出版規劃

# 《儒藏》精華編第一九七册

首席總編纂 季美林

項目首席專家 湯一介

編 纂 湯一介

龐 樸

總

本

册

主

編

馮天瑜

張艷國

孫欽善

安平秋 (按年齡排序)

## 《儒藏》精華編凡例

爲儒 則 的典籍的叢編。 家經典和反映儒家思想、體現儒家經世做人原 、中國傳統文化以儒家思想爲中 收書時限自先秦至清代結束。 心。 《儒藏

一、《儒藏 》精華編爲《儒藏》的一部分,選收《儒

》中的精要書籍

互見。 《中國古籍善本書目》,於個別處略作調整。 寫者 土文獻。 漢文寫作的儒學著作,編爲海外文獻部類 已收入人選的個人叢書或全集者,僅存目録,並 分類法分類,大類、小類基本參照《中國叢書綜録》和 三、《儒藏》精華編所收書籍,包括傳世文獻和 一律收其釋文文本。 出土文獻單 傳世文獻按《四庫全書總目》經史子集四 -列爲 一個部類,原件以古文字書 韓國、日本、越南儒學者用 凡單書 注 部 明 出

> 編,不改編,保持原書的完整性和 四、所收書籍的篇目卷次,一仍底本原貌,不選 獨 立性

爲主,酌校異同。校記力求規範、精煉 勘價值的版本爲校本。 確定内容完足、精確率高的版本爲底本,精選 五、對人選書籍進行簡要校勘。 出校堅持少而精,以校正誤 以對校爲主, 有 校

例,進行規範化標點。 六、根據現行標點符號 專名號除書名號用角號(《》) 用法,結合古籍 標 點通

外,其他一律省略 落。正文原已分段者,不作改動。 七、對較長的篇章,根據文字内容,適當劃分段

千字以内的短文

般不分段。

及其他有關情況。 及整理時所確定的底本、校本(舉全稱後括注簡稱) 介紹作者生平、該書成書背景、主要内容及影響,以 出 現 順序前詳後略 八、各書卷端由整理者撰寫《校點説明》,簡要 重複出現的作者,其生平事蹟 按

九、本書用繁體漢字豎排,小注一律排爲單行。

凡 例

# 《儒藏》精華編第一九七册

### 部 儒學類

禮教之屬

勸學篇〔清〕張之洞	曾文正公家訓〔清〕曾國藩	弟子規〔清〕李毓秀	增訂發蒙三字經〔清〕許印方	童蒙須知〔南宋〕朱熹	小學集註〔南宋〕朱熹 劉清之 〔明〕陳選	童蒙訓〔宋〕吕本中	吕氏鄉約[北宋] 吕大鈞 (存目,見《藍田吕氏遺著輯校》)	家範〔北宋〕司馬光	顔氏家訓〔北朝〕顏之推	女誠〔東漢〕班昭	
-----------	--------------	-----------	---------------	------------	----------------------	-----------	-------------------------------	-----------	-------------	----------	--

### 女

誡

王雪華 校點

目		和叔妹第七	曲從第六	專心第五	婦行第四	敬慎第三	夫婦第二	卑弱第一	女誡 :::::::	校點説明	Ħ	
録	·	七 五	四	四	<u> </u>	11					録	
		-11.	E-TA	r=3							 	

## 校點説明

卒,和帝命班昭就東觀藏書閣 文志》,其中《天文志》由 是東漢名將。 家,長兄班固 好以詩賦著稱于世,父親班彪是儒學大師和史學 和官宦之家。 人。十四歲嫁同郡 二〇),一名姬,字惠班,扶風安陵(今陝西咸陽境) 《女誡》爲東漢班昭所撰。 是中國 班昭博學高才。 祖 父班 曹世 歷史上著名的史家,次兄班 稚曾任 权。 班 昭學生馬續協 廣平太守,姑祖母班婕 班昭出身于世代書香 續成,補寫八表和《天 班固撰《漢書》未竟而 班昭(約四十九—一 助完成。 超

誄、問、注、哀辭、書、論、上疏、遺令等十六篇,有《曹班昭也是有才華的文學家,她撰有賦、頌、銘、

馬

融從班昭受讀

漢書》問世後,因文義深奥,不易理解,和帝命學者

《女誡》、《文心雕龍》云:「斑姬女誡,足稱母師。」《後征賦》入《昭明文選》。班昭對後世影響深遠的還是疏》、《東征賦》、《大雀賦》、《針縷賦》、《蟬賦》等。《東大家集》,惜多亡佚,存世者爲《女誡》、《爲兄超求代

漢書•曹世叔妻傳》全文收録。

夫之歡心。 二志,要順從公婆,與夫家弟妹和睦相處,以得公婆丈 的 四者乃婦道之常,缺一不可。 紡織、力任勤苦、助夫祭祀、謹守德、言、容、功四德、此 爲婦之道、敬順之禮。 昭認爲,社會不但應讓男子知詩書,還應教導女子 柔順之禮獲得家庭生活的幸福,不辱宗族名聲。 兒以修身齊家之道,告誡她們明事 私家教本。 班昭有一子多女、《女誠》原本是班昭教導女兒 她以儒家經典爲據,教即將出嫁的 女子對人應執卑下之禮,躬親 女子還需專一於夫而 理, 隱忍克制, 班 女 以

世家争相傳抄,風行各地,甚至影響到兩千年的中使她們能夠適應夫家的生活,少受挫折,卻被京城使她們能夠適應夫家的生活,少受挫折,卻被京城

的 流意識 壓抑女性的思想自由。 倫理框 在家庭和社 順公婆、和 料未及的。 國女性觀,成爲女性自我束縛的枷鎖,當是作者始 詮釋已遠遠超出作者本意。 所利 架 不 睦叔妹 《女誡》所包含的端正操行、 用,當它被政治化之後,對 會中的 離 Ξ 從四 的 重要性的 思想,反映 德 的 《女誡》在流傳中,被封 認識。 範式。適 出班昭 但是《女誠 應男權社 勤 對 其蘊含思想 儉持家、孝 女性角 建主 會 》的 色

^

明代學者王相又將其與 到 捷録》, 語》、明成祖徐皇后的《内訓》、王相之母劉氏的《女範 統治者的 女誡》作爲最早的女性教育專篇,問世後即受 合編爲《女四 重 視,成 書 爲 ×° 歷 唐代女學士宋若莘的《女論 代 清末戊戌維 通 用 的 女子蒙 新 時 學 期 課 還 本。 列

五 文集,明清以降,有多種 (女誠》一卷],或指單行本。 書五 女誠》單行本今不傳、《 卷》就 收有《女誡》,清 注 釋本。 《女誡》收 隋書· 初毛氏汲古 宋張時舉 經籍志》『曹大家 入諸多叢 閣 編《 據此 小 書或 影 學

爲女子學堂的教材。

《說郛》本、明刻《緑窗女史》本、明刻《居家必備》本、 備》本,在版式和内容上完全相同。 唐李賢等注基本相 抄,其文字内容、注文與《後漢書・ 其中明《説郛》本、明刻《緑窗女史》本和明刻《居家必 明張居正《女誡直解》、明趙南星《味檗齋遺書》本、清 聽 雨堂叢刻》本、王相箋注《女四書》李光明莊刻本。 同。  $\wedge$ 女誠 的 常見 曹世叔妻傳》及 版 本 還 有

王本)詳加對校。 南宋紹興 、女誠》、《緑窗女史》本、王相箋注《女四 本次校點,以毛氏汲古閣影宋抄 重 刊 熙 寧 本《後 漢 書 × 簡 稱 紹 本爲底本, 書》本(簡 興 本 所 稱 以 録

校 人點者 王雪華

拜中散大夫。」子穀即成之字也。

聖恩横加, 猥赐

金

實非

鄙人庶

紫《漢官儀》曰「二千石金印紫綬」也。

人愚暗,受性不敏,蒙先君之餘寵,賴

鄙

母 師 之典 訓 母,傅母也。 師,女師也。《左傳》曰

「宋伯姬卒,待姆也。」《毛詩》曰:「言告師氏,言告言歸。」

年十 「臣有息女,願爲箕箒妾。」言執箕箒,主賤役,以 有四、執箕箒於曹氏、《前書》呂公謂高 事舅 祖 E 姑

增父母之羞,以益中外之累。 于今四十餘載矣。 戰戰兢兢,常懼黜 中,内 也。 辱, 夙 以 夜

疏 劬心,勤不告勞,而今而後,乃知兔耳。 頑,教導 無素,素、先也。 恒 恐子穀負 辱 吾性 清

成,壽之子也。 朝。《三輔決録》曰:「齊相子穀,頗隨時俗。」注云: 司 `徒掾察孝廉,爲長垣 長。 母爲太后師,徵 曹

女

誡

昭

班

懼失容它門,取恥宗族。吾今疾在沉滯,性

但傷諸女方當適人,而不

漸訓誨,不聞

婦

幾所望

也。

男能

自謀矣,吾不復以

爲

憂

也。

誡》七章,❶願諸女各寫一 汝身。去矣,其勖勉之! 命 無 常,念汝曹如 此,每 通,庶有補 去矣,猶言從今已往。 用 、惆悵。 間 益 作《女 裨 助

#### 卑 弱 第

之瓦。」毛萇注云:「瓦,紡塼也。」《箋》云:「卧之於地,卑之 而齋告焉。 古者女生三日,●卧之牀下,弄之瓦塼, 《詩·小雅》曰:「乃生女子,載寢之地 ,載弄

間」。紹興本作「閉」。

0 「女生」,紹興本、王本和《緑窗女史》本作「生女」。

卑弱, 勿憚夙 勤 垢,常若畏懼,是謂卑弱下人也。 常道 之,宗室牖下。 曰:「《采蘋》,大夫妻能循法度也。 患名 潔 猶難也。 有善莫名,不自名己之善也。 者苟失之,何名稱之可聞,黜辱之可遠哉 IE 潔築豐盛 ,供祭祀矣。」「于以采蘋 也 齊酒 色端 于以盛之,惟筐及筥。 紡塼 ,禮法之典教矣。 稱 主下人也。 齋告先君,明當主繼 食,以 之不 操,以 夜,作,起也。 ,習其所 所 也 作必成,手 誰其尸之? 聞 是 有事 供 事夫主,清 點 謂 祖宗,潔清 於紡績也。」 弄之瓦 繼 辱 執 之在 祭祀 于以相之,惟錡及釜。于以奠 南澗之濱。 有齋季女。」三者蓋女人之 迹 務 謙 整 私 静自 塼,明其習勞, 讓恭敬,先人後己, 有惡莫辭,忍辱含 也。 身,未之見也。 理,是 事,不 也, 能循法度,則 祭祀也。《毛詩傳》 卧之牀 守,無 謂食也。《左傳》曰 于以采藻,于彼 三者苟備 晚寢早作, 謂 辭 下, 執 劇易,劇 好 可以 勤 戲 主 明 承先 笑, 也。 執 其 = 而 行

### 夫婦第一

存也。 不重 二姓之好,上以事宗廟,而下以 之弘義,人倫之大節 傳,殊不知夫主之不可不事,禮義之不可不 夫,則義理 際、《詩》著《關雎》之義。 미 事,其用一 無以事夫。 (詩・關雎》,樂得賢女,以配 不御,威儀之不可不整,故訓 也。 夫婦之道,參配 但教男而不教女,不亦蔽於彼此之數 夫不賢, 也。 墮闕。 夫不御婦,則 察今之君子,徒 墮音許規反。 則 陰 也 無 君子也。 陽, 以 《禮記》 繼後世也,故君子重之。」 是 威 御 通 心以《禮 儀 墮,廢 達神 婦 由 Ĭ 廢缺; 其男,檢 斯言之,不可 知 也。 婦 一》貴 明, 「昬禮者,將合 妻 不賢, 婦不 方斯二 信 婦 男女之 之不 天 以 地 則 書

<sup>■「</sup>於紡績」,紹興本無此三字。

乎 矣。《禮記》曰 ^ 禮 "「八歲人小學。」獨不可依 八歲 始教之書,十 五 丽 至於 此 以 爲 學

#### 敬 慎 第 =

則哉!

者也。 猶恐其 故 既生,語言過矣。 者 持久之謂也。 諺 以 恣既作,則侮夫之心生矣。 此由 好,終身不 ,知止足也。 日敬順之道,婦人之大禮也。● 柔 有云:「生男如狼,猶恐其尪,生女如 爲 陰 陽 虎。」然則修身莫若敬,避 用,男以彊 夫事有曲直,言有是非。 殊 離。 性 夫順非它,寬裕之謂也。 寬裕者,尚恭下也。 房室周 男女異 語言既 爲 貴,女以弱 行。 旋,遂生 過,縱 陽 以 恣必 爲美。 直者不 於不知 媟 夫敬非它, **彊莫若順** 剛 黷。 爲 夫婦之 作。 持久 德 故鄙 能 止 媟 鼠 不 足 黷 縱 陰

> 事矣。 争,曲者不能不訟。 存? 者,義以 譴呵從之,忿怒不止,楚撻從之。 譴 此由於不尚恭下者也。● 阳 和親,恩以 既 宣 ,何恩之有? 好合,楚撻既行,●何義之 訟争既施,則有忿怒之 恩義俱廢,夫 侮夫不節, 夫爲夫婦

#### 行 第 四

婦

離矣。

明絶異也,婦言,不必辯 容,四曰婦功。《禮記》文也。 女有四行,一曰婦德,二曰 口利辭也,婦容,不 夫云婦德,不必才 婦言,三日

- 0 作「爲婦之大禮也 婦 人之大禮也」、《緑窗女史》本作「婦之大禮也」、王本
- 「者」,原脱,今據紹興本、王本和《緑窗女史》本改
- 「既」、《緑窗女史》本作「之」。

四

乎哉? 不厭 是謂 清闲 也。 必 爲之甚易,唯在存心耳。 此四者,女人之大德,而不可乏之者也。 不好戲笑,潔齊酒食,以奉賓客,是謂婦功。 沐浴以時,身不垢辱,是謂婦容。 颜 此之謂也 **『婦德。** 於人,是謂婦言。 貞静,守節整齊,行己有恥,動静有法, 色美 我欲仁,而 麗也; 擇辭而説,不道惡語,時然後言, 婦功,不必功巧過 仁斯至矣。」《論語》孔子之言 盥浣塵穢 古人有言:「仁遠 服 專心紡 飾 人也。 鮮 績 潔, 然

#### 專 心 第 五

也。」婦 「夫者,妻之天也。婦人不二斬者,猶曰不二天也。」 天固 何以脊? 無二適之文,故曰夫者天也。《儀禮》曰: 禮》,夫有再娶之義、《儀禮》曰:「父在爲母 至尊在,不敢伸也。 父必三年 而 後 娶,達子志

> 也。 色矣。 潔,耳 貌也。説所不當道,觀所不當視,此謂不能 飾,無聚會群輩,無看視門户,此則謂專心正 意一人,是謂永畢,失意一人,是謂永訖。」 心正色矣。 非謂佞媚苟親也,固莫若專心正色。 之,禮義有愆,夫則薄之。 由斯言之, 夫不可不求其心。 不可逃, 夫故不可離 人則亂髮壞形,出則窈窕作態,窈窕,妖冶之 無塗聽,目無邪視,出無冶容,人無 若夫動 静 輕脱 也。 ,視聽: 行違 故《女憲》曰:「得 陜 然所求者,亦 輸 神 祇、天 ,陝輸,不定貌 禮義 則 專 廢 罰 居

#### 曲 從 第 六

夫「得意一人,是謂永畢, 失意一人,是

0 「功巧」,紹興本作「工巧」,王本作「技巧」。

義自 非 於曲 自 貴 謂 不 然也 ·,争分曲直。 「婦如影響 當可 永訖 破 從 破者也。 者 矣。 也。 」,欲人定志專心之言也。 失 姑云爾 哉 姑云不 夫 ? 然則舅姑之心柰何? 雖 而 1,焉不可賞 此則 物有 非 云 爾 一愛,舅姑云非,此 所謂曲 猶 以 而 宜 恩自 是,固宜從令; 順 一」影響,言順從也。 一從矣。 命 離者 勿得 亦 舅姑之心, 故《女憲 違 固 所 有 不爾猶 戾 |莫尚 謂 以 是 義 以

## 和叔妹第七

親 也 子貴於能改,仲尼嘉其不貳 我 舅姑之愛己 其蔽· 臧 皆莫知叔妹之不可失,而 否譽毁,一由叔妹,叔妹之心,復不可失 婦 人之得意於夫主,由舅姑之愛己也, 也哉! ,由叔妹之譽己也。 自非聖人,鮮能 《論語》孔子曰 不 能 無 由此言之, 過 和之以求 故 顔 顏

> 是以美隱 既 則託 其臭 《易》曰 瑕過 能依 謂氣爲臭也。 和則 賢女之行,聰哲之性,其 回不貳過。《易》曰: 親 心,則其利可以断之。二人既同心,其芳馨如蘭也。 嘗不知,知之未嘗復行也。」 邑鄰,休光延於父母。 施 隱塞,舅姑矜善,而夫主 名而 義以 若淑媛謙 如 謗掩,外内 何和之有 蘭。」此之謂 : 二人同 篤 自 而過宣 夫嫂妹者, 好,崇恩以結援,使徽 高 於妹 順之人,淑,善也。 離則 「顔氏之子,其殆庶幾乎! 1 一,姑忿 心 也。 恩 則 惡揚。 圃 其 義 體 若夫意愚之人,於嫂 因 面 況 能 利 金,物之堅者。 既 敵 夫 寵 婦 備 斷 此必 而 愠 乖 以 乎 嘉美,聲譽曜 金。 人 尊, 毁 驕 美女日 者 ! 何 盈。 然之勢也 美顯 也 同心之言 皆布 譽之 恩 是故 媛 若二人同 疏 有 也 章 古人通 不 於 臻 而 驕 雖 善未 盈 于 義 則 而

「因」,原作「固」,今據紹興本、王本和《緑窗女史》本改。

射。」其斯之謂也。

村, 恥辱集于厥身, 進增父母之羞, 退益君子外, 恥辱集于厥身, 進增父母之羞, 退益君子, 外, 恥辱集于厥身, 進增父母之羞, 退益君子, 小、 即求叔妹之心, 固莫尚於謙順矣。謙則德之則求叔妹之心, 固莫尚於謙順矣。謙則德之則求叔妹之心, 固莫尚於謙順矣。謙則德之別求叔妹之心, 固莫尚於謙順矣。谦則德之別求叔妹之心, 固莫尚於謙順矣。 洪則德之別求叔妹之心, 固莫尚於謙順矣。 洪則德之

女誠終

## 顏氏家訓

[北齊] 药

温紫藍國

校 撰點

三六
三六
三六
四五
養生 歸心四八
五一
<b>T</b>
五三
五四
六〇
七六
七九
養

書證第十七	歸心第十	名實第十	文章第九	勉學第八	風操第六	<b>以證一卷</b>	終制第二十	
	六 … …					\$00 000 000 000 000 000 000 000 000 000	0 0 0 0 0 0 0 0 0 0 0 0 0 0 0 0 0 0 0	
: 八七	: 八七	:八七	:八六	: 八五	:八五	:八五	:八三	

## 明

世。 文書。 氏。 之推生前有文集三十卷,撰《家訓》二十篇,並行於 皇中,太子召爲學士,頗受禮遇, 黄門侍郎。 工尺牘,應對閒明,大爲祖 家業,不好虚談,博覽群 於文字,監校繕寫,處 家學甚厚,世代善治《周官》與《左傳》。 事蹟載《北齊書·文苑列傳》。 其父顔勰、爲梁湘東王蕭繹鎮西府諮議參軍。 顏之推(五三一一約 尋遷 齊亡入周,大象末年爲 通直散騎常侍,俄領中書舍人」,因「兼善 事勤 書、一聰穎 五九五),字介,琅邪臨沂人 珽所重,令掌知館事,判署 敏,號 不久以疾病終。 爲 機悟,博識有才辯, 御史上士。 稱職」,後遇 顏之推早傳 隋開 遷 顔 爲

在作者看來,關於家庭教育的 上、下卷二十篇,是我國傳統社會第 顔 氏家訓》七卷分列二十篇,有書家亦將其分爲 目 的,在於學以成忠, 部家訓著作。 作,開啓後世「家訓」

類作品

的

先河。

顔

之推《家訓

校

點 説

明

精神和文化内核,而且 「家訓流傳者,莫善於北齊之顔氏 生體味。 已,居家則爲孝子,許國則爲忠臣。」《顔氏家訓》關 《易》者也。 家庭教育的 如清代學者陸奎勳《陸堂文集》三《訓家恒語序》說: 則兼濟天下」的人生境界,處世爲人,進退自如。 界,進入儒家人生哲學所宣揚的「窮則 出五 到「忠君」、「孝順」、「謙恭」、「禮讓」、「慎交」的道德境 章》)他認爲只 於《禮》者也。 教育的内容、强調學習儒家經典、謂。「夫文章者、 明達」、「開心明目」、「利於行爾」(《勉學》)。 家世之業」(《勉學》),强調通過教育使受教育者「多 教人誠孝」、「立身揚名」(《序致》)、「務先王之道、紹 經。 它是中國傳統社會家庭教育的奠基 韶命策檄,生於《書》者也。 豐富 歌詠賦頌,生於《詩》者也。 有學通儒家經典,做人才會「厚重」,達 書奏箴 論 述,不僅 融匯 銘,生於《春秋》者也。」(《文 着 飽 含着 深 刻 ,……是皆修 的 儒 序述論議,生於 家 生活真 獨善其身,達 祭祀哀誄, 倫 理 關於家 開 的 諦 德于 和 基 Ш 於 之 IE 原 庭 知

17

言言龜 備 殘 受後人推崇 卷十 鑒,凡爲人子弟者,可家置一 北 齊黄門 ,讚譽不絶。 古今家 顏之推 訓 《家 以 南宋陳 此 訓》二十 爲 祖。」王 振 册、奉爲明訓、不 孫《 篇,篇 直 一鉞《讀 齋 篇 書 藥 書 録 石, 叢 解

獨

顔氏。」

上詳 乎。」 説。《 學研究》二〇〇三年第四期),則 成 題 帝平陳 南 較長, 署 北 開 證》卷十四詳細考證《家 書年代應該在北齊。 一而 顏氏家訓 爲北 朝 細探討了《 皇九年平陳 關 朱明勳《顏 時 以 於其成 雖然最 期, 後, 齊黄門 隋 歷仕宦於梁、北 集解 書 家訓 終成 煬 年代, 之後。 侍 帝 氏 書 》的 郎 家 即 敘 在 成 歷 訓)成 顏之推撰」,所以 位 **松録**》認 王利 然 隋代, 來 書 之前 訓 而,近人余嘉錫《四 過 有些疑 器先生亦進 》成書年代,提出實作於 齊、北周、隋 書年代論析》(《社 爲: 程,認 但相 , 其 在余、王二人的 「此書蓋成 當六世 議。 爲此 當 多的 顔 後 書的 四 一紀之 步 之推 篇目 人 朝, 於 證 庫 認 寫 基礎 此 在 會科 末 隋 提 爲 生 作 成 此 要 其 於 文 時 期 書 λ 影

徐 後 書 堯 嘉 亭 和 録。 弨等發現 文句之下。 元 本、蜀本。 善本。」 知 少本 本 卷。 鯤 經 間 凝本,整理成淳 臣輯、唐晏刊《龍 見傳 補 盧文弨分章斯 刊刻,光緒年間 鮑 據宋沈揆記,五 重 廷 此本又在元代經 成 注,將原宋本獨立成 刻 博又收 本書目》稱: 明末錢遵王述古堂影 之後,傳抄 沈氏 乾隆五十四年(一七 而乾隆 在 入《知 閩 熙 脱之處,遂 句,段 溪精 間 屏 台州 本 代 刻 趙 山 不足齋 基 廉臺 時 印 曦 舍 潘氏滂喜 公庫 礎 玉 聶氏汗 E 不 明 叢書》又 卷 裁 上,多校谢 田 有 絶 據鮑氏刊本爲之作 的《考證》 叢 正 氏 本,共七卷,加《考 官傅 刻 公私 八九)書成 青簃刊本與近 書 誤定訛,嚴樹萼 重印、 1齋藏 廉 **\( \)** 據《知不足 和 臺 目 並 凝 田 氏 録 藏 據 世 蜀 本 氏本, 卷分置 也 述 間 袁 後, 本、 宋 古 家 多 訂 齋 盧 堂 有 有 人 清 五 訓 補 注 證 於 文 鄭 影 乾 代 闖 第 部 著

代 孝義家塾又以抱經堂本爲底本,由嚴式誨校注 流傳最廣、影響 最大的 《抱 經堂叢 書》本。 渭 南 重 新 氏

元

本詳

加

比

對

重

新刊

刻

增

重

校

īE

卷。

是

爲

清

有錯

誤

訛

取

舊刻

本和鮑

氏

所

刻

隋之前已完成。

子部 刊刻 目》、《直齋書録解 海 而 中華 七卷本系統在《家訓》流 書 晚清傅增湘曾據宋刊本《續家訓》校並跋, 據宋元書 局 曾 據抱 **斯題》、《** 目, 經堂本校勘,並收入《四 如《新唐書·藝文志》、《崇文書 (通志)著録《家訓》均爲七卷。 傳刊刻史上,除明代外,實 部 備 而上 要 .

占主流

重 萬 清 知 早的《家訓 本成爲《家訓》的 代均有《家訓》兩 已 七)程伯祥與羅 辭 兩 曆三 康熙 績 刻 》,所引有「《顔氏家 卷本。並力言其失。 經 溪 出 明 五十八年(一七一九)高安朱氏又據 年(一五七五)顔氏 程 現 代流行的《家訓》多是兩 而 明 伯 沈揆刊刻淳 IE 祥 兩 德十三年(一 卷本爲成 刊,下卷 春共同刊刻,上卷 卷本 主要流 ·流傳於世。 訓》卷下」字 元代盧以緯作《重 熙台州公庫本時, 爲建 傳 化年間( 形式。 後 五 寧 裔 悉本。 一八)顔 府 顔 卷 目 嗣 通 但 眼。 題 四 前 判 到 慎 署 六 所 兩 據 廬 了 可 氏 爲 能 訂 É 卷本在宋代 五 此 陵 明代,兩 見 後 冠解 見到 顔 建 見 本 羅 宋 裔 嗣 寧 到 重 春 府 坊間 四 的 助 顔 慎 元 刊 刊 最 卷 如 本 同 1 兩 語

校定。 譜》、民國二十四年(一九三五)陝 代嘉慶二十二年(一八一 曆 瓌,以宋董正功《續家訓》本、于都太仆玄敬宋刻抄本 及其家藏宋本相互 關中叢書》第三集中《家訓》均據頗志邦本參以沈本 間 顏志邦又以 而明代程榮《漢魏 顔 校 如 壞本爲底本參校他本重 訂 而 叢書》本亦 七)顔 刻 成之本,亦 西 氏 通 家 出 志館 刻 自 爲 本《 顔 印活字本 志邦本。 顔 刻, 氏 清 通 萬

抱 影 了王利器校注本的成果。 經堂 元抄本爲底本,校以《漢 此次整理,以鮑氏《知不足 校補 本(簡 稱「抱經 堂本」)。 魏 叢 書》本(簡 齋叢書》本刻 校點 過 稱 程中參考 程 述 本二、 古堂

校點者 張艷國 温樂平

另有嘉靖傅太平本,

據卷

首

張壁

序

知

出中秘

藏

本,

四

部載刊》即據傅本刊本

影

印。

## 顔氏家訓序

弘奥。 移。 海深。 曰:「凡字以詮義,字猶未識,義安能見? **熭、歲。**絜、藥。 懷?」余輒請主人紙筆,便録掔、烏焕反。捋、宣 右,鏡賢燭愚,出《世説》之左。唯較量佛事 抑是王言蓋代,其中破疑遺惑,在《廣雅》之 範千葉,號曰《顔氏家訓》。 云小小,頗亦怱怱。」 衆乃謝余,令爲解 篇,窮理盡性也。 北 衆或難余,曰:「小小者耳,何是爲 常雌黄 齊黄門侍郎顔之推,學優才膽,山 等九字以示之,方始驚駭。 獡、鑠。 朝廷、品藻人物、爲書七卷、式 余曾於客舍,論公製作 **嫕、於計反。** 雖非子史同波, **废**、剡。 廖、 識 余 一高 旋

定矣,實愧孫炎之侣,行即行焉云爾。序中「王余遂作音義以曉之,豈慙《法言》之論,定即

言」義未詳。

朝奉郎權知台州軍州事沈	朝請郎通判軍州事管	承議郎添差通判軍州事樓	迪功郎州學教授史	承直郎軍事判官崔	從事郎軍事推官王	從事郎特添差軍事推官錢	迪功郎司户參軍趙	鄉貢進士州學正林
揆	鈗	鑰	昌祖	暠	柟	慶祖	善惠	憲
			同校				監刊	同校

## 顔氏家訓卷第一

之暴謔,則師友之誡不如傅婢之指揮,

止凡

吾

人之鬭鬩,則堯舜之道不如寡妻之誨諭

望此書爲汝曹之所信,猶賢於傅婢寡妻介。

北齊黃門侍郎顏之推撰

致 教子 兄弟 後娶 治家

序

序致第一

世也。 信,信其所親, 吾今一本無「今」字。所以復爲此者,非敢軌物範 事 揚名,亦已備矣。 複 ,遞相模數,猶屋下架屋,牀 夫聖賢之書,教人誠孝,慎言檢迹,立身 業以整齊門内,提撕子孫。 同 命而行,行其所服。 魏晉已來,所著諸子,理重 上施 夫同言 禁童子 、牀介。 而

> 自然,卒難洗盪。二十一本作「三十」。 大過稀焉; 言,不備邊幅。❷ 傳》,微愛屬文,頗爲凡人之所陶染,肆欲 苦辛備至,有仁無威,導示不切。 定色、鏘鏘翼翼、若朝嚴君焉。 丁荼蓼,家塗離散,●百口索然。 所好尚, 誨誘,每從兩兄,曉夕温 吾家風教,素爲整密。 勵短引長,莫不懇篤。 每常心共口敵,性與情競,夜覺曉 年十八九,少知 凊,規行 昔在龆龀,便蒙 賜以優言, 年始九歲 砥 矩步,安辭 慈兄鞠養, 雖 礪,習若 已後,❸ 讀《 禮 輕 便 問

「塗」,程本作「徒」。

「備」,抱經堂本作「脩」。

「二十」,抱經堂本作「三十」。

車一本作「鮑」。介。●車一本作「鮑」。介物の「地」字。故留此二十篇,以爲汝曹後昔之指,銘肌鏤骨,非徒古書之誠,經目過非,今悔昨失,自憐無教,以至於斯。追思平非,今悔昨失,自憐無教,以至於斯。追思平

## 教子第二

也。」一本作「该提」。師保固明仁孝禮義,❷一本作「協」。聽,音聲滋味,以禮節之。書之玉版,藏「質」。聽,音聲滋味,以禮節之。書之玉版,藏子三月,出居别宮,目不邪視,耳不妄一本作人,不教不知也。古者,聖王有胎教之法:懷上智不教而成,下愚雖教無益,中庸之上智不教而成,下愚雖教無益,中庸之

若天性,習慣如自然」是也。 威,一本云「而無改悔」。 作「嗤」。 其所慾,宜誠一本作「訓」。 世間,無教 初來,教兒嬰孩。」誠哉斯語 「増怨懊」。 慢已習,方復 至有 逮于成長,終爲敗德。 而有愛,每不能然。 識 一本作「乃」。 知,謂 忿怒日隆 法 當當 翻獎, 制之,捶撻 介。 俗 應訶反笑,一本 而增怨,一本 :諺曰: 飲食運爲,恣 孔子云「少成 驕 一本作「憍」。 至 死 教 而 婦 無

乎? 哉? 介。 但重於訶怒,傷其顔色,不忍楚撻,慘其 凡人不能教子女者,亦非欲陷其罪惡 當以疾病爲論,安得不用湯藥鍼 又宜 誠不得已也。 思 勤 督 訓 者, 可 願苛 虐於骨 艾救之 肌 肉 膚

「車」,程本作「範」。

❸ 「及」,程本作「撫」。 ❷ 「仁孝」,程本作「仁智」,抱經堂本作「孝仁」。

母

`威嚴而有慈,則子女畏慎而生孝矣。

吾見

則爲,使止則止。

比及數歲,可省笞罰。

父

嬰稚,●識人顏色,知人喜怒,便

「孝禮仁義」。

導習之矣。

凡庶縱

不能介,當及

加教誨,使爲

語 是, 偏於行路, 終年譽之, 捶 城 飾,冀其自改。 士,聰敏有才,爲父所寵,失於教義。 不擇,爲周逖抽 捷之,故能 時,爲三千 王大司馬母魏 成其勳業。 人 年登婚宦、暴慢日滋、竟以言 將,年 腸 夫人,性 釁鼓云。 . 踰 四 梁元帝時 一行之非,揜藏 +, 甚 嚴正。 少 不 ,有一學 如 一言之 王在 意 文 猶 湓

簡。 可 蓋 聞 以上,父子異宫,此不狎之道也。 有衺僻之譏、《易》有備物之象:皆非父子之 懸衾篋枕,此不簡之教也。或問曰:「陳亢喜 《禮》有嫌疑之誡、《書》有悖亂之事、《春秋》 通言 |君子之不親教其子也。 君子之遠其子,何謂 簡則慈孝不接,狎則怠慢生焉。 父子之嚴,不可以狎,骨肉之愛,不 ,故不親授介。」其意見《白虎通 也?」對曰:「有是 《詩》有 抑搔 諷 刺之詞 由 (癢痛, 可以 命 也 +

坐此

幽薨。

齊武成帝子瑯琊王,太子母弟也,生而

準。 軍士 驕恣 等。太后猶謂不足,常以 後嫌宰相 分齊,率皆如此。 殿, 見典御進新 及太子即位,王居别宫,禮數優僭,不與諸王 聰慧,帝及后並篤愛之,衣服 遂大怒,詢曰:「至尊已有 防守殿門。 帝每 無 節, 面 ,遂矯詔斬之,又懼有救 器 稱之曰:「此 服 冰、鈎 既無反心,受勞而 識者多有叔段、州吁之譏 玩 好, 盾獻早李,還索不得 必 點 ,我何意無?」不知 爲言。 擬 兒 飲食, 乘 也 當 輿。 年十許歲 乃勒 與 有 罷,後 常 東 所 麾下 宫 成。 南 相

之死,母實爲之。趙王之戮,父實使之。劉有偏寵者,雖欲以厚之,更所以禍之。共叔多矣。賢俊者自可賞愛,頑魯者亦當矜憐,人之愛子,罕亦能均。自古及今,此弊

■「常」,抱經堂本作「嘗」。

表之傾宗覆族,袁紹之地裂兵亡,可謂 靈 龜

明鑒 也

也! 願汝曹爲之。 琶,稍欲通解,以此伏事公卿,無不寵愛,亦 要事也。」吾時 兒,年已十七,頗曉書疏,教其鮮卑語 齊 若由一本作 朝 有一 俛 士大夫, 嘗謂 一用 而 不答。 此業, 異哉,此人之教子 吾日 自致卿 : 相,亦不 我 及彈 有 琵

兄 弟 第  $\equiv$ 

焉,故於人倫爲重者也,不可不篤。兄弟者, 而 子,●有父子而後 已矣。❷ 夫有人民而後有夫婦,有夫婦而後有父 自兹以往,至于九族,皆本於三親 有兄 弟。 一家之親,盡 此

即,風

雨之不防,壁陷

楹淪,無

可救矣。

僕妾之

之,一隟則塗之,則無頹毀之慮,

如雀

鼠之不

塞

矣。 底而圓蓋,必不合矣。 遊則共方,雖有悖亂之行,每不能不相愛也。 行,●不能 及其壯也,各妻其妻,各子其子,雖有篤厚之 今使疏薄之人,而節 不少衰也。 娣姒之比 惟友悌深至,不爲傍 量親 厚之恩,猶方 兄弟,則 疏 薄

與響, 人之所移者免夫! 則易怨,地親則易弭。● 譬猶居室,一穴則 念哉? 兄弟之際,異一本作「易」字。 愛先人之遺體,惜己身之分氣,非兄弟何 |親既殁,兄弟相顧,當如形之與影,聲之 於他人,望

子」,原誤作「母」,今據程本、 抱經堂 本改

盡」,程本、抱經堂本無

0

行」、程本、抱經堂本作「人」。

地」程本作「他 行」、程本、抱經堂本作「人」。

前襟後裾,食則同案,

衣則傳服

學

則連業,

分形連氣之人也

,方其幼

也,父母左提

右挈,

24

爲雀鼠,妻子之爲風雨,甚哉

失恩於弟者,何其能疏而不能親也! 大恩於弟者,何其能疏而不能親也! 本能少也! 人或將數萬之師,得其死力,而 本能少也! 人或將數萬之師,得其死力,而 本能少也! 人或將數萬之師,得其死力,而 本能少也! 人或將數萬之師,得其死力,而 大國於兄者,何其能多而 大國於兄者,何其能多而 大國於兄者,何其能多而

也。 撫 重責而 若各歸 鮮矣。所以然者,以其當公務而執私情,處 ,則此患不生矣。 況以行路之人,處多争之地,能無閒 娣姒者,多争之地也,使骨肉居之,亦不 懷薄 四 海,感霜露 義 也。 若能恕己而行,换子 而 相 思,佇日月之相 而 者 望

方應。● 瓛怪問之,乃云:●「向來未著衣帽嘗與兄瓛連棟隔壁,瓛呼之數聲不應,良久及愛子乎?● 是反照而不明也。沛國劉璡,人之事兄,不可同於事父,何怨愛弟不

故也。」⑤以此事兄,可以免矣。

各求代死,終不得解,遂并命介。 宮紹以形體魁梧,爲兵所圍,二弟争共抱持, 嘗,孜孜色貌,相見如不足者。及西臺陷没, 嘗,孜孜色貌,相見如不足者。及西臺陷没, 以不先

## 後娶第四

御孝子,合得終於天性,而後妻閒之,伯奇遂吉甫,賢父也。伯奇,孝子也。以賢父

0

0

<sup>「</sup>愛」,原誤作「笑」,今據程本、抱經堂本改。

<sup>「</sup>應」,程本、抱經堂本作「答」。「怨」,程本、抱經堂本作「爲」。

<sup>「</sup>云」,抱經堂本作「曰」。

<sup>「</sup>著」,程本作「着」。

<sup>「</sup>玄」,原避諱爲「元」,今據程本、抱經堂本改,下文同。

爲誠。 放。 斷 參,子不如 不及伯 腸者,何 曾參婦 其後,假 奇。」王 可 華、元。」並 死 ,勝數。 駿喪妻,亦 調 繼慘虐 其子曰: 慎之哉 終身不娶。 孤 謂 遺 ! 人曰: 「吾不 離閒 慎之哉! 及吉甫、汝 骨肉、傷 「我不及 此等足 心 以 曾

後,辭 宦,至 月 弟黜 稀鬭 義 姧 長 以 家 後母之弟,與 诗曉 安有孝子乎? 事 短 必 以 鬩 兄 須 江 訟 佞妾,以一言 於士庶 勺 之 疥癬 左不 爲 重 移 求 盈 傭, 恥 娶, 之,婢 直己者,往 公門, 謗辱 蚊 0 諱 貴 播 前 至 寅 河 庶 揚 賤之隔,俗以爲常。 婦之兄,衣 於 北 或或 僕 孽 先 此 Ξ 陷人 求 鄙 ,喪室之後,多以妾媵 不可不畏 人之辭 不能免, 限以大分,故 往 彰道 四 容 於側出, 一, 母 而 者衆矣。 助 有。 路,子 服 年 相 迹,暴露祖 飲 有 不 説 悲夫! 誣 食,爰及 少 預人流,是 引, 況 於子 母 身没之 夫 積 爲 年累 婦 考之 自 妾, 者。 之 古 婚 終 禍

親虐, 不爲 之, 敢與 沈惑之僻,亦 虐 也。 前 前妻之子,每居己 我 防焉,故虐之。 妻之子。 凡庸之性,後 則 子争家,提攜 兄弟 事 爲 非 勢 唯 讎。 使 夫多寵前 婦 異 之然 鞠 人 家 姓 生之上, 宦學 養, 懷 有 寵 也。 嫉 則 此 積 夫之孤 炉 者, 習 父 前 之情 母 生 夫 皆 被 婚 之孤 愛,故 一丈夫 門 後 怨; 嫁,莫 户 妻 之 寵 有 不 必

王亦悽 此 母,●感慕 基、諶、皆已成 亦 悔 思 馆,不 事 魯等從 也。 嗚 咽,不 知 立 舅 所容,旬月求退,便以禮 殷 而 能 外 再 臣 自 娶 持,家 王 博 氏 達之士 人 莫 基 每 也 忍 拜 仰 見後 有 造, 視

「基」下,抱經堂本有「諶」字。「不」,程本、抱經堂本作「未」。

當,0 好學篤 後 漢 書 行, 日 喪母,以 安 帝 至 孝 時, 聞。 汝 南 及 薛 父 娶 包 後 孟

被毆杖。 妻而憎包,分出之。 不得已,廬於舍外,旦入 包日 夜 號 泣,不能 而 洒 去, 掃

父怒,又逐之,乃廬 於里門,昏晨 不 廢。 積 歲

施

既 餘,父母慙而還之。 而弟子求分財異居,包不能止,乃中分其 後行六年服,喪過乎哀

財 能 使 奴婢取其老者,❷曰:『與我共事久,若不 也。」田 廬 取其荒頓 者,頓,猶 廢 也。 日

·吾少時所理,意所戀也。」器物 我素所服 食,身口所安也。』弟子數破其 取其朽敗者,

國焉

中。 産, 還復 包 性 賑 恬 給。 虚 稱 建 疾 光 不 中 起,以 公車特徵,至 死 自乞。 拜 有 詔 侍

賜告歸

也。

治 家 第 Ŧi.

則弟 逆,兄友而弟傲,夫義 於後 夫 不恭,夫不 者 風化者,自上而行於下者也, 也。 是以 義 父 則 不 婦 而 慈則子不 不 婦 順 陵, 矣。 則 天之凶 ·孝,兄 父慈 自先 而 不 子 友 而

中,則 笞怒廢於家,則豎子之過 民 無 所 措 手足。 治家 之寬 立 見 ; 猛 刑 亦 罰 猶 不

乃刑戮之所攝,非訓導之所移也

也 且 一,寧固。」又 孔 子曰 : 云 奢則不孫,儉則 也 「如有周公之才之美,使 已。」然則可儉而不可吝 固 ; 與 其 不 孫

- 0 包」下,程本有「字」字。
- 0 取」、程本、抱經堂本作「引」。

之謂 也 也。 儉者,省約 今有施則 爲禮 奢 之謂 0 也; 儉則吝; 吝者, 如 窮 能 急 施 不 而 卹

奢,儉而

不吝

可

矣

足,但 物也 生。 節 蔬 用,以贍衣 果之蓄,園場之所産; 爰及 生民 家 至 無 棟 能 之本, 鹽 宇 守 食 井介。 器械, 其 要當 業 江南奢侈,多不逮 者, 今北土風俗 樵 稼 蘇 閉 雞豚 穯 脂 門 而 燭 之善, 食, 而 爲 莫 桑 L',率能 生 非 焉 塒 麻 之 種 圈 以 具 |之所 躬 殖 衣。 以 之 儉 粥 朝

僮 嚴 僕 刻 減 世閒 妻妾遂共貨刺客,伺醉 孝元 損 名士,但務寬仁。 施 世, 惠 有中 然 諾,妻子節 書 舍人,治家失度 至於飲 而 量 殺之。 狎 食 侮 賓 饟 而 客 饋 调

擒之。 絶 糧 遺 房徐 吏部 婢 糴 日 侍郎 米 舉 因 房文烈,未嘗嗔 阚 家 逃 無 竄 食 汝  $\equiv$ 何 四 一怒,經 許 處 日 來 ? 方 霖 竟 復 雨

侵耗

鄉

黨

此

亦

爲家之巨蠹

矣。

僕徹屋爲薪略盡,●聞之顰蹙,卒無一言。無捶撻之意。●一本無「之意」兩字。嘗寄人宅,奴

恨 至 其 率 收養之。 可 '勝言。 遇, ,僅得 家 夕每 其 後 領軍,貪積 單 女婿 産 裴子 有 率,一 人一本無「每 偏馬, 麻 客 野 謁 南 家 鞋 旅 之,乃 陽 有 素 舉 已甚,家童 躬 清 疎 有人爲 便 盡之。 屋, 自同之,常 親 貧 無 設一 人」兩字。 故 弊 以 時 屬 生 兼。 衣 銅 主 逢 飢 奥博 數 甌 八百, 人 水旱, 6 肴膳 寒 庫, 愕 酒 無 後 不 然 厭 數 性 其 坐 能 誓滿千人。 二石 色。 以十五 臠 殊 餘 事 俛 自 麞 儉 伏 濟者 仰 財 米 鄴 肉 吝, 寶, 法, 命 爲 錢 下 壻 冬 不 有 爲 薄 皆 0

●「施則奢」,原作「奢則施」,今據抱經堂本乙正

2 「之意」,程本、抱經堂本無。

「僕」,程本、抱經堂本作「婢」。

「便」,程本作「更」。

嘗 如 此 本作 者再; 「常」字。 退 而 貧 責 其女曰 及其 死 . 後, 某郎 諸 子 好 争 酒 財, 故 兄 汝

遂 殺

智 無 不 可 牝 識 雞晨 婦主 使 達 預 古 鳴 中饋,唯 政 今, 以 家 Œ 致 不 當 禍 事 미 輔 也 酒食、 使 佐 幹 君 蠱 子 衣服之禮 助其 如 有 不 聰 介。 足, 明 國 必 才

子,不 逢 鄴 數 素 爲 内 而 政,綺 E, 夫 年 迎,車乘 下 閒 訴 風 江 免 事 東婦 唱 俗, 未 屈 飢 羅 外 和 相 寒。 填 專以 飾 金翠,不可 之禮,或爾 識 女、略無交遊 此 街 者, 車 乃 河北 衢,綺 姑 乘 恒、 唯 持門户 衣服,必貴齊整; 人事,一本作「士」字。 以 代之遺 於汝之。 廢 羅 信 盈 闕 一,其婚! 命贈 9 府寺,代 争訟 風 羸 遺 乎? 姻之家,或十 馬 曲 致殷 顇 子求官, 奴 直 家 南 公勤焉。 造 閒 僅 多 人 請 由 妻 貧 充

至

河 北 婦 織 絍 組 紃之事, 黼 錦 羅

> 綺 之工,大優 於 江 東 也

將去; 之。 吾有疏 舉女,賊行骨 天生蒸民,先人遺體,其如之何? 然則 之常弊,可不 則兄弟之怨 盗 有 不過五女之門。」女之爲累,亦 諺 女之行留,皆得 太公曰 婦人之性,率 體有 母隨號泣,莫敢救之,使人不忍聞 親 云: 家 不 : 落 生 誡 饒 「養 安, 肉, 焉 哉 索 妓 窺 豈 ÷ 女太多,一 媵, 加 龍子壻 虐 當 窻 姑 罪 誕 婦 倚 如 於 餐。」此其 育將 户 此 其 則 而 ,若生女者, 而 家 費 姊 虐 及,便 望 者,母 也 妹 兒 福 以 相 婦 之 遣 於 世人多不 報 深 陳 讒 實 閣 天 也。 矣。 蕃 爲 寵 行 也 輒 豎 平 之。 焉。 壻 持 然 家

婚 姻 素 對, 靖 侯 成 規。 近世 嫁 娶, 遂 有

姑」,原作「婦」,今據 便」,程本作「使」。 程本改

九

擅室,貪榮求利,反招羞恥,可不慎歟!責多還少,市井無異。或猥壻在門,或傲婦賣女納財,買婦輸絹,比量父祖,計較錙銖,

五經詞義,及賢達姓名,不敢穢用也。 借人典籍,皆須愛護。先有缺壞,就爲 一本作「蟲」。鼠之所毀傷,●實爲累德。吾 同,故無損敗,人不厭其求假焉。或有狼籍 起,故無損敗,人不厭其求假焉。或有狼籍 起,故無損敗,人不厭其求假焉。或有狼籍 起,故無損敗,人不厭其求假焉。或有狼籍 一案,分散部秩,多爲童幼婢妾之所點汙,風 一次,本作「蟲」。鼠之所毀傷,●實爲累德。吾 不經詞義,及賢達姓名,不敢穢用也。濟陽江禄, 然後得

無祈焉。並汝曹所見也,勿妖妄之費。● 吾家巫覡禱請,絶於言議,符書章醮,亦

顏氏家訓卷第一

● 「勿」下,抱經堂本有「爲」字。

\_ O

# 顏氏家訓卷第二

#### 風 操 慕賢

#### 風 操 第 六

唯諾 視 長短,然其 士大夫「風 者、學達君子、自爲節度、相承行之、故世 既殘缺,非復全書,其有所不載,及世事變 而 執燭 見之,耳能 吾觀《禮經》,聖人之教:箕箒匕箸,咳唾 操」。 阡 沃 陌 盤 聽 亦 ,皆有節文,●亦爲至矣。 而家門頗有 而聞 自 可 之。 知。 蓬 昔 不 生 在 同,所見 麻中,不 江 南 目 互 改 稱 號 但 能

故 聊 記 以 傳示子孫。❷

翰墨。

汝曹生於戎馬之閒,

視聽之所不

庶,競修箋書,朝夕輻輳,几案 風。孝元經牧江州,遺往建昌督事,郡 又臧 「嚴寒」者,必對之流涕, 梁世謝舉,甚 知聞名,●須有消息,不必期於顛沛 又"「臨文不諱,廟中不諱,君所無私諱。」益 弟,酷類先人, 其情介。 觸 ,惻愴心眼。若在從容平常之地,幸 《禮》云:「見似目瞿,聞名心瞿。」有 逢世, 面 臧嚴之子也, 篤學修行, 不 必不可避,亦當忍之,猶如伯 有聲譽,聞 可得終身腸斷,與 諱必哭,爲 不 省取記, 盈 積 之 而走 世 多廢公 書 絶 所 ·墜門 縣民 有 須 所 耶 叔 也。 譏 稱 兄 申 感 ?

- 0 「文」,程本作「度」。
- 記」下,程本、抱經堂本有「録」字。
- 益」,原作「蓋」,今據抱經堂本改。

事,物情怨駭,竟以不辦而還。此並過事也。

結周厚,沈與其書,名而不姓,此非人情也。近在揚都,有一士人諱審,而與沈氏交

呼紛 之目。 樹 銷 也。 公名白 錬 便似 物 紜 梁 凡 爲 武 不聞 ,博有五 避諱 爲 人戲笑介 紛 小 銷 煙; 者, 名 絹 謂 511 物 布 皓之稱; 皆須 有 練 帛 恐 諱 子 爲 得 乖 桐 孫皆呼 其 布皓,呼 者,呼 其 厲王名長,琴有脩 同 義。 訓 梧桐 以 練 或有 腎腸 代 爲 樹爲 换 絹 諱 爲 之。 3 雲 腎 白鐵 乃 者 謂 脩 桓 短 清、

土 及,理未 名蟣虱,長卿名 身,自可 多 有 周 名兒 公名子曰 '無禁。 爲 通。 爲 驢 至若 古之 犬子,王修名狗子。 禽,孔 駒、 衛 所行 豚 侯、魏公子、楚 子 子 名兒 者, ,今之所 使 日 其 鯉, 自 笑 稱 也 上有 太 止 7 及 在 兄 北 連 皆 其

有許思妣、孟少孤:如此名字,幸當避之。

孫地。 諱 今人避 和 吾親 諱 禹 諱 識 中 交疏 更 有 急 諱 造 於古。 次, 襄、諱友、●諱 凡名子者,當 座 白 犯, 同、 聞 者 辛 諱 爲

苦,無憀賴焉。

歎慕蔡 古人姓爲名字,亦鄙才也。6 卿,争許 昔司馬長卿 暹 邕 字顔回,梁 一,❸故名 慕藺 雍 世 3 相如 有 而 庾 後 ,故名相如 晏 漢 (嬰、 有 祖 朱 孫 倀 ş 字 顧 孫 連 元

以相戲,或有指名爲豚犢者。有識傍觀,猶昔劉文饒不忍罵奴爲畜産,今世愚人遂

0

0

弟所

名

一,亦

何

忍哉

?

前漢

有

尹

翁

歸

後

漢

有

鄭

翁

歸

,梁家亦有孔

翁歸

又有

顧

翁

寵

晉代

0

<sup>「</sup>同」,原作「周」,今據程本、抱經堂本改。「諱友」,原本無,今據程本、抱經堂本補。

<sup>「</sup>歎」、程本作「歆」。

<sup>「</sup>才」,程本、抱經堂本作「事」。「俵」,原作「張」,今據王本改。

欲掩耳,況當之者乎?●

貴,當世名臣,意嫌所議 定是陶朱公大兒介!」彼此歡笑,不以爲嫌 須爲百代典式,豈得尚作關 士族文學之人,謂此貴曰:「今日天下大同 近 在 議 曹,共平章百官秩 過 厚。 中舊意?❷ 齊朝 禄。 有 有 明公 兩 顯

母同,不云尊字,今所非也。

也。 孫:今並不行也。 言姑姊妹女子子:已嫁,則以夫氏稱之, 第稱之,不云家者,以尊於父,不敢家也。 北風俗,言其祖及二親,無云家者。 日 E 室,則以次第稱之。言禮成他族,不得云家 人,方有此言介。凡與人言,言己世父,以 [家祖。 ,呼其姑女爲家姑家姊 |稱其父曰家父,❸母 子孫 昔侯霸之子孫,稱其祖父曰家公, 古人之所行,今人之所笑也。 不得 稱 家者,輕 爲家母,潘 略 班固書集,亦 之也。 尼稱 田 蔡 邕 陳思 里 及 其 云家 書 在 凡 次 猥 南 祖

尊卑之差也。王羲之書,稱彼之母與自稱己長姑,皆加尊字,自叔父母已下,則加賢字:凡與人言,稱彼祖父母、世父母、父母及

迎揖。 禮。 則過 並至 相見捧手而 禮無明文,則吾不取。 節束帶以申慰。 門, 南人冬至歲首,不詣 相 見 不揖,送客下席而已。 則 揖,皆古之道 北 人至歲之日 喪 南人賓至不迎, 家。 也, 若不脩書, 北人迎送 ,重行弔 吾 善

有臣、僕之稱,行者蓋亦寡焉。江南輕重,各降,雖孔子聖師,與門人言皆稱名也。後雖昔者,王侯自稱孤、寡、不穀。自兹以

<sup>●「</sup>當」,程本作「名」。

<sup>「</sup>意」下,程本有「乎」字。

<sup>「</sup>曰」,程本作「爲」。

有 謂 號 吾善其 具 諸 稱 書儀。 北人多 稱名者, 乃 古之

遺

風

名

辱祖 儘 祖 忍 相訪 風 弟 節 亡者子某門中, 文翰,罕 人之所難。 」,則當 、亡伯、亡叔 方 無自言者,一本無此已上十字。 俗 ,皆變於常。 中,世父、叔父則稱從兄弟門 爲兄子弟子 父。 便,速報取 問 言及先 本 避之。 有 若没,言須及者, 如 無 面 此之事, 人, 風 江 論者。 門中 也。 名位未高 南人事 俗 若 各以 理當 1 字。 與 勿使一 者,亦未爲安 吾見名士,亦有 君 其 不 「感慕。 北 都 不獲已, 可 尊 言, 人 不 卑、 如如 本作 加 無 行 雖 則 於人也。 古 何 此 變於 輕 斂 爲 須 取」。 便 乃 者之所 重,爲 中,兄 容 勳 言 帖也 陳文 色,猶 介 太 肅 貴所逼, 閥 煩重 呼其 話 坐, Ш 閲 人加 弟 容 、墨、畫 易, 説 羊 一,●感 北土 云亡 色之 稱 亡 必 則 侃 隱 諸 兄 及 以 稱 大 今 爲 何

坐,先 吾答之云: 日 是 知 江 我 南 親 風 卿 第 俗 七 從 門 亡 乃 叔 中 謂 之云: 在 非 梁, 從 如 也 賢 此 從弟 祖 如 孝徴 此 門 在 肅

故

不

解

?

爲伯 稱。 忍; 叔。 與 經》、《左傳 他人 勝 北 也 叔 從父兄弟 古人皆 晉 八言,對 土 母, 世 人多 此 已來,始 \*, 呼伯父、叔父, 孤 不 呼 姪 姊 者前 口 名 爲 妹 避 呼 姪。 已 雖 呼 者 孤, 叔 通 爲兄 也 案 姪 男 ௱ 뻾 9 女, 兄 對 今呼 子 今 ^ 爾 弟 其 世 弟子,頗 並 雅 之子 前 多 爲 是 ×, 單 姪 對 呼 已孤 於於 呼 喪 爲不 姑 其 伯 服 理 立 母

言 離 别 有王子 易 會 難 古古 侯 梁 人 武 所 帝弟 重。 江 出 南 爲 餞 東 送, 郡 與 下 武 泣

梁

初

人

南

吾

近

至

鄴,其

兄子

肅

訪

偘

委

曲

程 本作「取

立」、程本、抱經堂本作「之」。

笑分首 得 目 作 帝 而 去。 心 猶 出 别 爛 字。 帝 然。 坐此 北 日 惻 然 閒 被責, 愴 如此之人,不可强 人 風 .0 我 性 俗 年已老,與 不不 自 飄 數 有 飖 行淚 屑 少 舟渚 此 涕 下, 事。 淚 汝分張 侯遂 責。 者 百 岐 密 腸 路 許 甚 言 雲, 雖 日 卒不 欲 離 以 赦 絶 歡 然 本

家公家 非 位 母之羣從世 之;父母之世 别之;父母之世 使 風 岩姓 人 吾 教 所 爲 者 凡 識 親屬 母 以 其不喜聞也。 ,其父已孤 别 , 之。 叔 江 名 父 叔 南 稱,皆須粉墨,不 母 母 田 河 叔父,皆當加 ,呼外祖 皆 里 北 及從祖父母,皆當 閒 雖質 士人,皆呼 當加其 亦言之。 於 父母 面 姓 一。皆當. 與祖 其 外祖 可 以 以家代外 濫 次第 别 父 之; 加 也。 父母爲 加 母 其 以 外 同 爵 父 别 以 無

江 南 風 凡宗親 俗 自兹已往 世 數,有從父, 门,高 、秩者 有 「, 通 從 祖,有 呼 爲 尊 族 ; 祖 司

> 云 言族介。」當時 伯、從叔。 昭 人,何故不知有族?」答曰:「骨肉易疎, 族 穆者 人。 雖 河 梁 白 北 武 世 雖 士 帝嘗 猶 爲 稱 敏 兄弟 問問 雖 對 一中土人, 一,於禮 三十 ; 若對 未 世 他 通 日 猶 稱 呼爲 卿 北 從

云。 婦, 之稱 叔 爲 稱之?」周日 母 某 猥俗 也,今所不行 姓 施 吾嘗問 而《陸機集》有《與長 姑 於婦人 呼 , 爲 母 .周 : 丈 屬 弘 也。 「亦呼爲丈人。」自古未見丈人 母, 者 讓 爲 E 吾親表所行,若父屬者 士 某 大 「父母中外姊妹 沙顧母書》,乃其 夫 姓 姨。 謂 之王 中外丈 母、 人之 謝 何 從 母

有 所 涉 齊 古者,名以 也 朝 ],乃有 士子,皆 對 Œ. 面 呼 體,字以 以 祖 相 僕 本作 射 表 爲 德,名 爲 祖 字。 公, 終 全 戲 則 不 諱 嫌

■「以」,程本作「心」。

君房。 皆諱之,其餘不足怪也。 辨之,名亦呼爲字,字固因呼爲字。● 種,字其叔父曰絲; 之,字乃 元景兄弟,皆號名人,其父名雲,字羅漢,一 稱仲尼; 江南至今不 可 吕 以 后微時,嘗字高 爲孫 氏。 諱字 王丹與侯霸子語,字霸 孔 也。 子 祖爲季; 弟 河北 子 記 士人全 事者, 尚書 至漢爰 不 王 爲 皆 如 己

喪,則 是 辭 偯; 反; 文之聲也。 也。』《孝經》云: 也。 號 ❸小功總麻,哀容可也:此哀之發於聲音 齊線之哭,若往而反,大功之哭,三曲 而 禮 唯 不哭。 江南喪哭,時有哀訴之言介。 呼蒼天, 朞功以下, 則唯呼 閒 禮以 傳》云: 「哭不偯。」皆論哭有 哭有言者爲號,然則哭亦 「斬縗之哭,若往 痛深, .輕重 山東重 而 一、質 便 有 不 而

日不弔則絶之,除喪,雖相遇則避之,怨其不一江南凡遭重喪,若相知者,同在城邑,三

外,不識者不執手, 於會所而弔,他 之。 憫 也。 北 俗 有 故 則 及道遙 不介。 日修名詣 識輕服 者 江 其家 南 致 愐 凡 書 不 弔 可 識主人,則不 者, 也 , 主 無 人之 書 亦

「亦不諭」三字。 感彌深,寧當惜壽,又不哭也,亦不諭 朔哭,皆當 謐,不敢發聲,以 喪。」今無教者,辰日有喪,不問 得哭。」王充《論 陰陽 説 有罪,天奪之算。」❸喪 云: 衡》云: 辭 辰 弔客。 爲 水 一辰日 墓,又 道 書 輕重 不哭,哭 爲 又 家 日 土 主,舉家 墓,故 朔 望 晦 則 本 一,哀 歌 清 重 不 無

在家, 畫瓦書符,作諸猒勝, 喪出之日,門前偏傍之書, 死有歸殺。●子孫逃竄, 莫肯

❷「曲」,原作「哭」,今據抱經堂-●「因」,抱經堂本無,疑爲衍文。

<sup>● 「</sup>殺」,程本作「煞」。

然火 此 比,不 ,户外列灰,被送家鬼,章斷注 近 有情,乃儒雅之罪人, 彈議 連。 凡如 所 當

加

也

祖 拜父、外祖 、情也 父母、世叔父母、姑、兄、姊,則皆泣 已 孤,而 父母、 履歲及長至之節,無父,拜母、 舅、姨、兄、姊,亦如之。 ; 無 母, 此

問 泣涕,二宫爲之改容。 感者,梁武薄其爲人,多被 H 訊 「裴之禮不死也。」 武帝, 貶 江左朝臣,子孫初釋服,朝見二宫,皆當 瘦枯 槁 ,涕泗滂沱 頗有 抑 退 膚 色充澤,無 武帝目送之 裴政 出 服 哀 無「當」字,有「也」字,一本有「當」字,無「也」字。 恩

由

義

斷

親

以

噎

死,亦當不

可

絶

食

也

0

本

爲 堂 北 史纂之孫 揚 ,終身鏁閉,弗忍開 朝 州 頓 刺 親既殁,所 丘 一李構 史,鎮壽 女,故構 母 劉 居齋寢,子 春 猶 氏,●夫人亡後,所住之 遇 染 入 害。 也。 江 南 構 風 夫人,宋廣州刺 與婦 嘗 教。 與王 弗忍 其 八父獎 松 入焉 年、

0

去。 加 以燒死,終身不 忍食 被 反側,當時罕有能感 筆 祖孝徵數人同 亦 構 爲奴所殺,終身不 刑,襄終身布 ,圖寫爲人。 舉 ,居家唯 而 坐驚駭,莫測 無 他 意。 以 集談讌。❷ 掐摘 衣蔬 頃之, 認 構 噉 供廚。 愴 飯 此者。 炙。 復嘗酒。 其 因割 3,雖 然 (情。 動 豫章熊康,父以 孝徵善畫 薑菜 鹿 江陵 吴郡 色, 祖 尾 然禮緣人情 君 有 戲 便 姚子 陸 尋 切 起 截 一,遇 悟, 割 襄,父閑 篤 就 書 皆 • 方 馬 有 人 1 不 以 紙 ITT

之澤,不忍讀用。 禮經》: 父之遺書,母之杯圈,感其手口 政爲常所講習, 讎校繕寫

名」,今據程本、抱經堂本改,下同,不再出校。 構」,原 承宋淳熙本避南宋高宗諱作小字注「太上

集」,抱經堂本作「席」。

<sup>0</sup> 陵」,抱經堂本作「寧」。

散 爲 及 偏 逸 牛 一什物,安可 ,唯當緘保,以 加 服 用, 有 悉 迹 廢 미 留後世介。 之乎? 思者 介。 既 若 不 讀 尋 常 用 墳 無 典, 容

矣! 沮 第 屋 不能 漏沾 人怪其不起,乃往抱持,薦席淹 Ŧi. 妹,三 思魯等第 因介便吐 溼 飲 一歲喪 出 食。 暴曬之,女子一見,伏牀 四 母 血 將以問 舅 數數 母親,吴郡張 靈牀上屏 日 醫, 而 Ļ 醫診 風平 中外憐之,莫 脈 建女也,有 漬,精神傷 云:「腸 生 流 舊 涕。 物 斷 預飲讌、聞聲樂及行遊

慘自 愴 不妨言笑,盛營甘美,厚供 戚 無 居,何 至交,盡 聊, (禮)云:「忌日不樂。」正以 故不 限 無 於深藏也? 接外 相 見之理。 賓,不理衆 世 蓋 齋食; 人或端 不 務 感慕 知 介。 迫 禮意乎 罔極, 有急卒, 坐奥室, 必 能 悲 惻

本只云「來歲社 世 E 修 母 以 社,●脩 社 日亡,來歲 感念哀甚, 鄰里聞 有 本作「一」

> 之,爲之罷 經此 之節,及月 日 猶 社 應 小 晦 感一本作「思」。 今二 後, 忌之日 親 喪亡, , 四一本作 慕, 偶 異 值 於餘辰,不 伏 外 臘分 所 至

也

介。 是下 吕尚之兒如不爲上,趙壹之子儻不作一,便 音異字,不可 生不爲「照」字,唯 筆即 然凡文與正 劉 縚、緩、緩兄弟,並爲名器,其父名 妨,是書皆觸 悉 然。 諱 相 依《 劉字之下, 犯 也 當自 爾雅》「火」傍作「召」 可 避 即 有 其 昭 有 昭 同

之,不可陷於輕 見乙之子,問之日 稱其父已往,時以 嘗 有 甲 設 心誠席, 脱 爲笑。 請 尊 Z 侯早 如 爲 此 賓, 晚 比 顧宅?」 而 例, 日 觸 於 公庭 Z 類 慎

0

日

有 社」, 依王利器整理本當作「外」。 抱經堂本作 E

誕之辰 孝元 常 取 事 日 致 食之物及珍寶服玩, 飾 以以 . 皆爲 燕享 亦 有 ,男則用 絶 帝 酒 YI 驗貧廉愚智,名之爲試兒。 常設 供頓 焉。 食之事介。 一本 南 風 無 弓 八酣暢 自 俗, 「帝」字。 矢 齋 兹已後,二親若 紙 兒 講 筆 生 聲樂,不知有所 年少之時,每八月六日 女 無教之徒,雖已 自 置之兒前, 朞, 阮 則 修容薨殁之後 刀 爲 尺 製 在 鍼 新 觀其 每 親 縷 衣 感傷。 孤 表 至 發 立文 盥 露 此 聚 意 加 浴 集 日 此 載 梁 其 所 飲 裝

廳

容輒 今世 北 詁 禰 痛 或 人 云: 呼之。 痛 呼 禰 諱 ? 是 有 則 避 痛 呼之。 一,觸途 憂 父之廟號,父在 而 此二音隨其鄉俗,並可行也。 (蒼頡篇)有倄下交反, 疾, 謼 也, 則 急 ^ 聲 切 呼 謼,火故反。 類》音于 天 地、父母 而 無 江 東 容 耒 音 稱 痛 + 反,❷今南 羽 聲也。 廟, 庶 自 罪 古 反。」 父 痛 字, 加 殁 則 然 人 今 訓 何 稱

> 矣。 皆爲 而 然後 流 露跳 於所署 先 去。 以 血 衣 始退。 中,申 蓬 到 教 陳 梁世 死 與 義 洽 門,不敢 謝 劉 訴 頭 本作「怨」字。 爲御 被 見辱者,或被 善 冤 垢 子 繫 江 枉 面 苦諫 孫 史中 劾 南 寧宅,多 者 有 諸 周 若配徒 官, \_, 子 憲 不 丞 章道路, 讎 · 得, 司 自 孫 動 初 9 輕 彈 弟 經 陳 絲 乃 欲 繫而身死獄户者, 子 姪 旬 解 彈 ,諸子並立 要 詣 孫 事 皆 日 職 候 劉 劉 「官司 孝綽, 執 事 世 涕 子 事 雖 泣 則 不 驅 其 交 草 草 吅 重, 日 别 通 庵 兄 頭 屩

服 以 臨 兵 [X] 師 戰危, 將 軍 鑿 非 安 N 全 門 之 而 道。 出 父 古 祖 者, 伯 天子 叔 喪

而

溉

- 0 常」,程本作「嘗」。
- 寧」。程本作「迎」。
- 死」,程本、抱經堂本作「怨」。

慶 在 事 軍 也。 陣 貶損 若 居 自居, 圍 城 之 不 中, 宜 奏樂讌 憔悴容色,除 會及 婚婚 去飾 冠 吉

玩

爲臨深履

薄

之狀

焉

以 方等親 求 哀 父母 拜 也 中兵 疾篤,醫 梁孝 (参軍 元 趾 李 在 賤 猷 江 雖 焉 州 少 嘗 則 本無 有 涕 不豫, 「焉」字。 泣 而拜之, 世子

别也。」

輕此 擇是非,至有結父爲兄,託子爲弟者。 之敬,●身事彼親 後,命子拜 志 均義敵,令終如始者,方可 節,行路相逢 四 海之人,結爲兄弟,亦 伏,呼 ,亦宜加禮。 爲丈人,申父交一本作「友」。 ,便定昆季,望 議之。 何 比見 ?容易。 年 觀 北 一介之 人,甚 貌 必 不 有

食嗔 所 沐 接 貴 辭 白 怒,拒客未 豎 也 屋之士,一日 昔者,周 頭須,致有圖 教之家 公一 通、江 沐三 所見七十餘人。 闉 反 南 握髮,一 之消。 寺 深 無 以爲 禮 門不停實,古 飯三吐餐,以 或 恥。 晉文公以 以 È 黄 門 君 侍 寢 0

僮 郎 僮僕,接於他人,折旋俯仰。 本「裴之禮,號善爲士大夫,有如此 僕 裴之禮 引 接, 折 好 旋 待 賓客, 俯 仰, 辭 莫 或 色應 不 有 此 對 量 肅 輩 敬 莫不肅敬, 對賓杖之。 對 與 主 賓 杖 與 無 其門生 主 别。 無

## 慕賢第七

人在少 多 儻 吾生於 ; 賢,猶比髆也。」言聖賢之難得, 遭 所值 不世 古人云:「千載 年,神情未定,所與 亂 名賢,未嘗不 明 世、長於 達 君子,安可 戎 馬, 聖,猶 神 醉 不 流 款 魂 攀 離 日 狎,熏漬陶 迷 附 暮 播 向 景 越, 也; 疏 慕之也。❷ 仰 闊 之乎? 聞 五 如此 見已 百年

神一程本、抱經堂本作「心」。

0

<sup>「</sup>交」,程本、抱經堂本作「友」。

爲己力;

雖輕

雖賤者

一、必歸

功焉。

竊人之財,

行取於人者,皆顯稱之,不可竊人之美,以

用其言,弃其

身,古人所

恥

凡有一

言

絲,是之謂矣。 如 居,如入芝蘭之室,久而自芳也 言笑舉對,●無心於學,潛移暗化,自然似之。 何況操履藝能,較明易習者也。 無 入鮑魚之肆,久而 友不如己者。」 顔、閔之徒,何可世 君子必慎交遊焉。 自 臭也。 3 墨 是以 與惡人居, 一翟悲 孔子曰 與善人 於染 得 f :

異縣 周旋 子爲東家丘。 長短 狎之,不納其 校長短、覈其精麤、或 一、覈其 微藉 ,如有賢哲,每相 世人多蔽,貴耳賤 精麤,或 風 聲,延 諫,以至亡國,不可不留 昔虞國宫之奇,少長於君,君 彼不能 能 頸 狎侮,不加 彼 企 如此矣。」所以魯人謂孔 目, 踵 不 甚 能 重遙 此矣。●一 於 禮敬。 輕近。 飢 渴。 心也 本云: 校其 他 少長 鄉

之。 刑辟之所處,竊人之美,鬼神之所責。

復刮目。 讀,隨王東下,及西臺陷殁,簡牘湮散,丁亦 聲問?」編以實答。子雲歎曰:「此人 文章示蕭祭酒,祭酒 紙,不敵王君一字。」圖一本云「王褒數字」。吾 弟以爲楷法。 頗善屬文,殊工草隸。 比,遂不爲世 及寫詩筆,殊爲佳手,姓名爲誰? 愛其手迹,常所 本無「典」字。 梁孝元前在荆州,有丁覘者,洪亭民 稍仕至尚 之。 所 時云: 寶持。 軍 稱,亦是奇事 府 書儀曹郎,末爲 問 輕賤,多未之重,恥令子 一本無「時云」字。 孝元書記,一皆使典 云 孝元 君 嘗遺典 。」於是 王 比賜書翰 那得 、籤惠 晉安王 「丁君十 後 聞 者 生 都 編 侍 雅 無 無 少 送

但

優於我

,便足貴之。

<sup>●「</sup>對」,程本、抱經堂本作「動」。

有「如」字。 上「能」字、程本、抱經堂本無。「此」上、程本、抱經堂本

❸ 「君一」,程本、抱經堂本作「褒數」。

尋卒於揚州。

前所輕者,後思一紙,不可

許由,讓於天下,市道小人,争一錢之利。」亦 侃一人安之,其相去如此。古人云:「巢父、 城内四萬許人,王公朝士,不下一百,便是恃 略,一宿皆辦,●遂得百餘日抗拒兇逆。 不自全。太子左衛率羊侃坐東掖門,部分經 侯景初人建業,臺門雖閉,公私草擾,各 於時 矣。

生死。 兵,豈止萬夫之望而已也! 周人始有吞齊之志,關中至今譽之。 明月,齊朝折衝之臣,無罪被誅,將士 遵彦後爲孝昭所戮,●刑政於是衰矣。 野晏如,各得其所,物無異議,終天保之朝。 綱紀,尚能委政尚書令楊遵彦,内外清謐,朝 齊文宣帝即 位數年,便沈 國之存亡,係其 湎 縱恣,略無 此人用 解體 斛律

> 公私 鎮撫 亡,●一本云「齊亡之迹」。啓於是矣。 **掣小不得** 擾 壃場,儲積器用,愛活黎民,隱若敵 張延雋之爲晉州行臺左丞,匡維主將 亂, 周 師 行志,同力遷之。 舉, 此 鎮先 平。 既代之後, 齊 國之 或

已懸矣。

顏氏家訓卷第二

皆」、程本作「不」。

孝」,原誤作「李」,今據抱經堂本改。

國之亡」、程本、抱經堂本作「亡之迹」。

### 勉

安能自苦」。

口

勉 學 第 八

要,以啓寤汝介。● 此 事徧於經史,吾亦不能鄭 自古明 王 聖帝, 士大夫子弟,數歲以上, 猶 須 、勤學, 重 況 聊 舉近 凡 庶 世 平 切

《詩》、《論》。 機、倍須訓誘。 莫不被教,多者或 無履立者,自兹墮慢,便爲凡人。 及至冠婚,體性稍定, 有志尚者,遂能磨礪, 至《禮》、《傳》,少者 人生在 因 以 就 此 不 失 素 天

爾氏家訓卷第二

數 頭 欠伸 年勤學,●長受一 生愧辱哉!

!

啓」,程本作「終」。

前」,程本作「計」。

則」,程本作「既」。 沈」,程本作「深」。

0 0 0 0

銷」,抱經堂本作「消」。

便自」至「脩學」,程本作「便謂爲足,安能自苦」。

0 惜」,程本作「偕」。

半級,便自爲足,全忘脩學。● 世,會當有業。 ,如坐雲霧; 貨賄,◎工 日,6以此終年。 夫則慣習弓馬,文士則講 而已。 及有吉凶大事 纔記姓名,飽食醉酒,忽忽無事 恥 涉 15 農商,羞務 公私宴集,談古賦詩,塞 則致精 農 有 識 民 傍觀 則 或因家世 器 計 ,議論得失,蒙 用,伎藝 代 工伎 量耕稼,商 其 分射 本 餘緒,得 議 云一便謂 則 地。 則 經

此

銷

札,●筆

則

見士大夫

不

能

穿

術,❸武

論

沈

思

法

書

多

賈

則

討

默

低

何

然

張

爲足,

階

時,誠 舉,非 黨。 亦快士 不自 流, 於諺 曉 語 亂 褐 高 人答策;三九公讌, 左右,從容出人,望若 書 监 而 鹿 勉耶 記 來, 無 喪 求諸身而 屐 云 梁 孝經 駑 復 獨 者, 也。 ,坐棊子方褥 不 朝 珠 戎 諸 材 曩者之親 「上車」 燻 全盛 ? 莫不 馬之閒, 也。 見俘 失 及離 0 衣 · 者, 皮 無所 剃 若能 之時,貴 耕 不 尚 有學 虜 而 亂 面 落 ; 田 爲 「,傅 常 露 得,施之世 之後 則 憑 轉 藝者, 當路 則 養 保數 人 雖 質, 神仙 假 粉 遊 死 著作 馬 師 百 斑 手 施 子弟,多 溝壑之際。 兀 秉 朝 百 絲 世 賦 觸 朱, 若 權 以 市 雖 卷 詩。 明 隱 小 體 地 ൬ 枯 遷 此 書 Ŧ 經 囊 駕 不見 中 而 無 革,銓 木 載 列器 千 觀 求 無 當介之時 長 安。 何 所 ※學術 之, 知 第 冠 簷 昔 載 當 泊 如 用 冕 讀 車 若 時 衡 則 終 汝 自 介 則 玩 不 論 荒 之 被 之 選 顧 於 口 不 窮 跟 祕 至

隱 惰 惡 之下,凡識 廣 也 如 庇 兄 益 裁 薄 固 廕 不 德 也 而 衣也。 世 ,當自求 行 伎 可 夫 不 不肯 常依, 敦厲 人不問 在身。」伎之易習而 明 足 六 論, 幾 讀書,是猶 夫 讀 經之指,涉 鄉 諸 風 人,凡 天 愚 身介。 俗,猶爲 或 書之人,自羲、農 地 智,皆欲 不可 所 見 求 幾 不 常 諺 百 飽 能 事。 保, 日 藝, 識 家之書, 미 而 藏 : 貴者。 人之多, 嬾 生 得以 誉 積 旦 鬼 民 已 饌 流 財 神 之 縱 無 自 來, 欲 千 離 所 成 見 過 資 不 萬 不 敗 宇 事 無 能 讀 暖 父 之 能 書 不 好 宙 人 增 而

民, 以 有 取公侯者有 客難 主人 日: 矣; 吾見彊弩 文義 習吏, 長 戟 匡 誅 時 罪 富 安

爲

小

人也。

<sup>「</sup>鹿」,程本作「孤」。

<sup>「</sup>吏」,程本作「史」。「汝」,程本、抱經堂本作「安」。

術 年 立傑 也。 身 或 有 無 負 安可言木石之雕刻,乃勝金玉之鑛 瑩,自美其 乎?」主人對曰:「夫命之窮達,猶金玉木石 知之者 不得以有學之貧賤,比於無學之富貴 一,以 ,執政則懸得 益 天才,拔羣出 而 甲爲兵,咋筆爲吏,身死 亦謂之學矣。 禄位 者如日 出者如芝草; 語 取 以 次, 矣。 卿 一,妻子 學 鑛 所以學者,欲其多 相 一蝕,逸樂名利者如秋茶,●豈得 且又聞之: 生而 ·藝,猶 璞, 者 管仲、子産之 類,爲 飢寒者,不可勝數,安足貴學 有 今子即不能然,不師古之蹤 木石之段塊,自醜 矣。 握素披黄,吟道詠 磨瑩 將則闇 學備古今,才兼 雕 名滅者如牛毛,角 刻 教。 與孫武、吴起同 知之者上,學而 也。 知明 雖未讀書 達 金 其雕 德,苦辛 玉 也。 璞哉? 介。 文武 之磨 刻。 必 同 且

賈, 厮 之,不. 妙也 達 但 辦,便云我能治民,不知誠己刑物,執轡如 爲 云我能平獄 本作「生」字。 薦舉賢聖之至也。 明乎天道 跨馬被甲,長矟彊弓,望便云我 而 可可 姧 知抱令守律, 相 露, , 爲師 知使 役 不 但 奴 不問 知敬 知承 1,辨乎地利,比量逆 表 學古人,何 隸 組,反風 ,不知同轅觀罪,分劍追財,假 釣 而 博學求之,無不利於事 鬼 上接下,積 早刑 情 事 魚 得之察也。 神,移風 屠 滅火、化鴟 但 時 其 肉 知 捨,❸一本作 蔽 飯 私 財 也 易俗 財 聚穀,便云 牛 哉哉 順 能 不 爲 、鑒達 牧 爰及 1 爲 羊, 人,公事 鳳之術 調 「晚舍」。 世 將 節 也。 農 皆 興亡 人 陰 有 商 我 不 但 也 陽 先 便 夙 能 之 I 知 知

如, 稍」,原作「弰」,今據王本 程本 作「幾」。

0

跡

,猶蒙被

而臥

介。」

見鄰里親

戚有佳

快者,使子弟慕而學

3 捨」,程本作「晚舍」。

行介。 奮厲 委命 也; 禮爲 若不勝衣也 能散也; 一里。 不能淳, 諫,●以 齒弊舌存,含垢藏疾,尊賢容衆,茶然 寡慾,忌 驕奢者 欲其觀古人之守職無 顏,怡聲下 不 强 素鄙吝者,欲其觀古人之貴義輕財,少 教 夫所 惕然慙懼, 未 本,敬者身基,瞿然自失,斂容 ,欲其觀古人之恭儉節用,卑以 利 可恐 去泰 毅 盈 素暴悍者,欲其 社 知 以 氣, 悪滿 Œ 讀 養 稷, 惻然自念, 思欲效之也 懾 直 去甚。 素怯懦者,欲 不憚 書學問,本欲開心明目, 親 也。 立 起 賙 者, 而 劬 言必信,求 窮 歷兹以 學之所 行之也 欲其觀 勞,以 卹 侵,見危授命,不忘箴 觀古人之小 匱 一,被 其 往,百行 致 ; 知 古人之先 觀古人之達生 甘 未 福 然 施 不 悔 知 陾 無 口 恥, , 0 皆然,縱 心黜己, 事君者, 不達。 自牧, 勃 沮 利於 積 抑 意 ; 本作 喪, 承 然 私 志 素 而 學也。

是乎 無 詠 知稷 造屋,不必 不必得其理,宰千户縣,不 行之,忠孝無聞,仁義不足, 施 辭 早而黍 賦 ŧ 用。 事 故 知楣 既 穉 爲武 優 横 本作「 閑,材增 而棁豎 人俗吏所 「遲」字。 迁 也 誕,軍 也。 3 必理其民 加以 問 共嗤 吟 其 斷 或 嘯 爲 詆, 經 談 田 ,不 條訟 綸 謔 良 間 諴 其 由 必 略

敵、惡之 便自高大,淩忽長者,輕 夫學 如 者 鴟 所 以 梟, 求 如 益 此 介。 慢 以 同 見 學 列 人 自 讀 損 人疾之如 數 + 不 卷 如 書 無

利 爲人,但能説之也。 世 也。 古之學者爲己, 今之學者爲己,脩身以 以 古之學 補 不 足也。 者 爲 求 進 今之學 行道 也。 以 者 夫

今

一本無「今」字。

世人讀書者,但能言之,不能

0

「箴」。

程本、抱經堂本作「誠」。

<sup>「</sup>興」,程本、抱經堂本作「腝」。

學者猶 文章,春華 種 樹 也 也,春 3 脩身利 玩 其華,秋登 行 秋 實 世 其 實。 講 論

儒 早迷 相; 光 因 學,名聞天下; 以 盛 光殿 十始受《孝經》、《論語》,❷皆終成大儒: 彌篤,此皆少學而 便至一本無「至」字。 逸,固須早教,勿失機 一十之外,所誦經書,一月一本有「日」字。 學《易》, 循 年,猶當晚學,不可自弃。 朱雲亦四十始學《易》、《論 公孫弘 而 面 賦》,●至於今日,十年 人生小幼,精神專 而學者,如 墻 晚寤 可 亦 四 也。 以 爲 + 荀 無大過矣。」魏武、袁遺 愚 餘 秉燭 世 荒蕪矣。然人有坎壈,失於 至老不倦也。 卿五十始來遊學,猶 方讀《 爾。 人婚冠未學,便 夜行,猶賢乎瞑 也。 `利,長成已後,思慮散 幼 春秋 而學者, 吾七歲時, 一 理 孔子云:「五十 ×, 語》,皇甫謐 曾子七十乃 一,猶不 以 如 此 稱 目 日 遂 心,老而 誦《靈 遲 遺 廢置 此並 出 登 爲 而 暮 忘 之 派 碩 無

見者也。

業者。 寳、周捨、朱异、周弘正、賀琛、賀革、 學,觀其志尚,出身已後,便從文吏,●略無 句,但 崔浩、張偉、劉芳, 鄴下又見邢子才: 劉縚等,兼 本作「專儒」。 致卿相者多矣。末俗已來 夫子弟,皆以 經弘聖人之道 學之興廢, 一誦師言,施之世務,殆無 冠冕爲 通文史,不徒 梁朝皇孫已下,總丱之年,必先 博涉爲貴,不肯專於經 此者, 隨 Ŀ, 世 明 則有何 輕 天時 重 講 説 下 胤、6 不復介, 漢 也。 一 可 。 時 該 賢 劉 人 洛陽 俊, 蕭 瓛 事 此一 業。 空 故士 子 守 亦聞 明 皆 政、 用 本 3 章 大 Ш 卒 人 此 以

2

0

0

<sup>「</sup>受一,原作「授」,今據抱經堂本改。「誦」下,抱經堂本有「鲁」字。

<sup>「</sup>專於經業」,程本、抱經堂本作「專儒」。

<sup>「</sup>胤」,抱經堂本作「胄」。「吏」,抱經堂本作「史」。

博士買驢,書券三紙,未有驢字。」使 ,也,禄 能,問 音 名。 下 《漢書》,博士笑曰 魏 有 魏便忿怒,❷都不復言,取《韋玄 m 「不謂玄成 起。 收 Ŧ 粲 之 博士一夜共披尋之,達明,乃來謝 在 也。」崔笑而 議 如 曹, 此學也。 與 : 諸 退, 「未聞《漢 博 竟不以《粲集》示之。 士 争宗 書》得 成 廟 事 傳》,擲之 證 0 經 引 術。 據

注義, 當博 得 玄宗, 笑人被疾,陷好勝之穽也; 化,在乎己身,周、孔之業,弃之度 叔以黨曹爽見誅,觸死權之網 卒辭楚 己也。故藏名柱史,❸終蹈 夫老、莊之書,蓋全真養性,不肯以 遞 相,此任縱之徒介。 相 誇 尚, 景附草 靡。 流沙, Ш 何晏、王 巨 也 皆 源 以 置 外。 輔 以 農、 跡 嗣 弼 蓄 漆園 黄 物累 積 以 而 祖 平 多 之 述 取

須兩

紙

疏

·義,燕寢講堂,亦復何在?

以

此

常使言行有

得,

亦足爲

何必「仲

尼

居

即

人之書,所以設教,但明練

經文,粗

通

勝,寧有益乎?

光陰可

惜,譬諸逝水。

機要,以濟

功業,必能兼美,吾

血川

焉

在其

(中矣。)今勤無益之事,恐非業也。

夫聖

汝以

此

爲

師,令人氣

塞。

孔子

日

學

:

諺云:

輒

쏌

數百,責其指歸,或

無

、要會。

鄴

解鄙

陋

風

操

蚩

拙

相

與

專

固

無

所

堪

如

此

諸

賢,故

爲

上品

以

外

率多

田

里

一閒

人

此」字。

四

儒

者,雖

好

經術

亦以

才博

擅

粲集》 己。 之,始將 銘誄,豈當論 吾初 俗閒 中難 發 人 儒 口 鄭 鄴 士,不 經書事乎? 玄《尚 與與 懸見 博 涉 排蹙,云: 書》事。 陵崔文彦交遊,嘗説《王 墓書,經緯之外,義 且先儒之中,未 「文集 崔轉 爲 止 諸 有 儒 詩 疏 聞 賦 道 而

史」,程本作「石」。

争」、程本、抱經堂本作「議」。

愛習

,故置學生, ●親爲教授,廢寢

忘

食

夜

0

文

闡

門 流 非 無 譏 之達 鼓 支 背背 缶之情 離 多 也 擁 藏厚亡之文也; 腫之鑒 嵇 也 叔 , 王夷甫悼子,悲不自勝 夜 也 排 3 荀 俗 奉倩喪妻,神 取 夏侯玄以 禍 党 和 才 光 傷 望 同 而 被 塵 異 卒 戮 之 東

直 塵 彼 也 風 取 滓 諸 也 也 之中 謝 其清談 人 9 幼典 阮 者 郭 子 嗣 顛 並 雅 贓 玄 宗 仆 其 論 賄 以 沈 名利 領 黜 ,辭鋒理窟 傾 酒 袖 削 動 荒 之下者,豈 專 玄宗所 違弃其 迷, 勢, 乖 一,剖玄析微 畏 徐 歸 寧 途 後 口 魚 相 備 其 身 之旨 誡 外 餘 言 ,妙得 桎 乎 之 己 也 ? 梏 譬 之 :

終非 學徒千餘,實 娱心悦耳 ,躬自 神 莊》、《老》、《 急務。 ,賓主往 非 講 濟世 論 爲 復, 一本作「清 成俗之要也」。 盛 周 (周易) 娱 美。 弘 心 Œ 談高 》,總謂 悦 奉 元 耳,然 論 帝 費 洎 大猷 在 剖玄析 於梁 三玄。 江 面 化 世 微 荆 濟 賓主 兹 閒 行 武皇、簡 世 都 成俗 風 復 往 邑, 復 所 復

> 繼 預 末 朝 筵 至 親 乃 承音旨 倦 劇 愁 憤 性 既 輒 頑 以 魯,亦 講 自 所 釋 不 o 好 吾 云。 時 頗

爲 譏 識 恨 掌 減 忌 損 ,欲母早 不 心 百行之首,猶 諱 見太后山 齊 Ш. 孝 徐之才爲 如 流 昭 此, 滿手。 死 帝 而 良 陵 侍 須學以脩 悲哭之, 由 之事 要太 灸 后 無學 兩 既 o 穴,帝 后 痊 所 其天性 疾, 則 飾之,況餘 愈,帝 爲。 不 握拳 容 發 色 至 尋 若 此言· 代 孝 顦 疾 見古人之 事 如 崩 痛 顇 也。 平 彼,不 遺 爪 服 詔 膳

, 酒 屈 時 便以好學。 閑 梁 復進之, 齋 元帝嘗 張 葛 以自 爲吾説 幃 時 避 又 寬 患 蠅 痛 : 獨 疥,手不 一昔 坐 本作 在 銀 會稽 得 以 甌 拳 寬此 貯 , 膝 Ш 年 痛 陰 始 不 甜 得

0

0

專」, 程本作「權」。

要也」。 然而濟」至「急 程 本、 經

故」、程本、 抱經堂本作[召]。

意自 子之尊,童稚之逸,尚能 字,或不解 讀 史書, 語, 日二十卷, 要自重之,不知猒 如此,況其庶士冀以 既 未 師 受, 或 倦。」帝 不 識

久

世

自達者哉?

古人勤學,有握

錐

投斧,照雪

聚

則

帶經 哀聲 資,累日不爨,乃 禮遇,終於金紫光禄大夫。 無燈 世彭 抱犬而臥。 陽朱詹,世居 精選寮菜,綺以才華,爲國常侍兼記室,殊蒙 貧,燈燭難辦,常買荻尺寸,然明讀書。上孝元初 官至 城劉綺,交州刺史勃之孫,早孤家貧,常 ,牧則編簡,亦云一本作「爲」。 爲之事,亦是勤學之一人。 動 ,折荻尺寸,然明讀書。❷ 鄰,猶不 一鎮南 犬亦飢 江 録 廢業,卒成大學,一本作「卒成學 陵,後出 時 事 參 虚 吞紙以實腹。 軍,爲孝元所禮。 ,起行盜食,呼之不至, 揚 一本無「大夫」字。 都 ,好學,家貧 一本云: 勤 寒無氈 篤。❶ 出 「早孤家 會稽 此 被 乃 無 梁 義

> 書翰 漢書》聞 年 乃 紙末,手 就姊 <u>-</u> + 餘 夫劉緩, 寫一 欲 讀 本,軍 乞 班 ) 丐客 固 府 漢 刺 服 書 或 其 志尚,卒以 本無「或」字。 苦 假 借 不

開獎。 事,未嘗不感激沈吟久之。 流 時 後 懷袖握書,曉夕 本蠻人也,年 何閒 問問 一本作「齊」。 齊有主一 書之外,不暇 後被賞遇,賜名敬宣,位至侍 隙, 周 章 主之奔青州, 遺其西出 + 本無「主」字。 詢 鰄 四 請。 誦 五 他 語。 初 所 每至文林 爲 居 宦者· 閽 及覩古人節 卑末,使役苦辛, 吾甚憐愛,倍 寺, 内 参田 館,●氣喘汗 便 中開府 知 參伺 鵬 好學, 鸞, 義之 加

東莞臧逢

不可

<sup>0</sup> 云」,程本、

<sup>0</sup> 常買荻尺寸折之,然明夜讀」。 「然明讀書」、程本、

至」,程本作「坐」。 主」、程本、抱經堂本無此字。

静,爲 將相,比敬宣之奴不若也 卯,猶能以學著忠誠,曾一本作「以學成忠」。 折一支,辭色愈厲,竟斷 「已去,計當出境。」 疑其 周軍所獲。 問齊王何在?● 紿云: 不 刀 體 信,歐捶服之,每 而 卒。 蠻 齊之 夷 童

若務先王之道,紹家世之業,藜羹緼褐,我自 財,豐吾衣食,食之安得甘? 衣之安得煖? 乎?」吾命之曰:「子當以養爲心,父當以 朝無禄位,家無積財,當肆 本作「學」。 課篤,勤勞經史,未知 鄴平之後,見徙入關。 爲事。③一本作「教」。 筋力,以 思魯嘗謂 爲子,可得安 使汝弃學 申供養。 吾曰: 徇 教

見有閉門讀 無友,則孤陋 本有「差失」字,無「羞」 《書》曰:「好問則裕。」《禮》云:「獨學而 而 師心自是,稠 寡 聞 字。 。」蓋須切磋相 慙 者多矣。● 人 廣 坐 謬 起明 (穀梁 誤羞 也。

> 傳》稱公子友與莒挐相搏,左右呼曰「孟勞」。 鴟, 芋也」, 乃爲「羊」字。 堂介。」聞吾此説,初大驚駭,其後尋愧悔焉。 三字。公子左右,姓孟名勞,多力之人,爲國所 江南有一權貴,讀誤本《蜀都 引《論語》,偶以四言,目京兆人田 儒,助吾證之,赧然而伏。又《三輔決録》云: 寶。」與吾苦諍。時清河郡守邢峙,當世 齊時,有姜仲岳謂:「『孟勞』者,一本無「孟 「孟勞」者,魯之寶刀名,亦見《廣雅》。 一才士,乃言:「時張京兆及田郎二人,皆堂 損 靈帝殿柱題曰:"「堂堂乎張,京兆田郎。」」蓋 惠蹲鴟。」舉朝驚駭,不解事義,久後尋 人饋羊肉,答書云 賦》注,解 鳳也。 近在 勞 「蹲 碩

「以教爲事」、程本、抱經堂本作「以學爲教」。

<sup>●「</sup>王」,抱經堂本作「主」。

<sup>「</sup>以學著忠誠」,程本、抱經堂本作「以學成忠」。

<sup>「</sup>羞慙」,抱經堂本作「差失」。

問 乃 酒 馬乳 位。 焉。 學重臣 統反。❷ 頊 王莽形狀。 旭」,當音『專翾』介。」此 迹,方知 、禮樂志》云:「給太官挏馬酒。」李奇注:「以 世本》「容成造歷」,以 、熟,其 亦然。 讀 ()字,頭當爲 爲酒也,揰 《漢書·王莽贊》云:「紫色蠅聲,餘分閏 **春年之後**,更有碩儒,苦相究討,方知誤 謂以僞 潘 「王莽非直鴟目虎吻,亦紫色蛙聲。」又 ●一本作「遂一一謂言」。「從來謬音『 新 挏,達孔反。 孤 岳 如 向學 賦 得《 此。 哂 亂真介。 有一俊士,自許史學,名價 遂至 周 士又以爲 許 史記音》,而 挏 元氏之世,在洛京時 文 録 於此。 此謂 乃 弱枝之棗」爲杖策之杖 反,錯作許緣 成。」二字並從手。 昔吾嘗共人談書,言及 歷爲碓磨之磨。 撞 人先 種 太山 擣 桐 頗紕繆,誤 挺 時 有高名,翕然信 羊 桐之,今爲 、太官釀 ·肅 反,遂謂 有一 亦 甚 反 稱 馬 捶都 高, 「顓 才 專 學 酪 朝 酒

耳受。 楚丘 親表,作《七夕》詩云: 莫知源由,⑥施安時復失所。◎ 莊生有乘 謂霍亂爲博陸,上荆州必稱陝西,●下 鄙朴,道聽塗説,强 起之説,故謝朓詩 無不公幹。 去海郡,6言食則 ,論婚則宴介,及王則 談説 江 製文,援引 南 凡有一二百件, 閶 里閒, 餬 日 事 口 古昔, 士大夫 飾 道 「今夜吴臺鵲, 鵲起登吴臺。」 辭: 錢則孔 無 傳 或 呼徵 必 不 不 相 須 仲 祖 方,問 學 質 眼 宣 八爲周 述, 問 學 吾 . 揚 語 共往 有 時 尋 都言 羞 移 勿 劉 鄭 鵲 間 爲 信 則 順

統」,程本作「抒」,抱經謂朝士」,程本作「一一

經堂本作「孔」。

<sup>「</sup>昔」、程本作「音」。

<sup>「</sup>陝」,程本、抱經堂本作「峽」。

<sup>「</sup>揚」,程本作「楊」。「郡」,抱經堂本作「

<sup>「</sup>所」,程本作「於」。

爲夸毗,呼高年爲富有春秋,皆耳學之過也 故 填 、戴暠 河。」●《羅 樹》詩云: 詩 云 浮 Щ 遙 長 記》云: 望 安 長 樹 安薺。」又當見謂 如 薺。」 望 平. 又 鄴 地 樹 下 有 如 薺。」 矜 人 誕

夫文字者,墳

籍

根

本。

世之學徒,多不

宗系。 曉字。 鄒 非服虔而輕之,猶謂是服虔而輕之,故此論從俗也 **况異代各人乎**? 俗》、《廣雅》而 者,信褚詮 而 廢篆、籀 雅 讀 至 見 五經者, 而笑吕忱;❷明《史記》者,專徐、 服 不知 ; ⑧學《漢書》者, 悦應、蘇而 虔、張 不 · 屑。 世人皆以《通俗文》爲服 是徐 書音是其枝葉,小 揖音義則貴之,得《 一手之中,向背如此 貌 而 非許慎 虔造,未 習賦 學 乃 通 其 略 誦 知

乖 原 姓 本。 ·舛,縱得不誤,亦未 族、衣服飲食、器 夫學者,貴能 至於文字,忽不 博 聞 知 制 經懷,己 也。 所 度 曲。 皆 郡 國 欲 身姓名, 近 根 Щ 世 尋 Ш 有人爲 多 官 得 或 其 位

若有知吾鍾之不調,●一何可笑。立字,而有名凝者。名儒碩學,此例甚多。弟皆手邊立字,●而有名機者;●兄弟皆水傍子制名,兄弟皆山傍立字,而有名峙者;●兄

何地,博求古今,皆未 晉陽東百餘里亢仇 縣,東數十里,有獵間 「亢仇」 韻 集 吾嘗從齊王幸 》,乃知 舊是「禮欲亭」,上音武安反,下音仇 獵 間」是舊 并州 城側。 村。 能 ●自井陘 曉。 る間 後 並 百官受馬 餘聚」,獵 不識二所本 及檢《字林 關 入上艾 音獵 糧 悉屬 也 在

- 「共往」,抱經堂本作「往共」。
- 「笑」,程本、抱經堂本作「忽」。
- 「徐」,原作「皮」,今據王本改。
- 「峙」,原誤作「峙」,今據程本、抱經堂本改。
- 「機」,原本、程本作「機」,今據抱經堂本改。「手邊」,程本作「木傍」。「邊」,抱經堂本作「傍」。
- 「鍾之」,程本作「之鍾」。
- 「王」,抱經堂本作「主」。

名聞之,大喜。 上艾。時太原王劭欲撰鄉邑記注,●因此二

此 者。 非二

皆 也。」茫然不識 一亦古之虺字,積年凝滯,豁然霧 有魄者,一身兩口,争食相齕,遂 案:《爾雅》諸書,蠶 吾初讀《莊子》「魄二省」、《韓非子》曰: 兩口,貪害之物。 此字何音,逢人輒問 蛹 後見《古今字詁》, 名 魄,音「潰」。 解 7 無 相 又 殺 解 皆歡悟。

貌目之,或當即以滔爲名乎。也,滔,淺水貌。此水漢來本無名矣,直以淺東指。〕衆皆不識。吾案《説文》,此字古魄字東指。〕衆皆不識。吾案《説文》,此字古魄字亦不知名。後讀城南門徐整碑云:●「滔流嘗遊趙州,見柏人城北有一小水,土人

之形,所以趣民事。 文》:「勿者,州里所 由,或有妄言此忽忽之殘 軼介。 世中書翰,多稱 建之旗 勿勿,相承 故忩遽者,稱爲 也,象其 如此,不 柄 案: 勿勿。」 及 知所  $\wedge$ 説 游

> 吾在益州,與數人同坐,初 白下爲匕,皆訓粒、《通俗文》音方力反。」 逼,時莫之解。 命將取來,●乃小豆也。 答曰:●「是豆逼介。」相顧愕然, 小光,問左右: 「此是何物?」有一蜀豎就視 吾云:「《三蒼》、《説文》,此字 窮訪蜀 晴日 晃, 見地上 土,呼粒 不 知 所謂。 爲

王《 馴 黨,數曾見之,色並黄黑,無 養愛翫,舉俗呼之爲 鶡 愍楚友壻寶如同,從河州來,得一青鳥, 賦》云:「揚玄黄之勁 易。 駮 羽。」試 雜 吾 티 : 也 鶡 故 檢 陳 出 《説 思 H

「南」、程本、抱經堂本

<sup>「</sup>砌」,原誤作「邵」,今據抱經堂本改。

<sup>「</sup>晃」,程本作「明」。

<sup>「</sup>日」,程本、抱經堂本作「云」。

<sup>「</sup>俗」,程本作「族」。

集》音介。 文》:「鶬 音介。 此疑 ~頓釋。 雀 佀 鶡 而 青,0出 羌中。」《 韻

出。 遣 測彼之深淺,乍聞 爲 「江南有露葵否?」答曰:「露葵是蓴,水鄉所 露葵菜。❸ 一士大夫聘齊,齊主客郎李恕問梁使曰 卿今食者,●緑葵菜介。」李亦學問,但不 梁世有蔡朗父諱純,❷既 面牆之徒,遞相 無以覈究。 倣 不涉學,遂呼尊 製。 承聖中

侍焉。 音者,其數多少,能盡識乎?」答曰:「未之究 意乃介!」若遂不知,亦爲異事。 也。」因爲説之,得五十許字。 忽見不識,誤以問人,反爲無賴所欺,不容易 也,請導示之。」吾曰:「凡如此例,不預研檢, 思魯等姨夫彭城 吾問儒行、敏行曰:「凡字與諮議名同 劉靈,嘗與吾坐,諸子 諸劉歎 曰:「不 0

稱此 心職介。 校定書籍,亦 觀天下書未徧,不得妄下雌黄。 何容易,自揚雄、劉 向,方

> 文皆欠,不可 偏信一 隅 也。

或彼

以 爲

非,此

以

爲是;或

本 同 末 異

,

或 兩

顏 氏家訓卷第三

改,下文同 燒」,原誤作「鵝」,「介」,原誤作「分」,今據抱 經堂本

「父」,原無,今據抱經堂本補。

王利器整理本作「者」。

0

菜」,程本、抱經堂本無。

卿今」,程本爲注。

0

三五

## 顏氏家訓卷第四

### 文章 涉 務

文 章 第 九

賦 者也、書奏箴銘、生於《春秋》者也。 書》者也;序述論 誦 少生於《詩》者也; 夫文章者,原 出五經: 議 ,生於《易》者 祭祀哀誄,生於《禮》 詔命策檄,生於 也 朝 , 廷 歌 憲 詠

> 遇俳 力,則 矜誇凌上,陸 禮敗俗,嵇康凌物凶終,傅玄忿鬭免官,孫 禰衡誕傲致殞,楊脩、丁 華 班 檢格,劉楨 猒,路粹隘狹已甚,陳 吴質詆忤鄉里,●曹植悖慢犯法,杜篤乞假無 陵降辱夷虜,劉 無操,王褒過章《童約》,揚雄 屈 擯 固 原 壓,馬季長佞媚獲誚,蔡伯 盗 露 優,東方曼倩滑稽不雅,司 可習之。 才揚己、 竊父史,趙元叔抗 屈 機 强 犯 顯 歆反覆莽世,傅毅黨附權門, 輸 然 順 暴君過,宋玉體貌容冶 作,王粲 而自古文人,多陷 履 琳 險, 廙 實 竦過度,馮敬 潘 扇 號 率躁 岳 動 麤 德敗《美新》,李 乾 取 喈同惡受誅 疎,繁欽性 馬 見 斃, 阮 没取 嫌 長 卿竊 危,顔 孔 輕 通浮 籍無 融 見 薄 楚 眥 無

誦, 程本、抱經堂本作「頌」。

國,不

可

暫

無。

0

一本作「施用多途」。

至於陶

冶

性

靈

,從容諷

諫,

入其滋味,亦樂事

也。

行

有

餘

章,軍

旅誓誥,敷

顯仁

義,發

明功德,牧

民

建

<sup>「</sup>不可暫無」、程本、 忤」"程本作「訶」。 抱經堂本作「施用多途」。

或未 塵 加以 賈 賊 文士,此 之,原其所積,文章之體,標舉興會, 患 德之君也。 翹 延 九霄,志凌千載,自吟自賞,不覺更有傍人。 靈,使人矜伐,故忽於持操,果於進取。 太祖、文帝、明帝、宋孝武帝,皆負世議,非 一者,時復聞之,但其損敗居多 盆 自 年 ; 秀者,不能悉 深宜防 免。 貽 砂礫所傷 、蘇武、張衡、左思之儔,有 負 氣摧 患 謝玄暉 自昔天子而 彌 慮,以 自子游、子夏、荀況、孟軻、枚乘、 黜 切, ,慘於矛戟; 悔 紀,大較 謝 保元吉。 慢見及。● 凡此諸 靈 事 運空疎亂紀,王元長 有才華者,唯漢武 愜當,一 如 此。 諷刺之禍 句清巧,神厲 至於帝 介。 盛 名 速乎風 人,皆其 ,發引 每 而 Ŧ. 今世 嘗 免 性 思 渦 懿 魏 亦 X

不 妨 ,自足爲人。 精 學問 熟。 有 利 拙 鈍,文章有巧拙。 文 必乏天才,勿强 研思,終 歸 蚩 鄙。 操 鈍 筆 學累 但 也 成 功 學 吾

誘也。 誠 容, 見世人,至 也,泣而諫之。 説,便擊牛釃酒, 州,有一士族,好 以 難也 衆矣,江 何況 下音瞥。 行 路 無才思,自 南 邢、 ! 至死 號 此人歎曰:「才華不爲妻子所 爲 魏 爲 招延聲譽。 於 諸 可笑詩 不覺。 公,衆 力正反。 謂清華,流 賦 共 其妻,明鑒 自見之謂明, 癡符。 誂 嘲 撆 弄, 布 Ŀ 醜拙, 音窕 近 虚 在 婦 相 相 并 此 讚 亦 呼

言。 不失體裁,辭 任,取笑旁人也。 施 行,一本無此 然至於宏麗 學爲文章,先謀親友,得其 意可觀,便稱才士,③要動 四字。 精華,不過數十篇介。 自古執 然後出手 筆爲 ; 文者 慎 評裁, 勿 何 師 俗 但 心 知 미 蓋 使 勝 自 可

<sup>●「</sup>悔」,抱經堂本作「侮」,是。

<sup>「</sup>裁」、程本作「論者」。

❸ 「便」,程本作「遂」。

The state of the s

世,●亦俟河之清乎!

惡聲 則 陳 箕之義也。 滅,君臣 文人之巨患也,當務從容消息之。 目 孔璋居袁裁書,則呼操爲豺狼, 紹 爲 屈二 旦 固 虵 無常分矣。 屈 虺。❷ 姓,夷、齊之節也;何事非 自春秋已來,家有奔亡,國有吞 膝 而事人, 豈以存亡 在時君 然而,君子之交, 所 命,不得自 在魏製檄 一
而
改 君,伊、 專 絶 慮 然 ? 無

明孝 幼年累德也。孔子曰:「不學《詩》,無以言。」 詠、吉甫、史克《雅》、《頌》之美者、未聞皆在 之曰:虞舜歌《南風》之詩,周公作《鴟鴞》之 自衛 道,引《詩》證之。 或問 童子雕蟲篆 返 魯,樂正,《 .'揚雄曰:"「吾子少而好賦?」雄 刻,壯士不爲也。」 金余竊非 雅 》、《頌》各得 揚 雄 安 敢 忽 其 之 所。」 也 日 大 ? .

> 且《太玄》今竟何用乎? 仲尼,使人歎息。 行,孫卿、屈原之不及,安敢望 故著《太玄經》,爲 命,童子之爲介。 著《劇秦美新 》,妄投 此人直以曉算術,解陰 桓 數子所 譚 于閣,周 以 不啻覆醬 勝老子,●葛洪 惑 章怖慴,不 介。 大聖之清 其 而 己。 遺 言 塵 以 達 6 陽 餘 方 天 ?

松樹,❸ 朝菌,可須臾之翫 書,嗤鄙文學,嘲 齊世有席毗 常 有 風 霜,不 劉 ,非宏才 者,清幹之士,官至行 | 逖云: 可 凋 也。 「君輩 悴 矣 豈 辭 比 藻 吾徒 劉 6 臺 應 譬 T 之 丈 尚

● 「要」下,程本、抱經堂本有「須」字。

❷ 「目」,程本作「自」。

「士」、程本、抱經堂本作「夫」。

「舞二、見工、包座堂本月「瓦一字。「桓譚」、原作「袁亮」、今據程本、抱經堂本改

「輩」,原作「輦」,今據程本、抱經堂本改。「醬」下,程本、抱經堂本有「瓿」字。

「手」,程本作「十」。

若論

「詩人之賦

麗

以

則

辭

人之

賦

麗

以

淫」,

6 6

但

.知變之而已,又未知雄自

爲

光夫何

如

也?

8

三人

曰:「可哉!」 曰:「既有寒木,又發春華,何如也?」席笑

文章當以理致爲心腎,氣調爲筋骨,事銜策制之,❸勿使流亂軌躅,放意填坑岸也。凡爲文章,猶乘騏驥,●雖有逸氣,當以

但 才争,事 本,率多浮豔。 義爲皮膚,華麗 者 .務去泰去甚介,必有盛才重譽。 補 綴 繁而 而 不足。 才損。 辭與 爲冠 理競 時 冕。 放 俗 逸 、解勝 今世 如 者 此,安 流 宕 而 相 理 承,趨末 而 改革 能 伏 志 獨 歸, 體裁 違? 事 與 弃 穿

不可 靡,章句偶對, 遠,但緝綴疎朴,未爲 以古之製裁爲 '偏弃 古人之文,宏材逸氣 也 諱 本,今之辭調爲末,並 避精詳,賢於往昔多矣。 密緻介。 ,體度風格,去今實 今世 須兩 一音律 存 宜 諧

者

,實吾所希

吾家世文章,甚爲典正,不從流俗。梁

弟始 孝元 不 於《梁史·文士傳》及孝元《懷舊志 有詩、賦、銘、誄、書、表、啓、疏二十卷,吾兄 録 傳 者 於世。 在草土, 0 並未得編次, 便 亦亦 在 蕃 邸時,撰《西府 以 銜 不 酷 偶 於 世 徹於 無 新 鄭、 文》,紀 心 遭火 衛之音故 髓 無 盪 操 虚 篇 行 也。 見

日: 也; 也。」深以此服之。 詩云:『崖傾護石髓。』此豈似用 易識字,二也; 沈隱侯曰:「文章當從三易: 沈侯文章,用 祖孝徵亦嘗謂 易讀誦,三也。」那 事不使人覺, 事 郭? 易見事 吾曰 若 胸 子才 : 臆 沈 語

師 匠 邢 邢賞服 子才、魏收俱 沈約 而 有 輕任 重名 昉 時 魏愛慕任 俗 進 的, 昉 以 而

<sup>● 「</sup>策」,程本、抱經堂本作「勒」。

<sup>「</sup>紀」、程本作「史記」。

<sup>●「</sup>土」,程本作「上」。

毁沈 非 各爲朋 ", 乃 約 邢、魏之優劣也 黨。 0 每 於 祖孝徵嘗 談 讌 辭 謂 色 吾 以之。 日 「任、沈之是 鄴 下 紛 紜,

吴均集》有《破鏡

人人人人

昔者,

邑號

朝

曹

必

無

輕

議

也。

淵淵」 詠 君而 歌 比,幸須避之。 悉古事,不 詩者,題云 書》,爲文幸避此名也。 惡名之傷實 不知是耶 ,顔淵不 堂上養老,送兄賦 敬 者,❸《宋書》已有屢 「旭既不識其父,澐又飖 同」,不可 1敬同。 舍 可 非。」殷澐詩云: 也 用 里名 北 也。 破 輕 **《孝** 面 鏡 勝 言 世人或有引《詩》「伐 事 乃凶 經》云「資於事 母 桓 也。 親,别 比世往往見有和 山 ,曾參斂襟: 弧 |之悲: 遊之消。 逆之獸,事 梁 ()舅摘《 世 颺 颺其母。」此 雲母 費 皆大失也。 旭 渭陽》之 父以 如 蓋忌 ·舟。」簡 詩 見《 此 云 鼓 雖 人 漢 流 事 夫

江南文制,欲人彈射,知有病累,隨即改一舉此一隅,觸塗宜慎。

之,陳 難。 吾 王得之於丁 初 人 鄴,遂嘗以 廙 也。 忤 人, 至今爲 山 東 風 俗 不 悔, 通 汝 擊

作《母 小人。 岳《 諱 粲之集,此例甚衆。古人之所行,今世以 王 君。」《袁三公頌》曰:「猗歟我祖 **夙喪。」又爲胡顥作其父銘曰:「葬** 於哀傷凶禍之辭,不可 也。 | 粲爲潘文則《思親詩》云: 悼 凡代人爲文,皆作彼語, 亡賦 靈表頌》曰: 庶我顯 陳思王《武帝誄》,遂深 》,乃愴手澤之遺。 妣,克保遐年。」 「悲母氏之不永,然委我 輒 代。 躬 蔡邕 理宜然矣。 永蟄之思; 是方父於蟲 而 ,出自有嬀。」 此 並 勞瘁,鞠予 我 爲 載 考議 胡 乎邕 金 爲 至 郎 丽 盈

<sup>●「</sup>魏」下,抱經堂本有「收」字。

<sup>「</sup>爲」、程本、抱經堂本作「有」。

<sup>「</sup>切」下,程本、抱經堂本有「此」字。

龍。 譬婦 也。 之 云:「俔天之和。」今爲此言,則朝廷之罪人 父誄》云:「億 重。」 孫 爲 王粲《贈楊德祖詩》云:「我君餞之,其樂 楚《 考也。 潘 尼 Ŧ | 贈 驃 兆宅心,敦敘百揆。」《姊誄 騎 蔡邕《楊秉碑》云:「統 盧 誄》云: 景 宣 詩》云: 「奄忽登遐。」 九 Ŧi. 陸 大麓 思 機 飛

平 乖 出 原 製 自 作 多  $\blacksquare$ 挽歌辭者,或云古者《虞殯》之歌,或云 大意。❷ 横之客,皆爲生者悼往告哀之意。 爲 死 人 自歎之言,詩格既無此例, 又 陸

洩

'洩。」不可妄施人子,況儲君乎?

平 失 Ш 混 厥 ?  $\prod$ 雜 善惡 體 物 凡詩人之作, 《京 産 洛 其 風 同篇 行》,何不述 爲《吴趨行》, 教之盛,後章 也 刺 箴美頌,各有 陸 機 被 忽 爲 E 何不陳 一、靈 鄙 《齊 Щ 帝乎? 謳 子光、夫差 川之情, 源 篇》,前 流 未 6 疎 敘 嘗

> 説,或有 懷。 腦,●有如孔懷。」心既痛矣,即爲甚 是則 誡 輕 沙顧母書》,述從祖弟士璜死,乃言:「痛 孔,甚也 「雉之朝鴝,尚求其 其牡。」毛《傳》亦曰: 方言有如 雊,雄 議之。 云。 《詩》云: 混雜 《詩》云: 雉 不同,書儻 今指知 其雄 也 鳴。」潘 懷,思也,言甚可思也。 ? 「父母孔邇。」 雌 觀 「有鷕 決紕繆者,略舉 矣。 岳 其此意 雌。」鄭玄注《月令》亦 賦 湮 ^ 日 雉 滅,後人不見,故未 「鷕,雌 詩》云 鳴。」又 當當 「雉鷕鷕 而 : 呼二親 謂 雉聲。」又云: 孔 日 親 陸 : 兄 懷 兩 以 思 爲孔 機《 弟 雉 兄 朝 端 爲 與 弟。」 何 雊 鳴 心 以 故 孔 拔 Ę 求 爲 敢

自古宏才博學,用事誤者有矣。

百家

雜

<sup>● 「</sup>譬」,程本、抱經堂本作「匹」。「爲」,程本、抱經堂本作

<sup>「</sup>大」、程本、抱經堂本作「本」。

<sup>「</sup>何」,程本作「祠」,抱經堂本作「胡」。

<sup>「</sup>腦」,原作「惱」,今據抱經堂本改。

字。 也。 流 杯 説 鳥 有 於 不 狼」,下音「當」。 與與 項 分 義 抱 野 武 魚 朴 뻾 鳥 偏 通 後漢 我 曼都詐 烈 椀。」 蟹 乎 文士往往 數 大 飲 介。」何 ? 太 也 T 書》: 之, 子 亦  $\sim$ 稱 鋃鐺 棲 ^ 異 亦 輒 猶 漢 得 宿 是 物 逐 不 囚 郭 誤 〈書》: 仙, 大 其 數 詩云: 志 司 飢 象 作 T 鏁 Ŀ, **>** 徒 自云: 渴 以 鳥 云 「御史府 卷 崔 0 也 鳶用 惠 晨 學士 世世 一烈以 而 施 躍 去 「仙人以流 擁 簡 之辨 之。 閒 魚 暮 一,嘗 銀鐺 中 劍 文 多誤 如 來,號 (詩云: 狀 《抱 列 爲 作 擁 鏁。」上 柏 如 莊 詩 作 劍。 朴 蟹, 樹 朝 金 周 霞 云 子 銀 常 霞 是 但 : 夕 音 歎 悠 能 簡 鳴

流 歸善 守行》乃云: 天寒隴 會 馬,小 白 文章地 馬。」此亦明珠之類,美玉之瑕,宜 水  $\dot{\mathcal{F}}$ 急,散漫俱 理 鵞 送 降 軍 必 書。」 須 攻 日 愜 分瀉, 蕭 逐 當 子 鷰 暉《 北注 梁 騎 簡 隴 蕩 文《雁 徂 康 頭 黄 居 水 (龍,東 門 大 宛 太

慎之。

祖, 復得。 悠 此 ?」魏收 文 山 鄴 解 斾 吟 更 王籍《人若耶溪》詩云: 下才俊, 有情致 旌。」 至《懷 詠 幽 ご江 亦然 不 毛《傳》 舊 能 ,籍詩生於此 南 志 其 乃 志 以爲 論。 言 || 載 之。 日 於《籍 文外 孝元 「此不 言言 詩》云: 意介 斷 不 蟬 傳 諷 成 諠 絶 **%** 味 噪 譁 語 蕭 物 林 范 以 也 蕭 無 逾 何 陽 爲 静 異 馬 事 吾 盧 不 鳴 議 短 於 詢 鳥 可

之徒 ]1] 時 嘗 荷 人未之賞也。 有《秋詩 雅 仲舉、瑯 蘭 陵 所 蕭 》云: 不 慤,梁室上 琊 恢 諸葛漢亦 「芙蓉露下落,楊 吾愛其 黄侯之子,工 蕭散 以爲 宛 爾 然 柳 而 在 月 於 盧 中 目 思 0 疎。 什 道 潁

銀

鏁三公腳,

刀撞

僕

射

頭。」爲俗

所誤。

雍容也。 者,恨其 佪 遜 每 雖然, 詩 病苦辛,饒 實 爲 劉 清 甚忌之,平 巧 多多 貧 寒氣, 形似 生舗 不 之言。 及劉 何 孝綽 揚 詩 都 之 常 論

子朗 脁 劉 又撰 愛陶淵明文,亦復如此。 何,子朗 <del>궁</del> 常常 孝 ,綽當 ( 詩 信 『蘧居響北 以 饒 謝 最多。」三何 苑 清巧。 時 詩置 》,止 既 有 几 取 闕」,儘 思澄遊 重 案 何 者,遜 名 閒 兩 儘呼麥反。 廬 無 篇 江 動 時 Ш 及 南 所 静 每 思 語 與 輒 澄 曰:「梁有 讓 諷 有 譏 不道 味。 子朗 其不 佳篇,亦 唯 車。」 簡 服 也。 廣 文 謝 顛

### 名實第十

冠絶。

鏡也。 則名 也 脩 名者,體道合德,享鬼神之福 身 立名者 而 必 名之與實,猶形之與 善焉 上士忘名,中士立名,下 求令名於世者,猶貌甚 ,脩身慎行,懼榮觀之不顯 容色姝麗 列則 影 影 也。 祐 悪 必 非 士 而 美 德 所 竊名。 焉。 責 藝 妍影 以 ~,非所 周厚, 求名 今不 忘 於

在乎心,無不

見乎迹,但察之未熟介。

稱,非所以得名也。 以讓名也,竊名者,厚貌深姦,干浮華之虚

然諾 物或 子賤云: 於登壇之盟,趙熹之降城,賢於折衝之將矣。 造舟之航 抑亦如之。 何哉? 人所毁,常 蹶 致疑: 虧, 於崖岸, 吾見世人,清名登 足所履,不過數寸,然 爲 不知 「誠於此者形於彼。」人之虚實、真 則 其 以 至誠之言,人未能信,至潔之行, 皆由言行聲名無餘 後之矛戟,毀前之干櫓 此 仲由之證 傍無餘 拱把之梁,●每沈溺 自 責。 地故 若能 而 鼎,2一本作「言信」。 金貝 也。 開 而 地 人,信譽顯 君子之立己, 方 咫 也。 軌 於 尺之途,必 之路, Ш 吾每 也 谷者, 重 僞 虙 而 廣 爲

- ■「把」,程本作「抱」。
- ② 「證鼎」,程本、抱經堂本作「言信」。

以 塗臉 足以 後人 能 伯 察 有大貴,以孝著聲,●前後居喪,哀毀踰制,亦 之 掩之,益使外人謂 石 一僞喪百誠者,乃貪名不已故也 書之, ,遂使成瘡,表哭泣之過。 高於人矣。 讓 所 卿, 鑒 留 王 巧 傳 莽 僞 萬 辭 不 而嘗於苫塊之中,❷以 代, 政 如 其居處飲食,皆爲不信。 拙 當 可 誠,承之以 爲 於 骨寒毛 爾 時, 左右童豎,不 自 豎 羞大 以 也。 巧 巴豆 矣。 密。 近 不精

吟,遂 疑 拙 又嘗問 爲詩,彼造次 諸名士,甘其 %彼製 ·,亦常出 一而家世 有 無 竟日 作,多 日 覺 士族, 者 境 殷 歡 鴻。● 餌 玉 厚,雅自矜持,多以酒 即 誻 非 珽 者,遞共吹嘘。❸ 韓 成 讀書不過二三百卷,天 機 辭 杼 了 退 杼,遂設 東萊王 人 上終葵首,當作 歎 非 滿 日 席 向 . 韓 韻。 讌 屬 果 晉 言, 音 如 明 衆客各 朝廷 篤 賦 所 面 犢 韻, 量 好文學, 何形?」 相 以 珍 自 爲文 命 討 玩 才 韓 沈 鈍 筆 試 交

> 乃答云:「珽 頭 曲 夏 勢如 葵葉介。」 韓 既 有

學,忍笑爲吾説之。

則不可 勵 治點子弟文章, 常常 繼,終露其情,二則 以 爲 聲價, 學者有憑,益 大弊 事 也 0

費 公事 民 命 握手送離,或 / 庶稱· 日 相 廣,不可常周。 煩 經懷,每 鄴 情 下 之,不容 有一 所 齎梨棗 加 不 少年, 撫 於 忍。 卹 口 餅餌,人人贈 以以 出爲言 0 道 有僞情,觸 及 路 水聲 襄國 遷 飢 爲 渴 譽。 令, 泗 以 别,云: 州 凡 塗 頗 此 難 别 遺 自 見思。」 兵 繼 駕 勉 一 上 此 役, 篤 功

「共」,程本作「相

<sup>「</sup>以孝」, 程本作「孝悌」 抱經堂 本作「以孝悌」。

<sup>「</sup>於」,程本作「以」。

常」。程 本、抱經堂本作「當」。

<sup>「</sup>大」,程本作「太」。 介」,程本、抱經堂本

### 績遂損敗矣。❶

澤。 清風 之,祖考之嘉名美譽,亦子孫之冕服墻宇也 蟬 昇,松柏偕茂者,惑矣哉 皆慕名者,蓋因其 沓參差,不絶於世,豈不弘 千萬人立直風矣。故聖人欲其魚鱗 者,而聖人以爲名教乎? 名者,亦猶築室樹果,生則 自古及今,獲其庇廕 立名,則 一殼虵 柳下惠,而千萬人立貞風矣, 矣; 世之汲汲者,●不達此意 或 問 皮,獸远音「航」。 7.獲其 勸 曰 つ實。 「夫神滅形消,遺聲 季札,而千萬人立仁風矣; 且 情 勸 者亦衆矣。❷ 而 致其善 鳥 伯夷, 對曰:「勸也,勸 獲 迹介。 哉? 其利 ,若其與 勸一史魚,而 介。 而千萬 死 一餘價 四 夫脩善立 何 鳳翼 海 抑 預 魂 則 悠悠, 爽 遺 又 人立 於 亦 新雜 論 俱 其 勸 其 死 猶

#### 涉務第十

費,開 宜,不 徒高 風 決有謀,强幹習事; 著述憲章,不忘前古, 其鑒達治體,經綸博雅 國之用材,大較不過六事: 俗,清白愛民, 談 士君子之處世,<br />
●貴能有益於物介。 - 辱君 悟 虚 有 論,左琴右書,以費人君禄位 術。 命 六則 此 五則使命之臣,取 則皆勤學守行者所 四則蕃屏之臣,取其 興造之臣,取 -三則軍旅之臣,取 則文史之臣,取 則朝廷之臣 其 其 程 識 能 其 明 功 變 取取 也。 不 辦 節 從 練 斷 其

「か」、程本無。「損敗」、程本作「敗損

「之」,程本、抱經堂本作「人」。

「士」、程本作「夫」。

「悟」、程本、抱經堂本作「略」。

四五

當皆 也。 曉 指 性 趣 有 ,能守 長 短 贵 職 責 **外便** 具 無 美 於 媿 介。 六塗 哉? 但

清高 不涉世 監 也。 用 有 掌,及有試用 上,典掌機要。 之上,不知有勞役之勤:故難可以應世 有喪亂之禍; 才幹者,擢 小 其 帥 保俸禄之資,不知有耕稼之苦, 諸 人之態,皆可鞭杖肅督 晉 長 吾見 也 務; 朝南渡,優借士族。 蓋 王籤 (世中文學之士,品藻古今,若指 護其 爲令僕已下尚 纖微過失,又惜行捶楚,所以處於 人每 多無 省, 處 短 其餘文義之士,多迂誕浮華, 不 廊 也。 立立 自量,舉 所堪。 曉習吏用,濟 廟之下,●不知 至於臺閣 書郎 居承平之世,不知 世 ,故多見委使,蓋 故 一怨梁武帝父子 江 中 辨 令史,主 南 有戦 書舍人已 時須,縱 冠 肆 帶 經 吏民 陣 書 有 之 諸 務 0 0

之,舉 已下一段。 劾之。及侯景之亂,膚脆骨柔,不堪行步,體 爲馬乎?」其 羸氣弱,不耐寒暑; 出 陸梁,莫不震懾,乃 建康令王復,性既儒 周 弘 則 Œ 車 朝以爲放達。 興,人則 爲 宣 城 風 王 俗至此。⑤ 扶 所 侍, 謂 坐死 愛,給 至乃尚 雅 人 郊 ,未嘗乘騎,見 日 郭之内, 倉猝者,往往 一本無自「建康令王 正 書郎乘馬,●則 果下 是虎,何 馬 無 常常 乘 馬 而 馬 故 服 嘶 者。 名 糺 歕 御

道也。 粒,父子不能相存。 古人欲. 夫食爲 知稼 民 天,民非 穡 之艱難 耕種之、茠鉏之、刈穫之、 食 斯 不 生矣。 蓋 貴 穀 三日 務 本 不 之

「廊廟」、程本、抱經堂本作「廟堂」。

「高」,程本作「名」。

「蓋」,程本、抱經堂本作「益」。

0

小

而

疏

士大夫,此

亦

眼

不能見其睫

梁世

士大夫,皆尚褒衣博帶,大冠

高履,

0

「建康令王復」至「其風俗至此」、程本無。「書」、原作「馬」、今據程本、抱經堂本改。

乎? 其 命。 本見《歸心》篇後。 但憐己之子女,不愛其婦。● 如此之人,陰紀 婦之父母,卻成教婦不孝己身,●不顧他恨。 大,電蛇虺其性,惡 過,鬼奪其算,不得與爲 爲子娶婦,恨其生資不足,倚作舅姑之 世有癡人,●不識仁義,不知富貴並 避之哉! 避之哉! 口 加 誣,❸不識忌諱,罵孱 0 鄰。 此段 何況交結 本見此篇, 由天

顏氏家訓卷第四

「世有癡人」以下一段,程本、抱經堂本載於《歸心》篇篇

- 「悪」、程本、抱經堂本作「毒」。
- 「卻成教婦」,程本作「却云教以婦道」。
- 「不得」,程本、抱經堂本作「慎不可」。「其婦」,程本、抱經堂本作「己之兒婦」。
- 遠之哉」。「避之哉」,抱經堂本不重文。「何況交結乎避之哉」,程本作「仍不可與爲援宜

四七

# 顔氏家訓卷第五

省事 止足 誡兵 養生 歸心

省事第十二

成伎術。」近世有兩 云: 者,無前足:蓋天道不使物有 事,多事多患。」至哉斯 善飛者,減其指, 銘金人云:「無多言,多言多 多爲少善,不如 人,朗 熟 有角者,無上齒; 戒也 0 悟士 ! 也,性 兼焉也。 鼯 能走者 鼠 敗; 多 五 能,不 誉 古人 豐後 奪 無 綜 其 多

> 梗概 弓矢在千百人中,天文、畫繪、棊博,鮮卑語、 章 異端,當精妙也 胡書,●煎胡桃油 射六得三、醫藥治十差五、音樂在數十 無 。皆不 可 傳 於 通 集 熟。 、録,書 練錫 惜 乎 迹 ! 爲銀,如此之類,略得 未 堪 以 以 彼神明,若省 留 愛 玩 人下 1 其 쓨

主,爲 也。 或無絲毫之益,❸而 也; 廣。 利害,對策之伍也,帶私情之與奪,遊説之儔 計羣臣之得失,<<br />
訟訴之類 總此四塗,賈 原其體 上書陳事,起自戰國,逮於兩漢,風 時 所納, 度 初獲不貲之賞,終陷不測之 攻人主之長 誠以求位,鬻言以 有不省之困,幸 也 短,諫 3 陳 而感悟 諍 或 干禄。 之 家 流 之 徒 彌

略無成名,經不足以待問,史不足以討論,文

<sup>「</sup>熟」、程本、抱經堂本作「執」。

<sup>「</sup>胡書」、程本、抱經堂本無。

❸ 「絲」,原作「私」,今據程本、抱經堂本改。

採,縱 闕,獻 之大 覩 失 甚 誅 乃 冗 而 飜 衆。 懷 介, 則 僥 不行介。 體 倖之徒,不 懼 合時 書言 瑾 嚴 非 良 咸 愆 助、朱買 瑜 士 中 尤。 務, 粃 計 而 君 或 所 握 糠之微 子 被發姦私, 率多空薄 書 已 足與 人主 巓 守 蓋 臣、 漏 桂 法 先覺 比 外 者,悉 吾 事,0十 取 度 肩 護 丘 其 高自 者 也 聲 壽 非 面 狂 所 恥 教 相 王、 謂 條 狷 爲之。 爲 一矜夸, 之中 膕 不 脱 也。 主 介, 證 知 加 父 , 含 事 守 今 論 偃 但 無 養 途 不 門 世 之 患 經 政 足 詣 類 此 间 知 略 所 得 求而

耳。 之地 信 斯 諂 텘 也 而 3 罪 「當盡匡 諫 至 諫静之徒,以 近而 於 人。 人以 就 不諫,則尸利也。《 故《表記 養 一贊之規 爲謗己 有 方, 正 也 <u>\*</u> ,不容苟免偷 人君之失介。 思 不 出位,❷ 事君 論 遠 語》曰 干 安 必在 非 而 垂 諫 其 得 頭 未 任 言 塞 則 9

君子當守道崇德,蓄價待時,爵禄不登,

也。 信由 知 飽、 見 宰 棋 弗 風 發 相 量 竊 索 天命。 雲不 遣 瑕 功 見静退 衣 何 疵 伐 取 獲 與,徒 以 而 厲 0 温 須求 此 未遇 獲 色 哉 8 得官, 層 求 揚 趨 不 謝 者 無 聲, 競,不顧 知 世 謂 益 便 或 時 東 見 爲 也。 爲 有諠 怨 運 躁 才力,何 西 弗爲胡成 之 羞 競 凡 聒 怒。 來, 慙 得 不求而 時 官 不然 人視聽 比 異盜 或 者, 較 有 自 材 6 亦 便 劫 食 爲 致 求 不 至

族, 謁。 取貴 齊之 拜守宰者, 八一時。 季世,多 印 而 爲 組 以 執 光 財貨 政 華 所 託 車 患 附 騎 外 隨 輝 家 赫 而 伺察 諠 築 兼 動 既 女 九

6

不

得者,焉

可

勝

算乎

<sup>「</sup>思」,程本作「恩」。

<sup>「</sup>然」,抱經堂本作「求」。「爲」,抱經堂本作「謂」。

<sup>「</sup>爲」,抱經堂本作「謂」。

然後 坑 以 言 與 穽 利 時 暰 殊 得 0 人 臍 深 論身分也,不能 必 瘡病未 亦復 以 利 何 治 復 及。 ; ş 縱得 微 吾自 染 通達,亦 免死 風 南 塵 及北、未嘗一 莫不 無尤 便 乖 焉 破 肅 家 正 ;

焉。② 吝。 翟之徒,世 如 夫之横怒求 得 置 漁 所憫 凡 爲 (善則) 罪 趙 有 舟,季布之人廣柳,孔融之藏張儉,孫嵩之 損 若横 ", 甘 岐,前 於 逆亂之行, 王子 親友之 況 物 預 心 生 ?,皆無 死 ,爲惡則去,不欲黨人 晉云:「佐饔得嘗,佐鬬得傷。」此言 調 瞑 代之所貴, 地,游俠之徒,非君子 土歸 圖 熱 目。 迫 計 腹 與 危 得罪 我,當弃之乎? 至 焉 無 難 楊朱之侣 如 理 也, 於君 而吾之所行 郭 請 然 家 謁, 解之代 而 親者,亦 財 窮 世世 非 己 鳥 非義之事 吾 謂 力, 之所 人報 入懷,仁人 也。 伍 冷 教 不 當 員 腸 也 讎,灌 爲 足 之託 無 以 也。 也 卹 墨 腸 所 此

> 也。」 者,則 之。 淺裁深,安有肯服? 無災祥 政令有寬猛,運 分至薄 競 兩 測 讓,❸苦欲留 而 家 歷,凡十餘人,紛紜累歲 量,還 舉 違 介。 吾執 前 云日 也。 經。 蝕 在 曹貴賤,咸 脩文令曹, 歷象之要,可以 論曰:「大抵諸 月 復 則 用 且 採訪 有 四 疏 議 連, 遲 行 分 官 則 速 致 疏 强 以 訟 所 藏 有 盈縮 爲 而 人, 加 既 知 以 姦 Щ 考覈。 然。 非 減 儒 桁 而 晷景 窺 東 不能 分密。 格令所 ,非算之失也 内 所争 不 求 學 望 有 ·信 ; 之, 測 史 1 長 精 機 牒 之。 與 四 短 禮 河,幸勿 杼 預知 於訟者, 疏 用 分 付 關 既 者, 官 密 朝 今驗 并 議 中 其 薄 則 夕 恥 則 減 官 太 度 聚 爲 當 以 任 密 無 稱 其 分 平 史

0

以

此

不可冷,腹

不可熱,當以仁義爲節文爾

數

<sup>「</sup>利得」 讓」,程本作「議 一,程 本、抱經堂本作「又」。 程本作「得

生,被 也 ,寒暑煩勞,背春涉冬,竟無予奪,●怨誚滋 1 2 然而 本「此好名好事之爲也」。 退,終爲内史所迫: 此 好名之辱

議

#### 止足第十三

婚姻 臻其 門户,世無富貴。 立 涯限介。 勿貪勢家。」吾終身服膺,以爲名言也。 極,情性不知其窮,唯在少欲知足,❸ 《禮》云:「欲不可縱,志不 先祖靖侯戒子姪曰:「汝家書生 自今仕宦,不可過二千石 ·可滿。」宇宙 爲 可

者,非十人五人也。

慎之哉!

慎之哉!

乏介。 1 有 欲 可 庶乎? 四海, 窮 以免害。 驕 天地鬼神之道,皆惡滿盈。 形骸之内,尚不得奢靡,己身之外, 泰耶? 貴爲天子,不知紀極,猶自敗累, 常以爲二十口家,奴婢盛多,不 人生衣趣以覆寒露,食趣以塞 周穆王、秦始皇、漢武 謙虚沖損 帝, 可 況 富 而 創.

> 暇介。 代杖策,蓄財數萬,以 出二十人,良田十頃,堂室纔蔽風 旦執機權,夜填坑谷,●朔歡卓、鄭,晦泣顔、原 者,便當罷謝,偃仰私庭。 可收退,當時羇旅 後顧五十人,足以免恥辱,無 者,皆以義散之,不至此者,勿非道求之。 仕宦稱泰,不過處 自喪亂已來,見因託 ,懼罹謗讟 擬吉凶急速。 在中 吾近爲黄門郎, 風 品品 思爲 傾 雲,徼倖 ,前望五十人, 危 雨,車 此計 也。 不啻 富 僅 高 馬 未 此 此 僅 已

名」下、程本有「好事」二 予」,程本作「與」。

字。

0

- 足」,程本作「止」。
- 填」,程本作「損」。

0

#### 誡兵第十四

戰 之士 操者 郎 宋 儒 孫 王 有 高、顔鳴、顔息、 齊、梁,未 一受誅, 功。 誌 顔 顔 雅 有 有二,顔 之。 唯 顏 涿 爲 駟 顔 雖 吾既 聚 業 延 氏之先,本乎鄒、 頭俊以 此二人 無 自 ガ趙 个,编在 之,並 孔 有 次身手, 氏 稱 羸 子 用 有 居 好 薄,仰惟 力 ,皆罹 據 兵 顔 武 處 顔 八 書 翹 或 、人焉。 武 以 記 冣 羽 將 門 聚 更 威 取 軍之任,竟 ,或作「聚」。 之徒,皆 禍 徒衆, 無 關 見殺 前代,故 達 仲尼 敗。 不,不 魯,或 事 者。 秦、漢、魏、晉 迹。 以 違 門徒,升堂者 頃 得 鬭 春 力 弃 分入齊, 寘 世 姓 漢末有顔 顔 以 秋之世, 素業, 聞 已來 心 窗 夫介。 忠 顛 此 於此,子 離 以 覆。 \_, 下 聖 世 徼 衣 無 黨 良 譜 清 漢 七 倖 冠 楚 齊 顔 逮 以 誠之哉 酒

之。 閩 革之時, 頗 規,以謀社稷,君子所恥也。 相扶戴 拳掔,大則陷危亡,小則 不 讀兵書,微 能 ,幸災樂禍 入帷 被甲執兵,以 國之興亡,兵之勝 : 構扇 此 幄之中,參廟 皆陷身滅族之本也。 省 有經略 反覆, 爲 衛 逆 縱 社稷; ·,若居 亂 横 敗 堂之上,不能 貽 註 説誘,不 ()博學 恥 承平 但 誤 辱,遂 然 微 善 之世 而 所 行險服 良 至,幸 識存亡, 每 無 誠之哉 睥 見文士 免 爲 如 主 逞弄 在 討 睨 强 畫 兵 官 論

世 甕 士大夫 也 習 五 但 兵, 不讀 便 騎 書,即 乘 Ó E 自 可 稱 稱 武 武 夫兒,乃 夫 介。 飯 囊

「騎乘」、程本、抱經堂本作「乘騎」。

也

吾見今世士大夫,纔

有氣幹

便

倚賴之,

0

正」,程本作「上」。

五

#### 養生第十五

益

者

甚

多,不能

説

介。

本

無此

六字。

吾

餘,目 法 遂其所稟,不爲夭折 慎 汝曹專精於此。 内教,縱使得仙 華山之下,白骨如莽, 滓,千萬 鍾值 杏仁、枸杞、黄精、术煎一本有「車前」字。 須,益非貧 食資須,公私驅役,❷ 有供養之勤; 不不 節起臥,均適暄寒,**⑤**禁忌食飲 0 神仙之事 看細字,鬚 廢 不遇 世 人生居世,觸途牽繫。 務 士所辦。 也 一介。❸ 未 成立之年,便增妻孥之累。 ,終當 《髮猶》 若其 可全誣; 庾 者,吾無 學若牛毛,①成 肩吾常服 而望 黑 有死 何有可遂之理? 加以 愛養神明, 一遁跡 鄴 金 但性 不能 中 玉之費 閒 槐 朝 山林,超然 幼 命 然。 將 實 調 出 在天, 士 少之日 亡, 有 如 世 護 餌 者,6 年 諸 鑪器 一,不願 藥 麟 氣 考之 藥 或 單 七 物, 息 角 得 服 餌 所 塵 衣 既 難 9 6 0

度,腸 脱。 《太清方》中 無損 患齒 行之數日,即便平愈,今恒持之。 抱朴子》牢齒之法,早朝建齒三百下爲良,每 於 了, 搖 近有 塞而死,爲藥所誤者甚 (事,亦 動 王 欲 一愛州 總 口 落,飲 録 脩 甚 在 也。 食 料 備 熱 學服 凡 但 冷, 諸 須 多 餌 皆苦 松 精 藥, 脂 審 此輩 疼 不 不 陶 痛 小術, 得 口 隱 節 輕 居 見

夫養生者,先須慮禍,全身保性,有此生

● 「驅役」,程本作「勞役」。

③ 「遇」,程本作「過」。

「若」、程本、抱經堂本作「如」。

「暄寒」,程本、抱經堂本作「寒暄」。

「术煎」,程本作「木車前」,抱經堂本作「术車前」。

「建」,程本、抱經堂本作「叩」。

「諸」、程本、抱經堂本作「欲」。

「脱」。程本作「服」。

然後 餌之徵, 康著《養生》之論,而 喪外,張 養之, 毅 本作「延年」。 勿徒 養 於外 養其 而 無 以傲物受刑 喪 丽 生 内,前 以 也。 貪 溺取 賢 單豹 所 禍, 石崇冀 養 戒 於内 往 也 世 之 服 嵇 而

所迷也

行 也! 者。唯吴郡太守張嵊,建義不捷,爲賊所害, 亂 怒,見射 辭色不 而 此君子之所惜哉 途 生,終爲不救,徒取窘辱,令人憤懣。 若 ,王公將 得罪,喪身以全家,泯軀 ,干禍難之事,貪欲 夫生,不可 此 自亂 · 撓。 面 之 離 相,多被戮 斃。 難? 及 已來,吾見 鄱 不惜,不 夫 陽 婢 王 行誠 妾 謝 以 辱,妃主姬 世 引 遵 傷 可苟惜。 名臣賢 子 孝 丽 生,讒 女 決 謝 濟 而 也。 若 夫 見 國,君子不咎 人,登 士, 妾,略 此 賊 慝 涉險畏之 何 之 丽 臨 賢 侯 履 致 易? 屋 難 仁義 智 無 景之 死 求 操 詬 全 0 讚述,但懼汝曹猶未牢固,略動

#### 歸 心第十六

世之事 信 而 有 徵。 家 世 業 此 0 勿

慢

也。

其閒妙旨,●具諸

經

論,不

復於此

少

能

勸誘介。❸

不同。 信 徒 載 盜 及 也。 羣 之禁也,禮者,不邪之禁也, ,皆與之符。 七經、百氏之博哉? 生。 原夫四塵五廕,剖析 内外兩教,本爲 内典初門,設 萬行歸空,千門 仁者,不殺之禁 五 種 一體,漸極爲異,深淺 明非堯、舜、周、孔 形有; 禁; 入善,辯才智 外 智者,不淫之 也 六舟三駕 典仁義禮 義者,不 惠 智 所 運

動」。程本、抱經堂本作「重」。

家世

程本

作

家業歸

12

抱

經堂

本

作

「家世

悲夫!

<sup>13/0</sup> 旨」,程

禁 不 淫 刑 也 濫 3 罰 信者 固 爾。 民之性 ,不妄之禁也。 歸 周、孔而背 一,0不 可 釋宗, 卒除 至如 就 何 畋 其 爲之節 狩 迷 軍 也 旅 使, 燕

慝也 應爲 神化 其 利 後 五 欺 世之乙乎爲異人也。今並釋之于下云: 無方爲迂誕也; 俗之謗者,大抵 以縱 其 誑 四 也 有因 3 以 其三,以僧 際費 緣如報善惡,安能辛苦今日之甲 有五 金 其二,以 寶 減 尼行業多不 其 耗 吉凶 一,以 課 役 禍 世 爲 精 界外 福 損 純 或 或 爲 未 事 也 姦 及 報

也。 形 萬 者 有 爲 所 知 相 百 光 陽 色 里, 同 連 莫 釋 星有墜落,乃爲 性 月 陽 旦 爾 著 又質 爲 狹 天 宿 但 陰精, 從 地。 首 夫遙大之物,寧 以 重 斜 大 尾 何 常常 小爲其等差 星 相 天 所 石矣。 爲 不 去 爲 繫 盈 萬 數 積 屬 物之精 萬 縮 氣, ? 精 可 若 度量 地 百 又 然 是 星 里之 星 儒 爲 而 之 石 與 積 ? 家 日 之物,數 徑 不 塊, 日 月 今人 所 , 月 H 又 得 安 大

> 積水 當 退 封 九 性 還 何 生? 地 有 疾 浮 贵 誰 既 理 災 州 就 ,當與天合, 能 建 度 石 所 文數,移 滓濁 之下, 未 下, 也 獨 己 到 宜 祥 東流 所 0 劃 來 運 ? 禍 節 何 石 ? 等。 福 故 到 法 動 度? 列 沃 復 誰 既 就 不 海 應 或 F 焦 有 日 所 牢 往來環 何 均 未分, 沈 騰 月 密,烏 之 何 制 中 天 何 故 ? ? 厚, 物? 星 不 石 割 漢 爲 日 辰, 差。 寧 ? 翦 天 懸 不 鑿 轉 月 兔焉 何 當 疆 地 指 溢 土 若 江 或 五 氣 不 乾象之大,列 氣墜,忽變爲石 得泉, 品 ? 初 容? 河 皆 星、二十 有 所 得 那 野 開 是 增 百 錯 歸 然 不 谷 氣 減 若 乃 違 散 塘 石 便 浮水 爲 有 落 尾 八宿 在 從 潮 氣 星 其 躔 星 ? 閶 氣 沙 何 體 星之 無 閒 中 宿 水 去 處 各 遲 進 渫 ? 輕

0

<sup>「</sup>固」,宋刻《續家訓》作「因」。

<sup>「</sup>著」,程本、抱經堂本作「若」。

之次 以 夥 何何 宙 此 外 而 爲 求,迄 西 也 分野 胡 無了 東 , 止 越 繋 者, 豈得以人 一,彫 中 題、 或 ? 交 阯 昴 事 爲 獨 旄 尋常 弃之 頭 乎? 抑 匈 必 奴 幢 能

如

此

何

況

神

通

感

應,

不

可

思

量,

千

里

寶

百

由

旬

座

化

成

净

土

踊

出

妙

塔乎

?

信 見 世界、微塵 凡 宣 疑 船 如 Ш 不 容 有 錦 魚 中 人之臆説,迷大聖之妙旨, 乍 馬 不信 皆實驗 安。 人不 干 不 凡 漢 人之信, 同 儒 信 家説 武 斗 氈 有蟲 數 也 不 有 若 極 帳 劫 信 魚 天,自 所 所 **;** 食 也? 唯 弦膠,魏 大 測 周 樹 及 耳 如 量, 來 吐 管 有 與 木, 而 河 絲 目。 數 寧 維 鄒 所成; 北,不 文不 海 義。 所 足 衍 上 耳 依 屬 亦有 圃 信 人 自 或 據? 信有 昔在江 欲 火 不 之外, 若 渾 九州 必 信 布 或 所 無 何 有 一南,不 之談 蓋 親 一萬斛 故信 胡 木 恒 咸 見, 沙 人 大 乍 致

瓜 移井、倏忽之閒、十變五化。 世 有 祝 師 及 諸 幻 術 猶能 履 人力 火 所 蹈 爲 刃, 尚 種

0

生」,程本作「可」。

乎? 歸 又欲 爲 盗 偶 之先業, 時 眼 儻 欺 鍾 跖 見 7,其事 安 詭 禍 九流 差 釋二曰: 莊 項彙、顔 所 闌, 報,爲 冀 則 蹻 依信 百 終當 Ė 亦 以 之 氏,皆同 多。 堯、舜之云 悪 後 夫信謗之徵, 福 回之 而 生, 壽 獲 뻾 立 或 儻 報 身乎 短 更 齊 乃 此 值 介。 折 爲 景、 精 論 ? 福 虚 通 豊獨 原 誠 徵,便生怨尤 桓 善惡之行, 周 介。 有 憲 不 魋 深 如 之富 伯 孔之不 釋典 影響。 如 業緣 夷 以 之凍 强 行 爲 禍 一、若引 實 未 , 0 虚 善 耳 福 感。 餒 也 聞 即 妄 而 所

不 何 説 由 悉 釋 若覩 責 日 其 凡 精 開 僧 絜 闢 流 乎 已來,不善人 俗, ? 便生: 見 有名 非 毁。 僧 多 高 而 且學 行, 善 入少, 者之 弃 m

禄位; 自 家之輩,而 格朝廷之人,略無全行者, 士人之學《詩》、《禮》? 當 有 , 豈教者之爲過? 毀禁之侣,何慙供養乎? 犯 獨 責無 披 法服 犯 哉 ,已墮僧數 ? 俗僧之學經律,何異 以《詩》、《禮》之教 且 以 闕 經律之禁,格出 行之臣 歲歲 其於戒行, 中 一,猶求 所計

齋講

誦

持

比諸白衣,猶不啻山

海

也

落鬚 若能 徇主 儒 費者,國謀 僧尼也? Ш 之本旨也。 寺,妨民稼穡,無業之僧,失國賦 有 林,安可 不屈王侯高 誠孝在心,仁惠爲本,須達、流水 而 髮,豈令罄 四 弃親,孝子安家 日 計其 皆由 也。 : 抑 内教多途,出家自是其一法介。 又論之 「爲政 身 賦 井 尚 役 計國 H 其 以 不能節之,遂 而 事 謀,不 爲 隱 起 求道者,身計 圃 罪人? 塔 忘 有讓 廟 國,各有 町 窮 兩 算,●非大覺 王辭 使非 編 若能偕 遂。 相 户 不 也 行 必剃 以 避 誠 法 3 也。 惜 化 之 世 臣 爲

有自然稻米、無盡寶藏,安求田蠶之利乎?黔首,悉入道場,如妙樂之世,穰佉之國,●則

頓欲 事 夫有 滅,生生不斷, 身猶老少朝夕介。❸ 世,望於後身,似不 生與今非一體介。 不脩功業。 或降僮妾,或感妻孥,求索飲 亦爲不少矣。 ? 弃之哉? 子孫,自是 釋五曰: IIII 乃 愛 以 ~護,遺 形 今人貧賤疾苦,莫不 此 豈可 凡夫蒙蔽,不見未來 天 體 而 相屬。 雖 地閒一蒼生介。 論 其 若 不 世有神魂,●示 安 死 基 怖畏 有 ,精神猶存。 址,況於己之神 可不爲之作地 天 及其殁後,則 眼, 耶 食、徵須 ? 鑒 其 又君子 ·怨尤 故言: 現夢 何預 念 福 念 前 與 生 乎 想, 處 彼 身 前 隨 ? 在 世

「失」,程本、抱經堂本作「空」。

0

「穰」,抱經堂本作「穰」。

「猶」上、程本、抱經堂本有「似」字。

「神魂」、程本、抱經堂本作「魂神」。

0

梁。 曹若 家, 許 舜 身竟何 家之慶; 世 一貴能 蒼生? 周 但 觀 人身難 當 孔, 俗 親 克己復禮 兼 治國者 計, 也, 免 虚 脩 得 脱 失 勿 樹 戒 而 幾身罪累? 了, 欲 愉 行 立 爲 虚 濟 樂 門 勤 過 留 介。 户,不 時 苦 國之良。 也 心 益 脩 誦 物。 德 弃 讀 人 幸 乎 妻子,未能 脩道 治家 熟思之! 僕妾臣 以 ? 爲 公者,欲 亦 來 濟 民,與 是 世 度 堯 津 汝 幾 出 痛 此 頭

且 死 不 能 聞 報 愛命 不 其 示 數條 驗 殺 聲 儒 不食其 ,去殺之事 家 子 此 於末 君 孫 乃仁者 子,尚 殃 肉。 禍 離 自然用 必勉 高柴、折像 其 庖廚 數 行之。 、甚多, 心。 見其 含生 不 好 生 未 能 殺 知 不 一之徒 悉 之人, 臨 内 忍 録 其 教 介, 死, 莫 皆

千 每 沐 雞 雛 軱 梁 破二 世 有 三十枚。 人,常以 雞 臨 卵 死 É 髪 和 中 沐,云使 ·但聞 啾 啾 光 數

俱是鱔,●自頸已下,●方爲人尒。 江陵劉氏,以賣鱔羹爲業。後生一兒

先行至客。 而 楚 客竟不言之, 羊 號 繩 王 克 щ 解 爲 來投 永嘉 方復説之,遂作羊 臠 固 入口, 那守, 無救 客,先跪 便下 有人 請 皮内, 須 兩 飹 鳴 拜, 羊,集 臾 而 周 宰 便 死 行 羊 人 賓 衣 徧 爲 欲 炙 中 讌

臥 作 劉敬 而 坐,於堂 拜,縣 -禮,縣 簷 下。 躬亂 梁 孝 令大笑, 上接 投醒 元 縣 以 在 賓。 牛 廨 丽 江 被焚,寄寺 覺 繋刹 命左右宰之。 州 未殺之頃 體 時 痒, 柱 ,有人爲 屏 爬搔 牛 III 除 住。 形 望 隱 飲 解 像, 一蔡縣 疹,因 噉 徑 民 醉 鋪 將 來 **令**, 飽 介 設 4 至 成 便 階 牀 酒 經

0

<sup>「</sup>俱」、程本、抱經堂本無。

<sup>●「</sup>投」,程本、抱經堂本作「稍」。
●「頸」,原作「脛」,今據程本、抱經堂本改

癩,十許年死。

一男,自然無手。 一男,自然無手。 一男,自然無手學,凡戮十餘人。部曲後生檢,飢民盜田中麥。思達遣一部曲守視,所檢,飢民盜田中麥。思達遣一部曲守視,所

中捕魚。後病,每見羣魚齧之而死。江陵高偉,隨吾人齊,凡數年,向幽州淀

顏氏家訓卷第五

五九

### 顏氏家訓卷第六

證

書證第十七

詩》云:「參差荇菜。」《爾雅》云:「荇,

接余也。」●字或爲莕。

先儒

解

釋皆云:

「水

皆以 草,圓葉細莖,隨水淺深。」今是水悉有之,黄 花似蓴。 劉芳具有注 參差者是莧菜 江南 釋。 俗亦呼爲猪蓴,或呼爲荇菜。 而河北 ,呼人莧爲人荇,亦可笑 俗人多不識 之,博士

> 菜當言英、益知非龍葵也。 勞。案:郭璞注《爾雅》:「此乃蘵黄蒢 似 《易統通卦驗玄圖》曰: 高誘注《吕氏春秋》曰:「榮而不實曰英。」苦 菜、既無宿根、至春子方生介、亦大誤 冬歷春,得夏乃成。」今中原苦菜則如此也。 今河北謂之龍葵。」梁世講《禮》者,以 或白,子大如珠,熟時或赤或黑,此菜可以釋 菊。 名游冬,葉似苦苣而細,摘斷 。」《爾雅》、《毛詩 《詩 江南别有苦菜,葉似酸漿,其花 誰 謂 傳》並以荼苦菜也。 茶苦?」《禮》云: 「苦菜,生於寒秋,更 有 白 汁 也。 此當苦 花 或紫紫 苦菜 案: 也 又 黄

大。 《説文》曰:「杕,樹貌也。」在木部。《韻集》音 傳曰:「杕,獨貌也。」徐仙民音徒計反。 《詩》云:「有杕之杜。」江南本竝木傍施

0 接」,程本作「妾」。

之甚。

亦如字,此大誤也。 次第之第,而河北本皆爲「夷狄」之「狄」,讀

職 : 獨 不見劉芳義證 以《詩傳》良 爲得也。《易》云:『良馬逐逐。』《左傳》云: 養,亦非 以充朝聘郊祀,必無 若作放牧之意,通於牝牡,則不容限 之事,●何限騲騭乎?」余答曰:「案《毛傳》 下博士見難云: [《駉 牡」之「牡」,河北本悉爲「放牧」之「牧」。 云:●「駉駉 『以其良 諸侯六閑四種,有良馬、戎馬、田馬、駑馬。』 得 「良 駉 《詩》云:「駉 駉之稱。 馬 騲 馬二。』亦精駿之稱,非 也。 匹 馬 良馬 乎? ,通於牧騲,恐失毛生之意,且 頌人舉其 人; 良馬,天子以 腹幹肥張也。」其下又云: 駉牡 駑馬,麗 聯 頌》既美僖公牧于駉 馬。」江南書皆作「牝 也。 强駿者言之,於義 《周 一人。」圉人所 駕玉輅,諸侯 通 禮 語 • 圉 在良 也。 人》 野 今 鄴 馬 0 0

云:「馬藺。」《易統通卦驗玄圖》云:「荔挺 莧。 」其伯父紹 始數歲,俊 有一僧,面形上廣下狹。 莧,馬莧堪食,亦名豚耳,俗曰 爲旱蒲,故不 率生之,江東頗有此物,人或種於階庭, 然則《月令注》荔挺爲草名,誤矣。河北 挺。」高誘注《吕氏春秋》云:「荔草挺出 爲刷。」《廣雅》云:「馬薤,荔也。」《通俗文》亦 出,則國多火災。」蔡邕《月令章句》云:「荔 挺,馬薤 月令》云:「荔挺 也。」《説文》云:「荔 悟 善 識 因 l體物 馬 呼 薤。 爲 6 荔 見此 講《禮 出。」鄭玄注云:「 挺 劉緩幼子 ~,似 法 僧 馬齒。 師。 》者乃 云: 蒲 0 而 一面 民譽,年 小 以 縚 江 親 似 但 平澤 陵 爲 也。 根 荔 馬 呼 不 馬 可

<sup>「</sup>駉」,程本、抱經堂本作「坰」

❷ 「傳」。程本作「詩」。

<sup>「</sup>悟」。原作「晤」,今據程本改。

<sup>「</sup>縚」上,程本有「劉」字。

《禮》名儒,尚誤如此

施」。 《韓詩》亦重爲「施施」。 爲少誤。 施,難進之意。」鄭箋 詩》云:「將其來施施。」《毛傳》云: 江南舊本,悉單爲「施」,俗遂是之,恐 云: 河北《毛詩》皆云「施 「施 施、舒 行貌 也。」 「施

序,習習祥風,祁祁 傳》云:「渰,陰雲貌。 祁祁然,不暴疾也。」案: 渰已是陰雲,何勞復 徐貌也。」箋云:「古者,陰陽和,風 云「興雲祁祁」耶? 興雨祁祁。」注云: 班固《 詩》云: 靈臺》詩云:「三光宣精,五行 「有渰萋萋,興雲祁 「「興雨」如字,本作「興雲」,非。」《毛 甘雨。」此 「雲」當爲「雨」,俗寫誤 萋萋,雲行貌。 其 (證也。 雨時,其來 祁。」《詩》: 祁祁, 布

子》曰:「五尺犬爲猶。」《説文》云: 心 猶豫而狐 禮》云: 疑。」先儒 「定猶豫,決 未 有釋者。 嫌疑。」《離 0 案: 騒 隴 西謂 日 ^ P

> 也。 其義也。 日 流水聲,然後敢渡。 或以《爾雅》曰 前,待人不得,又來迎候,如此往還,至 犬子爲猶。」吾以爲人將犬行,犬好 猶豫」。 斯 既聞人聲,乃豫緣木,如此上下,故 乃豫之所 狐之爲獸,又多猜疑,故聽 : 以爲 「猶如麂,善登木。」猶, 今俗云:「狐 未定 也, 故稱 疑虎 「猶 豫 河 ト。 」 則 冰 潤 豫 於終 在 無 稱 名 人

憂也。 「痎,二日一發之瘧。 以痎爲疥,❸杜征南亦無解釋,徐仙民音介。 侯之病,本是閒日 《左傳》曰:「齊侯痎,遂痁。」《説文》云: 今北方猶呼痎瘧音皆,而 一發,漸加 店,有 熱 重乎 瘧 世 也。」案: ', 故 閒 傳 爲 本多 諸 侯 齊

而」,程本作「在」。

爲」。程 本、抱經堂本作「有」。

者」。程本作「書」。

俗儒 店。 」此 説就爲 臆 :瘧乎? 説 通云:「病疥,令人惡寒,變而成 也。 疥癬小疾,何足可論,寧有

患

疥轉作

《尚書》、《周禮》、《莊》、《孟》從葛洪字,甚爲 傍始加 乡,音杉。 測景,景朝景夕。」《孟子》曰 爲景。❶《淮南子》呼爲「景柱」,《廣雅》云: 唇柱挂景。」並是也。 光景」之「景」。 莊子》云:「罔兩問 尚 :「惟景響。」《周禮》云:「土圭 凡陰景者,因光而生,故即 音於景反。 景。」如此 至晉世葛洪《字苑》, 「圖景失形。」 圃 等字,皆當爲 世 閒 輒 改治

陳。 傳》:「爲魚麗之陳。」俗本多作阜傍「車乘」之 夫行陣之義,取於陳列介,此六書爲假借也。 車。 《論語》曰: 太公《六韜》有天 按諸「 陳 隊」,●並作「陳鄭」之「陳」。 衛靈公問 陳、地陳、人陳、雲鳥之 陳於孔 子。」《左 0

|《蒼》、《雅》及近世字書,皆無别字,唯王羲之 《小學章》, ●獨阜傍作車, 縱復俗行, 不宜追 改《六韜》、《論語》、《左傳》也

《詩》古本,皆爲「叢聚」之「叢」,而 巡注曰:「木叢生曰 云:「灌木,叢木也。」此乃《爾雅》之文,故李 又音祖會反,●劉昌宗《詩注音》爲在公反,又 無言此者,唯周續之《毛詩注音》 似「冣」字,近世儒生,因改爲「冣」,解云: 「木之 冣高長者。」案:衆家《爾雅》及解《詩 「木族生爲灌。」族,亦 《詩》云:「黄鳥于飛,集於灌木。」《傳》 灌。」《爾雅》末章又云: 叢 聚 也。 爲徂 所 占 以 「叢」字 會反, 江 南

0

0

即」下、程本、抱經堂本有「謂」。

隊」,程本作「字」。

之」,抱經堂本無。

<sup>·</sup>又音祖會反」,程本、抱經堂本無,疑似衍文。

六四

狙會反: ●皆爲穿鑿,失《爾雅》訓也。

按: 之,每不得所,益 皆以青爲飾。」用釋「青青」二字,其失大矣! **羣儒因謬説** 戢,戢也,不儺,儺也。」「不多,多也。」如斯之 又有俗學,聞經傳中 云:「衿,交領也。」鄴下《詩》本既無「也」字, 炎、郭璞注《爾雅》,曹大家注《列女傳》,並 衿。」《傳》曰:「青衿,青領也,學子之服。」 類,儻削此文,頗成廢闕。《詩》言:「青青子 屢空」,「風,風 無者,至如「伯也執殳」,「於旅也語」,「回也 古者,斜領 河北經傳,悉略此字,其閒字有 也」,是語 云:「青衿、青領,是衣兩處之名, 也,教也」,及《詩傳》云: 下連於衿,故謂 已 成可 及 時須「也」字,輒以意加 助句之辭,文籍 笑 領 爲 不可 衿。 備 有之 示不 得 孫

、、王儉《四部目録》,不言姓名,題云:「王人《易》有蜀才注,江南學士遂不知是何人

見也。 後,●北閒傳記,皆名爲僞書,不貴省讀,故不 宮傅凝本作「諺」、作 「姓范名長生,自稱蜀才。」南方以晉家渡江 疑是譙周。 弼後人。」謝炅、夏侯該,| 而《李蜀書》, 「詠」,未定。 一名《漢之書》,云: 本「該」字下注云: 並讀數 千卷 書,皆 五 代 和

《禮・王制》云:「贏股肱。」鄭注云:「謂是,穿著之名,非出臂之義。」案《字林》,蕭讀是,國子博士蕭該云:「擐,當作『捋』,音宣,擐是國子博士蕭該云:「擐,當作『擐甲」之「擐」。

字。沛國劉顯博覽經籍,偏精班《漢》,梁代《漢書》「田肎賀上」,江南本皆作「宵」

「家」、程本無。

<sup>「</sup>成」,原作「誠」,今據抱經堂上「狙」,程本、抱經堂本作「祖」。

帝 謂 呼爲「田肎」。 可求,但臣家舊本以雌黄改『宵』爲『肎』。」元 無以難之。 之「《漢》聖」。 吾至江北,見本爲「肎」。 梁元帝嘗問之,答曰:「此 顯子臻,不墜家業,讀班史, 無義

有 視,而復紫色蠅聲。」亦爲誤矣。 位。」蓋謂非玄黄之色,不中律吕之音也。 學士名問甚高,遂云:「王莽非直鳶髆虎 漢 書・ 王莽贊》云:「紫色蠅聲,餘分閏 近

如 似 亦可以亥爲豕字音,●以帝爲虎字音乎? 以「悉」字音「述」,以「妬」字音「姤」。 爲音,殊爲顛倒。《史記》又作「悉」字誤而爲 民《春秋》、《禮》音,遂以「筴」爲正字,以「策」 「述」,作「妬」字誤而爲「姤」。裴、❷徐、鄒皆 「杞宋」之「宋」。 「刺」字之傍應爲朿,●今亦作「夾」。 簡策字,竹下施「朿」,七賜反。 亦有竹下遂爲「夾」者,猶 末代隸 。徐 既 爾 仙 書

之號。處字從虎,音呼。 古文注》亦云:「處,今伏。」而皇甫謐云: 誤 宓,或復加山。今兖州永昌郡城,舊單 生,即子賤之後。」是知處之與伏,古來通字, 處子賤,爲單父宰, 也,東門有子賤碑,漢世 紀》因誤 爲必,末世傳寫,遂誤以處爲宓, 羲,或謂之宓羲。」按諸經史緯 以爲宓,較可知矣。 更立 名介。 即處羲之後,俗 何以 宓字從一,音縣。 「所立,乃云:「濟 驗之? 候,遂 而《帝 孔 字 子 無 父 亦 下俱 弟 南 王 宓 「伏 地 世 爲

此是删《戰國策》介。 曰:「尸,雞中之主。 《太史公記》曰: 「寧爲雞口,無爲牛後。」 按: 從,牛子。」然則「口」當 延 (篤《戦) 國策音義

0

張揖云:「處,今伏羲氏也。」孟康《漢書

<sup>「</sup>字」,原誤作「史」,今據程本、抱經堂本改。 裴」,原誤作「袞」,今據抱經堂本改

亦」上,抱經堂本有「則」字。

六六

爲「尸」,「後」當爲「從」,俗寫誤也。

爲 記》竝作「俳佪」,或作「徬徨不能無出言」,是 岳《射 言。』」案:伎癢者,懷其伎 離變名易姓,爲 俗傳寫誤 雉 聞其家堂客有擊筑,●伎癢,不能無出 心劭《風 賦》亦云:「徒 介。 俗通》云: (人庸保,匿作於宋子,久之, 心 「《太史公記》: 而 煩 腹 而伎癢。」今《史 癢也。 是以 高高 漸 潘

《五宗世家》亦云:「常山 妬媚,以至滅國。」 又《漢 論衡》云: 媢」,「媢」亦妬也,義見《禮記》、《三蒼 成 結 」是「妬」之別 太史公論英布曰:「禍之興自愛姬,生於 寵 妾妬 「妬夫媢婦生,則忿怒鬬訟。」益知 媚之誅。」此二「媚」,並當 名。 原 書·外 英 憲王后 布之誅,爲意 戚傳》亦云: 妬娼。」王充 賁 且 作 音

《史記•始皇本紀》:「二十八年,丞相隗

肥

赫

介,不得言「媚

磨滅, 「元年,制韶丞 之「林」。 林、丞 貌」之「狀」,爿旁作犬,則 此稱權,今在官庫。其「丞相狀」字,乃爲 古隸,余被敕寫讀之,與内史令李德林 盛德,刻 歉疑者,皆明 皇帝,乃 年,皇帝盡并兼天下諸侯,黔首大安,立號 稱權,旁有銅塗鐫銘 皇帝,其於久遠也,如 爲之,皆□ 相 見 此 詔 有 王綰等議 開皇二年 詔 刻辭焉。❷ 五 丞相狀、綰,灋 左,使 **壺之。**」凡 十七字,了了 相斯、去疾,灋 於海上。」諸 毋 五月,長安民 二所。 今襲 後嗣 疑。」 四 十字。 號 度 凡五十八字, 爲之者,不稱 知 其 ,分明。 量 俗作 度 而 一所 本 劘 刻辭,不 量 皆作 掘 其 二,盡 音則。 曰:「廿 其 得 隗林」非 書 始 秦 所 對,見 Ш 兼 稱 皇 成 不 時 E 「狀 林 爲 功 始 帝 賮 爲 鐵

「皆」下,抱經堂本注「沈氏空一格」。

程本此處不空格。

<sup>「</sup>堂客有」,程本、抱經堂本作「堂上有客」。

也,當爲「隗狀」介。

誤 言》。 安也 從 也。 手 **」,音「匙匕」之「匙」,義見《蒼》、《雅》、《方** 河 漢 屬 北學士皆云 書》云「中外提 文者 對 耦, 如 並爲 此, 福」,字當從示。 提 ൬ 挈之意, 江 南 書本 恐 多誤 褆, 爲

義

也。

李登 《周 中爲 既常有禁 也。」然則 云:「糺,猶割也、察也。」一本無「猶割也」三字。 禮 《省中』,何故以『省』代『禁』?」答曰:「案 或 • 宫正》: 『掌王宫之戒令糺禁。』鄭注 問: 『省,察也。』張揖云:『省,今省 衛 小井、所領二反,並得 「《漢書注》『爲元后父名禁,改 省察,故以『省』代『禁』。 訓察。 詧,古 其 禁 詧 處

按: 知皆外 桓 漢 帝 戚也。 加 明 元 帝 服,又賜 紀 明帝時,外 **\*** 四姓 一爲 四 及 戚有樊氏、郭氏 姓 梁、鄧 小侯 小侯帛, 立 學。」

> 侯,故 獲 陰氏、馬氏,爲 封, 故 曰 須 小 立學介; 侯。 四 《禮 姓。 或以 》云「庶方小 謂之小 侍 祠 侯者,或 猥 朝, 侯」,則 侯 以 非 年 其 列

指,黄地黑文,故都講云: 安有鸛雀能 魚。案: 無文章也。 匳,長一丈。」郭璞注《爾雅》: 苑》皆曰 「鱓」字。 象也。」《續漢書》及《搜神記 假借爲「鱣鮪」之「鱣」,俗之學士因 「鱣」爲「鱓」,其來久矣。 後漢書》云: 層 孫 魏武《四時食制》:「鱣 鱓魚長者不過三尺,大者不過三 似 卿 勝一者,況三乎? 、她、蠶 云「魚鼈 「鸛雀銜三鱓音善。 似蠋」,並作 蝤 「虵鱓,卿大夫服之 鱣」及《 影亦 「鱣 鱣 説 魚大如五 長二三丈。」 「鱣」字。 韓 此 又純灰色, 間謂 非》、《 事 魚。」多 之 ,皆作 爲 説 假 斗

後漢書》: 酷吏樊曄,爲天水郡守,涼州

爲之歌曰:「寧見乳虎穴,不入曄城寺。」●而 夫虎豹穴居,事之較者,所 學士因循,迷而 以班超云: 介。 土通 故陳思王《鷂雀賦》曰:「 呼物一山,●改爲一 頭

江南書本「穴」皆誤作「六」。

不探虎穴,安得虎子?」寧當論其六七耶?

摩研編削之才。」皆其證也。《詩》云:「伐木 褒《僮約》曰:「書削代牘。」蘇竟書云:「昔以 傳》云「削 是削札牘之柿介。 後漢 圃 書·楊由傳》云:「風 投之」是也。 古者書誤則削之,故《左 或即 謂 吹 札 、削肺。」此 爲 削。 王

爲「肝 是屏 滸滸 風 或爲「反哺」之「哺」字。 角 占候介。 障之名。」既無 。」《毛傳》云:「滸滸 肺」字,俗本因是悉作「脯腊」之「脯」, 風 角 書》曰 證 據,亦 學士因解云:「削哺, 柿 「庶」 貌也。」史家假借 爲妄矣! 人風 者 此是 拂 地

蒜果共一筩。」「果」當作 三輔 決録》云:「前 隊大夫范仲公, 魏 顆」之「顆」。 鹽 北 豉 揚

轉削。」若是屏

。障,何·

由

口

轉

也

戈反,皆失也 内 南但 淚 擘 承,讀爲「裹結」之「裹」,言鹽與蒜共一苞裹 椒。」 筩中介。 出 珠 呼爲「蒜符」,不知 子碑。」其字雖異,其音與義 又《道經》云:「合口  $\hat{\mathbb{E}}$ 史削繁音義》又音蒜 顆,蒜顆是俗閒 謂 爲 誦 經聲 顆」。 如果蒜 璅 頗 璅 學士 顆 同 眼 爲 目 常 봄 相 江 中 似 語

云: 之民」,是何字也?」余應之曰:「意 亦見《廣蒼》、《廣雅 是鼓倦之鼓介。 『支傍作刀劍之刀,亦是剞字。] 不知蔣氏 有人訪吾曰: 及 《要用字苑》云: 「《魏志》蔣濟上書云『弊劫 《陳思王集》。 一般 張 揖、吕 , 音九僞反。」字 爲 攰, 忱 即 並

六八

<sup>「</sup>土」,程 城, 抱經堂本作

<sup>「</sup>即」,原誤作「郎」, 今據程本、抱經堂本改

僞 自造支傍作筋力之力, 反。」 或借剞字,終當音九

飲酒誕節,兖州 晉中興書》:「太山羊曼,常頹縱任俠, 號 爲「濌伯」。」此字皆無 音

訓。 黑傍沓,顧 施、●無所不容之意也。 耆老相傳。 也,江南號爲碩學。 之,亦不知所出。」簡憲 簡憲見教 一人皆云重 梁孝元帝嘗謂吾曰:「由 ,呼爲「嚃羹」之「嚃」。 雖博物,猶出簡憲、孝元之下,而 俗閒又有濌 邊。 吾 所 案: 見數 野音音。 是湘 法盛世代殊近,當是 顧 本, 野王《玉篇》誤 州 並 來不識 語,蓋無所 刺史張纘 自介便 無作 -黑者。 唯 遵 諡 承 爲 不 張

與兒 弦 是對舅姑之稱。 (未遽央。」古者,子婦供事舅姑,旦 女無異,故有此言。丈人亦長老之目 古樂府》歌 其末章云:「丈人且安坐,調 詞,先述三子,次及三婦,婦 一夕在 側,

重沓是多饒積厚之意,從黑更無義旨

《三婦詩》,乃爲匹嫡並耦己之羣妻之意,又 今世俗猶呼其祖考爲先亡丈人。又疑「丈」 「丈」之與「大」,易爲誤 當爲 加鄭、衛之辭,大雅 「大」,3 北 閒 風 君子,何其謬乎? 俗,婦 介。 呼舅 近代文士 爲 大 人公。 頗 作

《月令章句》曰:「鍵,關牡也,所 炊介。《聲類》作「扊扅」,又或作一 我爲!」「吹」當作「炊煮」之「炊」。 皮。憶别時,烹伏雌,吹扊扅。 謂之剡移。」然則當時貧困,并以 古樂府》歌百里奚詞曰:「百里奚,五 今日富貴,忘 「店」。 門牡 以 止扉 木 作 或

造。 通俗文》,世閒題云「 虔既是漢人,其《敘》乃 河 引蘇 南 服虔字子 林 張揖,

皆」,程本作「更」。

0

施」,原誤作「見」,今據程本、抱經堂本改。

爲」,程本、抱經堂本作「作」。

所」上,原行「牡」字,今據程本、抱經堂本

者。 虔所 堪 得 蘇 通 一,未 《常 知 俗》反 張 造。」 誰 晉中 皆 用 知 制 是 即 字 河 音 是《 經 魏 訓 然 北 甚 簿》 其 通 此 會 亦 文 及《 俗 書, 且 近 引 義 文》, 鄭 俗。 七 家 服 允 玄 志 藏 虔《 愜 0 爲 以 ×, 實是 當 俗説 阮 前 本, 並 孝 有 無 全 異 緒 × 遂 高 其 不 ? 又 今復 才。 無 目 解 云 作 近 反. 殷 代 無 竟 李 「李 語 或 仲 不 虔 此

更有

服

虔乎

?

不

能

明

也

沙、 仲 藥 常 左 猶《本草 也?」答 尼 物 Ш 丘 零 學,董 脩《 明 或 陵、 奉 問 所 爾 春 高 日 》神 書 桂 、真 卓 秋 雅  $\stackrel{\neg}{\sim}$ 陽、 農 焚 此説 Ш 史之闕 周 定 所 諸 書 而 海 公所 H 述, 臨 暨 皇甫 經 典 經 淄 》夏 文,爲 而 作 籍 如 鑑《帝 w/ 》書「孔 有 錯 馮 此 禹 而 豫 亂 郡 及益 翊  $\pm$ 日 云 世 章 等 縣 丘 久 非 紀 所記 郡 卒 張 不 矣。 朱 止 小 縣 仲 崖 於 而 名 孝 加 以 有 此 而 世 趙 友 復 爲 有 燕 出 本》 或 諸 譬 秦 何 長 王

喜、 《蒼 **参**列 傳 趙 夫 厠 人 悼 女傳 頡 漢 劉 豨 后 嫕 篇 高 黥 向 学 韓 祖 所 皆由 而 亦 覆 3 傳 造 斯 向 ^ 有 後 畔 所 汲 所 而 更 人 造 討 冢 造 費 所 始 滅 瑣 云 而 羼 韓 其 殘 七七 語 云「漢 夫 子 <u>\_</u>; 非  $\approx$ 人、明 歆 + 本 乃 又 四 本 兼 文 載 作 「戚 人 天 也 德 殃一。 下 秦 出 頌 馬 佛 望 后 海 碑 經 列 及 終 内 於 并 梁 仙

旁作 祀 記 尾 鑊 展 ? 代 爲 注 字 或問 禁 鴟 9 盞 答 逐 0 代 祀 字 鄉 日 又 故故 3 日 紺 : 俗 金 呼 : 字 以 訛 傍 ~ 張 鑊 3 祠 謬,造 作 敞 東 字 呼 代 患 宫 爲 盞 者 鴟字 爲 舊 霍 爲 作 吴 鐶 事 字 竹 書 人,不甚 字, **>** 簡 呼 字 何 故 反 紺 木 以 以 爲 傍 呼 故 金 禁,故 稽 旲 作 劔 傍 以 鬼 作 人 尾 木 呼 爲 霍 旁 以 隨 爲 魁 代 糸 祠 宜 祠

<sup>「</sup>會」。程本作「爲」。

❷「霍」、原誤作「隺」、今據程本、抱經堂本改。

輒 則 字,火傍作庶爲 不少。」 金傍作華 窻 扇 炙字,既 則木傍作 下作毛 扇 爲 諸 髻字,金 如 此 類,專 花

君 以 寸斷 絲,圓 反。 物? 生。』然今水中有此物, 璞注《三蒼》 以 飾 飾緄帶,張敞因 物, 五 即 牛藻也,讀若威。」音隱疑是「隈」字。 又問: 「繞可愛,長者二三十節 陸 色絲,横著線 作 即名爲 璣 何音?」答曰 所 亦 東宫舊 云: 謂「聚藻、葉如 著。 「藴 造糸旁畏介,宜作隈 於時 股閒繩之,以象藉草, 事 ,藻之類 》『六色罽 一節長數寸,細茸 當紺六色罽,作 「按《説 蓬」者 ,猶呼爲 也 緩」, 是 細葉 也。 文》 君。 塢 云: 蓬 又 何 此 瑰 用 又 如 苴 郭 等 0 用此也。

Щ 闙 山 其 駰《十三州 柏 呼 E 爲 一今猶 城城 虚 東 志》 無 有 北 Ш 堯 有 以 了,莫 祠 爲 焉。 舜 孤 知 山,古書 所 「納于大麓 世俗 出 或 趙 無 呼 郡 即即 載 爲 士 者。 族 宣 謂 務 有 唯 此

**字** 李穆 介。 出。 王 縣 邵 能 (趙州 喬 定 民 讀 林》一音亡付反。 入鄴,爲 務字依諸字書 所 柏 鄉 叔、季節兄弟, 爲 莊嚴 仙 邑 縣 X 城 此 **令** 寺 方 徐 Щ 西 碑 魏收説 知 門 整 銘》,因云:●「權 此 内 余嘗爲 所 巏 碑 李普濟 立 之,收大 即 今依附 務 旄丘之旄也。 銘 碑 趙 Ш 굸: 是 州 也。 俗 亦 佐 嘉 漢 爲 名,當 9 巏 歎 土 桓 務之精。」 學問 字 有 帝 共 值 遂 巏 太 音 時 旄字, 其 務 柏 權 無 原 並 即 爲 務 所 E 不

答曰 . 或問: 「漢 魏以 夜何 來, 謂 故 爲 五 甲 更? 夜、 乙夜、 更何 丙 所 夜、丁 訓

9 0

6

喂」,抱經堂本有注云"「【喂」字似當作【莙」。」

<sup>「</sup>余」,原誤作「尒」,今據程本、抱經堂本改。

同。「土」,抱經堂本作「山」。「務」,抱經堂本作「嵆」,下文

<sup>● 「</sup>因云」,程本作「日」。

七二

也。 月,雖復長短參差,然辰閒遼闊,盈不至六,曾 則指午矣。 所以介者,假令正月建寅,斗柄夕則指寅,曉 鼓。亦云一更、二更、三更、四更、五更,皆以 夜、戊夜。 縮不至四,進退常在五者之閒。 五爲節。《西都賦》亦云:「衛以嚴更之署。」 故曰五更介。」 又云一鼓、●二鼓、三鼓、四鼓、五 自寅至午,凡歷五 辰。冬夏之 更,歷也,經

恐失其義。 世文士,遂讀薊爲筋肉之筋,以耦地骨用之, 今术似薊 爾雅》云:「术,山薊也。」郭璞注云: 而生山中。」案: 术葉其體似 (薊,近

後 當是前世有 乎?」答曰: 人爲其象 或問: 姓郭而 ,呼爲郭禿,猶文康象庾亮介。 「《風 「俗名傀儡子爲 俗 病禿者,❸滑稽 通》云:「諸郭皆諱 郭秃,有 戲 調,●故 故 禿。」 實

> 於長流之山 所居爲嘉名焉。」 晉、宋以來,始爲參軍,上屬司寇,故取秋帝 主秋。」●此説本於《月令》。 答曰:「《帝王世紀》云: 『帝少昊崩,其神 司寇主刑罰。 ,此事本出《山海經》,「流」作「留」。於祀 長 流之職,漢、 按 周禮 魏 捕 賊 秋官》, 降

乎?」主人拊掌大笑,●應之曰:「今之經典 慎手迹乎?」答曰:「許慎檢以六文,貫以部 皆孔子手迹耶?」客曰:「今之《説文》,皆許 《説文》所明,⑥子皆云是,然則許慎勝孔子 客有難主人曰:「今之經典,子皆謂

戲調」,原誤作「調戲」,今據程本、抱經堂本改。

或問曰:「何故名治獄參軍爲長流乎?」

<sup>「</sup>一」上,原衍「鼓」字,今據抱經堂本删。

至」,抱經堂本作「過」。

世有」、程本、抱經堂本作「代人有

<sup>「</sup>主」,抱經堂本作「爲」。

<sup>「</sup>拊」、程本作「撫」。 明」、程本、抱經堂本作「言」。

其 隱 獸」,不得云犧也。 鄙拙,强爲此 輒 流傳耶 論 分,使不得 之體,如此之流,不足憑信。 證,無妨自當有禾名導,非相 而《説文》云:『巢,❷是禾名。』引《封禪書》爲 擇,光武 今乖者,未之敢從。 亦不專以《説文》爲是也,其有援引經傳,與 Ш 改 、爲證。 括 蟲 其文也。 莖六穗於庖」,豈成文乎? 莖六穗於庖,犧雙觡共 也 爲 有條例,剖析 蠱 ,安敢以《説文》校其是非 詔云『非徒有豫養導擇之勞』是也。 若不信其説,則冥冥不知一點一畫 ,亥有二 晋六身之類,後人自不得 必如《左傳》止戈爲武,反正爲乏, 誤,誤 先儒 語,則下句當云『鱗雙觡 尚 則 窮根 吾嘗笑許純儒,不達文章 覺 又相如《封禪書》曰:『導 得改文從意 之。 源,鄭玄注書,往往引 抵之獸。」此導 孔子 大抵 如所用也。 縱使相 心,何何 存其 服 哉? 其爲書, 況 義 共 如 且余 、抵之 天才 書 丽 不 訓 寫 不 0

有 何意焉

爲仲,以説爲悦,以召爲邵,以閒 不爲 書記。凡《爾雅》、《三蒼》、《說文》,豈能 之徒,亦不勞改。 類,何由 旁益「丘」、《説文》「尸」下施「几」。Φ 「仲尼居」,三字之中,兩字非體、《三蒼》「尼」 「亂」旁爲「舌」,「揖」下無「耳」,「黿」、「鼉」從 西晉已往字書,何可 蒼頡本指哉? 專輒介。 世閒小學者,不通古今,必依小篆,是正 可從? 考校 亦是隨代損益,互有同 古無二字,又多假 自 全非 是非,特 有 訛 謬, ? 但令體例 須消息。 過 爲 閑 成 借, 如 鄙 成就 異。 此之 以 至如 悉得 如 中

改」,程本作「臨」。 漢」,原作「導」,今據抱經堂本改,下文同。

互」,程本作「各」。

原誤作「居」,今據抱經堂本改

昔初看《説文》,蚩薄 反,孔 曷,獸名 混 有善音、輒析成 生「毀」,「離」則配 器」,「率」字自有律音、强改爲别,「單」字自 帶」、「惡」上安「西」,「鼓」外設「皮」,「鑿」頭 龜 「經」旁,「臯」分「澤」片,「獵」化爲「獦」,音 也,故從穴。 出 奮」、「奪」從 《山海經》。 「業」左益「片」,●「靈」底 異 「禹」,「壑」乃施「豁」,「巫」 「寵」變成「寵」。 如此之類,不可不治。 「雚」,胡官反。❶ ]世字,從正則懼人不識 「席」 寵,音郎 中 著 吾 加 動

尺牘,幸不違俗也。著述,猶擇微相影響者行之,官曹文書,世閒廣,更知通變,救前之執,將欲半焉。若文章隨俗則意嫌其非,略是不得下筆也。所見漸

春 中 是也。 秋説》以人十四心爲德,《詩説》以二在天 興 案:彌亘字從二閒舟、《詩》云「亘之秬 書 乃 今之隸 以 舟 在 書 轉 閒 舟 爲 爲 舟 日 航 字 而 何 謬 法 也 盛

> 潘、陸 《參同契》以人負告爲造:如此之例,蓋數 謬語 論也。® 爲 以 經》及鮑昭《謎字》,皆取會流俗,不足以 書》以黄頭小人爲恭、《宋書》以 下爲酉、《漢書》以 金昆 項,以叱爲匕,●安可用此定文字音讀 ()假借 諸子《離合詩》、《賦》、《拭 爲銀,《國 依附,雜以 志》以天 貨 泉爲白水真 戲 笑介。 上 有 召刀 如 口 ト》、《破 猶 爲 爲 吴, 轉 新 和,3 乎? 貢 論 晉 術 字 字

必熭。』注:『熭,暴也。』曾見人解云:『此是河閒邢芳語吾云:「《賈誼傳》云:『日中

非」。
「胡官反」、程本作「音館」、抱經堂本注「俗本注音

<sup>) 「</sup>片」,原誤作「土」,今據抱經堂本改。

<sup>「</sup>匕」,程本、抱經堂本作「七」。「邵」,原誤作「劭」,今據抱經堂本改

<sup>■ 「</sup>論」下,程本、抱經堂本有「之」字。

顏氏家訓卷第六

.「冥」,程本作「景」。

0

七五

### 顏氏家訓卷第七

# 音辭 雜藝 終制

#### 音辭第十八

然矣。 《方言》,其言大備。● 詞》之經,此蓋其較明之初也。 顯聲讀之是非。 夫九州之人,言語 自《春秋》標齊言之傳、《離 逮鄭玄注六經,高 然皆考名物之同異,不 不同,生 民已來, 後 有揚 騒 誘 》目《楚 解《吕 雄 固 著 常

别,其 參校 可辯 之,❷獨金陵與洛下介。 怪 魏世,此事大行。 北方爲愈。 山 清舉而 非笑,指馬之諭,未知孰是。 言創《爾雅音義》,是漢末人獨 言、急言: 而 多古語。 異。 南 ]1] , 染 深厚,其音沈濁而鈋 方俗,考覈古今,爲之折 閒 隔垣 吴 切 自兹厥後,音韻鋒 輕 、徐言、 然冠冕君子,南 詣,失在浮淺,其 越 重 而 易服 , 清 北 聽其語,北 讀若之類, 濁 雜 III 高貴鄉公不解 夷 猶 與之談,南方 虜, 未可 南方水土和柔,其 方爲優; 皆有 鈍, 出 方朝野,終 辭多鄙 益 曉 、各有 得其質直 共 使 知 深弊,不可具 加 以帝 衷。 反 人 反語, 士庶,數言 間里 以 土 俗。 疑。 語 内 風 王 日難分。 搉 小人, 一其辭 都邑, 言、 而 以 北 遞 至 孫 音 爲 於 外 方 量 相 叔

始有譬況假借,以證音字介。

而古語與今殊

覽》、《淮南》,許慎造《説文》,劉熹製《釋名》,

<sup>「</sup>搉」,程本作「權」。

便漸 밂 李季節著《音韻 兩 以 爲 論 姪、李祖仁、李蔚兄弟,頗事言詞 切韻》,殊爲疎野。 失甚多。 如 射 物、未考書記者、不敢輒名、汝曹所知也。 督正之, ,以賤 其謬 爲 儒,以紫爲姊,以洽爲 失輕 爲羨,以是爲 至鄴已來,唯見崔子 微 決疑》,時有錯失,陽休之造 言訛替,以爲己罪矣。 者, 則 吾家子女,●雖在孩稚, 南 舐 人以錢 3 北人 狎 少爲 約 以 爲 如此之例, 、崔瞻 涎,以 庶 一云爲 切 爲 E 戍 石 叔

各異。 登合 看爲 乖 閒;《説文》音戛爲棘,讀 聲類》以 《戦 此例甚廣,必須考校。 成 口甘反,音伸爲辛, 古今言語,時俗不同,著述之人,楚、夏 《蒼 兩 國策》音刎 系 韻,爲、奇、益、石 頡訓詁》,反粺爲 音 羿 9 爲 劉 、免、《穆天子傳》音諫 昌 《韻集》以成、仍、宏、 宗《周官音》讀 皿爲猛 前世反語,又多 分作 逋賣,反娃爲 四 "《字林》音 章 李登 乘 不 若 爲 於

切椽爲 乎? 士,語 切。 關 餘煩,江南皆音藩屏之藩。 亦古語之不可 侯,然則兄當音所榮 江南皆呼爲神祇之祇。 一中,不知二者,何所承案。 徐仙 《通俗文》曰:「人室求曰 亦不正。古獨 徒 民《 緣 不 毛 用者。 詩音》反 可依 反。 信,亦爲衆矣。 璵璠 何 (驟爲 江 人, 必應隨 今北 陵 岐山當音爲奇, 魯之寶 在 以吾淺學,未之 陷 俗 遘,《 没 搜。 通 ,此音被 玉,當音 左傳音 行 其 反 今之學 此 訛 爲 於 兄 僻

云 見桓 則莒、矩必不同呼。」此 「齊桓公與管仲於臺 公,口 夫物體自有精 北人之音,多以舉、莒爲 開 而 不閉,故知 麤 ,精麤謂之好惡。 爲 上謀伐莒,東 知音矣。 所言者 矩。 唯 莒 李 也 郭 人心 牙 季 望 節 然

. 「家」,程本作「見」。「子」,程本、抱經堂本作「兒」。

0

前聞

也。

音見

於葛洪、

徐

貌

而

河

JY.

學

土

讀《

好呼號反。

生惡於各反。

殺。

是

爲

論

有所

去取

,去取謂之好惡。

上呼號。

甫者,男子之美稱,古書 下鳥 尚 物 故反。 書》 體 云 此 《莊子》云: 亦爲誤矣。 非邪?」之類是 知天之棄魯邪? 難 一天 者曰 邪 也 地 抑 「《繋解 邪 而 魯 北 君 有罪 人 漢 即 書》云 \* 呼 於 爲 鬼 「也」字, 神 克乾 邪 是邪 坤, ?

例。 記傳未 何爲不介? 此 音, 軍 江 見 自 南 敗日 學士 又不言自敗、 補 敗 一讀《左 敗 反 上 徐 打 先 破 仙 傳 標 人 民讀《左傳》, 問, 敗人之别, 軍 下 曰 相 敗 方 傳 述, 列 補 此 敗反。 德 唯 自 爲 以 爲 穿 處 諸 凡 折

不能 . 尅 勵 古人云: 也。 「膏粱難整。」以其爲驕 吾見 王 侯外戚 語多不正,亦 奢自

句及 訓 血 於愆反。 嘉客」、「焉用佞」、「焉得仁」之類是也;若送 馬 何 助 訓 」、「有民 詞,當音矣愆反,「故 安,當音於愆反,「於焉 諸字書,焉者鳥名,❶或云語 自葛洪《要用字苑》分焉字音訓 人焉」、「有社 稷焉」、「託 稱 龍 逍 遙」、「於焉 焉 詞皆音 始 故 焉 稱 若 鑿介。 有

仲號仲父,范增號亞父

所

未

喻

唯管仲、范增之號,須依字讀

介。

管

多假借爲父字。

北人遂無一

人

、呼爲

有者,

亦

《易》之門户邪

?」此又爲未

定辭乎?

答

就人情,殊不通矣。

邪 音瑘。 者,未定之詞。 《左傳》 日 示不 0

讀,不

可

行

於今也

分别,昭

然易

曉

而

नि

北混

同

音,雖

依

古

介」、「晉鄭焉依」之類是也。

江

南至

今行

此

列」,程本作「刻」。 本作「字」。

段」。 謂 由 庚辰吴人,遂成 侯 内 「郢州」爲「永州」,元帝啓報簡文,簡文云 ,當對元帝飲謔,●自陳「癡鈍 染賤保傅,外無 元帝答之云: 司隷。」如此之類,舉 良 颸 師 異涼 友 故介。● 風,段非干木。」 」,乃成 梁世有 П 一腿 皆

元帝手教諸子侍讀,以此爲誠

避 自 琨 同, 諱 稱 ,自稱爲袞; 殊爲僻也。 紛紜矣。 爲 河 北 獡 切攻字爲古琮,與工、公、功三字不 音爍。 名洸,自 比 非 世有人名暹,自稱爲纖, 唯 音韻舛錯,亦使其兒孫 稱爲汪,名款,音藥。 名

### 雜 藝第十九

之,故無頓狼 書疏,千里 真草 書 面 迹 狽者。 目 微 也 須 引。」承 留 吾幼承門業,加性 意。 晉、宋 江 南 餘 諺云: 俗, 相 愛重 尺 與 事 /牘

> 累。 者 所見法書亦多, 巧者勞而 1,良由 韋仲將遺戒,深有以 無 智者憂。 分故也。 ௱ 翫習 常 然而 爲 功 也 人所 此 夫頗 藝 不 役 至,遂 須過 使, 更 不 精 能 覺 爲 佳

**《齊** 才學優敏,後 唯以筆迹得名, 拔擢者多矣。 之,慎勿以書自命。 其書,翻以能自 假 `嶇碑碣之閒,辛苦筆硯之役,嘗悔 使 書》,勒 王 吾不 一逸少 知 成 風 雖 故道不同,不相爲謀也。 書, 流 [蔽也。 入關,亦被禮遇。 亦異 典, 才士,蕭散名人, 可 不至· 雖 文章宏義, 事 蕭子雲每歎曰:「吾著 然, 厮猥之人, 以 也。」 今日 王 邪? 良 猶以 地 自 舉世 胄 謂 以 恨 書 清 미 此 日 能 惟 I 觀 書 知 :

崎

- 良」,程本作「賢」。
- 曹」,程本作「當」。
- 8 宏」,程本作「弘」。

源。 祭酒 家中嘗得十卷。 諸 蕭 梁 武 晚節所變,乃是右軍年少 書,莫不得羲之之逸體,故是書之淵 祕 閣 散 逸 以來,●吾見 方知 陶 隱居、阮 一時 二王 法 交州、 也 真草 蕭 名

染尚 後 爲 野 哂 大 生爲蘇,先人爲老,如 念爲憂,言 行僞字。 末,訛替 一加以 墳 翕然,以 損。 字,唯 籍 所 晉、宋以 至梁天 有部 滋 專 略 一本注: 見 爲楷式,畫 反 生。 輒 不 數 it帙,楷 來,多能書者。 爲 造 可 監之閒, 點, 變,不 字,猥拙 蕭 看 「前上爲草,能傍作長之類是也。」② 子 或妄斟 正 雲 北 虎不成,多所傷 此 甪 미 改 朝 非 斯 爲 甚 觀 喪 易字 酌 風 一,徧 不無俗 罷 於江南。 亂 故 · 逐 未變。 光追來 之餘 體 其 滿 便 邵 時 轉 經 字, 爲 大 俗 傳。 乃以 書 陵 敗。 移 歸 遞 迹 同 非 王 唯 更 鄙 爾 至 頗 之 爲 百 朝 相

> 子杜 託名貴師 道 江 + 南 ,世俗傳信,後人頗 閶 所 里 爲。 閒 有 其 人未 畫 書 甚 賦 識  $\sim$ 爲所誤 字, 此 乃 輕 也。 陶 隱 軌 居 則 弟

端,出 姓名 通顯 復佳 軍,有子曰 賓客,隨 馬 能 圖 之。 此 矣。 畫 身 每 亦 |繪之工,亦爲 法。 吾家嘗有 湘 被 宜 難 蕭 庭 點染, 公 及 東 賁、 翫 私 也。 王 西 古知 使令, 劉孝先、 或 朝 梁元 即成數 侍 武烈太子 中 今,6 妙矣。 郎 書 帝手 亦 舍人,父子 劉 特 人, 後 爲 靈,並 爲 畫 猥 미 以 偏 自 鎮 役。 蟬 寶 問 能 古名士, 雀 愛。 南 文學已 童 寫 並 旲 府 白 孺 真 郡 若 專 有 刑 皆知 官 琴 多 獄 顧 坐 扇 未 或 書 參 士 Ŀ 及

2

者衆。

泊於齊末,祕書繕寫

,賢於往日多矣。

6

有姚

元

標

I

於草隷

%,❸留

心

小學。

後

生

師

<sup>「</sup>武」,程本、抱經堂本作「氏」。

<sup>「</sup>草」,程本、抱經堂本作「楷」。「前上爲草能傍作長之類是也」,程本作正文。

<sup>「</sup>人」,程本、抱經堂本作「生」。

<sup>「</sup>翫古知今」。程本、抱經堂本作「翫閱古今」。

豈 蜀,下牢之敗,遂 彭 I 縣 見 巧雜處。 城劉岳, 彙之子也 令,才學快 此 恥 妙丹青,常被元帝 乎? 向 士,而 使三賢都不 爲 陸 書 一,仕 護 絶 軍 爲 倫 驃騎 畫支江 曉畫,直運素業, 所使,每懷羞恨。 後 府管 隨 寺 귋 壁,與諸 記、平氏 陵 王 入

禦寇 弓長 兵。 狡 河 賢,亦濟身之急務也。 爲兵射,冠冕儒 北 響 三九 箭 文士,率曉兵射,非 難 弧 施 矢之利,以 5 願 讌 汝輩 於 無 集 (準的 所 ,常縻榮 ·爲之。 生,多 益 威 揖 泛天下。 亂 讓 不 賜。 江 直 習 離 昇 南 一葛洪一 之後 降 此。 先 謂 雖 以以 然 世之常射,●以 王所以 别有 兴此 行禮焉。 箭,已解追 要輕 術遂亡。 博 觀 射 禽,截 德 防 弱 擇

師,多不 何者? 쓨 能 者,聖 中。 守道信 古者,卜 人之業 謀,欲行一 以決 也。 疑 但近世 ,今人 事 無 1 生 復佳 得 一疑 恶 於

益信。 十許 寄宿,不 術,與天地 學《六壬式》,亦值 亦禍 泰。」吾觀 射奇偶, 六七,以 卦,反令恜恜,音敕,惕 驗少妄多。 去聖既遠,世傳術書,皆出 金匱》、《玉軨變》、《玉歷》 解 郭璞 陰 種 源 陽者,爲 儻值 也。 書,討求 介,皆 免凶終 自 爲 近 俱 F 然半收, 及星 至如 世 古以 生,其 手。 網 無 鬼 無 文風 嚴 反 拘 官 來,尤精妙者,唯 所 驗,尋 粗 世 吉 密 支不行 位 而 此 嫉。 知 也。 閒好匠,聚 强 X 氣 多忌 多 何 大意 德 亦 此之謂 率不 負 足 坎 或罹 刑,不 本 ,亦無益也 流 悔 竟 此 賴 壈 罷 俗,言辭 作《玉 又不 勞 以 名,便有 也 貧 災,此言令人 八爲之。 可不 、得《龍 乎。 遇 窮, 爕 凡 委 世 害 京房、管 多 陰 且 傳 曲 \* 註 鄙 玉 皆 吾嘗 不 陽 + 歸 云 淺, 歷 忌 但 之 稱 凡 中

●「謂」。程本作「爲」。

八一

精之,仕至南康太守。● 以專業。 道、定律 算 桁 歷 江 者,皆學 亦 南 是 此學殊 六 藝 通 要事 之。 少,唯范 河北多曉此 然 0 可 自 陽 以 古 祖 兼 儒 術 暅 明 士 暅 論 音 不 耳。 口 天

爲勝事,皇甫謐、殷仲堪 也。 微解 醫方之事 藥性,小小 取取 妙 和合、居家得以救急,亦 極 難 ,則其人也。 不 勸 汝 曹 以 自 命

者,號 見役 於古 戴安道猶遭之,況爾曹乎 此樂愔愔雅致, 士,多所愛好。 動 猶 禮》曰:「 有 貴,處之下 足 所 闕。 以 暢神 君子無故 有深味哉 泊於梁初, 大同 ·坐,以 情 以 也 末, 不 1 取 唯 衣冠子孫,不 斯 徹琴瑟。」古 殘 不 今世曲 風 杯 口 頓 冷炙之辱。 **\$** 盡 有 解 稱 知琴 然 來 雖變 譽, 名 而

也。」《 賢乎已。」然則聖人不用博弈爲教,但以學者 論 家 語》云 語》曰:「 不不 君子不博,爲其 有博 弈 者乎 ? 兼 行 爲之,猶 惡道 故

> 行,一焭十二基,數 手 韋 睡 不 廢喪實多,不可常也 有手 博則六箸,❷小博則二焭,今無曉者。 執 元 昭 可 此 論之。 常精,有 談、坐隱之目,頗 然端 並 勤篤之志也 坐 王 時 介。 肅、 疲 葛洪、 倦, 至 桁 如 則 淺 爲 能 旲 陶 短,不 儻 雅 太子 侃之徒,不 爲之,猶 戲,但 爾 爲佳。 足 以 미 一令人 爲 勝 翫 無 古爲 許 比 飽 躭憒 益 世 韋 食 基 所 大 觀 唇 命

又嘗 稽賀 爲 乃 尤妙者,有 有 其矢之躍 微徽 爲 倚 投壺之禮,近世 ,賀革之子,並 竿、帶 小障,置壺 蓮 也。 花驍。 劍、 今則 狼 其外,隔 、壺、豹 「愈精。 汝 能 唯 南 欲 周 尾、 箭 璝 其 古者,實以 障 龍 弘 驍,益 四 ... 皆 十餘驍。 之, 正之子; 之名。 多 無 小 益 所 喜 豆, 賀 其 失

<sup>「</sup>仕」、程本、抱經堂本作「位」。

❷ 「箸」,原誤作「著」,今據抱經堂本改。

具, 也 舉國 至 鄴 遂 以 無 來 投 得 亦 見 廣 驍 寧、蘭 者 彈 陵 棊 諸 亦 Ŧ 有 近 世 此 雅 校

### 終制第二十

戲

,消愁釋

憤

時

可

爲之。

夭 幸 值 汝 先 有 承 梁 吾 家 餘 風 死 喪 已六十餘 者,人之常 福 氣 亂 得至 之 疾 其 一於今。 閒 常疑 故 分,不 與白 心 奄 坦 古人云: 刃 然, 미 然, 爲 免 伍者 聊 不 也 書 以 「五十不爲 素 殘 亦 吾 懷, 常常 年 年 數 爲 + 以 念。 輩 九 爲

今 本 詔 東 雖 朝 郭 賜 混 淪 銀 先 君 没 承 百 , 先 聖 兩 流 家 夫人 末 道 離 已 罄 如 於 己 皆 窮 此 揚 啓 未 州 求 還 數 何 小 揚 建 由 + 郊 都 鄴 辦 年 欲 北 舊 此 閒 地 Ш 絶 奉 誉 燒 營資 遷 旅 於還 塼, 厝 葬 費 便 江 望 ? 值 蒙 陵

役,以 計。 兼 仕 且 進 揚 以 北 ; 自 都 爲先世之恥; 播 方政 咎 但 汗 越 以 自 毁 他 教 門 責 鄉 嚴切 無 衰 介貫心 復 無 骨 子 復 全無 故 肉 刻 遺 資 酮 單 髓 隱 廕 冒 弱 還 ŝ 人 被 計 五 者 使 閒 下 吾 服 故 不敢墜失。 汝等沈 兄弟, 濕 之内 也 未 不 爲 淪 傍 厮 當 無 得

退

清水、 衣帽 記 知 以 明 如 幼弱 先夫人弃背之時,屬世荒饉,家 繁甲 器 耳 兆 蠟弩牙、玉豚、 日 域, 放 ,故不 已外,一 今年老 棺器 乾棗,不得有 臂 靈 車 當築 筵勿 親 沐 率 得 疾 薄, 土 不得自隨 誉。 浴 設 侵, 而 堵低墻 而 枕 錫 藏 下 爣 碑 已,不勞復 酒 几 内 人之屬 然 誌 平 肉 無 牀 朔 奄 於 地 旒 塼 望祥 餅果之祭。 忽, 左 無 旐 上 0 並 唯 墳 右 吾 魄 豈 禫,唯 彌 須 3 施 前 當 塗空迫,兄弟 殮 、停省。 求 若懼 在 後 七星板; 松 備 言 下白 隨 棺 以 親 外 禮 拜 三寸, 常 友 糧 乎 爲 掃 粥 衣 來 私 甖 載 至 不

若報 半 隨 妣 字,卻作「及盡忠信,不辱其親,所望於汝也」。 求諸内典,則無 祀,周、孔所教,欲 餟 則 盂 力所 酹者,一 蘭 罔 陷父不 盆 極 至,勿刳竭 之德, ,●望於汝也。 皆拒之。 孝,在 霜露之悲,有時 益 焉。 人勿死其親,不忘孝道 生資,使凍 汝安 汝曹若違 殺生爲之,翻增罪累。 一本無「七月半盂蘭盆」六 乎? 餒也。 其 吾心,有加 齋供,及七 内 典 四 功 時 也 德 月 祭 先

介。 崇四尺。 雲,竟未知何 之時,況爲 東 西 以取湮没也 汝曹宜 南北之人也,不可以 孔子之葬親也,云:「古者墓 然則君子應世行道,亦有不 事 以 際 鄉 傳 是 所 業、 吾 逼 揚 葬 也。 名 地 弗識也。」於是 爲 唯 吾今羈 務,不 當 氣 而 旅, 可 絶 不 顧 便 身 守墳 墳。 若 戀 埋 封 之 之 朽 浮 墓 丘

「及七月半盂蘭盆」,程本作「及盡忠信不辱其親所

顏

氏

家

訓

卷第七

八四

劉縚、緩、綏兄弟,並爲名器,其父名昭。

又

者非。

及

疏義凡十餘

家。

本作喪

服

絰

也。

《隋

書

經籍志》:

《喪服

經》、傳

南史・劉昭本傳》子紹、緩附。

本以昭

爲照者非。

云:劉字之下,即有昭音。

風 操 第

博有五皓之稱。

博 有五白,齊威公名小白,故改爲五皓。

本以博爲傳者非。

顧元歎慕蔡邕。

《三國志》:顧雍,字元歎,以其爲蔡邕所

本作元凱者非。

案 《爾雅》、《喪服經》、《左傳》,姪名雖通男 女,並是對姑立稱。

「爾雅》云。「女子謂晜弟之子爲姪。」《左

傳》云:「姪其從姑。」《喪服經》亦一書

六

勉 學 第八

齊孝昭帝,云云。 若見古人之譏,欲母早死而

悲哭之。

淮南子・説山訓》:「東家母死,其子哭之

愛速死? 吾必悲哭社。」江淮謂母爲社。夫 不哀。西家子見之,歸謂其母曰:"社何

若有知吾鍾之不調,一何可笑。 欲其母之死者,雖死亦不能悲哭矣。」

攷證 卷

八五

淮南子·脩務訓》: 調。』」「吾」字疑當爲「晉」字。 平公曰:「寡人以示工,工皆以爲調 鍾成 無知音則已,若有知音者,必知鍾之不 而以爲不調,何也?」師曠曰:『使後世 鍾」爲「種」者尤非。 而 示 師 曠。 師曠曰:『鍾音不 「昔晉平公令官爲鍾 一本以 調。 ;

文章第九

王襃過章《僮約》。

「過章《童幼》」。
新》」。「約」字頗似「幼」字,諸本誤以爲言「過章《僮約》」,下對「揚雄德敗《美衰有《僮約》一篇,自言到寡婦楊惠舍,故

《家語》:「顏回聞哭聲,非但爲死者而已,堂上養老,送兄賦桓山之悲。

子焉。 死家貧,賣子以葬,與之長決。」子曰: 不返也。 鳴而送之。 又有生離别者也。 「回也,善於識音矣。」」一本作「恒 羽翼 孔子使人問哭者,果曰:『父 哀聲有似於此,謂 (既成,將分於四 聞 桓山之鳥, [海,其 其往 生 母 山 悲 四 而

者非。

趙熹之降城。

著名,願得降之。」使詣舞陰,而李氏遂肯。 云:『聞宛之趙氏有孤孫熹,信義不下,更始遣柱天將軍李寶降之,不不,更始遣村天將軍李寶降之,不

降。」諸本誤作「趙喜」。

頭曲圜,勢如葵葉爾。」玉珽杼上終葵首,當作何形?」乃答云:「珽

其首,方如椎頭。」故以此答爲非。 《禮記·玉藻》注:「終葵首者,於杼上又廣

獸远鳥迹。

不考,以爲音闕。 《唐韻》云"「獸迹。」諸本

攷證

高柴、折像。

書證第十七

《駉頌》既美僖公牧于坷野之事,何限騲騭乎? 諸本皆作「驒駱」,獨謝本作「騲騭」。 字書: 方辯 騲騭」,後又言「必無騲也」,「亦非 駉 「騲,牝馬 駉 牡馬 」,故博士難 也。 騭,牡馬也。」顔氏 以 一何 考之 限 騲 於

●「熹」、《後漢書》作「惠」。

八七

八八

凡四十字,顏氏亦言四十字,而今本有四

明臺之」,顏氏誤作「臺明之」,義未安,當

十一字,蓋誤以「廿」字爲「二十」字。

頌》,施之於此,全無意義,故當從謝本。也」,義益明白。「驒駱」二字,雖見《駉

《孟子》曰:「圖景失形。」

未詳,或恐是《外書》。

當作「媢」,「媢」亦「妬」也。云云。英布之云:「成結寵妾妬媚之誅。」此二「媚」竝媚,以至滅國。」又《漢書‧外戚傳》亦太史公論英布曰:「禍之興自愛姬,生於妬

誅,爲意實赫爾。 註,

《説文》:「媢,夫妒婦也。」益可明顔氏

秦權。

之説。

顔氏之異。 蜀有秦權二銘,篆文明具,因備載之,以考

臺歉疑者,皆明臺之。 號爲皇帝,乃詔丞相狀、綰,灋度量鼎不廿六年,皇帝盡并兼天下諸侯,黔首大安,立

鼎,古則字,謝本音制,非。

從篆本。

壹,古壹字。

稱始皇帝,其於久遠也,如後嗣爲之者,爲之,皆有刻辭焉。今襲號而刻辭,不元年,制詔丞相斯、去疾,灋度量,盡始皇帝

毋疑。不稱成功盛德。刻此詔,故刻左,使

見有五十七字,了了分明」。

凡六十字。顏氏稱「五十八字,一字磨滅,

"皆有刻辭焉」,顔氏無「有」字。

「而刻辭不稱」,顔氏誤以「而」字作

「所」字。

「其於久遠也」,顔氏誤以「也」字作「世」

字。《説文》甘注云:「秦刻石也字。」

權銘正作「七」字。

刻此韶故刻左」,顔氏缺「故刻」二字,而

云「一字磨滅」。

字數不同,恐顔氏所見秦權,自有異同,故 仍從顔氏。 若「而」字、「也」字,則真誤

矣,故改焉。

陳思王《鷂雀賦》曰:「頭如果蒜。」

諸本皆作《雀鷂賦》。 又云「蒜果」者非。

皆由後人所羼」。

説文》:「羼,羊相厠也。 一曰:相出前

也。 初限切。」

又問:「《東宫舊事》「六色 剹 物? 當作何音?」答曰: **怨」,是** 按 何 ^ 説 等

文》云: 『莙,牛藻也,讀若威。』音隱塢

瑰反。●」

、説文》:「莙,牛藻也,从艸君聲,讀若威。

猶文康象庾亮。

渠隕切。」與顔氏所引不同,未詳。

《晉書》亮本傳,諡文康。

《拭卜》、《破字經》。

《隋書·經籍志》有《破字要訣》一卷,又有 《式經》一卷、《拭卜》、《破字經》,未詳。

「隱」、《四部載刊》景明本疑作「隈」。

八九

顔

黄

門

學

殊

精

博,

此

書

雖

辭

質

義

直

一,然

丽

參定, 惟謝 愍楚輩 作「 書而誤作 歎」本顧雍 字,多所 得 讀 其 皆 丞 咸 恒 童幼」之誤, 五 樓大防 故參知 顧 有 歸 本 驒駱 Ш 皓」實「五 氏所校頗精善,自 根 要 之孝弟 加 無 據。 而 不 竄定, 側 善 已。 僮約 取 政 悖 経」, 注 字 本 至 兩 事 自 六 白 又 推 旁 而 可 以「吴趨 揆家 家 謝 則 當 經 蓋蓋 秦 馬牝 爲「 誤作 U 出 讎。 本讀 公家 其 啓 <del>前</del> 權 事 有閩 童 子 悟來 類 銘 君 日 凱, 博名」 比 旁 之,大 藏 景 幼, 非 文 題 」爲「吴越 上,處 貫 去 舊 本,嘗苦篇中字譌 騲、 世 思 取 以 年 蜀 百 不不 鼎」實古 則 手  $\overline{ }$ 氏 五 加 春 氏, 本, 朋 閩、 牡 家 喪 代 校 誤 閩 但 來守天 友 書 服 至 宮傅 日 也。 作 行 本 蜀 可 鄉 辯 經

三
自 閒 尤 「傳」,「元 騭 本 訓 黨之 桓 則」字 然 迺 朱 析 和 謬 實 台 山 思 加 墨 援 不 凝 與 誤 同 郡 魯、 閒 難 Œ 本 爲 誤 郡 證 細 沈

若其 之,目竢 揆 别 是 謝 題 轉 列 稍 音 ^ 寫 制 加 攷 治 甚 刊 證 聞 亦 譌 正 <u>\*</u> 君 時 與 子。 多 有 + 音 采 此 有 訓 淳 謝 疏 辭 熙 舛, 氏 條 義 七 書, 爲 所 讎 年 未 定 書 春 卷, 之 三月, 著 通 者 爲 難 附 於 口 如 皆 左。 傳。 此 存

又

於

九〇

#### 家

範

[宋]司馬光 撰

	目 録
舅甥 舅姑 婦 妾 乳母 九二	子下 四 1
家範卷之十 九二	家範卷之五 四一
妻下 八四	子上二八
家範卷之九 八四	家範卷之四 ······ 二八
妻上 七七	母 二〇
家範卷之八 七七	父 一六
夫 七三	家範卷之三 一六
姑姊 七一	祖 一三
弟 ::::::::::::::::::::::::::::::::::::	家範卷之二 一三
兄 六〇	治家
兄 弟 姑娣妹 夫	家範卷之一
家範卷之七 六〇	温公家範跋
姪 五九	司馬温公家範序
伯叔父 五八	校點説明 一
孫 五五	
女 五一	金金
女 孫 伯叔父 姪 五一	
家範卷之六 五一	

男		
•		
:		
i		
•		
e .		

温公家範跋	新刻温公家範序	宋司馬温國文正公家範後序	刻温公家範序	馬巒識語	附録	乳母	妾	婦	舅姑	舅甥	
$\overline{\circ}$	$\overline{}$	$\overline{\bigcirc}$	$\overline{\bigcirc}$	0	0	+1	+1	11	11	.九	
五	<u>=</u> .	0	0	ŏ	00	九七	九六	九三	九二		

### 校點説明

《資治通鑒》聞名於世。 代揚雄的《太玄》。 文正司馬公文集》等作品傳世。 篇》、《涑水記聞》、《潛虚》、《家範》、《書儀》、《温 哲宗四朝,卒贈太師、温國公,是北宋乃至中國 水鄉人,世稱涑水先生。 故後世多稱司馬温公,陝州夏縣(今山西夏縣)凍 史上有重大影響的政 一九—一〇八六),字君實,謚文正,卒贈温國公, 司馬光著述宏富,尤以主持編纂編年體通史 家範》十卷、北宋司 治家和史學家。 此外,尚有《稽古録》、《 歷仕仁宗、英宗、神宗、 馬 光撰。 另外還註解 司馬 《宋史》有 光(一〇 過 漢 熨 類 歷

武云:"「取經史所載賢聖修身齊家之法,分十九《家範》是一部蒙學教育題材的作品。 晁公

理的 但 之類故事近乎病態。 容經後人竄入。行文結構方面,也有次序不盡合 遺存,今所見《家範》或已非温公原帙,或部 的身份不符。 有虧前人的譽美之辭 操,放眼於治國平天下的大義,體現「修身、齊家」 事,立足於培養孩童在家庭生活中高尚的道 祖、父到婦、妾、乳母等十八類家庭 見,在古人看來、《家範》是輯録經史所載,選擇從 是編,猶可見一代偉人修已型家之梗概也」。 門,編類訓子孫。」《四庫總目提要》歸 念來考察,我們看到的《家範》,其中有 治國、平天下」理想的著作。 較《小學》更切於日用,且大旨歸 錯 亂顛倒之處不少。 地方,尤其是「兄弟」一門,先序兄,後序弟, 例如本書所載有些孝道、婦女守 該書版片明萬曆 ,也與一個偉 但以今天的 於義理」,「觀 大的 成員的典範故 納是 以 歷 些 史學 部 道 前 書「似 分内 幾 德 德情 分 似 觀 家 於 無 可

《家範》,晁公武《郡齋讀書志》、馬端臨《文獻

考·經籍考》均著録爲十卷,鄭樵《通志·藝文《家範》晁公武《郡齋讀書志》 馬端臨《文獻

通

校 解 年纂修《四 興 本抄録。 世孫標等重 萬曆十五年司馬 恕堂輯 略》著 九)刊刻,乾隆間又收入朱氏藏 天啓六年(一六二六)司馬光十八世孫露及十九 本 序,是爲萬曆七年本。 河道,又屬東昌 五七六)陳世 二卷」。 家範》先由 (文獻通考》所引後溪劉氏則云 八點, 梁書院刻本,也都據朱氏刻本重刊。 叢 劉 氏 書《凍 由於萬曆七年本現 録 留 刻《家 現存《家範》版 爲 餘 而 水司 六卷,《 庫全書》,亦收有此 刊, 草 光緒元年(一八七五)夔州李氏刻本、 高 一寶刻 範》等十三種 堂 安朱軾 所據本 馬 知府莫與 祉刻、萬 刻 宋 本。 氏 本 史 源 直 於 明 當 流 萬 • 本最早者爲萬曆三年(一 接 康 萬 藝 曆三十五年司 藏 爲 齊 集 曆 源 熙 書 曆二十四年 文 南京圖 萬 梓 略》收入《家 七 於 爲《 志》著 曆本。 五十八年(一 書, 而行之,前 年,陳氏 《温 書。 明 顯 先 天 書 公家 録 乾隆 正 係 啓 館 入清以後。 爲 據 由 本。 馬 沈 泚 而 範 範》十 四 無 朱 四 有莫 民 露 節 視 醇 卷 += 七 氏 此 國 由 增 録 甫 東 吴 次 明 氏 有 修 忠 南 而

> 收入。 製 曆七年刻本、 出版的 了新的錯 萬曆本,糾正了 本爲校本,並參考天津古籍出版社 曆 只 七 好採 註 年 誤, 釋本進 刻 用 文 但 天啓 本 淵 總 萬曆七 縮 行校點。 閣 體 六 微製 上 年 四 刻 仍 庫 年 品, 勝於萬 本、吴 本 本 又根 爲 抄 的 底 録 興劉 據 曆七年本。 本。 此 序 或 誤 跋 氏 家 \_ 天 刻,也 作 九 留 圖 啓 爲 餘 書 九 本 附 館 五 草 以 産 源 録 藏 年 堂 萬 生 於

萬

刻

點者 萬義廣 李倩 温 樂平

校

# 司馬温公家範序

生遺 鬻衣奠哭之人心也。 夏后 像 余于役平水,過 加 F 氏之故封,爲 祝之者, 其 依然昔日 先 里,膽謁 生 桑梓,里 遮 其祠。 道 一奉先 高

者 故 齊家 露 惟 本 實者,則有《家範》一書。 Ш 生之所爲 薄 末 一,得盡 景行, 誠 曰:「其 昭 示 惟 而 昭 訓 所 • 覩 無射于人。 薄 無 本 而 先 足以 者 夫經 首誠意 射 亂 其 生遺編 厚,未之有 也哉 而 出 感 身加 末治者,否矣。」「其 人主,孚夷 斯又 日 民, 顧 而 : 諄諄 也。」先生之學, 其 從 則 嗟 極 最 乎! 之治 于家庭見端 先 虜, 夷 亹 生 易、 亹 平 薄 之 是 (所厚 海 裔 先後 最 乃 揔 内 爲 切 先 孫

> 《家 亮 裔 切 與 者 觀 誠 聞 布 災 立 其 外 夷易切實之旨, 應之。 前 書 孫 實之有關 帛 (異 激 轉 故 朝 身先之範 範 菽 也 大 于平水之衡文公署。 羽 大木于 面 不舉手加 節,如 奉 粟,别無 陳 流 時 勑 斯 余竊怪世之好 慈孝,矢 商 傾 時, 之曲 提 河滸 余 于世 注 預 固 督 故 即 自 者 吊詭 額 請 皆侈 Ш 願 者 切 入謨洋 教 · · 欣欣 有 建 不言而 亡慮 西 附一 乎? 齊 厭 儲 奇異之譚 也 學 洋, 調 抗議 薄 而 製司 爲 識 言 政 爲 郢 喻。 前 噫 無 吊 與 苕 圃 調 不足道。 當 呼「輿謣」,後 本修 詭 濮 馬相公者,此 不識,何者? 溪 授 可以 且夷考當 **心禮**,與 旲 奇異 是 後 諸 則 齊, 歈 學 可 炫 先 知 越 者, 獨 吴時 生 以 夷 飾 夫 真 吟, 之 測 易 因 于 如

## 温公家範跋

道 海 四 廉公未仕,早殁,亦不克成 之于閩,板毁無存,未得傳 吾嚮往,則範自 心,取《家範》所載佳言懿行,以證吾心,决 塼埴, 圜 爲世法者,罔不備載。 僞皆由 顧家之本在身,而身之主宰在心。 作,上自卿士,下逮庶 一,所 壁,無力 先文正公《家範》, 賜俸 允可範俗,足爲聖明風化之助,又 觚方直,一聽之于範,不少差僭。 梓 金,露授梓人,永垂懿範,傳 而 由 行。 我立,化自我行。 人 荷蒙當道名公崇賢 八乎? 人,凡 如冶人鎔金,陶 事 先大父邵武 擷 《所志。 世。先大人孝 家 古今,義兼 行 隆美, 己真己 露家 求之吾 公刻 徒 可 述

十八世孫露頓首謹識。

日

不

十九世孫嫖、嵩、嶧、孍、愉、岐校梓

## 家範卷之一

十八世孫露十九世孫嫖嵩嶧媛倫 岐梓

《周易》: 《彖》曰:「家人,女正位乎内,謂二也。 解下異上家人,利女貞。 男正

位乎外。謂五也。」

夫、婦婦,而家道正。 父母之謂也。父父、子子、兄兄、弟弟、夫 男女正,天地之大義也。家人有嚴君焉, 家人之義,以内爲本,故先説女也。 正家而天下定矣。

《象》曰:「風自火出,家人。

由内以相成,熾也。

君子以言有物而行有恒。」

家人之道,修於近小而不妄也。 故君子

初九, 閑有家, 悔亡。

以言必有物

而 口

無擇言,行必有恒

而

身

志變而後治之,則悔 凡教在初,而法在 始。 矣。 家 處家 瀆 丽 後嚴之, 人之初,

亡也。 爲家人之始,故宜必以閑 有家,然後悔

《象》曰:「閑有家,志未變也。」

六二,無攸遂,在中饋,貞吉。

之正義,無所必遂,職乎中饋,異順 居内處中,履得其位,以陰應陽,盡婦 而 人

《象》曰:「六二之吉,順以巽也。」 已,是以貞吉也。

終吝。 九三、家人嗚嗚、悔厲、吉。 婦子嘻嘻,

以陽處陽,剛嚴者也。 家之長者也。行,與其慢,寧過 處下體之極,爲

雖「 恭 嘻」,乃失其 嗃 家 嗃, ~,與 其 悔 (節 厲 瀆,寧處 也 \_, 猶 乎嚴。 得 其道 是以《家人》 「婦子嘻

失家節也。」 象》曰:「家人嗚嗚,未失也。 婦子嘻嘻

六四,富家,大吉。

家 能以其富, 得其位,明 能 也。 富其家, 何足 於家道,以近至尊, 順 m 爲大吉? 處 位,故大吉也。 體柔居巽,履 能 富其 若但

九五,王假有家,勿恤,吉。 象》曰:「富家大吉,順在位也。」

道 道 假,至也。 家道正,正家而 弟弟、夫夫、婦 列則 ,以有其家者 下莫不化矣。父父、子子、兄兄、 履 E 婦 也。 加 天下定矣。 六 應、處 親 居於尊位 和 尊體 睦,交相愛樂 故「王假有 異, 丽 明 王 於家 至 斯 而

> 家」,則勿恤 一而吉。

《象》曰:「王假有家,交相愛也。」

上九,有孚,威如,終吉。

寡威。 終,唯信與 著於外者也,故曰「有孚」。 處家人之終,居家道之成,刑於寡妻,以 反之於身,則知施於人也。 本者,則患在寡恩,以愛爲本者,則患 故家人之道,尚 威。 身得威敬,人 威 嚴 凡物以 也。 亦 家道 如 猛 口 在 爲

(象》曰:「威如之吉,反身之謂 也。

《大學》曰:「古之欲明明德於天下者,先治 知 正 者,先修其身,欲修其身者,先正其 其國,欲治其國者,先齊其家,欲齊 其心者,先誠其意; 致知 在 格物。 物格 欲誠其意者,先致 IIII 後知 至 知 八心;欲 其 至 其 家 而

<sup>0</sup> 近至」,原作「至近」,今據草堂本及宋刻《周易》改。

其家不 薄而 《詩》云:『宜兄宜弟。』宜兄宜弟, 爲本。 下平。 後意 其爲父子、兄弟足法,而後民法之也。 其家人。』 宜其家人,而後 者,所以事長也,慈者,所以使衆也。《詩》 出 此謂 修 教國人。《詩》云:『其儀不忒,正是四 云:『桃之夭夭,其葉蓁蓁。 之子于歸,宜 家而 而 知之至也。 其 誠 後 八所薄 意誠 成教於國。 可教而能教人者無之。 其本亂 自天子以至於庶人,一是皆以修身 家 齊,家齊而 者厚,未之有也。 而後心正,心正 而 所謂治國必先齊其家者, 末治者,否矣。 孝者,所以事君也,弟 後 國治,國 可以 而後身修, 此謂 故君子不 治 其所厚者 而後可 教 加 或 知 國。 後 本, 此 以 天 身

孝經》曰:「閨門之内,具禮矣乎?● 宫中之門,其小者謂之閨。 禮者,所以

治國在齊其家。」

克諧以孝。

烝烝乂,不格姦。」

和。

烝,進也。

言能以至孝和

頑

然而治天下之法,舉在是矣。 治天下之法也。 閨 門之内,其 治 至

「嚴父嚴兄,

妻子、臣妾,猶百姓、徒役也 事君、事長之禮也

牧,御之必以其道,然後上下相安。 徒役,阜牧也。 妻子猶 百姓,臣妾猶

卓

象傲。

昔四岳薦舜於堯,曰:「瞽子,父頑、母

稱。 無目 字,傲慢不友。 故時人謂之瞽。配字曰 心不則德義之經爲 日 瞽。舜父有目,不能分别好 言並惡。 瞍。 頑。 瞍, 象,舜弟之 無目之 惡,

0 「具」,原作「其」,今據四庫本、草堂本改。

 $\equiv$ 

**囂昏傲,使進進以善自治,不至於姦惡。** 

帝曰:「我其試哉。」

言欲試舜,觀其行跡。

女,于時觀厥刑于二女。

觀其法度,接二女以治家。●女,妻。刑,法也。堯於是以二女妻舜,

「鳌降二女于嬀汭,嬪于虞。」

道於虞氏。下帝女之心,於所居嬀水之汭,使行婦降,下。嬪,婦也。舜爲匹夫,能以義理

帝曰:「欽哉!」

歎舜能修己行敬以安人,則其所能者

大矣。

弟,以御于家邦。」此皆古聖人正家以 亦有家行隆美可爲人法者。 下者也。 詩》稱文 降於後世,爰自卿 王 之德 曰 : 刑 於 寡 士以至匹夫, 今采集以爲 妻, 至 於兄 正天

《家範》。

治 家

《禮》: 别, 夫和 婉 衛 慈而教,子孝而箴,兄愛而友,弟 婦聽,禮也。」君令而不違,臣共 共、父慈子孝、兄愛弟敬、夫和 弟敬,所謂六順也。」齊晏嬰曰:「君令臣 ,禮之善物也。 石碏曰:「君義、臣行、父慈、子孝、兄愛、 禮之大節 而義,妻柔 「男女不雜坐,不同椸 也,故 而正,姑慈 夫治家莫如 治 家 者 枷 而 不同 禮。 必 從,婦 妻柔、姑 而 以 敬 不 男女之 爲 · 旗,父 巾 加 聽 先 順 而 慈

● 「家」下,草堂本有「觀治國」三字。

不親授受。嫂叔不通問,諸母

不漱裳。外

女子許嫁

言不入於梱,内言不出於梱。

四

纓。 子子,已嫁 非 有大故,不入其門。 而 反,兄弟弗與同 姑、姊、妹、 席 而 坐,弗與 女

同器 而食。」

子在 相 皆 女之職也。 尊之者,亦所以遠 庶母賤,可使漱衣,不可使漱裳,裳賤。 爲 稱 房也。 謝 重别也。 也。 椸,可 不出 諸母, 庶 不雜坐,謂男子在堂,女 別也。 入者,不以相問 以枷 母 衣者。 也。 外言、内言,男 漱,澣 通問,謂 也。 也。

端也。 梱,門限也。 大故,宫中有災變若疾病,乃後 女子許嫁繫纓,有從人之

也。 《春秋傳》曰:「群公子之舍,則已卑

入也。● 女子有宫者,亦謂由命士

出矣,猶不與男子共席而坐,亦遠别也。 矣。」●女子十年而不出嫁,及成人可以

男女非有行媒,不相知名。

見媒往來,傳婚姻之言,乃相知姓名。

「非受幣,不交不親

重别有禮,乃相纏固

「故日月以告君

《周禮》凡取判妻人子者,媒氏書之以告

君,謂此 也。

「齋戒以告鬼神,

婚禮,凡受女之禮,皆於廟爲神席,以告

鬼神,謂此也。

「爲酒食以召鄉黨僚友,

會賓客也。

「以厚其别也。」

厚,重慎也。

以

E

四庫本作「然」。

(清阮刻《十三經注疏》本)改。 「卑」,原作「畢」,今據《禮記注疏》及《春秋公羊注疏

 $\overline{\pi}$ 

又,●「男女非祭非喪,不相受器。

祭嚴喪遽,不嫌也。

其相授,則女受以篚。 其無篚,則皆坐奠

之而後取之。

奠,停地也。

無燭則止。 乞假。男子入内,不嘯不指,●夜行以燭 ·外内不共井,不共湢浴,不通寢席,不通

嘯,讀謂叱。叱,嫌有隱使也。

「女子出門,必擁蔽其面,夜行以燭, 無燭

則止。

擁,猶障也。₃

道路,男子由右,女子由左。」

地道尊右。

又,「子生七歲,男女不同席,不共食。

蚤其别也。●

男子十年,出就外傅,居宿於外

外傅,教學之師。

「女子十年不出。」

恒居内也。

又,「婦人送迎不出門,見兄弟不踰閾。」

閾,限也。

又,「國君夫人,父母在則有歸 寧,没則使

卿寧。」

魯公父文伯之母如季氏,

如,之也。

康子在其朝,

自其外朝也。

與之言,弗應。從之,及寢門,弗應而入。

0 「又」,原作「文」,今據萬曆七年本、四庫本、草堂本

「嘯」,原作「笑」,今據草堂本、《禮記注疏》改,下「嘯」

「猶」,原作「獨」,今據四庫本、草堂本改。

「蚤」,原作「厚」,今據草堂本、《禮記注疏》改。

康子之家也

康 子解於朝 其家臣, 入見敬姜也。 而 人見

門之内,婦人治其業焉,上下同之。 日 :「肥也不得聞命,無乃罪 乎?」曰: 「寢

· 夫外朝,子將業君之官職焉, 内朝,子將 寢門,正室之門也。 上下,天子已下也。

庀,治也

庀季氏之政焉。

皆非吾所敢言也。」

聞之,以 子往焉, 闖門而 公父文伯之母,季康子之從祖叔母也。 爲别於男女之禮矣。 與之言,皆不 踰 閾。 仲 尼 康

闖 闢 也。 門,寢門也。

漢 謹,官至二千石。 (萬 長子建,次甲 石 君 石 奮,無文學,恭謹 ,次乙,次慶,皆 於是景帝曰:「石君及四 舉 以 無 馴 與 行孝 比

身自 如之。 以 以 如 者在 夫禄 謁親,人子舍, 建老白首,萬石君尚 行,乃以長子建爲郎中令,少子慶爲内史。 年,郎中令王臧以文學獲罪皇太后。太后 魯諸儒質行,皆自以爲不及也。 長老肉袒 讓,爲便坐 君必朝服見之,不名。子孫有過失,不 號 子皆二千石,人臣尊寵,乃 爲常。 爲 也,唯謹。 奮 一側,雖 澣灑,復與侍者 儒者文多質少,今萬石君家不言而 歸 爲 萬 老于家,子孫爲小吏,來歸謁,萬 萬 萬石君徙居 石君家 固 石 燕必 ,對案不食。 君。 謝罪,改之,乃許。 其執喪哀戚甚,子孫 竊問侍者, 冠,申申如也。 孝景季 以 孝謹 無恙。 ,不敢令萬 陵里。 然後諸 年,萬 聞 取 每五日洗沐歸 乎 舉集其門。」故 親 内 郡 石君以 中 史 子相 石 僮 子 國 慶 帬 君 遵 僕 孫 建元二 醉 厠 雖 知 訢 勝 F 腧, 齊 . 消 亦 訢 冠 因 大

恐,肉 罷 餘,建亦死。 老皆走 元 朔五 外 慶 石 君 闁 袒 年卒。 置 慶 讓 不 謝 及諸 ,而内史坐車自如,固 日 F 罪 諸子孫咸 車 「内史貴 子人 建哭泣哀思,杖 0 不 許。 萬 里門, 石 孝,然建最 人,人 舉 君 趨 宗 聞 至家。 及 之, 間 乃能 兄 當當 里 不食。 甚 建 三,里 []. 乃 行 萬 肉 中 石 袒。 謝 慶 長 君 歲

甚 孝於萬 石 君。

嗤之。 樊重 童 温 有 倍,●乃至開 常若公家。 舍,皆重堂高 隸 求必 厚 各得 有法 一字君 求假焉 給。 然 積 其 度。 雲。 其 嘗 以 廣 閣 宜 經營産業,物無所棄。 欲 田 歲 貲 ,陂渠灌注。 三世共財,子孫朝夕 世 作 至 月 土三百 故能 善農稼,好貨 器 Ē 皆 物, 萬 上 得 餘 先 下勠 而 其 頃。 種 賑 又池魚 用 力, 梓 贍 其 殖。 宗族。 漆 向 財 所 牧 禮敬 之 課 時 利 起 重 畜 笑 恩 歳 役 性 廬

> 令焚削 諸 年 田 加 子 鄉 十 從 頃 間 敕,竟不肯受。 文 餘 解 終。 契。 外 其 孫 忿 債家 其素 何 訟 氏 所 聞 兄 縣 假貸 者 弟 中 皆 争 稱 人間 慙, 美, 財 争 推 數 重 往 百 爲 耻 之, 償 萬 老。 遺

年, 皆 弘 之弘 不行 妻晉 君 餘 宋 南 微 處 侍 有 陽 節 而 文簿。 經紀 (), 僮 微。 前 中 陽公主改 馮 義 室 謝 良 宇 可 詔 役千人。 生業,事若在公,一錢尺帛,出 混 弘 ,志行高潔,遇 嘉 與 修 微 宋武受命,晉陽 仍 謝 整 從 世宰 聽 適琅邪 氏 還 倉 叔 離 唯有二女,年 相 謝 廩 混 絶, 氏。 王 充 以 妻子 公主 練。 劉 盈 門 自 公主 毅 如 兩 公主 門 混 以 黨見 君 封 徒 降 混 臣 並 田 至 桂 家 雖 誅。 數 異 業 是 執 東 事 平 九 鄉 + 委 意 混

0 歲 原原 作 「遂」,今據四庫本及《後漢書》改。

問 微 及伯 以 湛 好 物 東鄉 也。 宜 業奴僮 稽、吳興、琅邪 前 射 H 之讓 樗 謝 不 歸 不 生 何 入門莫不歎息,或爲 中 母 浦 取 弘微性嚴正, 氏 妄言笑,由是尊卑 平 田 弘 以 女 累 兩 猶數百 薨, 外 疇 重 微 自 居官?」 聞 世 姑之分, 墾闢,有加 親 此 日 無所争。 弘 以 田 遺 財 姻 微不 私 財千 宅僮 人。 産 子,可 諸 「天下事宜有裁衷, 禄 道 充 弘 處,太傅安、司空琰 以 舉止 取 公私 誉 一僕,應! 殷 萬 俗 微笑 於舊。 弘 還 財物, 葬。 謂 君 義 微 戲 亰 大小敬之若神 或 必修禮度,婢 知 流 舊 而 舅子 屬 宅十 債 謂 混 涕 朝 0 乃濫 不 東 弘 女夫殷叡,素 小感弘 戲 答。 鄉 見 僕 領 微。」弘微 「室内資財 内 餘 債 東 歎 軍 人 奪 射 所, 皆 微 卿 其 鄉 譬 或 爲 曰 將 僕 之 有 妻 時 棄 此 軍 化 及 不 妹 歸 譏 劉 弘 及 之 僕

> 見關 之甚 江 今分多共 海 ? 以 今内. 爲 廉 小 耳。 不 尚 至 弘 能 有 微 無 乏。 言 . 「親 豈 身死之後,豈 可 戚争財, 道之使 争 爲 復 ?

居,而 「今天 居。 隋 劉 日 鳥大相與 異居,乃自取庭樹 四 末 從 君 立逐 月餘, 良, 破家 下大 况 天 皆 其 下 瀛州 人乎?」 如 闘 賊 妻, ·大飢, 君 亂 同 舉 樂壽 良 乃 復 氣 争 家 聚 汝 乃 盗 君 闘 鳥 怪 人。 耶 居 尺 知 賊 良 之。 雛交置巢中,♥於是 之 \_\_\_ 如 布 其 群 累世同居,兄弟 以 秋 悉召 初 斗 謀, 起。 群 妻乃 爲 粟 然, 兄 夜 鄉 鳥 君 説 相 弟 攬 里依之, 遂 尚 良 君 哭 與 妻 相 妻 不 良 (共之。 欲 髮 而 與 能 以 告 罵 析 其 至 聚

- ●「道俗義」,四庫本作「里黨故
- ❷ 「自」,四庫本作「密」。

褓 旌 厨 子弟 表 盗 其 賊 門。 數 號 + 義 皆 成 以 堡」。 禮 法 宅 有 貞 觀 六 院 六 年 共 詔

責望 隋、唐皆 張 餘 過 雍 衣 族之道。 矣。 食 以 遂 進。 藝, 或 張 有 成 旌 幸 鄆 公藝 其 不 表 其 乖 州 意 均 其門。 争。 宅。 壽 以 請 卑 爲 紙 張 荷 幼 召 宗 筆 麟 見 能 禮 族 以 德 公藝, 相 節 所 對 九 中 與 乃 或 以 世 忍 有 不 高 同 問 書 之, 宗 不 協 居, 所 由 忍 備 封 則 以 泰 北 字 尊 常 能 更 山 睦 相 長 百 睦

於 法。 唐 弟 日 中 公 軱 河 門 東 燭 權 中 出 門 至 之 節 至 及 度 北 東 群 小 則 使 齋 有 從 以 公綽 柳 諸 小 弟 次 公綽 齋 再 命 子 决公私 子 食, 仲、 自 弟 在 非 自 郢 公 朝 日 事 等 人 卿 至 謁 接 皆 執 間 暮 之 束 經 最 賓 H 帶 史 不 名 客 文 離 晨 每 有 燭 小 與 省 平 家

> 豐 業 前 木 有 子復昏定於 或 日 備 未 遵 粧 論 孤 日 即 「昔吾兄弟侍 嫠者 其 盒 成 文, 變易。 讀 何 法 不 或 纈 如 聽 文 聽 雖 過 嫁 中門 食 其 絹 琴, 疏 里 不 肉, 爲 遠 遇 失 之北。 至 0 先君 資 吾 飢 時!」及公綽 乃 必 人 裝。 不 歲 講 爲擇婿嫁 定 敢 爲 議 凡二十 鍾 常言 則 忘 丹州 居 也。 然 諸 官 後 子 之, 刺 餘 治家 一必 衰,仲 姑 歸 皆 年,未 史, 一待資 皆 娣 寢。 蔬 之 以 用 妹 法 食 刻 嘗 學 粧 姪

數 或 庫 H 昉 家 朝 園 計 公卿 分 琡 口 命 子 舍 日 能 子 孫 所 給 弟掌 守 數 收 餅 先 世 及 飯 其 法 有 事 久 白 婚 官 而 餘 其 姻 者 不 口 規 喪 俸 衰 模 葬 禄 猶 者 大 所 同 皆 抵 唯 費 居 聚 出 皆 故 共 之 於 有 李 翰 相

<sup>●「</sup>即」,四庫本作「躬」

乎

聖人知

族不足以

獨

文

也

故

又

爲

1

戎狄 豺曰 兄弟 食矣。 夫人 欲 贵 林 戮力一心,然後社 子二十人,病且 附於根 矣,愛其祖,則 熊 隻箭,將玩之。」俄 及燕雀。 汝取 徒 羆 更相依 學士宗諤 之親。 也,猶 爪 使 9 十九隻箭 是故 「汝曹知否? 奔走之疾,不及麋鹿; 牙之 其 榦, 手足之繫於身首, 不可離 荷非 庇 粲 知 入利,不 以以 所 聖人教之以禮,使人知父子、 然 人 宗 制 群聚以禦外患,則反爲異類 條理,以爲 知 知愛其宗族矣。 折之。」慕 死 扞 也 族 愛 皮 稷可固。」言終而 ,謂曰:「汝等各奉吾 外患也。 而 相 其父,則 虎 單者易折 命母 保 豹 以 利 弟慕利 榮觀哉 膂 爲 延 吐 知 飛颺之高,不 力之强,不 强 ,衆者難 不 谷 愛其 如枝 渾 能 延 况 死。 阳 折 日 兄 華 葉之 豺 乃 : 也 摧 彼 實 弟 夏 有 及 311 0

> 厲王 身既 身也; 之甥 宗子惟城。 後能 哉 又 九族,遠其兄弟,欲以 身安若泰山 一愛養 棄其 舅 孤、人斯戕之矣、於利何有哉 施及他人者也。 故自古聖賢未有不先親其 愛民者,所以愛其 百姓 婚 九族,詩人刺之曰 媾 毋 以 姻 ,壽如箕翼,他人安得而 俾城壞,毋獨 衛 婭 之。 以輔 彼愚者則 之。 故愛親 專利其 親 猶懼 也。 斯畏。」苟 者 身。 「懷德惟 其未 不然 所 如 九族, 是, 殊 以 棄 也, 昔周 不 爲 侮 則 愛 寧, 獨 知 其 其 其 故

庇 族,公室之枝葉也。 宋昭公將去群公子, 廕矣。 葛藟 猶 能 庇其 若 樂 去之, 豫 根本,故君子 日:二 則 本 不 根 可。 以爲 無 公 所

居,斯可畏矣。

<sup>□</sup> 此句下四庫本有「汝取一隻箭折之。慕利延折之。又

公不聽,果及於亂。皆股肱也,誰敢携貳! 若之何去之?」昭焉』者也,必不可。君其圖之。親之以德,比,况國君乎? 此諺所謂「庇焉而縱尋斧

室,於人何有! 人亦於汝何有!」既而華之。● 左師曰:「汝亥也必亡。汝喪而宗華亥欲代其兄合比爲右師,譖於平公而逐

順則 凶 孔子曰:「不愛其 而 德;不敬其 德,雖得之,望君子不貴也。」故欲 棄其宗族,烏在其能愛身也 逆、民無 親 則焉。 Mi 敬他 親 不在於善,而皆 而愛他人者, 人者,謂之悖 禮。 謂之悖 愛其身 在 於 以

> 色。 梁中 食。 碩 可 漢 中表貧乏者皆牧養之。● 時逢水旱,以二 米 '春。」言尺布可縫而共衣,斗粟可春 世 此謂 爲 譏文帝以天下之富,不能容其弟也 書侍郎裴子野家貧,妻子常苦飢寒。 諺曰:「一尺布,尚 薄 睦 粥 族之道者也 ,僅得徧焉,躬自同之,曾 可縫; 一斗粟, 而 厭 共 尚

家範卷之一終

四庫本、草堂本皆作「收」。

<sup>●「</sup>平」。原作「計」。今據四庫本及《孝經注疏》(清阮刻●「得」。原作「謂」。今據四庫本及《孝經注疏》(清阮刻《十三經注疏》本)改。《十三經注疏》本)改。

## 家範卷之一

露十 孫嫖嵩嶧孍岭

祖

À 世孫 九世 岐梓

者鮮 跨坊 不過 爲人 之,反笑其祖考之愚,不知自娱 聚之,而子 用之莫能 求之猶未足,施 法 無恩於我 齊 曲 廣營生計以遺之。田疇連 矣。 祖者,莫不思利 其 粟麥盈囷倉,金帛充篋笥,慊慊 盡 家。 何以 孫 也。 而 於於 自於數 言之? 施然自以爲子子孫孫累世 厲虐之也。 時歲之間 然不知以義方訓其子, 其 十年 今之爲後 後 世,然果能利之 奢 中勤 始則 靡 阡 游 欺紿 又怨 身苦體 陌 世謀者 蕩 以 其 散 以 以 伙

> 訟。 卒。 其 累 古 惟 争嫁 人,子孫竊 於身,夜 之帛,必身自 名 臣 而 則 者 死 以 爲 充 矣 人 知 人後蘇 曏之所以 至於有 而 其子孫 資 身禍 其欲; 所 有 其處女亦蒙首執牒,自 也,家甚富而尤吝嗇,斗升之粟、尺 償 利,不 爲 之。 不 使其子孫果賢 以則置 能 也。 疾 鄉黨笑。 其鑰,開藏室,發篋笥, 即 不足,則立約舉債於人,□俟 利 不 不 觀 無,然勿求多餘 鑰 知 出 捫 哭,相 頃 後 其 療 納 有 於枕下。 除行 枕 嘗有士大夫,其先亦 (世者,適足以長子孫之惡 意,惟 義 ,鎖而封之。畫則 下, 蓋 與争 故 邪 酖 求 患 也。 由 ,豈蔬糲希褐不 毒 其 鑰 病甚, 匿 子 亦有之矣。 考之壽 訐 其 不 孫 ,多餘希不爲 夫 得,憤怒 生生之資, 自 於府庭,以 財,遂致 困 [幼及 取其 絶 也 不 佩 或 長, 財。 闘 遂 1 知 鑰 朝

### Ŋ 庫

邪? 愚之 自 滿 甚 堂 曰 至 也 奚 死 何爲 益 於 然 哉 道 其 則 ? 路 然也 聖 乎 多 賢 ? 藏 皆 1 若 以 不 昔者聖人 其不 遺 顧 子 子 孫 賢 孫 邪 遺 之 吾 匱 子 見 雖 孫 7 其 積

人

不 微 以 積德累 治 絶。 百 積 德 厥 以 餘 德 遺 孫 禮 年 功,至於 周 至 後 謀 賢 自 於 世 其 后 爲 以 (支庶 而 稷、 帝,子孫 遺 燕 武 安 固 翼 子 王 公劉 猶 之也 子。 孫 而 爲天下之 以 有天下。 、太王、王 保之, 言 廉 故 以 豐 享國 能 儉 德 顯 子 其詩 季、 澤 諸 孫 舜 百 侯 文 明 自 世 承 E 褿 Ŧ 棋 統 而 側 :

甚惡 地。 地 矣,吾不受也。 孫 封 叔 其子。 心,可長 敖 楚越之間 爲楚相 有者 其子辭 將 有 唯 我死 寢 死 此 請 丘 也 戒 王 寢 者,此其 以其子曰 則封 丘,累世 孫 叔 汝 敖 : 地 死 必 不 王 Ŧ 利 無 數 受 以 而 封 利 美 名 我

而

布

於

海

内。

其

爲

利

贵

不大哉

爲 治 漢 世 垣 相 家所奪 屋 國 蕭 日 何 . **\$** 買 後 田 世 宅 賢 必 居 師 窮 吾 僻 儉 處 不 爲 家 不

賢 食費且 今復 子孫 豈老 食,請 孫 且 其 老人即以 餘,廣子 日 十斤,太子贈 太子太傅疏廣,乞骸骨歸 不 : 家 夫 而 詩 「子孫冀 增益 金餘 勤 富 多 欲益 族 不,不 盡 者 財 力 孫 之,以 閑 宜 其 則 尚 其過 ·念子 衆 竊 暇時爲 故舊、 損 及君 中,足以 有 從 以 謂 之 其 爲 孫哉 幾 Ŧi. 大 其 怨 時 生怨。 志 嬴 十斤。 何, 人 賓 昆 也 廣 馬愚 頗 餘 客, 所 共 弟 言 趣 立 勸,説 但 而 吾 顧 衣 此 老 産 鄉里,天子 賣 相 廣 多 教 自 既 計。 業 人 食 以 與 日 子 財 有 基 廣 共 君 娱 令家 與 則 孫 舊 址 廣 以 所 買 具。 樂。 凡 益 怠 田 曰:「吾 教 信 田 今 具. 賜 人 其 惰 廬 化 愛 宅。 Ė 居 數 設 金 齊。 過 耳。 者 飲 歲 間 酒

四

故 涿 不 E 郡 亦厚乎 舊 太守楊震, 使 長 後 者 世 或 稱 欲 爲 性公廉,子孫常蔬 公爲 清白 開 更子 産 業。 孫 0 以 震 此 食 遺 不 北 之, 肯 行

相,誰遺之乎?」 孫。」本曰 或 南 勸 唐 之 德 日 勝 -: 軍 「公春秋 節 吾 繋草 度 使 高,宜 兼 履 中 事 少 吴 書 留 武 餘 王 周 貲 本 位 以 好 至 遺 施 將 7

**恃**? 之禄 有公孫 所 儉 儉 雨 近 儉入奢則易, ′′′;必 親 服用 薄 故 雖 或規之曰:「公月入俸禄幾 張文節 如 至 布 此 侯服 飲 旦失之, 失 被之詐。」文節 膳 所 外人不以公清 公爲 與 由 王食,何憂不足? 曷 奢 始 家 若 人 爲 宰 人 儉 河 相 無 既 則 陽 失 所 歎 書記 習 難 其 儉爲 日 居 於 常 堂 此 時 奢 美,反 何 禄 然 以 室 無 吾 不 安 不 吾 人 m 異 雖 能 能 情 蔽 今 以 自 違 常 B 爲 奉 由 其 風 頓

> 厚 不 貴 不 日 晉 此 世 四 家家 絶。 蕃 皆以 於 顯 : 光 而 Ļ 身 禄 葬某處 人猶 矣 澄 某 雖 大夫 德業遺子 未 其子孫昌熾,公侯 乃 處 如 一年幾 必 葬 張 年 今日 因 其 澄 ·過百歲,位 |葬 孫 劣處 當葬父。 减 者 地 乎 半,位 也 丽 位。 所 然,足見其愛子 聞 止 裁 至三司 郭 得 將相, 者 光 卿 璞 顧 禄, 服 校 爲 不 其 至 多乎 年 占 而 而 梁、 遠 六 累 墓 子 慮 孫 陳 + 世 孫 地

深 以 先 公既 平 遺 子 登侍 孫 從,常日 處 心 如 此 : 吾 其 所得 顧 念 已多, 後 世 不 當 亦 留

家範卷之二終

「公爲」,草堂本作「爲公」,《後漢書》本傳作「令爲」。

0

## 家範卷之三

十八世孫露十九世孫嫖嵩嶧孍倫岐梓

父

日 陳 亢 間 未 於伯 也 魚 嘗 日 獨 : <u>寸</u> 子 鯉 亦 趨 有 而 異 過 聞 庭。 乎 ?  $\Box$ 對

趨 『學《詩》乎?」對曰:『未也。』『不學《詩》, 無以言。」鯉 圃 過 庭。 退 曰 : 而學《詩》。 \_ 學禮 乎?」 他日又獨立,鯉 對 未

斯二者。」陳亢 也。」「不 學禮 無 退 圃 以 喜日 立。 . 鯉 一問 退 愐 得三: 學 禮。 聞 聞

遠者,非疏遠之謂也。謂其進見有時,接

詩》,聞禮,又聞君子之遠其子也。」

遇有禮,不朝夕嘻嘻相褻狎也。

也。不遵之以道,是棄之也。然强之或傷不形於外,常以嚴莊蒞之,不以辭色悦之而勿貌,遵之以道而勿强。」言心雖愛之,曾子曰:「君子之於子,愛之而勿面,使之

恩,故以日月漸磨之也。

嚴,不 子異宫,此不狎之道也。 **篋枕**,此不簡之教也 慈孝不接,狎 北齊黄門侍郎顏之推《家訓》曰: 可以 狎, 則 骨肉之愛,不可 怠慢生焉。 抑 由 搔 命 以 癢 士以 簡 •父子之 痛 懸 上 簡 衾 父 則

方,弗 者之來,寵禄過也。」自 石碏 使至於危辱亂亡者, 諫衛莊公曰: 納於邪。 驕 一臣 奢淫泆,所自 可勝數哉 聞 古知 愛子,教之以 愛子 邪 夫愛之, 不知教, 也 義 74

●「之」,原作「子」,今據四庫本改。

惡木之萌芽,曰「俟其合抱而伐之」,其用 當教之使成人。愛之而使陷於危辱亂亡, 烏在其能愛子也? 人之愛其子者多曰: ·兒幼,未有知耳,俟其長而教之。」是猶養

(曲禮》:「幼子常視毋誑。

韁放馬而逐之,曷若勿縱勿解之爲易也!

力顧不多哉? 又如開籠放鳥

而捕之,解

誑欺。 小未有所知,嘗示以正物,以正教之,毋

「立必正方,不傾聽。

習其自端正

長者與之提携,則兩手奉長者之手。

習其扶持。尊者提携,謂牽將行。

負劍辟咡詔之, 負謂置之於背,劍謂挾之於傍,辟咡詔

則掩口而對。」

之謂傾頭與語。

口旁曰咡。

習其鄉尊者屏氣也

《内則》:「子能食食、教以右手。

能言,男

唯女俞。男鞶革,女鞶絲。

女用繒,有飾緣之。

俞,然也。鞶,小囊盛帨巾者。

男用革,

「六年,教之數與方名。

方名,東西南北之類

「七年,男女不同席,不共食。

早其别也。

「八年,出入門户及即席飲食,必後長者,

始教之讓。

視以廉耻。

「九年,教之數日。

知朔望與六甲也

有三年,學樂誦《詩》,舞《勺》。 「十年,出就外 傅,居 宿 於外,學書計。 成童 舞

七

成 童 一,十五 以 上

也。 之。 賈誼 也。 烹豕 於齊不能不齊言也。 之,使與太子居處 識 使士負之,過闕 正事,聞 下之端士、孝弟、博聞 曾子之妻出 ,三公、三少固 逐去邪人,不使見惡行。 夫習與正人居之,不能毋正,猶 故自爲赤子 言 以食兒,曰: 爲爾殺 正言,行 古之王者,太子始生,固 豕。」妻歸 則下,過 兒隨 [明孝、 而教固已行矣。 「毋教兒欺 Œ 出 道,左 人。 習與不正人居之,不 而 以 有道 啼。 仁、義、禮 故太子乃 廟則趨,孝子之道 語 右 曾子。 也。」 術者,以 妻曰 前 於是皆 後 . 一 以 舉 提孩 皆 生 「勿啼 以 IE 衛 選 道 生 而 禮 長 X 翼 天 習 有 即 見.

> 增怨。 然。 婦 方乃制之,捶撻 成若天性,習慣如自然」是 呵反笑,至有識知,謂法當爾。 省笞罰。 教 能 生孝矣。 初來,教兒嬰孩。」誠哉斯言 誨 爾 飲食運 使 當 逮于長成, 及 爲 父母 吾 則 嬰 爲 見 爲,使 稚 威嚴 9 世 識 至 恣 間 終爲 死 而有慈,則子女畏慎 止 其 無 顔 而 則 所 教 色、 敗 無 止。 欲,宜 丽 德。 威, 也。 知 有 比 人 忿怒日隆 憍慢已習 愛,每不 孔子云「少 誡 喜 諺云: 及數歲 翻 怒 獎, 便 應 能 而 而 加 可

之哉 凡人 爾。 重於訶 ? 不 當以疾病爲 怒 能 又宜思勤 傷 教子女者,亦非欲陷 其 顔色,不忍楚撻 喻,安得不用 督訓 者 豈 願 湯 其 苛 藥針 慘 罪 虐 其 悪 於骨 艾救 肌 膚 旧

咳 《堤」, 四 本 作 《提」。

刊》景明本)改 運」,原作「連」,今據四庫本及《顔氏家訓》(《四部

保固

[明仁、孝、禮、義道習之矣。 凡庶縱

不

顔氏

家訓》曰:

古者聖

王,子生咳堤,●

師

能

毋不正

,猶生長於楚不能

不楚言

也

由

肉乎? 誠不 得已也

王 大 司 馬

梁大司馬 王僧辨也。

能 母 成 將 衛夫人,性 年 其勳業。 踰 四 十,少不 甚 一嚴正。 如意,猶楚撻之,故 王在 湓 城,爲三千

能然。 之也 能。 其賢,則禍 所 梁 下,暮從下上,平均 逖抽腸釁鼓云。 年登婚宦,暴慢日滋,竟以 年譽之; 寵 元 帝時,有一學士,聰敏有才,❶少爲父 ,失於教義。 使其所親果賢也,所下果無 其溺 《記》曰:父之於子也,「親賢而 傳》稱「 一行之非,掩藏文飾,冀其 亂 於私愛者,往往 此 鳲 然則愛而不教,適所 而興矣。 一言之是,徧於行路,終 鳩之養 如 \_\_\_\_ 其子,❷ 一親其 語言不擇 至於人,或不 無能 能 朝 (自改。 也 從 以 爲 而 下 下 則 無 H 害 周

> 《顔氏家訓》曰: 之,更所以禍之。共叔之死,母實爲之。 袁紹之地裂兵亡,可謂 趙王之戮,父實使之。 頑魯者亦當矜憐。 自古及今,此弊 多矣。 ❸「人之愛子, 罕亦 有 偏 賢俊者 劉表之傾宗覆族, 靈龜 寵者,雖 明 自 鑑 可 欲以 。此此 賞 能 均。 愛, 厚 通

論 也。

吉甫,庸知其得免於非乎?」 曾子告其子曰: 曾子出其妻,終身不取妻。 甫以後妻放伯奇。 「高宗以 吾上不及高宗,中 後妻殺孝己,尹吉 其子元請 不比 焉

繼 後漢尚書令朱暉,年五十失妻。 室。 暉 歎 日 . 時 俗希不以 後 昆弟欲 妻 敗 家 爲

<sup>0</sup> 改。 才」, 原作「寸」,今據四庫本、草堂本、《顔 氏 家 訓

<sup>「</sup>傳」,原作「恃」,今據四庫本改。 一顏」,原作「剖」,今據四庫本、草堂本改 草堂本作

不以先賢爲鑑乎? 者。」遂不娶。今之人年長而子孫具者, 得

《内則》曰:「子婦未孝未敬, 庸之言用也 勿庸疾 怨

姑教之。若不可教,而後怒之。

怒,譴責也。

不可怒,子放婦出 表,猶 明 也。 猶 爲之隱,不明 前 不表禮焉

其

犯禮之

過也。

能教 鬱悒,至有 恕之。❶ 世俗之人,其柔懦者,子婦之過尚 君子之所以治 而 《 震藏之。及其稍著,又不能怒 至於惡 成疾 其子婦,盡於是而已矣。 積罪大,不可 而終者。 此, 禁遏,則 小,則不 而 喑 今 鳴 心

> 考心。 己。 元惡大憝。 《康誥》稱:「子弗祗服厥父事,大傷 于父不能字厥子,乃疾厥子。」謂 蓋言不孝不慈,其罪均 也 厥

母

也。 爲 今,若是者多矣,不可 使淪於不肖,陷於大惡,入於刑辟,歸於亂 人 母 非他人敗之也,母敗之也。 古人有言曰 者,不患不 「慈母 慈 悉數。 患 敗子。」愛 於知 愛 而 加 自古及 不 不教 知 教

子,寢 周宗。 淫聲,口不出傲言。 周大任之娠文王也,目 不側,坐 君子謂大任 不邊,立不蹕,不食邪味 能 文王生 胎教。 不視惡 而 古者婦人 色,耳 明聖,卒爲 不 割 妊 聽

「恕」, 四庫本作「恨」。

捶

朴

過分,棄逐

凍餒,必欲寘之死

地

而

後

殘忍暴戾,或

聽

後妻之讒

或用

嬖寵之計,

無子之爲

愈也。

其不仁者,則縱其

(情性

如

有子

不

若

資

方

進

遊

學。

晉

太

尉

陶

侃

,早孤貧。

爲

0

漢

永

相

翟

方進

繼

母

隨

方

進

之長安,織

履

以

0

聽淫 不正 生子形容端正,才藝博通矣。 聲,夜則令瞽誦 不食,席 木 正 不 坐, 詩 道 目 不 IF. 視邪 事。 彼其子尚 色, 如 此 耳 未 不 則

汝。」 退。 慎 知而 爲 孟軻 乃徙學宫之傍,其嬉戲 以居之也。」乃去。 孟子幼時問 生也,固已教之,况已生乎? 就就 其 墓 0 學,遂成大 既 之母,其舍近墓。 間之事,踊躍築埋。 所習,况其長乎 欺之,是教之不信。」乃買猪肉食。 孟 母 而 孟母又曰:「此 悔 曰:「此真可以居子矣。」遂居之。 日 東家殺猪何爲? 儒。 ●「吾聞 舍市傍,其嬉 彼其子 乃設俎 孟子之少 古有胎教,今適 非 孟母 所以 尚 母曰:「欲啖 曰:「此 豆 幼 戲 一、揖 居之也。 也,固 也 **瓜** 爲 「讓、進 街 嬉 非 有 已 既 曹 所 戲

> 賓 吏, 侃於廬江大守,召爲督郵,由此得仕進 其 番 陽孝 母 乃截 廉 髮,得雙髲 范 逵常過侃, 以 易 時 酒 倉 肴 卒 0 無 以 淕 待

母。 所交遊 卒。 唐 者 後 無 輒 魏 望矣。」竟不食其膳。 侍御史趙武 屏 母 鉅 母 泣 鹿 卧 ,有名勝者則 鞠育, 日 不餐,須其悔謝乃食。 魏 緝 不嫁, 「 汝 孟少好 母房氏,缉 不讀 訓 身具 田 道 書 武 獵, 有 而 酒饌, 生未十旬,父 孟 母 田 嘗 感 儀 獵 獲 激 肥 有 法 勸 如 度。 不 鮮 學,遂 是 及 以 溥 遺 吾 緝

天平節度使柳仲郢母韓氏常粉苦參黄連,

博

通

經史,舉進士,至美宦。

0

傳》(《四部叢刊》景明本)改。 「衒」,原作「術」,今據萬曆七年本、四庫本及《列女

文。 「而」,原作「曰」,今據萬曆七年本、四庫本、草堂

<sup>「</sup>髮」,原作「髮」,今據四庫本、《晉書》改。

11-

患其 日 以 錢 太子 日 家貧,親 受俸,此錢非 此 : 滿 天 少保 錢 子名不立也 缸 蓋 教 然妾 李 奴 以 、諸子。 《婢喜, 景 先 所 讓 君 所 願 母 欲 餘 久 走告鄭。 者,諸子學 慶, 也。」亟 鄭 雨,宅後 氏, 愍 妾 性 命掩之。 母 古 嚴 鄭 業 子 墻 焚 明 有 孤 頹 香 成, 貧 早 陷 此 祝 賜 得得 寡 唯 之 他

子之罪,復其位 宣 子起矣。」稷子 義之財,非吾有也。 齊 曰 王,請 相 「夫爲人臣不忠,是爲人子不孝也。  $\coprod$ 稷子受下吏金百鎰 就 誅。 逐慚 加 宣 王 以公金賜 而 不孝之子,非吾子 悦 出 其 一,反其 母之義 一,以 母 金 遺 加 其 遂 自 母。 赦 歸 也。 稷 不 於 母

> 以 或無 網 所 而 平反, 鮓 捕 不 寄 殘。 所出 魚 母 作 母 非 旲司 鮓寄母。 喜,笑 母怒,爲 避 空 嫌 孟 爲 也! 母還之日: 不食。 仁嘗爲 飲食, 言 故 監 語 不 魚 「汝爲 疑 異 池 於 官 爲 自自 吏,嚴 它 魚官 時 結

母 晉 封 陶 鮓 侃 責 爲 縣 日 . 吏 爾 嘗監 以 官 魚 物遺 池 以 我 不 蚶 能 鮓 益 遺 我 母

乃

增

吾

憂耳

開 以 隋大 兒爲不慈,背 母 迥 封 父 抱 戰 縣 死 善果 理寺 死 公。 0 王 日 事 卿 母 : 年 鄭 死 鄭 年 年 四 善 夫爲 數 <u>-</u> 十 + 果 君 歲 授 母 雖 無禮。」遂不嫁。 拜 沂 而 崔 死 持 州 寡,父 氏 ,❷幸有 節 刺 夫 大 史,尋爲 鄭 欲 將 此 誠 奪 軍 兒。 討 其 善果 魯 襲 尉 志 郡 棄 遲

原倒

今據四庫本

草堂本乙正

問

示

疑

有

所

平

反

活幾

何

人

也。

不

疑

多

有

漢京

兆

尹

雋

不

疑

每

行

縣

録

囚

徒

還

其

母

輒

原 作「翟」,今據草堂本及《隋書》改。

使汝 績 何 樂,墮於公政。 汝 此 私,以 汝 致之邪? 於床前 母 知汝先君忠勤之士也,守官清恪,未嘗 之坐,相對談笑。 後 政 太 察之。 每 心。 自 守 面 ,乃慙汝家耳。 乃 事 外則 還 目 童 不 身狗 至 汝既 不敢起。 堂,蒙 母 見 稚 知 每 夜 虧天子之法 聞 性 善 汝 襲 禮 不思 國 分 年 賢 先 茅 其 訓 果 機 袂 加 (明,有 小 士, 剖 出 人於 此 内 寢。 母方 ൬ 何 而 之 斷 若行事不 聽 吾爲汝家婦, 則 事 汝 泣 可 孤,吾寡 以 合 事 地 節 以 墜 而 終 今位 善 起,謂之日 負 死。 理, 下 操 爾家 妄 母 果 取辜戾。 荷忠臣 日 乎? 加 歸 日 至 輒 博 吾 不 耳, 允,或妄 : 風 嗔 方 則 坐 涉 食。 亦 怒, (岳, 豈: 有 獲 大 胡 書 一之業 母 兒 望 或 悦 慈 奉 史, 吾死 床 失亡 「吾非怒 封 恒 汝 善果 心 〈嗔怒, 洒 無 緣 自 侯 汝 乎 副 即 於 通 日 掃 威 官 開 紡 驕 身 ? 其 問 伏 賜 軰 曉

克己 受,悉用 内 親 不詣 閣。 肉不 服大 其 製。 獨 國, 狥 由 下 人之務,上自王后,下及大夫士妻,各 此?」答曰 自 族 可 濟乎? 擅 理 命 位 練。 出 禮 其 内 妄 自 其 若墮業者,是爲 也。 ,今聞此言 號 門。 居三品, 饌 遺 外 敗 陳 利 爲 修 於衙 性 姻 名乎?]自 當 以 其 清 理 悉 今此秩俸,乃天子報汝先人之 : 又節 非 散 戚 爲 前。 一 吏,考爲天下最 公宇及分僚佐。 不 自 贍 有 富 中食之。 許 故 儉,非 1 秩 手 六姻. 吉 貴 静 入門。 作 俸 猶 乎? M 汝 室端 初 驕 及 未 幸 事 爲 年 寡,便 祭祀、賓客之事, 逸。 庄 也。 已長 足, 公廨 居,未 善果 但 先君之惠,奈 又 園 絲 厚 吾 禄 母 不 吾 至於公事 善果 所 歷 雖 枲 賜 加 御 嘗 何 供 謂 紡 任 贈 所 不知禮 脂 皆 輒 自 亦 汝 績 州 得 遺 粉 由 不 出 勤 有 知 郡 此 許 雖 皆 FF 酒 所 婦 何 何 天 如

之不 從官 食 未發 金 也 吉 嘗 唐 金 俸 帛 帛 。」吾 語 一戒之 中 下 禄 者 獻 書 於外, 所 也 荷不 遺其 |令崔 咽 耳, 從 常 日 也 來。 重 言 安 有人 「吾嘗聞 一。」玄暐 父母, 玄 其 其 能忠清,雖 得 若 暐 言。 富 來 不 以 初 足, 父母 憂 言 由 非 爲 比 姨兄辛玄馭 其 是 而 道 庫 見 車 以 但 更 貧 日 得 部 中 馬 廉 喜 窶 之,此 知之忻 殺 員 表 輕 謹 乎? 不 三牲,吾 外 仕 著名 肥 能 郎 宦 云 乃爲 悦, 自 此 汝 者 母 「兒 存, 多 惡 猶 今坐 盗 不 盧 問 以 食 語 此 子 氏 而

之日: 之。 爲 方 察使 李景 mi 視 斃 汝 景 讓 喜怒之資,妄殺 事 有 「天子付汝以方 讓 軍 宦 母 左右都 中 事之,終日 已達,髮斑 出 . 憤 坐 怒 押 廳 將 牙 事 常 白, 迕 爲 無罪之人乎? 面 V. 競競。 變, 景 小 景 國家 讓 有 母 讓 意, 過 及 於 聞 刑 景讓 爲 其 之。 庭 法 貴 F 浙 13 萬 得 而 景 杖 西 猶 讓 之 以 責 觀 撻

> 漢汝南 訣曰: 遂安。 既 不 其 致 銜 · 許。 羞 衣坐之,將撻 有 \_ 令名,復求 人地 方 「汝今得 此 將 功曹范滂 不 惟 ·, 佐 寧, 恐其 拜 何以見汝先人乎?」命左 豈 且 與 其背。 壽 惟 坐黨 子之人於不 泣 考, 李、 上 久 負 可 杜 人被收 將 乃 朝 兼 齊 佐皆 釋 名 廷 得 之。 善善 乎 至 使 死 其 也 ? 母 軍 垂 亦 ,爲之請 滂 就 中 年 何 跪 與 右 之 恨 由 之 兴 母: 是

沈、尚 之有 不 收。 魏 告文王 死 高 貴 辭 書 但 母 鄉公將 王 經 恐 母 經 獨 不 顔 不 得 散 討 色不 往 騎 死 司 常 所。 變, 馬 高 侍 文王, 貴 笑 E 以 鄉 業。 而 此 公 應 以 并 既 沈、 告 日 命, 薨 . 業 侍 何 中 經 出 恨 誰 被 走 王

●「年」,四庫本作「老」。

教,再

拜

而

辭

惡,乃可謂之慈矣。 其身使不罹水火,又當養其德使不 爲善之不終也。 唐 君,吾死不恨。」此非不愛其子, 陵之母殺身以 糾則不忠,糾之則身危 之,先白其 相 二者不能自决,奈何?」母曰: 李義甫專横, 母 i i i 成子之名。 然則爲人母者,非 、義 侍御 方 而 爲 史王 汝能 憂 御史,視 及 義方欲 於親,爲 惟 盡 忠 恐 人於邪 徒 奸 一昔 鞠 其 以 奏 臣 事 育 子 彈 不

母子 以 於所 命后 息愛養不至耳。」<br />
后於是盡心撫育,<br />
勞悴過 漢明德馬 爲 慈愛 美談 母 生。 養之,謂曰: 肅宗 皇后無子,賈貴人生肅宗。 始終,無 亦孝, 纖 「人未必當自生子,但 介之間。 性 淳 篤 恩 古今稱之, 性天至。 顯宗

讓 隋 即 番 州 其 刺 孽 子 史 陸 也 讓 坐 母 贓 馮 當 氏 死 ,性仁愛, 將 就 刑 有 母 馮 氏

> 復下 特宜 情 咽 蓬 相 之德,足爲 庶於朱雀門,遺舍人宣詔曰:「馮氏以嫡 識 甚切 頭 親提 以以 一矜免, 韶褒美之,賜物 垢 面 旌 盃 上 計 龍異。 粥 用獎 世範。 愍然爲之改容,於是集 朝堂, 勸 讓 風 食。 俗。 數 慈愛之道,義感人神。 五 讓 百 讓 既 罪。 段 可 圃 减 於 上表求哀 集 死 是 命 除 流 婦 京城 涕 與 名。 馮 母 + 嗚

誅 决,言之於相。 弟二人立其傍,吏問之。 弟曰:「非兄也,乃我殺之。」期 齊宣王 曰:「今皆舍之,❷是縱 無辜也。 時,有人闘死於道,吏訊 寡人度其母能 相不能决,言之於王。 有罪 兄曰:「我殺之。」 知善惡,試問 也 皆殺之,是 年 之。 吏不 有兄 能 王

❷ 「舍」"草堂本作「赦」。

於王。 言,因 義也。 也。 日 子,❷獨 受人之託,許人以諾,豈可忘人之託 母 約,已諾不信,何以居於世哉? 信其諾也?❶ 屬於妾曰:『善養視之。』妾曰:『諾。』 欲殺之,何也?」其母曰:「少者,妾之子 活?」其母泣 决,言之於王,王有仁惠,故問 聽 「母之子殺人,兄弟欲相代死,吏不 長者,前妻之子也。 ·而問之曰:「夫少子者,人之所愛,今 其 背言忘 王 謂 所 美 行 欲 其 何 加 義 且殺兄活弟,是以 殺 信, ?」泣下 對 小,高 活。」 曰:「殺其少者。」相 是 其 欺 相 行,皆 ·沾襟。 死 其父疾且死之時 受命, 者 也 赦。 母 相 召 何 私 人, 言之 失 不 其 子 愛 所 ·殺其 言 一今既 雖 廢 受其 母 丽 欲 痛 忘 公 不 能 間 殺

乎? 相遠。 其 以 繼母 於凡人? 救其 日 且 尺,朝夕勤勞,以 犯魏王令,當死。 與前妻之子齊,衣服、飲 遇之甚異,猶 此?」慈母 義 忘 無 ·, 曰 義,何 「子不愛母 如母, 禍 義 親 前妻之子猶不愛。 乎?」遂訟 而 其 除其害,獨假 以 且其父爲其 日 親 爲 慈母 . 立 而 不 人 如如 於世? 偏 至 母 愛慈母 如 其 此, 之。 妾 甚 救 慈母憂戚 而 假 一矣,何 親 不 其 可不赦其子 孤 0 子,雖 魏 能 子 彼 罪。 可 食、進退、 也,使妾 乃令其三 安 而 愛 雖 謂 於是,前 爲 悲哀, 釐 其 人 義 不爲,何 不愛妾,妾可 不愛妾,妾猶 憂 王 乎? 子, 有 懼 聞 乎?」乃 而繼母 謂 勤 帶 起 子 可 妻 之,高 以 慈 中子 不 謂 勞 車 居 不 慈 慈 異 其 如 母 减 得

子,而

尊其母

號

日

「義母」。

魏芒慈母

7者,孟

楊氏之女,芒卯之後

妻

也

0

有三子。

前妻之子有五人,皆不愛慈

母

<sup>「</sup>予」, 也 四 庫本作 耶

<sup>2</sup> 改。 原作「矛」,今據萬曆 七 年 本、 四 庫 本

母,雍雍 赦其子 圃 若 復 以其家。 0 慈母 自 以 此 禮 之後,五 義漸 之,率導 子 親 慈

子咸爲魏大夫卿士。●

以

少愧矣。

良士。 四子, 鄭獄 益隆 瘳,於是呼三弟謂 隱,親自爲 其自遷善也。」及前妻長子興疾 漢安衆令漢中程文矩妻李穆姜,有二男。 言之於郡,郡守表異其母,蠲除家徭 别居以遠之?」對曰:「吾方以義 倍所生。 穆姜慈愛温 愐 前 ,陳母之德,狀己之過,乞就刑辟。 吾兄弟不識恩養,禽獸其 ,我曹過惡亦已深矣。]遂將三 妻 許 四 以 或謂母曰:「四子不孝甚矣,何不 子,以母 調藥膳,恩情篤 修革。 仁,撫字益隆,衣食資供,皆 曰:「繼母慈仁,出自 非 自 所生,憎毁日積 後 訓 導愈 密。 心, 興 困 明, 篤 相 一弟詣 疾 雖 母母 導, 遣 並 久 母 爲 散 乃 道 天 惻 使 兼 南 而

而疾其前妻之子者,聞此四母之風,亦可今之人,爲人嫡母而疾其孽子,爲人繼母

誨也。 及見 故, 知爲人婦之道。 汝數矣,而不吾用,爾非吾子也。」答之百 之不令也。 而留之三年,乃復嫁之。 今爾驕溢不遜以見逐,曾不悔前過。 之,曰:「夫婦 魯師春姜嫁其女,三往而三逐。 棄 輕 既嫁,爲之援,使挾己以陵其婿家。 逐, 侮 則與婿家 其 如師 室 人以 今之爲母者,女未嫁不能 人也。 春姜者,豈非賢母乎? 順從爲 闘 訟,終不自責其女 春 女奉守節義,終 姜召 務,貞慤爲首。 其女 春姜問 吾告 mi 其

家範卷之三終

■「率」,草堂本作「卒」。

## 家範卷之四

孝也

也;

好

貨

財 私

妻子,不顧

父母

之養,三不

也,好勇闘狠,以危父母,五不孝也。」夫爲

從耳目之欲,以爲父母戮,四

不孝

世 孫露十九世孫順嵩峰媛愉岐梓

## 子 上

千,而 五:惰 其親 得之,君子不貴也。」又曰:「五刑之 也,博奕好飲酒,不顧父母之養,二不孝 民無則焉。不在於善,而皆在於凶德,雖 之行也。 不愛其親 《孝經》曰:「夫孝,天之經也,地之義也,民 而 罪莫大於不孝。」 其 敬他人者,謂之悖禮。 天地之經而 四 而愛他 肢,●不顧 人者,謂之悖德。不敬 民是則之。」又曰: 父母之養,一不 孟 子曰:「不孝 以 順 則 屬 逆, 孝 有 =

> 經曰:「君子之事親也,居則致其敬 恭己之身,不近危辱。

也,可不慎乎

人子而事親

或虧,雖有他善累百不能

掩

養則致其樂,

樂親之志。

病則致其憂,喪則致其哀,祭則致其嚴。」

嚴,有恭也。

馬,皆能有養。 孔子曰:「今之孝者,是 子事父母,雞初鳴, 不敬,何 咸盥漱,盛容飾,以 以 謂 别乎?」《 能 養。 至 (禮》: 一於犬 適

0

改。

原作「隋」,今據萬曆七年本、四庫本、草堂本

父母之所。」「父母之衣、衾、簟、席、枕、几

不傳,杖、履祗敬之,勿敢近。

傳,移也。

·敦、牟、巵、匜,非餕莫敢用。」

**巵、匜,酒漿器。敦、牟,黍稷器。** 

「在父母之所,有命之,應唯敬對。 進退周

旋慎齊,

齊,莊也。

「升降、出入、揖遜不敢噦噫、嚏咳、欠伸、

跛倚、睇視,不敢唾洟。

睇,傾視也。

寒不敢襲,癢不敢搔

襲,謂重衣。

不有敬事,不敢袒裼。•

父黨無容。

不涉不撅。」

撅,揭衣也。

「夫爲人子者,出必告,反必面

告、面同耳。反言面者,從外來,宜知親

之顔色安否。

「所遊必有常,所習必有業, 緣親之意欲知之。

「恒言不稱老。」

又,「爲人子者,居不主奧,坐不中席,行不 廣敬。

中道,立不中門。

西南隅謂之奥。 謂與父同宫者也,不敢當其尊處。 道有左右。 中門,謂 室中

棖、闑之中央。《内則》曰:「命士以上,

食響不爲槩, 父子皆異宫。」

祖」,原誤作「祖」,今據四庫本、草堂本及《禮記注

疏》改。

槩,量也。不制待賓客饌具之所有。

「祭祀不爲尸。

尊者之處,爲其失子道,然則尸卜筮無

父者。

「聽於無聲,視於無形。

恒若親之,將有教使然。

爲近于危辱也。● 人之性不欲見毀訾,不登高,不臨深,不苟訾,不苟笑。

不欲見笑,君子樂然後笑。

「孝子不服闇,不登危,

服,事也。不闇冥之中從事,爲有非常

且嫌失禮也。

「懼辱親也。」

太后,未嘗失時 宋武帝即大位,春 刻。 秋 彼爲 已 高, 帝 每 Ŧ 日 尚 朝 如是,况 繼 母 蕭

士民乎?

梁臨川静惠王宏兄懿爲齊中書令,爲東昏

居。 宏避 爲子者,不敢自高貴,故在禮:三 尚 侯所 曰:「乃可無我,此事不容暫廢。」彼在 如 或謂逃難須密,不宜往 殺 是,况平時乎? 難 ()諸弟 潛伏,與 皆 被收。 太妃異 僧慧 處 每 來。 思 遣 藏 宏銜 使 宏, 賜不 參問 得 危難 淚 免 答 及 起

車馬,不敢自高胄

自卑遠於君。 以成尊比踰於父。天子諸侯之子不受, 尊者備矣。卿大夫、士之子不受,不敢 尊者備矣。卿大夫、士之子不受,不敢 三賜,三命也。凡仕者,一命而受爵,再

不敢以富貴加於父兄。

侍立。客坐不安席。祚曰:「豚犬不足爲國初,平章事王溥父祚有賓客,溥常朝服

●「于」,萬曆七年本、四庫本作「其」。

之起。」此可謂居則致其敬矣。

以適父母之所。及所,下氣恰聲,問衣燠《禮》:「子事父母,雞初鳴而起,左右佩服,

寒,疾痛疴癢,而敬抑搔之。

怡,悦也。疴,疥。抑,按。搔,摩也。

「出入則或先或後,而敬扶持之。

先後之隨時便也。

進盥,少者奉槃,長者奉水,請沃盥,卒

授巾。

槃,承盥水者。巾,以帨手。

問所欲而敬進之,柔色以温之。

温,籍也。

「父母之命,勿逆勿怠。

恃其孝敬之愛,則或違懈。

若飲之食之,雖不嗜,必嘗而待。

請後命而去也。●

「加之衣服、雖不欲、必服而待。」

待後命釋藏也。

假,不敢私與。」
又,「子婦無私貨,無私畜,無私器,不敢私

家事統于尊也。

又,「爲人子之禮,冬温而夏凊,昏定

加

晨省,

安定其床衽也,省問其安否何如。

「在醜夷不争。」

醜,衆也。夷,猶儕也。

問 若曾子者可也。」 必請所與。 口 元養曾子,必有 孟子曰:「曾子養曾哲,必有酒肉。 體者也。 有餘,日亡矣。 若曾子, 問有餘,必曰有。 酒肉。 將以 則 復進 미 將徹,不請 謂 養志 也。 曾哲 也。 此所謂 所與。 「死,曾 將徹, 事親 養

❶.「請」、《禮記注疏》作「待」。

<u>:</u>

身

地,爲小兒啼,弄雛于親側,欲親之喜。服五采斑斕之衣。嘗取水上堂,詐跌仆卧

漢諫議大夫江革少失父,獨與母居。遭天

下亂,盜賊並起。革負母逃難,備經險阻。

邳,貧窮裸跣,行傭以供母,便身之物,莫常採拾以爲養,遂得俱全於難。 革轉客下

不畢給。建武末年,與母歸鄉里。每至歲

時,縣當案比,

案驗以比之,猶今兒閱也。

牛馬。由是鄉里稱之曰「江巨孝」。 革以母老不欲揺動,●自在轅中輓車,不用

則以身温被,隆冬盛寒,體無全衣,而親極

晉

西

泂

X

Ŧ

延

事

親色養,

夏則

扇

枕

席,

冬

滋味。

米, 宋 會 輒貨 稽 何 市 子 粟麥。 平爲 楊 人曰:「所 州 從 事 吏, 利 無幾, 月 俸 何 得 足 白

> 平曰: 心獨 而 養母一身,不以及妻子。 至家,則不肯受。 爲 退 煩?」子 饗白粲?」 「希禄本在養親,不在爲己。」問 平 日 : 每 後 尊老 有 爲 贈 在 海 鮮 人疑其 東,不 虞 殽 令, 者 辦 若 儉 縣 得 薄 禄 不 米 唯 者 可 供 慙 子 寄 何

味,唯 主人設 養。 竟日,義不獨飽。 同 郡 性甚 郭 湌 食, 原平, 鹽 巧, 飯 原 養親 每 平 而 爲 己。 自 須日 以 人傭 必以己力,傭 若家 家 暮作畢,受直歸家 《貧,父] 作,止 或 無 取 母 食, 散 不 賃 則 夫 以 辦 價。 給供 虚 有 肴

於里糴買,然後舉爨。

唐曹成王皋爲衡州刺史,遭誣在治。念太

「夫」,原作「夫」,今據萬曆七年本、四庫本及《宋書》、「母老」,四庫本作「老母」。

《南史》改

---

笏垂魚,坦坦施施。 妃老,將驚而戚,出則囚服就辟,❶入則 既而事得直,復還衡州,然後跪謝告 貶潮州刺史,以遷 擁

實。 此可謂養則致其樂矣。

《禮》:「父母有疾,冠者不櫛,行不翔:

言不惰,

憂不爲容也。

憂不在私好。 惰,不正之言。

「琴瑟不御。●

憂不在樂。

食肉不至變味,飲酒不至變貌,

憂不在味。

「笑不至矧,怒不至詈。

憂在心,難變也。齒本曰矧,大笑則見。

疾止復故。」

·文王之爲世子,朝於王季日三。

三皆曰朝,以其禮同

「雞初鳴而衣服,至於寢門外,問内竪之御

者曰: 『今日安否何如?』

内竪,小臣之屬,掌内外之通命者。 御,

如小史直日矣。

「内竪曰:「安。」文王乃喜。

孝子恒兢兢。

「及日中又至,亦如之。

又,復也。

「及莫又至,亦如之。

「其有不安節,則内竪以告文王,文王色 莫,夕也。

履,蹈地也。

憂,行不能正履。 節,謂居處故事。

王季復膳

「辟」,唐韓愈所撰《曹成王碑》作「辯」。

「琴」,原作「本」,今據萬曆七年本、四庫本、草堂本及 禮記注疏》改。

飲食安也。

「然後亦復初。

憂解。

武王帥而行之,不敢有加焉。

文王有疾,武王不脱冠帶而養。 庶幾程式之。帥,循也。

言常在側。

欲知氣力箴藥所勝。 (文王一飯亦一飯,文王再飯亦再飯

「旬有二日,乃間。」

間,猶瘳也。

帝目不交睫,不解衣,●湯藥非口所嘗,漢文帝爲代王時,薄太后常病。三年,文

患

癰

,帝親自吮膿。

弗

進。

廢,粲 所乘車,足不履 晉范喬 遂 父粲,仕 稱疾 魏爲 地。 闔 門 太 子孫常侍左右,候其 不 宰中 出 陽狂不言。 郎。 齊 王芳被 寢

> 苦。 泄利 後魏 誠禱 空中 日。 官歸 家遘 疾家庭。 顔 南齊庾黔婁爲孱陵令,●到縣未 寢之車。 色, ",黔 婁 家。 至夕, 既至,改得至月末。」晦, 有聲,曰:「徵君 疾。 孝文帝,幼有 醫云:「欲知瘥劇,③但嘗糞甜苦。」易 以 知其旨。 至粲没,足不出里邑。 家人悉驚其 黔婁 喬與二弟並棄學業,絶 每 輒 稽 取嘗之。 忽 顙 心驚,舉身 至性 如 北 此三十六 壽 辰,求以 忽至。 味轉 命盡,不可延。 年 流汗, 四 而易亡。 甜滑, 時易 身代。 歲時 年, 旬,父易在 人事 終 心 病 即 俄 愈 始 於 獻 日 丁, 侍 棄 汝 聞 文 憂 所

●「不解衣」,四庫本作「衣不解帶」。

改。 『孱陵』,原作「陵川」,今據四庫本及《梁書》、《南史

❸「劇」,原作「則」,今據四庫本及《梁書》、《南史》改

官。 北齊孝昭帝,性至孝。太后不豫,出居南 帝行不正履,容色憔悴,衣不解帶,殆

將四 苦小增,便即寢伏閣外。 辰時方還。 旬。 殿去南宫五百餘步,雞 來去徒行,不乘輿輦。 食飲藥物,盡 鳴 太后 IIII 出 皆 病

躬親。 帷前,以爪掐手心,血流出袖。 太后每常心痛,不自堪忍。 此 帝立侍 可謂 病

則致其憂矣。

經曰:「孝子之喪親也,哭不偯,●

氣竭而息,聲不委曲

禮無容,

觸地無容。

「言不文,

不爲文飾。

「服美不安,

不安美飾,故服衰麻。

聞樂不樂,

家範卷之四

悲哀在心,故不樂也。

「食旨不甘,

旨,美也。

不甘美味,故蔬食水飲。

「此哀戚之情也。 三日而食,教民無 以死

傷生,毁不滅性,此聖人之政也。

道。故聖人制禮施教,不令至于殞滅。

不食三日,哀毁過情,滅性而死,虧孝

「喪不過三年,示民有終也。

三年之喪,天下達禮。 使不肖企及,賢

者俯從。夫孝子有終身之憂,聖人以三 年爲制者,使人有終竟之限也。

「爲之棺椁衣衾而舉之,

周尸爲棺,周棺爲椁。衣謂斂衣。

陳其簠簋而哀感之,

被也。

舉謂舉尸内於棺也。

0 (R),原作「哀」,今據阮刻《孝經注疏

三五

簠簋,祭器 也。 陳奠素器而不見親,故

哀感之。

辦踊哭泣,哀以送之,

男踊女擗,祖載送之。

卜其宅兆而安厝之,

宅,墓穴也。兆,塋域 也。 葬 事大,故

爲之宗廟,以鬼享之。

立廟祔祖之後,則以鬼禮享之。

春秋祭祀,以時思之。

寒暑變移,益用增感,以時祭祀,展其孝

思也。

生事敬愛,死事哀感,生民之本盡矣,死

親喪,固所以自盡也,不可不勉。喪禮備

生之義備矣,孝子之事親終矣。」君子之於

在方册,不可悉載。

孔子曰:「少連、大連善居喪,三日不怠,三

高子皋執親之喪也

月不

解,期悲哀,三年

憂。

東夷之子也。」

子皋,孔子弟子,名柴。

泣血三年,

未嘗見齒 言泣無聲,如血出

君子以爲難。 言笑之微。

顔丁善居喪。

顔丁,魯人。

焉如有從而弗及。 始死、皇皇焉如有求而弗得。及殯、望望 既葬, 慨焉 如不及,其

反而息。

從,隨也。慨,憊貌。

侍郎,頲固辭。 唐太常少卿 坐不言而還,奏曰:「臣見其哀毀,不忍發 蘇頭遭父喪,睿宗起復爲工部 上使李日知 諭 旨, 日 知 終

言,恐其殞絶。」上乃聽其終制。

嘗啓口。蔬飯飲水,席地而息。使還,請復本官而行,每至州縣郵驛,公事之外,未左庶子李涵爲河北宣慰使,會丁母憂。起

罷官,終喪制。代宗以其毀瘠,許之。自嘗啓口。蔬飯飲水,席地而息。使還,請

餘能盡哀竭力以喪其親,孝感當時,名光罷官,終喪制。代宗以其毀瘠,許之。自

哀矣。 後來者,世不乏人。此可謂喪則致其

位。周還出户,肅然必有聞乎其容聲。●外盡物,内盡志。入室,僾然必有見乎其祭之日,樂與哀半。饗之必樂,已至必哀。

周還出户,謂薦設時也。無尸者,闔户

是故先王之孝也,色不忘乎目,聲不絶乎若食間,則有出户而聽之。

則著,著存不忘乎心,夫安得不敬乎?耳,心志嗜欲不忘乎心。致愛則存,致慤

存著則謂其思念也。

齊乎其敬也,愉愉乎其忠也,勿勿諸其

齊

欲其饗之也。

《詩》曰:「神之格思,不可度思,勿勿,猶勉勉也。

矧

可

斁 思。」

事

之所處於彼乎? 於此乎? 况敢有厭之享親,盡其敬愛之心而已矣,安知神格,至也。矧,况也。斁,厭也。言孝子

此其大畧也。

怠之心乎?

●「孔子曰」上,四庫本有「古之祭禮詳矣,不可徧舉」十

. 之聲]十五字。

孟蜀太子賓客李鄲年七十餘,享祖考猶親

之意。此可謂祭則致其嚴矣。滌器。人或代之,不從,以爲無以達追慕

經曰:「身體髮膚受之父母,不敢毁傷,孝

之始也。」

曾子有疾,召門弟子曰:「啓予足! 啓

之言。

予手!

母,不敢毁傷,故使弟子開衾而視之。鄭曰:啓,開也。曾子以爲身體受於父

「《詩》云:『戰戰兢兢,如臨深淵,如履

薄冰。」

「而今而後,吾知免夫! 小子。」 孔曰:言此詩者,喻己常慎,恐有毁傷。

色。 出 如 樂正子春下 爾之問也! ,猶有憂色, 門弟子曰:「夫子之足瘳矣, 堂 何也?」樂正子春日 而 善 傷足,數月不 1 如爾之問也 出 1 數 猶 善 月 吾 有 聞 不 憂

曾子聞諸夫子,述曾子所聞於孔子

不辱其身,不羞其親,可謂孝矣。」 母,是故惡言不出於口,忿言不反於身。 先父母之遺體 母,一言出 道,予是以 忘父母,是故道 故君子頃 而不敢忘父母。 有憂色也。 步 丽 行 而 弗 殆。 不徑 敢忘孝也。 舟 出言 舉足 而 不游,不 偂 舉足而 今予 而 不 不 敢 敢 忘孝 忘父 敢 志 不 敢 之 以

徑,步邪趨疾也。

遺體, 或日 救乎?」曰: 平 親有 · 居 「非謂 危難則 毫不 敢傷 其然也。 如之何? 也。 孝子奉父母之 及其狗仁 亦 憂身 加 蹈

冒

義,雖 古以 死 赴 狥 湯 其 火 親 無 者 多矣。 所 辭, 况 救 親 於 危 難 乎 ?

下。 死, 小, 與父 有 死 晉 老,乞賜生命。」 賊 。」驃 末 語 可活此 賊從傍來 賊斫 /驃共 鳥 自 綜 困 程 能走,今爲老子不去。 綜 乏坐 (走避 人 我不 兒。」賊因 潘 頭 會, 地,綜 綜 面,凡 賊 能 遭 日 去,汝 至,驃亦請 孫恩亂,攻 驃年老行遲,賊 祈驃,綜乃 迎賊 四 卿舉大事 創,綜 走 吅 可 頭 當時 破 脱 賊 老子 日 抱父 村邑。 小此兒 E: : 幸 悶 轉 於 不 父年 勿 絶。 逼 兒 心 腹 惜 俱

寧府 愍尚 齊射聲校尉庾道愍所 嶮 佐 在 自 達。 襁 褓⁰❸ 至府,而去交州尚遠,乃 及 至 及長,知之。 州, 尋求母,經 生母, 漂流交州 求爲 年不 自 廣 負 州 獲。 擔 道 綏

乃止。

父子並得

免。

死救父,❷云何

可殺

?

殺孝子不祥。」賊

家。 乃 日 其 夜 母: 有 悲 嫗 泣 也 負 薪 嘗 於 是 自外還,道愍 人 俯 村, 伏 日 號泣,遠 暮 雨 心 驟 動 近 乃 赴之,莫 因 寄 訪之, 止

不揮淚

其父理 尉 帝 罪當 泣 梁湘 令,4爲 蔡法度嚴加 嘉異之,尚以其童稚,疑受教於人,敕 衢 天 路,祈請公卿。 州 解。 雖清白, 吏所誣 主簿吉粉孚云切。 翂 乃撾 脇誘,取其欵實。6 而耻爲吏訊,乃虚自引 逮 詣 登聞 行人見者皆 廷 尉。 鼓,乞代父命。 父天監 翂 年 初 爲  $\dot{+}$ 法度乃 爲 隕 五 原 武 號 鄉

小」、萬曆七年本、四 庫本作「少」。

心」,四庫本作「以」。

襁」,原作「掘」,今據四庫 本、《南史》改。

原」,原作「平」,今據四庫本及《梁書》、《南 欸」,原作「疑」,今據四 庫 本及《南史》改 史》改。

三九

四

 $\bigcirc$ 

者。 梏。 粉 也? 弟 還 濟 儀 不 息 能 死 鮞 曰 曰 所 敕 ? 明 : 測 幼 延 螻 ,姓名是 寺 死 貌,唯 秀,足 不? 翂 法 父 蟻 主上知 法 囚 但 以 已相 以 盛 委 弗 度 命。 尚 雖 父 度 此 骨 内 陳 聽,曰 矜 挂 蒙 惜 妙 知 囚 誰 許 徽 泉 斷 且 稱 之, 尊侯 翂 弱 爲 ? 深 其 年 不 胸 纙 佳 爾 壤 便 初 劾 ·苦求 :「粉求 山 長,不忍見父 命 生 臆, 童, 贵 若 童 應 0 無 此 見 脱 屈 必 有 孺, 厲 不 伏 罪 上干 况 囚, 今若 非 湯 其 撓,乃更 Œ 知 悔 色 :,行當 法 在 志 細 三械。 鑊 1異,亦 代父死,死 間 獄 刑 死 萬 ??」粉 人 轉 故 不 然 書 可 曰 掾 乘 斯 ? 釋亮 及 辭, 極 畏 刀 依 奈 更 和 相 此 故 日:「 刑 憚 鋸 幸 **\$** 法 何 顔 今 爾 聽 ? 至 思 豈 父 必 囚 着 備 誘 受 欲 求 自 許 觀 劇 殞 願 人 豈 加 凡 子 人 代 君 語 狥 延 顧 仆 小 桎 虀 鮰 神 之 教 身 視 諸 對 所 同 審 口 父

> 買 然。 父子。 尤 尹 减 鄉居,欲於歲首舉 名,一 著者 乎 何量翂之薄 若 ? 丹陽 也 翂 何 竟 有 不 甚 尹 靦 脱 辱 E 面 也 ! 械。 志 目 充 拒之而 求 純 當 法 夫父 孝。 其 其 度 在 此 以 辱 啃 翂 廷 舉 聞 子 日 尉 死 : 此 則 帝 故 其 是 乃 斯 事 異 章 因 哉 并 宥 道 章 父 其 固 王

家 範 卷 之 29 終

0 纆」。 原作「纒」,今據四庫本及《南史》改。

## 家範卷之五

十八世孫露十九世孫嫖嵩嶧媛倫岐梓

子 下

自治,不至於大惡也。」曰:「言能以至孝和頑囂昏傲,使進進以善「《書》稱舜『烝烝乂,不格姦』,何謂也?」

孔 援琴而 大人,用力教参,得無疾乎?」退而就 欣然而起,進於曾皙曰:「嚮也,參得罪於 其背。❶ 曾子耘瓜,誤斬其根。 晳怒,挺大杖以 子 聞 之而 歌,欲令曾皙聞之,知 曾子仆 怒,告門弟子曰:「參 地 丽 不知人。 其 久之乃蘇 體 來, 康 房, 也。 勿 擊

> 乎? 之謂也。 之,曰:「參罪大矣。」遂造孔子而謝過。 于不義,其不孝孰大焉! 父之罪,而舜不失烝烝之孝。今參事父, 小捶則待過,大杖則逃走。故瞽瞍不犯不 之,未嘗不在於側。 子曰:「汝不聞 内。」曾參自以爲無罪,使人請於孔子。 委身以待暴怒,殪 殺天子之民,❸其罪奚若?」曾參聞 乎? 丽 索而殺之,未嘗可得。 昔舜之事瞽瞍,欲使 不避,身既死而陷父 汝非天子之民 孔 此

- ●「挺」,萬曆七年本、四庫本作「建」。
- → 景明翻宋本)補。 景明翻宋本)補。

之能 從之, 幾諫 故當 而止之,志在於必從也。 孔子曰:『事父母 無拂親之意乎?」曰:「所謂争者,順 不 則陷親於大惡。 義 則 不可 不争也。」或 然 而 不 E 諫是路人, 「然則争

父母。 包曰: 幾,微 也。 當微 諫,❶納 善言 干

『見志不從,又敬不違,勞而不怨。』」 包曰: 色,❷則又當恭敬,不違父母 见父母,父母 志 有 不 意 從 己 而遂己 一諫之

《禮》:「父 諫若不入,起敬起孝,説則復諫 母有 過,下氣 怡 色,柔聲 以 諫。

起,猶更也。

父母怒,不悦 不說,則與其得罪於鄉黨州 子從父之命,不 而撻之流 可 謂 孝 也。 血,不敢疾怨,起 間,寧 孰 諫。

> 日 過則歸己。《凱風》曰:『母氏聖善,我無令 内 敬 天、于父母。 曰:「責己而已。 或曰:「子孝矣,而父母不愛,如之何?」 人。』其心如是,夫又何過之彰乎?」 諸外故人莫得而聞也。 或曰:「諫則彰親之過,奈何?」曰:「諫諸 前 日 以 隠諸 不聽,則 起孝。」又曰: 「父母 殺舜爲 外者也。 有過, 號 事。 泣 而隨之。」言窮無所之也。 諫 昔舜,父頑、母嚚、象傲 舜 諫諸 事 加 往 親 不 于田 内則親 逆。」 且孝子善則 有 隱 又 日 而 過 號泣 日 無 不遠,隱 犯。 「三諫 稱 一于旻 又

0

改。

<sup>0</sup> 今據萬曆七 年本、 四 庫本、草堂本

集解》(清阮刻《十三經注疏》本)作「見父母」。 「見父母父母」,四 庫本作「諫父母者見」,何晏《論

之時,爲父母所疾,日號泣于旻天及父仁覆愍下謂之旻天。● 言舜初耕於歷山

母,克己自責,不責于人。

順之,况不至是者乎?」亦允若。誠之至也! 如瞽瞍者,猶信而「負罪引慝,祇載見瞽瞍,夔夔齋慄。瞽瞍

頑父。 貌。 懼齋莊,父亦信順之。言能以 慝,惡。 言舜負罪 載,事 引惡 也。 一、敬 夔 以 齋 事 慄, 見于父, 至 敬 一誠 懼 感 慄 之

之,懼而弗怨。」曾子曰:「父母愛之,喜而不忘,父母惡

泣 里門,昏晨不 外,❷旦人而洒掃。 及父娶後 漢侍中薛包好學篤行。 ,不能去,至 妻 廢。 加 被 憎 積歲餘,父母慚而還之。 毆 包,分 父怒,又逐之。 杖。 出之。 喪母, 不得 己, 以至孝聞 包 乃 廬 日 於 廬 夜 舍 號

> 終,居喪毀悴,❸杖而 必 慈 雨 下,祥愈恭謹。 晉太保王祥 一親嘗。 祥輒 ,數譖之,由 抱樹 有丹 至 而 是失愛於父。 柰 結 孝,早喪親 父母有疾,衣不解帶 泣。 後起。 實,母 其篤孝純 命守之。 繼 每 至 母 使 如 掃 朱 此 湯 每 除 氏 母 風 藥 4 不

其姑 性。 踊 流 1 遇之無 西河人王 出 血 氏 冰 嘗 聞 每 至忌 上,延 道 延 盛 而 气恒以 尋汾凌 延九歲喪母,泣 冬思生 問之,延知 月,則 取 以進母。 浦 而 魚 悲 穰 哭,忽 敕 及敗 泣 而  $\equiv$ 延 不 卜氏 有 求 麻 旬 血三年,幾 言 而 頭 事 心 魚 與 不 繼 悟 母 長 獲 母 延 ,杖之 彌 五尺, 貯 1 謹 衣。

恿 「旻」,原作「旻」字同。 「旻」,原作「旻」,今據《尚書注疏》(清阮刻《十三經注

<sup>「</sup>毁悴」,原倒,今據《晉書》及四庫本改。 「廬於」,原作「於廬」,今據四庫本及《後漢書》改

四

四

如 己 生

富 食。 年, 床 渢 渢 所 無 始 苦 帳 期 年 母 渢 路 度。 側 數歲,路 早 安 晝 路氏 王 氏 夜 輒 渢 諮 病 不 被 紹 生 母 議 瘥 離 驅 氏不以 被 兼 亡 劉 感感 左 捶 敕 日 ,渢 渢 右 一,終不 其 納 輒 父 怜愛之,不 爲子, 意, 路 悲 紹 每 太 有 啼 肯去。 慈 仕 后 奴 增 不 愛 来, グ婢 兄 加 食 遂 忍捨 畫 女 位 路 彌 隆 輒 爲 捶 中 氏 爲 流 常常 打 繼 書 路 病 涕 婢 之, 室 郎 氏 經 在 畫 不

蕃 唐 大 故 氏 李 怒, 打之。● 不 宣 盛 趨 慈 歙 氏 方 召 往 觀察使崔 于 日 衍 稱 歸 衍 以 爲 責 倫 o 衍 渢 身 李 泣 使 詬 衍 立 氏 蔽 涕 于 衍父倫, 命 時 齋字筵席,不 衍 終 蕃 衣 僕 爲 中 敝 杖 隸 不 富 衣 自 拉 衍 不 爲 平 U 於 不 陳 得 左 尉 見 給 地 丞。 下 减 倫 倫 · 袒 倫 衣 侯 因 弟 食。 使 繼 倫 王 其 大 殷 間 于 母 背 聞 倫 其 李 叶

> 或日 孝 謹 官 主 遂 忍 曰  $\sim$ (禮)\*\* 乃 以 不 而 至 言 父 江 書 李 聽 衍 母 氏 州 契 衍 李 『子甚宜其妻,父母 妻子失親 每 不愛, 刺 徵 所 不 氏 月 史, 給 負 生次子部, 之 俸 衣 潛。 于 則 錢 而 食 衍 孝益彰 皆 之意,則如之何?」 妻 子 及 送 衍 倫 倫 嫂 衣 每 矣, 歲 食 處 卒, 怒 多 不説,出 爲 何 無 乃 取 殷 衍 償 解 所 患乎 母錢 所 事 之。 餘。 具 李 由 知 故 使 氏 子 是 曰 衍 其 益 誠 倫 何

宜 猶 善 也

婦之 子 禮 不 焉 宜 ,没身不衰。」 其妻,父母 日 是 善 事 我 子 行 夫

前 漢 叱 司 狗 隸 永 校 尉 去 鮑 之。 永 事 後 母 至 孝。 妻 常 于 母

打 四 庫本作

齊

征

北

司

徒

記

室

劉

瓛

音

桓

母

孔

氏

甚

嚴

慈、養之情,烏

能

比

于所生?

或者疑

教民

民猶

厚

於慈

而薄于孝。」

或

五五

母

在禮

律

皆

同服。凡

人事

壁挂 明。 其 帝 妻。 與 履 瓛 司 年 徒 土落孔氏床上,孔氏不悦,瓛 四十餘,未 褚 彦 П 爲 職娶王氏 有 婚 對 女。 建 元 王 中, 即 氏 出 穿 高

違 何 止 叱 唐 鳳閣 之日 仵 遽 媵 顔 如 婢 色,何敢 此? 舍人李迥秀母氏庶賤,其妻崔氏 母聞之不悦,迥秀 「賢室 迥 雖 留也?」竟不從 秀曰 不 避 「娶妻 嫌 疑,然 即 本以 時 過 出 養親,今 非 妻。 出 狀, 或 嘗

釜。 母常减 後漢郭 給,共汝 妻不敢違, 巨遂 或日 食與之。 巨家貧,養老母。 (埋子。 郭 子可 巨謂 巨 掘 非 坑二尺 再有,母不 妻 中 道。」曰: 曰:「貧 妻生一子,三歲 餘, 忽 ·可再 乏不能 「然以 黄 金 得。」 此 供

> 父母、 以 《禮》:『爲人後者 若子。」 于 可爲之後? 三年也? 受重者必以 爲人後?● 僞 與?」 妻, 妻之父母昆 日:「 同宗則 支子可 斬衰三年。』傳曰: 是 口 何 也。 爲 尊服服之。 言 之後。 弟,昆 爲所 之 悖 弟之子, 後者之祖 如 也 何 何 ? 如 何 而 在 而 미

若子者,謂所爲後之子如親子。

母之配父,與因母同,故孝子不敢殊也。』《繼母如母。』傳曰:『繼母何以如母? 繼

因猶親也。

子。」命子曰:「女以爲母。」若是,則生養無子者,妾子之無母者,父命妾曰:「以爲『慈母如母。』傳曰:『慈母者何也? 妾之

- 「何」,原漫漶不清,草
- ●「何」、原漫漶不清、草堂本闕、今據萬曆七年本、四本補。

庫

所坐 絰。 日。 蔗,沙彌遂不復食之。 百許株, 喪不食鹽鮓。 灸,輒以身先 之,終其 父之命也。』况嫡母,子之君也,其尊至 梁中軍 一薦 沙彌晨昏侍側,衣不 不 初進大麥薄飲,經十旬,方爲薄粥,終 淚 出 身 枝葉鬱茂,有異常松。 田 廬 霑 如 曹行參軍庾 户, 母 試。 爲 冬日不衣綿纊,夏日不解衰 死 爛。 晝 及母亡,水漿不 一夜號 則喪之三年, 墓 沙彌, 在 慟, 新 解帶。 鄰人不忍 林 嫡 忽有 劉 母 如 或應 好 人 劉 母。 噉 口 氏 旅 矣。 聞。 松 針 甘 累 寢

「漢丞相翟方進既富貴,後母猶在,進供養

旁無几杖,言不稱老。「太尉胡廣年八十,繼母在堂,朝夕瞻省,

篤 漢顯宗 ,母子慈愛,始終無纖 命 馬 皇后 母 養 肅 介之間 宗, 肅 宗 帝 孝 既 性 專 純

> 侯五 愛親 其親 厚薄,奔赴有遠近,不如是不能集 兆而未葬,猶行而未有歸也。是以孝子雖 葬者,人子之大事。 嫡、繼、慈、養之存乎! 圃 圃 賈 以 書加貴人王赤綬 「古人有丁蘭者,母早亡,不 事之。 爲之禮,豈有聖人而教人爲僞者乎?」 氏 馬 月,大夫三月,士踰月。 親 ,留之不敢 加 氏 宗,無受寵 無 爲 彼賢者,孝愛之心發 外家, 所施,至于刻木,猶可 久也。 故 而 樂者。 所 死 生賈貴 古者,天子七月, 者以窀穸爲安宅, 聖人順賢者之心 及 及養, 太 人 誠 于天性,失 后 不 由 也 事 崩 登 禮物 乃刻 也, 極 73 位 况 木 有 策

●「諸」,疑爲「著」之誤,司馬光《葬論》曰:「今世著

國家諸令,●王公以下皆三月而葬,蓋以非

苫枕 爲親 也 同 位 未獲所安,己不敢即安也。 塊,既虞而 外姻 禮 無 「未葬不 會葬者 後有變。」蓋孝子之心,以 ●適時之宜 變服 '啜粥'居倚廬 一,更爲 中制

漢蜀 之,療救僅免于死,卒得歸葬。 抱持棺柩,遂 受,與客步負喪歸葭萌。 都太守張穆,丹之故吏,重資送范。 州平,歸鄉里。年五十,辭母西迎父喪。 父遭喪亂 郡太守廉范, 至 王莽大司 ,客死于蜀漢,范遂流 俱 沉 溺。 衆傷 載舩 其 徒丹之孫 觸 寓 、義、鈎 石 西 破没,范 范無 州。 求 也。 得 所 蜀 西

恩及 妻栢 己 義 會 稽 里 雖 稽 郭 栢 氏 巧 號哭 原 蠲 氏 賈 面 租 平父亡,爲筌壙 不 俱 恩 布三 燒 奔 母 解 作 死。 救 亡未葬,爲 世 墓 有司 鄰 追贈 乃 近 訪 奏,改 赴 恩顯 邑 鄰 X 助 中 火 功 親 其 有 不 棺 所 左 (里爲 欲假 塋 櫬 逼 尉 墓者 得 恩及 免, 人,

> 無學術 役 助 忍使,每 T 之運 無 夫以 懈 5 因 供 力,經時 遣 與諸奴分務,讓 衆 之。 費。 心自然。 原 展 窀穸 平 勤 -伏勤 葬畢, 詣 之 久 事 逸 乃 未嘗 取勞。 閑 儉 練。 暫 所 而 1替。● 買主, 當 主人 又自 禮 不 執 性 賣 傭

賃養母,有餘

聚以

自贖

哭踊 以 風 如袒括之日,冬不衣絮,暑 繼 海虞令何子平母 數合 以 日 頓 師旅,八年不得塋葬。 米爲粥,不 兄 絶 子 方蘇 伯 興 喪去官, 進 屬 欲 大明 鹽菜,所 爲 葺 末 理,子 哀 不 6 就清 毁踰禮,每 晝 居 屋 東 夜 平不肯, 敗 凉 號 土 不蔽 哭,常 飢 H 至

<sup>「</sup>廉范」,原作「范廉」,今據四庫本及《後漢書》改。「非」,四庫本作「待」。「無」,四庫本作「之」。

<sup>「</sup>學術」四庫本作「術學」、當是。

<sup>「</sup>伏」,四庫本作「服」。

<sup>「</sup>明」,原作「周」,今據四庫本及《宋書》改一代」至月之代一月

<sup>「</sup>塋」,四庫本作「營」,當是。

24

覆? 曰 我 蔡興宗 情 未 爲 伸 會 天 稽 地 太 八守,甚 罪 加 耳 矜賞 屋 爲 何 官 誉

冢壙。❶

揔至。 路者 有所 他 事 或 不哀哉 或終身,或累世 何 新野庾震 不擇 (墐之。」况爲人子孫,乃忍棄 如其 ,至手掌穿,❷然 付也。 所投 奚以 (汲汲 乃至終喪除服,或十年,或二十年, 地 異乎? 棄,失亡尸柩,③不知所之者,豈 及 喪父母,居 人所貴有子孫者,爲死 也。 而 歲月日時,則子孫 既 猶不葬,至爲水 不葬 今世俗信 ^ 後 詩》云: 貧 成 則 無 葬 與 事。 以葬,賃 術者妄言 一行 無子孫 有死 火所漂焚, 不利,禍 賢者于葬 其 親 書 而 而 人,尚 口以爲 形 以 而 死 誉 體 殃 不 道

唐大 云 『卜其宅兆 常 博 士 吕 而安厝之。」蓋以窀穸既 才 叙 ^ 葬 書 **>** 日 孝 經

> 貴 常 擇 也。 擇 而窆,不毁則日終而窆。子産不毁,是 子、諸侯、大夫,葬皆有月數,則是古 田 知 永 雨,不克葬。 時 故 貧賤夭壽,皆因 處 年月也。 安體魄 也。 ,是不擇 鄭葬簡公,●司墓之室當路,毀之則 爲一 謀之龜 古之葬者,皆于 事失所 《春秋》:『九 而 戊午日中乃克葬。』是不 地 筮 朝 市 也。 禍 卜所致。夫子文爲令尹 遷變,泉石交侵 近 今葬 代 及 或 死 月丁 者,以 國 選 生。 都 年 Ė 之北, 月, 按《禮》,天 爲子 ]葬定: 或 不 孫 域 擇 相 口 富 有 不 朝 日 前

0

秋》(清阮刻《十三經注疏》本)補

替」下,原行「葬」字,今據四庫

手」,原作「乎」,今據四庫本及《南史》改。

定」,原字迹磨滅、今據萬曆七年本、四 戶」,原作「户」,今據萬曆七年本、四庫本改。 庫本及《春

葬」, 原脱, 今據《資治通鑑》(《四 部 刊》景宋本

哉? 之也 訛 愈 力 有言 貧 能 生 壠 秋, 選 E 愐 ៣ 野 於 不 于 不 俗 葬 移 有 葬之以禮 。」舜 能致其極,不焚之,何以 躃 能 詩戾,乃至此乎? 孝 之者,人習爲 命 己, 毁 未 如廉 世又有用羌胡法,自焚其 『骨肉 彼 富 踊 歸 焚 葬 常 子 柳 爲天 之際, 天 乎 其 改 時 范 貴 何 ? 子 下 柩 歸 移 輩 而 ,祭之以禮。] 具此數者, 在 忍 ,猶然, 子, 惠 復于土, ,豈其家富 規 擇 或 即 天, 委 爲 而 財 ;葬地 廵 所 常,恬莫之怪。 日 其 固 利。 士 野 狩 亡 况 親 非 俗 師 命也。 之 土 至 或 而 不 斯言 葬 無 丽 希 民 蒼 日 生,事之以 地 也 葬 所 識 官 致 乎 梧 而 而 能 至 魂 . 爵; 黜 葬之, 1 ım 「旅宣 妖 其 柩 求 矣。 延 移。 氣 殂 收收 就 巫 必 荼 計 利 則 陵 嗚 葬?! 一妄言 遠 也 可 禮 不 葬 季 呼 燼 于 就 夫 毒之 其 無 方, 子 以 猶 無 干 不 1 骨 己 使 死 丘 3

> 經日: 孝之終 邁,而 而 自杖 廢先 晉庾 孝。 卿大 爲 下 百 詩》云:「 木 亂 姓 大 亂 大夫以 三十。 皆謂 孝乎?」 則 衮父 人之戒,其 刑 月斯 「立身行道,揚名于後 在 刑 也。」又曰 于 戒 能 守宗 征 題 四 在醜 醜 可謂 衮 成 日 彼 海 不 先人之志,不墜其業者也 以 廟 夙 何以 鶺 爲 . 争。 而 能不 . 酒,衮嘗醉,自 未 興 孝,諸 爲孝,士 鴒 争 事親者,居 夜寐,無 載 訓人?」乃于父墓 則 居 忘訓 也。 兵。 上 侯以保 飛 天子 而 辭 以 載 世 矣。 忝  $\equiv$ 驕 保 鳴。 以以 以 者不 阚 則 H 貴 社 其 德 所 亡,爲下 不 顯父 稷 日 禄 我 生 教 除 ·騙,爲 爲孝 日 位 加 母 子 斯 爲 干

●「計」、原作「計」、今據《資治通鑑》改。

H

用

牲之養

猶

爲不孝也。

<sup>·</sup> 改。 「茶」,原作「茶」,今據萬曆七年本、四庫本、草堂本

令名,必果。 内則》曰: 父母雖没,將爲善。 將爲不善,思貽父母羞辱,必 思貽父母

貽,遺也。果,决也。

不果。」

直養者也,安能爲孝乎?」 之所謂孝者,先意承志,諭父母于道。 曾子曰:「是何言歟? 是何言歟? 公明儀問于曾子曰:「夫子可以爲孝乎?」 君子

非及其親,●敢不敬乎? 信 已。」爲人子能如是,可謂之孝有終矣。」 願然曰: 『幸哉, 有子如此 薦之,非孝也。君子之所謂孝也,國 君不忠非孝也,蒞官不敬非孝也,朋友不 之遺體,敢不敬乎? 居處不莊非孝也,事 曾子曰:「身也者,父母之遺體也。 非孝也、戰陳 無勇非孝也,五者不備, 亨熟羶薌,❸嘗 所 謂 行父母 孝 也 稱 而

> 家範卷之五 终

> > 五〇

禮記 注疏 》作「遂」。

亨」,原作「享」,今據四庫本及《禮記注疏》改。

非」《禮記 注疏 》作「裁」,四庫本據改

## 家範卷之六

十八世孫露十九世孫嫖嵩嶧孍岭岐梓

女 孫 伯叔父 姪

女

《禮》:「女子十年不出,

恒居内也。

姆教婉娩聽從,

婉謂言語也,娩謂容貌也。

,執麻枲,治絲繭,織紝組紃,學女事,以供

衣服。

糾,絛。

當及女時而知。

助奠。

觀于祭祀,

納 酒

漿、

遵

豆、菹

醢,

禮

相

十有五年而笄,

其未許嫁,二十則笄。 謂應年許嫁者。 女子許嫁,笄而字之。

二十而嫁。」「古者,婦人先嫁三月,祖

未毁,教于公宫,祖廟既毁,教于宗室。

教

廟

用魚,芼之以蘋藻,所以成婦順也。」 以婦德、婦言、婦容、婦功,教成祭之。

尊者教成之。教之者,女師也。 謂與天子諸侯同姓者也。嫁女者,必就 祖廟,

之家也。 女所出之祖也。公,君也。宗室,宗子 婦德,貞順 也。 婦言,辭令也。

其所出之祖也。魚、蘋藻皆水物,陰類 婦容,婉娩也。 婦功,麻 絲也。 祭之,祭

魚爲俎實, 蘋藻爲羹菜。 祭無性

ħ.

牢 毁,則爲壇而告焉。 君使有司告之。 -,告事 耳 非 Œ 宗子之家,若其 祭 也。 其 祭 盛 用 祖 黍 廟 云。 已

哉! 之不 也; 不必 十五 曹大家《女戒》曰:「今之君子 此 好戲笑, 擇 彼此之教乎! 以時,身 節整齊,●行己有耻 檢其書傳,殊 人,是謂婦言。 解 四者,女之大德,而 婦功,不必功巧 2辯口 可不 而 加 夫云 説,不道惡語,❸時 志 不 潔 存, 利 如婦 於學 垢 齊 解 辱 德,不必才明絶 酒 但 不 盥浣塵 是 也,婦容,不 矣。』獨 教男 食, 知 《禮》:「八歲始教之書, 夫主之不 謂 以 動 過 而 婦 人也。 不可乏者也。 奉 穢 静 不教女,不亦 不 容。 賓 服 有 然後言 可 客,是 法,是謂 可 專 飾 清 依 徒知訓其男, 必 異 不 心 鮮 閑 此 顔 也 一, 不 謂 事 潔,沐浴 紡 貞静,守 色美 以 績,不 婦 婦功。 然爲 婦 爲 被 禮 厭 言, 德。 麗 教 於 於 義

漢

和熹鄧皇后,六歲能《史書》,

可以 《禮》,畧通大義。其女功,則不 禍辱將及而不知其危也。 也。 管絃歌詩,皆非 無不好學,左圖 績、制衣裳、爲酒 義,不知禮 之甚易, 在家不可以不 於是乎有身爲暴亂 不學,豈男女之有異 唯 義 在 則善惡是非 存 讀《孝經》、《 右史,以自儆戒 女子所宜習也。 心 食 耳。」凡 丽 己。 而 人不 之所在皆莫之識 哉! 至于 不自知其非 論論 然則 語 學 刺 過 》及《詩》、 是故 爲 古之賢女 則 繡 桑 人皆不 不 華 麻 女子 知 也 禮

「教」《後漢書》作「數」。

0

也。

前

漢

八書》日

教學童之書也。

史書》,周宣

王太史籕

所作

大篆

Ŧi.

「齊」、草堂本作「飭」。

● 「語」,原漫漶不清,今據萬曆七年本、四庫本、草堂本

卜意難問。 十二通《詩》、《論語》。諸兄每讀經傳,輒

下意,猶出意也。

右,心 搜索, 母連 知。 漢珠 志在 此 經典,家人號 男年九歲,好而 法,珠入於關 大家之徒,以學顯當時、 舉博士邪?」后 汝不習女工 值 崖 法, 大 一典籍,不問居家之事。 遂與家室奉 得珠 恐 令女名 珠 其狀 繼 無 以 母: 可 十枚於鏡 爲 如 者 去 以以 奈 初,年十 何 係 重違 取 死 置 「諸生」。 何。 喪歸 ? 供 之,置 臂。 盒 母言 衣 繼 中,乃 初 誰 盒 服 母 及令死,當 對 = 當 中。 名垂後來者多矣。 母 至 棄其 晝 曰 其 坐者 海 乃 鏡 日 母常非之日 珠 餘 吏曰 關 盒 修 更 「君子不幸, 係臂珠。 ? 班 海 崖 初 中, 婦 務 多 婕 業 學 送葬。 初 關 皆 坐之。」 珠,繼 好、 在左 寧 莫之 嘻 候 其 當 誦 車

> 乃曰: 中。 以 夫 文。 哭哀動,❷傍人莫不爲酸鼻揮涕。 君 盒 劾,不能就 不知也。」又因哭泣,泣下交頸。 實妾取之。」因涕泣 曰:「實初 劾兒。 「夫人哀初之孤,强名之以 爲 中 人 不 母子 · 夫人不 迫奉喪,忽然忘之。 幸,妾解去之,心不忍 實,然憐之,因 解係臂去之。 一母 兒誠不知也。 相 子 取 讓, 有 字。 之。」繼 知也。」 義 安 如 關 知 謂 初心惜之, 更將 母 此, 不能自禁。 候 孰 吏曰:「願且 兒珠,妾之係臂也 垂泣 又曰:「兒但 是?」遂 吾寧坐之,不忍 妾當坐之。」初 初 活初 終 劾之。 棄,且 取置 身,夫人實 日 女亦 棄 送喪 齃 待,幸 不 置 珠 総 夫人鏡 吏執 忍决 鏡 者 而 母 日 耳 加 筆 固 奩 勿 意 潰

<sup>「</sup>送」,四庫本作「還」。

<sup>·「</sup>動」,萬曆七年本作「癩」,四庫本作「慟」。

既去 乃 知 男 獨 取 之。

婦。 貨賣,未嘗虧 遇歲饑,三女相 宋會稽寒人 九十、老無 長女自傷榮獨,誓 所 陳 怠。 知 氏 率 鄉 于 父篤 有 西 里 女無 稱 湖 不肯 癃 爲 採菱 男。 疾,母不安其 義門,多 行。 尊 祖父母 祖 更日 欲 父 娶爲 年 母 至 室 市

戚相 殯葬,負 畫採樵,夜紡 又諸暨 棄 東洿里屠氏 土 鄉 成 里 績, 墳 不 容。 以 鄉 供養。 女,父失 里多 女移 父母 父母 欲娶之,女以 明, 俱 遠 母 公卒,親 住 痼 紵 病,親 舍, 無 誉

相繼卒,三女自營殯葬,爲菴舍居墓

侧

兄弟

,誓守墳

墓不

嫁

死。 没 秋 唐孝女王和子者,徐州人。 取父兄之喪, 于邊, 卒,戍涇州。 無子,母 披 歸 先 徒 元 亡。 徐 跣 和 誉 縗 中,吐 葬,植松 和 裳 子 獨 年 蕃 其父及兄 往 + 寇邊,父 栢 涇 七 州 剪 聞 髪 兄 爲 行 父 壞 丐 兄 戰 防

> 形 盧 于 墓 所。 節 度 使 王 智 興 以 狀 奏 之,

五四

詔 旌 表 門間

此 死 則 數女者,皆以單 能 葬,亦女子之英 惸 事其父母, 秀 也 生 則 能

投,折 間。 尺。 永泰 視 間 即 唐 京兆尹第 有容色,長者年 永 死 投 奉 崖 其 盜 天 如 中,群盜 足敗 蠲 竇 歸 姊 曳出之, 下 其 先 氏 五 而 面,血 又 家 二女, 日 琦 死 難 丁 數千人剽掠其 嘉 役。 騎 能 十九,幼者年十六,匿 0 | 吾寧 其 流 盗 也 雖 逼 貞 被體,盜 二女遇 方 以 生 烈,奏之。 驚 前 長 就 草 駭, 臨 死 亂 村 野 乃捨之而去。 義不 壑谷 其 落。 幼幼 守 妹 詔 節不 有 從之自 二女皆 受辱。」 旌 深 志操 巖穴 表門 數 渝

漢文 帝 時, 有 人上書 齊大倉令淳于意有

姊」,原作「娣」,今據四庫本、草堂本改

此 罪,使得 者 今坐 使 西,上書 罪 丽 當當 其 歲 者。」於是 不 不 泣 澤,後世 中 可 可 法 刑。 亦除 當當 復 意 得。 改行· E 怒罵 贖 刑 詔 肉 0 少 妾 賴 「妾父爲吏,齊 妾切 獄 自 刑 日 願 雖欲 女緹縈傷父之言 其 逮 新 . 法 福 人 痛 「生女不生男,緩 繫長安。 也。」書聞, 身 改 ,所及遠 死者 緹縈 過 爲 自 官 不 一言 新 哉 婢 可 中 意有 上悲其意。 稱 復 其 而 以 生, 其 道 五 善 乃隨 贖 急 1,天下 女,隨 廉平。 莫 父刑 ൬ 無 由 父 刑 可

從。 忻殊 歲 謀 兄 後 妹, 殺 長 魏孝女王舜者,趙 ,璠年二歲,並 不 忻 恩義 子 密 備 不協 春。 謂 甚 姊 舜 一篤。 妹 妹 齊 時 E 孤苦,寄食親 俱 亡之際,長 年 : 而 長, 鄒 七歲,又二妹, 舜 我無兄 人也。父子 親 陰 戚 有 欲 復 弟 忻與 戚。 嫁 讎 ,致使父讎 之心,長 其 輒 舜 粲 春 拒 撫 年 妻 與從 不 育 Ŧi. 同

> 豈 女, 藴· 謀首 夫婦 命。」 不 汝 べ禮 報 可 復。 × 以壯男子反不如哉 州縣 夜中,姊 復 以 志 父 吾 告 發 畫 何 母 不 父 憤,卒袖 如 雖 能 之讎 墓。 妹 ?」二妹皆垂 女子, 决。 各 持 因 不 白 文帝 詣 刀 何 與 刃 踰 縣 用 以 共 聞 墻 請 生爲? 揕 戴 泣 而 罪 讎 天 日 嘉 姊 手 . 人之胸, 歎 舜 殺 妹 我 唯 原罪。 以 争 長 欲 姊 幼 爲 忻 共 所

#### 孫

是忘 念爾 書》 日 其 祖 祖 , 聿 也 辟不辟,忝 修 ,豈不重哉 厥 德。」 然 厥 則 祖 一。」《詩 爲 人 而  $\stackrel{>}{Z}$ 怠 于 0 無

晉李密,犍爲人。父早亡,母何氏改醮。

- 「贖」,四庫本作「屬」。
- ❷:「揕」,原作「椹」,今據四庫本改。

九十 養劉氏 棄遠。 聞 疾。 武 母 母 無 泰 膳 密 一帝矜 始 時 孫二人 人奉養,遂不 湯 劉 無以至 有 初 藥 祖 年 氏 之日 而 臣密 六,是臣 韶徵爲 母 數 必 有 許 更相 劉 歲 今日 疾, 先 之。 短 今年四 氏 感 嘗 太子 也。 則 爲 躬 戀 應命。 盡 後 泣 命, 自 祖 彌 節 7 、洗馬。 進。 鳥 側 撫 母 至, 是 于陛下之日 鳥 有 養。 息,●未嘗 無 以 上 仕 私 四 烝 臣, 疏 情, 乞願 私 蜀 密 烝 密 祖母 、之性, 情 爲 日 以 無 奉 區 以 祖 郎 事 解 劉 一臣 長, 晶 終 母 以 終養。」 氏 衣。 遂 蜀 餘 年 今年 不 無 孝 ൬ 以 年。 平, 高 報 敢 祖 謹 飲 成

後 齊 元 年,手持 魏 彭 年六歲,其 張 が城郡 元, 膏藥 丞劉 芮 个演指 城 祖 瓛 人,世 以 音桓。 其 爲 夏 以 爛 有至 中 純 0 熱、欲 至 性 爲 祖 鄉 將 母 里 元 病疽 所 就 推 井 經

浴

,元固不肯。

謂

其

貪

(戲,乃

以

杖

擊

其

後」,四

庫本作「復」。

每言: 門 祖卧 明。 縣 隨 解 下。」祖異 形 覺,乃徧告家人。 老翁以金鎞 年,元恒 日 間 博 其父,水漿不 ,旦夕扶侍。 : 爲 士楊 今願祖 疾再周,元 覆 「天人 汝 此皆爲 其 憂泣 輒等 何爲 而捨之。年十六,其祖 褻。 日見 療 師乎? 一,晝夜 其 孫能養者 元 不 二百餘 人口三日。 及祖 恒 祖 肯 明,元求 不 三日 隨 讀 浴? 目,于夢中喜 能 没, 元 祖 佛 人上 褻 也 經 所 爲 號 祖 露 代闇 元 禮 食 孫 其 踊 鄉 目 其 對 拜 (狀,有 多 不 里 果 絶 心。 體 日 少, 孝,使祖 躍, 明。 咸 喪明。 而 於 歎 祈 衣 夢 詔 白 後蘇。 遂即 衣 其 異之。 福 冠 見 表其 日 以 祐 之 鷩 喪  $\equiv$ 蓋

漬」,原 泣」上、《晉書》有 作「潰」,今據《南齊書

四 庫本及《北史》作「頭」。

遘 然以 唐僕 公寅 命。 閣 氣 俟,且遲遲於發言。 輩,以宰府不可外館,棟宇無便事者,獨 之有舊。 乃授公之子弟官,冀其 李公之吏得言者,欲以厚價購之。 水竹别墅交質。」李 巾 其 必遂。 因 病 東鄰乃李公冗舍也,意欲吞之。 。」生 李公褊直 夕與之同 射李公名訥。 得 諷 有王處士者,知書善棋,加之敏辯,李 即 生獨侍前。 故 乘 諭 及復札,大失所望。 及登 對 0 間 日 南 而 王 庸,權 一,伺 處 陽 入,所謂 生作 然, 相 有居第在長 公謂曰:「筋衰 良便者久之。 也。 丞 忽一日,謹致一函,以 傾天下。 向聆西院, 公復 奉 一相 稍 空穴來 名收。 其旨, 密 動 不 召, 許。 初意,竟亡 安修行里,其 丞相 相 又踰 風,枳 勇 以 梟集樹杪 君 于 一日,公 誠 骨 又逾月, 或曰: 垂涎 選 早 告之, 月,召 虚 展 枸 妓 歲 効。 來 風 间 書 數 ル 龃

不復接矣。

植 以 枳 某心憂之,果致微恙。 優笑之地。」揮手而 死,亦其命 枸 贍 ,厲聲曰:「男子寒死,餒 醫藥。」李公卞慧,●揣知 來巢矣。 也。 且 先人之敝廬,不忍爲權 如 齎 别。 器 空院之來妖禽,猶 换 自 緡 是,王生及門 死, 其意, 怒髮上 如鬻之, 鵩 窺 而

第。 里 平廬節度使楊損,初爲殿中侍御史,家新 窮達,命也!」卒不與。 皆先人舊物,非吾等所有,安可奉權 繁權者喜怒,不可拒也。」損曰:「今尺寸土, ,與路巖第接。 損宗族仕者十餘 巖方 人議 爲 巖不悦,使損按獄 相 日 , 欲易其 「家世盛衰 臣 廐 耶 以 昌 廣

<sup>「</sup>如」,萬曆七年本、四庫本作「知」。「論」,原作「誦」。今據四庫本改。

<sup>「</sup>慧」,四庫本作「急」,是。

<sup>· 「</sup>餒」,原作「餧」,今據草堂本改。

乎 忍棄 黔 ? 中 失,况 餘 爲人孫者, 年 還 諸 侯 0 之于社稷,大夫之 可不念哉! 彼室宅,尚 以 家 世 舊物,不 于 宗 廟

### 伯叔父

禮 禮 非 服, 引 兄 而 弟之子猶 進之也 子 也。 蓋 聖 人 緣 情 制

慙

面

改過

安寢。 若是 更以 故 厚 乎?」對曰:「吾兄子嘗 漢 心 其 第 此 安。 者 兄子不 五. C, 豈可 吾子 語 倫 終夕不視,故心不安耳。 人,益所 性 有 如其子哉? 謂 至公。 病, 無 以 雖 私 見其公也 乎?」伯 不 或 省 病,一 問 視, 直 倫 以 日: 魚 夜 而 數 賢 十往 竟 往 者 夕 公 而 視之, 不眠 C, 豈肯 退 有 伯 魚 而 私

宗正 逃 殺 難 其 劉 後 仲 平。 賊 遺 復 腹 更始 女始一 忽 然 時 天下 而 歲,平 至,平扶 亂 抱仲 平 侍 弟 其 仲 女 而 母 爲 棄 奔 賊 其 走 所

子。母欲還取,平不聽,曰:「力不能兩活,

五八

侍中 有 仲 茅 不 淳 如 可 于恭 法 以 絶 輒 兄崇卒,恭 類。」遂去而 反 杖 用自 杖箠 養 不 幼 顧 以 孤 教 感 悟之。 誨 學

問

兒

侍中 弟子數破其 朽敗者,曰: 者,曰: 中 ()若不 分其財。 薛 包,弟子 「吾少 能 使 産 奴婢引其老者, 也 我 時 輒 求分財異居,包不能 素 所 復 田 所 理 賑 廬 意 服食,身 給 取 所 其 戀 曰:「與 荒 口 也 頓 所 頓 器 安 我 猶 止 也 共 物 廢 乃 取 也 事

謂 步 以 晉右 走 4 其 ,擔其兒及其弟子綏。 僕 馬 妻曰:「 負 射 妻 鄧 子 攸。 吾弟早亡,唯 而 逃 永 嘉 末, 又 遇 石 有一 度 賊 勒 不 息,理不 掠 過 能 其 泗 兩 全,乃 牛 水 馬。 口 攸

<sup>■「</sup>餘年」,四庫本作「年餘」、《新唐書》作「踰年」。

伯道 時 子。」妻泣 人義 無兒。」弟子綏,服攸喪三年。 應自棄 而 哀之,爲之語 而從之,乃棄其子 我兒 耳。 E 幸 而 「天道 而去,卒以 得 存, 無 我後當有 知 ,使鄧 無嗣

育之恩 殺其 還 存。」 至 木 周 太 一護軍 翼並 川尉 一,以君賢,欲 以 鑒 孤 鑒 郄 與二兒。 規財 丁,翼爲 鑒 小,常携之就食。 于 名 ,是獨 一少值永 德,傳共 職 利 剡 而 者 共相 往。 後並 縣 歸, 嘉 獨 令。 、飴之。 (亂,在 何 席 濟耳, 食 得 心哉 苫心喪三年。 訖, ?存,同 鑒之薨也,翼 鄉人曰: 時 郷里甚 恐不 以 兄子邁、 飯 過 能 着 江 窮 各自 兼 兩 餒 追 有 外甥 邁 頰 世 有 所 撫 位 邊 饑 鄉

#### 姪

宋 卞 義 判 興 人 子 許 姪 昭 二十許 先,叔父肇 人,昭先 之 坐 家 事 最 繫 貧 獄 薄,

> 居。 使,通 怠, 專 嚴父。」」古之賢者,事諸父如父禮 保常言于公卿間云: 『元公之子事某 過,方登 甚疾,見太保未嘗 唐 演之嘉其操行,肇之事 新 事 獨 柳 惟 季父太保名公權。 泌叙 太保屢以 資 料 衢遇 昭 産 訴, 車。 先無 其父 既 太保, 無 杰 毎暮 有 日 爲言,終不以官達 天平 賣 懈 在 必 不 息。 宅以 東 家。 節 束帶。 下 如 帶 由 度 充之。 事 馬 如 迎 餉 此得釋。 使 元公。 是 端 太 饋 任大 仲 七 一笏,候 肇之, 保 載。 郢 肇之諸 馬 稍改。 京 名公綽。 行 首,候 太保 兆 莫 尚 事 如 鹽 子 非 去 起 馬 鐵 沈 太 非 倦 珍

# 家範卷之六終

也

## 家範卷之七

十八世孫露十九世孫順嵩嶧孍岭岐梓

兄 弟 姑娣妹 夫

兄

于孟子曰:「父母使舜完廪,捐階,瞽瞍焚我。」自古爲弟而不恭者孰若象? 萬章問凡爲人兄不友其弟者,必曰:「弟不恭于

都禮切。

舜即旋從階下,瞽瞍不知其已下,故焚而捐去其階,焚燒其廪也。一説旋階。完,治。廪,倉。階,梯也。使舜登廪屋

廪。

使浚井,出,從而揜之。

象曰:『漠蓋都君,咸我績。知已出,從而蓋其井,以爲死矣。」以爲也。使舜浚井,舜入而即出,瞽瞍

「象曰:『謨蓋都君,咸我績。

於也。 象,舜 覆于君而殺之者,皆我之功。 故謂之君。咸、皆。績、功也。 分舜之有,取其善者,故引其功 異母 君,舜也。 弟。 謨,謀。 舜 有 牛羊倉廪之奉, 蓋, 覆 欲與父母 也 也。 象言謀 都,

「「牛羊父母,倉廪父母。

欲以牛羊、倉廪與其父母。

「「干戈朕、琴朕、弧朕、二嫂使治朕棲。」紙、

「象往人舜宫。 也。 娥皇、女英。 干, 楯。 天下,故賜之彫 弧, 彫 戈, 弓 戟 舜在床琴,象曰:『鬱陶 也。 治牀,欲以爲妻也 也。 弓 天子 也 琴,舜 棲,床也。 日 一彫弓。 所 彈 五 堯 禅 絃 嫂 琴 思

不

君爾。」忸怩。

「我鬱陶思君,故來爾。」辭也。忸怩而象見舜坐在床鼓琴,愕然,反言曰:●

慙,是其色也。

治耳。」
是來而喜曰:「惟念此臣衆,汝故助我兹,此也。象素憎舜,不至其宫也,故舜兹,此也。象素憎舜,不至其宫也,故舜舜曰:「惟兹臣庶,汝其于予治。」

與?」爲好言順辭以答象也。 萬章言。「我不知舜不知象之將殺己與?」

也,●仁人愛其弟,憂喜隨之。」象方言思奚,何也。孟子曰:「舜何爲不知象殺己

曰:「然則舜僞喜者與?」

君,故以順辭答之。

誠,●而詐喜以悦人矣?」 僞,詐也。萬章言:「如是,則爲舜行至

曰:『得其所哉! 得其所哉!」之圉圉焉,少則洋洋焉,攸然而逝。』子産使校人蓄之池。校人烹之,反命曰:『始舍曰:「否。昔者有饋生魚於鄭子産。子産

所哉。重言之,嘉得魚之志也。 與人也。校人,主池沼小吏也。圉圉, 所哉。攸然,迅走水趣深處也。故曰得其 然。攸然,迅走水趣深處也。故曰得其 是之,之。子産,鄭國之子公孫僑,大 所哉。重言之,嘉得魚之志也。因爲説子

之,曰得其所哉! 得其所哉! ]故君子可「校人出曰: 「孰謂子産智? 予既烹而食

「言」,四庫本作「醉」。

❷ 「殺」、《孟子注疏》(清阮刻《十三經注疏》本)作「惡」。

③:「行」,四庫本作「非」。

來,故誠信而喜之,奚僞焉?」欺以其方,難罔以非其道。彼以愛兄之道

偽喜也?
偽喜也。
。
為以其愛兄之言來知校人之食其魚。
象以其愛兄之言來方,類也。
君子可以事類欺,故子產不方,類也。

則放之,何也?」萬章問曰:「象日以殺舜爲事。立爲天子

怪舜放之何故。

孟子曰:「封之也,或曰放焉。」

他 有 下咸服,誅不仁也。 Ш 萬章曰:「舜流共工於幽州,放驩 人則誅之,在弟則封之。」 庫之人奚罪焉? ,殺三苗於三危,殛鯀於羽 (封象于有庳,或有人以爲放之。 象至不仁,封之有 仁者固 如是乎? 山,四罪 兜于崇 而 庫。 在 天

舜誅四佞,以其惡也。象惡亦甚而封

誅之,在弟則封之。
之,仁人用心當如是乎? 罪在他人當

已。封者欲使富貴耳。身爲天子,弟雖孟子言:「仁人於弟不問善惡,親愛之而

不仁,豈可使爲匹夫也。」

「敢問『或曰放者』何謂也?」

萬章問放之意。

國而納其貢焉,●故謂之放,豈得暴彼曰:「象不得有爲於其國。天子使吏治其

象不得施教于其國。天子使吏代其治

民哉?

■ 「貢」下,四庫本有「賦」字、《孟子注疏》有「稅」字。

而 納 貢 賦與之,比諸 ,象亦不侵其 見放 也 也。 有 |庫 雖 不

賢

君

民

雖然,欲常常而見之,故源 源 而 來。 不 及

貢,以政接于有

庫

政 來也,其間歲歲自至京師,謂若天子以 源 常見之無 雖不使象得預政 通。 事 接見有庫之君者,實親親之恩也。 不及貢者,不待朝貢 已,故 源 事 源 丁,舜以 而 來 兄弟之恩 諸 如 侯常 流 水 禮 之 欲 與 73 常

然則弟之不恭,益所以彰兄之友也。」

糠 若是?」其嫂嫉平之不視家産,曰 平爲人長美色,人或謂 畝 漢 覈 ,獨與兄伯居,伯常 丞相陳平少時家貧,好讀書。有田三十 耳。 覈音紇,麥糠中不破者也。 陳平 耕 田, 縱平使 貧何 有叔 . 食 「亦 游 如 而 學。 此 食 肥

御 不 如 史大夫ト 無 有 心伯 式 聞 本 之,逐其 以 田 「畜爲 婦 事,有少弟。 而 棄之。 弟

> 數矣。 田宅。 與弟。 壯,式脱身出 式 而 人山 弟 盡 獨取畜羊 牧 破 其 + 産,式 餘 年羊 百餘,田宅財物 輒 致 復 干 分與弟 餘 頭 盡 買

隋吏部 牛。」弘 弘 定,其妻又曰:「叔忽射殺牛,大是異 駕 曰:「已知。」顏色自若,讀書 車 牛。 尚 聞,無所怪問,直答曰:「作 書 弘還 牛弘弟弼 宅,其 妻 好 迎 酒 謂 酗 嘗 日 不 醉射 脯。 叔 射 事 殺 弘 坐 殺

之命,不可 進妻不受,曰: 先娶婦,母委以家事。 唐朔方節度使李光進 光顔妻籍家財,納管鑰於光 改 也。」因 「娣嘗 相 一弟河 逮 及光進娶婦 持 事 前 先 東節度使 泣,卒令光 姑, 且 進妻。光 一受先 光 顔 姑 顔

平章事韓滉 有 幼子, 夫人柳氏所 生也。 與

妻主之矣

弟 妾它人所能間 勿 湟 悲 戲 啼 于 恐 堂 上 傷 哉? , 叔 誤 郎 隊 意 階 丽 爲 死 兄 如 滉 此 禁 豈 約 妻 夫

#### 弟

帶未 衣,立 津。 弟之事兄,主於敬愛。 兄瓛 竟。」❷ 一、然後 夜 隔 應。 壁 呼 瓛 璡 怪 其 璡 齊 久。 不 射 答。 聲 璡 校 日 方下 尉 劉 尚 床 璡 束 着 音

之。 臣,小心畏敬, 梁安成康王 若此,可 秀 謂 過 于 能 武 於 敬 矣。 疏 帝 賤 布 者 衣 昆 帝益 弟。 以 及 爲 此 賢 君

終身捐棄。」兄感其言 歸 諫 後漢議郎 止 不不 與 兄 聽 鄭 日: 均 即 兄爲縣吏,頗受禮遺。 物 脱 身爲 盡 可 遂 傭 復 爲 得 廉 歲 潔。 餘 爲 吏 得 均 坐 錢 好 均 贓 帛 數

篤

實,養寡嫂孤兄, 图禮甚至。

人所 老咸曰:「異哉 歇 復 性 外,衮獨留 復 知疫厲之不相染 晉 家 撫 危 不畏病。」遂 咸 不 柩哀 殆。 寧中 人乃反。 能 行,歲 臨 厲 疫 不去。 不 潁 氣 輟。 親 此子 方 ][[ 毗 寒然後 也。 自扶: 諸父兄强之,乃曰 熾,父母 病 庾 如 ! 得 衮 此 侍 差,衮 知 書夜 守 + 人 松 兄 諸 有 栢 所不能守, 俱 餘 弟 亦 不眠 之後 Ļ, 旬, 皆 無 出 恙。 疫 次 凋, 勢 其 次 兄 行 父 既 間 衮 于 毗

自 右光 命 而 未 不 療,遂死 死 禄 可 解 大夫顏含兄畿, 但 引喪者 於醫家。 服 藥 太 顛 多, 仆, 家 傷 人 咸 稱 我 迎 寧 畿  $\overline{\mathcal{H}}$ 喪, 中 言 臟 得 日 耳。 旐 疾,就 : 每 我 繞 壽 樹 醫

兄一《後漢書》作「兒

<sup>0</sup> 本、四 「與」, 尚 四 庫 萬曆七年本、 庫本、《南齊書 本作「掌」。 四 庫 本 無 此字; 萬 曆 t

起。 惠。 綿 旨, 出 夢 指 母 少 生, 復 哺 靈 也 復 人又夢之, 。」旅 昧, 倦 一,乃慨然 將 從之,共 異至此 活 户者十 爪 生 含謝 可急開 若當 党 矣。 闔家營視,頓 護 盡 慎 生 ,累月 乃解 傷。 無 加 非 理 荷 親 有三年。 含乃 開 不受。 即 骨 葬 乃發棺。● 日 棺 未全,既 留 既 氣 猶 棺之痛, Lo.」婦 也 欲 肉 . 及還 終, 絶 息 不 所 非常 開 豈施者之意 棄 甚 其 能 廢 或 願 兩 棺, 頗 一微,有 ,其婦夢之曰 石 人 兄 不 問 生 兄既 語 説之。 ,今但欲還家,不 崇重含淳 孰與不開 之事,古則 事 一業,雖 丽 祝 有生驗, 飲飲 其 能 ٠, 之日 父 (故,答 没, 上 進 躬 食 不 其夕, 噉, 不 親 也? 在 所 : 次 聽 分 侍 以 行 母 須 相 日 : 嫂 又 有 若 ", 託之 矣。 手刮 . 養, 妻,不 負?」父 樊 畿 未 贈 之。 母 含 吾當 阚 及 氏 竟 識 病 足 時 以 有 爾 棺 能 以 因 者 甘 飲 今 尚 不 人 復 葬 命

> 病 省 疾 失 藥 明 饌 含課 察 問 勵 息 家 耗 9 必 盡 簪 心 奉 屨 養。 束 日 以 自 嘗 至

愈

年 計 初 目 事 後 曰 卒。 魏 :「吾所 幾 被 爾 世宗復 失 收 Ī 明。 平太守陸 逝 卒 者 以數年之中 于 琇官爵,凱 訴 不 獄 冤 追, 凱 不 凱 已 兄 今願 痛 琇, 抱 大喜 備 兄 病 之 盡 坐 畢 忍 咸 「,置酒 人 死 矣。」 死者,顧 事。 陽 哭 王 遂 無 集 禧 至 時 以 闁 諸 Œ 謀 節 户 其 親 始 反

耶 矣 火 唐 ? 煮 英 何爲 粥 公 顧 李 今姊年老, 火 自 勣 焚 苦 貴 其 如 爲 是? 鬚 僕 勣 鬢。 射 亦 勣 其 老, 姊 日 姊  $\Box$ 雖 . : 病 欲 豈 僕 久 必 爲 爲 射 親 姊 無 妾 爲 煮 多 燃

0

有 共乃」,四 上一 四 庫 本、《晉書》作「乃共」。 、《晉書》作「存亡」。

荷」,四庫 、《晉書》作「謬

之愛, 粥,復 而相 况它人? 虺一身兩口,争食相齕 與它人議之也。 鬩于墻,外禦其侮。」言兄弟 今有人斷其 云:「凡今之人,莫如兄弟。」又云:「兄弟 夫兄弟至親 毋獨 害 斯 口 而患難不至者,未之有也。 ,何異于虺乎? 得 畏」, 己不愛人,人誰愛己? 乎 左足以 ? 此 體 之謂 若己之兄弟 若 此 而 益 分, 也。 可 右 遂相 同 謂 手, 兄 能 氣 且 同 弟, 殺 愛矣。 庸 異息。 休戚 不 也。 何利 手足 能 《詩》云 人皆莫 了, 不 愛, 《 詩 争 乎 也 利 ? 何 口

之比兄弟,則疏薄矣。 子 不相 學則連業, 提 顔氏 , 雖 右 1挈,前 愛 家訓 有篤 也。 》論兄弟曰: 遊則 襟 厚之人,不 及其 後 以裾,食 共方,雖 壯 也 3,各妻 能不 則 今使疏薄之人而 「方其幼 有悖亂之人,不能 同 案 少衰 其妻,各子其 衣 也,父母 也。 則傳服 姊 節 姒 左

> 皆踖 塗之, 其 天下 則子 雀鼠 親 能 從 則 唯 之不防,壁陷 兄弟之際 量 也 死 多 疏 易 友 親 之士 薄,則 郊。 (悌深至,不爲傍人之所移 ? 力,而失恩於弟者,何其 其 而 姪不愛。 ,妻子之 厚 無 不能 之 面 姊姒者,多争之地 頹 一,皆有 異于他人,望深則易怨,比他親 恩 而 童 毀之慮。 譬猶居室,一穴則 蹈 少也? 一僕爲 爲 楹 猶 子 其 權愛,而 淪, 風 姪不 方 心, 讎 雨,甚 底 無 人或將 敵矣。 如 誰救之哉? 愛,則 丽 可 雀鼠之不 失敬于 救矣。 圓 哉 也。 蓋 群 數 如 塞之,一 能 從 者可 萬之師, 此 必 所 兄弟不 兄者,何 僕妾之爲 疏 疏 不 人或 卹 以 而不 則 免夫! 薄。 然者 合 行 風 隙 也 能 其 交 路 群 雨 則

「地」,今從之。」
《温公家訓》作「比他」,宋本、文津本、抱經堂本作●「比他」,《顏氏家訓》王利器校曰"「地,各本作「他」,

人立

工其中子。

也。 以 如愛子乎? 是反照而 生矣。人之事兄不同於事父,何怨 其 若 當公 能 恕 務 己 而 而 就 行,换子而 私 情, 不 處 明 也 重 撫 責 則 而 愛弟 懷 此 患 薄 不 義

其可 犇荆蠻 而 之千餘 之犇荆蠻,自號句吴。 季歷果 欲立季歷以及昌,於是太伯、仲雍二人乃 歷之兄也。● 吴太伯及弟仲雍皆周太王之子,而太伯 稱 謂 焉。」 Ì. 至德也已矣。三以天下讓,民無得 家,立爲吴太伯。 ,文身斷髮,示不可用 一,是爲 季歷賢,而有聖子昌。 王季,而昌爲文王。 荆蠻義之,從而歸 孔子曰: ,以迎季歷 「太伯 太伯 太 季

也。」 伯 夷、叔齊、孤竹君之二子也。 遂 及父卒,叔齊 逃去。 叔 齊亦不肯立而 讓 伯 夷。 伯夷 逃之。 曰:「父命 父欲立 叔 或

> 宋 知人矣,立穆公,其子饗之,命以義夫。」 捨 其子馮 宣公捨 而 其子與夷 立與 夷。 丽 君子 立 穆公。 日 「宣公可 穆公疾, 謂 復

致國於季札而止。季札終逃去不受。 樊。諸樊卒,有命授弟餘祭,欲傳以次,必夢欲立之。季札讓不可,於是乃立長子諸餘祭,次曰夷昧,次曰季札。季札賢,而壽矣王壽夢卒,有子四人。長曰諸樊,次曰

即 以 喪,又言當爲 與室家計 事繫獄 恚恨,不肯言。於是賢門下生博士義倩等 漢扶陽侯韋賢病篤,長子太常丞弘坐宗 陽爲病狂, 大河都尉玄成爲後。 ,罪未决。 ,共矯賢令,使家丞上書言大行, 嗣。 卧便利,妄笑語昏 室家問賢當爲後者,賢 玄成深知其非賢雅意, 賢薨,玄成在官聞 亂。 徴至 廟

❶. 「伯」、《史記·吴世家》作「王」,兩通。

六八

也。 嗣 病劾奏之。 長 ,然因太子起 安 で、章下 久之,上欲 既 宣帝 葬,當 丞 高 有 相 襲 其 詔 感 於 御 爵 節。 勿 細 風 劾, 史案驗,遂 微 以 憲王 時上欲 狂 引 又早失母 一,輔 不 拜,玄成 ·應召。 以 淮 以 禮 陽 玄 讓之臣 故 憲 不 成 大 得 鴻 不忍 王 實 爲 己 不 臚

乃召

拜玄成爲

淮陽

中

尉

拜

爲

郎

乎?」 之日 與駿 弟成 以 去。 陵 陽 兄 遇於東 侯 0 弟 鴻 鴻與 「春秋之義,不以家 不報。 丁綝卒,子鴻 感 私 八九江 悟 恩 **、海,陽** 垂泣 何 既 人 絶 葬, 鮑 狂 歎息,乃還就 父 不 駿 當襲封, 挂 不 識 相 衰 滅 駿。 事 友 絰 之 善,及鴻 廢 於 上書 駿 基 E 或 冢 事 乃 可 IF 廬 讓 亡封 謂 國 今子 mi 丽 讓 于 智 逃

> 爵。 其 逵上 下 餘 詔 先公,以 歲 書稱: 遭事 至永 之宜,後 王法崇 元 增聖朝 愷 + 有 年, 善,成人之美,其 伯夷之節,宜蒙 不得以爲比。」乃徵愷 尚 有司 德之美。」和 復 奏之。 帝 矜 侍 聽 納之, 宥 中 嗣 賈

成。 孤 推 可 昭 才 後 之寬 成 藝 果,宜立 魏 孤 爲 爲質於後 ,有志略。 高 及崩,群 和柔 凉 嗣  $\pm$ 長 順。 孤 孤 君。 臣 不肯 趙。 烈帝之前 咸 平. 於是大人梁 次弟 以 烈帝 文皇帝 乃 新 屈 自 有 臨 元 之弟 詣 大 剛 崩 年, 故 鄴 蓋 猛 顧 奉 四子 等 多 國 昭 命 迎,請 變,不 殺 有 成 迎 屈, 内 也 來 文 共 身 如 未 昭

0 0 紀》《四 盛 成」。《 挂」,原作「桂」,今據四庫本、草堂本改 東 部 觀漢記》 刊》景明嘉 清 武 英殿 滿輔刻 聚珍 本)、《資治通鑑 版 本)、《

逃

澼

封

久

之。

章

和

中

有

司

奏

請

絶

愷

或

居

巢

侯劉

一般卒,子愷當襲爵

讓

於弟

憲

遁

肅宗美其

義,

將優假之,愷猶

不

出

積

+

則

미

也。」及行,

飲

以

酒

子載

其

旌

日

棄父之命,惡用子矣!

有無

父之國

乃 盡 留 誠,若徒 分國半 爲 質。 部 石 事 以 季 形迹,則外 與 龍 之。 義 而 然兄弟之際, 從 之。 雖 有愛而 昭 成 即 内 宜 王 實 相 位 乖 與

資 皆諮 離矣。 郄 宋 氏 須 祠 部 書 ,悉就典 뻾 0 後行。 尚 求 書蔡 夏 服 者請焉。 公禄賞賜 廓,奉兄軌 時 軌 爲 從武帝在彭 一皆入軌。 給 如父, 事 中, 家事 廓 \城,妻 答 大 有 書 小 所

梁安成 莘,將殺之。 久爲 衛宣公惡其長子伋子,●使諸齊,使盜待諸 受之,不辭多也。 荆 康 州 刺 王 秀 史,常以所得中分秀。 弟 與弟始興 壽 若此可謂能盡誠矣。 子 告 王憺友愛尤篤, 之,使行。 秀稱 不可 心 憺

以

身代

,賊亦

哀而

兩釋焉。

寄。」曏使廓從妻言,乃乖離之漸

也

日

知

須

夏

服,計給事自應

相

供,無

容

别

:

何罪? 請殺我乎!」又殺之。 先,盗殺之。 伋子至,曰:「我之求也!

此

害。 能得, 之,謂曰:「且 爲 王莽末,天下亂,人相食。 禮 餓 久 鄉黨服 賊 餓 復往報賊, 所 羸瘦,不如孝肥飽。」 得,❸孝聞之, 其 義。 미 歸 願 更持米 就 烹。 即 沛國 自 精來。」孝求 衆異之,遂不 賊 縛 大驚 趙 詣 孝弟 賊 並 日 禮 不 放

俱免。 北 弟並見執于赤眉,將食之。 漢 淳 又,齊國兒 于恭兄崇將 萌 爲 、梁 盗 郡 所 車 萌、成叩頭,乞 烹,恭請代, 成二人,可兄 得

宋大明五年,發三五丁,彭城孫棘弟薩應

● 「有」,四庫本作「友」。

「伋」,四庫本作「急」。

「趙」,原作「張」,今據四庫本及《後漢書》改。

. 「車」,原爲空格,今據四庫本及《後漢書》補

兒,死 棘、薩 當門户 薩又 充 並 小郎屬君,竟未妻娶,家道不立。 長,令弟不 悦,甘心赴 解 復何恨!」岱依事表上。孝武 各置 坐 ), 豈 列 違 自 可 行, 期 引。 委 死。」棘妻許 處。 不 罪 至。 罪 應 太 小 報 守張 百 棘 云 郎 死 詣 1 又寄語 郡 岱 棘 聽 且 辭 疑 大家 其 以 列 其 身 相 屬 君 代 代 不 臨 棘 棘爲 詔 已 實, 薩。 有二 特 顔 君 以 以 0 家 原 色

求代死 玄紹 梁江 孜孜色貌 愛友,所得 以 陵 解 鬚 王 面 玄紹、孝英、子敏兄弟三人特 不 甘旨新異,非共聚食必不先嘗。 相 魁 可 見 梧 得,遂并命 如不足者。 爲兵 所圍 及 弟 西 共 臺 一陷没 抱,各 相

罪,州

加

辟

命,●并賜帛二十匹

者,多 争,雖 家,爲 哉 殊情,子亦異 令兄弟,交相爲 曰:「直鈞,幼 識 編淺, 《詩》云:「彼令兄弟 由 俱 他人 異 有 所 母 見近 罪 〈黨。 ,或 弟 有,烏在 賤 小而 瘉。」其 前 有 爲 後嫡庶 罪。」然則 其 遺遠大故 其能 矣。 是之謂 綽 更相憎嫉, 利 世 也哉 之兄 兄弟 綽有 耳。 歟 ? 弟 而 裕 豈 及 母 不 子 不 IE 於 睦 産 既 不 哀 由

于成 後 亦 覽,年數歲,見祥 理使祥, 晉太保王祥, 趨 漸 童 而 有 每 共 時 覽 譽, 之。 輒 諫 其 與 繼 朱深疾之,密使 朱 〈祥俱。 母。 被 母 患之,乃 楚撻 朱 少 氏 止 又虐 遇 X 輒 咋 祥 虐。 涕 使 無 酖 泣 祥妻, 祥 祥 道。 朱 抱 喪 屢 持 父 覽 朱 以 之 妻 知 非 至 子

忿

,或闘

訟

不

已,或干戈相攻,至于破國

滅

争

相

爲

死

而

愚

者争

錙

銖

之利

朝

之

夫

八賢

(者之於兄弟,或以

天下

或

邑

讓

或

❷ 「州」,原作「勿」,今據四庫本及《宋書》、《南史》改❶ 「棘」,萬曆七年本、四庫本作「乞」。

足患哉

朱遽 于祥, 仕至光禄大夫。 朱輒懼覽致斃,遂止。 之,徑起 奪,反之。 取 酒。 祥疑 自後,朱 其 覽孝友恭恪,名亞 有毒, 賜 祥 饌 争 覽 耐 先 不 嘗 與。

出,頗

相

也。 忿鬩。 之,漸加恩貸。 必解 唐 仲暐所生喪,諸弟並請解官,朝廷義而不許。 每 北 愛,久無間然,皆沖之德也 外輯睦。 後魏僕射李沖兄弟六人,四 中 齊南汾州刺史劉豐八子俱非嫡 一子所生喪,諸子皆爲制服 母 衣請 書 Ĭ **令** 及沖之貴,封禄恩賜,皆與 父亡後,同居二十餘年,更相 氏 代,母 韋 遇 嗣 承 立 兄弟苟能如此,奚異母之 不聽 慶 一,黄 甚 八門侍 輒 一嚴,每 私 郎 自杖。 有杖罰 母 承 三年。 所 慶異 八共之, 妻 母 武平、 所 察 母弟 嗣 生, 知 V. 友 内

#### 姑 姊

也。 齊 而 兒 齊 也,痛甚於心。 棄妾之子。」齊將曰:「子之於母,其 止,吾將射爾。」婦人乃還。 將乃追之,軍士引弓將射之曰:「止! 也。」「母所抱者,誰也?」曰:「不知也。」齊 曰:「所抱者,妾兄之子也。 「所 將 而 攻 走 抱者 行。 見軍之至,將及於追,力不能 魯,至其郊,望見野婦人抱一兒、携 於 問 兒 Щ 誰 軍且及之,棄其所抱,抱其 日 也? 兒隨 . 今釋之而反抱兄之子,望何 一走 所棄者誰 而 者 啼, 爾 婦 母 耶? 人 棄者,妾之子 齊將問之日 也?」婦人對 隨 行 日 兩護,故 不 : 親 顧。 所 「是 携 不

- 」,四庫本作「疾」。
- 之而」,草堂本作「己子」。

養,庶 視 謂 無所 士 耳 君 也 妾子,幸 ·, 猶 日 魯 義 大夫乎? 何? 」婦 國。」於是齊將 容 也。 知 民 魯未一 持 加 人日 而 或 夫背 節 故 累 人 得免,則魯 可 : 行義,不 忍 足 不 請 公義 伐。 「己之子, 棄 還。」 無 吾 子 所 與 案 而向 乃 一齊君 IIII 也。 履 兵 君 以 至 行 忧 私害公, 不 私 而 於 私 義,不 夫 ·吾畜 許之。 愛,亡兄子 止 境 愛 如 一,使 子 山 也。 是,則 雖 一大夫 能 人言 而 澤之 痛 兄之子 魯 無 况 平. ,而存 君 不 於 脅 朝 婦 義 齊 吾 聞 獨 肩 臣 人 而

之,賜 梁節 或 中 盛 欲 曰:「子 豈 心 ,不得復 取 其兄子, 輒得 可 謂 姑姊之室失火,兄子與己子 東帛 户告人曉也,被 何 本欲 人。 百 取 端端 何 兄 婦 至 號 之子 人將 自 其子,獨不得兄子。 日 赴 義 ', 惶 欲 火?」婦 不義之名, 好姊. 趣 恐卒 火,●其友止之 誤 人 在室 得 日 何 爾 面 中, 梁 目

> 兄之讎 季兒 季宗 漢郃 枕 及家 殺 欲 宗 以 亦 曰 曰:「與田 母之恩。 . 我 席 不 去, 與 見 兄 日 陽 中 義。」延壽 而已。」季兒曰:「殺 延 而 吾當 建獨 問 何 弟 : 壽 任 財 使殺吾兄, 「嘻! 티 : 吾勢不 國 争葬父事 延 物 建。 /坐死。 安之? 面目 人 壽妻季 盡 哉? 曰:「吾不 所 以 田 以 미 獨 與 建 送 生而 延 今乃 以 内不 ,延壽 兄 ,兒有 吾欲 已 共 壽 汝, 生。」遂竟赴火 死 死 會赦 殺 載 能 語 而 敢留 惟 夫不 三子。 復 天 吾 與 獨 和 我 讎 汝 投 履 乃 其 兄者 夫 我 乎?」遂振 不 汝, 義,事兄之 所 吾子,爲 地乎?」❷ 友 家,外 報 當 以 季 之。 願 田 坐之; 告季兒 爲誰?」 ,兒兄( M 與 以 建 又 子 季 車 陰 失 汝 季 繎 讎 衣 殺 延 兒 父 同 馬

0 0

欲 四 庫 自

原作「覆」,今據四 庫本及《列女傳》改

復嫁 以 壽 義,令縣復其三子而表其墓。 縕 慙 自 矣。 「汝父殺吾兄,義 而去,不敢見季兒。季兒 經 吾去汝而死,汝善視汝 而死。 左 馮 不 翊 口 王 以 讓 留 乃告其 聞之,大其 o 兩弟。」 又 終 大女 遂

歲,竟終於家。 不 此二十餘年。 夜便紡績,衣 捨去,乃誓不嫁,以養其 年尚少,人多聘之。爲姊年老 唐冀州女子王阿 稱 其節行,兢令妻女求與 阿足初 適同 食所須,無 及姊喪,葬送 縣李氏,未有子而亡。 足,早孤 姊。 非 ,無兄弟 阿 以 每晝 相識。 足 禮 孤寡,不能 出 營田 唯 者。 鄉 後 人 姊 業, 莫 如 時

#### 夫

可 不 婦 重 之 歟 道 天 《易》:艮下兑上,咸。 地 之大 入義 一,風 化 之本 原 ^ 彖 也,

> 巽 是 不可 道, 《家人》:「初六、閑 冕 使之行婦道于翁姑,非身率以禮義,能如 匹夫,耕漁于田澤之中,妻天子之二女, 壻乘車先 風 日 乎? 正 而 相 下 靡不 制, 親 震上,恒。 與。」蓋久常之道 迎,御 非一 而説,男下女,故『娶女,吉』也。」 在 行,婦車從之,反尊卑之正 初。 朝 輪三周,所以下之也。 《彖》曰: 初 夕之 而 有家,悔亡。」正家 驕之,至於狼犺, 也。 所致也。 剛 是故《禮》: 上而柔下,雷 昔 也。」 既 之 浸 壻 爲 而

漢鮑宣 甚盛 美 學,父奇其清苦,故以女妻之。 介飾 宣 而 妻桓氏,字少君。 示 吾 悦 實貧賤,不 謂 妻曰 敢當禮。」 :「少君 宣嘗 生富 妻 裝 就 日 送資 少 驕 : 君 大 習 賄 父

❶ 「義」上,原衍「又」,今據四庫本及《列女傳》删

布裳,與 奉 以 承 先 吾志 君 生 子 修 修 宣 也 德 。」妻 共 唯 守 挽 命 約 乃 鹿 是 鄉 悉 車 從 故 歸 歸 使 邦 侍 賤 鄉 宣 御 妾 里 笑 之。 服 E 侍 拜 飾 執 0 姑 巾 更着 能

是

提

甕

出

汲

行

婦

道

稱

短

既

人

櫛

如

者。」 + 子高 筐 狀 多欲 日 扶 篚 肥 風 而 鴻 父母 義 鴻 緝 醜 妻之,鴻並 梁 聞 績 鴻 不 面 簡 答。 答。 之 問 而 黑 斥 家 聘之。 人具。 其 力舉 數 貧 妻乃 故,女曰: 絶 婦 而 及嫁,始以 石臼, " 妾 女求作布 不 介 跪 · 許。 潔 床 亦 擇對 下 偃 欲得賢如 勢 同 請 蹇 家 裝 縣 衣 不 日 數 慕 飾,入門 : 麻 嫁 孟 夫 履 氏 其 矣。 梁 切 行 有 高 聞 織 年三 伯 女, 節 七 鷥 今 夫 作

> 隱。 妻 衣 也 操 是皆 能 作 奉 具 能 我 而 IE 矣 前 其 初者也。 鴻 字之日 大 喜 一德曜 夫婦之際, 日 : 此 遂 真 以 與 梁 敬 偕 鴻

四

爲美。

晉白 之。」文公從之,卒爲晉 德之聚也,能敬必 敬,相待如 季 使, 賓 過 冀, 與之歸 有德,德以 見 冀 名卿 ,言諸文公曰 缺 耨。 治民 其 妻 君 鰪 敬 用

仰視 爲 漢梁鴻避地 彼傭 人 賃 0 春。 能 舉 使 案 其 於吴,依大家皋伯 每 齊 妻敬 歸, 眉 妻 之如 伯 爲 具 通 此 食, 察 非 而 不 通 凡人也。」方 異之, 敢 居 於 廡 鴻 日 前

晉 太 宰 何 曾 閨 門 整 肅, 自 少 及 長, 無 樂

粉墨

豈

鴻

所

願

哉

妻

日

以觀

夫子

之

0

而

見擇,

敢

不

請

罪?」鴻

日

一吾欲裘褐

之

舍之於家

可

與

俱

隱

深

Ш

者

爾。

今

乃衣

綺

縞

傅

志

爾

妾自有

隱

居之服。」乃

更椎髻

一,着

布

不了, 作 下一,今據萬曆七年本、四 庫 本、 草堂

酒 冠 嬖幸之好。 酬 相待 若此 酢 既 如 畢 賓。 年 便 老之後, 出 己 南 一歲 向 與 如 妻 妻 此 北 相 者 面 見 示 皆 過 再 再 拜 正 F 衣

焉。

可可

謂

能

敬

矣。

昔莊 莊、薛 譏之。 殊哉 太 喪不御 喪妻不哭,臨殯曰: 、尉王 周 棄 妻 晉 龔 肉。 義, 何譏笑之? 1太尉 死 妻亡,與諸 輕 鼓 而 劉寔 溥 盆 王**、** 笑之, 寔不以爲 丽 喪妻, 「幸不爲夭,夫 劉 歌。 子 循 並 理,● 漢 爲 杖 山 廬 行 其 陽 杖之制 服 太守 得失豈 時 何 意。 恨 薛 不 紁 彼 兩 勤

羞 不 志,威令所 夫子制義,從婦 子凶。」《象》曰:「婦人貞吉,從一而 易・ 哉 行 於 恒》: 室 家, 施,大者天下,小 「六五,恒 爲 X 也。」丈夫 一婦 其德,貞,婦 人所 者 生 制,不 而 官。 有 人吉,夫 四 終也。 亦 方 而 可 沂 之

> 之。 昔 以 則 不 在 不 哉 悍 下 者 以 墉 離之。 從, 爲 其 可 妻 憂崩 不能庇其子, 况於臣 ,貴爲天子,制 晉惠帝 絶 初也。 唐肅 不慎擇也。 耐 無 不 然 膳 行, 乖 可 則 而 宗 今士 爲 建 離 悍妻 以 終。 其 賈 故 寧 爲 六 不 或 士 大 后 王 張 親、 之 囚 棄 驕縱悍 既 所 夫 大 於 倓 后 愍 爲 也 娶 敗 制 夫 有 悍 以 所 懷 害 m 妻,上 亂 忠 制 出 難 民 廢 太子 夫 太 戾 防 妻者 孝 之。 其 1 武 婦 遷 也 之以 受誅。 訓 家 悼 以 不 上皇 於 自 楊 按 厲 者, 禮,不 能 衆 許 義 故 古 太后 禁約 禮 於西 則 合, 及 保 昌, 凡 口 彼 有 今,以 非 娶 其 勝 義 可 于 而 妻 親, 内, 君 絶 終 不 數 殺 金

0

棄」,原

作「弁」,

今

據

四

庫

本

改。

萬

曆

本

<sup>「</sup>弃」。

<sup>「</sup>理」,四 之」,四庫本作「焉」。 本作「禮

家範卷之七終 苟室有悍妻而不出,則家道何日而寧乎? 餘賢士以義出妻者衆矣,奚虧於行哉? 而出之,乃義也。昔孔氏三世出其妻,其 出」,顧所以出之用何事耳。若妻寔犯禮

### 家範卷之八

十八世孫露十九世孫源嵩峄孍崎岐梓

### 妻上

妲己。 太史公曰:「夏之興也以塗山,而桀之放 以妺喜。 陽之變,萬 用,唯婚 擒 妻者,其 關 也 不妬, 雎》。 淫 於褒 周之興也 姻 德 四 殷之興 夫婦之際,人道之大倫也。禮之 有 日 物 爲兢兢。 姒。 之統 六 儉約,五 以姜 也以有 故《易》基乾坤 也。 日 夫樂 嫄及大 日恭謹,六日勤勞。 柔 可 娀,而紂之殺 順 不 調 一日 而 任, 慎 歟?」爲 四 侕 、《詩》 時 清潔,三 幽 和 也 王 始 之 壁 陰 也

夫,陽 夫,天 生女如 處 善莫名,有惡莫辭,忍辱含垢,常若畏懼。」 卑弱,主下人也。 首章曰:「古者生女三日,卧之牀下,明其 不以强辨爲美也。 物,陰和而成物。 禮也。」又曰:「婦人之得意於夫主,由舅姑 美。故鄙諺有云:『生男如狼,猶恐其 德,陰以柔 又曰:「陰陽 之愛己也。 避强莫若 也。」由 叔妹之心,誠不可失也。 下。 也 也; 日 此 鼠,猶恐其虎。」然則修身莫若敬 順。 無 妻, 妻, 言之,我臧否譽毁,一 爲 舅姑之愛己,由叔妹之譽己 盈虧,月 殊性 用。 陰也。 地 故曰: 敬順之道 也 謙讓恭敬,先人後己,有 ,男女異 故婦人專以柔 男以强爲貴,女以 漢曹大家作《女戒》,其 0 天尊 有 夫,日也, 圓 皆知 而 缺。 行。 處 叔妹之不可 上,地 ,婦人之大 陽 妻,月 陽以 由 順爲德, 唱 叔妹。 柔 卑 剛 而 尫 也 生 爲 爲

之本, 美,0 順 進 既 寵 性,其 失,而 丽 蠢 田 叔妹之心,固 顯 敵 離 謂 則 增 夫 乖 以 愚之人,於叔 章 則 而 順 能 婦 父母 愠 驕 名 恶 聲譽曜 M 何 能 能 而 鮮 不 柔 之行。 盈 尊, 揚 顯 ?譽之臻? 依 備 瑕 能 順矣。 能 之羞,退 毁訾 否之 義 平 過 恩 此 和 無 驕 一莫尚 于 ? 以 隱 之 必 疏 過 兼 布 盈 邑 基 篤 則 然之 以 妻者,齊 塞 是故 斯 鄰 而 于 于 既 益 雖 也 好,崇恩 託 求 是 義 謙 中 施 休光 君子之累。 以 親 舅 名 者 勢 室 可 以 親。 外, 順 賢 姑 以 也。 足 何 人 美 不 也。 矣。 其 延於父母 女之行,聰 和 耻 自 矜 慎 隱 和 以 若 蔽 以 高 善 辱 之 結 夫 則 哉 而 謙 淑 也 和 八於妹 援, 與之齊,終 集 過 有 叔 謗 則 媛 矣。 圃 斯 哉 官 ? 于 妹 掩 德之柄 謙 乃 夫 使 然 姑 姑 厥 若 築 恩 外 則 則 若 主 徽 哲 順 自 身。 此 求 辱 忿 義 夫 佳 體 之 因 美 内 之 非

> 乘安 則 雖 六,利永貞。」晏子曰:「妻柔 身不改。 易》曰: 鳴 主 于 車 玉 柔, 環 輜 「柔 珮。 軿。 故 而 忠 順 不可 内 下 臣 利 飾 堂, 不 貞,君子攸行。」又 失 事 則 必 正 結 從 也 主 紉 傅 綢 故 貞 母 而正。」言婦 繆。 保 后 女不 BIJ 妃 踰 事 日 進 或 一,必 一用 夫 退 人

制 野 也 處 古 在 内 日 則 ^ 親 \* 詩》云: 帷 身 組 裳 衣 紐 雍 服 之屬 自 蔽。 也 所 伯之東 常 所 結 以 以 自 紉 正 首 以 結 心 自 如 故 飛蓬。 纏 也 意 0 自 顔 豈 斂 師

禮也。 故婦人夫不在,不爲容飾,

無

膏

沐

誰

適

爲容。

奪 衛 而 世 子 嫁 共伯 之, 誓 早死 而 其 不 許, 妻 姜氏 作 ^ 柏舟》 守 義 之詩 父 母 以 欲

● 「佳」,萬曆七年本、四庫本作「嘉」。

七八

避火。」伯姬不從,遂逮於火而死。 母至矣,傅母未至也。左右又曰:「夫人少母不具,夜不下堂。待保傅之來也。」保口:「夫人少避火。」伯姬曰:「婦人之義,年。至景公時,伯姬之宫夜失火。左右宋共公夫人伯姬,魯人也。寡居三十五宋共公夫人伯姬,魯人也。寡居三十五宋共公夫人伯姬,魯人也。寡居三十五

臺崩,夫人流而死 符。● 今使者不持符,妾不敢從。」使 不從。于是使者反取符,未還,則水大至 夫人曰:「王與宫人 迎夫人,忘持其符。使者至,請夫人出。 楚昭王 人漸臺之上 今水方大至,還 夫人貞 加 去。 姜,齊女也。 而 王聞江水大至 取符,則 ,約令,召宫人必以 恐後矣。」夫人 王出遊, 一,使使者 日 留 夫

其母將改嫁之。● 女曰:「夫人之不幸也,蔡人妻,宋人之女也。既嫁而夫有惡疾,

家範卷之八

改。不幸遇惡疾,彼無大故,又不遣妾,何奈何去之? 適人之道,一與之醮,終身不

以

得去?」終不聽

義 之人,殆可釋矣。」于是相以報王。 之童孤也。● 王之求妾,以其色也,今刑 鼻,曰:「妾已刑矣,所以不死者,不忍幼 義而從利,無以爲人。」乃援鏡持刀以割 不改,以全貞信之節。 免。今王又重之。 死,妾守養其幼孤,貴人多求妾者,幸而 聞之,使相 嫁、梁貴 梁寡婦高行,榮於色而美于行。 加 高其行,乃復其身,尊其號曰 人多争欲娶之者,不能 聘焉。 高行曰:「妾夫不幸 妾聞婦人之義,一往 今慕貴而忘賤, 得。 「高行」。 王大其 早寡 梁 棄 早 其 得

<sup>「</sup>以」,四庫本作「持」。

<sup>「</sup>改」,四庫本作「再」。

<sup>「</sup>童」,四庫本作「重」。

CW. CIT

之,終 矣。 還。 使 + 信 其 以 知 行 漢 而 曰 分號 使者 7、幸 爲 戍 陳 不 ,將何以立于世 敢嫁也 養人老母 家業 婦乃 吾 孝 少無子而 夫行 奉祭 ·有老 夫 日「孝」 以 I賜黄 母 婦 且 天 養姑 終 時, 乎?」婦 祀 母 行 年 年 ,遂使 婦。 金 無 時 + 終。 屬妾 而 早 不 無 四 淮 嫁 六 寡 不 屬 衰 他 + 養其姑二十八 陽 意。 應 ?」欲自 以 而 也 盡 能 慈慈 孝 兄 斤, 太 供老 嫁, 賣 一,將 曰:「諾。」夫 卒, 弟 婦 守 居 愛 其 復之。 備 許 曰 未 取 以 母母 喪 愈 田 殺。 養, 有 人 而  $\equiv$ 了,妾既 聞 固 宅 子。 以 我 嫁 年, 吾不還, 終 財 年。 紡 孝 其 之。 諾 生 身 果 文 許 父 物 父 績 死 其 ITT 皇 母 諾 母 夫 無 以 姑 孝 織 死 未 不 婦 帝 葬 八 懼 能 之 哀 絍 不 汝 當 所 口

吴許 持 刀 追 升 之。 妻吕 榮。 賊 EI: 郡 遭 從 寇 我 賊 則 生 榮 一, 不 踰 垣 從 走 我 則 賊

> 死 0 榮 是 Ħ 日 : 疾 風 義 暴 不 雨 以 身受 雷 電 辱 晦 寇 冥。 虜 也 賊 惶 遂 殺

八〇

印

頭

謝

罪

乃

殯

、葬之。

十五 膰 其 刑 先 誠 無 以 沛 來,歷代 丽 詩》云:『無忝 君 自 門 剪 他 劉 焉 長 以以 意。 誓。 何貴 晚 卿 間 五 長 更,學 卒。 卿 不替。 明 又夭殁。 號 宗婦 妻, 義 假 我 日 妻防 輕 令有之,猶可 五 情。 爲 身之甚 相與愍之,共 爾宗, 行 男 更桓榮之孫 儒 遠 義 以 宗,尊 沛 妻 嫌 忠孝 聿 桓 相 慮 疑,不 哉 修 嫠 王 不 爲 因 顯 吉 厥 免, 0 ~,女以 謂 帝 也。 姑 肯 德。」 是以 上 縣 對 日 姊 乃 師 歸 奏高 日 ] : 「若」 邑 妹 豫 生男 寧。 : 貞 有 以 刑 五. 行, 順 一昔 祀 豫 更以 表 家 其 兒 五 稱 我 必 顯 自 其 殊 耳 年 歲

「輕」,原作「輕」,今據四庫本及《後漢書》改

0

中,以 武 後 敢 門,●跪 日 渡 未足耶? 免,乃立罵卓曰:「君羌胡之種,毒害天下 者,●悉拔 :「何不 董 人圖畫,號曰 欲行非禮于爾君夫人耶?」卓乃引車 上才,爲 海 + 遼 風靡,何有不行于一婦人乎?」妻 卓爲相 兀 將 其 軍 自 頭 奴 皇 刀圍之,而 重 妾之先 陳 漢忠臣 縣 婢錢 國,承其 甫 乎? 請, 軶, 規 「禮宗」云。 帛 辭 卒 一,君親 鞭撲交下。 人,清德奕世。 速 充 時 甚 名,●娉以 謂 盡 路。 妻 酸 日 非其 爲 年 :「孤之威 愴。 惠 妻 猶 趣使 卓 乃 軿 盛 妻 」遂死· 使 輜 而 謂 輕 皇甫 走 容 教 持 白 傅 服 吏 車下。 ()、欲 元乘,馬 色美。 杖 爭 奴 詣 氏 知 者 庭 猶 侍 卓 文 不 今

夷滅 令女叔 輕 之,莫不酸 泣 類 時 耳 被視之, 斷鼻,蒙 信,防之少 日 者 塵棲弱草耳,何至 文寧爲梁相,憐其 已盡 不 居 其 以 止 父上書,與 吾 意 流 被 ,守此欲 嘗 盛衰改節 解。 鼻。 亦惟之,●計之是也。」●家 而卧。 阻,乃微使人諷之。令女歎 血 依 滿 爽, 或 令女于 床 (曹氏 其母 謂之曰:「 誰 席 及 義者 一辛苦 爲哉?」令女曰: 少 爽 絶婚,强 是 舉 執義,又曹氏 呼 被 竊 家 迺 與 不以存亡易 誅 驚 人 人 語,不應。 爾 ? 寢室,以 曹 生 惶 迎 一,奔往 世間 令女 氏 且 盡 夫 以 無 聞聞 死 家 且 遺 視 發 刀 爲 如

魏大將軍曹爽從弟文叔妻,

譙郡夏侯

文

密

少無子,恐家必

一嫁己,

乃

斷

髮

以

爲

信

其

家

果欲嫁之。

令女聞

即

復

以

刀

截

兩

之女,名令女。

文叔

早

死。

服

闋,

自

以

年

<sup>) 「</sup>輕」,原作「輕」,今據四庫本及《後漢書》改。) 「承」,四庫本作「闡」。

<sup>「</sup>傅」,原作「傳」,今據四庫本、《後漢書》改。

<sup>「</sup>惟」,四庫本作「悔」。

<sup>. 「</sup>計」,四庫本作「許」。

年不 泣 老家 遇 常 聞 曹氏 謂 壤。」流 堂,弱子 後 棄之? 自 之恨。」俄 在 左耳,投之棺中,仍 偕老。 日: 二 加 Ш 旬,鞠育于後房之内,未曾出門。 疾 魏 而 貧, 幸 且 房 耳 對 鉅 嘉之,聽使乞子,養爲曹 前 早寡 卒, 湛 鹿 血滂然,喪者哀懼。 曰:「幸承 盛 新 襁褓,顧當 赤子蒙 禽獸之行,吾豈爲乎?」 而 有志 女也 之時 聞 魏 婦 顧謂之曰: 溥 溥妻房 知 何 實 卒。 尚尚 者 不從,蓋 至于此?」 眇, 慮父 幼 莫 先 欲 日 及將 以 有 氏者,慕容垂 不 抱 人 母未 保終,况 0 ?烈操。 身少相感,永深長 感 「死不足恨,但 怨于 餘 其 「鬼神 大斂,房 愴 訓 命 量 對 黄爐 出 姑 也。 氏 至 日 年十六, 今衰亡, 有 時 劉 後 情, 事君子 : 知, 子 氏 氏 今夫人 耳。」房 貴 司 緝 遂終身 覬 新 輟 操 馬 相 鄉 生 持 婦 哭 痛 期 而 太 宣 刀 何 此 往 在 未 泉 割 守 少 丽 義 垂 母 溥  $\pm$ 忍

> 存,於 追 之,以啓 不 歸,其家 聽絲竹 ,房哀歎 是 弗 其 歸 不 而 知之也。 母。 寧。 不反。 預 房命 坐席。 父母 其 行 駕,紿 尚 執 數十里方覺 緝 有 意 年 如 云 異 十二,房 此 他 議 0 行, 兄兄 因 緝 父 母 而 竊 遂 聞 仍

劉自 奉, 滎陽張洪祁 生一子,二歲又没。 率 誓 禮 不 無 · 許,以 違。 妻劉氏 終其 兄矜其 者,年十七夫亡。 身。 其 舅 少寡, 姑 年老,朝 欲奪嫁之。 夕養 遺 腹

無兒 + 陳 終見標異。 六,痛夫少 留 息, 董 景 獨 起 守 妻張 貞操, 喪,哀 氏者, 期 傷 以 過 景起早亡, 禮 置 棺 蔬 食長 鄉 曲 張時 齋。 高 又 年

討 隋 尉 大 理 遲 卿 迥, 鄭 力 善 戰 果 死 母 于 崔 陳。 氏。 母 周 年二十而寡 末, 果 父誠

嫁。 輒 以 棄兒 之事,酒 脂 父彦 出 粉 滴 明 門 常常 素 爲 男 睦 教養善果 閶 不慈,背夫 子 欲 心。 肉 服 奪 之 不妄陳 大 内 其 義 違 練。 外 至于成名。 志 禮 姻 且 滅 性 爲 其 戚有吉凶 母 鄭 慈 又節 無 前 抱 君 禮 非 善 雖 寧當 儉, 静室端居,未 自 果 敢 死, 事,但 初 非 聞 幸 寡 割 命。 祭祀賓 有 耳 厚 婦 便 剪 此 遂 加 不 兒 贈 嘗 客 不 再 御

適于 度。 少 軍 韓覬妻于氏父實,周大左輔。 没 無 爲 于 成 嗣 皆 子 躬 覬,雖生長 立 自 手自 身 氏 欲 儉約,宗黨 自 嫁 哀 自 之。 「捧持。 毁 撫 孀 膏 骨 育,愛同 居 腴,家門 誓 立 以 不許 動 敬 後,唯 及免喪,其父 之。 己生 感 鼎 遂 時 行 年 貴, 于氏 或歸 以 路。 訓 + 夫 面 墳 以 孽 每 動 年 有 其 覬 朝 + 遵 方, 幼 世 從 禮 至 勺 几

> 樂,以 朝官 即 之,或爲之泣 之,李氏仰天慟日 氏 負 周 者 于 而 見其婦 卒于官,家素貧 美,表其門 文 其 遺 顧 引斧自 號 此手爲人執耶,不 親 , 送 「,爲 州 天 族 此 迎 人獨 骸以歸。 己 司 之家, 賜 皆 終 户 ]暮,不 斷 間。 身。 藥 不 携一 王 其臂。 下。 封 出 凝 絶 長安中號爲 隋文帝 户 瘡 肯 東過 子 不 妻李氏家青、齊之間。 :「我爲婦人,不能 開 庭 子 去。 而 往 可 卹 路 桂 尚 開 疑 來。 以一手并污吾身。 李 人 尹 聞 蔬 封, 幼。 主 之,不許 見者, 氏 聞 而 食 人 有 「節 止旅舍。 mj 之, 李氏 嘉 布 牽 尊 答其主人。 婦 歎 衣 環 其 白 親 其 間 了, 下 携其子, 臂 聚 其 不 就 宿 守節 主人 事 而 而 詔 省 聽 於 嗟 出 李 凝 聲 謁

家範卷之八終

若此

可

謂

能清潔矣。

遺,皆不詣其家

### 家範卷之九

十八世孫露十九世孫源嵩嶧媛岭岐梓

妻 下

禮自天子至於命士,媵妾皆有數。 詩人美之。 文母十子,衆妾百斯男,此周之所以興也。 夭》、《芣苢》、《小星》,皆美其無妬忌之行。 妃,樂得淑女以配君子。 無之,謂之「匹夫匹 而無傷淫之心。至於《樛木》、《螽斯》、《桃 然則婦人之美,無如 一婦」。 是故《關 慕窈 爽, 不妬 思賢才, 雎》美后 惟庶人 矣。

> 姬曰: 樓嬰。 子,而己下之。 爲嫡子,而使其三子下之。 隗!」及盾來,姬 顧,無禮。 慢故,●無恩。 「不可。 趙 姬 棄此三者,何以使人? 請 得寵 逆 與人勤於隘 盾 以盾爲 與 而忘舊,不義。 其 母 才,固請於公,以 厄,富貴 衰 以叔隗爲 辭 而 必逆叔 好新 不 加 敢 内 不 而

) 「慢」,四庫本作「入」。

宋女宗者,鮑蘇之妻也。既以養姑甚謹。❸

文公返國,以女趙姬妻衰,生原同、屏括

晉趙衰從晉文公在狄,取狄女叔

隗,生盾

八四

遺外 有所 之養 之,表其間 用 以 有 之好,苟以 去 鮑 吾夫固士也,其有二,不亦宜乎 天子妻妾十二,諸侯 党 矣。」 此?」遂不聽,事 居 爲貞,以 蘇 去 室之禮, 好,子何 妻甚厚。 姑 去 以 1,七去 女宗 而 愈 專夫室之愛爲 仕 謹 號 善 自榮,則吾 於 日 留 之道 而 從 因 日 女宗之姒謂 衛 乎?」女宗 反 爲 往 「何故?」 「女宗」。 三年 使吾 一,妬正 順。 來者 姑愈 九,大夫三,士二。 未 而 貞 爲見棄之行, 善 請 知 一爲首。 謹。 娶 (順者 女宗 哉 姒 問 其 Ħ 外 ? 鮑 善 日 宋公聞 妻 ? : 蘇 也。 日 若 婦 姒 婦 焉 「夫 不 . 抗 人 不 且 人 夫 輟 可可 之所 將 教 婦 夫 以 而 人 女 吾 室 既 以 宗 安 專 美

見 漢明德馬 選入 八太子 及 帝 皇 官,接 后 即 伏波 位 常常 侍 將 同 以 列 軍 皇 , 先人後己, 援之女也 嗣 未 廣 (分)每 懷 由 年 此 +

> 賢。 立爲 歎 每 湾薦 加 皇后。 欲專 慰 達左右,若恐 納 寵 若數 自 是知 移 所 0 婦 寵 則 不 引, 不 及。 愈 疏 妬 輒 矣。 ,則益 增 後 宫 隆 有 遇 爲 由 進 其 君 未 見 子 幾 所 慮

有

遠

近

故

也

夫人, 後 自 氏,太原 妃 皇太妃。 位,册尊 後唐太祖 曹氏 生子 謙退, 日 : 相 無 9 願 當 曹氏 子。 人 是 因 IE 太妃往 吾兒享 也。 謂 相 生 室 性 爲 莊 得 一貴子 劉 宗。 賢 太祖 皇 甚 謝太 氏,代北 或 太 歡 不 宜善待之。」 封 無 后, 太 妬 八后,太 窮 祖 曹 晉 忌 而 人也。 氏 一,常 奇 王 使吾 后 以 之, , 封 劉 有 嫡 爲 晉 曹 及 慙 母 而 太 氏 其 國 獲 莊 色。 曹氏 次 劉 祖 封 一夫人, 没 宗 氏 言 秦 妃 于 太 爲 即 亦 國 曹

<sup>「</sup>移」,萬曆七年本、四庫本作「私」。

<sup>) 「</sup>則」,原闕,今據萬曆七年本、四庫本補

母 愛,其送太 妃 哀不飲食,逾月亦崩。 臣交章 及其卒也,又 慕,遂成疾。 地 劉 戀 人洛 以從 陵 后 請 廟, 使 先君,幸矣。 猶 留,乃 人 后往 獨 不 太后聞之,欲馳 欲 迎 留 愠 自 止 太后 洛, 涕泣 晉 况 往 陽。 一葬之。 以 他復 而太后自太妃卒,悲 歸 莊宗以妾母 妾 洛, 太 IIII 事 妃 何言?」莊宗 居長 别, 莊 女 至 與 宗 晉 君 歸 太 壽 泣 陽 如 加於 后 而 宫 諫 視 禮 甚 相 病 者 嫡 思 相 太 滅

乎? 若此, 可 謂 能 不 妬 矣。

並

見

夫

門。

如 時幸苑囿 是,况 臣民之妻乎? 離宫,希嘗 「從行。 彼天子之后 猶

八六

鹿車 漢鮑 梁鴻妻屏綺縞, 宣 妻 桓 氏 い,歸 著布 侍御 衣、 麻履,操緝績之具 服 飾,著 短 布裳,

挽

賜奴 於京 刺史,主後悰 者。 馹吏立 人, ①六七婢, 犬馬,數百人供 歎,許可。 唐岐陽公主適 自是閉門,落 婢,卒不肯窮 師 門外, 衆 因錫其直,悉自 譁 行。 舁 乘 殿中 説 具。 驢 飯 以 然 闖 郡 食 少監杜悰 爲 屈。」奏請 茸、約 不 主至,從者不 縣 以 異 聞 聞 返。 事 人 主 所至不 क्त 聲 且 不 悰 寒 謀 納 數 至, 在 之。 日 賤 悰 日 得肉 澧 過二十 殺 可 爲 間 州 牛 漕 制 E 聞 羊 指 州 所

則婦

人固

以

儉

約

爲美,不

以

修麗

爲美

也

綺

烈,就

視

乃

笑。

后

辭

曰:「此

繒

特宜

染

色,故用

之耳。」六宫莫不

歎

息。

性

不

出

遊

觀,未嘗

臨御

窗

牖,

又不

好音樂。

望

,諸姬主朝請,望見后

袍衣粗

疏,反

以

爲

漢

明德

馬

皇

后

常衣

大練,裙

不

加

緣。

朔

《葛覃》美后

妃

恭

儉

節

用,服浣濯之衣。

然

<sup>0</sup> 通 原 脱,今據四庫本補

彼天子之女猶如是,况寒族乎? 若此,可年,主自始入後,三年間,不識刺史所屏。

脱,視聽陝輸 視門户,此則謂專心正色矣。 視,出無 然所求者,亦非謂佞媚苟親也。 是謂永訖。」由斯言之,夫不可 古之賢婦未有不恭其夫者也。 謂能節儉矣。 戒》曰:「得意一人,是謂永畢。 正色,禮義貞潔耳。 冶 容,人無 廢 飾, 耳無 無 塗 聚 若夫動 群輩 聽, 不求其心。 曹大家《女 失意一人, 固莫若 目 静 無 無 邪 車 輕 看

陝輸,不定貌。

其夫,舉案齊眉。 以冀缺之妻饁其夫,相待如賓,梁鴻之妻饋 道,觀所不當視,此 入則亂髮壞形,出 家人》:「六二,無攸遂,在 若此,可謂能恭謹矣。 則 謂不能專心正色矣。 窈 窕 作 -態,説 中饋。」 所不 是 當

> 之妻可以端居終日自安逸乎? 人能奉祭祀。彼后、夫人猶如是,况臣民絺綌,服勞辱之事。《采蘋》、《采蘩》美夫

之聞也? 母數曰:「魯其亡乎 干季孫之怒也,其以歐爲不能事主乎? 績,文伯曰:「以歜之家 魯大夫公父文伯 王后親織玄紞 退 .! 朝,朝其母。 而主猶績 使僮子備官而 乎? 其 母 未 方

「公侯之夫人加之以紘綖。

者也,●從下而上,不結。綖,冕上覆之既織紞,復加之紘、綖也。紘,纓之無縷

<sup>●「</sup>亡」,原作「忘」,今據萬曆七年本、四庫本及《國語

<sup>2 「</sup>縷」、《國語》作「緌」。

ハハ

者也。

「卿之内子爲大帶,

卿之適妻曰内子。大帶,緇帶也。

「命婦成祭服,

命婦,大夫之妻也。祭服,玄衣纁裳也。

「列士之妻加之以朝衣,

服也。朝服,天子之士皮弁素績,諸侯列士,元士也。既成祭服,又加之以朝

之士玄端委貌。

此可謂能勤勞矣。

自庶士以下皆衣其夫。

庶士,下士也,下至庶人也。

社而賦事,蒸而獻功,

祭曰蒸,●蒸而獻五谷、布帛之屬也。冬社,春分祭社也。事,農桑之屬也。冬

辟,罪也。

男女効績,愆則有辟,古之制也

「今我寡也,爾又在下位,朝夕處事,猶恐

冀而 后猶 伯之絶嗣 易。所作必成,手迹整理。 漢明德馬皇后,自爲衣袿,手皆瘃裂。 曰:『胡不自安?』以是承君之官,余懼穆 忘先人之業,况 「晩寢早作,勿憚夙 爾,况他人乎? 朝夕修 也。 我 有 曰:『必 怠惰,其 夜。 曹大家《女戒》曰 執務私事,不 無 何 廢 是謂勤 先 以 避 人耳。」今 辟? 也。」若 一解劇 皇 吾

至于太姒,其徽風著于經典,●無以尚之。鳴》警戒相成,此皆内助之功也。自塗山鳴》警戒相成,此皆内助之功也。自塗山君子,成其令名。是以《卷耳》求賢審官,爲人妻者,非徒備此六德而已。又當輔佐

210

<sup>「</sup>經」,原誤作「經」,今據四庫本改。

遂復 鳴 周宣 興之名。 簪珥 曰:「寡人不 見君王樂色而忘德也,敢請婢子之罪。」王 ·妾之淫心見矣,至使君王失禮而晏朝, 珮而去 姜后 待罪 一王姜后,齊女也。 故雞 君 而 永 所 勤于政 ·德,實自 巷。 ,禮也 鳴樂擊鼓 使其 事 生過,非后之罪 (傅母 宣王嘗晏起,后脱 早朝晏退,卒成中 以告旦,后夫人必 通言於王 也。」 日 以

有馬 楚莊 日 其聞之者,吾殺之矣。」公子曰 將行,謀于桑下。 蠶妾在其上,以告姜氏 晉文公避 乃不食鳥獸之肉。三年,王勤于政事不倦。 桓 殺之,而謂公子曰:「子有 E 公好淫樂,衛姬爲之不聽。 二十乘,公子安之。從者以爲不可 行也。 初 魂 即 位,狩獵畢弋。 姬之難,適齊。 懷 與安,實敗名。」公子不可 樊姬 齊桓 「無之。」姜 四方之志。 諫,不止 公妻之,

> 願與 答子之家果以盜 謂 陶 與少子歸,養姑終卒天年。 則不然,貪富務大,不顧後害,逢禍必矣。 之,故福結于子孫,名垂于後世。 其不祥也?」婦曰:「夫人能薄 歸休,宗人擊牛 姑怒而數之曰: 歸休,宗人擊牛而賀之,其妻獨抱兒而 妻數諫之,答子不用。 姜與子犯謀,醉而遣之,卒成 子文之治國也,家貧 襲害。 大 夫 少子俱脱。」姑 答 無功而家昌,是謂 子 治 陶,名譽不興, 「吾子治陶 而賀之。 誅,唯 怒,遂 面 其 或 居 母 婦獨 富,君敬 棄之。 五年,從車  $\overline{h}$ 以老 積 霸 年,從車百 殃。 家富 功 抱兒泣 而官大,是 免。 之,民 處 昔令 今夫子 三倍。 期 百乘 婦 泣 乃 戴 尹 何 乘

楚 金 百 E 聞 楚王 鎰 於陵子終賢,欲 往 欲 聘 以我爲相, 迎 之。 於 陵 以 我今日 子 爲 相 終 爲 人 使使 相 謂 明 其 者 持

害,吾恐先生之不保命也。」於是,子終出 者,●何也? 日 結 食方于前,❸ 在其中矣。 肉之味 駟 夫子 連 騎 而 織 懷楚國之憂,其 食 夫結駟連騎,所安不過容膝, 所飽 非 履 方 與物 以 不 于前,0 · 過 爲 無 食,業 治 肉。 乎,左琴右書,樂 子 可乎? 意 本 以容膝之安、 可 唇 乎? 而 亂 無 世 謝 名 憂 妻

事及公 時楚獄 言及政 分解 漢明 彷徨,爲思 使者而不許也。遂相與逃而爲 慮其 德 樂 趣 事 卿 多 連年不 羊 理,各得 馬 濫 多所毗 較 皇 子 所 議 ,乘間言及,帝惻然感悟,夜 一后,數 嘗 納,卒多 斷 難 行 其情。 平 ,囚相證引, 補,而 路 規諫 者,帝數 得 有降 遺 未 每 明帝, 金 嘗以家私干欲 于 宥。 以 侍 坐繫者甚衆。 人灌園。 餅,還 試 執之際, 輒 辭 時諸 后。 意 欵 后 以 將 備 與 奏 起 輒 羊子。

后

歸, 斯織 以至 學。 業,●遂七年不反。 學,當日 不受 乎?」羊子大慙, 曰:「此織生自蠶繭,成于機杼,一 行懷思,無它異也。」妻乃引刀 何 也 于寸,累 嗟來之食, 異 年來歸,妻跪問 斷 知 則 斯 其 捐 織 所亡,以 失 寸不已,遂成 乎?」 羊子感其 成 况拾 乃 功,稽 妻常躬勤養姑, 捐 其故。 就 遺 金 懿德。 廢 求 于 時 丈 利, 野 羊子 月。 兀。 言 若 不 趣 而 絲 Ħ 今若 又遠 中 夫 機 遠 污 復 而累, 道 子 其 還 尋 而 饋 積 久 終 斷 師 而 行

吴許升少爲博徒,不 治操行。 妻吕 榮嘗 躬

本」,原作「才」,今據四庫本改。

妻。

妻曰:

妾聞志士不飲盜泉之水,廉

者

河

南

方一下,四 庫本、《列女傳 》有「丈」。

方」下,四庫本、《列女傳》有「丈」。

相 與」,原作「與 相」,今據四庫本改。

還終」,原作「終還」,今據四庫本及《後漢書》改。

世。

欲以身當之。」乃

且許諾

日 :

日

日

在

新

沐

東

首

個

則

是

矣。

妾

請

開

牖

户

還

其

73

譎

其

夫,

使卧

他

所

因

自

榮,欲 不善, 勤 離二。」終不肯 家 業, 改嫁之。 輒 以 流 奉 涕 養 進 歸。 榮歎 其 規 姑 升 日 榮 感 數 父 激 「命 積 勸 自 升修學, 忿 之 勵 所 疾 乃尋 遭 升 毎有 義 乃 師 遠 呼 無

良佐 宫中,每 唐文德長孫皇后 ,以此令人哀耳。」 能 規 諫。 崩,太宗謂 今不 復聞 近 善言 臣 日 : 内 「后 在

學,遂以成名。

夫而 之父,使要其 漢 此 殺夫,不義。 女計念:「不聽之,則殺父,不孝, 長 皆 無道 以 安大昌 道 徑。 輔 佐君子者也 里人妻,其夫 不孝不義,雖 (女爲中,譎父呼其女告之。 聞 其 妻之孝 有 有 生 仇 義,乃 不 人,欲 口 聽之,則 以 刼 行 其妻 報 其

> 死 洪 仇 果 不可以不歸,願鬻妾于屠肆,以 中食盡 光啓中, 沐,居樓上東首, ,其妻曰 州 人哀 至 一,斷 商 一,人相 痛之,以爲 人 楊行 頭 周 持 迪, 「今饑窮勢不兩 去。 食,軍士掠 密 崖 夫 開牖户而 有義 明而 秦彦、畢 婦 同 ,遂釋,不殺 視之,乃其 在 人 卧。 圃 城 師 全,君 中。 賣 鐸。 夜半,仇家 濟君 其 妻首也 有老母 其 迪 楊 肉 夫。 餒 行 州 道 且 城 有

其餘 衆聚 求去。 信,與共 其夫者,况敢庸 迪,號泣 骸 觀 守者詰之,迪 負 莫 詣 之 不 屠 而 歎 肆 奴其夫乎? 迪 歸。 息 驗之,見其首已在案上。 至城門, 競 古之節 以 以金帛遺 實對。 以 婦 其 半 守者 之。 有 以 不之 迪 狥 收

家 範 卷之 九 终

之資。」遂詣

屠

肆

自鬻,

得白

金

+

兩

賂

守者

丽

别

## 家範卷之十

十八世孫露十九世孫縣嵩嶧孍輪岐梓

舅甥 舅姑 婦 妾 乳母

舅 甥

秦康公之母,晉獻公之女。文公遭驪姬之

物也。」

爲太子,贈送文公于渭之陽,念母之不見難,未反而秦姬卒。穆公納文公。康公時

也,曰:「我見舅氏,如母存焉。」故作《渭

陽》之詩。

梁商者,以爲妄刊文章,坐繫洛陽詔獄,掠漢魏郡霍諝。有人誣諝舅宋光于大將軍

晉司空郄鑒,頰邊貯飯以活外甥周翼。罪,由是顯名。

冤,辭理明切。

商高諝才志,即爲奏,原光

考困極。

諝時年十五,奏記于商,爲光訟

見伯叔父門。 晉司空郄鑒,頰邊貯飯以活外甥B

此皆舅甥之有恩者也。鑒薨,翼爲剡令,解職而歸,席苫心喪

舅 姑

晏子稱:「姑慈而從,婦聽而婉,●禮之善

《禮》:「子婦有勤勞之事,雖甚愛之,姑縱

之而寧數休之。

不可愛此而移苦於彼也。

●「婉」、原誤作「娩」、今據萬曆七年本、

四庫本及《左

傳》改。

九二

「子婦未孝未敬,勿庸疾怨,

庸之爲言用也。

姑教之。若不可教,而後怒之。

怒,譴責也。

不可怒,子放婦出而不表禮焉。」

表,猶明也,猶爲隱之不表明其犯禮之

過也。

季康子問于公父文伯之母曰:「主亦有以

語肥也。」對曰:「吾聞之先姑曰:「君子能

勞,後世有繼。」」

能勞,能自卑勞,貴而不驕也。有繼,子

孫不廢也。

嫁者,不及舅姑,謂之不幸。」夫婦學于舅子夏聞之曰:「善哉! 商聞之曰:「古之

姑者,禮也。」

有婦見舅姑之儀,自近代,公主出降,此禮唐禮部尚書王珪子敬直尚南平公主。禮

等,●行監饋、宣爲身榮,所以承國家之美 等,●行監饋之道,禮成而退。是後,公主 等,●行監饋之道,禮成而退。是後,公主 下降,有舅姑者皆備婦禮,自珪始也。 下降,有舅姑者皆備婦禮,自珪始也。 「降,有舅姑者皆備婦禮,自建始也。 「降,有舅姑者皆備婦禮,自建始也。 「本,会公主親執

婦

内則》:「婦事舅姑,與子事父母畧同。

見子門。

「舅没則姑老,

謂傳家事于長婦也。

「承」。四庫本作「成」。

○ 「笄」。原作「笄」。今據萬曆七年本、四庫本、下文注、

冢婦則祭祀賓客,❶ 每事必請于姑。

婦雖受傳,猶不敢專行也。

介婦請于冢婦。

以其代姑之事。 介婦,衆婦也。

舅姑若使介婦無敢敵耦于冢婦, 舅姑若使冢婦 毋 怠 不友、無禮 於介婦。

雖有勤勞不敢掉罄。

不敢並行,不敢並命,不敢並坐。

下冢婦也,命爲使令。

凡婦,不命適私室不敢退。

婦,事舅姑者也。

婦將有事,大小必請于姑。❷

不敢專行。

「子婦無私貨,無私畜,無私器,不敢私假,

不敢私與。

家事統于尊也。

婦,或賜之飲食、衣服、布帛、佩帨、茝蘭

則受而 獻諸舅姑,❸舅姑受之則 喜, 如 新

受賜。

或賜之謂私親兄弟。

·若反賜之,則辭。不得命,如更受賜, 藏

以待之。●

婦若有私親兄弟,將 與之,則必復請 其

待舅姑之乏也,不得命者不見許也。

故,賜而後與之。」

曹大家《女戒》曰:「舅姑之意,豈

固莫尚于曲從矣! 姑云不爾 而 是,固 宜

從命。 是非,争分曲直,此 姑云爾而非,猶宜順命。 則 所謂: 曲從矣。」故《女 勿得違 戾

憲》曰:「婦如影響,焉可不賞?」 則, 四庫本作「所」。

- 「于」下,四庫本有「舅」字。
- 「之」,四庫本作「乏」。 悦」,原作「悦」,今據萬曆七年本、四庫本改。

可

失

哉?

# 影響,言順從也。

妻 慙 是 紡 母 七 至 漢 者 恐 呼 績 渴 里 庿 久之。 還,恩養 漢 姑 妻嘗 妻 詩 市 姜 哀 奉 責 珍 詩 傷 泝 羞 順 而 不不 姑 妻, 愈謹。 流 遺 尤 怪 使 敢 之。 而 同 篤 間 鄰 言 汲 郡 鄰 母 妻乃 龐 母 其子 而 母 以 後 盛 好 託 鄰 意 值 寄 之 後 飲 以 自 風 女 母 行 因 止 江 具 遺 也 學 遠 鄰 水 不 其 對 木 汲 舍 時 姑。 去 詩 在 溺 得 晝 舍 姑 事 死 感 夜 六 13 如

日: 姑 河 南 妻 嘗 樂 自 對 有 羊 傷 它 子 雞 居 舍 從 貧 不 ,使 雞 學 餐 謬 七 丽 食 年 人 泣 他 袁 不 肉 姑 一站 中 反 怪 , 姑 妻 間 竟 盗 嘗 其 棄 殺 躬 之。 故 勤 而 然 眷 妻 食

爲 謹 後 魏 醖 樂 釀 太 安 爲 部 中 郎 有 胡 京 司 長 所 師 命 禁 糺 酒 妻 張 E 張 氏 氏 以 詣 姑 事 曹自首 老 姑 且 Ŧ 患 氏 由 其 私

則

舅

姑

有

過

婦

亦

可

幾

諫

也

狀 不 私 奏 知 釀 雍 文 張 成 主 氏 義 E 司 而 : 不 赦 之。 知 姑 所 老 處 抱 患 平 張 原 主 王 家 陸 事 麗 姑

之心 然後 異 道 唐 禍 後 刃 相 家 禽獸 赴 鄭 豊宜 往 家 嘗夜有 矣 知 救 義宗妻 人 至 人 者, ! 」若盧 松 獨 問 姑 况 悉 柘之後 生 側 以 在 何 奔 强 盧 爲 其 獨 于 竄 盗 氏 氏 姑 有 不 數十 其 畧涉 賊 凋 唯 者 懼? 仁 姑 而 也」, 捶 有 義 可 每 可 人持 書 擊 姑 云 謂 委 也 幾 史,事 盧 吾 獨 能 棄 杖鼓 氏 今乃 古 至 在 知 鄰 ? 日 于 舅 義 里有 : 譟 人稱『 若萬 知盧 死 姑 人 盧 踰 其 急 歲 所 賊 冒 得 新 垣 危 白 婦 寒 尚 以 去 婦 而

下 詩 嫁 于 何 諸 彼 侯, 穠 車 矣 服 美 不 王 繁其 姬 也 夫, 下 雖 E 則 后 王 姬 亦

猶 知 婦 道 □,□以 成肅雍之德

經手。 此 彼 手一不 奉養 驕。 度。 尚 唐歧 上撫 爲 母懿安郭皇后,尚父子儀之孫 舜妻堯之二女,行婦道于虞氏 ',爲夫者宜棄之,爲 ,乃敢恃 天子之女猶 書杜 婦 蚤 禮 陽 承奉大族,時歲獻饋,吉凶 下,終日 以進。 信宗,逮 十餘年,人未嘗以 姑 夜 者 公主,憲宗之嫡女,穆宗之母 涼 不 其 不 或 解 惕 富 趐 事 既 太 帶,親自嘗藥,粥 不 ,舅姑。 惕,屏息拜 貴 數 夫人寢 而 敢 千人。 以 哭泣哀號,感動他 失 驕 有司者治其罪 杜氏 婦 其 疾, 道 舅 主卑委怡順 起, 絲 大族,其他 比 姑 髮 奈 也。 喪 賻 何 間 飯 同 及 助,必 臣 爲 不 指 家 適 口 葬 ·經心 婦若 民 爲 人禮 也。 I , 妹 之 主 親 貴 奉 宜 部

妾

内則》: 雖婢 妾, 衣服 飲 食 必後 長

人貴賤 不可 以 無 禮

漸, 宜明。 妾事 之,猶當貶 人與 父與子之勢陵慢其女君乎? 丁、傅、●師 抑 女君 寶 禍 后 是 亂 同 以 抑退 猶臣 丹 之 席 「緑 原 劾奏其 袁盎 避 衣 事 也。 。謹 黄 君 裳 引 也 守 或者 罪。 而 0 其 却 詩 尊 皆 分, 主 之。 卑 母 所 况 所 殊 屈 以 敢 董 刺 絶 己 防 宏 挾 其 以 微 請 慎 禮 下 杜 主 夫 節 尊

祀。 也。 衛宗二 靈 順者,衛宗室靈王之夫人 滅 王 衛 死,夫人 君 乃 無 封 子 靈 而守寡 王 世 家 (有 及 使 其 有 其 傅 奉 妾

知 四 庫 本

其奉」,四庫本作「奉其」。 丁」。原作「下」,今據四庫本及《漢

傅妾 衆人 日也。 下之儀,修先古之禮,此 供 節 妾事 日 妾聞忠 夫人欲居外,使婢妾居内,是三不祥 也, 夫人無子而 受三不祥邪? 公 甚便之。」傅妾泣 以 事人,今我無子,于禮斥絀之人也,而 代 夫 :「無子之人,而辱主君之母,雖子欲爾 代,我甚 八人謂 養,固妾之職也,夫人又何勤乎?」夫人 盡 退 謂 我,我 節,是 妾豈敢以少貴之故,變妾之節哉 而 我 臣事君,無時懈惓,孝子養親 傅 傅 内 謂其子曰 妾曰 不 妾 慙,吾 我幸 不願也。 知 事 | 「孺| 禮 夫 婢妾有子,是二不祥也 也。 M 也。 願 人 對曰:「夫人欲使靈 不幸早 子養 出 八 且吾聞主君之母 吾聞君子處 吾終 今又煩 年 居外,以 順 我 木 甚謹 願 道也。今夫人 衰, 終,是一不祥 孺 居 時相見, 一,子奉 供 子不 外 (順,奉 養 m ", 患無 愈 己。 改 不 得 祀 也。 謹 Ŀ 氏 我 ? 故 留 妾 ş 而

> 泣而守之,不聽。 生 難 一,豈若 我,將 欲 守 順 居 外, 而 死 使 夫人聞之,懼,遂許 哉?」遂 我 處 内, 欲 逆 自 也 殺 處 傅妾 其 逆 而

留。 後 唐 終年供養不衰。 莊 宗 不知禮,尊其

尊。二人相好,終始不衰

嫡

母

爲

太妃。

太

妃

不以

愠

太

后

不

敢自

所

生

爲

太

后

而

以

事 見 妻門。

是 亦 近 世 所 難

乳 母保母 附

内則》: 「異爲孺 子 室

特 歸 處以 公處之。 于宫中,

良、恭敬、慎 ·擇于諸母與可者,必求其 而寡言者,使爲子 (寛裕、 師 丁,其次 慈惠、 温

慈母,其次爲保母。 此人君養子之禮也。 皆居子室。 諸母, 衆妾也。

九七

口

慈 者 母, 妻食乳之而已。❶ 傅 知 御 之 其 嗜 屬 欲 也 者。 子 保 師 母,安其 教 示 以 居 善道 處者 者。

他人無事不往

逃。 于稱 請周 子長子括、中子戲 免?」義保曰:「以吾子代之。」義保遂 義保曰:「不死,在此。」舅曰:「何 遇稱之舅魯大夫于外。 義保聞伯 殺懿公而 公子稱。 時號公子稱,最少。 魯太子。武公薨,戲立,是爲懿公。❷孝公 魯孝公義保臧氏。 之處 天子殺伯御,電立 年,魯大夫皆 括之子曰伯御,與 自立,求公子稱于宫中,入殺之。 ,伯御殺之。 御 將殺稱,衣其子以稱之衣,卧 朝周 初,孝公父武公與 義保與其子俱入宫養 稱,爲孝公。 宣王。 知 義 舅問: 保 稱之在保, 遂 魯人作亂,攻 宣王立 抱 稱 稱 死 乎?」 以 以 戲 其二 以 抱 出 得 是 以 爲

> 母曰: 逃。 鎰。 至夷。 子不 何 無 族已滅矣。子匿之,尚誰 亦終不可以言。」故臣曰:「今魏國以破亡, 得千金。 曰:有能得公子者,賜金千鎰;匿之者,罪 秦 我聞公子與乳母俱逃。」曰:「吾雖知之, 恙 攻 1 得。 魏; 魏之故臣見乳母,識之,曰:「乳母 匿之者,罪 乎?」乳 故臣曰:「今公子安在? 一 乳母 破之,殺 令魏 知 倘知其處乎? 而 我不知公子之處。」故臣 母 不言 或 至夷。」公子乳母與公子俱 曰:「嗟乎! 魏 日 王 則昆 一、誅諸、 「得公子者, 弟 爲乎?」母 而言之則可 公子, 無 類矣! 吾 吾聞秦 奈 賜 而 公子 金 日 乳 以 **\$** 千 固

子」,原闕,今據四庫本補

0

士妻」,原作「亡妾」,今據

《禮記注

疏

<sup>2</sup> 是」,原作「長」,今據四庫本及《列女傳》改。 以」,四庫本作「於」。

逃于深 射之。 五 可以 夫凡 亂 死義,乃 十,與公子俱死。秦君聞之,貴其能守 妾不能 吀 大夫,賜金百鎰 也 利 爲 乳母以身爲公子蔽矢,矢着身者數 今持 澤之中。 賞畏誅之故,廢正義 人養子者 夫見 生 以 加 卿禮葬之,祠以太牢,寵其兄 逆 利 令公子禽矣。」乳母遂抱公子 亂 而 ,務生之,非爲殺之也 反上者逆,畏 而 故臣以告秦軍 以 求 利, 吾不 而行逆節哉? 死 ,追見,争 ·爲 而 棄義 也。 党贵 忠 爲 日 者

時喪亂 每 殺,命禁掌之。 唐 。誅死。 保養師 有 初,王世充之臣獨 所 之, 凶 得 子師仁始三歲, 飢 仁,世充許之。 詐 輒 人多 歸 爲 其乳母王 哺 捃 餓 師 拾 死。 孤武 竊 自惟 都謀叛 抱 蘭 世 蘭 蘭 師 英 充 英乞丐捃拾 英 啖 憐 鞠 求 土飲 奔 其 育 自 歸 (幼,不 備 長 髠 唐, 水而 安。 至。 鉗

> 七十餘 五代 王景崇 宜 惠 大梁,歸于益家 己子易之,抱延 有 有 漢 褒 聞 人。 鳳翔節度使侯益 隆 叛于鳳 撫 育 以 益 無 錫 孫 翔 倦, 廣 其 延 ,有怨于益 號, 而 廣 提 逃。 尚 可 携 襁 入朝,右 封 遺 乞食于 褓 言壽 幼, ,盡殺其 乳 永 背 衛 母 郡 路, 逆 劉 大 君 歸 家 以 氏 將 \_°\_ 朝 達 屬 軍

高

祖

嘉

其義,下詔曰:

「師仁乳母王氏

此 鳴 乳 呼 母 保忘身狥義,字人之孤,名流 人無貴賤,顧 其 爲 善 何 如 耳 後 世

1

雖

古烈士

一,何

以過哉

家範卷之十終

九九

附

録

馬 巒 識 語

没 高弟, 慕。 迨 此我遠祖景迂公之所遺 ),隨 日 晚 遊 凡 戀 出 遭 故 太學, 幸 公之書,雖隻字片言, 黨 其 得 生 家 祸 親 司 所藏文正公《家範》示 故 受是 獲 馬 識 又 文公之 書于 内 不 - 翰 得 澶 温 刊 鄉, 也。」景迂 淵 公。 布 春 必 天下 垂 陵 珍 比 髫 晁 收 温 即 爲 面 子 公瑮。 寶 公之 知 僅 温 日 重 世 公 企

俾 後生 録》, 所 觀 平 不 弟 得與《傳家 少暇,躬自校讐, 于《家範》亦云。 迩,事在易,人人親其親,長其 推之天下而 本 知珍 自 其 以 也。」温 各 在 乎。 (爲政 至于 謂 盡 家。 而 守,勿或 小兒讀六經终, 然 其 爰記 祖 兄 哉 一年而 公《家範》之作,蓋 道 集》并行 孫 天下平矣。 家 丽 叔姓 厥 之人誠 漫 齊 昔子朱子 倘 遂致旋乾 但 由 視 其 其字 獲 于世,庶不負爲公之鄉 夫婦 致 于 家 1 遺 編 能父父子子兄兄 可使接 進,勉 姊 則 故 姊娰主僕之間,莫 落 末, ,尊信 轉 謬 達 孟 云。 垂示 坤 誠 之 不 子 圖 或 口 續 温 長,而天下 之 知 E 鏝梓。 我後人, 公《 讀 讀 業,豈 所 而 本矣。 ",仍 去, 國治 稽 道在 使 古 俟 予 無 弟

馬 戀子端甫 嘉 靖 甲 識 寅 孟 春 朔 日 涑 水後 學希迂 生

月

而

始

克

成編。

竊惟

天下之本在國

了, 國 之

適

以

文

務,未遑

手

録,

乃倩

人摹

寫

既

越

守于家

如

此

也。

戀

捧

讀

忻

忭

如

獲

拱

、壁。

00

辛巳 郎 兄子 竟 舉 因 録 白《傳 來 未 》,僅 以 展 是 家 備 春 伋 亦抱志以终。 由由 沙遺 晰 解 盤 進 謁 扈 予 家 又 祖 士,嘉 烾 僅 偕 組 膽 宋 甲第 集 書 自 未果。 數 來 温 下,修舉祀 依, 距 高 湮 慚 奉祀 卷, 宗 公夏 祉 而 失。 靖 起家者若族 戀 積 外,《 以 駕 相 丁亥主事 伯兄 戀 書 人人也。 譜 南 與珍 矧 用 迄隆 不 未 稽古》、《 系 渡 自 成 事 忍 癸丑進 能 計 守 父 浙 慶丁 0 遷 去。 讀, 自公曾孫 (志云。 而 比 祖 來 家 凡 浙 夏, 部 日 寶藏之。 君 卯, 且 潛 垂 + 之 士 怕、 未 Ш 虚 相 有 負笈 1 請 祉 顧 初 陰,子 能 築 登 六 假 日 吏 始携 夫 甫 ·, 正 德 世 守也 間 亜, 於 伏 陥 徽 任 每 奔 弦 臘 侍 恨 旅 伯 率 遽

> 先公也 年, 其 家 乃 豊 陳 計 範 碑 不 述 範家也, 王 先公之亡命,蘇文忠公表 子 碑,以 越旬 作於先公爲 侯 》者示予。 君 邑 **\$** 以 晷 侯以奏最,●奉命 來 若 有 而 友 丽 掩 善,迨 亦 蒞 録 孫 馬 丽 故 没。 樹 而爲子 兹土 篤 厥 物 誼 氏, 欲 昭 隆 且 復 工 比 予誦之愧 削 厥 雲 好 告竣。 所 存。 斷矣哉 歉 世講 金 德。 木 孫 古多 樓 皇 者 行 面 君 审 間,出 以 统 後 事 梓 至 經 當擢去, 亦 鳴 是 間 知 是 爲 而 而 籍,自 熟 呼! 知 其故, 其 以公 始 奸 蓋 未 思 其 交 有 物 墓 昔 之 得 黨 日 所 於 之隐 龜 : 其 者 侯之 ൬ 爲 就 閲 所 而 索 藏 伯 杏 《家 之。 梅 宋 以 擠 揭 師 之 面 兄 顯 温 軒 用 無 其 哲 適 仆之 異, 梓之。 範 於 公 守 公 嗣 文 心 所 逾 固 后 家 與 是 裨 翁 以 賴 而 於 於 重

原 有字, 漫漶不清

附

録

9

春之吉 公著 故 爲子 於後 未獲 其 侯 孫 孫 示人,得無 源 治 命刻 夫 時 世。 孫長 下 讀 也 存於今, 述,其用 亦 門 之意 賜 是 有 而 其功 生 進 書 待 漏 所 計 司 矣。 者, 士 微 於 乎 心 謂 馬 蓋 出 此 ? 陳 人 知 與 積 祉 是爲 俱 身 先公言也。 侯 也 先公積 力之勞不 頓 德者,於此 予曰: 甚 觀 則 首撰 博 序。 禮 微 垂 也 部 世之書 王 積 德 当 萬 已 政 **令** 之意 德 盡 ~ 温 則 亦 此,而 家範》爲子 冥冥之中, 曆 公 或 或 昭 略 十六 乙亥 則 者 未 德 可 以 知 謂 之 遽 見。 世 季 我 是 先 傳 碑

#### 宋 馬 温 业 文正 公家 範 後 序

公爲 也。 先 楷 吾 曾 夏 範,以故先太父企 太 乃 宋 父 太 都 師 諫 梅 司 馬 軒 温 翁 慕 訓 國 温 子 文 公, 弟 正 號 公之 必 希 以 鄉 迁 温

> 君乃 舉。 故其 友善 于 人 岳 是 欲 乃 畀 寶 子 公蒞夏之三年 養之六 告 惡 勉 録 與 貯 後 氏 成 校 出 乃欽崇 圖 以 我 家 于 日 口 年,爲 歸 迨 凡 其 以 以 鋟 所 内 太 . 藏 梓, 翰 獻 父,我 晚 龍 弗 温 姓 藏 書 先哲, 月告 之遠 遊 仰 傳 訛 有 公之書, 靡 諸家塾,迄今二十有七年 而 萬 也。 太學,與 承 温 範 而 力 太父受讀 曆 祖 神 公《家 索 亟 以 何 乃 實未之逮 乙亥,乃 是時 景 君之休命,稽 壽 故。 命 温 書 雖 迁 諸梓。 也? 龍 一公遺 澶 政善 範 隻 先 神 淵 及 字 忻 \* 生 我守 君 書 也。 温 春 片 一受學 民 忭 言 日 : 内 · 陵晁 不 公之裔 而 言, 如 和,百墜 靡 刊之。 翰 越 軒 先 首 吾志· 獲 于 範 内翰 太 暇 必 旬 神 m 拱 温 父棄 日 何 孫 君 珍 叙 而 璧, 也 之 家 陳 具 出 相 I 收

宋」, 原漫漶,今補

災于 哉 則 麻 昔人有是言矣,乃《家 勤 刊之書不得 于温公之梓里,微 傳于今; 啻天 君 又 下,允可範俗。 行 今,義無 也 経 子 矣 命 不 隆 以 布粟,觀于 ? 木、 美 壤 刻 獨 範 言 嗚 今日 之意 爲 吾 可 呼 述作, 書 何 聯 時 爲世 司 夏 幸 ,先太父之藏是書 靡 但 編 微我 也 遍 也。 馬 以 ·有好 此 範 向 縷 耶 上自 氏 範 及于天 昔子朱子稱 法 微 章 而 太父,則《家 其 雖 古 四 者 益 晁 加 我 家 卿 聯 視 方,爲 君子 又 信矣。 氏 贅焉亡補 陳 图 言書靡 之範 士,下逮 編 何 範》之爲 下 小神君 則《家 不 縷 如 不 也, 聖 備 章, 已 幸 我 温公之言如 《範》之 朝 乃若書之傳 也, 則 其 載。 範 耳 而 陳 者 庶 範 書 贅 風 0 功 早 神 其 Ŧî. 而 人,凡 事 化之助 焉 公之 逝 君 用 顧 百 書 之 相 徒 兹 我 擷 載 書 去 不 者 不 不 以 心 補 家 得 桑 歸 奚 加 神 天 古 亦 偉 不 而

> 端。 世 于 躬 曾大父名騤, 之者,希迂子之長孫 寶,字介錫。 逢 地 下 家君名珂 好古君 也 耶 子 1 字 ,字公振 如 予于是乎有 世 晁 我 内 用。 陳 馬 翰 神 化 先 名 君 龍 奉 · 瑮,字 者 大父名戀, 也 神君之命 感 而 君 陳 使 石 神 之 字 而 君 瞑 子 叙 先 名 目

學鳳 巢 萬 馬化龍 曆三年 頓首謹 歲 次 乙亥 書 孟 夏吉 日 禹 都 後

## 新刻温公家範序

達 陳 其 帙 時 (則 者 侍 若干 政 侍御 御 不 先 篇,將 -協,退 朝 公 公固 世 司 一初蒞 遠 馬 以 志 圃 文正公,人物一 人湮,此 夏 在 垂之子孫,世守之,使 著 邑,慕 書立言,緝 天 下 書散逸久矣。 國家者 文正 公爲 有《家範 時之冠。 拽 其 其 遺 鄉 鉅 無 **>** 先 鹿 因 違

0

四

精 世世。 哉! 遭人倫 自 言乎九 復屬 河道 盡 可行之一鄉而 具,自脩齊始 披之,每 既已付 餘,公爲 | 家 節之中 王公大人一行之幾乎道,與夫田 制 而 盡 余取梓而 ,肅紀貞度。 天下皆家也,皆家皆當範 範 語之者靡不詳。 顧 之變者 倫,與夫聖帝 今攷其書,彝倫之道,靡细不載,以 族之間 而鋟之梓矣。 之訂 喟然 其 乎 得 傳 倫 ,其要莫大焉。 興歎曰:「古人治國平天 其訛 而 不 鋟之,將以播之人人而垂之 不 則 止于一鄉之人知 翻 處家 廣 失其 備 自公之暇, 輒取 閲 則 叙 矣。 明王之高 焉 庭之常者自合乎 E 至是奉命巡 其 行 大 上自 不遠, 次,分之爲 蓋 哉《家範 其 收之於散落之 是刻 擇之者靡 聖經賢 踪 於斯 出 退 (也, 豈 所 以 一夫稚 是 視 矩,下 》乎 十卷 也 示 傳 範 册 東 下之 不 子 之 人 也 特 南 而

公之功者哉 天下 學也其志遠。 者以 長,侍御公以 儀 往能 矣,亦知 以是筆之於書,則 化者,皆知所 登于上理矣! 文王之化,泳于《 南》、《召南》,夫子以爲 而 由 誠 範》之係於人也,豈 凛如。 天下 是。 미 道 爲脩身齊家之效,南國諸侯 國家之責者,若知二公垂 使 以 德 平。 爲 所 孟 一家之人其分秩如,其 以 内外由 子》 天 以 同 固 .俗」者 下 脩 是鏤之於 以脩 於乎士君子之在 曰:「人人親 有不出户庭之間 後 於家不出乎《範》, 是,尊卑由 世 身 所 不 取 淺 而 以 出 、版,則 淺 則 正 正 乎此, 貽 乎哉 墻 矣 其 厥 其 [是,親 家。 ! 面 孫 所 親 吾 和 而 ^ 範 當 謀 以 周 而 , 長 大夫被 不爲《 文正 立, 禮 雠 之 疏厚 以 世 也 南 治道 嘉 慎 其 如,其 記 成二 爲 皆 其 則 惠 》,説 斯 **>** 長 功 有 説 公 周 薄 後 是 其 可 以 謂

昌 府 事 萬 馬 曆 平 七 後 年 學莫與 季 夏 朔 齊 H 頓 賜 首 進 拜 士 書。 出 身 知 東

### 温公家範跋

遠哉 耳。 徴命 惟 積 薦簡 復 我 公之意非敢欲 夫四方之未 迄今牧用低績 我 德 者 默 詎 侯 猶 意 而 ,是其貽 翁 晰 侯則 惠 靡 隨 陳 若 敢 取先公所著 佛至。 施 侯 叔 謂 不 梓 獲覩者。 父 來 惠 肖 遺 邑, 以 爲 字吾 自 圃 于我先文正公者爲何 輩 書 廣 範于天下, 及叔父暨晰 浙來夏時, 鸿 分兼養教,即 能 雖 其 邑。 聞 公家 幸 讀 傳, 夫書 淑 有 與 範》鋟之, 凡所以 顧 譽治中 寸躋 以《家範》名,先 遺 其 直欲其 笈置未久, 襲德教 範 功 是編之鋟 實 外。 能 不 存 默 遵 甚 家 用 賉 乎? 成 範 鉅 以 行 如 叨 其 之 于 且 惠 膺 領 初 而 Ť

> 是 自 雖 儷之他鋟爲不侔,尤不 雖持之以復我侯德意者,固 役 謂 今,敢不 之丁 所需 惟 寧 勉 申 俸料之出,所校 竭 飭 駑 吾 力, 家 口 未 亦 不 副 無 竊 將在是矣。 不 先 以牧爱之餘, 附數語 宜 訓 者。 之百 于簡 晰 且 嗣

馬晰頓首謹跋。 温公十七世孫癸酉舉人治下門生司

末云。

一〇五

# 吕氏鄉約

(存目,見《藍田吕氏遺著輯校》)

[北宋] 吕大鈞 撰

#### 童

蒙

訓

〔宋〕 日本中 撰

		慢昉跋	里蒙	里蒙	票蒙	仪點	目	
目		跋 :	里蒙訓卷下	里蒙訓卷中	<b>里蒙訓卷上</b>	仪點説明	Н	
		:	下	中	上			
録						:	録	
			:	:	:	:	型水	
				:		:		
		:		:	:	:		
		:	:					
'		:		:		:		
		:	:	:				
				-		:		
		:	:	:		:		
		:	-	:	:	:		
		:	:					
				:	:	:		
		:	i	:				
			:		:			
		:	:	:		:		
		三六			:	:		
		六	九	四		_		

### 明

東萊先生。 書舍人,後世亦稱 四 一四四 童蒙訓》三卷,宋吕本中撰。 五),初名大中,字居仁, 吕西垣、舍人丈。 號紫微。 吕本中(一〇八 謚文清,學者 曾任中 稱 話

》等。

郎等。 思蔭。 案》者 IE 國歷史上的 鳳台),高祖夷簡自壽州徙開封。 一起,延綿十餘代,出宰輔級人物四人,榮登《宋 吕氏家族是宋代官宦世家,也是理學世家,是 吕氏先世居東萊,七世祖龜祥移家壽州(今安徽 特 授官承務 達二十多人。 賜 進士出 一個傳奇家族。 郎,後 身, 一院等。 本中爲官初受其曾祖父吕公著 擢 歷 起居 官 樞 從吕本中六世從祖 密 舍人兼權中書舍人、中 院編修 父好問定居婺州 官、 職 方員 日島蒙 元學 外 中 金

吕 本中爲 兩 宋之際 江 西 詩 派 的 著 名詩人,詩歌

校

點

説

明

書舍人兼權直學士

解》、《童蒙訓》、《師友淵源録》、《東萊詩集》、《紫微 謙之先路。 爲 定名之作。 追 方面,尤其是理學上亦「所 其學 蹤 黄、 術地位被其詩 陳。 吕 (《宋元 所撰《江 氏 不 僅 學案 名所 西詩社宗派圖》係爲 在 詩 . 歌 掩、吕本中學 造甚高」。 紫微學案》)著 方 面 有 較 清人全祖 高 術實 造 江 有《春 詣 啓 西 詩 吕 望

秋

認

派

術

祖

成 立 條本末,皆 價值不止於訓課童蒙。 教育子弟的「家塾訓課之本」,一度比較風行。 編。」這本書寫作目 餘,中原文獻與之俱南。 本,切近篤實,不累於虚驕,不務於高 老、與諸名勝遊、 跋文交代:「初,舍人吕 物。 身行己、讀書取 《童蒙訓》寫作緣起,據吕祖謙弟子樓 豈特施之童蒙哉! 有稽據。 淵 友、撫世 的,是記載先賢的 源所漸 大要欲學者 如樓昉所説:「書之所載,自 因即曠昔所聞 公以正 酵 者 雖推之天下國家可也。」 物、 遠。 仕州 獻 反躬抑 渡江 長 遠 立言行事,作 孫 縣、 轉 見者,輯爲 逮 由成己以 志 徙, 寸 事 防嘉 朝 循 流 元 廷 序 實 落 祐 定 綱 際 是 版 至 務 爲 之 遺

事蹟史多失傳,賴此 抵皆根 老師友傳 四四 啓迪之資矣。」全祖望說: 庫 中 全 間 本 如 經 授, 總 申顏、李潛、田 訓 目》云 具 務切實用 有 淵 0 0 猶 「本 源。 可 以考見 中北 腴、 於立身從政之道,深有 故其所 學 張琪、 宋故家, 大略。 者 記 讀其《童蒙訓 侯無可 多正 及見元祐 固 論 不 格言 諸 僅 人, 爲 × 幼 其 所 大 遺

箴》而行之,足以入聖學矣。」

嘉定、 孫吕 刊 履詳批本、 本 禄琳琅書 埴守郡,得本於提刑吕祖 喬年「是正而刊之」,是爲善本。 此本由本中從子、喬年祖父大器「手寫 於龍溪, 訛舛頗甚。 本、乾隆間 實出自嘉定本。 1喬年 紹定二本爲底 童蒙訓》,據《四 家 目》及丁 康 藏 王嗣賢影抄 熙四十四年吴 本 爲 丙《善本書室藏 明 底 嘉定乙亥,婺州守邱壽雋以從 本, 以 庫提要》云 本 後 計 宋紹定 重 烈 所 江姚 有 校刊之, 出《 復 明 り影 鳗本於玉山 本,楊以增據紹 氏仿宋刊 後紹定己丑,眉 童 書 刻 初刊於長沙, 蒙 有 志 宋紹定 訓》各 而臧之」,又由 樓 》均 本、 昉 認 所 本、 本 堂。 爲 張 爲 多 山 又 定 伯 紹 清 ^ 本 刊 行 張 定 天

本)等。 彙 本」)、清當歸草堂刻本爲校本,予以標點整理。 重 稱「王抄本」)、影印文淵 宋紹定本(簡稱 原無標題,今擬。 《編本、 刻 本、 其中陶 民國陶 同治二年當歸草堂本、《四庫全書》本、 湘《託 本 明刻 流傳較廣,今以爲底本,用 跋廛 本」)、王嗣賢影 閣《 叢 四庫全書》本(簡稱 刻》影 宋 紹 抄宋紹 定本(簡 定 明 四四 本へ 跋文 影 保 庫 簡 刻 陶 赤

校點者 萬義廣

氏本中居仁

其

志焉

學》、《孟 學問 子》爲 當 以《孝經》、《論語》、《中庸》、《大 本, 熟 味 詳 究,然 後通 求之

做得主張,則諸子百家長 詩》、《書》、《易》、《春秋》,必有得 處皆爲吾用 也。 矣 既自

至孔 無他説,故《詩》、《書》所載,但説治亂大概。 切 子後, 顯 孔子已前異端未作,雖 明 ·, 邪説並 論 語 》、《大學》、《中 起,故聖人與弟子講學皆 政有污隆,而教 - 庸》 皆 미 考

不合,罷去。 IE. 獻公爲 大程先生名顥,字伯淳。以進士得官。 中 丞,薦之朝,用爲 泰 、陵即 位 一,以 宗正 御 史。 丞召,未受 論 新 法

也。

其後,孟子又能發明推廣之。

計 以此。故門人以先生學之所就,以 嘗以董仲舒「正其 命,卒于家。 其 功」爲合於聖人。 其門人共謚爲明道先生。 義 不謀: 仲舒之學 其 利 度越諸子者 明其 「明道」見 (道,不 先生

當時謂之二程。 間,卒于 公同薦,遂得召用。侍講禁中,旋又罷 不中,不復再試。 推明道要,以聖學爲己任。學者靡然從之。 陽,又謂之伊 不復用。 小程先生名 家。 紹聖中,貶涪州。 川 學者謂 先生。 「頤,字 元 祐 之廣平先 初,正 二程先生自 正 叔。 元符還洛。 獻 舉進士, 生。 公與 小 後 司 法,遂 刻 大觀 居 殿 馬 伊 試 温

自 比光大。 程始從周 茂叔名敦 茂 叔 頤,有《太 先生 爲 極説 窮 理 》傳於世。● 之學,後更

0 極」下,四庫本有「圖」字。

茂叔 從時,聞其名,力薦之。 其 解 雖 以啓謝 約,然用志高遠 E 獻公云: 可見也。 自常調 在薄宦 有 除 正獻公在侍 四 轉 方之遊, 運 判官

出

於高賢 無 日之雅

公薦 稱 大臨 之二張。 叔 也。 子厚爲 與 張 子厚 戩 叔兄弟、後來 横渠先生。 篤 天 行 推 ,祺與弟載子厚,關中人。 明 不 一苟,爲 聖學,亦多 蘇 天祺之爲御史,用正 **昞等皆從之學。** 時 資 師 於二 表。 一程者。 程之表 關中謂 學者 獻 吕 伊 其

111

也。

邢 先 論 學爲張、程云。 時,正獻公使入太學,在胡先生席 生鄰 和 大異,首 叔 恕、 齋。 程與横 左司公待制,皆師 以 伊 師 ĬII 渠,從學者 滎陽公年二十一一本作「十九」。 禮 長祭 事之。 陽公纔 其後 既 數歲 盛,當時 尊之。 楊應之國 下, ,公察其 自後學 亦 與 伊 名 寶 其 議 111

者遂衆,實自滎陽公發之也

後二張更大發明學問 行 關 市肆,人皆爲之起。 中始有申顏者,特立獨 淵 源 從 而 化之者衆。 行,人皆敬之。 其

遊, 偉 致恭盡禮。 伊川先 度 伊 高 川 先 識 絶 生嘗識 生 嘗 伊川 人遠甚。 至 楊學 嘆洛中學者弗 關 中, 士應之於江 楊學士是時 關 中 學 及 者 南, 皆從 也 猶 常 未 之 師 稱

子敦名 如邊 之湖 效,不爲 後從學者多爲時 學。 事、河事 安定胡先生之主湖州學也,天下之人謂 臨 虚言 最 學者最 爲高 之類,各 也。 盛 用。 弟 是 時 居 先 蓋 孫 生 先生教人,務有 公莘老 齋, 使學者各治一事 日夕講究。 名覺,顧 實 其

程伯淳顥、張天祺戩等,皆爲 孫莘老覺 E 獻 、李公擇常、 公之在侍從 王正 也,專 仲 以 一時 存、 薦 顯 顧 賢爲務, 子敦 臨 如

有 悔 薦之意。 正 好賢之心 獻 公 既 伯淳曰 薦 常常 替。」公敬 秩,後差改 「願侍郎 節,嘗 寧 百 受人欺 對 伯 淳

不

口

使

少

納

焉

之遽 聞 云: 「惟天子爲能 取筆録記之。 善言,必 滎陽公嘗説 書 楊 加 備 記 十七學士應之樂善少 物 之。 ,惟聖人爲能備 祭 陽 公嘗書 德。」 于 比 應 壁

歸。 篤信 召爲 之辨 之元 立 除太學博 云: 朝,未嘗有求於人,亦未嘗假人以言色也。 如 花間 獨 此 應之盡 校 論 好 楊 應之 書 學, 應 7抱遺 土 之 郎 用 至 出出 以 勁 范 經 嘉 有 死 成 挺 丞 唐 爲 遠 其 都 不 相 不 處 成 房 首 變。 所 堯 士,差强 屈,自爲布 都 舅 得數 即 夫 轉 在蜀 滎陽公嘗贈之以 八萬 薦 運 之朝。 百千遺之。 館 判 人意漢將軍。」應 中官 官 職, 衣以至官於 不就。 满, 其 有屬 自 貧 其 不 成 官 試, 自 能 都 與 詩

> 何 意。 知其 位。 遠有 世》。 受學 方之卦之類,此 其所 南 日,與 方 而 先生既没,其學不傳。 先生既没,元祐間 ·於穆 起?」伊 用 端緒。」震,東方 傳 坤 邵 故程伯淳作 也。 先 北 堯夫先生受學於李挺之之才,李之才 伊 脩伯 天之學,具 111 山 嘗 ĬΠ 同 澤雷 欲 長,穆伯 坐,聞雷聲, 妙用之位 云:「從起 傳其學於 堯 風, 也 夫墓 見 益 水 ; 於《 長受學於陳摶希夷 巽,南 0 火 誌 康 間 處 伊 易 人能 相 云: 節 如 起。 伊 ][ 圖 對 天 方 Ш **>** 知 與《皇 伊 推 地 也 日 即 蓋 其名而 ĬII 定位 其 • 先天 不 不肯 「雷 离. 源 領 極經 乾 流 之 從 其 南

開 闢 邵 至 康 堯 節 時 以 E, 十二萬 當十二萬 四 干 年之中數,故先 五 百 年 爲 會,自 生

妙 明 刻 本、王抄本、 四庫 本本、 當歸草堂本皆作「入」。

0

當 也。 名 雍 堯 字字 時 其 居 中 堯 數 洛陽 夫。 也 亦 四 名雍,❶ 取 千 天 五 一百年 地之 取 數未 黎 中。 民 詳 於 字 變 堯 時 夫 雍 取

學。」蓋 花之次 高下 甚詳。」 之盛 之。 縱 州 欲 惜從之學,則 趙 如 日 長官 傳 横 太 因 趙 數學。 者 時 謂 ,趙守因 守 邵 不 請 也; 康節 章 所 章 康 ,知花之上也; 趙 知 康 中惇 説,乃知花 節 郎 敬 節 先生 見菩蕾而 因言 居 子 先 中 日 謂 康 與 衛 生 厚作令商 者 有 章 章 節 謂 州 學 原,康 E : 進 浴 同 也 之共 章:「須 問問 益 之下也。」章默 知高下者,知 會。 節 淵 見枝葉 人以 「先生洛人也, 矣 語 與之 城,後居 ~! 源 州, 次, 章豪 十年不仕 見根 世之 章 有 而 趙 因 俊 因 知 舊。 橃 及洛中 厚 洛 師 自 從 花之下也。 高 遇之。 陽。 丽 表。 許,議 宦 先 然 下 嘗 知 知 者,知 乃 生 慚 公不 往 花 花 牡 有 游 服 之 口 爲 丹 從 論 商

> 廟,可 言 朝。 當世 舜 也 同 知 明,以行己爲本,不爲空言。 語》、《孟子》爲 右 從皆與之游 圓 者皆 斬 永 則 丘 一范公 虔州 除 州 是 以 年 太學博 無 合祭 郊 觀 遂 彝 五 人 取 德」, 禘 請 + 李 隻 也。 異 天 老。 士 餘 潛 E, 爲 禮 地 則 君 發運使,始深知之,力薦於 監 校 無 昊天 專 舍 君 皆 行 書 泗 此 守七廟,其 疑 行 不 先 郎。 州 皆 也。 有 之 生, 取 僧 學,專 不 成 也。 紹 伽 篤 其 取。 命一, 東 聖 塔 言 行 萊 他言 其 人 中, 以 南 如 自 郊 公 學 七七 經 守, 力求 弗 北 與 簡 祀 廟 書 郊, 知 世之 天 數 不交 叔 而 也。 去 論 父 易 其 地 不

孟 子 君 × 行 如 先 秤 生嘗 相 似 言 以 秤 學 量 者 衆 當 説 以 其 經 輕 書 重 ^ 等 論 語

0

不之許

也

百年數未詳。 名 雍 至 二未 詳」, 其居洛陽,亦取天地之中」。 四 庫 本 作 取當 一堯時 中 數 也 四 Ŧ 五

正也,其不等者,不正也。

之,亦老儒也。 薦,除太學正。 深 每 之交遊 非聖人之言不足治也。 「「博學 不 三年治 取  $\blacksquare$ 而 也 腴 佛 詳説 誠 學。 嘗從横渠學,後從 經,學問 伯,篤實士,東 建 之,將以 然專讀 崇寧 中 靖 初 通 或 經書,不讀子史,以 反 誠 罷 貫,當 間 説 伯 萊 去。 用 約 以 公 君 時 誠 也。」 爲 曾 與 行 無及之者。 不然,日 子 伯 叔 游 如 開 父 叔 舜 不 内 誠 父 遍 爲 明 翰 伯 從 . 孝,山陽人化之。

思,不 邪 其 初 容少偏。 加 學 'n, 不 從 衰。 以 安定 徐 獨 後 積 至 頭容直,心 安定 因 先 仲 誠 胡 生自言:「初見安定先生,退, 車先生,山陽人。小許 具公裳 爲 先 忽 本,積思六經 生 厲 學,潛心 聲云:「頭容直。」某 以 亦 見貴官, 要 直 力 也。 而喜爲文詞,老 行, 又自思云,見 自 不 此 復 牓 不 仕 登 敢 因 科。 進 頭 有 自

博學詳

説之謂

者乎 貴官尚 1 必 遂 用 晨 公裳,豈 夕具公裳 有 朝 揖 夕見 母。 母 先 而 生 不 事 具 公裳 母

善,行 子,猶 子? 未之有也。」」 所善,如此 爲 也,不勞己之力,不費己之財,諸君 己之力,費己之財,如此 日 升堂,訓諸生曰: 君子?」又曰:『言其所善,行其所善,思 先生嘗爲文訓勵學者,云:「仲車先 鄉人賤之,父母惡之,如此 其不善,思其不善,如此而 可 也; 而不爲君子,未之有也; 言其不 父母欲之,鄉人榮之,諸君 「諸 君 而不爲 欲 爲 君 君 子 不爲小人, 而 何 子 不 不 而 猶 爲 爲 何 使 生 其 君 勞 君 可

公云: 傷 州 焉。 道 元符三年, 過 「我敬吕公,以 仲車先 山陽 生 因 滎陽公自 年 出 幾 调 其 市 七 、德齒。 + 橋 和 矣,作《 橋 州 敬之愛之,何 壞 謪 我 墮 居 敬 起 水 》詩 知 而 贈 單 不

時 腐敗,人乘蹉跌,而公晏然無傷,固 公,勿藥有 古人之風。 相其德。 已已。 美哉吕公,文在其 喜。」 惟 賢 詩後 有德, 批 云: 神 相 前 中。 其 日之事 祉 見 有 乎外者, 何 神 橋 以 明 陰 祝 梁

之,語人云:「於「蠻貊之邦行矣」,於吕 見之。」 居陳留 熙寧 , 恃才傲物, 獨 初,滎陽公監 敬 陳 重 留 公。 税 務。 横 渠 時汪 先 原 生 輔 明 聞 之

願爲本朝自重,生民自重

不欺闇室。」 正獻公嘗稱滎陽公於張文潛云: 此 子

不爲 縣 事 動。 ,雅敬愛公。 滎陽公之監陳留税也,章樞密質夫楶知 質夫笑曰: 日,因 「公誠」 厚德可 語 次暴 服,其適 陵折公,公 來

人輝 中動當 元祐 中, 制 祭 陽 詞 云 公在 「道學至於無心, 經筵 除 司 諫。 立行 姚 舍 相

試

耳。

化, 實 「志以道寧」。 書 至於 録。 聞風 薦 紅無愧。 滎陽 建 則薄夫敦。」 中 公自 湛 靖 心若止水、退然淵静。」當時 然淵 國 代。 元 静。 年 詞 豐 云 所 : 居 相 心心 之稷 則 躁 與 遷 道 作里。 潛 禮 部 謂之 尚 作

齋舍。 叔時 遍 歲。 不 三百 實主學,與黃右丞安中履、邢 徧 飯後史書, `雖少 知 遍。 安中方精 滎陽公人大學時,二十一 時安中二十六歲,爲 , 當世時務無不通 每讀 專讀書,早晨 書,危坐 可 誦者百 不 遍 動 ; 齋長。 經書, 句 曉,當世人材 夜讀子書,每 尚 歲 句分 書 矣, 每授 和 和 明。 叔 胡 叔 五 + 先 恕 無 和 授 百 九 生 司

每 句 最 滎陽 下 一字尤要令聲重 公教學者 「讀 書 ,則記牢」。 須要字字分 明, 仍

火,夏月不 正獻 公簡重清静,出於天性。 用 扇。 聲 色華耀,視之漠然也。 冬月不附

范 後 祭 公 陽 内 公 翰 長 淳 壻 夫 趙 祖 仲 禹 長 實 演 公之壻 嚴 重 有 法, 性 酷 亦 似 實 公。 似

滎陽 命之 肅 酒 公諱 公年 坐 肆 E 則 獻 茶 坐。 十歲,夫人 道之 肆。 公教子既 不問不 女, 每諸 閨 有法, 八命對 婦侍 門之 ·得對。 立 正 内 而 諸 獻 諸 舉 申 公, 動 或 子 女少 出 皆 魯夫人,簡 則 人,不 不 有 者 得 法 則從 坐 則 得 謁 范

婦

傍

獻公 祭陽 詩。 公知 生 强 有 性 罷 伯 州 公幼 不 耿 所 IE 謂 强 事 獻 至 介 歸 時 不 有 處 公年三十餘, 京 則 焦伯强千之方從歐 申 荷 能 書 師 召 掇之行,可 室,命滎陽 公與夫 之坐, 請 危坐 伯 强 終 面 人 通 百 日, 切 謂 嚴 公從 判 行, 責 毅 不 仁者勇者 潁 之,不 如 歐 州。 妄笑語。 學 陽 此 陽 焉。 公學。 就就 公 歐 少假 有 也。 其 陽 送 師 每 後 正 文 借 伯 諸 傅 行 獻 忠 IE 0

言 能 而 得 有 中 成者,未之有 伯 强 人 以 其 下 後 内 有 也 無賢 成 父兄 非 偶 外 然 也 無 嚴 祭 師 陽 友 公當

而

國夫 焉 者黑,歐 公。 文正 前 人 E 呼公,謂之 在 輩 公以 獻公年三十 陽 規 廳 永 勸 資 事 叔 懇 後 政 在 切 殿 日 此, 聞 餘 學 出 其 太博 通 於至 「太博 士 語 判 知 誠 嘗 宜 潁 青 近朱 舉 州 頻 州 類 以 近 如 者 调 已 教 筆 此 有 赤 潁 、祭陽 研 也 重 來 近 名。 公 黑 申 復

其子 其子 自言:「有以白 者,可謂自 相 讓 辭曰:「亡父未 不 滎陽公嘗言: 久之,公因言:「 - 肯受。 賊 者也 願 金 召 白 一。」包孝肅 世人喜言 嘗 其 兩 觀 以 寄我 子 此 白 子 事 金委 者死 之。 公尹 二無 而 矣,予 言『無 人也。」兩 尹 京 好 召 時 人に三字 好人」 、民有 其 其子 子

一申 公」, 四 庫本作 正獻公」。

七

八

者,亦 於此 而知之。 口 以 少 愧 矣。」 人 皆 可 以 爲 堯 舜 蓋 觀

羹許 至微 嚴 小 委張公。 少 鍋 母,申國夫 河 每 北 毅 兒輩私作飲食,壞家 釜之類,大不樂。 細 事 更益 不 都 滎陽公張夫人,待制諱昷之之女也。 有 事,教之必 屈,全類 轉 魚 法, 夫人, 張公幼 運 人姊也。 使 肉 亦魯 矣。 不 簡 更 有 簡 肅 謂 進 及夫人嫁吕氏,夫人之 法 簡 一日,來視女,見舍後有 肅公外 法耶!」其嚴 申國夫人曰: 也。 度。 女,最鍾愛。 肅 時張: 深愛之。 如飲食之類,飯 孫 也。 公已爲 如 「豈可 然 家 張 此 居 事 待 公 性 自 使 常 制

已,未 游 耶 相 推 ,嘗訓子弟曰 重。 叔父舜從,既 因思前輩自警脩省如此 能 便合人之理 然某 自 :「某幸得從賢士大夫游 省 與東萊公從當世賢士大夫 所 也 爲, 一,何 才 得 免 1: 禽獣 大夫 之 過 行 相 與 而 過

> 之、田 仲、顧 中、張才叔、龔彦和及彦和之弟大壯 叔、王聖美也。 公交游,則二程、二張、孫莘老、李公擇、王 范蜀 公、 正 誠 子 獻 司 伯、吴 敦、楊 公交游, 馬 温公、王 坦 應之、范醇夫、黄安中、 東 求、陳端 萊公交游 本 中 一荆公、 卞 能 誠、 ", 則 劉 盡 原 田 李 知 甫 承 之, 君 也 也。 君、 行 其 陳 邢 祭 田 顯 陽 Œ 者 和 明

門。 乎無 於禮 云: 最 以禮爲先。」伊 本 也。 善。 「在昔諸 温公作《横渠 張 味。 學 先有所据守。」然則横渠之教,以禮爲 横渠 後 者趨之,世 程 得道之真,死 詩 門 儒, 川 高弟 云: 、先生云:「子厚以禮教學者 各行 哀 「若要居仁宅, 張 詞》曰:「教人學雖博, 濟其美。 其 繹 志。 其乃 思 叔 或得 作《 已。」「或得 獨 吾 伊 于 先須 先 數 川 生,淡 祭文》 ,或觀 人 禮 要

<sup>「</sup>簡肅」,原作「肅簡」,今據四庫本改,下同,不出校。

數」,蓋指康節。「或觀于禮」,謂横渠也。

從來。 仲 者爲學,雖同尊聖人,所因 以 苨 授孟子者爾。 況 ,其傳可見 獨先生之學爲有傳也。 後 道 此 作 Ŧ 邵 餘 康 者 歲,師 節 ,惟曾子所以告子思,子 其餘 墓 誌 道 門人,各以己之所 云 不 而人者,門户 立 「昔七十子學 學者 先生得 莫 之於 則衆 知 思 所 宜 於 無 加

用

處

矣。」 若 有 而 先 所 先 觀 生 因 生 然 醇 此 之 而 而 誌 人 一不雜,汪洋浩大,乃其 渞 名其學者, 豈所 者 文,明 就就 歟 所 道 至 語 所 而 成 以 論 德者, 處 之, 謂 康 門户 可謂 昔 節 所自 者, 雖 難 安 **一衆**,各 其 [得者 無 且 居。 成 餘

有端

緒。

今穆、李之言及其行

事,概

可

見

矣。

李挺之,挺之得之於穆伯長。

推其源流,遠

須 先 誠 李公擇 實 尚 只 書 如 書 嘗 帖言語 與 祭 陽 之類 公諸 不 賢講 情繆 行 敬

藴

而言褱曷,須盡去之,以立其滅。盡須削去。如未嘗瞻仰而言瞻仰,未嘗:

渴

經中 言懷 道 伊 ĬII 理 渴,須盡去之,以 一受用。 嘗言 「今僧家讀 儒者 讀 立 書,却只 其 卷 誠 經 閑 ,便要 讀 Ź 卷

果能 習不 觀之,前輩所以自立,非 不動 . 動 顧 心。 公子敦 則必自知 事 緒之來,每每自試,久久之間 内 翰嘗 曰:『我不動矣。』」由 語 徒然也 東 萊公云 「學者須 此

京師 也。 行己如何,云: 己之力量進 養學術。」 此聖學也。」紹聖中,顧公子敦被 ,東萊公與 陳瑩中右司嘗言: 否。 「守至正 叔父往見之。 《易》 日 「學者須常自 以 『或躍 俟 天命,觀 子敦 在 淵, 再 試 時 三講 謫 自 以 試 過 觀

師 事 司 劉 馬公,從之者二年。 公待制器之嘗爲本 中 臨别問 言: 小 公所 時 就 以 洛 爲 中

方 今劉 北 召司户者,謂曰 以 日 無 待少異,我已自不喜,況今召我至堂中,人得 贓汙 衆,器之不以爲 州司 問孔 召器之至驛舍堂中,器之心不喜 官吏畏之。 始。」器之自此 學之道,公曰: 知器 實 京 相 疑 有 問。 我 司 于 不 法。 子曰:「請 之長者。 , 倉 法 ,轉運 贓,而我不以誠告,吾其違司馬公教 乎!」吴因 知。」吴因 言 何不以誠告?」明日, 旲 庫不 吴與 阚 守禮 使者, 專守此言,不敢 無 「本於至誠。」器之因效顔子之 一人訴爾有 喜。 如法,必 間 然器之心常不自快曰:「司 之。 不悦。 爲 器之尊人有 問問 其目。」公曰:「從不妄語 吴親 河 司 一日,有人告磁州 姑 北 户 案 去,且 至 轉 曰: 贓 磁 無 "贓,本 運 汙 州, 疑 使,嚴 失 舊 與 謹 吴閲 如 日 也。」於是 墜。 公公 一, 相 欲 視 欲 何,器之對 按 「常時 有 倉 來 視 明 待 後 契,所 庫 守法, 案 倉 其 司 頗 任 庫, 爾 事 衆 俟 户 相 異 磁 寶臣 足畏,惟思索尋究者爲 無不 善稱 明 寧 後

乎?」後因 意方釋然。 讀楊子云「君子 「言不必信 一, 如 避 此 礙 而 通 後 諸 可 理 然

輩當今所宜 所,而後已也。 言元祐間 務合道理,毋 少 初,與 蓋惠穆公也 允當。」器之因 比, 停事,每事之來, 器之嘗爲予言:「當官 陳 遇 ,嘗謁見馮 事 暘叔、吕 致 使偏 之來, 力,二字不 事經寶臣 重 極言: 「實臣 迎 當世 미 刃 必 也 宣 同 미 處 而 稱 『稱停』二字最吾 微。 任 不詳思熟講 畫者,人情事理 解 處 夫 停 樞 是 事 輕 當世言: 密。 之謂 加 重,令必得 須 吕 權 寳 暘 中 輕 也。 臣 叔 重 尤 聰 熙 因

楊應之學士言: 「後生學問, 聰

可

要,

明强記

高才,能文章,三不幸也。」 科,一不幸,席父兄之勢爲美官,二不幸 伊 川先生言:「人有 三不幸 少 年登 +;;有

户

以道 長,必日 訓 沂 戒子弟。 世 某 故 姓 家 皆 第 惟 有 幾叔若兄,諸姑、尊姑之夫, 晁 法 氏 度。 因 以 羣居 道 申 相 戒 處 子 呼外 弟, 姓尊 非 能

也。 敢 必 呼字也。 某 其言父黨交遊 姓 姑 當 夫、 時 某 故家舊族皆不 姓 小必 尊 日某 姑 夫。 姓 能若是。 幾丈,亦 未 · 嘗 敢 未 呼 字 嘗

良 等,則必 其言前 佐云。 如 頃 稱 見 輩 器 斥姓名,示不敢尊也, 此 陳 與公之 之則 皆 瑩 미 中 曰 以 與 交 待 爲後 關 遊 制 止 必必 劉公之類。 生 叔 法 沼 平 與 闕 如 滎陽公書 書 日 其 <u>二</u> 游 某 與己 酢 公 問 某 謝 同

得

心

齋

得。 天 也。」才叔之學蓋 「君子創業垂 張才 叔 庭 堅 專 一統,爲 務以直道 主於此 可繼 也 進 0 退,不 若 夫 成 求 功 苟

勇 不 + 可爲 不 張 忘 思 喪 叔 其 因 元 讀 孟 慨 子 然 》「志士 有 得 不 蓋 忘 能 守 在 此 溝 壑 則

> 會《爾雅 《儀 禮 後 等 生 訓訓 學 學 詁等文字,然後 ', 洒 問 掃 且 須 應 理 對 會 進 ^ 可可 曲 退 禮 之 以  $\approx$ 語 事 ^ 上、一 及 少 先 儀 下 理

成。 也。 學 ıllı, 不 上 孰先傳 如 達 此 自 焉,孰後 則 此 是 脱 躐 然 倦 等, 有 焉」,不可 犯 得 自 分 陵 然 節 度 察也 越 終 不 諸 能

若 相 如 吕 與 止 類 叔當作 俳 惟 詩 有 日 一、「文 孔 門 無 如 元 事 凱 徒 只 稱 傳 癖 顔 氏 賦

篇矣。」 詩 横 渠 楊 丈 ^ 讀 中 詩 立 云 **>** 詩 : 云 知 . 此 詩 置 則 心 口 平 以 易 讀 始

尊 子 持 中 清 國 紅妓對 往 嘗 訪 韓公持國 坐 戲 之。 焚 西 作 香 …曛。 詩 時 范使 維 示 范 二公云: 閒居潁昌,伊 右 君。 丞彝 顧 叟純 我 閉 未 ĬП 門 能 禮 讀 先生常自洛 亦 忘 世 易 居 味, 》程夫 潁 緑

知

百

元祐間 龔 殿 愈判 院彦 瀛 和 州, 夬, 與 清 弟 大壯 介 自 立,少 同 行。 有 大壯尤 重 名

及也。 見。 早卒,雖彦和之弟,實畏友也。 大壯力勸其兄早求罷,彦和遂去。 間,其兩句云: 日 特立不羣。 見兩襲。」近日貴人如曾子宣之能下士,亦難 ,徑過彦和,邀其弟 即爲 紹聖 置酒,從容終 曾子宣帥瀛,❷欲見,不可得。 中, 「自慚太守非何武,得向 彦 和 爲監 出 日 察御 乃去。 不可辭 史,未 也,遂出相 因 大壯不幸 題 能 詩 河 去。 間 壁

君,可乎? 京師 弟請 虔州人,而 質開 先往,君行問其故,曰:「科場近,欲先至 李君行先生自虔州入京,至泗州。 対対户 貫開 寧 緩數 籍取應。」君行不許,曰:「汝 封户 年,不可行也。」 籍。 欲求事君,而先欺 其 子

公曰:「取之傷廉,與之傷義。」 正獻公幼時,未嘗博戲。人或問其故,

滎陽公嘗言:「孫莘老、李公擇之爲友,

友也。」

人自别。蓋漸染使之然也。人豈可以不擇 滎陽公嘗言:「所在有鄉先生處,則一方

鄉就士哉!」

世,方成就 多少事, 豈 見正獻公。滎陽公因爲公言:「叔獻 清獻。」正獻深不以爲然,云:「趙 侯叔獻者,少有聲名。 如 可便比前輩!」既而叔獻 此。 作「方做到 此 熙寧初,屢來求 地位」。 清 獻 果 後 自 可 八建水 生有 比 守 趙

姜潛至之,仁宗朝老儒先生也。不喜人

事求進。

❷ 「帥」,原誤作「師」,今據四庫本、當歸草堂本改。❶ 「夬」,原誤作「夬」,今據四庫本、當歸草堂本改。

作 詩,云 「招悔吝,損心氣。」

之盛 ,嘆曰:「三代威儀,盡在是矣!」 明道先生嘗至禪寺,方飯,見趨 進 揖 遜

歐

簡也。 能 前 其問答當否, 講究,望其 公所獎進,年纔 矣,位爲執政。 對不中正獻之病。 日 太僕寺丞吴公傳正安詩己之所宜修, 畫 也 「毋敝精神於蹇淺。」滎陽公以爲傳 風 正獻公爲樞密副使,年六十餘矣。 本中後思得 俗 純 切 磋 而 , 當時 不言下問 後來 三十餘。 習與性 正 正 人士皆 獻清 獻 所 問 爲 無 而 傳 浄不作 成,不以是爲 也。 正獻公之難 公見之,猶 師 正 尊之。 一時,年 滎陽 爲, 公獨 傳正 六十餘 患 傳 嘗問 正 相 於 難 太 之 蓋 論 與 正

正 獻 公每 時 節 必 間諸 生有 何 進 益

公,至客次,與叔 滎陽公嘗言: 祖 少時 商 議 與 見 叔 の歌 祖 陽 同 公叙 見歐 契分、求 陽 文 忠

> 受拜,如當子姪之禮。 納拜之語。 陽公禮數,乃 及 見 知吾輩 歐 陽 公退 公, 不如前 既 而 叙 謂 輩 契分, 遠 叔 矣。」 祖 日 即 : 端 觀 文

童蒙 訓 卷上

'補。 原 脱 今 據 明刻本、王 抄本、 四 庫 本

草堂

0

## 童蒙訓卷中

吕氏本中居仁

數日,或月十日,其 重先後之序,如天之四時,分毫頃刻,皆有次 如是分别長幼,何也?」公曰:「不特聖人 此是物理自然,不可易也。」 本中嘗問滎陽公曰:「兄弟之生,相 爲尊卑也微矣,而聖 人 去 直 直 或

序。

等書 藥,如 增苦。 書,而 衣裳寒熱之類,及常所服藥、常所作事 便之道。只如 理中圓之類。 滎陽公爲 病者取牌子以示 養疾者乃問 故公嘗教人,每 人人處 病中風 常所作事,如 所 事,皆有久長之計, 欲,病者 人,口不能言,手不 人, 事作 梳 則 頭、洗手之類及作某親 既 可 牌 減大半之苦。 不 子, 能答,適 如 常所服 求方 飲 能 足 食

凡 公爲人處事,每 如是 也。

道。 至,民間假貸供張之具 如 王 尚 河 書 朔 敏 舊 仲 日 古 北 使 每 經 至 事 由 煩 必 州 擾。 爲 郡 人 敏 每 求 仲奉使, 北 方 使 便之 將

復假貸之擾矣。 置 即 什物,儲之别 言之朝,乞令河朔人使經由 庫,專待 王公臨事,每如 人使。 處皆支官錢 此 自 也。 此 河 朔 無

職 薦,以爲後生之戒。 或譏其不求知者。 事,其他不敢不慎,乃所以 滎陽公與諸父自少官守處,未嘗干人 仲父 仲父舜從守官會稽,人 對 詞 求 甚 知 好,云: 也。」 「勤 駆 於

有 事 IE 善惡, 未 得 失, 至,後生敢略議及之者,必 本中往年每侍前輩,先生長者論當 文字 是是 非非, İ 拙 及 無 漢 不 精盡 唐 先 儒 作 至 解 於 色 釋 痛 前 松平 世 裁 輩 義 或 行 抑 邪

四

辨

曲

直

一不屈

,得罪去。

劉丈跂斯立、蹈

斯

子夷 之, 祥符 官當 用。 不如一 者。 教授 以 知。 既行,即致仕,不出者幾三十年。 名恕,字處厚。 官,罷任,當改官。 任 風, 嚴 公倍,本 ,其於褒貶取予甚嚴,故 ,故凡後生嘗親近此諸老者,皆有 無浮薄之過。 近年以來,風節不立,士大夫 卒不 尉 ',忠宣公之子。 ,學制既 楊十七 入遠,不肯用父 百 日。 中 ·改官。 當紹聖初, 猶及 先 學 夏侯旄節夫,京師 朌 儒 士應之兄 崇寧 即即 與之交。 浮湛 得 前輩士大夫專 失, 以舉將一人安惇也 日尋醫去。 ,初,任 與中 恩 忠宣公當國 京 前 例,卒授遠 師 弟、晁丈以 貴 崇 輩 其 荆 至死 是 人争打 寧 所 南 人。 非 初, 後任 立 知 不 以 節 子 范丈 豈 地。 縣。 召 年長 實 屈 風 道 量 夷 西 後 任 操 有 敦 節 規 一地界, 不不 後 是 厚之 IE 京 諸 本 過 新 唐 生 爲 矩 爲 時 平 丈 ·肯 幕 人 法 州 H 中 最 所 己 過 復以

此爲貴矣。

人。 行,皆 士, 仕 皆卓然自 江革信民,政 州 欲漸 州 縣, 丞 郡 自 相 用之, 欲 立 處 莘 以 一時,不愧 和 約 老子, 八 竟辤 間諸 甚。 行薦 不受。 公熟聞 登 人 不 高 古人。 堅 却之。 科。 知 【其名。 謝 其 逸 以 爾 爲 文 無 來 凡 宰 除國子 逸 學 流 此 相 諸 知 臨 也。 博 Ш

遣。 官嘗 衆方欲白公所以,公佯驚曰:「某忘記早來某 日晚見,公議急事,乞召幕官。 宴, 選方是作官, 如 同官皆欲譖之,慮公不聽 此 白 如是數 韓 某 魏 公留 又 早 年,使臣 嘗 出 守北 見 久 久留 使 親 京, 怨公不遺 公門,止是奴僕耳。」公 識 使 有幕 矣。」 臣 求 官 其 ,則白公:「某 去參選,公不 每 寬大容 久之不 日 夜 必 相 人之 出 約 遊

) . 「抑」,明刻本、王抄本、四庫本作「折」。

也。 數十兩,置懷袖 笑,屏人謂曰: 吾所以不 遣汝者, 「汝亦嘗記某年月日 中否? 正恐汝當官不自慎 獨 吾知之,他 私 竊官 人不 知 銀

必敗官爾。」使臣愧謝。 此 公之寬弘大度,服人

如

畏死 言 成風 叔。 「常人所 崇寧 也。 ,遂畏死 止 叔 稱 初,本中始問 凡 楊先生學有自得,有力 如 以畏死者,以 耳。 此,皆 如 習俗皆不 講 楊 學 中 世人皆畏死,習以 未 文 明,知 畏 先 死,則 生於關 之未 量。 亦 至 不 嘗 止 説爲!

如 趙丈仲長諸公都無此 ,楊公應之、李公君行諸公都不做衆人做底 東萊公嘗言: 「凡衆人日夕所 話 也。 衆 人所作之事 説之話, 如

圃

然。

李公公擇每令子婦諸 女侍側,爲 ?説《孟

子》大義。

也。」

詬,不足以爲 唐充之廣仁 人, 聞 每 人 稱 密論,不 前 輩 説 : 能 後 容受 生 不 mi 能 輕 忍 洲

之者,不足以爲人。

而後可 陳公瑩中,閩 以有爲。 人也,而專主北 南人輕險易變,必不 人。 以 可 北 以

有 爲。

待制叔祖都不説夢,云: 「既妄也、 何 用

凡 省。」●又言: 坐起等處 明道先生嘗語 並 「某常愧此 貼一 視 楊丈中立云: 民 四字。二 如 傷 明道先生言: 四 某 字,要 作 縣 時 處

觀

也。 「人心不同,各如 至於公,則不然。」 其 面。 所不 同者,皆私心

逆,若有 陳公瑩中言:「人之爲惡,雖 一念悔心,使臨 刑之際, 説我悔 至於謀反大

時」, 四庫本作「常」。

0

便須赦他,便須用他。」

分,亦貴賤壽夭之所由定也 重 氣 疾徐足以見之矣。不唯君子小人於此焉 象 好 祭 陽 時 ,百事是當。 公嘗言: 「後生初學且 氣象者, 辤 須 理 令容止輕 會 氣 象。

器之號 不 意。 如歐 從,不加 來。 然聽言之際,亦不可不審。若 陽 當 叔 陽公嘗言:「朝 而 考覈,則是信 世 劉 酮 一賢者,猶羌誤如此 器之乃攻叔 最 爲 静 默。 讒 廷獎用言者, 、弼,以 用譖,非 自 IE. 爲 獻 況他人乎 當 奔 納善言 競 或 事 固 常常 權 事 是 門。 也。 患 聽 美 f 後生法。

以此知聽言之道,不可不審也。

夕在 楊公事 外 演,公之長壻也,時時自汝陰來省公。 弟楊公諱 公側 崇寧初,滎陽公謫 公如 公疾 親 瓌 兄 實 病 (,亦以 , 趙 趙 公 居符 公執 事 上 公公 書 離。 藥 如 謪 牀 嚴 監 趙公仲 下, 父, 符 離 屏 兩 公之 酒 氣 長諱 人 税。 問 H

> 其尊之如 與公子弟及外賓客 及公之子孫 疾 節、黎介然確、汪信民革,時皆在符離 實,動法古人。兩人皆一時之英也。 公慷慨獨立 陽公中表惟楊氏兄弟 疾,未嘗 内兄」,或 病, 少間 不 此。 日 則 移 一,於當 游焉。 「侍講 必來見公。 時 楊公與他 也 世 未 語 亦一時之盛 未嘗 公命之去, 盡事親事長之道 ,但稱滎陽公曰「公」, 人語 嘗敢 少屈。 而 退從楊 ,稱滎陽公但 字 也。 稱 趙 然 後 也 公謹 公、 趙 饒 去。 公每 趙 可 蓋 每 德 厚 祭 操 篤 楊 公

人。 嘗爲本 及筍乾、蕈乾以待賓客,以 人或問之,云:「不 孫 徐仲車 滎陽公爲郡 中言 丈 元 忠 先生畜犬,孳生 「某嘗 學士 處,令公帑多 朴, 對侍 忍使其母子相 正 講譏笑程 獻 減 至 雞 公 蓄 一數十 鴨 所 鰒 等 薦 魚 E 生命 ,不肯 舘 叔。 離 諸 職 乾 也 也。 與 物

説,只 日 揀他疑似處 講 責 某 云: 正 非笑他,何也?」某因 叔 有 多 少 好 事 公都 釋 然 不

心服。後不敢復深議正叔。」今世之士如孫言。其有吳子原三等有有也。其是和蔡

滎陽公嘗言:「少年爲學,唯撿書最有丈之服義,亦少有也。 侍講,謂滎陽公也。

益。才撿,便記得精,便理會得子細。」

又嘗言:「讀書編類,語言相似者事做一

處,便見優劣是非。」

蓋自攻其己惡,日夜且自點檢,絲毫不盡,不榮陽公嘗説:「「攻其惡,無攻人之惡。」

慊於心矣。豈有工夫點檢他人耶!」

詈? 何者爲辱? 自無忿怒心也。下焉者之?」公曰:「上焉者知人與己本一,何者爲或問滎陽公:「爲小人所詈辱,當何以處

若是答他,却與此人等也!」如此自處,忿心且自思曰:「我是何等人? 彼爲何等人?

必

自消也。」

更無含蓄。 祭 陽 公嘗 説 學者讀之,更 王 介 甫 無 解 經 可 以 皆 (消詳) 隨 文 處 生

更無可以致思量處。」

義

職當爲善。」

田

誠伯

常力

| 闢釋

氏

輪

迴之説,日

童蒙訓卷中

一八

吕氏 本中居仁

説: 頃 以己所自親者也。」此 良農、工女也,以爲 親耕以共粢盛 不可委之使令也。」嘗説: 刻 「爲人子者視於無 離 滎陽公嘗言: 親 也。 一、王后 事親 「孝子事親,須 如 人 親蠶 之盡 天,頃 説 形 也。」 ,聽於 最 以 「《穀梁》言 事其 盡 共祭 刻 事 離 無聲,心 親之道。」又 祖 服。 親,則 事事 禰 0 或 一天子 躬親 未 非 有 不 嘗 若 時 無 地 而

子怒一 法敗衆者,亦未嘗假借。 訴之官。 范文正公愛養 廳 公即追士子,致之法。 妓, 以 甆 瓦 七世類 剓其 (
)
無 嘗 面 帥 所 涅之以 陜 不 杖之曰:「 至,然 西, 日 墨 有 有 亂 爾 士 妓

童蒙訓卷下

而

違天。

天不可

'得而

違

既壞人一生 事之當 却 當壞 爾 生也 人 無

不

服

處

此,不止養生也。 慎 坐 壁上,修養家以 ,常令有餘,持身、保家、安邦之道 滎陽公嘗大書「治人事天莫若嗇」於 老子之論,亦當於理矣。 此 爲養生要術。 然事 不 越 事 所 於 保

則盜 之盜 顔子 而 矣,而食非盜 歐之不出,喀喀然 食爱旌目,爰旌目 焦伯强千之先生嘗稱東漢 滎陽公不以爲然。 也。 以人之盜因 遂伏 義 不 食其食,「 而 《列子》 死。 狐 謂 節, 稱 食爲 父之人 兩 狐 手 盜 據 父 至

苟 禄。」大抵居困 居 權 易》 寵 日 擁 一一君 富厚,鮮有 否之世,惟 子以 儉 不 貧 德 及者。 與 避 賤 難 則 不 季札謂 可 可 以 築 晏 以

不敢食,是失名實者

也。

0 桶」, 原誤作「穪」,今據四庫本、當歸草堂本改。

九

之難

大氐

春

秋

之世

以

無

邑

| 與政

爲

可

以

言

平

仲

子

速

納

邑

與

政

無

邑

無

政

乃

免

於

者。

晏子

因

陳

桓

7

以

納

政

與

邑

是

以

免

灓

高

以

他

如言二 規 張 我 良 説 民 如 漢 不 此 祖 可 逞 詐 之 類 秦 度 卒,大不 不 全 可 無 改 君 類 子 又 子 氣 日 房 象。」 子 平 又 H 寧

師 世 家 外 家 高 法 祖 善者 侍 郎 以以 晉 陽 遺 王公諱 子 孫 子 融 嘗 編 京

誌 亦 樂 取 取 前 其 諸 輩 行 人 嘗 事之 以 有 爲善之義 編 善 類 者 或 别 朝 也 録 以 出 來 之, 名 臣 以 行 自 狀、 警 戒 慕

公以

爲

忠,

而

有

寵

衛

與公

孫

免

餘

邑

六

+,

雅

邑,

辤多受

少。

與

子

尾

邑,

受

而

稍

致之。

益

之以邶殿

乃足欲。

足欲

,亡無日矣。」與子

日

「慶氏

之邑

足欲

,故亡。

吾邑不足欲

也

與

晏

子

邶

殿

其

鄙

六

+,

卒

不

受

也

所

爲

辤

「甯

子

唯

多

邑,

故

死。

臣

懼

死

之

速

及

也。」公固與之,

一受其

半。

鄭

子

張

有

疾,

歸

邑

.

京 師 曹 氏 諸 貴 族,卑幼 不 見尊 長 日

敢相 矣。 郡 州 往 守, 見。 韓 既 未 元 不 符 原 至, 至, 敢 既原 伯 末, 屋 先 往 III 見 窄 叔 遺 伯 先 祖 陋 X 與公俱 貶 是 待 甚 賃 道 時 制 屋 州 更 復官 公 兩 益 公以 皇 坐 間 内 即 元 間 . 徙, 俱 位 祐 時 在 黨 Ē 公 原 以 謪 亦 公 伯 議 先受 狀 挈 褒 貶 不 家 用 申 道

亂 以 破 在 吾聞之: 後亡。 富 世 也 自 國者之至戒 全 而 敬共 一之道 此 生於 使 皆 鰮 事 古人 亂 官、 可 君 世 以 也 與二三子。 薄祭。」 辤 貴 爲 尊 而 萬 居 能 世 盡 卑 貧 貪 歸 冒 辤 生 民 其 不 富 在 無 餘 厭 居 敬 求 邑 以以 貧 戒 焉 曰 不,不 致 處 口 必 拜

滎

陽公嘗言:

子

産有

數

事

失

君

子

氣象

也。 往見公,亦不 前輩慎 事 如 敢與相見,以爲未受復官命 此 ,其亦 能 遠 旤 矣。 然 且 不

免,則亦命也

爲 處,終日默 罪 子由崇寧初居潁昌時,方以元祐黨籍 深居自 坐。 守, 如 不 是者幾 復 與 十年,以 人 相 見。 至於没。 逍 遥 自

亦人所難能

也

羸馬 不交人物。 ,所至從容。 崇寧間,張公芸叟既貶復歸,閉門自守, 時時獨遊 飲食 Ш 寺。 淡 芒鞵 麫, 道 更無 服 他 跨一 物。 待之者,欲以堅其意也。 成就人,委曲

人皆服其清德,後生取法焉

當世 詣 疾 及 司 公 病 時 寓 謝 一,以 事 宿 方愈,爲作《麥熟》《繰絲》等曲詩, (寧間 者。 州 且 諷 皆 止饒、黎諸公。 ,饒德 滎陽公聞之,深不以爲然。 論 和 文 公詩,如公之意。 會課,時時作 操節、黎介然 諸公得 詩, 確 汪 詩 自此不 亦有 慚 信 懼 歌 時 略 民 復 革 澽 詠 公 詆

有前作矣。

肯進。 稱之。 諸公貴 然亦不 頗厚待琪,禮遇獨異衆人。 張 能 琪 蓋琪之爲人,賢而 人數欲 擢第後,守官衛州。 曉獨 ■美,●京畿 招 異之意。 致之, 琪感陳 人。 崇寧 差弱。 久遊 琪深感公以 陳 間 公瑩 公見待,終不 太學,諸 ,琪官宿州 陳公所 中爲郡 意, 生多 以 異

之病。 因循苟且而致然耳。 劉器之論當時 大氐承平之久,人皆偷安畏死辟事 人物,多 云弱,實 中 世

紹 聖 、崇寧間,諸 公遷貶 相 繼 然往 往 自

0

[如此,教亦多術

矣。

琪終能

自 守。

前

T 处 當歸草堂本作「同」,他本皆闕, 故仍從

<sup>「</sup>以」,明刻本、王抄本、四庫本、當歸草堂本皆作「恩」。

象州。

所居屋才一間,上

漏

下濕,屋中間以

疾

得

歸

往,以

扇乞錢,不以

爲

難

也。

張

才叔

處

不不

甚

介

意。

龔彦

和

夬,

貶

化

州

徒

步

庭堅,貶 徑 復 不 宗子學, 地 者。 得 出?」從學者對曰: 不 出。 伊川 比 或 然且 先生嘗問 子 司業。 歸 矣。」君行既 從學者: 「李司業承朝廷美意 蓋 有 陰 「李君 至京 沮 之, 師 行 恐 即即 何 在 引 以 要

生聞之,大不樂。 伊川先生嘗 有門弟子 以 爲 如 此 日 絶人理、去禽獸 赴歌 會 過差,先

取之。 楊 脣 學 十七學 舌間 士得 正 獻公 霑玩 東萊 酒 即 土 L 公以 作 應之,公之甥 送酒家,易常 一尊滋 相 爲 時,每 味 楊 學 爲 月 美 士 也 酒 以 也 英 數壺 上 氣 月 一尊分 得 偉 送 一,欲 度, 酒 兩 遺 貴 必 飲 壺 多,不 親 不 酒 舊 以 即 楊

問美惡 ,過人遠矣。

李 君行先生之長子格,篤 行博學, 克肖

稱 箔隔 相 忘,富貴之心尚 必有不懌之容、勉强 無 日 才叔 近,先覺和氣襲 看 貴 佛 之,家人處箔 念,故 書, 云:「是天 7 無 遇 在 厭 事 人也。」 地 内,才叔躡 色。 自 遇 之 間 然 事 色 和 凡 如 艱 氣 矣。 此諸 難 此。 薫 屐 ,縱欲堅忍, 蒸 鄒 公,皆 端 如 所 志完侍 坐于 使 成。 平 世 箔 念 ·昔絶 欲 郎 外, 往 當 亦 不

無

幾

爾。

一本作

幾

不一。

他說二 云: 公問之曰 元 祐 正 間 豐公相之稷,清節自 而未嘗絶 與滎陽公同 爲 :「以公定力如 未 能 加 物。 此 在 張 經 才 筵,有女之喪。 此 守, 叔 小必 蓋 一意直道 無過戚。」相之 師法之。 滎陽 更無 相 之

歲,諸公既還朝廷,君行驛召賜對,管勾 0 「夬」,原誤作「央」,今據四庫本、當歸草堂本改。

庚

辰

李

君行先生紹

聖

中

致

公仕,歸

虔州。

元符

之雄才 以啓 中,知 誠 其 終之節。」李尋以病不起,學士大夫惜之。 父, 獨立,直己不回。 [相之家, 嘉謀嘉猷, 翊舜、禹重熙之代。 事賀公,其略有云: 江 加 ,賦經邦之遠器。 寧 長於四六表章。早歲登科。 府 上 元 縣。 從容進退之儀,挺達始 滎陽公知太平州, 令問令望,起韋、平 「知府侍講,藴命世 紹聖 危 李 先,而孏惰自弃其身哉

者,立身爲善之本。不勤不勞,萬事不舉。 也 人,人亦任之。 今夫細民 亦言:「民生在勤,勤則 才,淫也; 淫,淫則忘善,忘善則惡 下。]又曰:「民勞則思,思則善心生;逸則 能勞,後世有繼。」又謂其子:「聖王之 ,擇瘠土 《國語》公父文伯之母告季康子:「君子 能 瘠土之民莫不嚮義,勞也。」《左傳》 而處之,勞其民而用之,故長 勤 勞者,必無凍 常孏惰者,必有饑寒之憂。 不匱。」以此 心 生。沃土之民不 餒之患。 雖 知勤 不親 王天 處 勞 民

出也。 雖欲親人,人不用也。公父文伯之母與《左 傳》所記,皆故家遺 然則後生處身居業,其可不以勤 俗相傳之語,其必自 勞爲

言而 無愧。 能用。 州,李君行先生往見之。 滎陽公所當薦者,公以應之爲對,無愧 由恨知君行之晚。 進用。趙公君鍚無愧爲中丞,當薦御 京師,安静自守。 在言路,必不肯委靡自己,縱無 去也。 元祐末,李君行先生與楊應之學士同 更舉楊畏子安爲 紹聖初,應之病卒。 諸公以其不附己,不甚 當時議者謂 御史。 與之論當世事。 蘇 所益,亦必 楊、李二公如 楊 子 由 畏 罷 後 史。 知 反 亦 子 汝 攻 問 在

李公擇諸公,尤推重正獻。 無賢不肖 司馬温公既辭宥密之命,名冠一時。士 ,皆所歸 重。 圃 兩程 已而二公同居洛 先 生、孫莘老、

74

公再 中。 . 爲 熙 曉日 蒼 寧 末 生 都 起 門 ĪĒ. 颭 不 獻 斾 是 起 旌 尋 知 常 晚 河 刺 風 陽 史 鐃 明 行 吹 道 人三 以 又 詩 與 城。 送 温 知 行 公 度, 應

同

餞

IE

獻

復

有

詩

與

温

公云:

一龍閑

卧

洛

波

事

公争臣 清,此 端 公以 不 二程以二公出處爲 知深意 如 此 不 神 日 在蒼 也, 出 都 廟 吕公世 爲 不得 大喜。 門 生。」蓋 伏, 高 獨 也 不 餞 上意常 臣 0 退 召還, 行。 有優劣,二程先生日 也 以二公出 及 處。」 一,不得 正 不 願 獻 遂 樂,以 得 蓋 登 公 不 賢 自 處 自 樞 歸 熙 人 無 (爲諸) 府。 河 見 均 寧 異 陽 上 出 初 賢 人 乞 且 9 處 不 E 或 在 恐 司 始 馬 IE 間 京 人 温 心 己 守

免

實 父 書 在 原 云 兀 明 祐 爾 間 丞 相 伊 原 久 明 ĴΠ 留 ,滎陽公字也 先 左 生 右 既 所 歸 助, 洛 中,寄范 意正 道者 公淳

始大

喜

爲

我

用

故

正獻

求在

京宫祠

以

明

不然,上

意

肯

師

相

繼

屏

人 道 之樂善尚 友 猶 術,其流之敝,有 有 ,薦守道 過絕於人,未見其比 而 以正 行 伊 心, 不 喜 Ш 多 免 訕 況 一救其 曾言 詭 有 미 常 德, 韓、 激 心 任 人 微 : 而 平 臺 特 富 如 邪 論 楊 諫。 亦 以 孫 不 議 應之在 兩 威 加 可 此 雖 不 又 敏 擯 人 然, 勝言者。 應之之論 苟 可 如 附 操 抑 望 一交游 毫 劉 行 以 以 髪 凡 原 不 乃薦 富 託 之失, 父, 此 能 中 也 豈 文忠 吾道 之類, 端端 不 文學 威 英 者。 要 生 公處 敏 氣 , 於 未 代 偉 絶 石

井 文、字同文,有 皆 學,同文實主之。 嘗 每 師 太宗、 至 事 上 焉 真 元 夜, 宗 戚 至 朝 行, 即 綸 范 坐 睢 其 文 鄉 井 後 IE 人 陽 傍。 與 皆 也 有 嵇 化之。 戚 恐 内 所 先 游 翰 居 生者 人 門 穎之父, 睢 墜 前 陽 并 有 名 初 守 大 建 日

穎」, 原作「類」 今據當歸草堂 本及《宋史》

衣衫 登 謂 授 放 給 其 祠 封 來 初 同 勿 之日 堂。 科 完 取 以 。」因力辤之。 母 復 冷,以 在 文竟以衫子之。 ,信然 夜深, 學中 ·, 封 未 金 燒 然 者 文正 嘗動 「候 范文正公初從戚先生學,志趣特異 、壞汝 金 贈朱氏 刀畫 同 -,未 法,并 文 則 也 知己 (適 取 行 掩 吾 四 E 併 見之, 父,然後歸 道 段,爲 井 子 以 止 貧甚。 「吾既 人 實范氏子,人或告之,歸 一,悔 前 來,予之。」明年,道人之子 金 以 南 遺之。 所授金法,并金二兩,皆 後 喻盜 無 一日食。 康學中,至今有戚 い歸寝。 兩遺之,又留 范氏 日 及 姓 糴粟米一升,煮熟 也 第將去,然自 其勵 子,難受朱氏 嘗有人盜其所 盜 有道人憐之, 行 慚謝 如 金 此。 而 先生 此 兩, 去 後 箵 問 慎

林 如 程 周 之父太中公自虔州 茂 師 友 叔 淵 先 生, 源 必 官守 有 南 所 差攝 自 安 未 軍 南 , 有 爲 安倅 守 無 因 所 與茂叔 不 而 然。 禮

相善,力庇護之。其後兩程皆師事茂叔。

立。 與 陜 申 西 顔先 侯 無 生 口 爲 先 友。 生,二程 申 先 生 之 一死,侯 舅。 賢 先 獨 傾

師説。」 關止叔嘗言:「伊川門弟子,且是信得

及

家

所

有予之。

宜乎子路之不 公默然久之,日 「予元豐乙丑夏,爲禮 路不對。 者,葉公沈諸 楊 矣,自是以 曰:『生長東 貳,唯伯淳能之。 書郎范公淳夫同 中立先生, 陳 瑩中當作責 葉公當 來,常 南,實 梁 亦 對 : 也。 未 舍。 以 世賢者, 也 予問 之識 示不 沈文,送其 寡 未知 0 葉公問 公嘗 部 哂 瑩 知 公 也。」云 貢 自 中 也。」時予年二十 曰 有 魯 院 論顏子之不遷、不 愧。 以 孔子 有 伯 點 謂 「伯 姪 Z, 減 檢官 仲 淳 得 世 孫 於子 耶? 尼 其傳者 淳 所 有 幾 而 適 誰 伯 謂 叟云 不 也? 子 淳 與 知, 沈 謝 校 mi 如 九

童 訓

知 己 H 其不 夜 不 以 知 爲 愠 宜 不 愧 自 而 顧 平 發 責 非 者 謗 瑩 駡 也 然也 中 者 之 今世 幾 所 希 之人 以 矣 超 1 絶古 聞 況 能 己 今? 所 自 特 青 不

立

獨

行

而

偶

其 其 吉甫 時 此 則 此 自 ·欺其 一,則 精 禦 死 等 死 mi 今觀之,成 老子 語 識 寇 人 書 也 不 漢之宗 遠 未 爲 離 君 形 ,皆足 中  $\overline{\wedge}$ 見,殆過 化。 了之語。 歸人矣, 爲 所 何 盡忠之士, 列子》有言:『世 都 謂 待 以 社 哀 司 歸 常常 死 立 未至危亡。 之世 , 古古 而 乃 行而 儒 善救 生死 E 待 人。 爲 夫 ,使大臣之門 曾子 亦安忍 化 歸 不 之 無 復 此 平 志 知 時 宣 者 蓋 何 歸,失 然 以 矣 負 而 論 也 一誘吉 俟 則 ! 生 其 其 不 日 于言 人爲 生 爲大臣 門 録 家者也。」 甫 其 有 哉 也 書》云: 後 四 使之爲 負恩之 行人, 哉 」如 心 大無 上吕 ! 歸 者, 稱 守 守

高 郵 守晁仲約 有 大賊 過 城 下、欲 攻 城。

> 賊 與 守 同 爲 賊 醵 在 政 民 有功。 失 府 金 (節當 與 鄭 賊 縦 誅。」 公 建 不 賊 欲賞,安可 范公以 議 乃 去。 守 爲 范 不 文 能 誅耶 正 死 守 公、 守 能 醵 乃 富 既 鄭 金 以 退 却 公

來,未 方沮之。 富公愠日 嘗 輕 何 0 殺 以 方今患法不舉。 臣 整衆 下。 」范公密告云 盛 德 之事,奈 方欲 舉 法 何 祖 宗 面 壞 名 以

之! 公日 臣下 人? 肉 既 之 能 雖 他 且 理 爲 聞 吾 日 上 民 高 手 意 與 却 郵 滑,雖 亦 公 人欲 賊 廟 未 在 定 民 卒 此, 食守 吾輩 也 此 從 感 同 范 戴 肉。」范 亦 而 公 寮 之 未 輕 之間 議 不 道 敢 暇 公 自 人 明 日 同 贵 主 保 日 一一高 心 有 以 也 者 富 欲 殺 公 食 幾 郵 富

門 范 人守義不 人 日 耶 必 回 是 范 爲争 心 日 不 . 高 安者不肯從 富 郵 弼 事。」上日 雖 與 臣 也 相 富 知 此 然 IE. 弼 是弼 弼 非 卿

疾

不

出。

仁

廟

問

宰執

「富

弼

何

以

不

出?

富公甚恐懼,且悔建議 富公有不臣之意。 政,富以事召至京師,譖之者甚衆。 好 處。」上曰:「此 却是卿好處。」後范、富俱罷 至京 高郵之非。 城,不得見 歎 者累 E 或以爲 范范 日。 其君者也。」」

六丈真聖人,與吾淺見不同。」

而 不可忘之也。 必有事焉,但 然之氣,充塞天地。 必 取之者,揠苗者也。」 • 有事 周 ,恭叔行己嘗言:「見吕 焉 M 忘之者,不芸苗者也。 正其名而 勿正,心勿 雖難得而言,非 取之,則失之矣。又 忘, 勿助 與 叔博士説: 長 虚無 正其名 也。」浩 也。

禘,非禮也。周公其衰矣。』後世儒者以爲周禮樂,使周公在,必不受也。故曰:『魯之郊一 伊川先生嘗言:「成王不當賜魯以天子

公能爲人臣所不能爲之功,故賜 之禮樂。 始 可。 故曰 此 尤尤傷 : 『不以舜之所以事堯事君 教 害義 也。 爲 人臣 人臣 如 不 周 得 用

官便 能世 也。 思 其家。 若以 范正平子夷,堯夫丞相之子,賢者也。 盡 爲州縣之職徒勞人爾,非 心治 嘗言其家家學,不卑小官。 官之事,只此 便是學聖 所 以 居 學 聖

始得。 始。 有限也。」恭叔又言:「『陰陽不測之謂神」,横 見之謂之知』。 渠先生云"「兩在故不測。」『仁者見之謂之仁,知 格 周 物 恭叔又説:「先生教 思之有 者, 窮理 悟 然則聖人之道,仁、知者皆不 處,始 一之謂 可。 也。 人爲學,當自 不然,所 欲 窮 理, 學者 直 格 須 恐 思 物

■ 「揠」,明刻本、王抄本、四庫本、當歸草堂本皆作「非」。

人也。

幾 坤 緼 道 所 能 乎息矣。」 毁 以 耶 測 則 既 也 知之於 無 聖 乾 也」。 以見《易 坤 陰 成 聖 也 列 乾 **%** 陽之謂道」,『仁且知,夫子 坤 而 故曰: 之於《易》,  $\wedge$ 易》 (易》不 立 『乾、坤,其《易》之 乎 미 其 見 猶陰陽之於 則乾 中矣 坤 乾 或

郊、北 商以 不見也 社。 古有之, 郊 列爵爲 社不修 蓋郊 前 郊、 君 俱 則 五,分土 行先 者 如 嚴 五 宗宗 孔 帝 所 此 父 之 以 子 配 廟 生 則《書》爲 類,皆 祭天, 爲 不 何 天之禮,蓋 説 字。」 得 : 三。」蓋 武武 言 出 社者所以 歷 妄 一則 於 王 觀 也 至 始 周 數 諸 周 周 禮 自 紂 書 因言: 公 始定。 祭 周 1,皆以 之 其人 公。 聖人 地 罪, 也。 也」。 若夏 吾徒 若自 書 郊 日 南 對 中 \* 去

矩權 莊》、《老》, 衡 所 正 讀 也。」又言 時大段害道 : 史 書 尚 可 最 是

**業** 至 萬 誠 物 無 皆備 息 於 日 新之盛 我 矣,反 德 身 忧 而 誠 富 有

未得爲 有 所不 田 善也 善者,常使氣勝之。 腴 誠 伯 嘗 説 他用 心 多使氣 且云: 白自 勝心, 知 每 如 此 10

説之心,然後經 誠 伯又言: 可 「讀書須是盡 窮矣。」 去某 人 説 某

李君行先生 學 ,問以 去 利欲 爲 本。 利 欲

則誠心存矣。

1》、《春 2爲規 既 \$ 訪 文 劉 欲且就 問 師 去應舉,令及第 他 李君行先生説年二十餘時, 正 日 亦 此 解《 : 不 處脩學, 「李君· 惜 春 也。 秋 在 **\*** 文字, 以 後 後 此 俟後 於 歸 何 欲?! 楚 甚 次 今次 州 一愛之。 應舉 聚 答曰 學,他 以 見 也 朞 從 安 服 爲 他 退 劉 礙,却 日 觀 處 大 日 見 其 +

學聖人

者,當自用

意

看《易》、《詩》、《書

秋》、《

論

語》、《孟

子》、《孝經》

而

已。

中

心

有所主

,則散看諸書,方圓

輕

重之來,必

X

之師 學者,某却不會如 也。」君行於是便 不 然。 與 夫 又云:「嘗 不 可 得 歸 此爲 鄉。 而 語君行,今之人所以爲 久者, 學。 然則 在 劉 一父母 師 正者 之左 君 右 行

云: 見貴官。」自明日以幞 衫帽 物 賣肉家中,心欲買 因自念言: 『天下之尊,無逾 之行信,自此始也。」又言:「少年 能不欺心乎!」遂迂道買肉 自念言:「心中已許買 人之見者,莫不笑之。 而别 「己之行敬,自此始 揖 徐仲車先生少年時,爲母置膳。 母。 路於歸 日,當見貴官,乃用 途 爲 (他肉。 順, 頭 他家 也。」 既久,亦不笑也。」且 襴 且 遂先於市中買 肉 亦 衫 而歸。且云:「己 父母,今反不若 往 若捨 有 揖 賣 幞 時,逐日以 肉 母焉。家 頭 而之他 先過 者。 襴 衫。 他 因

須言也。」

且云:「於安定處得此一字,亦用不盡。」徐仲車見門人,多於空中書一「正」字,

誠無息」,信豈能盡之乎!」徐仲車説:「以信解誠,不能盡

誠。

至至

其能長育人才乎! 者,皆利 者,皆利 其遠者須謂之遠,其近者須謂之近 易數字曰:聖人之言其遠 如 天 范辯 ,賢人之言近如地」,是不然 伊川先生嘗説:「楊子雲云『聖人之言遠 於歲月而 於養資、考 叔 説:「今太學長 應舉 此於本 求 升 也 進 如 也。 亦已錯了 上下 天,其 也。 以 爲 也。」 利 近如 之 居 當爲 相 學 此 地。 生 任

可可 行簡,以臨其民,不亦可 無 乃太簡乎 也簡。一仲弓未以爲 田 誠伯 説 : 』子曰:『雍之言然。』仲弓未以 仲弓 然 問 乎! 也,乃 子 桑 居簡 伯 日 子, ]: [居] 而行簡 子日 敬 mi

0

<sup>[</sup>升」,明刻本、王抄本、四庫本、當歸草堂本皆作「外」。

=0

然也。學聖人者,如仲弓可也。」且云:「見君聖人之言爲然而問之,而聖人以仲弓之言爲

行如此説。」

子厚所作《西銘》,能養浩然之氣者也。」先生言:『當養浩然之氣。』語先之云:『觀張生言:『當養浩然之氣。』語先之云:『觀張

使用。」
先之説:「以舉業育人才,不知要作何

蒙》書 者 也 誠 似 伯 正 ·有箇所得處。」又云:「每見與叔《中 叔 :説:「近世學者,恐無有如横渠先生 其 次 也。」又云: 向 日 因 看 正

庸解》,便想見其爲人。」由是觀之,誠伯師横

石 | 渠也。

焉。」又見伊川 其國」:「『大」者紀侯之名也。 境乃免。」須終身不反,始可免罪。 而 已去之,則罪不 劉元承、元禮嘗 先生 在齊 ,説:「仲尼 師 事 侯也。 伊 川,説「紀侯大去 曰:「惜 齊師未入境 故不書齊 乎,出 侯

也。 人訓詁不盡。或以 者,節文此者也。 先 一端,然喜、怒、哀、懼、愛、惡、欲,情也,非性 生説: 故《孟子》云:『仁者,人也。』」 宿州高朝奉,説他 、義 者, 宜 皆訓 也。 謂仁者愛也。 詁得 師 知 事伊 者 盡 知 川先生,嘗 惟仁 此 愛雖 者 字 也 仁之 古今 見

説: 一每 寫字不端正,必須勸 事 樂文仲説:「眉浩學士事亦好。  $\pm$ 無 輔 不 嗣、王介甫有大段不通舉 端 正,則 心自正 戒之。 矣。二 或人問之,日 陳 也處, 常 端 見 人 須 誠

要説 柔 執定耳! 須要説 相 應 應故也。 之 無應故 類 甚多 田明之説《易》所以尤多過者, 也。 一,豈得謂之無 《易》中自説上下敵應、剛 應? 但 不 口

則皆然」。非精於《易》,豈及此乎!」
《易》,然精於《易》者也。」」且云:「能説『可以又説:「邵堯夫先生説:『孟子雖不説

《揚子》,如《莊子》,未暇讀也。《詩》、《春秋》、《孝經》,間讀《孟子》、《老子》、《詩》、《春秋》、《孝經》,間讀《孟子》。田明之李君行説他每日常多只讀《易》、《書》、

詩者、法度之言也。説《詩》者『不以文害辭,得而用也。」又説:「《字説》詩字從言從寺。爲。」且云:「瑩中,今諸公非不知他,但不可以無所不爲。惟陳瑩中學勝於欲,故有所不以無所不爲。惟陳瑩中學勝於欲,故有所不

一,其所以爲「无妄之往」則異也。」 一,其所以爲「无妄之往」則則行,往無所之也。「无妄之往得志」,言无妄之 也,往無所之也。「无妄之往何之矣」,言无妄之 聖人之意也。「无妄之往何之矣」,言无妄之 聖者,必要一其説,是不知

用多言!」

任淳夫説:「《莊子》「儵」「忽」「混沌」之

臣。顔子大賢也,簞食瓢飲。後之人不及孔己立身之事耳。」又説:「仲尼聖人也,才作陪書:「居京慎勿竊論曲直不同。任言官時,取書:「居京慎勿竊論曲直不同。任言官時,取

若能 之,恐不免 説:「凡人爲 子、顔子 不覆藏,使人不知,但改之而已。 以自己官爵,比 遠矣,而 有變 事, 一時 須 常嘆仕宦 是 任 方孔、顔,僥倖 由 誠 [衷方 而 不達,何愚之甚 己,雖 可 時 若 甚 有 矯 矣。」又 关,亦 飾 爲 1

但 别 知 不 人 · 當 田 用 解 李君行、 有 誠 多少工夫 者 (伯説: 所 執。 聖 田 人之言易曉 明之俱説:「讀書須是不 「不然。 方可到 擇其善者從之。 須是先看古人 7先儒見處 看 傳 若都 也。」 解 則 不 解 ·要看 愈 看 説 惑

陳 端 誠 説 : ~ 易 **>** 須 是 説 到 可 行 處

始

可

冀 授 太 禹 方 康失邦,故 ,禹授啓。 陳 至太康,百二十年矣。」 瑩 今失 中 説 厥 道 上 「《書》曰 推 聖 亂 陶 其 賢 唐, 紀 . 相 綱。 而 繼 惟 云『今失厥道』。 未 蓋 彼 堯 陶 始失 唐, 授 舜, 道 有 也 舜 此

自

堯

之非 人,樂取於人以爲善。 之人急急然唯欲 如 爲 帝 爲過天下,何愚之甚!! 誘之,以害敺之,天下終不 善者也。 是,故能養其大體 無 又説: 而使天下利見,故能言動以爲 非 取 於人者。 「『大舜有大焉,善與 故君 子莫大乎 己 爲 取 而爲大人,故能 是也,恐其 自耕稼陶 諸 人以爲 以 與人爲善。」夫 爲 人同, 然。 漁以 善 畔 法 格 是 加 則 至 舍 於 君 自 以 與 能 以 利 後 心 爲 從

其近 是利 於善 皆利 汗 漫 者 於孝 也; 而 脯 又説:「安而行之,聖 無 、小者,而 行之者也。 欲忠於君,是利於忠 成 也 也。 其餘 妄 何也? 皆 意 然。 談 其 人 欲 大者、遠者、故終 今之學者不能見 也。 遷善 也 , 欲孝於父, 遠 自 罪 非 - , 是利 聖人,

爲 人也。 陳瑩 中説:「學者非獨爲己 自 王介甫解 經,止尚 高 前 論,故 已 也,將 使學 以

其 官 者 不 子 桓 而 (身而 孔 從 事 以 公 棄 三,及 殺 管 子之稱 容 不 民 已 攝 公子 仲 絶 於 哉 稱 功 物 其 口 選子 泛及天 管 糾 間 謂 仲 管 管 違 成 仲、 下 則 則 禮 仲 禮 日 日 之 所 不 晏 丽 如如 嬰, 濟 能 極 善 後 者 矣。 死, 其 與 去 霸 行;如 人 有三 者之佐 可 崔 交, 而 謂 杼 一歸、 晏子 其 久 弑 有 而 節 反 君 1、豊 獨 敬 「, 晏 也 矣。 坫 善 Ž ,

非

也。」

此 甫之意,是不畏 亦不可 V 説 '全廢。 陰 陽 天 王 災 者 一介甫 異 也。」已上 之説, 不 甪 雖 此 皆紹聖 儒 若爲 者 中 不 語 政 可 依 泥

言 事 自 節 能 事 時 爲 操 明 蓋 被 要 爲 在 前 執 事 邵 責 坐 在 得 · 公 倅吴朝 平日之所養 時 因 定 兼 説 耳。 此 判 與 奉 或 他: 事 因 説 子 閑 言 監 也。」他 近近 時 立 乃與 説 昔人有 世 節 時 甚 非 士 諸 甚 一然之。 大 一易,在 生 自 夫 朝 往 太 諫 賀 夕 於 時 不 官 馬 臨 李 所 以 以

能 立 慘 蓋 節 也 沮 嘉 一。」吴因言: 祐 殆 非 以 素 不 前 養 能 以 不 説 言 自 能。 話 事 小讀 被 昔 若學得 責 人 書 爲 尚 用 榮 不 如 得 也 Ē 此 工 一,則 夫 他 既 不 所 見 Ē 養 未 顔 一,當 亦 易 色

是,故 言 所 之卦 文 謂 往 詞 陳瑩 行 識 而 能 : 無 者 已 畜 『君子 中 有 其 識 紀 又説:「學 將 德。 其 極 以 以 是 故 求 多 所 非 識 吾 取 以 也 者 一之放 前 天之象焉 言『天 非 識 言 往 止 其 1/2 讀 行 在 邪 也 誦 山 IF. 以 語 故《大畜 中』者, 也 畜 言 其 、徳。」 夫 撰 前 如 綴

歸 謗之説 於 可 天 矣。 美 其 下謂之賢 於 瑩中 君 使天 其 也 也,不能 説 君 人則 使 下 也。二日 「今有 天 謂之賢人,是自 盡 不可,使 下 謂 人 受其惡名,使惡 是 之不賢, 日 天 不 : 『仕宦 然。 下 是 . 謂 取 之不 此 自 其 顯 13 善 取 達 名 賢 李 其 面 者 不 斯 惡 歸 及 分 调 則 使 丽

守過於其兄,范氏家學便有使處。」必不爲其君之累也。」」又説:「范子思所知所於君,是李斯而已。何況天下謂之不賢,未

也。 得處亦無。」 與 『養浩然之氣』之類,皆自得處。 爲人屈 人同也。 如「自 却説 又説:「孔子以柔文剛,故内有聖德 也。 與他楊子之書,唯是説 得之」、「發於面」、「平旦之氣」、 孟子以剛文剛,故自信 衆人 以 剛文柔,故 色厲 孔子則并自 到 其 孟 圃 道 子之 内 而外 而 荏 不

此道壞矣。」 一旦,將以學古人之所爲也。自荆公之學興, 世已,將以學古人之所爲也。自荆公之學興, 世 又説:「學者非特習於誦數、發於文章而

暢 聖人之心,亦庶 措之天下 ,亦未免乎鑿 又説:「凡欲解經,必先反諸其身而安, 前 可 行, 也。 幾 然後 矣。 今有語 爲之説焉。 若不 如如 人曰: 「冬日飲 是, 縦未 雖 辭 辯 能 通 盡

> 陽在· 是用心,豈曰小補之哉!」 也,措之天下 甚辯者不能破其説也,然反諸其身 陰 水,夏日 在 内 内。 飲 則内 陰在内,則 湯, 熱 m 何也? ,故令人思水。 不 可 行 内寒,故令人思 冬日陰 也 嗚 在外, 呼,學者 夏 日 陽 陽 而 湯。」雖 在 在 能 不 内。 安 如

周爲我之書爲説,烏在其學聖人也!」 也,施 道,乃獨善一身之道 學聖人者,不能以 達則兼善天下。」方其 乃 者,不能盡 『誠者非獨 以治天下國家。」曰:「是不然。 一身有先後耳。《孟子》曰:『窮則獨善其身, 兼善 《莊子》曰:「道之真以治身,其緒餘土苴 於天下而 天下之道。 推於人,非聖人之道 成己也,將 非 孔 不 及其達 足也,是之謂聖人之道。 也。 子、孟子爲 窮也,獨 以成物也。」我之所 施於一身而 也, 善 心,而專 兼善天下之 也。 《禮記》 一身之道 但行之 非有餘 日 得

為說。」 學中說:「「爲學日益、爲道日損。」尋常 八便說作兩事、失之遠矣。蓋語學則益,道 所益者見善則遷、有過則改也。若用此説, 所益者見善則遷、有過則改也。若用此説, 所益者見善則遷、有過則改也。若用此説, 一動未嘗偏廢也。所損者懲忿窒慾, 經中説:「「爲學日益、爲道日損。」尋常

童蒙訓卷下

得此本於詳刑使者東萊紹定己丑,郡守眉山李皇

堂,以惠後學。

吕公祖烈,因鋟木于玉山

三五

## 樓 昉 跋

公每 宜 **昉因從臾成之曰**: 善本,刻之學宫或太史祠中,使流 金華,太守丘公先生語次及之, 有此書矣。世道之升降,於此可 稍長,務 童蒙訓 也。 以訓子姪,某 昉 兒 會公有民 鑽 》者,其 時 厲舉子業,而 侍 鄉 間 長 曹之命,廼 格言 初 「書出於吕氏,刻 老, 在 至 嘗 傅,日 親 論 從 旁竊 舊几案上亦 粗 出 誦習焉。 錢 可記 且日 占也。 闚 五 布於世。」 所謂 於祠 者 萬 昔先 客授 將 不 吕 堂 從 復 求 氏

初约。

吕

兄

異

伯

喬

年

家

所

臧

本

最

爲

精

密。

吕

公以

Œ

獻

長

孫逮

事

元

祐

遺

老,

與諸

名勝

丘

公所

誦

習

一者,未

知

何

所

從

得

也

初,

前

此長

沙郡、龍

溪學皆嘗鋟木,

耐

譌

姓

特

甚

末, 哉! 遠, 序務 是編。 爾。 讀 游 本末,皆有 之,庶幾可 原 嘉定乙亥中秋日, 文獻 淵 書 因 由 取友、 本, 公名壽 雖 成 源 輒 倉部 與之 切 所 附 推 己 以 漸 稽 撫 之天下 以 近 所 既手寫 雋, 俱 傳矣。 者遠 据 世 至 篤 聞 南。 字真 一醻 於 實, 成物,豈 四明樓昉謹書 國 物、 大要欲學者 其 而 因 不 書之所載,自立身行己、 長,文定公之嫡長子云。 渡 家 後。 即 臧之,巽 仕州 累 江 可 疇 轉 於 特 也 昔 是 縣、 ,徙, 虚 施 1 所 亦 伯又是正 驕,不 立 反 聞 流 之 丘 巽 朝廷, 落之 躬 見 童 伯 公 抑 者 之 蒙 鶩 屬 志 餘 志 丽 於 記 綱 ൬ 輯 焉 條 刊 始 已 高 循 爲 中

三六

## 小學集註

[明] 陳 選 集註 集註

六 四

四

四

校點説明

有《曾子内外雜篇》、《訓

蒙新書外書》、《戒子

稱朱文公。 子澄,江 目》、《近思録》等。 學」,成爲宋代理學集大成者。 上全面繼承程顥、程 州同安主簿、 西)人。生於福 字元晦,號晦庵,别稱考亭、紫陽。徽州婺源(今屬江 清之撰,明陳選集註。 八)進士。歷仕高宗、孝宗、光宗、寧宗四朝。 周易本義》、《詩集傳》、《楚辭集註》等,編有《通鑒綱 著述極多,除此書外,還撰 小學集註》又稱《小學句讀》,六卷、宋朱熹、劉 後志於義理之學,係朱熹重要弟子之一。 西 臨 後贈太師,追封信國公,改徽國公。 知南康軍、秘閣修撰等職。 江 人。 建延平龍溪。 劉清之(? ——一九〇左右),字 頭 紹與二十七年進士。 朱熹(一一三〇一一二〇〇), 的學說,並加發展,創立了「閩 紹興十八年(一一四 其學說遠播日本、朝 有《四書章句集註 謚曰文,世 官太常主 曾任泉 學術 著 ×

《墨莊總録》、《祭儀》及文集等。 憾」,朱熹有感於此,「又輯《小學》一書者,以爲人之 條目」、「而小學散見於傳記、未有成書、學者不 運而生。所謂「《大學》之書,傳自孔門,立三綱領、 爲有識者的共識,朱熹《小學》一書基於此種情 古以儒家思想倫理爲重要特色的教育教材 立各類小學的日趨普及,像大學一樣,在小學恢復上 失其傳。 德和修身養正等方面的內容,卻因時 訓詁之學。 制度。小學又稱蒙學,即啓蒙、蒙養之學的意思。 學,十五歲入大學,是先秦以來中國儒學教育的基 (一四六○)進士。 以前的小學教育教材以識字字書爲包含文字、音韻 卿,謚恭愍。 八六),字士賢,號克庵,浙江臨 中國教育從上古就有小、大學之分,八歲入 到了宋代,随着大、小學分級教育及官、私 上古的小學教育教材本包括大量倫 著有《宋史道學傳》、《丹崖集》等。 官至廣東布政 陳選(一四二九 使。 海人。 代 追 的 天順 變遷已 贈 體 光 系 能 況 便 理 禄 四 成 久 唐 本 小 年 1 應 寺

點説明

校

勝之患也。」這説明《小學》的 於幼穉之時,欲其習與智長、化與心成,而無扞格不 以 以 復古補闕之作。 對於《大學》而 大學之基本」(張 幼也,不習於小學 爲脩身齊家 灑掃應對進退之節、愛親敬長隆師親友之道,皆所 治國平天下之本,而必使其講 言,實爲對古代儒家教育教材體 朱熹《小學序》説: 伯行語)。 ,則無以收其放心,養其德性,而 可見、《小學》之書,乃相 編撰宗旨正是力圖 「古者小學,教人 而習之 系的 恢 復 爲

秦漢以前經傳子史中有關小學的道德名言和倫理故網目,爲嘉言、善行。內篇爲全書的正篇,所録多爲內篇凡四綱目,爲立教、明倫、敬身、稽古,外篇凡二當世。《小學》全書分內、外兩篇,合三百八十八章。古小學之貌,以使上古儒學教育的精神貫穿彰顯於

思想。 心。 的中心思想,它也代表了整個儒家學派的 要理念息息相通。 與一」顯然,古人把明倫作爲整部《小學 五 乎仁義禮智信之性。 不外乎父子、君臣、夫婦、長幼、朋友五 種 而明倫又與儒家思想中的三綱五常和忠孝等 人倫 駧 係。正 如 因 明 此 是性也者,其《小 儒 明倫不 薛 瑄 所云: 僅代· 表《小 「《小學》一書 學》之樞 倫,五倫 》的精 學 個中 髓 一書 和 不 紐 出 in 重 中 也

的 其 裏,此書很自然地産生了巨大的 録 年人作爲存心、養性的性理學修己 既 爲各個階層的人士所弦誦。 這些特點,在儒家思想佔據統治 儒 取其幼儀屬性,把它分入 被 典屬性,歸 用於學 《小學》在古代是 童之類 入子部儒家 初學 部具有多重性 者 的 類。 經部 它既是蒙書,又是儒 儒學 社 正 小 入門書,又常爲 會 地 是 書。 學 位的 由 類 質的典 有的 於 封 它 有 古代 建 所 的 籍, 社 具 則 典 成 會 有 取 目 廣

七)前後。《晦菴集》有癸卯《與劉子澄書》,言及此書《小學》一書大致編定於宋淳熙十四年(一一八

之親、

君臣之義、夫婦之别、長幼之序和朋友之信這

紐。

所

謂

明

倫

是明

人之倫常,具

體地說

即即

明

父

子

中,又以明

倫綱

目

最

爲

重

要,堪稱是全書的

核

N

和

樞

關小學

的道

德名言和

倫理故事。

上述六個

綱

目

事;

外篇實爲附篇,所録

多爲

漢唐之後子史文集中

熹,而 本的名家註本不斷 本爲 之初稿乃朱熹與劉 (小學纂註))及清代張伯行的(小學集解 小學集註》、明 .世以後,中、韓、日三國的歷代版本極多,僅以 次編 國 歷 排 代程 實託 代註家 清之合編,書之發凡起例出於朱 出 清 愈的《小學集説 現。 之。 就 F 這 初 百。 主 刊,也爲清之完成。 要 明代以 包括 》等。 清代 明 後一 代 些六 高 陳 其中尤 愈 選 的 的 註 此 卷

以

明代陳選的《小學集註

》影響最大。

推廣。 (一五〇 人推尊爲學習《小學》的 到 此註本確有許多過人之處,問世後很快得風行,並得 其本旨。 史,不盡聖言。 選 明 註 爲 四 此 禎 五)王鍭刻 鄉 庫全書總目提要》論及陳選《小學集註》云 然此 皇帝 註 固 塾訓 本的 不 和 若選之所註,尤有裨於初學矣。」可見, 書意取啓蒙,本無深奥,又雜取文集子 註 課之計,隨文行義,務取易解,其 諸多古代版本主要有明弘 清 釋者 本(現藏中國人民大學 雍 IE 推衍支離, 首選 皇帝的 註 欽 本而大量 務馬 許 和 高 賜 一翻 序 論。反 治十八年 印,加 遂 書 館 被 説 以 # 以 晦 頗

> 本及清乾隆《四庫全書》本等。 自彰刻本(現藏北京大學 省博物館等)、明萬曆二十六年(一五 明嘉靖十七年(一五三八)孫 三五)内府刻本、清雍正五年(一七二七)八旗官學 刻本(現藏臺灣「中央圖書館」)、明萬曆四十六年 家圖書館)、明嘉靖三十五 中央圖書館」)、 現藏國家圖書館等)、明萬曆二十六年李多見 明嘉靖三十三年霍 圖 年李德用刻 書館)、明崇禎八年(一 全紹與刻 冀 九 本(現 刻 本(現 八)曹 本(現 藏 藏 璜 珠 安 臺 刻 六 沈 崖 本

大學圖 本)、明 校以該館 竄 此本,加之此前的私家刻本都 較 集註》一書最早的欽定本,係崇禎帝 正五年八旗官學刻本及乾 亂之處,故以國 訂,正其訛 這次校點,考慮到明崇禎八年内府刻本爲《小 書 萬曆二十六年曹璜刻 館 所藏明嘉靖三十三年霍冀刻 所藏 外,繕 明萬 家圖 刻頒行之」,堪 曆 書 四 館 隆《 十六年沈自 所 (本(簡 有 藏 四 明 庫全書》本等皆 稱 内 些 稱精善之本,清 曹 府 體 「爱命儒臣詳 本(簡 彰 刻 例不一、内 刻 刻本(簡稱 本)及北 本爲底本 遵 京 刻 循 加

進,特此說明。 進,特此說明。 進,特此說明。

校點者 王燕均

四

陳 選

必

心

皆先 天子 明 以及人, 盍亦所 成 其身,幸而值乎今之世,道化 贊道化也,復慨然俞商 而 士不幸不逢時,猶將違 也。 始 倫 已矣,學之必 ,大學以成 從 既 而 昔二帝三王,我 教在於明倫 從 知父子之親、君臣之義、夫婦之别、長 事 承之,憂士 事 於小學,然 於斯, 自 思以學乎? 終,有選舉之塗出,而 其 小學始。 豈惟 或 朝 遺 (要在 後進 俗而學聖人之道以 讀 相國之言,詔天下士 宣學 一祖 其 於敬身,蓋作聖之 乎大學。 子朱子《小學》一 聖人之道,人倫 四宗之道 辭 而 方盛 鶩 而 空文 一,有小 已邪? 於乎 行 一統,聖 , 無 學以 所學 讀 成 1 以

教,周 哉? 乎? 書,相與講 於家 多,辭章雖工,皆空文也,於吾 大學,猶作室 聖人之道必自小 齊,推以贊道化 吾 幼之序、朋 人之盛 吾已知 嚴諸己 五月望日 已行者 術之要、威 或 選學也 夫爲學而 還 者 意 天下 諸 而 而 焉 若 友之交,必 圃 士 惇 究 ,天台陳選序。 何 晚,道未之聞 而 四方之士,則惡 行之,期底於成,以 一間,有 儀之則、衣服之制、飲 及進 篤 極 不 補 無 則國 學始, 之也 之也 嚴 基 哉? 乎 諸 也 〕 踐其 一朝之義,故 可 一,由是 一,誠 大學,格物、 一,成 否則 己、不 於聖 治、天下 意、正 事 以以 亦 雖 推之於 馬 踐 難 人之道 乎 奉 欲 其事 矣,況 心 自身何 敢 詔 勉 可 副 讀敬身而 致 敢 平。 聖 家 修 來 焉 食之 誦 知 成 句 何 益 鶩 則 天 總 以 身 化 子 故 則 讀 所 哉 家 中 説 空 進 則 節 作 癸 學 是 州 似 雖 文 平 因 因 知 ? 可

#### 製 重刊小學序

御

盛 儒 督 庶 豆詳. 學 盡 無負 加 得 較 如 (朕覲 選 訂,正其 其 揚先烈、廣厲刊布之意云爾 人,何 訛舛,繕刻頒行之。 患 教化不行,人才不 使

崇禎八年七月吉日

爲士鵠。

生儒:

二非能熟習力踐者,不許充試倖

勑

諭

禮臣

通

飭

督學及郡邑有司表章是書,以

取,業已三令五

申

矣。

復簡閲

先臣

陳

選《

集

命

註》,見其切要明晰,甚於《小學》有裨,爰

用?

宋儒朱子《小學》一書,其教在於明倫,

其要在於敬身,而古人嘉言、善行靡不備

具,

朕

誠果行育德之根柢,齊治均平之權輿也。

德行

立

根,譬之樹本先撥,安望

成

棟梁之

宇多故,動稱乏才。

揆厥所繇,士子幼學時,

人才彬彬輩出,共致太平,

抑

何盛也。

今海

朕

夙

夜圖治,

追

惟 我

祖宗

朝

,教化洋溢

父師之教不明,即以利禄汩

其

心術,全不從

#### 諸 儒小學總論

説 意慮偏好生於内,衆口辯言鑠於外,欲其純 故小學之法,以豫爲先。蓋人之幼也,知 全,不可得已。」 耳充腹,久自安習,若固有之者。 未有所主,則當以格言至論,日陳於前,使盈 摇惑,不能 程子曰:「古之人自能食能言而教之,是 入也。若爲之不豫,及乎稍長, 後雖有讒 思 小學、大學皆不可無也。」

故長大易語。今人自小只教做對,稍大即教 食,即有教,以至灑 虚誕之文,皆壞其性質也。」 象山陸氏曰:「古者教子弟,自能言能 掃應對之類,皆有所習

東萊吕氏曰:「後生小兒學問,且須理會

此,則是躐等,終不得成也。」 之事,及先理會《爾雅》訓詁等文字,然後 曲禮》、《少儀》、《儀禮》等,學灑掃應對 語上。 下學而上達,自此脱然有得。 不 進 如 退 可

通。 大本既立,然後大學工夫,循序 小學之闕。蓋主敬,可以收放心而立大本。 大抵主敬之功貫始終,一動静,合内外, 北溪陳氏曰:「程子説主敬工夫,可以補 而進,無往不

日用,雖至大學成,亦不外是。」 又曰:「朱子《小學》書綱領甚好,最切於

<sup>《</sup>内 《外篇》二,取古今嘉言以廣之,善行以實之。 大法此略備焉。」 學》書成,以訓蒙士,使培其 雖已進乎大學者,亦得以兼補之於後,脩身 篇》曰 邵武李氏曰:「先生年五十八,編次《小 立 教、曰明倫、 曰敬身、曰稽古。 根,以達其支。

傳》胎教之法,而繼以《内則》之文,合二章觀西山真氏曰:「《小學》之書,先載《列女

之,小學之教略備矣。」

餘 學之次第。 焚 規模大略,然亦不 書已後,聖人經籍不全,無繇考較古人 年,學者各以己意爲學,高者入於空虚,卑 魯齋許氏《 班孟堅《漢 小學大義》其 見其 間 史》,雖説小學、大學 節 目之詳也。 略曰:「自 千 始 爲 有 皇

聖賢爲教爲學之遺意,參以《曲禮》、《少儀》、背於古人者鮮矣。近世新安朱文公,以孔門者流於功利,雖苦心極力,博識多聞,要之不

三:立教、明倫、敬身。次稽古,所以載三代《弟子職》諸篇,輯爲《小學》之書。其綱目有

明 言。 聖賢已行之迹,以實前 言之嘉言、所行之善行,其綱 倫、敬身也。 其《外篇》嘉言、善 衍《内篇》之言以合《外篇》, 篇立教、明倫 1行,載 目 漢 亦不過立 以 來 賢 敬 者所 身 教 之

源。合内外而兩觀之,則《小學》之規模節目言以合《内篇》,則知《内篇》者《小學》之本則知《外篇》者,《小學》之枝流;約《外篇》之

又曰:「《小學》之書吾信之如神明,敬之無所不備矣。」

如父母。」

諸儒小學總論畢

рq

### 小學句讀

臣陳選集註

中間。 學之事也。 其成功耳 母 應,謂應尊長之呼。 十四歲之子弟也。 圈於字之旁。 家、治國、平天下之本。灑,去聲。 愛親敬長隆師親友之道,皆所 也。 治,平聲。 古者小學,教人以灑 〇古者,夏商周也。 ,尊也。 古人繇小學以收心養性,基本已立,至大學特收 而必使其講 語未絕而分之以便於讀 後不圈者皆去聲。 親 灑,謂 近也。 對,謂對尊長之問。 灑水以斂塵。 小學,鄉學也。 而習之於幼穉之時,欲 道者,當然之理。 掃應對進退之節、 〇凡語絶處,謂之句,則 ,謂之讀 掃,謂 節 以 掃,去聲。長,上 ,禮節也。 人,指八歲以至 爲脩身、齊 脩齊治平,大 掃地以去塵。 則圈於字之 親,父

及時 化下」是也。 輯者、索古法之宜於今者、而纂輯之也。 化之萬 牾也。 升。 幼而蒙昧也。 也。 記者亦多。 故無扞格不勝之患,而大學之教亦易入矣。 也。 其習與智長、化與心 爲此書,授之童蒙,資其 直,猶但也。 書不可見者,以秦火焚之也。傳記 也。傳,去聲。〇今,朱子自謂宋時也。 行,殊不知其無古今之異者,固未始不 小學教人之意。 無古今之異,謂 ·而教之,使習於善,而與智俱長,化於善,而與心俱成。 ○講以明其 穉,音治。 不勝,不能勝當其教也。 一云爾。 萬一,萬分之一也。 殊,猶絶也。 資,助。 讀者往往直以 長,上聲。 理,習以熟其事。 今其全書雖 古法亦有宜於今也。 蒐,音搜。 庶幾,近辭。 古今異宜,謂宜於古而不宜於今 成,而無扞格不勝之患 扞,音汗。 「講習、 庶幾 輯,音集。 幼穉之子,心知未有所主, 云爾,語辭。 不可見,而 ,謂《禮記》、《管子》諸書。 穉,亦幼 風化、《詩序》曰 古今異 格,胡 授,付也。 古者《小學》之全 今頗 也。 幾,平聲。 此兩節,言古者 得 宜 朱子此書,續 有 雜 切。 扞格,猶 蒐 丽 補 出 童蒙,童 「上以 輯 莫之 勝,音 於傳 口 於 〇蒐 風 以 風 抵

Ti.

宋孝宗十四年也。晦菴,朱子草堂之名,因以爲號。學》之意。淳熙丁未三月朔旦晦菴題。淳熙丁未,離於當時,實則有功於萬世也。」此兩節,言繼絶學,輯《小庶幾,曰萬一,皆謙辭耳。吴氏曰:「朱子之於世教,豈惟有 古者小學之教,以爲大學基本,有補於國家之風化大矣。曰 古者小學之教,以爲大學基本,有補於國家之風化大矣。曰

小學句讀畢

六

端

隨

感

面

見。

見,音現。

〇饒氏曰:

### 小學題辭

辭也。」饒氏曰:「小學者,小子之學也。題辭者,標題書首之

之理。 於人而爲性也。 爲義。貞於時爲冬,於人爲智。 春,於人爲仁。 之綱。下文所謂四端四行,則其目之大者也。 之人性,人人所稟之天理 綱。 世而不易,故曰常。 貞者,生物之成。 三元亨利貞,天道之常。 元者,生物之始。亨者,生物之通。 禮者,恭敬撙節之理。 亨於時爲夏,於人爲禮。 四者謂之天道,天理自然之本體也。 八凡 仁者、温和慈愛之理。義者,斷 此 也。 厥 初 智者,分别是非之理。 統萬善 〇此一節,言天道流行,賦 無 仁義禮智,人性之 有不善。 而不遺。 利於時 利者,生物之遂。 ,故曰 ○元於時 爲秋,於人 藹 綱 四 制 然 猶網 [者謂 亘萬 裁 四 爲 割

常也。 端也; 聖人之盡其性也。 待增加毫末人爲,而萬善自足,無少欠缺也。 此言聖人性全於天,無所污壞,其本然之理,浩浩然廣大,不 天,即理也。 者,浩浩其天。 抑之使然也。」〇此一節,言性之見於行也。 忠君弟長,四者人之善行,根於秉執之常性 秉彝,有順 饒氏曰: 四者之善端 義禮智之性,其本然無有不善,是以惻隱、羞惡、辭讓、是非 端 義禮智之性也。 性發而爲情 緒也。 辭讓之心,禮之端也,是非之心,智之端也。」此 順者,因其自然。 「忠者,盡己之心也。弟,順,是,此,秉,執, 孟子曰: 毫末,一毫之末也。 ,藹藹然隨其物之所感動而形見也。」〇此 也。 無 厥 彊。 ○衆人蚩蚩,物欲交蔽。 『惻隱之心,仁之端也,羞惡之心,義之 不加毫末,萬善足焉。 語 愛親敬兄,忠君弟長。 解。 長,上聲。彝,音夷。彊,上聲。○ 彊者,抑之使然。 初 謂 萬善,如四端四 本然也。 因 此言愛親敬 〇此一節,言 其自然 然, 惟,語 惟 衆盛 行 乃頽 聖 是 是 , 而 言仁 也 兄 節 彝 辭 性 貌 E

「此者,指上文仁 此言衆人氣稟昏愚 其 「蚩蚩,無知之貌。 綱,安此 棄。 而 物 無 欲,謂凡聲色臭味之欲 知 蚩,音答。 物 欲 交互 頺,徒回切。 而 遮蔽。 也。暴, 是 ○饒 以 類 氏日 害 || 墜其 也

七

外。 無或 罔,無 悖。 使學者謹 思 性 憫 辭。 以 其 仁義禮智 有 書》,或 介,如 作, 如 餘 图 小學之方,灑 窮 達其支。 而 建,亦立也。 逾越乎此也。]〇此 也 培 無 也。 發達木之支條 建學 德 理 或 行有餘力, 詠歌 或 擁木之根本 復, 夫灑 [之綱 逾。 脩身,斯 悖 手曰 立 "音伏。 業 戾乎 師 以 惟 掃應對之節,入則愛其親 惻, 習樂之聲 舞。 悖,音 以 而安於自暴自棄也。 廣 教之。 此 此言聖人見衆人安於暴 音測。 也。 也。 0 足 斯 也。 學 佩。 乃 誦 掃 饒 日 惻 之大。 一節,言小學之教,所以培其 應對。 氏 復 〇此 小學之教,所以收 大學之教,所以 ,或舞蹈以習樂之容。 行 蹈。 蹈 詩》 培, 日: 其 此數者 音 建 音裴。 饒 初。 讀《 學 稻。 節,言聖人 氏 斯 明 日 入孝出 立 丽 書》。 逾,音 此 支,與 昔 命 有 師 也 餘 出 此言小學之方,必 赫 開 非 俞。 則敬其長。 力,則 興學設教 發 其放心,養其德 棄,於是 枝同。 明 然, 恭, 節,言衆人之汩 詠歌 不 以 (聰明 命 足, 〇方 培 凡 罔 動 即 誦 所 〇斯, 舞 其 惻 進 天之所 今 罔或 有 法也 之意。 根 詩 思 凡所 德脩 然 蹈 根 》讀 豈 内 也。 慮, 語 傷

教弛。 本然也。 學者誠能從事於大學,使物格知至,意 之得於内者也。 而 及其年長,則所習日益輕浮華靡。 世 也。 米。 安於暴棄也,此性固非不足。 之施於外者,極 積於内者,極乎崇高。 此乃大學之道也。 賦於人,而人之所得以爲性 無粹美之人材,但見利欲之習紛然 廢 乏良材。 節,言大學之教,所以 有 餘。 ,故學者自童蒙之時, 既遠,聖人既 相 攻擊也。」○此 利 拏,汝加 但 欲,猶言物 此言格 蒙 昔爲氣稟物欲之所 利欲 養 切。 乎 没,六經 成弗端, 業者,功之成於外 物致知以窮究其理 欲 豗,音灰。 廣 紛拏 然天之明命,赫 博。 也。 節,言後世教 達其支也。 繇是推之,使家齊國治天下平, 殘 而養之不 長 拏,牽引 異言 則 缺, 益浮 者 有以復其性之本然矣。 ○饒 蔽,今 而 今日之德崇業廣也,此性亦非 也。 教 ·以其 喧 是以 也 氏 而 靡 學 則復其本然耳。」〇此 然昭著 法 者 誠 E 豗 木 相 也 然 亦 世 誠 豗 鄉 Ę 意 牽 明之害 廢 遠 心 明 鄉 引 正 無淳厚之習俗 端 弛 相 弛 無 大學之教 Œ ,異端之言喧 盛 心 人亡 無 擊 身脩。 音 以 Œ 有内外之間 還 貌 也。 善 脩治 始 也 也 小 〇幸 德 昔 學之教 此 丽 經 Z, 廢,故 者, 其 初 德之 而業 言 日 身。 44 世 殘 之 世 前 無 音 道

書而學之。此非我老耄之妄言,是乃前聖之謨訓也。」○此 之書,庶幾可以覺悟後來之學者爾。 者,人之秉彝,極天罔墜,我於是纂輯舊所聞者,以爲《小學》 耄,老而昏也。此言後世教學不明,雖如上文所云,然所幸 輯,音集。裔,以制切。耄,音冒。 嗟小子,敬受此書。 秉彝,極天罔墜。 言人心秉彝之理,萬古常存也。我,朱子自稱也。 爱,於也。裔,衣襟之末。來裔,謂後學也。 節,言輯《小學》開後學之意。 匪 我言耄,惟聖之謨。 ○極,終也。極天罔墜, 初學之小子,宜敬受此 嗟嗟,嘆辭。 饒氏曰:

爰輯舊聞,庶覺來裔。

嗟

小學題辭畢

九

## 小學集註卷之一

臣

陳選集註

内

篇

之行,所以實立教、明倫、敬身也。《外篇》有二:嘉言,述 聖賢之言,乃《小學》之綱也。稽古,摭虞、夏、商、周聖賢 母。」夏氏曰:「上卷爲《内篇》,下卷爲《外篇》。」許文正公 漢以來賢人之行,亦所以實立教、明倫、敬身也 漢以來賢人之言,所以廣立教、明倫、敬身也。 流。」〇《内篇》有四:立教、明倫、敬身,皆述虞、夏、商、周 曰:「《内篇》者、《小學》之本源;《外篇》者、《小學》之支 許文正公曰:「《小學》之書,吾信之如神明,敬之如父 善行,紀

立 目不出乎立明倫之教,立敬身之教而已。 教 第 此篇述古聖人所以立極教人之法,其大

章,則教之本源也。凡十三章。

理也。 天命之性也。遵,循也。聖人之法,即脩道之教也。俾, 以教,而弟子知所以學。 也。」則天明,遵聖法,述此篇俾爲師者知所 之,以爲法於天下,則謂之教,若禮、樂、刑、政之屬是 故不能無過不及之差,聖人因人物之所當行者而 是則所謂道也。脩,品節之也。性道雖同,而氣稟或異, 循其性之自然,則其日用事物之間,莫不各有當行之路 順五常之德,所謂性也。率,循也。道,猶路也。人物各 猶命令也。於是人物之生,因各得其所賦之理 子者,後學宗師先儒之稱。朱子曰:「命,猶令也。性,即 脩道之謂教。」子思,孔子之孫,名伋,子思其字也。 〇子思子曰:「天命之謂性,率性之謂道, 天以陰陽五行化生萬物,氣以成形,而理亦賦焉, 則,法也。 天之明命,即 ,以爲健 品

師之所以教,弟子之所以學,無有切於此者矣。使也。此篇所述,皆道之當然,原於天而立於聖人者也。

切肉。 其精於聲也。 割 也。 邊,立不蹕,傳、去聲。 不正之聲。 則令瞽誦《詩》,道 娠 作跛。音庇。」○列女,猶言諸女,漢劉向采其事以爲傳。 南》之詩。 列女傳》曰:「古者婦人妊子,寢不側,坐不 地。 不正不食,席不正不坐,那味,不正之味。 古人席地而坐,如今人之跪,至漢猶然。 席 寢 ,卧也 謂 道,言也。 則,即 坐席。 如 側 此, 也。 ,謂側其身。 目不視邪色,耳不聽淫聲,夜 正事,事之合禮者。 令,使也。 則生子形容端 正 事。 妊,音壬。① 邊,謂偏其身。 瞽, 邪色,不正之色。 無目者。 〇饒氏曰: 令瞽誦 正,才過人 不食邪 《詩 跛,任一足 《詩》,以 》,謂二 淫聲, 割,謂 蹕,當 味, 妊,

「俞」; 義也。 不共食。 十百千萬。 擊,帶也。 手,取其强而已。 唯,音委。 之。」「子能食食,教以 寬容而安裕,慈愛而 可 者,使爲子師。」《內則》、《禮記》篇名,言閨門之內,禮 曰:「乳母不良,非 寡言,婦德之純 則也。 六年,教之數與方名。 男鞶革,女鞶絲。 諸母,衆妾也。 革,皮也。 攀,音盤。 方名,謂 不同 也。 席 唯,應之速。 惟敗亂家法,兼令所飼之子性 惠順 而 東西 故使之爲子 絲,帛也。 ○食,飯 坐,不共器 可者,謂 南 温 北 右手,能言,男『唯』女 和 也。 而易良,恭莊而敬畏,謹 俞,應之緩。 男用皮,女用帛,亦剛柔之 上「食」音石,下「食」音 1 雖非 而食 七 師 以 年, 年,即 以 :衆妾,而 , 6教之有别也。 用 教 男 也。 子焉。 歲也。 女不 剛柔之義 可 男女皆 爲子師 司 數, 同 行 馬 謂 用 亦 温 慎 右 類 公 而

● 「車」下,霍刻本作「坐立」。● 「車」下,霍刻本有「食平聲瞽音古」。

之理也

 $\bigcirc$ 

内

則

日

凡

生子,擇

於

諸

母

與然

凝之時,

正形生神發之初,感於正則善, ●感於邪則惡

可者

必求其寬裕慈惠

温

良恭敬、

慎

加

寡

言

於正。

然後生子形容端正

而

才能過於常人矣。

蓋

妙

而

自合

矣。」「如此」二字,總結上文。寢食立坐,❸視聽言動,一

H

<sup>「</sup>善」,霍刻本作「美」。

<sup>「</sup>共」,霍刻本作「同」。

也。 以養性情 學 簡 帥 數 簡 計,衣不帛襦袴。 兼男女言也。 讓 長者,在長者之後也。 讓。 有,音又。勺,音酌。 日居夜宿也。 九 (勺》者,歌《勺》爲 也。 也。 /樂 諒。 ,書篇。 成童,十五以 〇此言男子矣。 禮 八年,人小學之時 誦 襦,上 即 一節皆帥 教之數 傅,音付。 席後長者,坐之讓 也。 諒 詩 衣。 ,信實。 學,猶習也。 《勺》,美武 十年 循 舞《勺》。 日 袴,下衣。 E 初 節 襦, 也。 時之所教也。 十年 而 〇樂,六樂。 皆請於外傅 讓 出 數,上 舞 音儒。 禮 也。 射 也。 就 Ė 謙 王之詩。 帥 書,字體。 不用 幼。 成 耦曰門,奇曰户。 五 也。 聲。 遜 外 初 射。 舞 帥, 也。 童,舞《象》,學射御 傅,居 而肄習之。 外傅,教學之師 帛 日日 飲 《象》者,歌 詩,樂章。 幼 音 朝 御,五 《象》,美文王之詩。 出 而 食後長者,食之讓 率。 儀,幼事長之禮儀也。 用 計,算法。 夕 人門户後長者,行之 ,謂朔望六甲。 學 布 宿 御。 儀 防奢 音 幼儀 於外,學 《象》爲 十有三年, 學之誦之,所 即 程子曰 也。 宜。 就 即六書九 靡 節 也。 也。 肄,音 請 居宿, 以上 mi 也。 肄 書 禮 後 舞 射 舞 去。

年,

出入門户及即席飲食,必後長者,始教之

中鵠 始仕, 方,猶 室,始 也。 備 舞《大夏》。 也。J〇博學無 儀,則已知孝弟之道矣。 不暴於外,切於爲己也。 衣,著也。 冠,音貫。 所養之意如此。二十而冠,始學禮 〇三十日 ,故衣裘帛。 博,廣也。 ,舞中節,御中度,皆誠也。 常 理男事。 方 也。 壯。 裘,皮服。 〇二十日弱。 物 遜 、常,惟 陳 出 博學於文而不教人,恐未精 《大夏》,禹樂。 惇行孝弟,博學不教 友, 氏 謀 日 善 順 博學 冠者,成人之道 發 是 事朋 室 至此益加以篤行也。二二十 慮 師。 冠,加冠也。 熊氏曰:「八年教遜讓,十年學 無 友 道合 ,猶妻也。 遜友視志 方,孫友視志 也。 樂之文武兼備 古人教人以射御《象》《勺》, 0 ,故學五 則 視 始,初 男 ,惟善是 志, 可 服 事,受 也。 内 視 從, 禮。 也。 以 者 其 内 田 衣 圃 也。 禮,五 志 不 孫,音 一畜其 冠 給 不 裘 意 而 可 敦, 四 而 役 所 德 出 禮 也 則 有 + 服 尚 幼 而

●「事」,霍刻本作「交」。

四

+

日

强。

方,猶

對

也

物

猶

事

也

謀

謂

論

事 娩,謂 巡。 出, 共衣 從。 女德也。● 助 還其職事於君矣。❷ 謀 慮 也。 官之小事 慮,只 高調 謂十 共,音供。 容貌柔順。 服 事 執 思 紐 歳則 慮。● 是 姆,音茂。 ,布帛之屬。 麻 枲,麻之有子者。 随事謀 也。 五十日 觀 枲,治絲繭, 不出閨門。 服,謂 籩,音邊。 於祭祀 此言服官政,統一官之大政也。 聽 慮。」五十命爲大夫,服官政,七 艾。 枲,音洗。 調 女子十年不出,姆教婉娩聽 任事。 組,亦織 有 七十日老。 所受。 葅,臻魚切。 納 姆,女師 從,謂從君。 織 執麻枲,續事也。 也。 紅,音壬。 酒 從,謂 紅 漿 紃,似 服 組 也。 遵 ,猶任也。 醢,音海。 無所 紃 縧,古人以置諸 〇朱子曰:「方物 豆 婉,謂言語柔順。 組,音祖。 違。 葅 學 女 治絲繭,蠶 致事,則致 上言仕,治 此皆教以 〇十年不 事 紃,音 相 以 冠 學。 爲州 毋 妻, 也。 傾

巷,間巷之學日塾。 作州。」〇《學記》、《禮記》篇名。 誑,欺誑也。 有序,國有學。」塾,音孰。 ○《學記》曰:「古之教者,家有塾,黨有庠,術 記》篇名。 ○《曲禮》曰:「幼 誑, 聽。」視、 家塾,小學也。 奔則 州之學 婦人不冠 教之以誠 言禮之節目委曲 爲 ,日序。 正方,謂 示 妾。」聘問 以 同。 也。 簪固髻而 黨庠、 五百家爲黨,黨之學曰庠。 國 毋,音無。 正向 立. 子 謂天子及諸侯之都也。 '州序、國學,大學也。 必正方,不 一方。 常 也。 也。 已。 視毋誑,立必正 庠,音詳。 誑 奔,趨 古者二十五家爲間 故,謂父母之喪。 示, 6猶教也。 傾聽, 古況 傾 也,謂不待聘 切。 謂 聽, 術 側 教 耳 ○《曲禮》,《禮 ,陳氏曰: 二千五 之以 人生八歲人 以 毋,不可 國之學日 聽。 聘 方,不 而從之。 同 敬 則 常 百 在 也 也 爲 家 視

0 不出閨門」。霍刻本作 則」電刻本作「謂 應」,霍刻 本作「患」。

常處於置

門之内也」。

肉醬日

醢。

奠,薦

也

禮

相

助奠,謂

以

禮

相 日

長者

而助

其 Ė

奠。 葅。

也。

納

進

也。

漿,

醋

水也。

竹目

遵。

豆。

醃菜

服

縫中

者。

此皆教之學女事,以供

衣

服 木

也。

祭祀。響

先祖

此皆教以祭祀之禮也。

十有五

年而

笄,二十

·而嫁。

有故,二十三而嫁。上「有」音又。

笄,音鷄。

○笄,簪

以」,霍 刻 本作「於」。

示」。霍刻本作「視」。

四

迫,慢 爲司 以信 首 親,君臣教之以義,夫婦教之以别,長幼教之以序,朋友教之 之耳。」〇舜 名,即上章堯所命者。 汝作司徒 怠惰而失之。 同 曰:「人之有道,言其皆有秉彝之性 字子輿。聖人,謂 序,朋友有信。」契,音薛。 倫,父子有親 於禽獸。 小學,十五人大學,皆教之以人倫而已。 「人之有道也,飽食暖衣、逸居 門日 III 徒、敬 慢 温 [朋,同 地 寬 百姓不相親愛,繇於五品 也。 议 敬敷 聖人 敷五教,而寬以待之。 他。」 志日 命 故聖人設官而教以人倫,亦因其固有者 敬,謂敬其事。 M 栗,剛 契 堯也。 命 友。 有 君臣有義, 五 日 夔 五品。父子、君臣、夫婦、長幼、朋友 憂之,使 别,謂各有 教,在寬。」舜,虞帝名。 :「百姓不親,五品不遜 曰 而 契,人名。 無虐,簡 敷,布也。 「命 别,必列切。 不 夫 配 契 汝典樂,教 朱子曰:「寬只是不急 也。 司徒,官 相 偶 爲 婦 遜 而 而 五教"父子教之以 然無教 有 ○《孟子》曰 丽 順,故舜申 司 不相 無傲。 别 無教, 名。 徒 〇孟子,名軻, 亂 ~; 教 則 也。 倫,序也。 青子 契,舜臣 命契仍 亦 詩言 幼 以 則 放逸 朱子 而道 有 近

功效, 和矣。 也。 不相侵亂,失其倫次。 長短,則必有高下清濁之殊,故曰「聲依永」。 温; 濁,則又必以十二律和之,乃能 質之偏也。 之之具,則又專在於樂,蓋樂可 所以防其過而戒禁之也。 剛者必至於虐,故欲其毋虐 匏、土、革、木也。 鍾 律 莊敬也。 名。 奪倫,神人以和。」胄,音宙。 志、歌永言、聲依永、律和聲、八音克諧 詩言志』。 仲呂、林鍾、 黄鍾、大簇、姑洗、 寬者必不足於栗,故欲其栗。 人聲既和,乃以其聲被之八音而爲樂,則 典,主也。 廣 聖人作樂以養性情,育人材,事神祇 大深切乃 永,長也。 既形於言,必有長短之節,故曰『歌永言』。 心之所之謂之志。 南昌 胄,長也。 蔡氏曰:「凡人直者必不足於温。」故欲其 聲,五聲,宫、 如 、蕤賓、 而可 應 此。 鍾, 教胄子者欲其如此,而其所以 自 以 今皆不復見 陰律 夷則、 天子 簡者必至於傲 奏之朝 成文而 以養人中 心有所之,必形於言, 商、 也也 至卿 所以慮其偏 諧,音 無射,陽 角、黴 廷,薦 八音、金、石、絲、竹 不 大夫之適子 亂 和 鞋。 矣, 和 之郊 之德 ,所謂 律 、羽也。 故 ○夔, 無不諧 也; 可 上下,其體 而輔翼之也 既 而 廟 欲 勝 有長 其 大吕、夾 律,十二 也。 神 嘆 救 亦舜 八毋傲 協 無 和 哉。 既 故 短 其 栗, 相 以 用 而 有 日 教 臣

興之: 射有 忠、和 於朋友。 謂善於兄弟。 任,去聲。 制 三事教成萬民。 逐 事 而 萬二千 書、數。 五,曰白 事 水曲 太太 注 之宜 孝、友、 禮 理 《周 處 恤 〇行者,理之見於行者也。 知 通 書於王 事、 樂有六, 曰雲門、 調 過 五百家爲鄉。 矢、 明 禮》,周公致太平之書也。 盡 ,音智。 大司 君 、假借 爲 賑於憂貧。 睦、 參連 ,謂親 己之心爲 鄉大夫論其賢者能者 表、 者,理之寓於事者也。 聖。 也 徒》 舞 潜聲。 婣、 ○ 德者, 於九族。 交 剡 仁者,心之德,愛之理。 注 衢 物 任、 忠 日 三日 以 ,猶事 數有九,日 咸池、 襄尺、井 逐 理之得於心者也。 六 心 恤 婣 禽 無 鄉 德 也。 左 大韶、 六藝: ÷ 謂 乖 孝,謂善事父母。 行, 儀 戾 親 方田 興,猶舉 書 以鄉 物 知 大司 大夏、大護、大 禮 於外親。 爲 去聲。 有 教 御 有 和 六, 飲酒 、粟布、 禮、樂、射、 徒, 有 五,日 萬 也。 五 義者,心之 日 民 睦,音目。 知 聖、 禮尊之爲 教官之長 任, 、衰分、 象 吉、 識事 日 謂以 日 形 圃 ,謂信 義 鳴 友, X 武 六 賓 鄉 少 會 理 和

廣

、商功

均

盈朒

方

程

一、勾

股。

禮以

制

中

,樂以

道

和

·,射

造,成 刑。」糾,音九。 六日 寓 四 皂。 春 立 刑無不友之刑,何也? 造言,造爲妖妄之言也。 以 施教,弟子是則。 未必截然棄彼 法如何,而今無矣。」〇《王 刑糾萬民:一曰不孝之刑,二曰 次以六藝者,即孔子「行有餘力,則以學文」之意。」以鄉 日 書》,冬夏不可 前 . 術、《詩》、《書》、禮、樂。 觀德行 秋 四 不 〇《王制》,《禮記 日用 也。 教以 教 不恤之刑,七曰造言之刑,八曰 婣之刑,四 順順 ,御以 不可 陳氏曰: 禮 而習此, 教 先 缺者也。 正馳驅 、樂、冬夏教 弟,去聲。 禮、樂也。」〇《弟 王《 「古人之教,雖 日不弟之刑,五 常 詩 恐亦互言耳。 朱子曰: 書以見心畫 温 真氏日 亂民,挾邪道以 名。 恭自虚,所受是極 四  $\forall$ 造,音皂。〇糾,謂察而 制》 教,春、夏、 樂正  $\sim$ 書 以《詩》、《 不須 日 「三物之教,先以德行 ,數以 》、禮、樂 四 掌教之官。 子 非 時 如此看,但看古人教 秋、 職 感 春 各有 樂 日 盡物變。 不睦之刑,三 民 秋 冬。 書 正 不任之刑 也。 不可 日 所 以 崇 習 崇, 順, 亂民之 皆 或問: 造 四 其 至理 先生 《弟子 造,音 正之。 依 尚 實 士 也 1 而 亦 所

從事 也。 温,和 者,以 也。 整齊,敬見乎外也。 直 服 務學也。 則 朝 以簡身也。 衣帶必飭。 謂之志,身之所行謂 侮人,恃力則 職》、《管子》篇名,管仲所著者。 ,親仁也。 。」懈,音戒。 益 於此 柔,巽順 則,法也。 先己 受業須窮究 游 暮 温 恭, 居 而 小心翼翼,敬以 柔 習, 一而生也 不 衣帶必飭,謹以簡身也。 也也。 遜 孝 有常,必 陵 顔色整 怠 也。 通 飭,音敕。 小 ,弟,毋 人, ○益 是謂 結結 孝,謂善事父母。 道 心 非 自 上文。 中心必式,敬存乎中也。 之行。 自稱曰弟子者 理 增 虚, 汎愛衆矣。 翼 到 爲學之法矣。」〇孔子曰 齊 就 驕恃力。 盡處 務學 也。 翼。 心不自滿也。 〇式,敬,夙,早, 中, 有德。 吴氏曰:「言爲弟子 虚,謂 翼翼,敬 也。」見善從之, 也。 心 先生" 虚偽。 ( 尊師 志 必 此言學文之事。 行,去聲。 弟,謂善事兄長。 此 此三節,言力行之事。 毋,音無。 式。 毋 也。 師 不 如父兄也 常,謂 朱子曰 虚 也。 朝益 懈, 飭,整也。 邪 夙 夙興夜寐,勤 稱 常所。 〇心之所之 行 興 ○服 暮習 者,當專一 「所受是 是 師 聞 一一一弟 夜 日 則 謂 義 必正 懈, 猶 ,勤以 就有 驕 先 顔色 寐, 效 學 則 則 行 生 怠 也。 曰:

於詩 用也。 學者之初,所以興起其好善惡惡之心,而不能自己者,必 行有 子入則孝,出 其渣滓。 以爲歌舞八音之節,可 得之。」成於樂。」朱子曰: 之中,所以能卓然自立,而不爲事物之所摇奪者,必 其爲言既易知,而吟咏之間,抑揚反覆 衆,謂衆人。親,近也。仁,謂仁者。 而有節文度數之詳,可以固 此而得之也。●」立於禮。 力有餘則學文,不脩其職而先文,非爲己之學也。」○「興 「謹者,行之有常也。 他皆放此。 ,此章之首,當有「孔子曰」三字,而略之者,蒙上 餘力,則以 文,謂《詩》、《書》六藝之文。一程子曰:「爲弟子之職 故學者之終,所以至於義精仁熟 朱子曰: 則弟,謹 學文。」孔子,名丘,字仲 以養人之情性,而蕩 「興,起也。 人肌膚之會,筋骸之束。 信者,言之有實 朱子曰: 「樂有五聲十二律 加 信,汎 餘力,猶 禮 詩本人情,有邪有 ,其感人又易入。 愛衆 以 脯 滌其 恭 也 自 敬 言暇 和 ,更唱迭和 ൬ 邪穢 辭遜爲本 汎, 尼。 順 日。 親 於道 於此 故學者 廣 朱子 消 以 E 也 故 融 而

●「於」,霍刻本作「以」。

〇子夏,孔子弟子,姓卜,名商。朱子曰:「賢人之賢,而易而有信,雖曰未學,吾必謂之學矣。」易,音亦。父母能竭其力,事君能致其身,與朋友交言

之本,故不可斯須雕之。

〇子夏曰:「賢賢易色,事

《禮記》篇名。斯須,一離一合之頃也。去,離也。禮樂治身

已。故子夏言有能如是之人,苟非生質之美,必其務學之其身也。四者皆人倫之大者,而行之必盡其誠,學求如是而其好色之心,好善有誠也。致,猶委也。委致其身,謂不有

術、威儀、衣服、飲食九者,小學之目也。而立教則教此而敬身三者,小學之綱也。父子、君臣、夫婦、長幼、朋友、心至。雖或以爲未嘗爲學,我必謂之已學也。」按立教、明倫、

小學集註卷之一終

已,或乃外是立説,誤矣。

於」,霍刻本作「以」。

0

# 小學集註卷之一

也。

訂,評議。

聖人之書曰經,賢人之書曰傳。

此篇以訓蒙士。訂,丁正切。傳,去聲。

〇稽,考

臣陳選集註

父子之親,明君臣之義,明夫婦之别,明長幼之序 倫 第一明,明之也。 倫,人倫也。 其目有五: 7,明朋 明

友之交。凡百七章。❶

明

内

篇

明人倫也。」設,立也。 E 義、校以教民爲義、皆鄉學也。 〇孟子曰:「設爲庠序學校以教之,皆所以 [序,周日庠,學則三代共之。 庠以養老爲義,序以習射爲 稽聖經,訂賢傳,述 學,國學也。 夏曰校,殷

> 服玄端,著轉,加紳,搢笏,佩用。 則櫛髮,加縱,加笄,加總,拂髦,著冠,結纓,垂緌。 用,謂身之兩旁,佩帨巾小刀之類,以備用也。 轉,蔽膝也。●搢,插也。插笏於大帶,所以記事也。 各以次第施之。 纏足至膝者。 髦上之塵。矮者,纓之餘。纓者,冠之系。 爲之。笄,簪也。總,束髮飾髻者,練繒爲之。 盥,洗手也。激,漱口也。 用,倡屨著綦。盥,音管。 音洒。笄,音鷄。髦,音毛。 笄總,拂髦,冠 内則》曰:「子事父母: 偪,音逼。屨,音句。著,音酌。綦,音忌。○咸,皆也。 屨,鞋也。 司馬温公曰: 矮纓,端鞸 著,猶結也。 櫛、梳也。 緌,如追切。 「孫事祖父母同。」劉氏曰 激,音嗽。 鷄初鳴,咸盥潄櫛 在足,則縛偪,納屨,著綦。 紳, 縰,韜髮作髻者,黑繒 綦,鞋口帶也。 搢笏,左右佩 櫛,則瑟切。 舞,音畢。晉,音 端,玄端服也。 拂髦,謂拂去 偪 ,邪幅也 在身,則 左右佩 在首, 縰, 縰

0 章」,原作「篇」,今據霍刻本、沈刻本改。

0 「也」下,霍刻本有「紳大帶也」。

九

衿,巨 潄 紳 間 疾痛 姑之所。 之而 以 或 欲 音 水 其 尊者 也 扶 先 衣 櫛 則 而 冠 謂 、持之。 請 火燠寒 一禁切。 去之。」 悦其 則 縰 或 子 後 敬 佩 抑,音益。 〇沃 ,故佩之。 抑 沃 也 用 生 後 笄 進 退 按。 聲。 盥 適,往 婦 盤 則 鍼線之類。 〇夫之父日 總 之, 月 出 疾 采 而 問 斮 事 注 温 於敬 司 飾 衣之燠 則 盥 癢 搔,音騷。 敬 痛 也。 衣 柔 水 舅 之加 去 馬 剪 卒 而 則 扶 苛 紳 色 也。 温公曰: 姑 學。 所, 其 播爬。 盥 于冠 衿,結 持 癢 舅,夫之母 胎髮 以 授 如 將 寢 左 進 之。 授, 0 म् 減 ○燠,熱 温 事父母 室 ,不忘父母生育之恩也 而 八爲 看, 右 所 也。 盤 之也。 出 也。 之。 進 孫婦同。」以適父母 欲, 敬 燠, 人,則或前以扶持之,或 佩 也。 奉, 小 纓 日 及所 也。 抑 帶之于首 音 意之所 用 間 音棒。 姑。 父 香囊也 者奉槃,長 巾 郁。 搔 衣之寒,將 鷄 背 母 衿 下 下 拭 之。 衣紳,著衣而 苛, 初 欲 手者。 疥 槃。音盤 纓, 舅 ,恐身有 食 也。 鳴 男 氣怡聲, 音疴 出 者 左 姑 加之也 綦 低下其 咸盥 女右 間 者 必 父母 減氣 屨 陳 癢 舅 沃 則 奉 嘗 所 加 後 氏

日: 髮爲 若已食則退,若未 席。 鳴 也。 昧 朝,音潮。 衿纓,皆 未 席, 則》之文而不言者,蒙上章也。 布 斂 席 母 音 向。 冠 將 席,各 收 晦 與 視具 角也。 咸 請 舅 各從其事 温 也。 笄者 衽 也。 簟 衽 ,謂將設卧 盥 姑 承 何 佐,去聲。 謂 爽 音 枕簟,謂 藉 從 佩 潄 臭, 縣 將 鷄 趾 八,明 也。 察 稔。 衾 其 容 坐, ,若女服事于内 香物 視 也。 衣 初 事 臭。 謂 席。 趾 少 饌 篋枕, 尊者之枕簟。 服 奉 鳴 以 一,音止。 0 也 〇男 具 謂 者 和 趾 欲明 席 寒 食則佐長者 衣,去聲。 助 昧 執 咸 柔 足也。 未冠 暖之節。 斂 斂 爲 之顔 未明 爽 盥 縣 牀 請 容 枕 簟 他皆 男 ,女未笄 ,音玄。 丽 潄 崩 何 飾, 色, 簟 之時。 布 牀 而 服 簟 鄉。 櫛 坐。 放此。 朝 承 事 故 襡 設 謂安坐之牀。 灑 徒 縰 于 日 之。 也 朝 視 凡 皆 間 點切 尊 容 掃 外 御 將 内 1幼者。 拂 者 猶見 具。 是矣。 席 臭 何 内 室 外,婢 者 衽 之意 奉,音捧。 袪 外, 食 謂尊者之坐 以 長者 堂 舉 0 也。 冠,音 襡 總 僕之輩 此 纓 飲 總 御 几, 及 〇「父 角 男 鷄 亦《内 佐 佩 者 音 庭 之。 女 斂 奉 初 助 束

旋轉之際,必

謹

慎

齊

莊

也。

升降

出

一人揖

遊,不

敢

0

則問 母、 尤當敬 侍奉之人。 飲食、非餕、莫之敢飲食。」祗、音支。敦、音對。 之,勿敢近,敦牟巵匜,非餕莫敢 枕則以篋貯之,簟既斂而又以 與之坐 舅姑之衣衾簟席枕 面 巵,音支。匜,音移。餕,音俊。 向 也。 ,舉几以 何方。 衾,被也。 將 坐 與 設卧 八之憑。 奉 席, 席 篋 亦 則 席 以 長者。 問 竹 與簟則 足 襡韜之者,以 爲之,獨以 几,不傳; 向何 斂席以 收斂之,衾則 方。 ○傳,移也。 卧 布爲之。 下, 卧 而起 用 杖 皆 則算 屨 ; 侍 東 則 ●與 設 在 而 者 衣衾簟 執 祇 縣之, 席 坐 、床以 牟, 席, Ŀ 恒 敬 父 咳 睇 音

席枕几,每日置之有常處,不得輒移置他處也。❷ ,及也。 ,皆盛黍稷之器。 杖屨,服飾之重者,❸尤須恭敬,不敢挨逼之也。 恒 也。 巵,酒 尊 者 所 器。 用 之器,非 匜,盛水之器。 食其餘,則不 食 餘 近, 日 謂挨 敢 餕。 敦 用

〇「在父母、舅姑之所,有命之, 周旋慎 敬 對 ,對以敬 齊。 也。 唯,音委。 進 退 周 齊,側皆反。 旋慎齊, 言 應唯 進 0 應 敬對, 退之時 唯 應以 進 周 速

退

之。

所

常

飲

食

之物,

非

飲

食之餘

者,

則

不

敢

飲

食

之。

敬事 噦 後,其身微仰 門户言。 欠伸跛倚睇視,則貌不恭。 於決切。 人揖遊之頃,皆不敢。 第。 视, 咳 噫、 邪 、敷。 唾 不 視也。 嚏 揖,謂 一、吐卧 噫,音隘。 氣乏則欠,●體疲 咳、 敢 而揚 切。 袒 唾出於口,澳出於鼻。 進而前 欠伸、 也。 裼。 洟,音替。 嚏,音帝。 寒不 噦,嘔逆 ,其身略俯如揖 跛 不涉不 唾 倚 敢襲,癢 洟 則 〇升降,以堂階 咳,丘 聲。 ,則聲 伸。 睇 視, 撅。 噫,食 偏 蓋切。 貌俱 噦噫嚏 也。 任爲 不 不敢 飽 褻衣衾 不恭 遊,揚 敢 跛, 跛,音 聲。 咳,則聲不恭 声。 搔 唾 依 也 故升降 嚏 洟 物爲 出 庇。 謂 不 不 噴 退 嚏 睇 噦 見 倚 有 出 而

習射。 涉 褻,音屑。 裹。 水則不敢褰裳。 襲,音習。 袒 裼 見,音現。 ,露臂也。 搔,音 褻, 〇亦爲不恭也。 猶 撅,褰裳也。 騷。 近 也。 袒,音但。 近 身之衣衾,其裹有 非 襲,謂 習 裼 [射則 音 重 不 衣。 敢 撅,音貴。 露 敬 穢 臂, 事, 非 故 謂

非」,資講本作「將」。

0

輒」,霍刻本作「

飾」,霍刻本作

氣乏」,霍刻本、沈刻本作「意闌」。

率。 不見。 皆循是禮 以線貫鍼曰 和,湯漬也。 見,音現。 〇賤 和灰 父母唾洟不見。冠帶垢,和灰 而行之。〇《曲禮》曰:「凡爲人子之 ,謂婢僕之輩。 垢,音苟。激,音搜。 手洗曰漱,足洗曰澣。上服曰 拙二音。 請 「少事 澣。 長,賤 共,皆也。 〇不見,謂刷去之。 衣裳綻裂,紉 澣,音緩。 事 帥 貴 循 (,共帥 也。 紉,尼憐切。 箴 衣,下 時,是也。 垢, 塵 詩。」帥、 清漱。 請 補 服 垢 日 綴 裳。 也。 箴, 衣 音 謂 也。 也。

業。 安。 禮 之有深愛者,必有和氣, 妄用也。 常,猶方也。 被之類,清以致其凉,如扇枕之類。 一、冬温 不稱老,欲安父母之心也。」〇《禮記》曰:「孝子 出必告,反必 恒言不稱老。」告,啓也。 恒言,平常言 加 陳氏曰:「遊有常,身不他往也。 夏凊,昏定 面 語 也。 所遊 而 自以老稱 晨 有和氣者,必 省。 必有常, 反,還也。 定以安其寢,省以問其 , 則 温以致其暖,如 父母爲過於老 習有業,心不 所習必有 面 ,猶見也。 有愉 温

爲尸。 父主祭而子爲尸,是父拜子也,故不爲。 概,量饌具之多少,當順親意,不得 室西南隅爲奥,尊者所居也。 奥,坐不中席,行不中道,立不中門。 孝子之道。○《曲禮》曰:「凡爲人子者,居不主 執玉捧盈,如弗勝,如將失之,皆敬心之所存。愛敬兼至,乃 之道哉。 見於身。 言孝非言祭也。 ○此《禮記 恪,非所以事親 若夫嚴肅威重 言敬親常 食,音似。 陳氏曰: 盈,滿 祭義》之篇。 如執玉奉盈。 也。 餘皆放此。❶ 「和氣、 ,儼正謹恪,乃以上臨下之敬耳 概,音蓋。 洞 也。」奉,音捧。 洞, 偷色、婉容,皆愛心之所發。❷ 不日 質慤 恐不能當其 ○食饗,如延客奉祭之類 愉悦之色見於 食饗不 《祭義 貌。 ?自限 屬, 而 屬。 量 爲概, 重 聽 日 也。 音 滿, ||| 禮 專 於 竹。 面,婉 尸 而 記 無 貌。 祭祀 主,當· 且 神象 者 勝 贵 將覆 順之容 勝, 音 事 以 升 如 親 其 墜

□ 「心」,沈刻本作「親」。□ 「餘」,霍刻本作「後」。

盈

,洞洞

屬屬

然,如弗勝,如將失之。

嚴威儼

色;有愉色者

,必有婉容。

孝子如執

玉,如

奉

於無形。

親雖未言,亦聽之,恐言

而不

·及聞

也。

親

雖

未

<sup>302</sup> 

教也。

有上下,卑當統於尊也。

,則受

帨

示民有上下也。

馬

、示民

不

敢

專

也。」自此

馬

,物之重者

親矣。

黄氏曰:

不許

友以死。」死,謂患難相

近

遊也。

遊

且。

皆,毁也。

登高臨深,危道

臨

動,亦視之,恐

動

脯

不及見

也。

言愛身之事。

服

雖

不

○耆

然不可恃

若飲

記》曰:「父母在,不敢有其身,不敢私其 以父母之心爲心,則孝矣。」○《曲禮》曰:「父母存, 知己之所在而無憂,召己則必至而無失也。] 范氏曰:「子能 而音問疎,不惟己之思親不置,亦恐親之念我不忘也。 當自重以愛其身。○孔子曰: 必有方。」朱子曰"「遠遊,則去親遠而爲日久,定省曠 遊必有方,如已告云之東,則不敢更適西 深,不苟訾,不苟笑。」訾,音紫。 邵氏曰:「爲子之道,既當自卑以尊其親,又 ,故不敢專之以饋獻。 「許友以死,雖父母不在亦不可。」〇《禮 有,猶專也,即 也。 死。 以上 遺 父母在 彼日 「父母在,不遠遊 苟訾苟笑,辱道也。 許友以死之謂。 親 言 在而 饋,自下奉上 ○《内則》曰 尊親之事。 饋 以 死許人,是忘 獻 不 ,欲親必 〇荷,荷 一曰獻。 及車 示,猶 不 財, 遊, 登 0 此 音税。 食之, 佩 婦 畜 勞,而不欲人代,然必順尊者之意,且與之。 之以事,己既爲之矣,或念其勞,又使人代爲。己雖 之,而後復之。」姑,且也。 「子婦孝者敬者,父母、舅 ○畜,養牲也。 如己意,且教之。及其果不能,而後己復爲之。」黄氏曰 加之事,人代之,己雖 欲,皆好也。待,謂待尊者。察己不好而改命焉,然後去之。 欲,必服 子而孝敬,父母必愛之。婦而孝敬,舅姑必愛之。 而獻諸舅姑。 愛,而於命或逆或怠也。 此兩節,皆明弗逆弗怠之意。]〇「子 ,鍼線之類。 或賜之飲食、衣服、布帛、 無 茝,昌改反。 私 雖 器,不 愐 不耆 待。 帨,帨巾。 假,借人也。 舅姑受之則喜,如 敢私假,不敢私 〇或賜之,謂私親兄弟與之也。 飲、去聲。 必 嘗 逆,謂不順。 茝、 而 鄭氏曰。「家事統於尊者也。 繭 不欲,姑 使,教也。 待。 食,音似。 ,皆香草。 姑之命, 佩帨、 加 婦無 息,謂不勤。 之衣 與。 與 陳氏曰: 耆,音視。 輔氏曰: 新受賜 若慮其爲之不 茝蘭 之, 私貨 勿逆勿怠。 畜,許

「新,

初

不

以

爲

無

私

六切

而

姑

使

「尊者任

也

之。不得命,不允其辭也。 無諾 故復請其故。」○《曲禮》曰:「父召無諾,先生召 然後與之。 將與之,則必復請其故,賜 待乏者,待舅姑之空乏而獻之也。 如更受賜,藏以待乏。 如初受兄弟之賜也。」若反賜之, 故爲句。 唯 而 黄氏曰:「不敢私受,故獻諸舅姑。 〇故 起。」唯、音委。 ,即反賜之物也,亦必再請於舅姑,既許 如更受賜,如再受舅姑之賜也。 反賜之,謂舅姑不受而 ○諾,應之緩。 而後與之。」復,扶又 婦若有 則辭; 私親兄弟, 唯,應之速。 不敢 不 得 私與, 復與 命, 不趨。 於諾。 也。

切。

諾,手執業,則投之,食在 父母没而澤猶存,故不忍。 焉,口澤之氣存焉 讀父之書,手澤存焉爾, 事親,無所不至,此特其疏略之禮節耳。 則不敢更至暮也。 東往,則不敢更適西也。 膝,何其起也。 不言,立則視足,坐 食器也。 復不過時。 放又以氣言之。 復,音伏。 走、趨 父命呼,爲父命所呼也。 手澤,汗之所漬也。 ,皆步也,而走速於趨。 親 癠,音劑。 ○《禮記》曰 癠,病也。 癠,色容不盛。 ○《内 爾。 復,還也。 則 方氏 ○易,改也。不易方,如已告 則》曰 色容不盛,有憂色也。孝子之 視 圈 膝。」視足,伺 日 母没,而杯圈 : 澤,津 ,區員切。 一口,則: 不過時,如已告云晝還 「父命 唯 親老,出不易方, 書,書策也。 此孝子之疏 「父母 之所漬 諾 父没,而 〇不能 ,皆應也, 吐之; 呼 也。 其 有 唯 行 不 猶 滩子, 杯 П mi 也。 能 走 不 而 不忍。 卷 有 唯速 能 節 飲 怞 不 視 飲

也。

抱,懷抱也。

視抱,容其思之,且爲敬也。

視面,察其納

視抱,卒視

面,毋改。

衆皆若是。《士相見

禮》,

儀禮》篇名。

大人,卿大夫也。

視面,觀其顔色,可

'傳言未

○《士相見禮》曰:「凡與大人言,始視面,中

己言否也。

毋改,謂見答之間,當正容體以待之,毋自變動,

衆,謂諸卿大夫同在此者。

皆若是,視

之儀無異也。❶

若父,則遊

目

毋

上於

面

毋上

下於

上,上聲。

〇子於父,主孝不主敬,

故所視

差廣

目

觀

嫌懈惰,不虚心也。

安否何如也。

記曰:「凡視,上

|於面則敖,下於帶則憂。」若

刻

<sup>0</sup> 「爲」。霍刻本作「謂」。

也。」是故父母

昏定,所以

安其

寢。

晨省.

所以

安其

處。

忠者、盡

方氏曰:

「怡聲以問

,所以樂其耳。

柔色以

指親而言。

樂其心,怡悦其心也。

不違其

志,承順

其飲食忠養之。

養,去聲。

樂,音雒。

下俱同。

樂其心,不違其志,樂其耳目,安其寢處,以 禮,亦不可不行焉。」〇「曾子曰:『孝子之養老也 若庶子庶孫,甚愛之,雖父母没,没身敬之不一 ○曾子,孔子弟子,名參,字子輿。「老」及四「其」字,皆 〇「子甚宜其妻,父母不説,句。 之所愛亦愛之,父母之所敬亦 「父母以爲善,子情雖替,而夫婦之 曰『是善事我』,子行 父母没不衰。」 子有二妾,父 温,所以樂其目。 ○宜,猶善也。 食,繇執 所出 其 己之心 處,上 繇,自 志也。 敬之,至於犬馬盡然,而況於人乎?」」父母所 宗子之家。 也。 子,祗事宗子宗婦 婦相抗並。 若使介婦,毋敢敵耦 侍舅姑,不命之退,不敢退 請於舅姑。」凡婦,通家婦 凡 並 不可怠於事,又不敢恃舅姑之命,而無禮於介婦也。 友無禮於介婦。 而後行焉。 以年計也。 請 日 愛之犬馬猶愛之,況父母所愛敬之人乎? 婦不: 於姑。 :「舅没則 命,不敢 命,出令也。 命適 非惟任事不敢抗並,亦不敢並 介婦,衆婦 冢婦,長婦也。 介婦 並 雖 私 姑老,冢 言舅姑若以事使介婦,亦不敢恃此 坐。 衆 請 室,不敢退,婦 友,當作敢。 於冢 車 也。 耦,音偶。 徒 也。 於冢 祭祀賓客,禮之大者,猶必 雖 舅 婦 婦。 介婦 舍於外,以寡 事,謂 貴 姑 所祭祀賓客, 婦,不敢 言。 富 ○敵 ○言舅姑以事使冢婦,既 使 老, 私事。 下, 冢 將 謂傳家事於冢婦,非 私 相 婦婦 室,婦之室。 行 有 敢 抗 〇「適 並 並 事 也。 以 毋怠。 ○《内則 約 命、並 大大 行,不敢 貴富 每 耦 而 子 小 事 坐 蓋婦 答稟 與冢 相 也 不 人 庶 必 姑 必

出,謂出其妻。

應氏曰:

夫婦之禮焉

,没身不衰。」說,音悦。

出

子不

宜

其妻,父母

也。

視,比也。

事

毋

敢視父母所愛,雖

母

愛一人焉

,子愛一人焉,繇衣服

飲

父母所愛,當終身敬之,非特愛之而已。

婢子,婢所生者。

若,及也。

庶子庶孫,庶母

六

不諫 孰諫 寧 皆和順之意。 五百家爲鄉,五百家爲黨,二千五百家爲州,二十五家爲間。 者,悚然興起之意。」不説,與其 以觸父母之怒也。」○《内則》曰: 弗忘; 則 怡色,柔聲以 也。 敢以 皆不敢以此加之。 加,高也,言非惟不敢以富貴人宗子之家,凡内外父兄宗族, 宗子,謂大宗子。 不逆。」朱子曰:「諫而不逆,謂委曲作道理以 ○適子,謂 孰 復諫, 起敬 而 謂 舍,置也。 諫。 貴 父母 純熟殷 父母惡之,懼 富 起孝。」説,音悦,下同。 父及祖之適子,是小宗也。 説 得 父母 加 蓋諫易至於犯,故欲和順也。 音悦。 勤 罪 寡,少也。 於父兄、宗族。」適,音的。 而諫。 諫。 宗婦,謂大宗子之妻。祗,敬也。徒,從人 於人,其罪重。二者之間,寧 怒,不説 〇曾子曰:「父母愛之,喜而 復,扶又切。 諫若不人,起敬起孝。 疾,惡 而 約,省也。 無怨;父母 也。 而 撻 得 諫而父母不悦,其罪 〇吴氏曰:「下、 「父母 人,亦謂人宗子之家。 孰與熟同。 之流 罪於鄉黨州 庶子,謂適子之弟。 血 有過,下氣 有過,諫 人,納也。 不不 ·諫,不唐突 〇萬二千 미 舍,去聲。 、怡、柔, 孰 敢 説, 間, 諫。 輕。 疾 前 起

謹疾之道也。」方氏曰:「經之所言,道其常而已。 也。 也。 藥。」吕氏曰: 子先嘗之。 忘憂,故戒之。 不惰,憂不爲謔也。 自得,未及三世,固 親,病則致其憂。 變,猶易也。貌,謂色也。 貌,笑不至矧,怒不至詈。 惰,琴瑟不御, 號泣而隨之。」號,平聲。 ○「君有疾,飲藥,臣先嘗之,親 ○《曲禮》曰 不變貌,憂不多飲也。 胃,音利。○櫛,梳髮也。 〇「父母有疾,冠者不櫛, 省,謂 「醫至三世 復故,復 不櫛,憂不爲飾也。 在所取也。」〇孔子曰: 不御,憂不爲樂也。 食肉不至 子之事親 度其 齒見曰矧,怒駡 ,活人多矣,用藥熟矣,然後服之。 常也。 大笑則見矧,怒甚則至詈,亦爲 所堪。 0 翔,張拱 )將以 一變味, 也,三 疾止 疾止復故。」矧,矢引 醫不三世 感 不翔,憂不爲容 則 也。 不變味,憂不擇食 行 動親心,庶 諫 日 飲 有疾 憂 響。 不翔,言 惰, 而 散, 酒 「父在 不 戲慢也。● 不 非 孝子之事 飲 不 故 聽 或 世 復常。 服 至 傳 藥, 能 其 也 觀 變 不 則 而

<sup>●「</sup>慢」,霍刻本作「嫚」。

,卿大夫相君

霜露

而

悽

悲傷貌。

統》、《禮記》篇名。 善,亦不得爲孝矣。」○《内則》曰:「父母 備外内之官也,官備則 ○《祭統》曰 義》、《禮記》篇名。 妻。愴,音創。 君子履之,必有怵惕之心,如將見之。」悽,音 有悽愴之心,非其寒之謂也。春,雨 父母羞辱,必不果。」貽,遺也。 爲善,思貽父母令名,必果,將爲不善,思貽 然又必能三年無改於父之道,乃見其孝。不然,則所行雖 可知。父没,然後其行可見,故觀此,足以知其人之善惡。 孝矣。」行,去聲。○朱子曰:「父在,子不得自專,而志則 其志,父没觀其行,三年無改於父之道,可 ○《祭義》曰: 濡,沾濕也。 愴,故 ,命婦相夫人。家之祭,衆子相宗子,備外官 濡,音儒。 祭 「夫祭也者,必夫婦親之, 此言君子感時思親也。 統,猶本也。 **於秋**。 怵惕,驚動貌。 「霜露既降,君子履之,必 怵,音出。惕,他歷切。 履 酮 具 具 露 八者, 備。」夫,音扶。 m 令,善也。 見之,謂見其親。 供 怵惕,故祭 祭之物。❶ 履,踐也。悽愴, 雖没,將 露既濡, 果,謂果決 ○≪祭 所以 ○≪祭 於 國之 春。 履 謂 愛。 僾然,彷彿之貌。 出户而聽, 愾然必有 乎其位; 字及所爲皆指親而言。 以齊不齊而致其齊也。 也; 之誠也。 思其笑語,思其志 可也。」莅,音利。 還 衆 ,音旋。 婦 輔氏曰:「有故,謂 相 宗 愾,開 婦, 見乎其位 備 代切。 内

〇「君子之祭也,必身親莅之。 〇莅,臨也。 官 也。 必身親臨之者,致其如 官 既 備, 有故 則 事 則 無 闕 使

疾病或不得已之事,己既

於外,若不飲酒不茹葷之類。樂,好也。 聲。處,上聲。樂,五教切。耆,音視。 齊三日,乃見其所爲齊者。 與,而時又不可失,則使他人攝之可也。」 (《祭義》曰: 致齊於内,散齊於外。 周還出户,肅然必有 致齊於内,若心不苟慮之類。 祭之日,入室,僾然 意,思其 聞乎其嘆息之聲。 ,如見親之在神位 ○陳氏 齊之日,思其居 日 齊,音齋,下同。 所 〇齊之爲言齊也,所 樂,思其 聞 耆,欲也。五 「人室,人廟室 乎其容聲 必 所 周 有見 僾,音 散,上 散齊 旋 其 處 也 H

0 供」、霍刻本作「奉」。

存,致 忘乎 户 服; 乎?」慰,音確。 然,敬惕之貌。 具,故 粥,賣也。 日 洋乎如在其上,如在其左右,夫安得不敬乎?」○《曲禮 文見乎其位以下三者而言。」輔氏曰:「著存不忘乎心,則洋 音,自不絶乎耳 氏曰:「先王能存其心,故親之容色,自不忘乎目, 出 **先神而後己也。** 之至也。 未成,不造 聽也。 謂 ,極其敬親之誠也。 目, 爲宫室,不斬於丘木。」粥,音育。衣,去聲。 不假。 君子 慤 俎 懷然,大息之聲也。 是故先王之孝也,色不 ,聲不 酌 〇《王制》曰:「大夫祭器不假。 丘,墓也。 測 造,爲也。 獻之時,行 燕器。」 雖 著 容聲、舉動容止之聲也。 絶 貧,不 親之心志耆欲,自不忘乎心。」致愛則 ",著 〇孔子謂曾子曰:「身體髮膚, ○陳氏曰:「致愛,極其愛親之心也。 乎耳, 君子寧其身之困,而不忍慢其先,孝敬 存,以上文三者不忘而言。著,以上 1步周 存不忘乎心, 夫安得 燕器,自奉之器,祭器未成 假 粥祭器 借 心志耆欲不忘乎心。 旋之間 也。 大夫有 ,或自户内 3 雖 出户而聽,祭畢 田 寒,不衣 禄,祭器當自 而 出 則不造 親之聲 也。 不 祭器 敬 0 祭 輔 致 肅 面

滿 行必繇道,則己之名揚於後世,而父母之名亦顯矣。 身體言其大,髮膚言其小。 受之父母,不敢毁傷,孝之始也。 人,謂在位者。 不溢。 姓,刑於四海,此天子之孝也。 孝之終始也。 始於事親 揚名於後世,以 矣。 大孝尊親之事。 在上不驕,高 法也。真氏曰:「孝者不出乎愛敬而已。 敢慢於人。 度, 謹守法度也。 諸侯之孝 於上,而德教自刑於下,天下之人,無不皆愛敬其 人,而無所疾惡。 丽 高則易危,在上不驕,故不危。 不溢,然後能保其 社, 土神。 ,中於事君,終於立身。 也。 愛親者,不敢惡於人, 此下三節,其次弗辱之事。 愛敬盡 推敬親之心以敬人,而無所慢易。 貴爲國君 稷, 溢,音逸。 顯 穀神。 父母,孝之終也。 於事親 道者,當然之理。 可 惟 0 社稷,而 調高 諸 制 圃 侯得祭之。 滿則 節 矣。 不危,制節 而 自 恶 易溢 富有千乘 和 推愛親之心以 德 制 ,去聲。 夫,音扶。 非先王之法 於 敬親者,不 立 其 教 身不苟 制節 民, 禮 一身行道 民 腐, 加 親 節 謂 〇刑,儀 人,此 謹 謹 可 也。 則 於 皮也 夫孝 安,而 〇此 庶 度 親行 謂 民 百 此 謹 故 滿

八

孝也。 也。 也。 士。 服 愛他 焉。 以事君,則忠矣。 君則忠,以敬事 及其身必矣。 之有也。」孝之終始,見上文。 妄耗費。 地 而祭祀也。 自天子至於庶人,孝無終始,而 不 行 ,然後能守其祭祀,此 謹身,謂不作非爲,望不犯刑憲。 士有田禄以奉祭祀,故言守祭祀。 人者 利 君親 敢服,非先王之法言不敢道,非先王之 朱子曰:「用天之道,因地之利,謂依時及節 法,法度也。 如 敢 此,則身安用足,❸自 卿大夫有家,家必有廟,故言保宗廟。」以孝事 謹 ,謂之悖德 臨之,厚莫重焉。 行, 〇孔子曰:「父母生之,續莫大 移事親之敬以事長,則順矣。 然 節 長則 後 道,言也。 用 能 以 ,不敬其親而敬 保 順,忠順不失,以事其 養 其宗 士之孝也。 宗,程子曰:「言人宗於此。 父母 事親而不能有終有始 1有以 是故 節用 廟,此 奉養其父母也。」故 用天之道,因 患不及者,未 此 謂 不愛其 庶 卿 省使儉用,不 移事親之孝 上,即君 他人者 人之孝 大夫之 ,耕種田 親 335 而 長 0 0

謂之悖禮。」續,音俗。 居則i 鬬; 親。 也。」養,去聲。○騙,矜肆。 此三者不除,● 親者居上不 人子事親之心,自始至終,無一毫之不盡,可 致其哀,祭則 合君親而並言,以見君臣其義一也。」○「孝子之事親 君之臨臣,父之臨子,所以治而教之也,其厚乎我孰 曰:「父母生我者也,我則嗣 而 驕 亡,滅亡, 養,去聲。 致其敬,養則 則亡,爲下 刑 - 驕,爲 樂,音雅。 致 刑 雖 其 戮也。 而 致其 日 嚴。 下不 亂 悖,音 用 〇致, 續乎父母 兵, 則 樂,病則致其憂, 亂,悖 三牲 亂, 五 謂 刑 佩。 極也。 者 以 在 逆。 兵刃相 在 備 之養,猶 者,天性 ○悖,猶 醜 醜 樂,謂 矣,然後 醜 不 而 加。 同 謂 争。 之恩 逆 争 孝矣。 愉 也。 除 爲 色 則 去 不孝 居上 能 争,争 喪 婉 重 大 真 兵。 容 焉 也 事 則 氏

0

爲」,霍刻本作「違 也」下。霍刻本有「養去聲」。

用」電刻本作「力」。

此」原無,今據資講本補。

其親, 博奕好 非 忠 體 日 新安陳氏曰: 從恣也。 手足也。 好,去聲,下同。 以 財 者 目之欲,以爲父母戮,四不孝也, 口 孝也 敢 體 性,牛、羊、豕 :「身也者,父母之遺體 危父母,五不孝也。」養,去聲,下同。 、私妻子,不顧父母之養,三不孝也; 五 之奉,豈 敢 孝 不 惰其 顧 飲 也 敬乎? 不 戰 猶 謂 酒,不顧父母之養,二不孝也, 足贖哉。 3 「五不孝之序,從 敬 陳 耳 念也。 四支,不顧父母之養,一 也。 從,音縱。 莅 欲聲,目 乎?」處,上聲。 無 三者不除, 官不敬 勇 居處 博,局: ○孟 非 欲色也。 戮,音六。 不 戲。 孝也 子曰: 莊,非 非 裁將及親,其爲不孝大矣。 輕 奕, 圍 孝 也。 漸 戮,羞辱。 狠,下懇切。 莅,音利。 説 也 五 「世俗所謂 . 基。 孝 至重。」〇 者 行父母 3 也 朋 私,偏 好勇 不 不孝 狠,忿戾也。 遂, 烖及 友 陳, 事 奕, 私。 〇四支。 不信 鬭 曾子 之遺 · 君不 音 ,音亦。 從耳 好貨 不 也 狠, 陣。 從, 孝

五 也。 陳。 大於不孝,故罪亦莫大於不孝。 百 勢,大辟死刑 劓、剕、宫、大辟也。 ,宮屬三百,大辟之屬二百,凡 遂,成 刑之屬 有不敬 也。 也。 三千, 小 日 按 一莊、曰 則 《書 墨者刺面 辱 而 親, 忠、 吕 罪 大則 日敬、 刑 莫 , 劓者割鼻, 剕者刖足, 宫者去 禍 大於不 干 日 墨屬千,劓屬千,剕 親 矣。 條。」刑所以罰惡 信、 日 勇, 孝。」五 孔 皆 持 子 刑、墨 身 日 屬 以 五 敬

## 右明父子之親

之。 也。 所也。 言不宿於家。 命。 忘者也。 浴, 聲,乃出。」齊,莊皆切。 禮 容貌、儀觀 三者皆 ○《曲 記 史 宿,前 進 》 日 思,謂 象笏, 書 禮 期 於笏,有 也。 所思告君者, 、佩玉之聲,點簡不至,則失色於人,故預 將 曰: 爲,去聲。 史,掌文史者。 書思 適公所 進思盡 「凡爲 觀,音貫。 對 對,謂 使,去聲。 忠之意 命 君使者,已受命, 宿 笏者忽 所擬對 齊 既 焉。 ○適,往 戒, 服  $\bigcirc$ 既 也,書 君 君言,即君 居 服,著 習 也。 者 外 容 事 公所 命 寢, 朝 以 觀 備 服 謂 君 玉 沐 畢 君 忽

裁,音灾。

〇行,猶奉

也。

莅, 臨

也。

交兵日戰,制

行伍日

限也。」謝

氏

日

立

中門

則

當尊。

行履

闞,

則

不恪。」過

不履閾。

閾,音役。

〇朱子曰:

「中門,中於門也。

閾

門

好,如鳥舒翼。」賓 色貌。 朱子曰:「舒君敬也。」〇此 立,謂同爲擯者也。 手,衣前 區若切。 ○反,還也。 則拜送,皆敬君也。」若使人於君所,則必朝服 辱。 受命即行,敬君 語》曰:「君召使擯,色勃如也,足躩如 〇「入公門,鞠躬 ,整貌。」趨進 111 使者 使者歸, 躩,盤辟貌。 公門高大而若不容,敬之至也。」立不中 〇朱子曰 辱者,屈辱君命之臨也。 後 朝服而遺使,下堂而受命,皆敬君也。 反, 襜 也。 工,翼 則 如 則 退 揖左人,則左其手, 皆敬君命故也。」揖 必拜送于門外。 君言 如也。 也。 「擯,主國之君所使出接賓者。 必下堂而受命。」下「使」,去聲。 ,必復命日 如 也,如不容。 檐,赤占切。 至,則 一節, ●記孔子爲君擯相之容。 朱子曰: 陳氏 主人出 『賓不 「疾趨 揖右人,則右其手。 日 〇朱子日 所 朱子曰: 使,去聲。 「至則 與立,左右 而進, 拜君言之 顧 也 -門,行 「鞠躬, 矣。」 拜 張拱端 ○≪論 勃,變 「所與 〇出, 命,歸 脯 躩, 命

趨,翼 也。 摳也。 及門,既拜受矣。3 乘以拜賜;句。 節,❷記孔子在朝之容。 尊,舒氣解顔。 踖,音積。 氣容肅也。」出降一等,吳顏色,恰 屏氣 之也。 位,色勃如也,足躩如 躡之而傾跌失容也。 曰:「位,君之虚位。 踧踖, 似不息者。 齊,衣下縫也。 言似不足,不敢肆也。」攝齊升堂,鞠躬 如 恭敬 〇朱子曰:「等,階之級 也。 怡怡,和悦也。 不寧之貌。 復其 明日又乘服 衣服,服以拜 屏,藏也。 齊,音咨。屏,音丙。〇朱子曰: 君雖不在,過之必敬,不敢以虚 禮: 位,踧 ○《禮記》 將升堂,兩手摳衣,使去地尺,恐 也,其言似不足者。 復 没階,下盡 位 息,鼻息出人者也,近至尊 詣 踖 踧 君 也。 所 如 踖 賜。 E : 也。」 怡 逞,放也。 愐 敬之餘 階 「君賜車 拜 如 陳氏曰 也。 謝 踙,子六 也。 其 趨,走就 也。」 如 位 「君賜 没階 此 遠 朱子 「攝 也 而慢 切

至也。」君未有命,弗敢 即 乘服 也。」輔 氏日

節」, 刻 本作

霍刻本作「章」。

<sup>6</sup> 受」、霍刻本作「賜」。

小學集註

賜之,而未有命,使之乘服,則亦不敢即乘服也。 人君 肉。 以薦。 氏曰:「不欲口澤之瀆也。」〇《論 之。若萑竹所織之器,不可洗滌,則傾寫於别器而食之。 食之餘者。 必正席先嘗之。 不寫,其餘皆寫。」溉,音蓋。 ○敬君賜也 不祭而先飯。 祭,謂祭先代始爲飲食之人。 敢殺也。」○「侍食於君,君祭先飯。」飯,音反。○ 生,必畜之。」畜,音旭。 賜 果於君 熟而薦之祖考,榮君賜也。 ,賜臣下以車 正席先嘗,如對君也,言先當,則餘當頒賜矣。 溉,洗滌也。 前 若爲君嘗食然,不敢當客禮也。」〇「疾,君 ○「御 ·服,又必命之乘服與。」〇《曲 其 君賜 有核者、懷其核。」核,胡得 食於君,君賜餘,器之溉者 陶器、木器,可 〇朱子曰:「食恐或餕餘,故不 腥,必熟而薦之。 朱子曰:「侍食者,君祭,則己 畜之者,仁君之惠,無故不 ○御食,侍食也。 語》曰 以洗滌 「君賜食, ,則就本器食 禮 意者古之 君賜 餘,謂 腥,生 切。 陳

子在魯致仕時如此。」〇孔子曰:「君子事君 下 服 隨之。」此四條,●皆記孔子事君之禮。 命召,不俟駕行矣。」朱子曰:「急趨君命,行出 事 有惡焉,正救之,使之潛消其惡。 無一時一念之不在君也。 已。二〇「大臣以道事君,不可 而親其君,君亦諒其忠愛而親之。」〇「君使臣 人見其君,則思盡己之忠, 盡忠,退思補過,將 道事君者,不從君之欲,不可則止者,必行己之志。」又曰 不可則止,謂不合則去也。]〇子路問 君以 能相親。」真氏曰 而 朝。」朝,音潮,下同。 忠。」朱子曰:「二者皆理 「將,猶承也。● 有善焉, 順其美, 匡救其 退, 〇朱子曰:「吉月,月朔也。 謂出 此愛君之至也。 承順之,使之益進 適私室,則思補君 則 之當然,各欲自 〇「吉月, 止。」朱子曰:「以 匡 事 . 正 君,子曰 惡,故上 以禮 也。 臣以忠愛 進 而 進,謂 必 於善。 之過 盡 臣 駕 思 朝 孔 車 而

- ●「條」、霍刻本作「章」。
- ●「承」,霍刻本作「成」。

可

以褻服見君

故加朝服於身,又引大帶於上也。」〇「君

〇朱子曰:

「東首,以受生氣也。

病卧不能著衣束帶,又不

視之,東首,加

朝

服,拖紳。」首、去聲。

拖,待可切。

勿欺也,而犯之。」子路,孔子弟子,姓仲,名繇,字子

行善道 子曰 與 朱子曰:「官守,以官爲守者。 不得 其君爲堯舜之君者,尊君之大也。 吾君不能謂之賊。」 范氏曰: 謂得富貴權利。」苟息失之,無所不至矣。」朱子曰: 陋劣之稱。」其 心,唯恐其君或陷於有過之地者,敬君之至也。 「小則 朱子曰: 何氏曰:「患得之、謂患不能得之。」新安陳氏曰:「得、 吮 其 而不以告者,賊 癰舐 職 責 與,音于。 則去; 難 痔,大則弑父與君,皆生於患失而已。」()孟 「犯,謂犯顔諫争。」 未得之也 於君謂之恭, ○與哉,疑 有言責者,不得其言則去。」 害其君之甚也。」〇「有官守者 一,患得之,既 言貴,以言爲責者。」〇王 解。 開 「人臣以難事責於君 陳善 **「鄙夫可與事君也** 陳善道以禁閉君之邪 朱子曰: 閉 得之,患失 邪謂之敬 「鄙夫,庸 謂其君不能 使 悪

右明君臣之義

不以利害易,不以生死變。

按

通鑑

燕將樂毅破

聞

崛

,使請蠋。

蠋拒之以此,遂自經死。

齊之畫邑人。

忠義之臣,始終一心。

貞烈之女,始終

志。

「忠臣

不

事二君,烈女不更二夫。」❶蠋:

《曲禮》曰: 名。 幣,不交不親。● 行媒,謂媒氏之往來。 買妾不知其姓則卜之。」取,音要,下同。 反。〇日月,謂取婦之期。 日: 姓,爲其近禽獸。 同志者。 爲酒食以 幣,幣帛也。 「父醮子,命之曰: 厚别,重其 召 「男女非有行媒,不相知名。 鄉黨僚 故日月以 卜者,卜其吉凶也。 有别之禮 友, 鬼神,謂 也 告君 以 『往 厚 先祖。 取 齊 迎 其 妻 爾相 ○ 土 别 不 戒 僚 取 也。 以 同 名,謂男女之 告鬼 ,承我宗 同姓 官者。 〇不娶同 婚 别,必列 非受 故故 友 神

事。 先妣,蓋 夫,故謂之相。宗事,宗廟之事。 酌而無酬酢曰 相,去聲。 『諾。 勗帥以敬,先妣之嗣 古稱 唯恐弗堪,不敢忘 勗,音旭。 也。 醮,蓋醮子以親迎 先妣 帥,音率。 之嗣 謂 婦代姑 ○《士婚禮》,《儀禮 命。」醮,去聲。 ,若則 勗,勉也。 也。 相, 祭 有常 也。 助 帥,倡 也。 若 。二子曰 迎,去聲。 爾 妻所以 也。 也。 》篇 母 助 有 曰

● 「夫」下,霍刻本有「蠋音蜀更平聲」。

「親」下,霍刻本有「陳氏曰」。

婦 也。 日 常,始 取 此 不腆,告之以 敬身以帥 其常覩之,以憶父母之言而不忘也。 母及門内 衿,衣帶。 ○夙,早也。 敬恭聽,宗爾 ,然後有父子,父子所以傳世,故曰萬世之始。 於異姓,所 「勉帥以敬。」親之送女曰:「戒之敬之。」夫婦之道,盡於 您,過也。 「勉之敬之,夙 終以 』」衿,音琴。○庶母,父妾。 戒之敬之, 與之齊,終身不改 其婦。 帨,佩 敬 禮 違,逆也。 施 也。 遠,去聲。 不違命,不違宫事,則無過矣。 記 鞶 巾。 婦之道 以 直信。 諾 》曰:「夫昏禮,萬世之始 父母之言。 附遠 申 違, 應 夙 命,謂舅 之以父 乖 夜無 辭。 ,在敬身以 别,必列反。 夜 信, 厚别 也。 堪 無 違宫事 姑之命。 宫事,謂 故 違 事 能 也。 母 夙 鞶,大帶。 命 也。 承其夫。 真氏曰:「夫之道,在 人 夫 之 腆,他典反。 夜 !! 無毋通,下同。 也。 死 幣 閩内之事也。 命, 父送女,命之 無 !』衿,音琴。 母施衿結 不 必 愆,視諸 視衿攀者,欲 故父之醮 命之日 嫁。 申,重, 信, 誠, 附 〇有夫 託也, 婦 夫,音 辭 也。 帨, 德 宗 無 衿 庶 7 : 0

父子不親之一證。」〇「取婦之家,三日 國天下,而萬物各安其所矣。 行敬 至。 游燕後宮,父子不親,遂致戾太子之變。 故必男女有别 父子親 以 此、天造始而地代終、君 親迎,而男先於女者,剛先於柔之義 迎,去聲。 者也。 所以將意。 託於遠嫌之義 然後萬 之義也。天先乎地,君先乎臣 無僞,則直在其中矣。」男子親 牢而食,合卺 腆 而不輕瀆,是欲告戒爲婦者,以 相 别,必列反。 以 見 い明别 信者,事人之道 物安。 然後 ,敬章别也; 先,去聲,下同。 也。 辭,所以道情。 而 也。 ,然後父子親。 酳。 男女無别 義生; 〇昏禮擊用 厚 無 不改,謂不改 别, 别 ,婦人之德,故以是告戒之。 主倡 重 無義,禽獸之道也。」擊,音 男女有别,然後父子親 義生,然後禮作; 則 腆,猶 〇先,倡導也。 其 而 淫僻 鴈。 朱子曰: 父子親,則 有 臣 别 迎, 而 善 Œ 之罪 主和,亦此義 章,明也。 之禮 他 直 也 也。 男先於女, 適。 「漢武 誠 多,而父子之恩 ,不欲 、義生 此亦夫婦 幣 信 豈 , 其 馬 方氏 誠 也。 不 獨 一禮作 帝 執鴈以 氏 相 偂 婚 舉 也。」 義一也 溺於聲色 婦 日 不 日 姻 褻 禮作 樂, 人,事 濫 無 也。 之際 執 别, 「男子 剛柔 相 恶, 思 幣 而 如 共 而

飲

食

,必後長者。

長者

,謂婢妾中之長者。

婢妾雖賤

禮,凡少之事長,賤之事貴,皆當如是也。」

雖婢妾,衣服

指

調

用

手

指畫。

不

·嘯不指

,爲駭人視聽

也。

以

用

也。

謂。 門者。 賤 居内。 在 内外之辨,非特男女爲然。 箧、笥,皆竹爲之,貯衣者也。 笥,音似。 椸,音移,下同。 之 設,故始於謹夫婦。 出。 謹 代父,在婦則代姑,故不賀。 嗣 一,斂枕 事貴,咸如之。 楎 夫婦。 親 斂枕於篋,斂簟席於獨,器重而藏之。 閽 施,不 也。」取,音娶。 寺,守宫者。 ,音香。 香 深宫固 篋 温, 禮不賀,人之序也。」序 爲宫室,辨外内。● 簟 音逼。 敢 枷,音架。 寺,音氏。 席 藏於夫之篋笥, [門, 閻寺守之。男不入,女不 獨,句。 男女不同 「爲宮室」以下,皆謹夫婦之事。 〇横 褐,音獨。 ○取妻以代父母,有可感傷者,故不 雖夫婦 者 縣,音玄。 〇夫婦人倫之始,禮爲人倫 浴室 ○《内 器 椸,直者曰楎,挂 椸 〇吴氏曰: 日 而 得相親 温。 枷 .則》日 藏 楎,音輝。 男子居外, 不敢共 之。 草廬吴氏曰: 猶 是不特妻事夫之 者亦然。」夫不 不敢縣於夫 代 「器者,器重之 : 少 也。 禮 箧,音怯。 事長, 衣者也。 温 在子則 女子 閣,守 始 浴。 「言 於 而 聲。 句。

不指。 假,借 者取諸 外,謂 器。 擁蔽 故言不 不通 之篚中,然後受之。 二事,則不得親相 寢曰 亦必有長幼之倫焉。 親,惟喪、祭二事 〇「男不言内,女不言外。 御。 奠之,而後取之。篚,音匪,下同。 其面。 也。 男事。 其相授,則女受以篚。 寢席,不 通。 地 夜行以 不親 古者妻妾之御各有夕。 輔氏曰: 外内,汎 篚,箱類。 夜行 相授 ,得親相授器,蓋祭嚴喪 通乞假,男女不通衣裳。 授器。 燭 一井 其或無篚 也 也。 以 妻不在、妾御莫敢當夕。」接於 温一 坐, 無 男女,切也。」男子入内 其 燭 外内不共井,不 (或相 定,故言不共。 燭則 跪 ,則男女皆跪,授者置諸地,**受** 無 也。 授 燭 止。 奠, ,則女必執篚 非祭非 當 其無: 則 夕 置 止 者 女子 遽,不嫌 也。 寢席 篚 〇内,謂女事。 喪,不相授 嘯 當 ,則皆坐, 男女授受不 出門, 共 水衣裳可 妻之夕 一,使授 乞,求也 也。 謂 不 温 蹙 者 口 非 移, 嘯 饵 出 置 此

●「外内」,原作「内外」,今據《禮記・内則》改。

左

里,猶言不越境。 專制自遂,即 法,其右以行男子,其左以行女子。 制之義,有三從之道。 喪。 死從子,無所敢自遂也。 〇孔 障也。 也。 不出中庭。 也。 而 饋 凡 後 事 此 食之間 子曰: 犇,音 皆 言。 無 道路, 下文所謂擅 故 所 擅 以 女及 夜行於内,而必照以火。 奔。 參,使人相參也。 前 畫 爲, 正 「婦人,伏於人也,是故 男子 已矣。」食,音似。❶ 行,去聲。 不 婦 行 日 德, 遊庭, 爲 繇右,女子繇 乎 無 獨 而 在家從父,適人從夫, 獨 閨 成也。 使 〇及日,猶言終日。 夜行 門之内, 之正 成。 地道尊右,故男右而 驗,證驗也。❷ 教令不出 饋食,供 也 参知 以火,所 婦人之德,以 〇伏,屈伏也。 左。」道路之 女 不 饋 而 有 百 酒 ]閨門, 後 晝 無 五 以正 里 食 居 不 動 世 不 專 而 順 於 百 女 貧賤 也。 與更三年喪, 去: 也,處之自 亂族也。 所謂 有所 後富貴

已

Ŀ

事

在

夫

犇

惡疾去,於義未安。 順父母去,爲其逆德也。 曉。」婦有七去: 父長子不取,却可 而又無兄,則無所受命矣。 去,有惡疾去,多言去,竊盜 多言去,爲其間 不取者,是世世爲惡 妬去,爲其亂家也。 當以 取 無 義, 所歸 疑。 不順 若必以爲不去,則無以承宗事、 親 何 也。 至於 若然,則無父之女不復嫁, 不 無子去,爲其絶世也。 父母 不能 竊盜去,爲其反義也。 或疑世 去,與 去邪。 有惡疾去,爲其不可與共築盛 改者,非 去,無子去,淫去 有 更 此 去。 刑人 皆 指 可 年 不取。 妬, 妬忌也。 疑。 世 喪 丽 淫去,爲 不去,前 有三不 言。 朱子 無子 此 繼後世 不 如 曰 去 妬 不 其 可

貧賤,而今富貴 重婚姻之始也。 有所取無所歸,謂其嫁有所受命,後無父兄,無 謂曾居舅姑之喪也。 也。 凡此,聖人所 際 ,謂交際之道 前貧賤後富貴,謂 以 始 順 謂 男女之際, 正始之義。 可 回之地 娶婦 也 通

不

去。

取,去聲。

與,音預。

更,平聲。

取:

逆家

子

不

取,

亂

家

子不

取

世

有

刑

人不

世有惡疾不取

喪

父長子

不

取。

取,音娶,下

)逆,謂逆德,如不忠不孝之類。

亂,謂

亂

倫。

世

有

刑

0

人,棄於人也。

世有惡疾,棄於天也。

長子,長女也。

喪父

0

爲正。 内,而

婦

德

口

驗

二六

音 驗」。霍刻本作「據」。 似 刻

弗與爲友。」見,音現。○見,謂才德著見。不著見則不為此章。○《曲禮》曰:「寡婦之子,非有見焉,

#### 右明夫婦之别

,避好色之嫌也

之也。 以 間,知孩笑可提抱者也。孝弟之心,人皆有之,堯舜所以世 問不敢對。」陳氏曰:「父之執,父同志之友也。謂之,命 之執,不謂之進不敢進,不謂之退不敢退,不 疾行先長者謂之不弟。」弟,去聲,下同。先,去聲。 爲天下法,亦充此而已矣。」〇「徐行後長者謂之弟, 長也,無不知敬其兄也。」朱子曰:「孩提,二三歲之 孟子曰:「孩提之童,無不知愛其親也,及其 長之節。 長者之先也。善事兄長爲弟。 ○徐,緩也。 長 、則兄事之,五年以長則 敬之同於父。」○「年長以倍則父事之,十年 人生以十年爲一節,倍之則二十年也。父事之,兄 後長者,在長者之後也。 ○《曲禮》曰 肩隨之。」此泛言敬 疾,速也。 :「見父 先長者,在 也。 偏也。

事之,即後章所謂「父之齒隨行,兄之齒鴈行」也。 踰也。 高曰丘,大阜曰陵。 何足以知之。」公西華曰:「非曰能之,願學焉。」皆辭讓之言 操,執也。 並行而稍退也。 者之意。 捧。辟,音僻。咡,音二。○提攜,謂牽行。 之手,負劒。 所見以對也。 必鄉長者所視。」從,去聲。上,上聲。 不與之言則趨而 於道,趨而進,正立拱手。 執以就之,非謂長者所無也,盡禮而已。 長者問,不辭讓 〇「從於先生,不越路 咡,口旁也。 遭,遇也。趨,急走也。 負劒 從,就也。 ,即帶劍,謂長者旁挾幼者,狀如帶 ○「長者與之提攜, ○「謀於長者,必操几杖以從之。 辟咡詔之,則掩 韶,猶語也。 向長者所視,恐其因所 几所以憑,杖所以扶。 而對,非禮也。」操,七刀切。○ 退。從、去聲。 從長者而上丘 掩口 而與人言。 先生與之言則 ,謂以手障口,不使氣 〇從,隨 則 曾子曰:「參不敏 口 見 鄉,音向。 謀事於長者,必 捧手,所以承長 而 兩 手奉 而問 對。」奉,音 行也。 劒 遭先生 肩隨 一陵,則 也。 , 則 長者 〇土 可 辟, 越 即

之。」拘 障帚 也。 手 不以箕向 以 帚於箕上 長者。 袂 摳 袂 卻 衣, 拘 油, 北 長者。 ,音勾。 〇凡凡 而 而 得 也。 去 退, 行 以 齊尺。 不 兩手舉 拘 皆敬 障也。 其 爲長者糞之禮,必加帚於箕上, 使塵及長者。 音向。 塵不及長者,以箕自 也。 子箕。● 作,音昨。 退 极,音吸。 卻行也。 掃 將 地之時, 終則以箕自 即 摳,苦勾 席 〇糞與拚 扱,斂取 則 容毋 一手執 反。 向, 斂取 也。 同 齊,音咨。 作。 鄉 0 帚, 初 其 而 則 掃 (塵, 兩 扱 袖 置 地 叱 矣。 者。 益 狗

之事。 失容。 蹶。 摳衣,使去地尺,恐 - 末切。 先 下文乃既即席之事。 坐 一、跪 生 書 蹶,音厥。 也。 策 遷 琴瑟 躡之而傾跌 移 ○撥,發揚貌。 也。 在 前, 越 坐 失容也。 必 謂 坐 跨 安, 之而 而 蹶,行遽貌。 執 遷之,戒 衣毋 過 阚 此 顔。 撥 皆 1將即 二者亦 勿 足毋 長 越。 者 席

撥

0

即

就

也。

作

'愧也'失容則可

愧

矣。

齊,衣下縫也。

兩手

讓

食

不

唾。

此

音

赤。

唾

吐

卧

切。

〇不叱

狗

問之旨,且不敢參雜先生之言也。 業則起 必則古昔, 人之言也。 者,再 聽,謂聽長者之言。 〇「侍坐於先生,先 問 詩 未盡之藴。 法則古昔,稱述先王,則言有據,而 益 稱先王。」 則 起。」陳氏 起,所以致 勦 说,摩 勦, E 生 初 敬。」〇 交切。 取 請業者,求當習之事。 問 問 人之言 焉 終 終 0 面 「尊客之前 容 後 也。 則 謂 非 雷 :勦説 欲 對 見 同 於 盡 附 聞 雷 不 請 請 身 所 同

疲則伸。 矣。」撰, 君子 請 慮 退以息之。 駭尊客之聽。 欠伸, 撰 仕轉 猶 切。 撰 轉 不吐 動 「侍 杖 蚤 也。 一睡,慮 屨,視 音早。 坐於 日 佛尊客之意。 謂 (君子, 莫, 日 日 影。 ,音暮。 蚤 莫, 君 四 者 子 ○氣乏則 侍坐於君子 侍 皆厭 問 坐者 更 倦之容,故 端 欠,6 請 則 出 體

之先而言

也

Œ

爾容

,聽必恭,

,毋勦

説

毋

雷

同。

執

顏

即

īĒ

一颜色

也。

不

及,不言及

也。

**僟**言

雜

長

不及,毋儳言。

儳,

音

慚。

〇安,謂

不

摇

動。

爾,

指

1

起

而對。」更,平聲。

〇問更端

更易事

端而

見問

也。

起

二八

<sup>0</sup> 拼」,霍刻 霍刻本作「奉」。 本作「

<sup>0</sup> 氣乏」、霍刻本、 沈刻本作「意闌」。

長者舉未釂,少者不敢飲。」釂,音醮。 起,拜受於尊所。 敬。 左則屏 ,音丙。 有 ,待所以防君子之召。 復 〇「侍 於左,居右則屏於右。 也。」則 ○復,白也,言欲得少間隙以白事也。 坐 於 左右屏 君 子,若有告者 長者辭,少 而 ○「侍飲於長者, 待。」少,上聲。 屏 而 且待者,屏 者反席 日 . 所以遠 〇尊, 屏,退 間 而 酒 少 去 跪也。 故 也。 行 坐, 命,非賓主之禮也。 則隱避,不敢煩動之也。 流 而 也。 弗 寢 使 不敢 則 不 坐 問年,嫌若序 執 而 琴 將 相遇 瑟。 命。 於道 不 .請 丛 翣,色 不 路, 也。 所 畫

所以

致

間

願

也。 而 食,或偶坐,有 坐不辭席, 〇「御 對 貮 謂 非 同於長者,雖 皆以其不爲己設,非己之所敢 重殺膳。 禮 也 盛饌,皆不辭。 偶坐,謂配 氏日 貮 不 「顧,顧自己。 〇「侍於君子,不顧 長者而 辭 偶 华。 坐不辭。」 辭 侍食不辭 也。 望,望 説或 君 御,侍 饌 子。 望 侍 偶

〇「長

者賜

,少者、

賤者

不

敢

解。

不敢

抗

禮

也。

酒尊

也。

辭,止之也。

反,還

也。

舉,猶飲

也。

盡 酒

E

爾。

飲。

進

則

也。

居

屏

人之私語

燕見不將命,遇 見,音現。 /儀》曰 ○《少儀 尊長 於道,見則 》、《禮記 於己踰 》篇名。 面 等,不敢問 不請 踰等, 所 祖與父之 之。 其 年。 少,

> 勝 約矢。 寢卧 勝 卑 禮,二人爲耦,各四矢,更迭取之,卑 矢,侍投則 幼則 則 則 而 畫地,弄手以爲容,揮扇以取凉,皆 亦不敢 不敢使人酌以罰尊長,❸必自洗爵 悉抱之,故曰 投壺之禮,賓主亦各四矢,皆委於 侍坐於尊長,不使之鼓琴瑟,則 傳 命,則 使 滋擁矢。 人酌以 跪 而 擁欠。 言,不敢 飲己, 勝 則 此 必 皆 洗 直 自 不敢 立 之,不敢 洗 而 尊長見己則 燕 〕治切。 以 爵 幼 地 以 私 與尊 不得 臨 則 而 來見,不 **炒地**, 請 不 丽 之。 手 請 問 敬 請 一、一、矢 〇霎,扇 長 擅 自 時 其 無 抗 也。 執 飲 行 并取之,故 侍 所 面見之,不見 觴 也。 而鼓之。 容, 敢使擯 放故 取 箭 往 射 若當尊 而投之 也。 9 也。 若尊 Ħ 也。 則 不 若己 洗 人者傳 約 坐。 侍 翠 而 長 射 Ę 無

0

酒 霍 刻 本作「爵」。

<sup>「</sup>抗」,霍刻本、沈刻本作「亢」。

<sup>「</sup>酌」下, 霍刻本有「酒」字。

以請。 鴈列也。 不徒食,則有肉。 之。分,謂少者分任之。不提挈,謂少者代之。 此章記孔子居鄉之事。 語》曰: 謂士也。六十曰耆,七十曰老。徒,空也。不徒行,則有車。 老不徒行,庶人耆老不徒食。」書,音其。 任分,頒白者不提挈。 兄等者。 行,朋友不相踰。 杖者,老人也。 提挈,以手。 〇《王制》曰:「父之齒隨行,兄之齒鴈 朋友,年相若者。隨行,行則隨之也。鴈行,行如 踰,越也。 郊鄉 人飲酒 六十杖於鄉,未出不敢先,既出不敢後。」○ 〇此章記古者敬長優老之制。 頒,老人頭半白黑也。 不相 父之齒,年與父等者。 ,杖者出,斯出矣。」朱子曰: 踰,並行而齊也。 并,去聲。頒,音班。 并,謂少者獨任 輕任并, 兄之齒,年與 君子耆 〇君子, 〇任,以 ○≪論 重

右明長幼之序凡二十條,禮文雖殊,要皆不出 以德稱之也, 乎敬之一字。 以長爲主也 曰尊,父行也, 曰先生,以教稱之也, 曰長,兄行也,皆 日君子,

> 以事言,仁以德言。事大夫之賢者,則有所嚴憚。友士之仁 事其大夫之賢者,友其士之仁者。」朱子曰: 若以數而見疏,則自辱矣。」〇孔子曰:「居是邦也 其心以告之,善其説以道之。然以義合者也,故不可則止 頁,孔子弟子,姓端木,名賜。朱子曰:「友所以輔仁,故盡 善道之,不可則止,毋自辱焉。」告,音谷。 當相責以善也。」〇子貢問友,孔子曰:「忠告而 〇孟子曰:「責善,朋友之道也。」朱子曰: ○胡氏曰:「切切,懇到也。偲偲,詳勉也。 子曰:「朋友切切 曾子曰:「君子以文會友,以友輔仁。」朱子曰: 者,則有所切磋。皆進德之助也。」〇「益者三友,損者 三友。友直、友諒、友多聞,益矣,友便辟、友 「講學以會友,則道益明,取善以輔仁,●則德日進。」○孔 朱子曰:「友直,則聞其過。 偲偲,兄弟恰恰。」偲,音思 友諒, ○諒 怡怡,和 則進於誠。 ,信實 悦也。」 「朋友 〇子 友

猶工也。 善柔、友便佞,損矣。」便,平聲。

0

霍刻本作「友」。

若降

等,則

就

主人之階。

主

人

固

解

然

後

客

則東爲右

,而西爲左。

主人就東階,客就西階。

客

客辭不先人,故主人揖客而先入以導之。

凡門南向,人

先入也。

寢門,

内門。

爲,猶

布

也。

固

解,

再

辭。

肅

謂

揖

復就

西

階

主人與客讓登,主人先登,

客

從

多聞 可全矣。 實。三者損益正相反也。」○孟子曰: 也。歡,謂好於我。忠,謂盡心於我。不過望於人,則交道 曰:「有挾,則取友之意不誠。」〇《曲 可 挾貴,不挾兄弟而友。 主人肅客而 寢門,主人請 不盡人之歡,不竭人之忠,以全交也。」竭,亦盡 以有挾也。」朱子曰:「挾者,兼有而恃之之稱。」陳氏 ,則進於明。 凡者,通貴賤言。 I. 〇 凡 於媚 悦 人。 入爲席,然後出 與客人者,每門讓 便,習熟也。 而 不 主人入門而右,客入門 諒。 每門,通大門寢門言。 便 友也者,友其德也,不 佞, 便辟,謂 謂 習於 迎客。 禮 習於威 口 「不挾長,不 於客。 **>** 語 日 讓於客,欲客 而 客固 \$ 儀 無聞見之 君子 客 辭 而 至 問,客不當先舉言也

而不直。一之,拾級聚足,連步以上。上於東階,則先右 謂階之等。聚足,後足合前足也。 等,謂等列卑於主人。 拜主人。」貴謂大夫,賤 不敵,主人敬客,則 右先左,以相向爲敬客也。 足,上於西階,則先左足。」上,上聲,下同。 ○「主人不問,客不先舉。」客自外至,主人當先致 先登,所以導客。 先拜客。 謂 〇「大夫士相見,雖貴 ±, 朋 連步以上,不躐等也。 友之交,先施之而已 客敬主人,則 拾,當作捗。 0 級 先 賤 先

### 右明朋友之交

官。 孔子曰:「君子之事親孝,故 兄弟,故順可移於長,居家理,故治可移 行,去聲。 是故行成於内,而名立於後世矣。」弟,去 ○長,謂官在 记上 者。 忠可移於君 理 猶 齊 也。 孝弟則 於 事

0 「捗」,霍刻本作「涉」,沈刻本作「步」。

家齊,忠順則

八國治。

行,即孝弟。

内,即

家也。

左右就養有方,言當各盡職守也。 君者,義之所在。 理會也。 方也,或左或右,就 義,即 有争臣 無隱,左右就 黄氏曰: 者,仁之所在。 喪三年。養,去聲。 親 父,臣不可以弗争於君。」范氏曰:「子不争,則陷父 聲,下同。 争臣 離於令名,父有争子,則身不陷於不義。争,去 三人,雖無道,不失其家。 有隱 無道也。 Ŧi. 「於勤言至死,則勤 臣不争,則陷君於無道。」○《禮記》曰:「事 服勤 一人,雖 而 七人,雖 無犯,左右就養無方,服勤至死 ,服行勤勞之事也。 有 故當不義,則子不可以弗争於 有過 養有方, 過 無道,不 近而奉養之。 而 ○争,諫也。 無 犯則 而 ○隱,微諫也。 道,不失其天下。 隱,則近於容悦,故有 傷恩,故 無時或已矣。」事君有犯而 服 失其國。 勤 無一定之方,言事事皆當 父有争子,通上下言。 致喪,極其哀毁之節也。 士有争友,則身不 方喪, 有隱 至死,方喪三年。 犯,犯 而 比方於親喪也。 大夫有 無犯。 類以 犯 〇「天子 諸侯有 諫 而 左右,即 也。 争臣 無 致 隱。 親 不

夫和而義,妻柔而正,姑慈而從,婦 子孝,兄愛弟敬,夫和妻柔,姑慈婦聽,禮也 師。 犯也。 父慈而教,子孝而箴,兄愛而友,弟 共,音恭。 樂共子,晉大夫,名成。食,養也。 事 者,則以力報之也。」〇晏子曰:「君令臣共,父慈 之,即事之如一。 人之所繇生者,故曰「民生於三」,又曰「生之族也」。 唯其所在,則致死焉。 非食不長,非教不知,生之族也,故 如一。父生之,師教之,君食之。非父不生, 喪三年。」劉氏曰:「師者,道之所在。 「此十者,皆禮之當然。」君令而不違,臣共 心有哀戚之情也。」〇樂共子曰:「民生於三,事之 報生以死,謂君、父、師也。 師 報生以死,報賜以力,人之道也。」真氏 無犯無隱,左右就養無方,服勤至死,心 過則當疑問,不必隱也。 〇晏子,齊大夫,名嬰。 所在致死,謂在君爲君,在父爲父,在 報賜以力,謂他人之有賜於我 共,音恭。食,音似,下同。 心喪者,身無衰 族,類 聽,猶從也。 也。 諫必不見拒,不必 君、父、師 聽 敬 而 麻之服 真 事之。 而 不二, 加 氏 師爲 婉 順 日 曰 事 , 而 0

孝?

年既

耆艾,

雖

欲

悌,誰

爲

(悌?

故

孝

有

可

復

者而先

施

焉。

親

戚

既没,雖欲

影孝,誰

爲

〇「無用之辯,不急之察,棄而不治。

不及,悌有

不時,其斯

之謂歟。」爲,去聲,下同。

歲之中,有疾病焉,有老幼焉,故君子思其不 於理,然後人心服而令行。 ,不敢外交,近者不親,不敢求遠, 此三者,欲人先脩孝弟於家耳。故人之生也,百 弟能敬兄矣,必有和順之美,使情意之相親。 此十者,於禮爲至善矣。」〇曾子 貴和樂,必以義而帥其妻。 婦之於姑,一於聽而婉者,蓋姑婦 ,猶事也。 也。」共,音 君臣以下,皆以二德相濟。 兄能愛弟矣,必有切磋之益,如朋友之相 父慈而不能教,則敗其子,子孝而不能箴。 遠,即外人。 説,音悦。 真氏曰: 林。 臣之事君,以恭爲本。 0 〇親戚,謂父兄。 妻之於夫,雖貴柔順,必以 「君以出令爲職,要必不違 箴 小,謂家。大,謂 諫 也。 日 相與,專主於和柔 姑之於婦,一於慈 . 從,不自 「親 小者不 然必忠誠 外,謂外 國與天 夫之於 戚不 專 也。 貴,不肖而 也。《詩》、《大雅・蕩》之篇。 此四者,慎終如始。 姊煑粥、得乎?」此悌有不時之意也。 此孝有不及之意也。❷ 不可得已。 時先行之。 名況,戰國人。 始無終,人之常情。 克有終。」宣成,官已遂也。 病加於小愈,禍 疾病老幼之變,不能常也。 〇六十日耆,耆之言 人有三不祥。 若親没,則養不逮; 曾子曰:"「木欲静而風不止,子欲養而親不逮。」 祥,吉也。三者皆凶德,有一於是,災及其身 不肯事賢,是人之三不祥也 久也。 幼 能察能慎,斯免矣。 生於懈惰,孝衰於妻子。 李勣曰:「姊年老,勣亦老,雖欲數爲 而 《詩》云:「靡不有初, 故君子思其養之不可復 五 不肯事 靡,無。 十日艾,艾之言老也。 小愈,病稍減也。 己老,則兄不存,欲行孝弟, 長,賤 鮮,少。

○官怠於宦

成

追,

而

其間

而從;

正

一而事其夫。

則陷父於不義。

不二,然後可貴。

禮之善

物物

順

也。

物

也。

説

審,不敢言大。

近,即内人。

内人」,霍刻本作「親戚」。

0

懈惰,不謹

鮮

〇荀

子

İ

而

不

肯

事

]。」荀子,

克,能

也。

有

夫君臣之義,父子之親,夫婦之别,則日切磋 一而不舍也。」别,必列反。○治,理也。舍,亦棄也。切以 一而不舍也。」别,必列反。○治,理也。舍,亦棄也。切以 一方人倫之大者,則當朝夕講習,如切如磋,已精而益求 之道,乃人倫之大者,則當朝夕講習,如切如磋,已精而益求 之道,乃人倫之大者,則當朝夕講習,如切如磋,已精而益求 之道,乃人倫之大者,則當朝夕講習,如切如磋,已精而益求 之道,乃人倫之大者,則當朝夕講習,如切如磋,已精而益求 之道,乃人倫之大者,則當朝夕講習,如切如磋,已精而益求

右 通 論通論五倫。

小學集註卷之二終

# 小学集註卷之三

身,是傷其親

3

傷其親,是傷其本;

傷其

也者,親之枝也,敢不敬

與?

不能敬

其

○孔子曰:「君子無不敬也,敬身爲大。身

臣陳

選集註

要也。 事也。 六章。 間,無施而不可,此古人脩身,必本於敬矣。凡四十 養人者,反害於人也。分而言之,心術、威儀,脩德之 所以奉身也。 苟不制之以義,節之以禮,將見其所以 乎内,威儀正乎外,則敬身之大體得矣。其衣服、飲食。 身之目,其别有四:心術、威儀、衣服、飲食。 第 蓋惟敬身,故於父子、君臣、夫婦、長幼、朋友之 衣服、飲食,克己之事也。 統而言之,皆敬身之 ||一敬身者、敬以持身也。 許文正公曰 心術正 一: 敬

敬

内

篇

欲者從,欲勝義者凶。」《丹書》,書名,師尚父所以告 丹書》曰:「敬勝怠者吉,怠勝敬者滅。 爲天下後世法,故曰範模。 此篇以訓蒙士。 枝。親之於身,猶木之有本。 本,枝從而亡。」與,平聲。○身之於親,猶木之有 仰,慕也。 仰聖模,景賢範,述 景,猶向也。 聖賢之言 義勝

坐思,貌必儼然。安定,審也。毋不敬,正其心也。儼若思, 辭,安民哉。 兮也。」○《曲 萬善俱廢,義則理爲之主,欲則物爲之主,吉凶存亡之所繇 欲者,人欲之私。從,順也。 武王者。敬,敬畏。怠,怠慢。滅,亡也。義者,天理之公。 正其貌也。 安定辭,正其言也。 禮》曰:「毋不敬,儼若思,安定 黄氏曰: 「毋,禁止辭。 真氏曰: 安民哉,正己而物正也。」 「敬則萬善俱立、怠則 儼,矜莊貌。人之

0 敢」,原誤作「敬」,今據《禮記》改。

三五

禮 曰: 忿思 答顏淵問 語 有。」質,成 財。 狠 安安, 知其 者狎 志不可 上下文禁戒之辭不同。」臨 知其善。 馬氏曰: 從,音縱。 敖 務 也。 勿 毋 不 毋苟 於其所畏,能愛之; 强 難 兩 求勝 謂 善 可 視 辯 뻬 滿 也 句 直 安其 雖積 「敖不可長,必消而絶之。 仁 得 長,欲 敬 連 而勿 必 也。 不 也。 毋 分分毋 見 説 積 之,畏 損 敖者、矜己慢物之謂。 所 然 求 財 禮 有,謂 爲 利 而抑之。 安。 圃 朱子曰:「非禮者,己之私也。 (而能散施,雖安安而能遷義。 多 事 則 是, 思 勿 不 能散,安安而能遷。 有 義也。 是以身質言語 求 患 聽 朱子曰:「此言賢者,於其 ·可從, 陳 疑 lll] 疑, 多。 不 事毋 我 於其所愛,能知其惡,於其所憎,能 愛之。 則 樂不可 非 所 均 毋 財 り見! 闕之,不可以 質 也 禮 荷 難,去聲。 志不 毋 勿 聽 即 免,見危授命也。 '極,必 也。」〇 荷得,臨 疑 愛 彼決擇,不可 《少 欲不可縱,必克而止之。 言 可 欲, 事 IIII 儀 一約而 滿 〇荷 非禮 謂 毋 知 孔子 己意斷 所 飲 質 歸於禮。」●賢 難 其 樂 荷 狎,謂 謂 미 食男女之欲。 勿 思, 據而 勿者,禁 毋 以爲 所 不 Ħ 「毋身質言 且。 也。 直 毋 動 狎 苟 素親狎。 可 憎而 有之, 而 求勝, 分,分 法,與 朱子 免 能 極 非 勿 止 此 敬

聰無 思 敬,雖 忠,以實之謂 狄。 恭, 思恭,言思忠,事 貊,北狄。 篤 丽 之夷狄不可棄, 持己也。 門 處,上聲。 之辭。]又曰: 施於人。」此答仲弓問 所答各異 義。」 敬 「君子有九思: 如見大賓,使民 朱子曰:「恭主容,敬主事。 不 執事敬, 聞。 州 雖 朱子曰 己所不欲,勿施於人,恕以 二千五 〇此答樊遲問仁也。之,往也。 里 蠻 色, 者 信。 但 行 因 貊 見於面 勉其 與 |有此 百 其 視 乎哉?」此答子張問 之邦行矣。 篤 人忠,雖 家爲 .所稟之資而發也。」〇「言忠信 固 思敬 箇 [者。 無所 視 厚 守而勿失也。」蔡氏曰:「諸子問 不循 也。 州,二十 仁 如 思明,聽 貌 蔽 也。 疑 承 道 篤 舉 則 之夷 大 理 敬,厚 出 明 恭見乎外,敬主乎中。 -五家爲 思問 言不 處 祭。 門 無不 身而言。 ·便是非禮也。」○ 思 及 入狄,不 如 而 忿 賓, 物 見。 聰,色思 里。 忠信,行不 己所 敬 行 夷,東夷。狄,北 也。 使 也。 也。 思 聽 思 乎、哉,疑 民如 可 不欲 問 難 無 蠻 盡己之 棄 所 祭,敬以 見 温 則 南 也 居 勿 疑 出 得 辭 蠻 貌 處 則 謂 不

●「約」,霍刻本作「樂」。

也。

不

留

聰

明

謂

不停於耳目。

不

接心

術

謂不人於念慮。

〇姦聲亂色,聲色之不正者也。

皆繇

順

Œ

,以行其

義。」思,音太。

辟

音

僻

淫樂慝禮,禮樂之不正

邪辟之氣,不設於身體。使耳目鼻口,心 亂色,不留聰明,淫樂慝禮,不接心術, 然禮之實,亦不外 者,禮之所禁也。 下之等級。 所當操存省察,而不可有造次顛沛之違者也。」〇《曲 子所 也。 鄙,凡陋 遠,去聲,下同。倍,音佩。 耆。 正顏色,斯近信矣 君子所貴 之善行。」好,去聲。 (重者,在此三事 身而言。 禮不 一颜色 難 也。 侵侮,侵犯而 則 而 倍,與背同 踰 忿必懲。 斯,猶即也。暴,粗厲也。 乎道者三: 近 信, 節,不侵侮,不 脩治其身,踐行其言,二者,行之善者也。 是也。 而已。 則 非 思 謂 侮慢也。 色莊 ○《樂記》曰:「君子姦聲 義 行,去聲。 是皆脩身之要、爲政之本,學者 背理也。 〇朱子曰:「貴,猶重也。 出辭 列則 動 也。 容貌,斯遠 得不苟。」〇曾子 氣 好 辭,言 言道雖 ○踰 好狎,脩身踐 7种,好 斯遠鄙 慢,放肆也。 語 ,越也。 無所不在 爲褻狎 氣,聲氣也。 暴慢 i倍矣。」 節,謂上 也。 惰 容貌, 一、然君 信,實 E 矣; 禮 言, 知 慢

> 功而已。 見懷思威,畏則君子,望不畏則小人矣! 流。 也。 吾。威,刑名也。❶ 曰 : 「 之人,以正其是非 慎於言者,不敢盡其所有餘 而心知,皆繇順正,以行其義,自養之功畢矣。]() 繇,從也。 於言,就有道 人者也。二者不設於身體。 心術,養其内也。 不求安飽者,志有在 畏威如 畏威如 見懷思威,民之中也。」管敬仲,齊大夫,名夷 君子食無求飽,居 姦聲亂色,不留聰 真氏曰:「君子之所以自養者 疾,民 疾,懷刑之君子也。 惰慢之氣, 面 則 疾,疾病也。 之上也。 IE 而不暇及也。 可 焉 謂 可 好學也 也。 说明,養 如是,則外而 自 謂 無 内 然猶不敢自是,而必就 從懷如 從 其外 求安。 出 懷,貪欲也。 矣。」〇 敏於事者,勉其所不足。 好學也已。」朱子曰 者也。 懷 也。 流,懷思之小人也 如 無他,内外交 耳 管敬 敏於事 邪辟之氣 淫樂愿禮 流 日鼻口百 民 流,謂水之 之下 孔 而 (致其

右明心術之要

「名」,霍刻本、沈刻本作「法」。

0

② 「畏」,霍刻本作「思」。

聽,毋 立。 指,城 毋袒, 跛,坐 有禮義 者,皆不敬也。 伏,覆其身也。 也 急以應也。 齊,辭令順,而後禮義備,以正君臣,親父子, 在 人之聞。 和 冠 於正容體 長 倨 義》日 |順,謂 幼。 袒,音但。 也。 ○《冠義》、《禮記》篇名。 暑毋 噭 毋 上不 ,傲慢也。 將 揭 (箕,寢 應, 淫視,流 冠者,成人之道,故以是責之。 順 君臣 適舍, 也。 呼。 褰裳。」噭 理。 敬 髢,髲也,言垂如髲也。 齊 「凡人之所以 毋 寒,音牽。 身之要,禁止乎此而已矣。 跛, 袒 毋伏。 正 淫 立,猶成也。 呼 動 ,求毋 衣 顔 偏 呼聲。 ,父子親 而視 視 所 色,順 任 以 "音叫。 也。 固。 息 毋 ○側聽,側耳 足也。 斂髮毋髢 ○指 倦。 怠荒。 辭令。 人之所以異於禽獸者,以其 怠荒 爲人者 長幼 ○《曲禮》曰 適 褰 倨,音句。 舍, 箕, 兩 則惑人之見。 裳 容 所以 就主人之館 免,脱去也。 止 容體 遊 以 ,冠毋免。 和 禮 展其 聽 放 )毋倨, 禮 取 跛,音庇。 縱 ○「登城 也。 凉。 而 義 足 義之始, 也。 正,顔色 後 也。 呼,則 如 噭 凡此 也。 後禮義 立 毋 遊,行 心應,高 袒 箕 髢, 也。 側 冠 勞 毋 不 數 露 有 惑

而升 也。 趨隅, 嫌於干人之私也。 氏曰: 有後 户 之堂也。 聲。 户 所 盡 也。 古者即 爲三人矣。三人而所言不聞於外,必是密謀 衆"脱屨於户内者, 〇《禮記》曰:「君子之容舒遲,見 )此即 也,嫌于拒後 求 外 奉 坐 屨,音句。 入户之時 摳 丽 入者, 有二屨,言聞則 「入户,入主人之户也。 扄 席之儀。 席則去屨,不以 堅 也。 揭也。 必 揚其聲者,使内人知之也。 欲得之,非爲 慎 視 唯、 闔 ,兩手當心,如 唯 來者, 陳氏 瞻 聞,音問,下 諾 踐 諾。」 愐 毋 開闔皆如前,不違 惟長者一人。言 屨, 皆 E 勿遂。 故勿遂。」 履踐 П 應 踏 客之道 踖 解。 他 欲 席。 人,言不聞 同。 便 人之屨 音 奉 户 既 奉,音 於 視下,不舉 矣。 毋 迹。 扄 開 0 坐 將入户,視必下。 坐 然。 踐 陳氏曰: 定, 也。 搵 亦 故 捧。 有二 將 古人脱屨在户外,客 主人之意也。 屨 苦 又 掘之。 雖 開 上 屨 踖 視 自 扄 /當謹 則不入。 毋 侯 一堂,聲 席 也。 瞻 户 切。 ,故不人也。」〇 則 「上堂,升主 涓 踖 所 耐 趨 於 躡 熒切。 并户内 闔 隅 席 扄 不 唯, 應 他 ·爲 遂,闔之 亦 門 必 上,上 對 繇 人 音委。 摳 迴 之席 也。 席 關 0 闔 揚 轉 齊 衣 陳 角 木 人

尊

者

見有箇好事,火急歡喜去做。 朱子曰:「九者,皆敬之目。 德,色容莊。」重,舉欲遲 德,謂中立不倚,儼然有德之氣象。 旁狎,不道 所尊之意。 容静, 静,不 朱子曰: 言知識之過失,爲戲侮之容色,皆非 :「皆敬之目也。」〇《 音 立如齊。」齊 毋 速。 噦 報往,拔 也。 咳也。 即 頭 足 0 「來往,只是向背之意。 故舊,不戲色。窺,覘 這樣人不耐久,少間心 此是涵養本原也。」〇《曲 容 恭,高且正也。 容 舒 直,氣 遲 直,不傾 重, ,莊皆切。 閒 蒲未切。 手 雅 顧也。 容 容 也 莊,矜持之貌。 少儀》曰 肅, ,燕居 恭 端,不邪視 報, 〇月 立 音赴。 目 之容。 肅 言人 懶 以 容 容 意 人 象 似 也。 中不 能言者、謙卑遜順、不以賢知先人也。 訾衣服 便言 知其不能下人矣。 之際,疑則闕之,不可以己意斷也。 人之衣服,及已成之器,不可毁其不善也。 能言者。 流則容側,必有不正之心存乎胸中矣。 憂,傾則姦。」敖,音傲。 ○《曲禮》曰:「凡視,上於 在,故孔子居之,其容貌辭氣如 ○《論語》曰:「 Ξ 内 者 唯 成器。 顧,不疾言,不親指。」朱子曰 皆失容,且惑人。」〇此 謹 恂,音荀。 爾。 毋 下於帶者其神奪, 0 孔子於鄉 身質言 朱子曰 〇朱子曰 〇吕氏曰: 語。」皆,音子。 此。」其在宗 「便便, 黨, 面 恂恂 章 ○≪論 知其 則 辯 鄉黨,父兄宗族之所 恂 記 此君子之所慎也。」 「上於面者其 信 敖, 也 恂 孔 一憂在乎心 質, 語 子升 實之貌。 如 廟 宗 下於帶 日 「内顧 成

禮》曰

坐

一如尸,

神,齊以交神。

朱子曰

不窺密,不

狎,與

人褻狎。

不息

也。

也。

止,不妄言也。

端,

口

容

ıĿ

聲

蓮

飭

也

敬

也。

言

語

毁

也。

車

之

口

車

氣

視

則

遫。

齊

莊

皆

切。

邀,

0 顧 刻 本

循

枉

毋

測

未

至

毋

濟神,

敬鬼神

而遠之也。

毋

循

枉,

過

則勿憚

改也。

毋測未至,「不逆詐,不億不信」也。

毋

闌

則

速去之矣。

所謂其

進鋭者,其

退速也。一毋瀆

神

毋

廟

禮

法之

朝

延,便

厚重

毋

拔

來

拔、赴,❷皆疾也。

赴 霍刻本作

爾」下,霍刻本有小字注「便平聲」。

也

似

似

不

父兄。 謝 所在 庶人在官者。 言,言孝弟於父兄。 與 與居官者言,言忠信。」大人,即大夫也。 言,言事 記孔子在鄉黨、 君未視朝時 言之,但 ○《士相見禮》曰 聖人存 氏日 (上大夫言 「子見齊衰者 幼者,人之子弟。 祥,猶善也。 朝廷,政事之所出, 不言。」朱子日 心 聖 不 而 君。 也。 人心安於 不放 他, 言使臣則以禮,言事君則以忠 宗 侃 誾 當 廟 爾。」 與老者言,言使弟子。 侃 食 誾  $\mathbb{Q}$ 朝 ,剛直也。 雖 Œ 朝 而 「與 廷言貌之不同 如 論 衆,謂衆人。❶ 狎 食 言不可 「答述日語 與 故 也 與衆言,言忠 語 必 君言、言使臣。 當 於位之不正 下 一。」間,音銀。 》曰:「席不 變; 寝而 誾誾,和悦而静也。」○此章 大夫言 以不明 寢, ,自言曰言。」范氏曰: 見冕者與 辯 居官者,謂上士至 言 者, ,言使弟子則以 語 〇朱子曰: 二孔子 侃 故必詳 雖 Ē 非 信慈祥。 老者,人之 與幼 侃 小 其 不 與 、瞽者 不 如 時 問 坐。 食不 大 處。」 也。 此 也 而 者 人 極

雖夜 肱,姑 禮 惰 容舒也。 之。 也。」朱子曰 孔子之事。 日: 語》 變,謂變其 式負 ○《禮記》曰 有爵者。 聖人之心,哀有喪,尊 放 E 深肆, 「尸,謂偃卧似死人也。 負版,持邦國圖 日 : 横切。 必 版者。」朱子曰: 必太嚴厲。」「唯聖 夭夭,其色愉也。」程 瞽 興,衣 並 容色。 〇「子之燕居,申 寢不尸,居 無目者。 「燕居, 肱 坐 興,起 臂 不 服 「若有 籍 也。 横 冠 閑 者。 有 褻, 肱 暇 「式,車 也。 爵 不 而 謂 疾 ,授立 一人便自 無事 式此二者,哀 居、居家。 不 横肱,爲妨並坐者。❷ ,矜不成 坐。 燕見。 子曰 皆 風 容。」 一前横 所 之時。」楊 迅 有 以敬天之怒。 迅,音信。 不 貌, 木。 人。 雷 申 「今人燕居之時,不 尸、屍 中和之氣。二〇《 跪 容,容儀。」〇此 謂 甚 如 有喪, 有 X , 授 氏 禮 所敬 也, 雨 通 日 服 貌 坐不立。」 用。 0 則 重 中 夭夭 迅,急也, 則 民 范 授 必 大 0 數 俯而 氏 申 以 朱 章記 也。」 日 曲 如 其

- ■「衆」,霍刻本作「庶」。
- ② 「爲」,霍刻本作「謂」。

屑。

0

齊衰,喪服

也。

狎,謂

素親狎。

變,

謂

變其容色。

冕,

必

以

貌。

音

咨。

衰,音

崔。

瞽,音

古。

褻,音

其方如矩也。」陳 轉處,欲其圓如規也, 之心,無繇 薺》之詩以爲節。 ○自,繇也。 也。」薺、音慈。 偶 和之聲,行則 則揚之,然後 羽,玉聲所中也。 敬心常存也。 有人。」執虚器,如執盈滿之器。 有賢人也。」○《少儀》曰: 右徵角,左宫羽,徵,音止 恐傷人也。二十五家爲里。 與人也。 里必式。」吴氏曰: 肆 而遺之也,必求其取義,則泥矣。 夏》, 不 而 周 跪不立,爲不便於受者。 人也。 通上文而言,君子以禮樂養其心,故非違邪僻 還 ○《禮記》曰: 還 氏日 路寢門內至堂曰行,行則歌 玉 左右之分,互文耳。不言商者,亦以文不 鳴 中 ,音旋,下同。 朱子曰: 鏘 佩玉,是以非辟之心無自 規,折還 折旋,是直去了復横去,其横轉處,欲 「國、國都。 「路寢門外至 鳴 也。 式,説見前章。 周 「執虚 旋、是直去了却回 故 中 馳,馳驟車馬也。 中,音衆,下同。 「古之君子必佩玉, 〇佩玉,比德也。 入虚室,如入有人之室。 趨以《采薺》,行以 君 矩,進則 應門日 〇「入國不馳,入 如執盈,入虚如 子在車 必式者,恐里中 趨 《肆夏》之詩以 揖 趨則 辟,音解 則 一來,其回 之,退 不馳者, 徴 聞 歌 角宫 ~采 人 繪

持弓矢 弓矢固。 此可 出。 爲節。 必合禮而志正體 還者,揖讓之容。 ○《射義》,《禮記 者,進退周還 鄉 故曰揚。 和,皆車上之鈴也。」方氏曰: 及其久也,則與物俱人矣。」〇《射義 以 進而 惟固也,故其力能至; 審固 進退 觀德行矣。」還,音旋。 前 俯仰、皆得其節、故佩玉之聲、鏘 ,則其身略俯,故曰 直,有德行者也。 ;持弓矢 内志正,然後持弓矢審,外體直,然後 》篇名。方氏曰:「進退者,升降之節 必中禮。 審固 内志 惟審也,故其巧能中。」〇 揖。 故曰 「心雖在内,有物引之而 正,外體 然 退 中,音衆。行,去 可可 一而後 後 以觀德行」也 可 <del></del> 日 則 以言 直 然而 其身微仰, :「射 鳴 中。 焉。 持 周

#### 右明威儀之則

景 服。 用緇布冠。 禮 《士冠禮》: 》篇名。 福。」冠,音貫。 棄爾幼 古者二十而冠。 令、吉,皆善也。 「始加 (志,順 令,去聲。 祝 爾 筮日筮賓,三加 成 曰:「令月吉日 元,首也。 棋,音其。○《士冠禮》、《儀 德。 壽 元服 考維 而 消調 三祝之。 祺, 冠 始 也。 介 加 始 爾 元 加

也。 汝; 眉壽 采,哀也。 純 存 謹其德,則眉壽萬年, 人之德,斯有壽考之祥,而 加 天之福 如之,皆壽徵也。 在,祝其無故也 成厥德。 歲之正 重 月令辰 也。 ,音准,下同。 冠 順,從, 也。 眉壽,老人以秀眉爲壽徵 〇三加用 萬年,永受胡福 慶也。 有威而可畏,謂之威; 衣不 衆子 乃 ,以月之令,咸 幼而無父曰孤。 祺 黄耈 則 祥 純 申 〇冠飾 否。 黄,謂 爵 疆 也。 素。 阚 無疆,受天之慶。」」看,音苟。 曲 弁。 ,猶 服 而永享遐福矣。 ○≪論 介、景 限也。 一髮白 衣緣,皆曰 禮》 正,猶善也。 孤 當室,爲父後者,雖除喪猶 介大福矣。 。』再加用皮弁。 子當室,冠衣不純 而復黄; 敬 日 也。 ,皆大也。 加 有 語》曰 德既成,則有無疆之壽,而受 爾 儀 爾 純。 胡, 而可 「爲人子者,父母 威 服 着,凍梨也,老人面 咸,猶 猶遐也。 不純素,樂也。 儀 兄弟! 象, 棄童幼之志,而 再 三加,曰:『以 君子 加, 謂之儀。 盡也。 淑 辰,時 敬威儀而善 具 慎 日 不 也。 在 阚 兄弟 以紺 采。」 淑,善 純 古古 不純 從成 德。 申, 疆, 素 以 具 色

於道 句。 必 也。 之。」於,音軫。 用黑羔皮爲之。 屬,亦皆佩也。」〇「孔子羔裘玄冠,不以弔。」羔裘 締締而出之於外,欲其不見體也。」○「去喪,無 之服也。 以 飾 紺,深青揚赤色,齊服 何足與議於道哉 絢,不盡飾也、皆以其 ○《禮記》曰: 佩。」去,上聲。 心欲求道 變服 爲 領緣也。」張氏 葛之精者曰絲,麤者曰 約,音劬。 褻服。 而 所 褻服 [恥惡衣惡食者,未足與議也。] 朱子曰 而以 以 ,私居服也。」當暑,袗絺 哀 朱子曰: 0 玄,黑色。 П 〇朱子曰: 締,音答。 )絢,屨 死。二〇 日 「童子不裘不帛,不屨 體之奉不若人爲恥 也。 未成人也。 紺 頭 「紅紫,間色不正,且近於婦人女子 緅 緅,絳也,三年之喪,以飾練 飾。 此 朱子曰:「喪主素,吉主玄。 給。 絡,乞逆切。 「君子無故,玉不去身。 不以 三章,皆 不裘不帛,不 表而出 飾 重 其識 孔 記 之,謂先著裏衣,表 喪 〇朱子曰: 給,必 子 孔 祭 趣之卑陋甚 子 也。」 備 約。」 衣 服 表 紅 服 也 觽礪之 士志 之 所 屨, 丽 服 不 制 里 者 不 出 弔 音

右明衣服之制

緅

飾

紺

,古暗

切。

緅、音鄒。

〇朱子曰:

「君子,謂孔子。

毋以箸,取匙之便也。 毋嚃羹,毋 毋咤食,毋齧骨,皆嫌不謹 ○取飯作摶,則易得多,是欲争飽 〇咤,謂以舌作聲。 而手有汗澤,人將惡之矣。 流歡,長歡,飲無節 毋投與狗骨,慮其相噬 客絮羹,主人辭不 澤手。 共食而水飽,非讓 上 骨 以箸,上「飯」 「揚,謂 「飯」去聲,下 反,謂還之器 也。 毋 絮, 音處。 飯,上聲。 刺 〇曜,謂 固 問散其 也。 毋 猶 獲, 也。 能 咤 毋 剔 へ熱 毋 飯也。 精,膾 小口 音擊。 君子, 嘬。 切。 也。 計 養 臭惡不食,失飪 至於弄口爲容,故又以爲戒。 者,當食之禮。 也。」食饐 面 齒斷之,乾肉以手治之,各有宜也。 肉不齒決, 蓋主人不當正客之失,但遜謝之而已。 切。 人, 膾麤則能害人。 感之。 炙,音柘。 而飯 毋嘬炙,謂宜以漸食之。 毋絮羹,毋歐醢 精 餲,於賣切。 數,音朔。 不厭 則先飯 、鑿也。 ,備噦 丽 數噍,毋爲口 細。 餲 毋嘬炙。」濡 〇濡 噎 後己者,勸食之意。 牛羊與魚之腥,聶 噍,在笑切。 而 也。 魚 餒,奴罪切。 後己。 ,皆惡貪 不食,不時不食,食,音似。 食,音似。 濕也。 亟疾而 餒 不厭,言以是爲善,非謂 丽 決,斷 (味也。 肉 点嚥, 備 容。」飯、音反、下俱同。 ○《少儀》曰 毋放飯,毋流 ○《論語》曰 〇君子,三達尊之稱。 ,音如。 膾,音檜。 敗不食,色惡不食 飪,而甚 也。 辭不 而 炙,炙肉。 見問 放飯流歌,説見前 切之爲膾。 乾肉,脯 乾,音干。 能 也。 濡 切。 〇朱子曰:「食 烹煑, 肉 數 ○臭,氣 類。 敷 歠 侍 娲 「食不 解以 必 食盡 食精 嘬, 而 決 欲 濕 66,於 燕 小 嚼 貧 先 肉以 如 崱 臠 初 本也。 章。 厭 呕 飯 乾 於 是

毋固

貪食

也。

毋揚

飯。

飯

黍

毋

箸,音住。

0

陳氏日

絮羹,毋刺齒

毋

歠

醢。

氣,嫌欲食之急也。 去聲,下「飯」音反。 反魚肉,爲己歷

口,人所穢也。

中。

固

謂必欲取

之。

咤,丑亞

切。

齧,魚列切。

也。

放飯,大飯,食無節

也。

骨,毋反

魚

肉,

毋

投

與

狗

飯」音反。

歌,昌悦切。

摶

飯

放

飯

毋

流

歠

搏,

音團。

道

古之飯者以手,共飯

○食者,所食非一

品。

飯者,

止飯而已。

曲

日

共食不

飽

共

飯

不

也。 羹有菜,以口嚃食之。 刺,音威。 歠 客歠 歌,昌悦切,下同。 詳味之。 醢 主 毋 人 絮,謂 嚃 辭 羹無味,就器調和之。 以 宜 醢,音海。 以 窶。 箸 也。 嚃,音 窶,音巨。 毋 刺刺 塔。 数 亦嫌 不謹

記》百 及亂。 朱子曰 故,謂祭祀及賓客之禮。 類 E. 荷食耳。」肉 無 沽 氣。 得則不食,惡其不備也。 不方正者不食,造次不離於正也。」「食肉用醬,各有所 不時,五穀不成,果實未熟之類。此數者皆足以傷人,故不 日 適可 也。 敗。 故 酒 酒以爲人合懽,故不爲量, 人也。」 割 韮 而 不 市脯 剪,殺也。❶ 色惡臭惡,未敗而色臭變也。 身 止 不正不食,不得其醬不食。 通 食,音似。 殺 君 66,飯 踐 神明 不 無貪心也。」此一 不食。 雖多,不使 犬 也。」豕,音矢。 無故 撤 豕。 傷 ,去穢惡,故不撤。」不多 薑食,撒,直列 熱濕 〇朱子曰:「食以穀爲主,故不使肉勝食 ○《樂記 不殺牛,大夫無 朱子曰:「沽、市,皆買也。 君 子 也 庖,宰殺之所。 此二者,無害於人,但 節,記孔子飲食之節。 勝食氣。 餲 遠 **>** 遠,去聲。 但 味變 日 庖 以 切。 醉爲 廚 飪 也。 廚,烹飪之所。 豢豕 0 唯 烹調生熟之節也。 節 故不殺羊, 凡 魚爛 踐,當 食。」 撤 朱子曰: m 酒 有 去 不以 不及亂耳。」 爲 日 無量,不 恐不精潔, 作剪。 血 | 朱子 也。 餒。 酒 氣 宜,不 朱子 1味而 割肉 日 肉 身。 非 之 禮 腐 小 口

大也。」爲,去聲。 之,蓋通乎上下,《記》特舉士 終日 日 百拜,言多也。 小人乘醉相 禍 是 以 腹, : 故 也。」豢,音患。 爲 飲 先 大,謂 禍 飲食之人則 酒 王 也 侵,以 心志 因 而 偂 酒 不 爲 致 獄 所 得 酒 以 0 獄 ○豢,養也。 訟益繁, 飲 合懽,先 訟 醉 禮 人 食之人,專 滋 焉, 賤之矣, 多也。 以 獻之禮,賓主 此 王 則 爲,造也。 例 因 先 士之酒 酒 養 其 其 爲 王之所 口腹 生 餘 之流 其 耳。 禍 禮 者 獄 養 而 帷 生 也 訟 小 制 以 行 益 百 禍 禮 孟 以 小, 備 以 拜 也 失 獻 子 酒 防

右 明 飲食之節

學 集 註 卷之三然

0 剪」、霍刻本作「踐」。

親

## 小學集註卷之四

一陳選 集註

摭,音只。〇摭,猶采也。

實,猶證

也。

興起,謂感

動

奮

起。

摭往行,實前言,述此篇使讀者有所興

也。

朱子曰:「法者,人倫而已。

鄉人,鄉里之常人也。」

也。

憂之如

何

?

如

舜 圃

已矣。」其

行,指

盂

傳於後世。

我猶未免爲鄉人也,是則可憂

臣

發而爲善也

古 第 篇 四稽、考也。 考虞、夏、商、周聖賢已行之迹,

稽

以

證

前篇立教、明倫、敬身之言也。

凡四十七章。

内

恶。 也。 而不懈於用力也。」其言曰:「舜爲法於天下,可 必稱堯舜以實之,欲人知仁義不假外求,聖人可學而 舜則無私欲之蔽,而能充其性爾。 孟子道性善,言必稱堯舜。朱子曰: 性者,人所稟於天以生之理也,渾然至善,未嘗 人與堯舜初無少異,但衆人汩没於私欲而失之,堯 故孟子每道性善,而 「道、言 至 有

宗。 始受命之君也。 文王而明聖,太任教之以一而識百,卒爲周 之生,明無不照 娠,妊也。 ○端正,純一,誠實,莊肅,性之美也。 目不視惡色,耳不聽淫聲,口不出敖言。生 任之性,端一 周國之君。摯,國名。 爲妃。摯,音至。中,音仲。○太,尊稱。 太任,文王之母,摯任氏之中女也,王季娶以 君子謂太任爲能胎教。 始受命曰宗。 聖 此摭太任之行,以實首篇胎教之言,後皆放 誠莊,惟德之行。 無不通,教之以一,即 中女,次女。王季,文王之父。 太任性行既美,又能胎教,故文王 惟德是行,行之美也。 娠,音身。 能 及其娠文王, 識 任,姓。文王 百 ,後爲周 敖、音傲 太

四 Ŧī.

子名。 此。 之事 既 子幼 而賣曰 嬉戲 之大才也。二〇孔子嘗獨 遷之教。 就 欺,誑也。 食,音似。 之,是教之不信。」乃買 以居子矣。」遂居之。 也。」乃去。 之母,其 此非 學,遂成大儒 而 然或詳 丁, 踊 悔 時, 乃設俎 舍、居也。 街。 所以居子也。」乃徙。 長師孔子之孫子思 曰:「吾聞 信,實也。 ○啖,食也。 問 舍 躍 徙, 或 略 築埋。 東 近 舍市,其嬉 遷 豆,揖 未必 踊躍,哭狀。 墓。 家 也。 殺 買 盡 趙 俎 讓 肉食之,以見前言之非誑 孟 猪何爲,母 孟 古有胎教,今適有 同 欲啖汝,戲答之也。 氏日 豆,禮器。 進 子 母 ,讀者宜求 賈,音古。 立 退。 通 築埋 戲爲 猪肉以食之。 之少 日 無鯉 孟 Ŧī. : 經 葬 孟 子 揖 賈衒。 一此 也,嬉 舍學宫之旁,其 其大意焉。 ,著書七篇 趨 夙 曰:「欲 事。 衒,音炫。○軻,孟 母 讓 而 喪父,幼 進 曰:「此 非 坐 退 過庭,日: 所 適,猶 孟母 戲 而賣曰賈,行 一,禮容。 ,命世 啖,音 知 以 啖 爲 被 慈母三 汝。」 居子 墓間 既 方 真 孟 而 E 亞聖 也 炎。 長 欺 m. 口 軻 :

汝。 趨而過庭,曰:「學《禮》乎?」對曰:「未也。」 티: 以言。」 立,言即其至近之地,而 南》、《召南》、《詩 南》、《召南》,其 「女爲《周 「不學《禮》,無以立。」鯉退而學《禮》。 品節詳明 學《 事理 召,音邵。 詩》乎?」 鯉退 通達,而心氣和平,故能言。」他 ,而德性堅定,故能立。」〇孔子謂伯 南》、《召南》矣乎? 與,平聲。 而 》首篇名,所言皆脩身齊家之事。 學《詩》。 對 猶 日 正牆 . 物無所見,一步不可行。」 〇朱子曰:「爲,猶 未 鯉,孔子之子,字伯 面 也。」「不學《 而 文 也 日 丽 與!.」女,音 又獨立,鯉 學 不 Œ 朱子曰: 詩 也。 魚 爲 牆 ( 周 日 朱子 《周 面 無 而

右 立 教

格姦。 瞽 虞舜 之言爲嚚。 叟。 父頑,母嚚, 心不 嚚,音銀。 象,舜異母弟名。 則德義 之經 ○蔡氏曰:「虞,氏 象傲,克諧 爲頑 傲、驕慢也。 母 舜 後 以孝,烝 ,舜,名也。 母 克,能也。 П 烝 不 舜父,號 道 忠信

之士悦之,人之所欲

其内。

〇朱子曰:

移以與之也。如窮人無所歸,言其怨慕迫切之甚也。」天下 成邑,三年成都。1是天下之士就之也。胥,相視也。 遷之焉。爲不順於父母,如窮人無所歸。 畝之中,天下之士多就之者,帝將胥天下而 以孝,使之進進以善自治,而不至於大爲姦惡也。」○萬 色,人之所欲,妻帝之二女而不足以 九男事之,以觀其外。」又言:「一年所居成聚,二年 已矣。父母之不我愛,於我 旻,音民。共,音恭。○萬章,孟子弟子。 舜往于田、號泣于旻天,何爲其號泣 「帝,堯也。《史記》云:「二女妻之,以觀 怨慕,怨己之不得其親而思慕之也。 也,而不足以 耳,非怨父母也。」帝 仁覆憫下,謂之旻天。 我竭 廩備,以 言舜不幸遭此,而能 力耕田,共爲 解憂。 事 何哉?」 舜 解 於畎 使其 遷之, 朱子 憂。 號 爲, 好 章 和 富,人之所欲,富有天下而不足以解憂。 父母,可以解憂。孟子真知舜之心哉!」人少 之、好色、富、貴,無 人之所欲,貴爲天子 愛日者,惜此日之易過 西漢人。自知不足者,舜雖已順 加 親之心爲己憂。非聖人之盡性,其孰能之?」○楊 可知矣。 也。言五十者,舜攝政時年五十也。 失其本心也。 艾,美好也。 好,去聲。〇朱子曰:「常人之情,因物有遷,惟聖人爲能 母,知好色則慕少艾,有妻子則慕妻子,仕 此,以解上文之意。 可以解憂。 曰:「事父母自知不足者,其 五十而慕者,予於大舜見之矣。」少,去聲,下同 慕君,不得於君則熱中。大孝終身慕父母 久者,事 此章言舜不以得衆人之所欲爲己樂,而 小親 好妻並如字。〇朱子曰:「孟子推舜之心 之謂 言極天下之欲,不足以解憂; 懼 也。 足 來日之無多 不得,失意也。 以 而 孝子愛日。」楊子,名雄 解憂者 不 其親,而 足以 五十而慕 一舜乎! 而 其心常若不足 不得 惟 解 熱中,躁急心 憂。 久事 順 ,則其終身慕 則 不 以 而 於父母 其 人悦 不 惟順 慕 口

子九男二女,百官牛羊倉

於我何哉

白責不

知己有

何罪

于旻天,呼天而泣也。 曰:「舜往于田,耕

歷山時

也。

子職

丽

也?」孟子曰:「怨慕也。

問

也。

烝,進也。乂,治也。格,至也。

貴,

親

也

父

於

則

順

埶

得

常也。 飯。 音理。 安否何 面 食之餘 食畢而徹 在,察也。 膳宰曰: 食上,必在視寒暖 色憂,行不能正履。 直日者。 豎,音樹。 中又至,亦如之。及莫又至,亦如之。 而 衣 文 服 上, 上 王之爲 履 不可再 ,音脱。 文王 其有不安節,則内 ,則問 如?」内豎 至於寢門外 進 蹈 ○國君之適子曰世子。 末 聲。 食 地 進也。 所食之多寡。未,猶勿也。 養,去聲。飯,音反,下同。 也。 則 世子,朝 有 〇不安節,謂有疾,不能循其起居飲 飯,亦 察視寒暖之節,如 原。」應曰:「諾。」然後 復膳 〇文王有疾,武 曰:「安。」文王乃喜。 之節。 ,問内豎之御者曰:「今日 飲食安節也。 於王 王季復膳,然後亦復 飯 季,日 内庭之小臣曰内豎。 豎以告文王,文王 食下,問 文王 飯宜温、羹宜熱之類。 復初,其 = 原,再 〇武王,文王之 王不説 再 所 飯 雞 也。 朝,音潮。 退。 膳。 憂 初 亦 及日 冠 解 謂所 食之 初。 鳴 履, 也。 御, 再 帶 命

子。

〇孔子曰:「武王、周公,其達孝矣乎! 倫。 死,曾元養曾子,必有酒肉。將 事死. 將徹,必請 臣庶 劉安也。 勝,音升,下同。 將不勝, 言若不 文王也,行無專制,事 皆繼志述事之意也。」〇《淮南子》曰:「 其位,行其禮 則續而成之。事者,志之已成者也。 孝,乃天下之人通謂之孝也。]〇志者,事之未成 文王之子,武王之弟。 「踐,猶履也。 夫孝者,善繼人之志,善述人之事 也。 ○《孟子》 如事生,事亡如事存,孝之至也。」朱子曰 出口。 奉持,執 始死謂之死,既葬則 如 其,指先王也。 所 恐 奉,音捧。 ,奏其樂,敬 與。 物以 日 失之。 有奉持於文王, 朱子曰:「達,通也。 進 「曾子 問 也。 屬,音竹。 有 미 無繇己。身若不勝衣, 所尊所親,先王之祖考、子孫 能 餘,必 反而 謂 養 子,能 其 曾 能 亡焉 所尊,愛其 述, ○淮 盡子 子矣。」 日『有 皙 則 洞 ,皆指先王 南子,漢 徹,不請 循 言武王、 道 者 必 洞 周 而 也 有 屬 也 者 行 行 公之事 屬,如 之。 也。 酒 淮 所 餘 周 也。 去 周 肉。 南 見 親 公之 所 繼, 晳 踐 公 此

親

,行年七十,作嬰兒戲,身著五色斑

爛之

嘗取水上堂,詐跌仆卧地,爲小兒啼。

於

親

側,欲親之喜。

著,音酌。

跌,音迭。

仆

〇老萊子, 楚人也。

五色,青、赤、黄、

白

、黑也。

仆

積於中而著於外,故夫子嘆而美之。」○老萊子孝奉二

母兄弟稱其孝友,人皆信之,無異辭者,蓋其孝友之實,有以 之志, 人也。 曰"「言當如曾子之養志,不可如曾元但養口體。」〇孔子 日 其與人也。 與誰?」或父問 其父,每食必有酒肉。 朱子曰: 去聲,下同。 養 而不忍傷之也。」事親若曾子者,可 П 曾元不請所與,雖有言無,其意將以復進於親,不欲 孝哉閔子騫! 「曾皙,名點,曾子父也。 體 此但 者也。 徹,直列切,下同。亡,音無。 此 !能養父母之口體 〇閔子騫,孔子弟子,名損。 物尚 若曾子,則 有餘否? 食畢將徹去,必請於父曰:「此餘者 人不間於其父母昆弟之 而已。 必曰「有」,恐親意更欲與 曾元,曾子子也。 可 謂 曾子則能承順父母 復,扶又切。 養 胡氏曰:「父 志 也。」朱子 也。 曾子養 養, 0

與。

問有餘,曰『亡矣』,將以復

進也。

此

所

頭,亦作跬。○大,猶貴也。 氏曰:「不虧其體,所以全其形。 忘孝之道,予是以 謂全矣。」故君子頃步而不敢忘孝也。 之足瘳矣,數月不出 足,數月不出 不游,不敢以先父母之遺體行殆。 地之所養,惟人爲 吾聞諸曾子,曾子聞諸夫子曰:『天之所生, 抽。○樂正,姓,子春,名,曾子弟子。 而歸之,可謂孝矣。 春曰:「善如 感,●故爲是以樂其心也。」○樂正子春下 僵倒也。 舉足而不敢忘父母,是故道 雞,謂 鳥 爾之問也! 善如 ,猶有憂色。 雅。 吴氏曰 有憂色也。 大。 不虧其體,不辱其身,可 ,猶有憂色,何也?」廖,音 一舉足爲頃,再舉足爲步。 父母 :「恐父母見子之老 不辱 門弟子曰:「夫子 全而生之,子全 瘳,愈也。 其 頃,苦猥切,❸亦作 (身,所 加 爾之問 不 一出言 堂而 徑,舟 以全其德。」 樂正 今予 而 也 傷 生 m 而 子 其 方

<sup>「</sup>感」,霍刻本作「戚」。

<sup>「</sup>苦猥」、霍刻本、沈刻本作「欽永」。

路也。 對 子弟子。 居參之門,三年不學,何也?」公明 宣學於曾子,三年不讀書。 〇「故曰」以下,劉向論也。 母怒之,作於意,見於色,下也。」見,音現,下同。 父母怒之,不作於意,不見於色,其次也。 於意,不見於色,深受其罪,使可哀憐,上也。 伯俞之泣,悲母力之衰耳。 痛 其母曰:「他日笞,子未嘗泣。今泣,何也?」 不辱身,不羞親矣。 已之惡言,不出於口,故人之忿言,不反於身。 徑,繇舟而不繇水,不敢以先父母之遺體,行歷於危殆故也。 於身。不辱其身,不羞其親,可謂孝矣。」道,大 不 是 敢 日:「俞得罪,笞常痛。 忘父母 徑,小路 以泣。」伯俞,姓韓,名俞。 公明宣曰:「安敢不學? 也。 ,是故惡言不出於口,忿言不反 游,浮水也。 〇伯俞有過,其母笞之,泣。 意發於心,色見於面。 故曰:「父母怒之,不作 忿,恨怒也。 今母之力不能 曾子曰: 得罪,謂他日得罪 姓 忿言不反,則 宣見夫子 繇道 「宣,而 宣,名,曾 公明 加 不 父 也。 使 繇 懈

高子皋之執親之喪也,泣血三年,未嘗見齒。 如此、非惟進於中國、而且善於禮矣、故孔子稱而表之。 其下。 子之門乎?」叱,尺栗切。 之,學而 一年 也。 恭,莊敬也。 居庭,親 月,親未葬時 宣説此三者,學而 朝廷,嚴臨下而不毀傷。 不懈惰。 日,親始死時也。 不怠,三月不解,期 行有餘力,則以學文。」〇少連、大連善居喪,三日 ,音戒。 也。 少,去聲。 讀書,學文之事。 悲哀,如 〇夫子,謂曾子。 未能。 在,叱咤之聲未嘗至於犬馬。 宣説之,學而未能。宣見夫子之居 儉,節 也。 解,音懈。 朝夕哭之類。 懈、倦也。 怠,惰也。 制也。 宣見夫子之應賓客,恭 未能。 孝、敬、慈,力行之事。 朝廷,外 悲哀,三年憂,東夷之子 期,音朞。 不解,如哀至則哭之類。 不怠,如水漿不入口之類。 庭,中 咤,丑亞切。 憂,謂憂戚憔悴。 宣説之,學而未能 宣安敢 庭也。 庭 也。 不毁 此孔子之言。 不學一 説,音悦,下 叱 《傷,謂 咤, 《論 二子居喪 而 怒 語 不毁 儉 期 聲 居夫 宣  $\mathbb{F}$ 也 説

也。

(詩》,《小旻》之篇。

戰戰,恐懼;

者

親

戚

也。

紂

始

爲

必

爲

玉

杯

爲

氏曰:「身體猶不可虧也,況虧其行以辱其親乎。」〇箕子 之難如此,至於將死,而後知其得免於毀傷也。 履冰,恐陷也。曾子以其所保之全示門人,而言其所以保之 身體受於父母,不敢毀傷,故於此使弟子開 小子!」夫,音扶。○朱子曰:「啓,開也。 語畢而又呼之,以致反覆丁寧之意,其警之也深矣。」范 如履薄冰。』而今而後,吾知 〇曾子有疾,召門弟子曰: 息者,待也,待其反也。 求,謂求其親。 〇子臯,孔子弟子,名柴。 《詩》曰 〇 顔丁善居喪: 象箸,箕子 玉 如不及。 兢兢,戒謹 既殯,望望焉 杯, 則 『戦戦 必 其反 曾子平日以爲 望望,仰思貌 歎 其衾而視之。 思遠 臨 小子,門人 曰 : 深,恐墜, 成兢兢 免夫, 始死 而 如如 皆不忍 方 「彼 息。 有 珍 無 骨肉, 著也。 紂 過 聽 也。 竅,苦弔切。 乎?」乃遂殺王子比干,刳 親 説,音悦。 民,吾不忍爲也。」乃被髮佯狂 「爲人臣,諫不聽而去,是彰君之惡 可 怪之物而御之矣。 何辜,言無罪而被虐也。 酒 而鼓琴以自悲,故傳之曰 池肉林之類。 戚 怒 而 而囚之。人或曰:「可 振 御 不以 也。見箕子諫不聽 佯, 詐也。 日 也。」箕、國名。 用 而 佯,音羊。 也。 臣主以 刳,音枯。 吾 死争,則百姓何辜?」乃直 振 囚,拘 操,琴曲也。 ,救也。 聞 ○淫,貪欲。 義 聖人之心 繫也。 子, 爵 〇王子比干,亦紂 屬 刳 興馬宮室之漸自此始,不 紂 剖 也。 傳曰:「囚箕子以爲奴。」彰 爲 故父有過,子三諫 也。 而 王子比 淫泆,箕子諫 「箕子 以 泆,放蕩。 爲奴,則曰 紂之諸父。 微 視 有 去矣。」箕子 子曰 其 七 干者,亦 圃 操 諸父。辜,罪 心。 竅, 爲 :「父子 如嬖妲己,爲 而自 奴, 一言諫紂 一君 紂,商王 信 争,去 泆,音逸 有 約 説 遂 紂 日

皇皇

高,如 高,如

有

求

而

弗 得。

從

弗及。

既葬,慨

然

死其親之至情 從,謂從其親。

也。

啓予手!

慨,感悵意。

如臨深淵,

顏丁,魯人。皇皇,猶彷徨。

君子

以

爲

難。見,音現。

聲出涕日

泣

Щ

見齒

"笑也。

有

而

也

隱

於

不

之

有

不

聽

則

隨

而

號之。

人臣

=

諫

圃

不

聽,

則

其

公與 去之。 復 不同 日 處 粟,隱於首陽山 亂 義乎。❷」故太公以爲義人。 兵,猶殺 諫。 全其 也。 微,國 義 此此 有 ,天下宗周, 口 時之大權,二子 心之德也。❶○武王伐紂,伯夷、叔 ',而同出於至誠惻怛之意,故皆不咈乎愛之理,而有以 孔 夫人夜坐,聞 左右欲兵之,太公曰:「此義 以 也。 子日 伯夷、 去矣。」於是遂 蘧伯 子,爵也。 公問 太公,吕望也。 叔齊,孤竹君之二子。 玉 夫人曰: 而 殷有三仁焉。」朱子曰。「三人之行 也。」公曰:「何 守萬世之大經,各一 紂庶兄。 採薇而食之,遂餓 伯 車 夷、 聲 扶 夷齊之諫 行。 轔轔,至 屬 叔 ,猶搊 知 聯 齊恥之,義 屬,音竹。 續 也。 此 E 叩馬 也。 義也。 以 爲 闕 以 武 人也。」扶 行,所以存宗祀 當馬 誰 知之?」夫 m 而 號,平聲。 王 臣弑君 齊 ?」夫人 止 死。 不 已 前 之前也。 過 衞 食 平 馬 武王 可 周 闕 靈 殷 而 ൬ 謂 0

明也。 塗厠。 大也。 瑗。 音扶。 行。 爲之報 如事天,豈以人知而信節,人不知而惰行乎? 衞,國 夫忠 而 殺 公使人視之,果伯 事上,此其人必 欲爲 智伯 此 下者,下車以過也。 名。 人欲爲 蘧伯 之「爲」, 爲,去聲,下同。 臣 冥冥,隱暗也。 君馬曰路馬,大之也。 左右 讎 漆 與孝子,不爲 靈公,衛君 乃 玉,衞之賢大夫 其 去 報讎,真義士 欲殺之,襄子 頭 聲。 詐 以 不 爲 ,名元。 忠臣之事君也如事親,孝子之事親 讎 爲 信,音伸。 刑 以 公門,亦君門。 玉 音 飲器。 闇 人, 也 昭 求。 闕 廣敬, 昧 昭 君 挾 也。 也,仁 E Ľ, 信節, 門。 行,去聲。 廢 推 L 智伯 音 音比。 禮,是以 廣 首 吾謹避之耳。」 鄰。 式 蘧伯玉, 智伯 其 而 之臣 人襄 不 ,説見敬身。 敬 遽 有 〇襄子,名無 闇, 也 爲 ○趙 死 ,音劬。 智,敬 衞大夫,名 子 豫 音 冥 知之。」 昭 無後 宫中 讓 襄 冥 昭 夫 子 於 惰 也 顯  $\bigcirc$ 

「有以」、沈刻本作「以有」。

0

「義」,霍刻本、沈刻本作「仁」。

人曰:「妾聞禮下公門,式路馬,所以廣敬也。

則

倚門而

望。

女暮

出

丽

不還,

則

吾

倚

間

而

爲人臣

,而懷二心者矣。

子殺之。

讓之死,舍生取義也。

缺,

走,賈失王之處。

其母

日

屈 趙

膝 孟

也

即

致身之意。

後

又伏

於

殺襄子也。

識,謂識其形容。

,即襄子。

顧

,猶反也。

爲」,去聲。易,音異。

識之,爲之泣曰:「以子之才,臣事趙孟,必得 ,吞炭爲啞,行乞於市,其妻不 此者,將以愧天下後世之爲人 ○爲癩爲啞而行乞,欲人不識,得以 〇王孫賈事 爲所欲爲,謂殺襄子。 説,謂識其志意,在於報仇。 或云飲酒之器,或云溲溺 「女朝 而求殺 啞,倚下切。「爲之」之 橋 厠 真可 執 邪? 役 之牆壁。 下,欲殺 齊 者。 以 讓 識 去 湣 之,是二心 愧天下後世之 又漆 何 也。 王,王 而 匕 讓之爲 乃 委質,猶 首 晩 襄 自 其 身 來, 子, 短 出 苦 友 爲 此 劒 能敬 賓。 使, 殺之。 望。 軍 門 人名。 日季,晉大夫,名胥臣。 齊相也。 袒 門,謂家之門。 大夫。 歸?」走,去聲。 日 大夫。 如 右 過 賓, 一市 必有德。 郤其 與之歸,言諸 女今事 淖齒 湣 冀, 淖,音鬧。 袒 王,名地。❷ 承 ,姓也。 使,去聲。 右,祖露 人從之者 見 亂 事 王,王出 閭,謂巷之門。 冀 齊國 如祭,仁之則也。」文公以 女、音汝、下俱同。 德以 耘田 袒,音但。 缺 右臂也。 過 文公,晉君,名重耳。 燕破齊, 耨, 文公曰 日 殺湣 治民,君請 平聲。 四 耨 走,女不 其 白 從之,謂 刺 野 王走 妻 丢。 耨,乃豆切。 王 饋 , 音戚。 饁 日益。 苔, 孫 〇王孫,姓; 與 欲 知 敬, 之, 袒 用之。 賈乃 爲 〇淖, 誅 與 其處, 右 能 楚 敬 也。 冀,邑 德之聚 淖 我 敬 人淖 **饁**,音葉。 姓, ム 則心存, 誅 臣聞 相 女尚 〇白 賈,名,齊 . 齒所 市 丛 齒,名 爲 刺

也。

吾所以

爲

mj

懷二心

者也。」癩,音賴。

如

此

?!讓

日

「委質爲臣

近幸,子乃爲

所欲爲,顧不易

癩

也

塗厠,謂

以

塗 被

漫溷

智伯,名瑶

,皆晉大夫。

飲器,

是。

刑

人,有

罪

刑

而

、欲以 ,其首類

殺

寒子 Ĺ

也。

左右

謂 泥

襄子從

中

殺

何

執 霍刻本作「拘」。

霍刻本作「也」、沈刻

如

季

而

也

出

存則 民。 惡 蚤 閾。 門限也。 季康子,亦魯大夫,名肥。 子往焉, 意無所容, 奪謂奪其守義之志。 衞,國名。 許,作《栢舟》之詩,以死 委。閩,音域。 之,以爲别於男女之禮。 醮終身不改。 妾之不幸 暫也。 一死,共姜守義,父母欲奪 疾,其母將改嫁之。女曰:「夫之不幸,乃 出 理 得 門如賓,承事如祭,敬也。 衞 敬姜不踰閾 姜,齊姓。 IIII 故 ○蔡人妻,宋人之女也。 闖 康 共姜者,衞世子共伯之妻也。 也,奈何去之? 敬 心 門 子 〇公父文伯,魯大夫,名歌。 德全矣。 爲 之從 而 德之聚。 不幸遇惡疾,彼無大故,又不 《栢舟》之詩曰「之死矢靡他」,是以死 歸共伯,故曰共姜。 與之言,皆不 而 出 祖 下軍大夫,官名。 往,謂往而見之也。闖 ,康子不踰閾 叔 脩 己 自 一無「叔 父,音府。從,去聲。闖,音 以是爲則,而持守之,則 可 誓。 適人 以 圃 安百 踰閾。 字。 共,音恭,下同。 嫁之,共姜 而 之道,一與之 夫死不嫁,義也。 既 姓 〇公父文伯 人,故曰 其母敬姜也。 母也。 嫁而夫有 故 開也。 日 仲尼 1德以 共伯 皆不踰 閾 不 聞 康 0 私 治 夫。

日 之。 父欲立叔齊。 庫,富貴之也。」○伯夷、叔齊,孤 然。」孟子曰:「親之,欲其貴也,愛之,欲 之於弟也,不藏怒焉,不宿怨焉,親愛之而 而無酬 於弟,雖有怒亦不藏之,雖有怨亦不留之。 章疑舜何不誅之,孟子言舜實封之,而或者誤以 何也?」孟子曰 曰:「父命也。」遂逃去。 矣。」朱子曰"「放 藏怒,謂藏匿其怒。 一妾,何以 曰:「象 大故,謂惡逆。 「伯夷以父命爲尊,叔齊以天倫爲重。」〇虞、芮之君 或 酢 人立其 日 醮 日 得去?」終 蓋 以 婚禮費 中子。 及父卒,叔 ,猶置也,置之於此,●使不得 婦人自稱曰妾。 殺 :「封之也,或日 宿怨,謂留宿其怨。」饒氏曰:「仁人之 舜 者 爲 中,音仲。 三酌 不 事, 聽。 叔 墹 立爲天子則放之, 齊 聽,猶 婦 齊 其母,女之母 竹君之二子也 而 〇孤竹 讓 亦 不 從也。 其富也。 伯 放 不 酬 少間,心便釋 ·肯立 酢 夷。 焉。 國 也。 去也。 爲 名 〇萬章 封之有 放 仁人 也。 伯 彼,指 而 也。」 夷 ᄅ 逃 萬 酌

問

遺

0 「於」,沈刻本作「如」。 右

明

倫

李氏日

「首十七章

明

父子之親

啓

謂

穴

丽

出

蟄,

蟲之藏者。

方長,謂草木。

衞

立 開

切。

長,上聲。

折,音哲。

難,去聲。

間

如

字。

竇。」有間,使者至,

門

啓

而

出

次五章,明

君臣之義。

次

公四章

明

夫婦之別。

次

一章,明

長幼之序。

末二章

明朋友之交。」

卿。 質 以 也。 物我之有間,故 昔者吾友嘗從 盍,音合。 白 耕 相 能,以多問 而 ·人交久則敬衰,久而能 人交,久 ,馬氏以爲顔淵,是也。 Ė 退。 不 者 龃 履 也。 提 君子之庭 二國之君 讓 盍往 争 天下 田 挈 畔 ○虞、芮,皆國名。 畔,田 而 一久而 質焉?」乃 ,行者讓 9 ·於寡,有若無,實若虚 敬 能 聞 入其 界 之。」晏平仲,齊大夫,名嬰。 如此。」〇孔子曰:「晏平 。 乃 感 也。 圃 事 不平,乃 歸 而 朝 於 敬,所以爲善。」 路 之者 相 士; 相 顏子之心,惟知義理之無窮,不見 斯矣。」朱子曰 , 相 曾子曰 謂 讓 西伯 讓 與 相 四 以 曰:「我等小人,不可 其 爲 ,周文王也。 朝 謂 + 邑, 其所争田 : 大夫,大夫讓 周 日 餘 一以 國。 男女異 犯 西西 :「較,計 入其境, 能 芮,儒 盍 伯 加 間 一爲閒 程 仲善與 ,何 路, 不較。 子 於不 較也。 不 遂 日 切。 也 田 爲 則 斑 盤,直 聞之,君子不 而 而

色, 孟子曰 之、君子不徑。」曰:「此有寶。」子羔 日: 女,音汝。 者,行不 子 而 不履影 語。 小而捷者。 無枉己徇人之私可見矣。]又曰: 無見小欲速之意可知。 門閉。 0 日 非 「武城、魯下邑。 : 禮之色; 聖人之言,寬緩而不迫。」〇高 ,啓蟄不 . 澹, 繇 女 公事,如飲射讀 伯 或曰:「此有徑。」子 音談。 得 徑 惡聲,非禮之聲。 夷目不視惡 人 非 殺,方長 馬 澹臺,姓, 〇子游,孔子弟子,姓言名 公事未嘗至 爾 非公事不見邑宰,則其 乎?」曰 法之類。 滅明,名,字子羽。 不 色,耳 折。 「焉、爾、平三字,是 不繇徑,則 子 柴自 一於偃 羔 游 「有 不 衞 聽 爲 見 日 輒 之室 澹 惡 : 武 之難,出 孔子 有以 日 動 偃。 臺 聲。」惡 必 徑,路 一言一吾 城 吾 滅 自 以 也 朱 ', 足 正 聞 明

0 語」,霍刻 本作「辭

Ŧī. Ħ.

冠。 稱其服。」子臧之服,不稱也夫。 之不衷,身之災也。」《詩》曰:「彼其之子,不 於道矣,故夫子 衣之貴者。 也。 聲。 與 也。 名。 孔子以兄子妻之。] () 深有意於謹言也。 斯言之玷,不可爲也。」南容一日三 朱子曰: 不踐 如何守此以殘其軀,觀聖人微服過宋可見矣。] 〇|南 衣 「白圭」,孔子以其兄之子妻之。三,去聲。 急於踐言,不留其諸也。」〇孔子曰:「衣敝 袍,衣有著者也,蓋衣之賤者。 組,音愠。 影 鄭 狐貉者立 朱子曰: ○南容,孔子弟子,居南宫,名縚,又名适,字子容。 《詩 伯聞一 子路之志如此,則能不以貧富動其心,而可以進 人之至。 輒以兵 ·大雅·抑》之篇曰:「白圭之玷,尚可磨也, 貉,音鶴。 稱之。」〇 而惡之,使盜殺之。 「不徑不實,無事時可也。 拒 此邦有道所以不廢,邦無道所以免禍,故 加 不殺不折。 父時 子路 不 也。 恥 〇朱子曰: 鄭 無宿諾。 者,其繇 子 實,孔穴也。 愛物之至。 臧 |復此言,事見 狐貉,以狐貉之皮爲裘, 出 |敝 奔宋, 君子 好、去聲。 也 朱子曰 塊也。 若有寇盜 不徑不實,守 有間,少 與!」衣,去 Ė. 《家語》,蓋 好 :「宿,留 緼,枲著 聚 緼 鷸,音 容三 患 頃 復 服 也。 鷸 袍 難 身

服,自庶士以下皆衣其夫。 子爲大帶,命 惡心生 逸。 音寂。 后 女。 冠也。 國名。 丰。 善,忘善則惡心生。 亡乎 土之民莫不嚮義,勞也。 文伯富貴而驕,故敬姜歎而貴之,亦善計國矣。 文伯之名。 朝,音潮,下同。歌,昌六切。 公父文伯退朝,朝其母。 以歌之家 親 淫、淫蕩。 惡,去聲。 織 民勞則思,思則 繒,音 衷,正 子臧,鄭伯之子。 則 玄紞,公侯 不材 使僮子 主,主母也。 向。 也。 而主 矣。 沃,肥 衷,音中。 《詩》、《曹風·候人》之篇。 婦 〇居者,喻之使 不 猶 饒。 ,備官 成 材繇 之夫 僮子,指文伯。 祭 績乎?」其 鶴 其,音記。 瘠,薄瘦 善 沃土之民不材,淫也 、翠鳥。 服 於淫 而未之聞邪? 心生; 亡如字。 列 人加 繒 其母方績,文伯曰 語,去聲。女,音汝。 也。 止 聚鷸 士之妻加 義 社 也。 稱,去聲。 以 逸 母 繇 ○績 善 國將亡,則任非人。 加 紘 冠 於勞。 勞, 心生 則淫,淫 嘆 賦 者, 綖 其,語 緝 勤 日 聚 居,吾 則總義矣。 勞。 麻也。 之以 卿 是 父,音甫 其 鄭 羽以 之内 故 烝 逸,安 則 魯 宋, 瘠 歌 朝 忘 其

瓠也。

顔子之貧如此,而處之泰然,不以害其樂,故夫子再

之功。 下,則 坎切。 賤爲勞逸之差也。 之垂前後者。 獻 祭社之時,則供其農桑之事。冬祭廟之時,則獻其五穀布帛 功,男女效績,您則有辟,古之制也。 庶人也。 男耕女織、各效其績。 命婦,大夫之妻。 紘,音宏。 紘, 纓之無緌者。 自公侯至士庶之妻,所織 冬祭曰烝。 綖,音延。 列士、元士、庶士、下士。 辟,音闢。 逸而有過,則治以罪也。 績,功, 綖,冕之上覆者。 愆,過,辟 〇玄,黑色。 而 漸以 加者,以貴 罪 内子, 庶士 也 紞,冠 紞,丁 古之 春 以

之絶 子弟子,姓顏,字子淵。 飭也。 勞者與。 瓢飲,在陋巷,人不堪其 哉回也!」童,音丹。 ,謂魯君。 嗣。 廢,猶墜也。 文伯曠於禮,敬姜語之,皆凛凛有法度,其愛而知 〇孔子曰: 居位而苟求安逸、敗亡之道也、故敬姜懼穆伯 先人,謂穆伯,文伯之父也。 朱子曰: 「賢哉 食,音似。 「簞,竹器。 憂,回 回 也 樂,音雅。 也不改其樂。 食,飯也。 簞 胡,何 〇回 食, 飘, 孔 也。

君

懼穆伯之絶

嗣

也。」冀、欲也。

而、爾,皆汝也。脩,猶

人」,爾今日

『胡不自安』,以是承君之官,予

制,通貴賤言之。

吾冀

而

朝夕脩我曰『必無廢先

言「賢哉回也」,以深嘆美之。」

右 章,言威儀。 敬 身李氏日 次三章,言衣服。 「首三章、言心術。 末章,言飲食。」 次二

矣。 ௱ 夫。 之來,寵禄過 無子。 自,繇也。 方,弗納於邪。 于陳。 音弟。 人,幸妾也。石碏 禁,莊姜惡之。嬖,音庇。 公子州吁,嬖人之子也,有 宫,太子宫,得臣,太子名。姜,齊姓。嬀,陳姓。 衞莊公娶于齊東宫得臣之妹,曰 不驕 方,道 夫,音扶。 莊、戴,皆謚也。 妈,音圭。 驕 其娣戴 寵禄過盛,則驕奢淫泆,而陷於邪 也。 而 義方,即 聄, 也。 能 ○衞、齊,皆國名。 嬀生桓公,莊姜以爲己子。 諫曰:「 音 降 驕 軫。 碏,音鵲。洪,音逸。 降 奢 娣,女弟之從嫁 六 順 鮮, 淫 而 洪,所 臣 好,去聲。惡,去聲。 Ĺ 不 納,猶 聲。 憾 聞愛子,教之以 寵 莊公,衞君,名揚。 真 0 自邪 憾 也。 m 者。 降 而 莊 好兵,公弗 逆矣。 抑 〇石碏,衛大 邪, 也 能 桓公、名完。 姜,美 也。 彩 莊公再娶 即 者 夫 四 憾, 六 0 娣, 逆。 寵 鮮 義 而 東

之,無 淫者 寵弄兵而弗之禁,是去順而效逆也。 順,即 間,去聲。 孝、兄愛、弟敬 夫賤 抑之則 也。 成 陵 者,當務於去禍,不可反召 逆,所以 近,以地言, 淫 破,亦害也。 長, 所 破 肅 誅 邪道 聄,安重 六順。 於六順 義 妨 公 恨 ,豈非 乃 、貴、少 **新** 會 恨 ○貴賤 速禍 義者 不 義,謂 也。 效,猶習也。 則思 速禍之明驗乎? 新舊, 晉 ,則弟不敬兄,非 謂 可 Œ 侯 蓋特寵 陵 也。 亂 六 乎?」去,上聲,下 一使臣 以 ,所謂六 道 以 伐 長、 而 (位言: 逆 也。 時言; 不 秦, 以義; 也。 君人者,將 則騙,驕則 遠 能 逆,即六逆。 禍 妨,害也。 自 少長,以齒言。 小大,以德言, 間 也。 成 順也。 孔氏曰: 安 謂徧犯之也。」○劉 行,謂行君之義。 君義、 親 子 自 莊公溺愛嬖人之子,使恃 受 新 重 恣横 其後州吁弑桓公,爲石 陵, 此必 夫,音扶。少,去聲。 速,召也。 同。 臣 脤 禍 間 「州吁于六逆 而不能 犯 于社 是 行、父慈、子 親,猶近也。 舊、小加 然之勢 0 也。 淫義,以 務 )去,猶 自 間 言爲人君 去 抑。 去 也 不 康 違 而 順 道 離 敬。 則少 若强 大、 公、 也。 言。 也。 速 效 且 遠

脤

,音腎。

0

劉(

成,皆邑名。

康、肅、皆謚。

秦、晉,皆國名。 篤,實 業。 能循 以事言; 有 戎,兵戎。 脈 如 間 敗其性,則取禍,違乎天而 禮義威儀、各有當然之則。 地之理,人得之以生,所謂 以 聞之,民受天地之中以 者、生有功德、卒則人君賜謚 大蛤也。 反乎?」膰,音煩。 脈,祭肉也。 而已矣。 致 福,不 動作禮義威儀之則, ,神之大節也。 是則以養其性 敬, 國之大事在 而 加 禮義,以理言, 古 膰,祭肉。 盡 能者敗 厚 是故 人多以 凡出 焉, 力 莫 兵, 亦 君子 ,則爲福 蜃 敬 以 執膰受脈,皆交神之大節。 〇君子小人,以位言之。 如 則 飾 祀與戎,祀 也。 今成子惰,棄其命矣,其不 威儀。 取 器 宜于社。 敦 勤 X 在天爲命,在 禍。 聖人所以定其性 養神, ,順乎天而吉 篤 祭 禮 也。 以易其 ,以身言。 肉以 以定命 生,所謂 中者,理之本然也。 小 能與不能 ○宜,祭名。 謂 敬 蜃 名。 奉 人 有 在 器 定者,静 祭。 人爲 盡 也。 也。 盛之,故 養 執 劉 命 力。 亦 守 前 膰 神 性 不 子 也。 能者 業, 敦,加 在乎敬怠之 者 脤 能 而復 惰 使弗失 日 戎 篤 勤 日 循 也。 謂 亦 ,謂受賑 也。 脈。 是 養之 是 禮 有 在 動 務 厚 作 則 動 也 受 也 作 以 蜃 守 莫 吾 天 謚 作 而

皆如

謂

有

威

也

固

者,

安

固

不

敗

也

衞

詩

是

指

君臣

丽 皆

言。

順 儀

是以

下,若父子兄弟,内

大小是

此衞侯問,而文子答也。

令聞長世

一,謂

善

名

久 外

垂

於

世

也

m

不敬。 其 以終。」 威儀 福者也。 下 威 免,謂免於禍。 北宫其姓也。 其不反,其後果卒于瑕。 君之威儀,其臣畏而 令尹圍之威儀,言於 ·,皆如是。 愛之,故能 **國家**,令聞 而可畏謂之威,有儀而 公日 《詩》云:『敬慎威儀,維民之則。』令尹 ,民無則焉。 反,還也。 衞、楚,皆國名。 成子以君子而受賑不敬,有取禍之道 「善哉 時 《詩》、《大雅 相衞 是以 守其 君子敬以奉祭,小人敬以務農,皆 長 世。 侯在 上下 民所不則,以在民上,不可 官 衞侯,名惡。 楚。 愛之, 臣 何 職、保族宜家。 衞 衞 抑》之篇。 謂 能 有臣 令尹,楚上卿執政者,名圍。 侯 侯 威 相 可象謂之儀。 則 日 在 固 儀 之威儀,其下 楚,北 「令尹 文子,衞大夫,名佗, 而象之,故 也。 則 ?\_對日 、法也。 聞,音 宫文子見 ,故劉子逆知 其 順 終,謂 問。 養之以 是 君有 將 能 「有 以 畏 無 有 不  $\bigcirc$ 善 形諸威 也。 擇也。 ○《詩 子兄 幾 容止 在位 以

《詩》,《大雅 可象言曰 也。」舍,上聲。 動作有文,言語有章,以 以威儀。』言朋友之道,必 爲人皆不可無威 曰:『威儀棣棣,不可選也。』言君臣 用 篡被 可觀, 》、《邶風·栢舟》之篇。 미 弟, 舍當 言威儀無一 儀,必有僭偪于上者,故文子見而知其不終也。 1儀。 畏, 殺,果不能終。」 内 ,斯可愛。 既醉 真氏曰 作 施 外 儀耳。 行,去聲。 事 舍 不善,不可 》之篇。 大 可 口 十者,皆威儀 小, 「令尹 法,德  $\wedge$ 愛, 周 攸, 所 樂,音雅。 皆 詩 進 圍 得 棣棣 '而簡 有 臨 專楚國之政,有 行 退 也。 相 日 富 其下,謂之有威 威 也。 可 可 澤取 8 ○施 教 攝 象,聲 而閑習之貌。 度, 儀 「朋 自 舍也 訓 簡 川用也。 也 可 周 也 以 友 畏 此 攸 言 氣 旋 威 上下,父 篡奪之心, 故 蓋 舍,不 日 叮 儀 可 攝 君子 選, 音 威 則 也 引 儀 攝 自 用

右 通 論通論 立 教 、明倫、 敬身二者。

1 學集 註 卷 之 四 终

五九

### 小學集註卷之五

陳選 集註

行也

物則民彝者,嘉言也,則述之,行之本乎物則民彝者,善 南北朝隋唐之傳記,承接近代五代之見聞,凡言之本乎

,則紀之。所以合《内篇》而爲《小學》之全書也。

爲《小學·

外篇

傳,去聲。

0

)歷考

前

代

漢魏

者讀《内篇》,而遠師虞夏商周之聖賢,讀

盛德大業,於是乎在矣。

奚可以爲童稚

《外篇》,而近

飾

臣

外 ○《詩》曰:「天生烝民,有物有則。 説見《内篇 篇

彝,好是懿德。」孔子曰:「爲

此詩者,其知

民之秉

道 尹吉甫之所作也。 好是懿德。」懿,音意。 乎 彝、常也。懿、美也。 故有物必有則。 朱子曰: 有物必有法,如有耳目, ○《詩》,《大雅・ 「烝,衆也。 民之秉彝也,故 物,事也。 烝民》之篇 則,法 ,則有

之道也。歷傳記,接見聞,述嘉言,紀善行,

,故人之情,無不好此懿德者。」胡氏曰:

「知道,知率性

聰明之德,

有父子,則有慈孝之心,是民所秉執

之常性

嘉 言,以廣立教、明倫、敬身也。 言 第 五嘉,善也。 此篇述漢以來賢者所言之善 凡九十一章。

之習而忽之哉? 漢唐宋之君子。

講,而矜驕惰慢成習,此天理所繇滅,而人欲所繇熾也。 恭,莊。 依 肯屈下。 爲未嘗爲子弟之事,則於其親已有物我,不 講,男女從幼便驕惰 渠,地名。 横渠張先生曰:「教小兒,先要安詳恭敬。 舊。「只爲」之「爲」,去聲。 敬,畏。 先生名載,字子厚,宋郁縣人。 病根常在,又 四者小學涵養本原之事也。 壞 隨 了,到長 已, 所 音以。 居 丽 益 安,静。 〇安詳 長,至 凶 今世學不 狠。 詳, 恭敬不 死 只 只

六〇

事

事

能者,本然之能,愛親敬長是也。 驕惰 未有所主,則當以格言至論日陳於前,使盈耳充腹。 公,名億,字大年,謚文,宋 止記 接,交接。 謂安意爲之。 1,若固 壞 米之類,只 ,德性若自然矣。」扇,平聲。 長。」 都 不 能 其質 誦 能 下 黄 拘 有之者,後雖 養其良知 性。 下 徇, 朋 爲子弟則不 香 今古,必 ○《楊文公家訓 句。 天下之賢。 下,謂屈己下之。 友,有官長 私 親、父母 扇 琞 枕 如 也 切。 陸 只 俗 有 先 也。 良能 爲,去聲。 説 爲 讒 能 績 浦城 以 有 説 病 則 此 安 便 懷 孝 常當以 摇 物 甚則 根 言 人。 不 **>** 我,猶 灑 弟 惑,不能 曉 橘 程子曰:「人之幼也,知思 病根 日 不 能 0 掃 良知者,本然之知, -此 忠信禮 去,隨 叔 )徇, 〇故事,古今已往之 先人之言爲主 隨所 下 至於徇私意,義 言 應 道 敖陰 人也。」 童 從 分彼此。 官 對 理。 人也。 居 稚之學,不 長,爲 接 所 義 而 德、 長 日 居,居 廉 居 久久成 朋 也。 病 久自安 子 恥 記 所 宰 根, 友 安 路 等 故 處。 良 接 相 則 即 下同。 雖 地。 日 謂信。

理

而

則

不

謂

於儒者事最近 令作文字。 母。」術大奇之。 事也。 後,爲楚大夫,從車百乘,積 報以福,汝不死也。」及長,爲楚相。 蛇者死,嚮者見之,恐去母 見兩頭蛇,殺而埋之,歸而泣。 曰:「昔事二親,常食藜藿。 曰:「恐他人又見,殺而埋之矣。」母曰:「 績,字公紀。 香,字文强。 即孝弟等事。 心,禮之發也 欲食藜藿,爲親負 術曰: 「憂子弟之輕俊者,只 著,直略切。 禮者,天理之節 善事父母爲孝,善事兄長爲弟,盡己之謂 陸郎作賓 年六歲,見 盡 德性 子弟凡百玩好皆奪 恥即 心養親: 叔 喪,去聲。 敖,楚官名,蔿氏,名艾。 羞惡之心,義之發也。 謂 米, 文 客 得之於天者,仁 袁 向好著, 何可 而懷橘乎?」績跪 暑則扇 義者,人心之裁 術。 而 粟萬鍾,累茵 〇先生名灝,字伯淳,宋河南人。 爲親 死 得 母問其故,對 術 也。」母 也?」〇 枕 教 負 出 亦自喪志。」好,去聲 席, 以 米百里之外。 橘 子路,姓仲,名繇。 經學 冬 義 志。 日 績 一吾聞 而 則 禮 明 制 懷三枚, 黄 答 坐,列 日 爲兒時 「蛇今安在? 以 智 至於書札 念書,不得 道 有 香 日 身 是 廉即 I 扇枕 忠,以 陰德者,天 程 聞 温 也。 鼎 、欲 親没 拜 見 出 被。 辭 先 之類 而 質之 兩 0 歸 辭 生 食 之 頭 遺 陸 黄

字正叔,明道之弟。趣,指趣也。樂,喜好也。 事,編爲韻語,令朝夕詠歌之,庶見意趣而好學矣。朱子曰: 故當時上下通用之。簡奧者,辭簡約而意深奧也。 風》、《詩》之首篇。 歌之,似當有助。」樂,五教切。○伊川,地名。 先生名頤 欲作詩,略言教童子灑掃應對事長之節,令朝夕 使人聞之。此等詩,其言簡奧,今人未易曉。别 雎》之類,正家之始,故用之鄉人,用之邦國,日 之歌舞,如古《詩》三百篇,皆古人作之,如《關 程先生曰:「教人未見意趣,必不樂學。欲且教 固儒者之一藝,若專攻乎此,則亦喪其求道之志也。 所向,若使作文字,則心愈放,而離道遠矣。凡百玩好,如晝與 之輕浮俊秀者,惟教以學經讀書,則可以收其放心。 文潞公題其墓曰「明道先生」。憂者,憂其不能致遠也。 必下1等,皆是古人教小兒語。」○陳忠肅公曰:「幼學之 「嘗疑《曲禮》「衣無撥,足無蹶」,「將上堂,聲必揚」,「將入户,視 奪志,謂奪其求道之志。書,習字,札,小簡。書札 《關雎》等詩,爲教於閨門之内,乃正家之始, 《關雎》,《周南國 以灑掃等 〇伊川 而於道知 蓋少年 之事。

倦。不改,謂守不變。若夫立志不高,則其學皆常 貳,復也。 怒於甲者,不移於乙。 過於前者,不復於後。」知 埋 至老不厭不改,終始一意,則我之不動心,亦 鬻之戲不如俎豆,念慈母之教至於三遷,❶自幼 改,則顏子之不貳,漸可學矣。朱子曰: 則顏子之不遷,漸可學矣。過而能悔,又不憚 向而取也。亞,次也。學之,謂學顏、孟也。言温而氣和 亞聖也,學之雖未至,亦可爲賢人。今學者若能 者,上品聖賢也。當背當去者,下品下愚也。一顏子、孟子, 瓘,字瑩中,號了翁,忠肅謚也,宋延平人。吴氏曰:「當向當取 此,此幼學所當先也。 事,何者是下愚所爲之事。 可以如孟子矣。鬻,音育。 知此,則顏、孟之事,我亦可學。此下言聖賢之事,當 俎豆,學宫之事。此即三遷之教也。 别,必列切。 〇埋,墓間之事。 向善背惡,去彼取 背,音佩。 不 厭,謂學不 一遷,移也 鬻,市 〇公名

士,先要分别人品之上下,何者是聖賢所爲之|● 「教」,原作「愛」,今據資講本改。

哉! 以語 日: 客。 恥過 開 譬如 當背而去也。下等之語、下等之事、皆蔽塞人心之牆壁也。 也。 過失,如聞父母之名,耳可得聞, 中 明,不可得矣。」語,去聲。 知改,下等人也。 下等人也,過而不知悔,下等人也,悔而不 下等人也。 人之事,語及顔、孟,則不敢當也。 其心必 m 而遂非 明之,在立志以學聖賢而已。 援在交趾,還書誡之曰:「吾欲汝 俠,音協。 「我爲孩童,豈敢學顔、孟哉!」此人不可 坐於房舍之中,四面 l蔽, 先生長者不肯與之語,則其所 馬 .., 援兄子嚴、敦 物 。 先生長者見其卑下, 豈肯與之語 言不忠信,下等人也,行不篤敬 聞所行,無 無所 〇援,字文淵,漢茂陵人。 見 聞下等之語,爲下等之事, 步不可 不歸於下愚之習。 並 行,去聲。 皆牆 喜譏議 吴氏曰:「言僞 行。 欲 〇此言下愚之事 壁也,雖欲開 嚴、敦,援兄二子 求 開 而 不 明, 耳 〈曹聞 與語 通 口 日壅寒, m 何 得 輕 行薄, 可 皆 俠 言 人 得 0

名。 不得, 節儉,而不驕奢。 敦篤而重厚, 四周密而謹慎。 吾愛之重之,願汝曹效之。 敦厚周 行,去聲。 不願聞子孫 論人長短,妄是非正 交通輕薄遊俠之客也。 憂,己亦爲之憂,人有樂,己亦爲之樂。 不願汝曹效也。 無所失,父喪致客,數郡畢至,吾愛之重之, 杜季良豪俠好義,憂人之憂,樂人之樂,清濁 無所失,故父喪致客,數郡皆至也。 譏,譏誚 猶爲謹敕之士,所謂 慎 〇妄是非正法,謂妄談國法之是非。 ц, 議 有此行也。 無 議論。 廉公有威, 擇言,謙 樂,音雒,下同。 交趾 俠,謂 法,此吾所大惡 郡 出言皆善,而 而不私褻。 好,去聲,下同。 以權力俠輔人。 名。 約 此輕俠之事。 刻 伯高,名述,●京兆人。 節 汝曹 ○季良,名保。 儉 鵠不成尚 不辨清濁,待之皆 皆君子之常 無 汝 廉 可 遣 選擇。 公有 也, 也 通 惡,去聲。 效伯 龍 輕 伯 類 寧 好 恢客, 謙 威 道。 高 高 死

「述」、霍刻本作「術」。

「重厚」、霍刻本作「厚重」。

子 落 則 才 德明志。 逐於物 侯,名亮,字孔明,諸葛其姓 澹 畫 者 以 昭 曰:「鵠 「善必 瞻 S 日 ,字玄德。 泊 善 烈 虎 巾 悲 非 ,字思遠。 能 積 無 小 將 不 ,故可以 歎 : 静 、驚皆鳥 而 理 以 而 終, 成 效 夫學須静 後 窮 無 君 明 性 成 不 反 季 勑,戒. 勑 廬 以 静 脩身致 子之行,静 類 志, 爲。」漢,劉氏王天下之號。 悪 良 而 將 後 成 即 雖 狗 年 也。 不 略 非 亦 主 寧 學。 者也。 相 也 遠。 復 與 得 静 面 寧 後 日 似。 何 時 也。 可戒。❶○諸葛武侯《戒子 才須 主,昭烈之子,名禪。 澹 也。 静 慆 : 陷 及 馳 以 虎、 泊 儉 無 慢 敕,音勑。 爲 事漢 勿 也 狗皆 脩 學 則 即 以 則 意 引°」個 以 天 身, 心不 澹泊 也。 昭 致 獸 與 下 不 悪 烈爲 遠 儉 汩 而 歲 能 也。 小 邨 鶩,音木。 音 於欲 非 以 絶不同。」〇漢 滔。 去 丞相 研 薄 昭烈 丽 寧 行,去聲。 學 養 精 子 故 静 爲之,勿 朱子 躁 遂 無 益 德。 ,漢帝,名 則 〇吴氏 可 ,音電 成 險 以 忠武。 所 以 心不 Ė 枯 躁 廣 非 0 謂 養

浸 莫思 其三,勝己者厭之,佞 聖之經, 之失。 憂也。 之性。 收,故 不恥 敗 真格言也。」〇 懵,母總切。 利於己,不恤 玭,蒲眠切。 災己,辱 遂與草木同枯落, 也。 漬 古道。 7,論當 不能 頗 懵,無 誌 其二,不知儒 蓋人之年 無 僻 ,記也。 所 先 研 銷 解,音 〇批 知貌。 究精微之理 知 世 喪 聞 柳 而 意 人言。 刻 字 而 雖 家 其一,自求安逸,靡 不 玭 蟹。 人之善嫉之,聞人 與 頤,口旁也。 悲歎 德 恥; 解 其 當著 直清 時 頣 義 頤 術 mi 歲 音 失 於 此言不勤儉之失。 ,唐柳公綽之孫,仲郢之子。 險躁 無及矣。 加 當世 不 己者悦之。 書 尤 怡。 簪裾 身 俱 則 戒 大 往 人笑則口旁解。 既 悦 之事,妄 惡,去聲。 心妄動。 其 者 不 古道 徒在 寡 真 子弟日 暫 Ŧi. 知 氏 駐 一,宜 曰 故不 議 之 甘 也。 廝 唯 惡 靡,不 之以 〇此言不 懵 澹泊。 「孔明 能 惡 人有 養 樂 深 :「壞名 失 言其 前 理 爲 時 誌之。 揚 何 戲 也 治 笑 經 此 不 於前 好學 之。 學。 談 氣 也 壞 恤 荷 學 而 質

復

扶又切。

0

廣才,充廣其才

也。

慆,淫

也。

慆

慢

則

心不

<sup>●「</sup>戒」,霍刻本作「懼」。

毛

以

先

言 附 猜

雖

,倉才切。 也。 忠 覆墜之。 雖 ,去聲。 銜杯,皆言酒也。 魚列切。 事爲俗 或得 〇古人以右爲尊 言好逸 浸漬頗僻 厭 孝勤 言之痛 知而不能 言 權 悪 好 要, 官 級 衣 漬,音 優 2 嗜酒 冠 儉 終必失之。 有勢 〇此言好奔競之失。 流 佞 雖 游 此 成立之難如升天,覆墜之易 悔也。」其五,急於名宦,匿 漸染 心 以 諂 廝 恣。 自 位者。 言好 或 爾 成立之,莫不繇子孫 養, 習之易荒,覺 耽 、於惡 嫉 以爲高 高致 ,名門、右族 得之,衆怒羣猜,鮮 頗 宴樂之失。 嗜 謂 宜 ,音坡。 妬 資,猶品 余見名門右族 奴 ,謂高尚之風 也 麴 刻 僕。 ,反鄙勤 揚 蘖 骨。」覆 銷 播 廝,音思。 ,皆大家也。 徒, 刻 也。 名宦,顯仕也 也。 崇,尚 以 德 事 己難 空 銜 義, 猜, 致。 ,音福,下同 者爲 頗 也 也。 杯 僻 恨 斵 〇此言 勤 悔。 俗 殊 也。 爲 喪 謂 旲氏 頑劣輕率、 莫 頑 事,勤於事業 流 其 偏 有 高 近 異 鮮,少 率 不 好,去聲。 善 不 頗 置 存 致, 也。 權 日 此 也 邪 好善之 如 繇 燎,音 奢 近,陰 心既 者 要 解之 也。 燎 麴 傲 祖 以 其 奢 簪 辱矣。 其 力也。 仕。 本。 杲。 之意 近 解 乎

也。 蘖、 勒

四

行。 失。

荒

子曰: 與《茅鴟》,宜鑑 兢,戒謹。 若先孝悌。 質字文素,周宰 嘗求 侈 復兢兢,造次必 驕傲、皆敗 禄,莫若勤 道 遷 日 怡怡,和悦 禮。 奏遷 而 不患人不知 自卑 「恭,致敬 學優則仕,子夏之法言 ~,陞也。 , 道 語 相 理。 造次,急 加 尊 鼠 自卑而尊人,先彼 秩 切 家之繇 人,先彼後己,致 藝、文藝。 秩,職 有體,人 怡怡 也。 也。 質質 耳。 相。 道 遽苟且之時。 詩 於是。 也。 禮 驕, 作 事 藝。 也。 惟 奉親 節 宋, 人刺。 而 詩 ,驕傲。 范 燎 諸, 文也 其略 曉之。 無 患 封 嘗 魯 長,不 燒 禮 魯國 也。 學 造,音操。 語 公質 也。 聞 木 易,慢易。 解。 相,去聲。 不至。 日 致 是,指孝悌也 二之事 諸 公。 戒 從,去聲。 刻 恭而 而 敢 而 格,猶法 格 爲 骨 阚 戒爾學立身,莫 無 也 從子,兄之子也 後 生 〇孝悌者,立 中 言, 宰 遠 猶言銘心, 禮 干,求 一驕易。 己。 戰 其 鴟,音答。 恥 相,從子 一戰, 胡 相 也。 節 學 杲,音稿。 辱 不 鼠 也。 則 戒 恐 而 優,有 遄 相 懼。 能 亦深 戰 詩 恭 優 爾 死 禄 遠 0 鼠 身之 名。 俸 則 學 戰 杲 則 朱 餘 兢 名 誌

也, 類。 嗜 姓名久污史册,亦可賤矣。 談酣飲,爲曠達也。 之、謝鯤、阮放、畢卓、羊曼、 江 謂 載 周 刺,譏 言,故比言於樞機。 之開闔,蘇於樞, 毀譽間 藥也,古今以之而傾覆 言衆所忌。 《茅鴟》,亦詩名,今亡其辭矣。 南,故又稱 周公、孔子。 酒 穢 孔 ",狂 青 諷。 古今傾 垂 史。 ,適足爲 名 揚人之善而過其 藥 相,視也。」戒 南朝。 教 非 苟不慎 放 名教,謂 敗 弩之張弛,繇於機。 齊 佳 放蕩。 者 災厄謂 當時雖稱之,而無禮無法,得罪名教 清議,清虚之談也。 身累。 味 梁 喪敗者多矣。 人倫之教,有實有名也。 歷 尚 樞 爾 曠 (實也。 **『禍辱。** 古史以竹,故曰青史。 歷 桓彝、阮孚、光逸。 能 清 機,災厄從此始。 勿 疎 厄,一作危。 皆 移 議 曠。 放 一詩 미 以言而是非毀譽人,皆 毁者,稱人之惡而損 謹 皆刺無禮 曠, 端士,一 記 戒爾 厚 南 人之禍福榮辱, 性 八達,謂 放 朝 酒 譽,平聲。 正士也。 一,化 勿多 稱 曠 也。 能 八人終 非 亂 戒爾 晉胡 齊梁皆 爲 鑑 性, 言 達 端 是非 凶 周孔, 照 于 〇户 繇 多多 是 日清 3 毋輔 其 士。 其 也。 險 勿 於 都 取 直 狂

> 也。 貌。 契。 素 所 仰,皆醜疾也。 戚 小人甘以壞。」舉 利之交,一言不合,則怒氣相加,如風波之起矣。 利斷金。 故馬援之書曰 繫,音係。 心,汪汪淡如水。 俠,俗呼 承奉者,以 施。 以 ,奉身好 籧篨,龜胸者。 記曰:「君子之交如水,小人之交如醴。 馬 忿怨容易生,❷ 籧,音渠。 同心之言,其臭如蘭。」契,合也。 援 ○游俠之徒,輕身以徇人,似乎有氣有義 爲 書, 華 氣 爾 陳氏曰 「寧死不 侈。 義 世好 爲 殷 條,音 戚 玩 勤 施 :「好承奉之態似之。」 舉 當、去聲。 爲 肥 願 戲。 承奉, 戒 除。 馳 風 聞子孫 人赴急 馬 諸 背者。 波 衣 施, 所 子。 昂 當 輕 ○《易》曰: 有 音叶、去聲。 以古人疾,籧 籧篨不 昂增意氣。 時 裘 此 難 爲、去聲。 行 起。 记。」舉 揚 往 風波比 能 往 揚 二人同 君子 俯 所 〇疾 過 陷囚 汪汪 難, 世 戚 忿 以 世 淡 mj 閶 怨。 施 篨 不 君 去聲 重 心,其 賤 非 憎 以 里。 不 成 清 正 游 與 知 子 能 勢 黑 廣

「召」、霍刻本作「名」。

禍召辱,

●祇足自累而

己。

舉

世

重交游,

擬

結

金

蘭

0

容易」,資講本作「從是」。

356

空也

此

萎,音穢。

疾,速

當深自斂避,勿求遷秩,蓋富貴無常,不足恃也。 ,●蹈之唯 戒其勿求遷秩以增己罪也。 ;徐,遲也。 ○隆,興,替,廢,亟,急也。 節首八句 若蹈淵冰、言憂畏之甚也。 旅之臣。 ○羈,寄; 重 也。 足 踪 還 翠。 中 有 特? 躁 恐墜。 才不充,戚 鄙,猶 花, 跡 爲 替。 ,言人物之常理。 進 宋太祖受周禪,故比之堯舜之治。 青雲,比名位之高顯也。 旅,寓 識者鄙。 賦 早 徒 縮 羈,音 賤 命 速 發 首 爲 爾曹當憫我,勿 也。 有疾 成 耳。 還 理,治也。 避 肌 戚懷憂畏。 不 我 名 衣,去聲。 先 畢竟,終也。 徐,青雲難 堅牢, 本 蹈, 亟,音 勢。 次二句。言富貴有定 萎。 顛躓 曹,即輩 羈 音 質既 撃。 稻。 旅 ,蹉跌也。 〇揚 遲 勢 亟 相周, 臣 躁,急, 也。 戾, 躓,音 漽 物盛 位 使 深淵 走 又言爾等 力致。 揚 增增 澗 難 多 戾,亦 遭 音 自 復 徒, 菱 至。 麗。 罪 畔 顛 則 久 與 逢 戚 相 得 後善; 命。 芝蘭 0 0 禮之地,人非善不交,物 不 氣質之性 非 而 也 人,爲惡者爲凶 吉之謂 能奮然用力於善, 吾不信也。 曰 聽 者,語言詭 愚 何? 末二句, 是」, 「上品之人,不教 淵」,資講本作 避 非 而 下品之人,教亦不善。 何? 禮之聲, 也 ,雖有是三品 教而後善,非賢 霍刻本作「此」。 惡 總 , 如 蠍,音歇。 人。 不 括 先生名雍 譎 畏 未必 而 善善 吉也者,目 戒之。 蛇蛇 口 也者, 動 不可以 ,❷然天地之性, 不道 蠍。 〇此 止 ,字堯夫 而 陰險,好利飾非, 凶之 爲賢也。 或 非 一節,言爲善者爲吉人。 非 善 ; 康 而 日 禮之言 義 不 節 康節 何 ? 謂 不 不 觀 中 不 邵 初無 謂

罪也。

戚,憂 宋,故

受畏意。 自謂 六六切。

鼺

躓

灼

灼

袁

必

有

隆

還

松,

鬱鬱含晚

寄

語

謝

諸

郎

薄冰

舜

理。

位

教

加

善

非

品之人,

教

而

先

生

戒

子

孫

居,

畢

竟

何

所

戾。

閉

門

斂

之意。

憐

猶

愛

雖得

市童

憐

非

禮之色,

耳

取

~,親賢

如

就

足不

踐

非

之吉

則

淫

IXI

也

爲

善者爲

是

知

善

也

少

異。

愚者果

諡

也

宋

河

南

人。

教

亦

不善,

等欲 之,鄉人榮之,諸君何不爲君子?」惡,去聲。○ 母惡之,如此 費己之財,諸君何不爲君子? 如此 之而猶以爲不足也。 善 也。 陰,暗 樂禍 ○《傳》之言,今見《書·泰誓》篇。 覆,猶傾也。 則吾不信也。 嗣,禍及一族,故曰大。」《傳》有之曰:『吉人爲 「,惟日不足,凶人爲不善,亦惟日不足。」汝 君 如 而 性,大 爲 (離隙, ,疾良善如 ,乞逆切。 欲爲君子,而使勞己之力,費己之財, 不 吉 飾非,文過也。 爲君子,猶 吴氏曰: 疾之甚也。 人乎? 則 而 覆宗 隕,音允。 詭,音癸。 不 讎 「隕身滅性,禍止一身,故曰小。 〇節孝徐先生訓學者曰: 歐原,犯 爲君子,猶可 如飲食,好而甘之也。 絶 欲爲 貪淫,嗜慾也。 可 嗣。 〇此一 也。 譎,音厥。 刑憲 N N 或日 惟日不足者,言終日爲 人 節,言爲惡者爲凶人。 不勞己之力,不 如 鄉人賤之,父 乎?」傳,去聲。 樂,音雒。 不謂之凶人, 飲食,小則隕 也。 樂禍,樂人有禍 隕,猶喪也。 父母 讎,音 覆宗 欲

端莊 正 宏,字仁仲。志者,心之所之也。 雖善,終非聖賢之徒,故立心必以是爲主爲本。 本。 焉,聖賢之德業不遠矣。 其十四五歲,便學聖人。 侯,文定,謚也,宋建安人。三子:寅,字明仲。寧,字和仲。 其不善,行其不善,思其不善,如 人,未之有也。」吴氏曰:「君子小人之分,在乎口之所 君子,成德之稱。 秀才,便以天下爲己任。 曰:「立志以明道,希文自期待。 言,身之所行,心之所思而已。! ○胡文定公《與子書 思其所善,如 先生名積,字仲車,節孝,謚 莊 肅 心者,身之主也。 ,清慎見操執。 清白 、謹慎 此 又 惟 而 日 不欺,即忠信之謂。 有守者能之。 希文,范文正公也。朱子稱其自做 立志以二公自期待,而力行以求至 不爲君子,未之有 :「言其所善,行 立心以 操,平 也,宋山陽人。 擊。 明道,程伯子也。 忠信, ○操、執,皆守 臨事以 公名安國,字康 此 人無實心,言行 諸 不欺 而 君, 明敏,果 其 行己 也。 不 朱子稱 爲主 爲 以 小 言

<sup>●「</sup>篇」下,霍刻本有「蔡氏曰」。

禮。 訟, 助。 俗矣。」别,必 孝,夫婦 者讓畔, 從此做工夫者也。 以是爲切要。 民 偏,不能自克,則陷其身於惡,而不可振矣。 以 原人情,而適寬嚴之宜也。 之,斯可爲政不在人後矣,操,平聲。 夫,其可忽乎?」飲食男女,人之大欲存焉。 方。三尺,謂法律,古者以三尺竹簡書之。 미 曰: 飲食男女爲切要,從古聖賢,自這裏做工 無以 以早決。一又謹 貧窮患難 無墮農業 「爲吾民者,父義、母慈、兄友、弟恭、子 悪 斑 有恩,男女有别,子弟有學,鄉 古之聖賢,如禹之菲飲食,湯之不邇聲色,皆 陵 白 列 善 切。 者 〇古靈 無 親 不負戴 三尺,考求立法之意 無 難,去聲。 作 戚 以 盗 相 汝勉之哉! 富 陳 賊 救 於道路,則 吞貧 先生爲仙居令,教其 墮,音灰,又音惰。 婚 無 學 姻 行者 賭 死 操縱,謂本法意 故治心脩身,必 治心脩身, 博, 喪,鄰保 〇此言爲政之 八爲禮 1讓路, 無 而 一念之 好,去 義 閶 好 操 耕 之 相 争 有 縱

> 州屬 聲。 少 也。 盜賊之類。 養,夫亡改嫁,是無恩也。 避 有禮。 長、輕 邑。 〇古靈,村名。 義,謂 ,謂歲時 避重 堕,廢墜也。 之類。 能 相往來,及燕飲敘齒之類。 īĒ 先生名襄,字述古,宋福州人。 其 讓 家。 陵,侵欺 畔 有别,謂男有婦,女有夫,不相 有 謂 恩,謂 地 也。 有界 貧 吞,兼并 畔 ,不相侵奪 守。 患難,爲水火 也。 若棄 仙 讓路,若 居,台 妻

斷

辨是非。

熊氏曰

「事有是非

惟

明

敏

可

以立見

惟

果

右廣立教

皆孟子所謂善教得民者

具是: 父母之命爲非 若不許,苟 籍記 命,復命也。 省。音醒。 行,必咨稟於家長。」公姓司馬,名光,字君實,宋陝州 司馬温公曰:「凡諸卑幼,事無大小,毋 贈温國公。 非 而 利 佩之,時省 ○籍,簿也。 害而白之,待父母之許 或所 `於事無大害者,亦當 答,謀也。 命 而直行己志, 有 佩,謂服於身。省,察也 而 不 速行之,事畢則 〇「凡子受父母之命,必 可 行者,則 雖 所 曲 執皆是,猶 然 和 從。 後 色柔 返 視也。 改之。 命 若以 得 返

爲不

日

七〇

順之。 人情。 奉,當極力營辦,務以悦親爲事,不可計家之 下人之父母,若舜之父母者,蓋寡矣。 宜得親之悦矣。 ○故舊所喜 而稟白之,欲父母自喻也。 無。 爲 若親之故舊所喜 順之子,況未 舜之事親,有不悦者,爲父頑 爲,去聲。 若中人之性,其愛惡若無害理,必姑 加 然又須 ,謂故舊中 不易,則 而猶不悦者,爲其頑嚚,不近人情也。 使之不 嚣,音銀。 必是 亦不安矣。」强,上聲。 所喜者。賓客之奉,謂酒餚之類。 「當極· 知 曲,委 乎 恶,去聲。 其 !」備陳是 勉强 曲 力招致,賓客之 事親不悦,何以爲人 〇舜盡事親之道, 勞苦。 非利 母闆,不 横 渠 易,音異。 害之兩 先 苟使 今天 近 生 端 哉? 日: 庸醫所誤矣。 唯 如 此,

乎?

見其

有

是也。若知天下無不是底君父,惡有弑逆之事 日 牀,委之庸醫,比之不慈不孝。 己者,亂臣賊子之心也。」〇伊川先生曰:「病 翁,陳忠肅公也。臣子弑逆常起於一念之差,以君父所爲不 其君、子弑其父,常始於見其有不是處耳。」了 知 昏喪祭,禮之大者,今人 可 醫,是飲藥以加病也。 可不知醫。❶」委,猶付託 有疾而委之庸醫,比之不慈。 報本,今士大夫家多忽此。 使人爲之?」事父母,奉祭祀, 「使人代爲,孝敬之心安在。」〇伊 「罪己而不非其親者,仁人孝子之心也。 子孝則父母之心自悦樂矣。 而後天下之爲父子者定。 〇横渠先生嘗曰 故親有疾而 子能 也。 病者死: 都 知醫 了翁 委之庸醫,比之不孝; 不 皆 ]11 則 厚於奉養 理 聞 可 生 事親 事親奉祭,豈 當親爲之。 先 會 所 以 IIII 怨親 生 養親 係 善之日 哉? 者 豺 而 彼臣弑 而不反 且 委之庸 即 亦 而 獺 葉氏 一不爲 真氏 於 薄 冠

羅氏讀之而有是論,

、蓋天下無不愛子之父母, 豈有不是者

瞽瞍底豫,而天下之爲父子者定。」

事親之道,而瞽瞍底豫。

豫,悦樂也。 爲,去聲。

定者,子孝父慈,各得其所也。

孟子曰:

「舜盡

底,音低。

○仲素,名從彦,宋豫章人。

底,致也。

定」云:

「只爲天下無不

. 是

底

父

母。」底,音止。

羅

仲

素

論

「瞽瞍

底

豫,而

天下之爲父子者

<sup>0</sup> [可]下,資講本有「以」字。

責

馬

者

敢

死日。 里切。 於先 正寢 於正 此言祭禮之大略。 陽生之始。 謂奉養其 養,去聲。 本主也,所以依神。 始祖,立春祭先祖,季秋祭禰。 本之意。 用 司 有 爲 温 理 猶 故 主, 使 祖 公曰:「冠者,成人之道也。 人子、爲人弟、爲人臣、爲人少者之行 〇六禮: 君子於此必有悽愴怵惕之心,故因之而行追遠之禮。 用仲月。」人家能 正堂也。 親 豈 甚 漸 調 0 月 立春,物生之始。 口 凡 講 冠 知 人而 朔 某 不 m 以 禮義。」存,謂 事 冠、唇、喪、祭、鄉飲酒、士相見之禮也。 行之。 月朔,一月之始。 當修《六禮大略 必 責 可 司馬温公曰: 不如獸乎?「此」字,指報本言。 死之禮,當厚於 新,謂新 成人,昏以承宗事,喪以 薦 也。 新。 孟 冠,去聲。 春獺祭魚,季秋豺祭獸,皆有 存 物。 季秋,物成之始。 時 得 行之久而 「國家時 禰 祭用 此 四時,天道之變。 ,父廟也。 等 》,家 豺,音 ?祭用孟! 奉 事 仲月,冬至 忌日遷主,祭 不廢也。 生者。 成人者,將 數 必 慎 遷 件 忌日, 有廟 終, 月, 獺,音 ,猶奉也。 、私家不 祭以 禰,乃 冬至, 奉 雖 ,親之 主 養 撻。 司 祭 廟 幼 報 追 崔。 之,斯 上聲。 癡也。 之 ? 總 粥 能 疏 ,音疎,下同。

必

也。 變,若敦厚好古之君子,俟其子年十五以 帽,士庶所著者。 帽,有官者或 以來,人情尤 可以爲人,故冠爲成人之道。 非謂形體異於童子也 冠、去聲,下 人之道故也。 ,齊衰,疏食水飲,不食菜果。 通《孝經》、《論語》,粗 角者,蓋 將 故往 ○猝,遽也。 古禮雖 其 責 美矣。」猝,倉没 同。 四 往 鮮 者之行於人,其 行,去聲,下同。 稱二十而冠,然世俗之弊不可 自幼 爲 有官,如今之廕襲也。 矣。 爲之製公服 乳,音汝。 輕薄。 ,將責孝弟忠順之行 至長,愚騃如 彼 古者父母之喪,既 責 切 爲,去聲。 冠禮之廢久矣。 生子 以 知禮 與,平聲。 好, 圃 四 弄之。 去聲。 猶飲乳 者之行 義之方,然後 禮 弄,戲; 騃,五駭切。 - , 繇 也。 齊。音咨。 可 0 俟,音似。 不 過 所 鮮,少 四 謂 豈 已 行 重 不 + 殯 成 文 能 知 加 近 歲 與 人者 0 而 上 猝 食 冠 成 巾 世 知 猶 цı

食,音似,下同。

○衰,喪

服

也。

緝

其

七二

位。 七月也。 醯醬。 者,不忍遽御醇厚之味也。 後,間一月而禫。 醴,音理。 古人居喪, 祭用吉禮 哭,自是哀至則哭,❶猶朝夕哭也。 之喪也。 居道上,不素食,霍 始飲酒者 言安也。 喪,既殯始食粥。 旁及下際日 食菜果。 )漢,劉氏王天下之號。 光,字子孟。 酒 以魂氣無所不之,故三行虞祭以安之。 期,音箕。 也。 父母之喪,既虞,卒哭,疏食水飲,不 乾,音干。 「齊衰」 期而· 二宿熟者曰 1, 先飲 醯,醋 無敢公然食肉 禫者,澹澹然平安之意。 若齊衰之喪,既 時爲大將軍,廢 不緝 小祥,食菜果,又期而大祥,食 醢,音希。 醴 〇中月,間一 也。 酒。 日斬衰。 醴。 昌邑王,名賀。 光數其 中 漢昌 醴酒味薄,乾肉味澀,先食之 月 始食肉者,先食乾 ○虞,祭名。 而 殯得 飲 疏食,粗飯也。 月 賀爲海 邑王 罪 也。 禫 期,周年 酒 而 疏 昭帝崩,無子,賀嗣 廢之。 |者。 禫 奔昭帝之喪, 昏侯。 橝,祭名。 食水飲 喪至此,凡二十 既葬 而 也。 禫,徒 飲 而虞,虞之 ,異於父母 晉 祥, 言父母之 數、上聲。 既虞而 醴 大祥之 阮 感切。 吉 肉。 酒 籍 也, 卒

哀謂親 食。 齋内 陵王 炙,燒也。 氏篡國之號。 禮 真曰:「旦甚寒,長史事同 司 但。○晉,司馬氏篡國之號。 酒至,湛 炙車螯,湛正色曰:「公當今不宜有此設。」 義 蕩妄誕。 肉於公坐,宜擯四 「公方以孝治天下,而聽 日 馬昭 處人。」碼,音暖。鳌,音翺。 會,遇 「卿敗俗之人,不可長也。」因言於帝 别 義 也。 喪。 曾,字穎考。 真 立 也。 車 起 擯 時爲晉公。 整海蛤也。」隋煬帝爲太子 居武 廚 義真,武帝裕之子。 曰:「既不能以 ,斥也。 湛,字弘仁。 帳。 帝憂,使左右買 籍、 會 四 卿 裔, 裔 曾皆晉臣。 長史劉湛 指籍。 吴氏曰: 四 無 阮籍,人姓名。 夷 令污染 阮 公指昭。 禮自 居憂,即 處,上聲。 一家,望 華夏 籍之重哀飲 質 「曘當作興 人, ,謂正言之。 魚 處,又不 中 居 華 聽,猶許 因 肉 ,居文獻皇 國 〇宋,南朝 自負其才,放 一不爲 夏。」誕,音 也。 命 珍 ,古暖字。 珍 曘 羞 也。 能 差,美 異。 宋 文帝。 酒 於於 以 廬 食 劉 重

負

才放誕,居喪

無禮

何曾

面

質

籍於文帝

坐,

<sup>●「</sup>則」,霍刻本、沈刻本作「不」。

親

賓

則

恬

安也

以

爲

與

飲

啜

潘起之譏 煬帝,名廣。 解以 大居 覗 E 即殷也。 代 一竹筒 官 每 常 異 齎 而 馬 怪 然無 譏 醉 無賢 屬 朝 ,音逸。 言。 喪 事 之。 異 希 酒 悲 飽 中 令進 潘 他。 雞 饌 聲 五代, 夫 愧 食 是 溢,一 連 然 起 臛 以 襆 往 葬 肉 流 1 日 雞 乃至鄙 則 譏 人亦 臛,音郝。 蠟 勞之,主人亦 ,音僕。 梁唐 飲 手所握 其父武 俗之弊其 之日 肉羹也。 靦 五 溢 及 閉 酒者. 代之時 米, 他 恬不 (葬亦 晉 П 裹, 也。 野之人,或 典 漢 : 0 切。 無 而 周 ,音果。 衣襆 穆王之日 蒸肫,蒸熟豬 · 爲怪。 衣樸,即今之袱 如之。 五代之時 昔 也。 異 來 私 恬 平 阮 令外 其 居 裹 自 音 靦, 0 籍 日, 又 喪 近 )隋 m 甜。 禮 備 初 面 甚 馬 居 食 ,楊氏 取 也 納 也。 見 酒 喪 俗之壞 殷 者 ○承上文 肉 喪 猶 肥 之。 人之貌 饌 未 據 也 據 何代無 相從 初 今之 食 肉 者 食 湖 斂 國 相 煬, 喪 人 南 蒸 雞 湖 脯 乏 麻,其 0 雷。 者,可 必 隨之。 食飲,食肉飲酒 可 初。 也。 作 嫁娶者 食 啜,昌悦切。 變,愚夫之難 浴 資 酒 恣 樂以 肉。 憊,音敗。 樣」, 凡居 者」,原脱,今據資講本 食珍 必 實不 以肉汁 。 國 肉 若 禮 霍刻本作「恙 亦 娱尸,及殯 父母之喪 也。 扶 羞 素 輔,音 有 有 行 也。 樂,音雅。 養者 盛 食 正 喪 及 若 乘 曉 丽。 麻憊 饌 法, 不 也 脯 有 喪 則 乃 及 號 醢 能 即 疾 者, 葬 此 ,羸瘦疲憊也。 至 衰,音崔。 平聲。 與 不 唯 或 下 暫 嫁 不 此 必 大祥之前 人 則 Ŧi. 肉 咽 須 娶 復 乎 然 燕 少許, + 食飲, 者。 論。 ○勞,慰 1 久 樂 樂。 Ŀ 耳。 以 而 斂,去聲。 導 上 上 其 復,扶又切。 噫, 助 咽,音 聲。 羸 疾 是 皆 輀 勞。 居 其 血 憊 習 則 止 未 喪 車 0 滋

武穆

E

( 反

肫

何

臛

其

南

楚

輌

車

喪

俗

之

難

而

號

泣

勞,去

音樣。❶

后

喪,

士大

猶

以

爲

雖

被

衰

味

不

恐

成

疾

亦

當

復

미

飲

酒

煙。

羸,音

聽

樂

及

0

法

暫

權

也

氣

既

衰

際,不 轡。 誑 喪 嫌 抑 堂 陳 門 也。 陋。 切。 帳 人 丈夫 謂 滅 疑 而 法 念 誘, 坐 罪 以 壽 , 婦 事 事 苫,藁 律。 議 皆 枕,去聲。 爲 遭 焉 喪 資 及 爲 論 哀 口 褥、 、去聲。 之可 人不 福, 有 之。 父 痛 次 貶 **飛薦**。 不 有 之至 等斬 故 喪, 議 華 父 嫌 婦 慎。 得 使生天堂 坐, 喪 塊,土 可 絰, 樸,音朴。 麗 母 一,有 人次於 不 輒 衰 事 有 疑 猶 坐 音迭。 之物。 之喪, 坷 者。 得 爲 至 所 ,寢苫, 是 疾 墼。 無 ,音可。 也。 男子 不 E 沉 麻在 〇父母 使 安 撤 中 ,受諸快樂; 不 ○樸,素也。 而 沉 滯 中 而 樸 婢 供 喪 直 門 出 滯, 枕 然。 0 首 門 音朴。 列 佛 坎 丸 陳壽,人姓 次。 日 之内 塊 之喪 不 切。 外 則 絰 男 飯 坷 藥 振 不 擇 乘 在 客往 内外之辨當 也。 子 〇樸 僧。 終 衰,音 别 樸 脱 樸 腰 不 身。 無 世 不爲者必 名。 日 室, 坎 馬 當 陋 綷 崔。 帶。 樸 故 河,不 俗 A 見之, 出 帶 之 素。 貶 嫌 撤 爲 布 信 不 議 苫 撤 然。 室 去 若 疑 不 死 浮 裹 人 陋,隘 遇 失 亦 謂 人 爲 也。 之 鄉 帷 爲 者 屠 鞍 中 與 晉 廉 去 貶

古況 當倍悲 訓 爲 日 爲 容 耶 施 既 地 妄誕之事也。 生,云人地獄見十王者,乃佛法所 者。 言前此之時, 殊 誘 生 切。 妖 ? 者 0 謂 引 朽 獄 絶 切。 以未有佛 也。 不供 也。 巫 妄。」覡 又況佛法 滅 磨, 吾家 此 剉 何 女巫。 供,去 痛, 云,猶 形 佛飯僧也。 去聲。 其 故 神 燒 人 形 巫 無 都 法惑人,本 更安忍 聲。 春 死 亦 覡 刑 體 覡 言 有 無 伊 面 復 磨 未 飄 也。 男 狄 符 飯, 復生 而 切。 Ш 神 散 巫。 音伏。 人中國之前 刀剉 受 人誤 章 神 滅,消 不 E 置 先 無 者 諸 0 聲。 足信 符章 絶 雖 火燒,碓 生 天堂 魂。 「有矣, 酒 顔 苦楚。 0 於言 也。 人 有 爲, 氏 張 則 地獄 佛 浮 怒耳 也 地 剉 未 去聲。 樂 法 資, 名之推 書 屠 春 明 人 獄 議 嘗 故 人 符拜 碾磨 燒 以 助 佛 矣。 中 殊 閳 人 也 見 ○《顔 春 也。 汝 爲 無 氏 樂 有 或 章之術。 ,甚言其苦楚 不 固 所 北 磨 入地 也。 樂? 父母 曹 後 屠 始於 諸, 音 朝 有 知 謂 世 氏 所 雅。 人。 音 獄 誑 且 死 有 衆 死 + 漢 徒。 家 見 皆 也。 死 若 生 無 者 作 春,書 而 欺 明 Ŧ 妖 訓 + 而 帝 其 日 也 誑 者 復 所 形 不 怪 復 Ŧ

先

生

曰

|《孟子》日

:「至誠而

納

賄

則

Ļ,

謂

不

善則惟

恐不

歸

邑之長,若能以

○簿者,縣之佐。

有

所

濟。」

周禮,一命受職,如今之第九品

也。

苟,誠

也。

即

人也。

命猶然,●況居大位者乎?

劉

安

禮

問

爲,令或不從,奈何?」伊川先生曰: 有毫末不至,皆吾心有所未盡 可矣。」「爲樂」之「樂」,音雜。 「一命之士,苟存心於愛物,於 於令,積此誠意 事父兄之道事之,過則 令者,縣之長。 人,待羣吏如 家事, 「簿,佐令者也。 不動 和 事 具 作《童蒙訓 慶。 ,只是争 君 者,未之有 然後 如 可 動,感 事 〇念父母 者 能 贵 奴僕 親 可 也。」吕氏,名本 也。」〇 私 盡吾之心。 動 盡 置 有 事 意。 也。 「當以 ,愛百姓 一酒張 吾之心,致 不 簿 鞠 官長 歸 育之劬 所 動 令是 佐, 人 明 樂 己, 也 必 道 得 誠 欲 如 去 三 輸,猶 吏, 曰 媪 法。 而程子稱之。 無不當矣。 臨 誑人以行私善, 尼,女僧; 尼媪之類,尤宜 〇當官者,凡異 以持身矣。」吴氏曰: 大夫,此理 而能正人者。」〇伊川先生曰:「居是邦,不非其 ,音襖。 事 民,明道先生 勤 盡也。 ,謂勤 0 曰清, 媪,牙婆也。 〇異色人,謂不務常業之人。 正己 御、馭也。 平易近民,使下情各得上達,則所以處之者,自 於職業。 最 ○《童蒙訓 敗事害 曰慎, 好。」不非議 以 巨 色人皆不宜 疎 格 能 此輩 政,❷故當 格 正也。 是三者 「清, 日 絶,要以清 「使民各得 物。」安禮、字立之,明 勤。 **₩** 接之,内則 謂 其過 則 范氏曰: 廉潔不污。 . 知 能持身而 切 惡,有忠敬意。 與 此 禁絶 當官之法 巫祝,皆事鬼神者 輸 公何意以 心 之 三者,則 「未有己不能 其 省事 相 慎,謂 叮 清 情

此古

中,字居仁,宋正獻公之曾孫。

(誠而已。

○或問:

如

妻

子,

處

官

事

如

如

事

皃

與與

同

僚如家

意動之。

今令與

簿

不

慶者

勞,故倍增

悲痛。

父母

俱

存

日

"。」問

御

道

弟子。

正

吕

[氏《童

蒙

訓

Ě

刻 本作「足以 濟人」。

0 善」。霍刻本作「盖」。 若是,則從下讀。

謹

守

禮

知

所

唯

有

以治人矣。」

接,巫祝

爲本。

七六

字,追 當詳 責也。 末,而 物欲累 餌,釣 音醒。 中,中理也。 豈能害人! 利,所得 一,亦非 譴 官 著,直略 良 處之,必無不中。 守, 復,扶 L's 改 ○當官者,先以 所以 不敢舉動 甚少, 任之間,不 日 叮 多 省 切。 又切。 ○當官 惜也 月, 事, 爲 處,上聲。 擦,音 養誠心,事君不欺之道 謂 猾 而吏 重 不作 爲吏所制 貲,音咨。 吏 易押 處 少,去聲。 砌。 所 無益之事。 事 人 復 中,去聲。 重,平聲。 暴怒爲 餌,不 字, 但 、所盜 若先暴怒,只能自 敢 也。 譴, 舉 務 猾,音滑。 萬 不貲,不 動。 、著實。 去戰切。 不貲矣。 自 戒。 〇 纂怒,怒之暴 ○擦,挑 省察, 敗 後 大抵 可 露,得 事 生少 餌,音耳。 ○猾, 量 如塗 也。 取也。 有 也。 以 作 所 年, 不 處,上 罪 擦文 狡 此 官 得 譴,罪 害, 可 者。 猾。 省, 反 被 嗜 毫 乍 曰姻。 薄也。 以 行。 鄉。 曰 : 凡議 偷 婚

重

到

僕之變是也。等,謂妾媵之等數也。 夫一婦,庶人之職也。 如何,勿苟慕 私謚曰文中子。不人其鄉,不與之共處也。 虜,音魯。○文中子,姓王,名通,字仲淹,隋之大儒 古者二十而嫁,三十而娶,後世反是。 未知爲人父母之道 吉,字子陽,琅邪 財,謂男之聘財,女之資裝。 古者男女之族,各擇德焉,不以財爲禮 ,妾媵無數,教人以 苟,但也。 媵,從嫁者。 婚姻,當先察其壻 乎? 娶而 論 其富 人。 壻 財,夷虜之道也,君子不人其 而有子,故教化不明。 亂,真氏謂内或陷子弟於惡,外或 苟賢矣,今雖貧 疏,奏 貴。 疏 少,去聲。 行,去聲。 也。 亂。 與 夭,短 婦之性 )早婚 嫁娶太蚤,故民多天 且 媵,以 司 ○婦 賤 貴 命 馬 德,謂男女之性 ○《文中子》 賤 少 , 安 也 家 行及家 正切。 温 聘,教人 有等, 曰 知 公日 婚 也 異 ○偷 門人 芽 壻 生僮 也 時 法 :

0 盛」,資講本作「貴」。

是

议

教

化

不

·明,而

民

多天。」疏,所助

切。

〇漢王

世

俗

嫁

娶

太

蚤

一,未

知

爲

人父母之道

而

有

子,

王

吉

E

疏

日

夫婦,人

倫大綱

、夭壽

之萌

也

不

富

貴

苟

爲不肖,今雖富盛, 安知

重

此

言孀婦

不可

取。

無夫日

孀。

以

身,是己失節

也。」孀,音霜。

Ш

先

生日:

「然。

凡取

以

配

身也,若取

賤。」○或問:

孀婦於理

似不可

取

如

何

戒,戒謹。

旲氏

日

「女婦之性、大率畏慕

富

盛

道。」安定,地名。

先生名瑗,字翼之,宋泰州人。

若吾家者,不若吾家

則

婦之事

舅

姑

,不可必得,假使得之,是亦妾婦之妾婦 , 苟有丈夫之志氣者, 又問:「或有孤 取,音娶,下同。 須勝吾家者, 婦賢 患 必 失 而 欽 必 輕 財 慕 誠 厭 , 欽敬。 (則家道 媚 能 節 執 須 也。 其 以 庸 薄貧 貧 者 婦 0 伊 不 無 致 夫 有 時 不 謂延客於家。 爲 造,七到切。 婦 以言,贈遺以 也。 政,家 大江之東。 者,唯以信 君子,夫也。 饋,居中饋食,婦人主之。 以 今,正當佐 略無交遊。 主中饋 大。」此言孀婦 餓 窮 夫 持 致 死 無 婦 門户 訴 禍也。」食 故 託 人預政幹蠱,則 不 屈 者 略無交遊,絕不與外人往還 唯 口 有 争訟 牝雞, 〇鄴下,古之相州。 物 恒 此 命 輔君子,勸 事 使 是 可 其婚姻之家,或十 皆 不可 、代,皆燕趙間 贈 乃恒 幹 酒 一,音似。 説 再 雌雞 所以通慇懃之意。 遺 再嫁。 曲 食 嫁 蠱 有敗亡之禍矣。 也。 致 衣 直 然 、代之遺 否 預,干 蠱,音古。 慇 ?! 服之禮 造請 如 餓 牝雞 其不 ○《顔 一熟焉。 地 有 死 也。 名。 造請 晨 足,必 聰 事 . 逢 鳴 牝,毗 幹,猶主也。 耳。 氏 風 燕太子丹不愛後宮美 謂謁 明 極 鄴 也。 迎, 數年 遺 婦 只是 〇江 家 乎?」 黨,音 才 小 下 人 ,音位。 忍切。 無牝 以,用也。 或 訓 人於外。 代子求官 預政 智 風 間 ĕ ⊟ 失 不 後 俗,專以 東 未 幹蠱之喻 蠱,事 ○進 雞 識 節 口 # 0 婦 逢 相 達 使 江 怕 食 東 也 識 古 鳴 預 婦 極 寒 E

耳。

安定胡先生

日

嫁

女必

愧

乎?

一富貴

有命

富

「依婦

一勢以取

貴

盛,不賢則家道衰,故

日

「所繇盛衰。

借使因

婦

極

平

? 其

鮮

聲。

〇此言婦之性行當察也。

而

傲

舅

,姑,養

1成驕

妬之性,異

日

爲

之富

貴

圃

娶之,彼

挾

其

(富貴

鮮

有

不

H

不

貧

賤

乎?

此

言

壻

之性

行

當

察

也。

苟,

不賢。

婦者,家

之

所

繇

盛

衰

也

苟

勝

吾家則女之事人必欽

必戒。

娶婦

矣。 底而 也。 妻, 引兄以行,右手挈弟以走也。 襟,弟後牽父母之裾也。 親於人倫爲重,不厚,則無所不薄矣。 族,高曾祖父己身及子孫曾玄九者及旁親也。篤,厚也。 九族,皆本於三親焉。 婦,有夫婦 女以結士,故其 人之所移者,免夫!」娣,音弟。 共方,雖有悖亂之人,不能不相 後裾,食則同案,衣 氣之人也。 不可不篤。夫,音扶。 ·兄弟同出於父母,故形分而氣同。 家之親,此三者而已矣。 各子其 衰者,相愛之情衰也。 圓 今使疎薄之人,而節量親 蓋,必不合矣。 而 (子, 雖 遺 方其幼也,父母左提右挈,前 後有父子,有父子而後有兄弟。 風 如此。 有篤 服,著也。」及其壯也,各妻其 〇三親,夫婦、父子、兄弟也。 則傳服,學則連業,遊 〇「夫有人民而 娣姒之比兄弟則 厚之人,不能 前襟後裾,謂兄前挽父母之 唯 故於人倫爲重者 友 左提右挈,謂父母左手 自兹以往,至於 悌 兄弟者,分形 姒,音似。 愛也。 深至,不 厚之恩, 爲,去聲。 不 後 吴氏日 少衰 有夫 爲 猶 疎 也, 方 則 連 傍 薄 襟 = 九

男子 量 惴 謂朔旦。 惴,之瑞切。 云。」上,上聲。 出一語,爲不孝事。 見多矣。 背戾,分門割户,患若賊讎, 相聚,争長競 『人家兄弟無 拜堂下,畢,即上手低 開仲塗曰:「皇考治家孝且嚴。 〇長婦爲姒,少 惴 ,猶言裁處。 偏愛,各 恐 剛腸者幾 懼 上手,义手也。① 之貌。 若等寧有是耶?」 〇開,字仲塗,宋大名人。 有 婦 所 傍人,亦謂娣姒。 漸,音尖。 爲娣。 抵 短 不義者。 欲 人,能不爲 此 ()漸漬1 也。 猶 2 疎 開輩抵此賴之得全其 言至今。 漬,音 薄 漸 私 面,聽我 日聞, 藏, 漬爲譖 盡 謂 各 恣。 免者,免於衰 娣 婦 因 姒。 全, 有 退則 偏 Ħ, 皆汝 娶 背 人言所 所 父没,稱皇考。 皇考訓 謂不分異。 :,音佩。 婦 親厚, 愛 如水之浸潤 蓄 旦望,弟婦 惴 婦婦 私 人 也 門, 也。 謂 惴,不敢 藏, 人所作。 惑 若 戾,音 誡 兄 弟。 云,語 汝 異 日 不 旦 利 吾 致 姓 等 柳 節

「效」,霍刻本作「厚」。

學,是不要

相

其不好

而

己。」好如字。

大, 語稱。

不要相學。

見報則輟,故恩不能終。 弟矣,式相好矣,無相 輕於己之子者,人欲之蔽也。 矣。」夫,音扶,下同。衣,去聲。 先以衣父母,夫何故? ○伊川先生曰:「今人多不知兄弟之愛。 以父母之口重於己之口也。 ',重於己之口體犬馬者,天理之明也。愛父母之子, 相敵也。感,謂蔽惑而不知輕重也。夫愛父母之口 ○横渠先生曰:「《斯干》詩言:「兄及 至於犬馬亦然。待父母之犬馬,必 小人,得一食必先以 猶,似也。 好,和 輟,音 也。 讎敵,舉世皆如此,惑之甚 處。 好。 抽。 獨愛父母之子,却輕於己 如 猶矣。」言兄弟宜相好, 輟,止 兄能愛其弟,弟却不恭其兄, 己,音紀。 人情大抵患在施之不 推其所明,而達之於其所蔽, 以父母之體重於己 〇間間,里巷之門也。 不要相學,己施之 也。 朱子曰 ○《斯干》,《小雅 食父母 得一衣必 「不要相 7, 夫何 仇 薄, 恭? 能恭其兄,兄却不愛其弟,弟豈可 兄豈可學弟之不恭,而遂忘其愛? 避坐下坐。 爲務,今人知之者蓋少矣。又如舊舉將 弟之義。至其子孫,亦世講之。 相 效最速。」袂,音寐。 倦,故於朋友之間,主其敬者, 朋友,擇其善柔以相 無圭角,謂去方而爲圓也。 朋友、皆當以敬爲 如 爲舊任按察官者,後己官 ○《童蒙訓》曰 一言不合怒氣 合。 此 以 但當盡其恭而已。」〇伊川先 者, 相 相 下, 安能 歡 謂 狎 風俗如此,安得不 彼 久? 爲 相加。 此 相 ○善柔,謂善爲柔媚。氣合,謂 同 相 主 若要 與, 讓。 僚之契,交承之分,有 與,拍肩 也。」歡狎,爲歡好 〇横渠先 朋友之際 以 效, 久, 無 雖 即 學兄之不 但當盡 須 圭 在 執 忠 生曰:「近世 是 一角爲 日 生日 上 告

則弟矣。

體犬馬 敵、仇讎 之子,甚者至若

異乎己之犬馬

也。

故?

且

如

間間

其

愛

而

己。

如

弟

愛,

mj

遂

忘

其

淺

厚

乎?」分,音

前

輩

皆

及

嘗

前輩專

以

此

善

道

之

益

也

兄

、欲其相

下不

相親

與,

得

意氣

袂以爲氣合

:「今之

恭

敬。

君

臣

而

也

相

歡愛。

將,去聲。 ○交承,新舊官交代也。 舉將,舉主 也。

問。

范

文正

公爲

参知

政

事

時,

告

諸

子

日

吾

貧

時, 旨 未當 與汝 充 (母養) 也。 、吾親。 今而 得 汝 厚 母 禄、欲 躬 執 爨, 以 養 而 親 吾 親 親 不 甘

在 矣。 汝母亦已早世。 吾所 最 恨 者,忍令若

淹,字希文,謚文正,宋吴縣人。 曹享富貴之樂也。 公二歲而 孤。 親 謂 母 也。

爨,取

心亂切。

樂,音雅。

〇公,名仲

衆,婢僕輩也。

職,如主

庖廩、掌田

園之類。

事,如

治

産

業

吾吴 爨,炊爨也。 中宗族甚衆,於 甘旨,美味 也。 吾固 早 世,早 有親 没也。 疎 若曹,汝 然 吾 祖 、輩也。 宗

意 視之,則 無 親 疎 均是 則 饑 子孫,固 寒者,吾 無 安得一 親 疎 不恤 也。 也? 苟 祖 宗之 自祖

可

虞度之事,如水火盜賊之類。

此皆制財

角

之節

若獨 宗來,積德 享富貴 百 愐 餘 不 -恤宗 年 而 族, 始 發於吾, 異 日 何 以 得至大官 見 祖宗 於

常均 地下? 於族 今何 顔 并 置 人 家 義 廟 田 乎 宅 ? | 於 云。 恩 是 例 恩 異 例 數 也 俸 賜 俸

賜

,常典也。

范氏義莊,人日食米一升,歲衣練

匹,嫁娶喪

董仲舒曰:「仁人者,正其誼

不謀其利,明其

之以 爲出 葬 贏,音盈。 止 之費皆有品 守 7,皆 奢華,常須稍 禮 事,而 有給。 法, ,稱家之有無以給。 〇禮,先王所制。 以 責 御 節, 司 其 羣 馬 成成 存 而 子弟及 温 莫 功。 贏 公日 餘, 不 法,國家所 均一 家 制 以 上下之衣食及吉凶 財 衆。 凡 備 用之節,量人 不虞。」稱,去聲 立。 裁省冗費,禁 分之 爲 家 御, 以 長, 統 職 也。 必 授 以 謹

其當。 以給 給征役之類。 ,有則豐, 均一,言其平。冗,雜,贏,剩, 無則儉也。 量人以出,人多則出多,入少則出 吉凶 ,謂冠婚喪祭之事。 備,防也。 少也。 不虞,謂 品 節,言 稱 家

右 四 次十章,廣君臣之義。 廣 章,廣長幼之序。 明 倫李氏曰: 次三 次八章,廣夫婦之别。 「首十四章,廣父子之親 章,廣朋友之交。 末二 次

章,通 論五倫之義。」

八〇

如崩 字茂叔,宋道州人。 段之時。何憚而不爲乎? 畔,田界也。 畔,不失一叚。」先生,字德容,孝友,私謚也,唐亳州人。 者,物欲所生之邪穢。」真氏曰:「從善如登,善難進也,從惡 高曰登,墜下曰崩。 是就 希天,賢希聖,士希賢。 謂敢爲。 利爲心耳。二〇孫思邈 道不 道者,天理之自然。 之德。仁人者,無私欲而有其德者也。 誨子弟曰:「終身讓路,不枉百步,終身讓 語云:「從善如登,從惡如崩。」古語,國語。 ,惡易陷也。」<br />
一孝友先生朱仁軌隱 · 計 其 而 事上説。 心小,謂畏敬。 行欲方。」行,去聲。 伊尹 終身讓路,無枉百步之時。終身讓畔,無失一 、功。」 正義未嘗不利,明道豈必無功,但不先以功 恥其君不爲堯舜,一夫不得其 誼 功,功效也。朱子曰:「道是大綱説 朱子曰:「善者,天命所賦之本然。 朱子曰:「希,望也。」伊 、義同。 智圓,謂通變。 曰:「膽欲大 ○仲舒,漢廣川 濂溪,地名。 濂溪周先生曰:「聖 〇思邈,唐京兆人。 義者,人心之裁制。 行方,謂有守。 IIII 先生,名敦頤 心欲小,智 尹、顔 居養親 仁者,心 膽大, 淵 恶 升 義 聞 聲。

欲

護疾 復入身來,自能尋向上去,下學而上達也。」 千言萬 違仁。 過不改,則 曰:「喜其得聞 也。發於外爲事業,道之用也。 行之爲事業,彼以文辭 淺深,以爲所至之近遠。不失令名,以其有爲善之實也。」 不及則亦不失於令名。」朱子曰:「三者隨其用力之 所學,朱子曰:「此言士希賢也。」過則聖,及則賢 仁者,心之德。不違仁者,無私 所,若撻于市。 ○「聖人之道,人乎耳,存乎心,藴之爲德行 「若撻於市、言恥之甚也。」志伊尹之所志,學顔淵之 過,令名無 〇聖人之道,仁義中正而已矣。 而 朱子曰: 語,只 忌 爲惡 醫,寧 而改之。 而 第焉。 是 速禍矣。」〇 「皆賢人之事也。」又曰:「三月言其久 欲 滅 顔淵不遷怒,不貳過,三月不 規,規諫。 人 其 將 身 今人有過不喜人規 已放之心約之,使反 明 而 而已者,陋矣。」行,去 陋,謂卑陋。 欲而有其 道 無 悟 積於中爲德行,道之體 先 悔 悟 生 也, 悟。 德 日 也。」吴氏日 噫,傷 噫 ! ○仲繇 聖賢 痛聲。 朱子 如如 喜

E. 於軀殼之外,則一身無主,萬事無綱。 清明,義 求則心便在,便是反復入身來。」又曰:「能求放心,則志氣 在己不自覺其身之所在矣。●」又曰:「敬便在腔子裹。」○伊 不可有頃刻之不存者也。 物,至虚至靈,神妙不測,常爲一身之主,以提萬事之綱,而 ,猶收也。 「所謂反復入身來,不是將已縱出底收拾轉來,只是知 腔,音羌。 理 昭著 下學 ○腔子,猶言身子耳。 而上達,下學人事而 而 可以上達矣。」〇「心 一不自覺而馳鶩飛揚,以徇物欲 雖其俯仰顧盼之間, 上達天理也。 朱子曰:「心之爲 要在 一腔子 朱子

説做工夫處。」其《視箴》曰: 間也。朱子曰: 進者,進步幾及之意。 者也。非禮勿視、聽、言、動,所以制外而養心也。事,從事 斯語 乎中而應乎外,制乎外所以養其中也。顏淵 節文也。目,條件也。非禮者,己之私也。 子曰:「克,勝也。己,謂身之私欲也。復,反也。 伊川先生曰:「顔淵問克己復禮之目,孔子曰: 衣服宫室之類。身不好,謂身不簡。心不好,謂心不收。 箇身與心,却不要好。 也。」○「人於外物奉身者,事事要好,只有自家 勿失也。 人心之所以爲主,而勝私復禮之機也。」四者身之用也,繇 自家身與心已自先不好了也」。 「非禮勿視,非禮勿聽,非禮勿言,非禮勿動。」 朱 ,所以進於聖人,後之學聖人者,宜 因箴以自警。」視聽言動,皆身之用。 「繇中應外,泛言其理如此耳。 服,著也。 苟得外物好時,却不 「心兮本虚,應物無迹。 膺,胸也。奉持而著之心胸之 外物之奉身,如飲食 勿者,禁止之辭。 制外養中, 禮者,天理之 ,繇心而 服 知道 膺 而 事 是

「安肆日偷,亦言君子者,謂雖爲君子,或安肆,則日入於偷 0 上「在」,沈刻本作「盖」。

E

記》篇名。

彊

,强立也。

偷,偷惰也。

常人以下,程子釋《記》之

規,所以爲圓之器,矩,所以爲方之器,喻禮度也

周氏

肆則日

就

曠蕩,自簡束則日就規矩。《表記》、"禮

莊敬日彊,安肆日偷」之語。

蓋常人之情,纔放

則外面便無非僻之干。」〇伊川先生甚愛《表記》「君子

川先生曰:「只整齊嚴肅,則心便一,一則自無

非辟之干。」辟,音解。

〇整齊嚴肅,如正衣冠尊瞻視之類。

也。

盧氏曰: 「外面整齊嚴肅,則内面便一。

内面一,

聽。」性,即理也。 Æ 復禮也。至於真積力久,則誠矣。誠者,從容不勉者也。 遷,此非禮之視,所以當制也。 聲。○心之體,本自虚明,而其用則隨物而應,無有形迹。操而 道,欽哉訓 存之之要,以視爲則而已。蓋物欲之蔽,交接於前,則心隨之以 之於外,以安其内。克己復禮,久而誠矣。」操,平 操之有要,視爲之則。蔽交於前,其中則遷。 誕,音但。忤,音誤。 誕,傷煩則支。 樞機,興戎出好。 而存其實理於內,自然非禮勿聽之也。其《言箴》曰:「人 心之知,爲物所引誘,與之俱化,而正理遂亡矣。惟彼先覺之 曰:「人有秉彝,本乎天性。 曰:「人之視聽言動,視最在先,爲操心之準則。」其《聽箴》 心之動,因言以宣。發禁躁妄,内斯静專。 人,卓然自立,知其所當止,而志有定向,故能防閑其邪妄於外, 卓彼先覺,知止有定。 一辭。」躁,音竈。好如字。叶,去聲。 人之秉彝,乃得於天之正理也。 己肆物忤,出悖來違。 〇宣 吉凶榮辱,惟其所召。 布也。 制之於外,克己也。 人心有動於内,因言以宣於 閑邪存誠,非禮勿 知誘物化,遂亡其 以安其内, 聽非禮 非法不 傷易則 易,音異。 矧是 朱子 制 則 0

外。所謂言者,心之聲也。 理則 操。○思者,動於心也,惟知幾之哲人能誠之。爲者,動 逆,則來者違。 言不妄誕,則心專一。 玩。」〇伊川先生言:「人有三不幸:少年登高 乃傳授心法切要之言。 謂志士,及其成功則一也,故曰同歸。 亦聖矣,故曰同歸。一説:聖,性之也,謂哲人,賢,習之也 自持,内外交致其力也。習之久,而與氣質之性俱成,則賢 裕,從欲則危險也。 身也,惟勵行之志士能守之。二者雖不同,然皆順理 習與性成,聖賢同歸。」幾,平聲。 知幾,誠之於思。志士勵行,守之於爲。 辭,訓戒之辭,即非法不道也。 輕易則妄誕,傷於煩多則支蔓。● 己放肆,則忤於人。出 戎,兵也。好,善也。謂言能興戎出好,且召吉凶榮辱也。傷於 裕、從欲 四者,言之病也。 惟危。 動於心,造次而能念, 矧,況也。 程子之箴,發明親切,學者尤宜 發,發言也。 造次克念,戰兢自持。 其《動箴》曰: 樞機、喻言,説見范魯公詩 道,言也。 朱子曰:「此章問答 言不煩躁,則心安静。 行,去聲。造,音 動於身,戰兢 欽,敬也。 「哲人 則 順 深 丽 安 於 訓

「蔓」,霍刻本作「離」。

子曰: 之心 辭 理 明; 科,一 以寬恕爲言。」〇吕滎公嘗言:「後生初學,且 作爲也。 間 語 位也。」公,名純仁,字堯夫,忠宣,謚 H 文章者,恒無德以將之。 少年登高科者,學未優。藉勢爲美官者,人不稱。 高才,能文章,三不幸也。」幸,猶慶也。 ○范忠宣公《戒子弟》曰:「人雖至愚,責人則 會 令容止,輕重疾徐,足以見之矣。不惟君 燕 無 雖 日 ○横渠先生曰:「學者捨禮義,則飽 氣 「恕是推去的。 所猷爲,與下民一致,所事 不幸,席父兄之勢爲美官,二不幸,有 遊之樂耳。」樂,音 有 下民,下等之人也。 己,恕己之心恕人,不患 「以愛己之心愛人。」」 吴氏曰: 聰 氣 明,恕己則昏。 象好時,百事是當。 於己,不當下「恕」字。若欲修 此三者皆不足以致遠,故謂之不 雅。 致,猶言同 ○捨 爾 也,文正公之子。 曹但 ,棄也。 「恕字之義,范公蓋 不 不 歸。 到 一常以 踰衣食之 席,猶藉也。 氣象者, 猷爲 聖 踰,過 有高才能 賢 責 食終 ,謀猷 潤 也。 須 人 地 朱 其 也。 他 也。

當分明也。 後生戒之。 之言也。 作事多闕略。 無關,詳則不略。 去,即有愧於心矣,何暇 之惡」,孔子之言也。 點簡 其惡,無攻人之惡。 人,爲賤爲天。熊氏曰:「氣象,不過言貌二者而已。」〇文 多周詳,後輩 理會,謂省察矯揉之。 當,去聲。〇公,名希哲,字原 子小人於此焉分,亦貴賤壽夭之所繇 人耶? 故端重安徐者,爲君子,爲貴爲壽, 〇張思叔《座右銘》曰:「凡語必忠信,凡 ,絲毫不 孟子曰 慊,苦簟切。 無 孔子曰: 〇「恩讎分明」,此四字非有道 ·盡,則 作 用心勤密,則作事多周詳。 好人」三字,非 :「人皆可 事 蓋,發語 解令出 多 「以德報德,以直 責 慊 ○攻,專治也。 闕 人哉? 蓋自攻其惡, 於心 以爲堯舜。」是世未嘗 諸口,容止見諸身,乃德之符 略。 解。 明,宋東萊人,封 矣,豈有 上之簡 大要,猶言大抵 〇大要前 有 德者之言 輕浮躁 報怨。」是恩 「攻其惡,無攻人 身,一念惡 用 日夜 工 心疎 祭陽 疾者,爲小 輩 夫 定 作 且 怠 點 郡 也。 讎 也 周 未 者 事 自 公。 不 則 則

蔽

形

居

室取

板

風

雨

切

世

味

如

飲飲

食、

衣

須

先

除

去

此

,恐己亦 ,名鐸,宋 等,當自激昂 妾 文定 病 必 服 言。 固 ○皆敬 之 有 食 也 數 富 座 楷 河 肅 居 重 持, 是 必 常德, 公日 貴 隅 行 南 百 謂 悪 整 富 室 A.人。 則 慎 人, 也。 相 之類。 ,去聲。 然諾 不 貴 也 思 朝 草 平常之 節 相 踐。 銘 步 率。 我 「人須 夕 作 凡 者,自 騙 孟 必 字 淡 便 得 0 履 此 如 事 視 奢之態 子 Œ 薄, 事 重 德,持 畫 己出 不 志 必 必 + 爲 警之辭。 謂 謀 應。 謂 是 謂 到 安 必 不 74 謀 警。」 於 也。 一堂高 不 食 冀己 之 ·爲』。 楷 得 始 詳 者 始 偏 取 切 固 見 墜 邪。 正。 八 省 充 則 慎 亦 世 我 善 出 居 尺 腹 則 數仞, 墮 無 有 學者 謂 衣 察 日 味 皆 不 後 如 言 處 容 行, 是 不 仞。 也。 失 悔。 未 淡 己 必 取 必 貌 善 荷 去 身。 也。 貴不能淫。 郡 陽,地 寸。 居 宰 謂 負 割 饒 有 何 猶 方丈,食 南 善 制。 名。 江 奮發 大 陛 桑 求 陽 Ш 則 尺寸 南 及爲將相 名。 丈 若 不 下。」及卒, 臣 八 不 河 百 割,分割。 也。 不 分天下爲 淪 饌 I畝爲 ,猶言 夫矣。」握,一 身 死之日 得 百 先主,漢昭 於汙 列於前 = 求 武 墜、墮 在 株 頃。 侯 志 何 分 聞 毫 外 下 有之矣。 惟 三分天下 末。 欲 達。 矣。 者,方 薄 天 饒,亦 皆 國 興 不 别 烈 果 不 F 田 落 (漢。 也。 背 常 也。 使 無 遂? 也 後 角 如 + 恩 餘

警,戒

也

胡

深

省

書

此

當

也。

如

己

病

諾,

皆

應

辭。

應

言

顧

其

行,

則

非

虚

出

見

悪

如

己

顧

行。

常

德

必

正

静

處,上

聲。

身

都

將

相

手

握

重

兵,

亦

必

端

莊

衣

冠

行

必

篤

敬

飲

丈

也。

謂

貴

相

也。

激

昂

不

以

富 此

貴 所

爲

事 富

嘗

自

激

昂

而

爲

愛

諸

葛

孔

明

當

漢

末

躬

耕

來

雖

應

劉

先

主

之

聘,

室

0

思

叔

節

謂

不

恣

食

薄

方

好,不

要

有

都

猶

居

也。

握

猶

掌

也。

成

都

謂

昭

烈

居

蜀

曹操居

中原

孫

嘗

顧

武

侯

於草

廬之中。

也。

調

度,

猶

言

品

長,

益

忘

德

E

負

躬

耕

南 畫。

若

將 增

終

孟

子

稱大丈夫,貧賤

不 陽

能

移、富

范

益

謙

座

右

戒

日

食

前

方丈,侍

調

度,不

别

治

生,以

長

尺

Ŧi.

頃

子

孫

衣

食

自

有

餘

乃

與

後

主

言

「成

都

廩

有

餘

栗,

庫

有

餘

財,

以

切。

調

去聲。

度,

,去聲。

0

南

其

言。

如

此

輩

真

口

文字。 損壞 色。 冬擇和暖之類。 也。 謂 評,音平。覓,音密。索,音色。 縣官員長短得失。三、不言衆人所作過惡。 不 信,不可開拆沉滯。 皆邪僻之事。 多少,厭貧求富。 四、不言仕進官職,趨 事有利有害也。 可揀擇去取。謂揀擇以去其不可意者,而取其可意 、不言朝廷 無心失理爲過,有心悖理爲惡。媒,狎也。 六、與人同處,不可自擇 七、不言求覓人物,干索酒食。」嫌,音屑。 不 書,親故之書也。 二、與人並坐,不可窺 還。 文字,如 覓、干、索,皆求也。 物,如 七、見人富貴,不可歎羨詆毀。 書簡簿籍之類。 邊報,邊境之報也。 利害、邊報差除。二、不言州 書 六、不言淫媒戲 籍器物之類。 三、凡人人家,不可看 開拆,則干人之私。 時 ○益謙,名冲,宋人。 附 四、凡借人物,不可 又曰:「一、人附書 勢。五、不言財 便利。 人私書。窺,竊視 五、凡喫 遺使日差,授官日 慢,評 如夏擇清 沉滯,則誤人 淫媒戲慢, 飲食, 利害, 論 涼, 人 利 女

之本。 之萌,謹之於事爲之著者也。 舐,音底。○慕之則歎羨,惡之則詆毀。凡此數事,有 先意承顔, 怡聲 利者,行無不得之謂。 利於行耳。 家訓》曰 往而不返,謂心馳逐於文藝、仕進而不知返也。 進,其用心最勤,能移此心以存心修身,雖古人 子,名宏,字仁仲,文定公之子。言今之儒者,學文藝而干仕 心始荒而不治,萬事之成,咸不逮古先矣。」胡 藝令其子弟,朋友以仕進 美其身,則何古人之不可及哉! 父兄以文 者,移學文藝、干仕進之心,以收其放心,而 所害,因書以自警。」凡此數事,學者所當察之於念慮 犯之者足以見用意之不肖,於存心修身大有 心既荒,故萬事之成,皆不及古之人矣。 :「夫所 夫,音扶。 下 以讀 未知養親者,欲其觀古人之 - 氣,不 ○開心明目 書學問 〇胡子曰 憚劬 相招,往而 ,本欲開 %券,以 ,猶言推 :「今之儒 致 亦 ○《顔氏 心者,萬事 不返,則 心 可 Ħ 知 明 及 自 也

惕然慚懼,起而行之也。

腝,音輭。

惕,他歷切。

守職無侵, 一、欲其 然自 君而 也。 氏日 古 而 悋 奢 節 盈 瞿 (觀 憚 恪,音吝。 以 必 人之所 有 不 一縱,役 上失,斂 惻然, l者,欲 然 悪滿 用 官守 一欲行 知 己 先 鄙 利 古 之 自 有 陋 卑 社 人 於 疲 感 身 者 之 行 意 失 是耳。 氣也。 猶言 也。 勝 矣。 匱,乏也。 言之,不能行之。 去甚 也。 可 毅 喪,去聲。 舌 雖或未至盡善, 文六者而言。 儒 爲回邪之行以求福也。 也。 恐懼 正直 存, 衣 達 齒弊舌存,喻强死 隱 也。 ,學之所知 感感。 生委命,達 素怯懦者,欲 歷 含垢 去,上聲,下同。 也。 ,立言必信,求 赧 勝,音升。 弦 衆,謂 悍,音早。 然,慚 以 皆然,謂 藏 怯,乞葉切。 而氣習之偏駁泰甚者, 往 衆人。 生死之常理,而 疾 欲 而 施 0 面 **哈如此** 百 而弱 尊賢 其 勃 赤 猛 黜 武 茶然,沮 其 行 無 嗤, 然 之貌。 觀古人之小 槼 音 生 人俗吏 (觀古 皆 懦, 不 奮厲貌 强悍 取 福 容 音答。 也。 出。 達。 然。 法古人也。 音 衆,茶然 不 喪貌 積 委之命 剛 茶,音 人之達 含垢,猶言 糯。 口 財 調 詆 所 亦必克而去之矣。 世 縱 謂 惡 而 奮發 0 也。 音 能 共 勃 也 自沮 涅。 不 心 怯 既 散 人能 嗤 然 生 沮 讀 黜 能 振厲以 更懦 施 黜 忍恥。 求 一喪其 沮 喪 奮 委 詆 己 0 書 淳 福 勇於力行。 則 弱 再 兹, 不 厲 命 、
集悍 人去其 自 不 若 丛 吕 良 但 去 藏 口 指 柔 不不 鄙. 退 不 切。 弊 能 强 疾 不 繇 泰 蓋 之 怯 惡 抑 悋

之守

職

無

侵,

見危

授命,不

志

誠

諫

也。」後

五者文意皆做此。

未

知

事君者

者,今因讀

書

學問

而知之,

故必惕

然慚

懼

興

起

勞 而

以

營奉

甘腝之飲

所

謂

養

口 所

體 謂

也。

此

皆

先意

迎父母

之善

意

也。

惕

然,

懼

意。

旲

承

順 道

顔

色,

怡

聲

而

低下 食

其

氣

養

志

也。

不

,烏故切 邮 賈 慾, 賙 貪欲 音周 赧 然 也 悔 邺 盈 · 恤 恥 則 溢 同 積 故 赧 而 可 乃 能 忌。 板切。 散 滿 也 則 る。 覆 故 叫 悪。

惡

嗇

鵬

窮

其

觀

古人之貴義

輕

財

少

私

寡

氣者

也。 收

自

1牧,自

處

也。

禮

以

律

人

分敬

以

立己。

斂其容,抑

下其

志

則

不驕奢矣。

素鄙

抑

志

也。

瞿

音音

句。

○素,平日也。

驕矜、

念意。

素

驕

奢

者

欲

其

觀

古人之恭

儉

脩其職,有言責者盡其

忠 稷

也。 知

見危授命,

知

有

不忘誠

諫

以

利

社

有

國

而

不

知有家

,惻然自念

思欲效之也。

以

自

牧

禮

爲

教

本,敬者身基,

瞿

身用之不能盡矣。 熟 也。 塲 也。 孟之言,皆實理也 物、致知、誠 之爲言得也,行道而有得於心也。 古之大學所以教人之法,孔子誦而傳之,以詔後世者也 必繇是而學焉,則 存,而其他則未有如《論》、《孟》者。 E 如 惡之如 高 學之所知者,能力行之,自無不達也。 人德必繇乎《大學》,譬之人室必繇乎門也。 也。 話 讀 無 大,凌忽長 是,指《大學》而言。 「《大學》,孔氏之遺書,而初學人德之門 説 玩 於今可見古人爲學次第者, 學也。」梟,音鴞。 嗤,笑也。 味,將聖人之言語切己,不可只作 鴟 意、 看 梟。 正心、脩身、齊家、治國、 得 者, ,熟讀其辭 詆,毀也。 此二書切己,終身儘 如 ○「讀《論語》者,但將弟子問 此 輕 庶乎其不差矣。」《大學》之書, ○「凡看《語》、《 以 ○鴟梟,惡鳥。 慢 又有讀 學 玩 百 味其 求 列 門,以比《大學》之書 7,人疾之如 益, 理,而著之於己, 數十 、平天下,有先後之序 達,即周子所 今反自 獨賴 爲學次第 卷 多矣。●」孔 伊 孟》,且須 書 故 此 ĴΠ 損 一,便自 讎 謂 學 先生 篇之 則 謂 不 行之 敵 者 格 蓋 德

吕本中 互也。 以爲道。如下文行止 有進也。 亦謂 得 庸也。」〇六經須 横渠先生曰:「《中庸》文字輩 氏曰: 而已。 然有 後生爲學,先須 過,使其言互相發明。」理 來涵 《禮》、《樂》、《春秋 處 便 深求玩味也。 格, 得。 養成,甚生氣質! 作 朱子曰:「張子之言,真讀書之要法,不但可 「甚生氣質,謂愚者明,柔者强,生出好 也,當爲中書 輔氏日: 學進,則所見益高矣。 Ë 則 若能 問問 又 將聖 「將來涵養成 》爲六經。 儘無窮 見 於《 循環 合人。 語 理會所 得 默 論》、《孟》中 人答處 别。 理 須要盡 此 謂義理 循環, 會, 理 謂 」讀書當體認歸己,不 以 古 會,謂 後來涵養成就 會」,猶言識得 〇吕舍人曰: 爲學者何事。 謂 1者以 合道 無 便作 儘 窮 周 無 深求 直 而 理。 盡 《易》、《詩》、《書 今 也。 復 窮 深 始。 須 玩 及求古聖 求 日 味之。 長 待自 氣質也。」() 旬 也。 也。」 玩 耳 此 句 「大抵 格,謂學 理 味 聞 施於 新 徒 蓋學所 家長 舍人, 理會 互 一會」, 安 誦 交交 將 自 用 中 陳 説

<sup>■「</sup>矣」、元刻集成本、曹刻本作「也」。

難 差也。 末可 戒 味,然後文義可 危 聲。 難 嚴 卷,或半卷以 成誦,不可一字放過也。 又 危 須識得此意,然後 心,竭力從之是已,非爲作文章取官 者 坐,猶正坐也。 仰 處便質問,求古聖賢用 每 坐,讀取 立課程,不可一日放 默 見。 ○經書,聖人之書。子書,賢人之書。史書,紀事之書。 夫指引者,師之功也。 朋 須 日 他 般子書,不須多,只要令精 是以求古聖賢所以用心 皆必從師友授而讀之。 須 (要盡 友之任也。 連前三五授,通讀五七十 矣。」從, 通。 二三百遍,字字句 合道 質,正也。 上,始見功。 志 史書, 定 而 理。 音 德業可 必 決意 經書子書,必讀之精熟,反覆玩 聰 一讀 默,不言也。 慢。 心,竭 有疑難,則 史書每日須讀 成 仰, 卷半卷以上,然後事之本 而 一而盡 行有不至,從容規 須是從 禄 毎日 往 去 力從之,道將爲我 句,須 計 聲。 力從之。難,去 則 也。 行 熟。 須 學業則 取正審問 人授 須用己力, 0 後生爲學,先 讀 遍,須 要 住 仰 須 讀, 分明 資 取 静 乃乃不 般 須 也 **\$** 疑 室 有 經 是 語 畏者 煩 鹵 尋 固。 理, 事,

思,蓋 在簡册之中,聖賢之言,不可以粗 前輩 怡然 無以充其才。 理,即事中之理。 曰:「涣然解散,如春冰之釋。 今日行 〇此致知之事。 ○《吕氏 莽厭 則 思 〇鹵莽,不用心也。 久 ,非以其才之難 何繇 順 此力行之事。 推 嘗説,後生才性過人者不 義 則自 則 理 煩者, 决無 究 知 理 童蒙訓》曰: 自 難 ,久自得之,非 聖賢 者爲 有學,貴乎有思,非思 精 然 然 事 久,謂日日 辨 深, 用 浹 貫 堅固 ,既能學而 可 心 穿。 明 調辨其 洽。 惟尋思 畏 有 熊氏曰。「人有才,貴乎有學,非 M , 則 日 耳。 成之理。 窮 如此,無間 穿,去聲。 八是非。 今日辨 行 身與事 「今日記 其 又 怡然喜悦, 偶 義 能 看 用意,爲 又云,讀書 然 難 不可 思者 無以 理 相安矣。 浹洽 乎?」〇《顔 也。 断 事 浹, 鹵,音 1爲難 充其學。 也。 謂 以 足畏,惟 理, 事,明 而 音 久 淺窺,若 泉理 釋,消 心與 미 接。 倬 貫穿,通 涣然冰 ,則自 魯。 明 以 皆 理 只 故 夫 也。 治 H 日 莽,母 得 相 順。」 鹵 後 氏 怕 讀 然 辨 記 涵矣。 音 透 之。 理 林氏 生 釋 匣。 也 書 取

九

Ó

速,必 分散 肅敬 所 其 竟,終也。 不 訓 書之文,聖賢之姓名 散污經書,實累大德 卧 不 實士君子之一行 人器物,皆須保護 處事敬謹 敢 毁 厭  $\checkmark$ 0 〇百行,大而忠君孝親,小而手容恭、足容重皆是。 E 去則 對之。 部 他 其求假焉。 傷 治 待卷束整 質質 帙, 用 假,借 穢 借 ,宜乎人不厭其求借也。 此 也。」籍、音席。 亂 爲 多 亦 其 人 故 也。 世。 爲 累 , 況書籍乎? 故 士大 典 物 故 皆 童 德 讀 之散 卷,音捲。 齊,然後得 籍 濟 紙 書雖 類氏 不當別用 幼 陽 夫百行之一 有 皆須 亂 婢 吾 遇 江 書 Ŧî. 日 污、累,並 急事,必 以 每 妾 經 禄 狼 ○濟陽 或先損壞,即爲修補完好。 愛護, 爲 讀 所 所 籍 讀書 詞 起,故 世 以 或 聖 點 義 戒。 整束而起,此亦可見 部 ,縣名。 廣 去聲。 也。 污,風 人 帙, 及聖賢 有 未 先 敬 且 書,未 竟 無 也 狼 有 書 云,舊紙有經 ○狼籍草而 禄,字彦遐 爲、行,並去 雖 册 籍 損 缺 雨 卷 (姓名, 敗 壞 几 嘗 明 蟲 有 帙 案, 也 道 急 就 不 鼠 借

之害深 窮 愛,做得來也淺,不能惑人。 之道而别 入人也 之不明,異端害之也。 大者遠者 他 愈深愈害人。」又曰: 故高明者反陷其中。」朱子曰 今之害,謂佛氏。 不 把這箇 教 神 知 以 便都 爲 因 而 遠 化 謂 一端,如楊、 難辨。 其 大 明 做 圃 德 高 也 空虚 葉氏曰: 不 明。 新 足 他 説 昔之惑人也 民之事。 小 墨、 了。 者近 以 劈 道者,聖人之道 「淺近,故迷暗 老、佛是 初頭便錯了,如「天命之謂 開 佛氏最有精微動 吾儒見 者 「楊、墨只是硬恁地做爲 昔之害 物 謂 成 明 也。 灑 得 務 乘 道 掃 都是實。」 昔之害,謂 也。 近 者爲所惑。 其 先 應 言 人處 加 對 迷 生 異 爲 易知, 端 暗,今之 日 進 自 無 ,從他說 退 楊、 非聖人 深微 不 謂 之 我兼 性 墨 節。 之 道 周

此。 舜之道。 徧,實則外於倫理; 神 明之德,知變化之道 言爲,夏氏曰: 天下之學,非 「所言所爲也。」 ,語大包法界 窮深極微, 淺 陋 語 佛 固 小 氏 而 入微 空寂之教 滯 不 塵 則 口 或或 必 以 陳説 自 人 人 謂 於 堯 道 通

先

生

日

君

子教人

有序,先

傳

以

小

者

近者,

mi

後教以大者遠者。

非是先傳

以

近小,而

後

<sup>0</sup> 籍一下 霍刻本有「席」字。

開也。 也。 也。 佛,皆邪誕妖妄之説也。塗,猶塞也。溺,猶陷也。膠,猶泥 於佛氏之空寂。 智、膠於見聞、醉生夢死,不自覺也。楊、墨、老、 起,塗生民之耳目,溺天下於污濁,雖高才明 章之習皆是。 堯舜之道,即倫理也。 父子、君臣、夫婦、長幼、朋友之倫,有親義别序信之理也。 皇五帝造書契,教稼穡,制衣服、宫室之類是也。❶ 謂人所未知者開發之。成務,謂人之欲爲者成全之。 德,指陳心性,皆朱子所謂「彌近理 可以入道。」正路,喻聖道。 覺,悟也。言其迷溺之深,如醉如夢,自生至死而不悟 是皆正路之蓁蕪、聖門之蔽塞,闢之而後 道不明,故天下之學,不人於淺陋固滯,必人 自道之不明也,邪誕妖妄之説競 淺陋固滯,如刑名術數之説,記誦詞 蓁,草盛貌。 而大亂真」者也。 蕪,荒也。 倫理,謂 開物, 如三 闢

飲食之節。後十三章,通論爲學之道。」 大四章,廣威儀之則。次三章,廣衣服之制,及 有廣敬身李氏曰"「首十六章,廣心術之要。

小學集註卷之五終

字。「服」、霍刻本、沈刻本作「裳」。「服」下、霍刻本有「造」

0

九一

## 小學集註卷之六

臣陳選 集註

善 立教 行 、明倫 第 敬身也。 六此篇紀漢以來 凡八十一章。 ,賢者所行之善行,以實

外

篇

事 子。 而申 吕榮公,名希哲,字原 循 蹈 正獻公居家,簡 或 規 夫 矩。 人性嚴 正獻公、名公著、字晦叔。 有法,雖 重寡默,不 明,申國正獻公之長 甚愛公,然教公事 以 事物經心。 相宋,封申國

事外物。

經

猶縈也。

蹈

,猶行也。

規矩,喻禮

度。

事 事

依

也。

端,正也。

降,猶舒也,解也。時公方十餘歲,內

公。

簡

要,

重,重厚;

寡,省事;

默,慎

言也。

事

物

謂外

千之,字伯强。

時萬歐陽公家。

諸子諸生,皆謂榮公及其弟

子。諸生小有過差,先生端坐,召與 文忠公所,嚴毅方正,正獻公招延之,使教 矣。 略降辭色。歐陽公,名修,字永叔,謚文忠。 日竟夕,不與之語。 潁州,歐陽公適知州事。 熊氏曰:「足不妄行,耳不妄聽,目不妄視。」正獻公通判 非禮之色,未嘗一接於目。鄭、衛,二國名,其音淫 之語,鄭衛之音,未嘗一經於耳。 巾,足之襪,胵之縳袴,身之衣服,皆不得去。 祈,大,縳,繞也。 得去巾襪縳袴,衣服唯謹。縛,音篆。〇甫,始, 見長者。 立 循 禮度而行,下文所言是也。 終日,不命之坐,不 行步出入,無得人茶肆酒肆。 平居雖甚熱,在父母 縳袴,所以纏繞袴管者,亦謂之偪。 諸生恐懼畏服,先生方 敢坐也。 甫十歲, 焦先生千之伯强客 長者之側,不 祁寒暑雨,侍 日 不正之書 謹則又加整飭 市井里巷 必 焦先生,名 相對,終 冠帶 首之 諸 以

業

貴顯矣,而示女子以儉約如此,非特教子者所當法,亦守官 吕正獻公,皆魯參政宗道 食,壞家法耶?] 其嚴 不樂,謂申國夫人曰:「豈可使小兒輩私作飲 者所當法也。 夫人, 滎公之妻。 爲待制、河北都轉運使矣。且,音温。 類,飯羹許更益 然居常至微細 滎公張夫人,待制諱昷之之幼女也,最鍾愛。 友,而能有成者少矣。」行成日德,才成日器。 人姊也,一 生化導 正獻公與申國夫人教訓如此之嚴,外則焦 鍾,聚,更,再,益,增也。 公嘗言:「 諸生告之曰:「凡學者,所以學爲忠與 如此之篤,故公德器 日來 及夫人嫁吕氏,夫人之母,申國 待制 事,教之必有法度,如飲食之 視女,見舍後有鍋釜之類,大 人 ,魚肉不更進也。 ,官名。 生内 之壻。 如 無賢父兄,外 此。 都轉運使,亦官名。 諱,即名也。 ○唐 樂,音雅。 陽 成就就 城 生日 爲 使,去聲。 時張公已 〇張待制、 或 無 大 名,死 張公已 子 異 嚴 〇吕 司 夫 衆 師 E 0 0 去聲。 後治 也。 去聲。 還養 必以 理

諱。

先

則

先,去聲。徽,口 明體適用之學也。 要義,即治人治己之道。●爆爆 後爲太學,四方歸之,庠舍不 皆傅經義,必 解經至有要義,閣閣爲諸生言其所以治己而 暑,必公服終日,以見諸生,嚴師弟子之禮。 爲蘇、湖二州教授、嚴條 唐以來仕進尚文辭 也。斥,逐也。 孝也。諸生有久不省親者乎?」明日,謁 乎人者。 者二十輩。 ○條,教條。 〇唐,李氏王天下之號。城,字亢宗,定州人。 一勝,不 狠切。 〇安定先生胡瑗,字翼之,患隋 尚 以理勝、信其師説、敦尚行實。 學徒千數,日月刮劘,爲文章 刮劘,刮 解 約,約束。 也。 有三年不歸侍者,斥之。 爲,去聲。 而遺經業,苟趨禄利。 垢劘光也,兼文行 信 ,切到之意。 尊 以身先之,謂躬 約,以 劘 信 也。 音磨。 能 安定 身先之,雖大 容。 治 傅, 而言。 後 己 行以率之。 音附。 而後治人 瑗,音願 爲國子直 謁,告 行, 及 城

治人治己」。霍刻本作「治己治人」。

學 於朝 與 推 俗之本也 固治天下之本,然得賢才,斯可以正風俗,則得賢才,又正風 者,上所化, 學者皆尊師,故稱先生,則知其爲安定。 雅正謹飭 稱先生,不問 止 四 疏 民、治兵、水利、算數之類。 講 通 四 講 材 方, 訪 ,遇之不問 ,謂才識明達。 治事齋者,人各治 方學者歸之,故庠舍不能容。 明 良 有 隨其 江上學。 之貌。 行修者 德業充 齋。 宜先 治 俗者,下所習。 人賢 天下 言動皆 可 미 經 好、行,俱去聲。 气,延 備 禮 有器局 知 知 義 愚,皆 足 命 以 爲 聘敦遣,萃於京師 孫者 雅 爲 爲 近 E 飭,故遇之則 ,謂 胡 先生弟子。 賢,有德者; 侍 師 風 公也。 循 器局正大。 一事,又兼一事,如治 賢 表者,其 擇 俗, 循 儒 〇悉,盡也。 其在 疏 雅 其 得 及百 通 飭 知其爲安定弟子。 飭 ○明道先生言 才,有能者。 賢才爲 在太學 . 湖學 音 有 其學者 次有篤 其弟子散在 I執事 其言 赤。 器 推訪 置 局 朝 ○循 悉 本。 亦 相 談 者 經 夕 志 二者 推求 然。 循 心 居 相 好 與 舉 義 風

京,大, 掖激勵。 之道。 脩其 詢訪 之學也。 退。 勵 倫,明 達者,受其教,及學之既成,上者使教國學,其次以分教州 於是,謂合於小學、大學之教也。 師,次以分教天下之學。 者,使日受其業。 大學之教 人倫物理 脩身,至於化成天下,自鄉 行皆中於是者爲成德,取 漸 也。 漸之磨之,使不苦其難。 (孝弟 漸 乎 師,衆 磨成就之道皆有節序。 漸,音尖。 也。 而已。 延聘,謂迎之以 此三節,言擇師之法。 磨成就之,成其 物 忠信, 自 也。 理 灑掃應對 鄉人而至於聖人之道 ○誘之掖之,使 天子之都曰 其 周 擇其學明 教 旋 禮 (始也。 ,以至周 自 禮 皆所以 敦 小 京師。 樂。 遺 行,去聲。 擇善脩身 以 材 擇士人學,縣 學 旋禮樂,小學之教也。 ,謂送之以 有進。 成 德 成 人 識 灑 德 其 其道 就之。 愐 其 尊 成其終也。 明 爲 掃 所 可 要 者爲太學之 師 達 以 激之勵之,使 中,去聲。 應 以 正學,不出 必本於人 至化成天下 至 在 禮 可 取 對 於 誘 才 進 於 以 識 (聖人 升之 澤 於善 其學 掖 往 〇中 之明 激 善 誘 T.

元豐中以

八利禄

誘

士

國

|學解額增

至五百人,來者奔湊。

程

子

高下。 條。 競也。 課。 者能 置 及 去利 地 先 州 行,去聲。 定然後官之。」凡選士之法 明 也。 先 置 悌 州 生 道 而 待賓、 猶 鐫,子全切。 論 有 者於朝。 誘,省繁文以 有 看 延,待 賓興 制 相 月 學 伊川嘗充崇政殿説 所未 詳 制 使 尊 尚。 ○選,亦 廉 也。 於於 學 最 賢 吏 恥 之争 以爲有 月 至, 制 堂 師 禮 太學、太學聚 鐫 使之争,謂 縣 解 擇 本,讀 以 調調 齋 讓 謂 則 `, 殊 也。 居 大 延 刻定之。 專委任 學 縣學。 隘 立觀 概 通 之未嘗不慨 此 天下道德之士 切。 非 官 書 明 月 以 兩 一,同 皆 教 有 召 節, 州 學 去,上 光 爲 解 試 養 孫覺等看詳國子監 謂 而 勵 業 以 法 言擇士 而 學 猶 以 之道, 州學。 聲。 然發 教 教之, 性 較 行 校 貢 曉 如 之, 其高下,是使之争 也。 簡 行 禮 一之法。 行 |嘆也。] 是 達 《王制 端 以 鐫 ,去聲。 更不 請 者亦 義 治 歲 額 厚 潔 數數 改 相 朱子曰 道 論 》 日 解 風 也。 數十 考 試 先 伊 者 其 居 額 條 0 教。 制 「論 制 以 定 0 家 賢 爲 之 ĴΠ 宋 過 者。 減 蓋 事 益。 童 任 如 勸

能受寄 觀見 上,接朋友,教後生, 鄉約,與  $\subseteq$ 血欲量留 職。 也。 也。 禮 僕, 必 能爲衆集事 改。 遊田 藍 吏 皷 過 能 樂、射 業 師 託, 行簡,爲 繁文,吏牘之類。 之 田 失 事長上 鄉人約暫也。 縣 能治其身,❷能治其 百人,餘四 齋 謂 盛 能救 吕 相 御、 則 名。 居 德 規 氏 家則 通於治 行 光 患 書、 能解 能 吕 誼 鄉 難 輝。 睦 規 御 氏兄 百分 數 事 名 剛争, 親故, 約 能 勸 道,可 之類,皆 父兄,教子 猶 童 簡。 立 導  $\forall$ 一僕, 於州 弟四人: 師 , 勉也。 戒 日 觀 能 能 人 儒 也 (家,能 爲吏之師 光 至於讀 之官, 郡, 爲 擇 待賓 決是非 可 交游 善, 法, 本 本 爲之。 弟, 使士人各安鄉 大中、 凡 齊, 註 事父兄 註: 能 不 蓋 書 待 能 能 同 法 責以 規 以 所 犯 妻 德,謂 守 大防 治田 非 人 者 興 約 以 處 妾; 能 義之過六: 廉 過 利 小 此之類,皆 居 待 者 來 介 除 失 見 之。 文 教 在外 大 營家 學 行 害 能 子 善必 が約、 土 能 德業 能 所 之 觀 弟 也。 廣 則 爲 可 以 能 大臨 士 一行,聞 光,謂 濟 施 能 爲無 人 賓 專 事 居 省, 物 惠 也。 相 (謀 敬 委 日

爲, 霍 刻 本作

0

0 治」,霍刻本作

不節 還 E 酗 博 書問慶弔之節。 日 造言誣毀,六日營私太甚。 遊 鬭 戲 訟 禮 二日 怠惰,三 俗 相 行 交,本 三日 止 患難. 動 踰 違,三 止 註 無 相 儀, ❶ 謂婚 日 邺。 不修之過五 行 不恭 姻、 四 本 日 喪葬、 註 、遜,四 臨 事 不恪,五 曰水火,二曰盜 祭祀之禮,有往 日 曰交非其人, 言 不 -忠信, 曰 用 度 Ŧī.

有善 而 行罰,不悛者絶之。」悛,音銓。○若,及也。 日 則 疾病, 書於籍,有過若違約者亦書之。 四 日 死 喪,五 日 孤 弱, 六日 誣 枉,七日 三犯 俊,改 貧乏。

誠 至於 窮 意、正心、脩身、 理 盡 知 性 止 循 誠 齊家、 循 意 有 至 治國、 序。 於平天下,灑 〇明 ,平天下,所以求 格物、致知,所以求知 道先生教人,自 掃 應 得 所 對 此。 所 至 致 咋 於 知 灑

也。

絶之,使不與約也。

其序 高 謂先習之於小學,而後進之於大學。 即 掃、 誠意至於平天下之事、《大學》之教也。 所 應對,小學之教也。 也。 以 病 輕 世 自 之 大 學 iffi 者 窮理,即致知至於知止之事, 卒 捨 無 得 近 也 而 而《大學》之教,又自有 趨 闚 遠, 循 音 循,有次序貌。 處 窺。 下而 ○趨 盡性, 闚 奔

> 序也。 正心、脩身、非近而下者乎? 盡性,高者遠者也。 有 序,蓋病乎此矣。 自大小學之序言,●灑掃、應對 以《大學》之序言之,格物 吴氏日 齊家、治國、平天下,非 「行遠 自 ,近者下者 近, 升 高自 致 也, 知 下, 高而 誠 窮理 意 遠

循

## 右 實 立 教

者乎?」

去聲。 母,辭 採拾 起 漢江革,字次翁,臨淄人。 殺之,●或乃指避兵之方,遂得俱 數遇賊,或劫欲將去,革 江革少失父,獨 革負 謂 難,去聲,下同。 氣愿欸, 採取草木之可食者。 母逃 難 有足 備 與 養,去聲。 母 心感動 經 備經險 居。 險 數 輒涕泣 人者。 阻 頻 阻 數,音 遭 也 謂 常 天 徧 朔。 劫 採 下 哀求,言有 賊 欲 歷 全於 亂, 拾 道 愿, 將 以 去 以 路之艱 音 是 盜 難 謂 願。 不 賊 欲 危 少, 忍 老 並 0

- 大」,霍刻本作「夫」。 止 霍刻 本、沈刻本作「作」。
- 0 殺」,資講本作「犯」。

也。

闚

猶

闙

也

卒,終

也。

此學者之大病。

程子教人,循

畢,猶皆 子皆保全 行,去聲。 父怒,又逐之。 餘,父母 面 毆 使 能 庸。 憎 身之物, 行 ,猶 杖。 也。 奴 弟 所 也 ,去聲。 也 包 傭 ○轉客, \_\_ 婢 子 身 戀 不 號,平聲。 一分出 給,猶足 爲 忍。 慚 引 求 不得 口 也 田 轉 雇 戀 所 廬 其 分 而 莫 里 客 工 猶 柰 嗟 得父之愛也。 音朔。 風 以 魚,時 母 是失 子。 及其子 王祥,字休徵,琅 有 解 祥 龍 歎 ,果名。 雙鯉 眷 爲 雀 雨 有疾,衣不 性 也。 荒 切。 孝感 ,祥輒 孝,蚤 數 愛 酒 也。 天寒冰 謂 孝 一於父, 司 + 數,音朔。 則 躍 田 ,感,謂 中分,均 馬 禁切 所 飛 畝 牛下,牛糞。 Ŧ 抱 出 喪 致。 荒 琊 人 一裒字 凍,祥 樹 , 持 親 解 魚雀之至,皆孝誠 每 蕪。 東關之敗 其 剖 復,去 而 分 帶, 使 之 幕 頓, 普 有 也。 ,偉元, 親 泣 繼 掃 厚 解 而 母母 丹 湯 聲。 剖 謂 母 切。 復 除 共 歸 衣 破 柰結實,母 藥 廬 也。 其 朱 昭 事 0 以 4 將 舍 父 也。 一,同 炙,音柘。 必 篤 既 氏 下, 傾 譖 供 母 剖 儀 謂 問 孝 親 之感 不 頓 事 炙,炙 毁 母 又 冰 於 爲 嘗 也。 服 祥 純 慈 也。 思 求 動 服 喪 衆 魏 肉。 愈 數數 幕 至 己也。 若, 也。 命 之,冰 鄉 黄 日 用 失愛於父,不 安 音 母 恭 如 守之,每 里 譖之, 也 雀 驚歎,驚 汝 丹, 東 莫。 此。 嘗 謹 「近 也, 驚 炙 弟子,弟 將 紅 欲 忽 0 歎 指 日 色。 數 軍 復 自 生 父 晉 弟

也。」 取 荒 弟子 其 頓 朽 者 數 敗 日 破 者, 其 日 産 吾 少 輒 我 時 復 素 所 賑 所 理 給 服 意 食 少 司 馬 昭

器

物

取

其

老

者

E

與

我

共

事

久,若

不

能

財

異

居,

包

不

能

止

乃

中

分

其

財

安

門,巷

門

也。

不廢,謂

不廢

定省之禮。

既

毆

,音唱。

0

漢薛包,字

孟嘗,汝南人。

不

還之。

後服

喪

過

哀

好,去聲。

乃

廬

於里門,晨昏不

廢。

積

炭

廬於

舍外,

旦

人

而

灑

掃,

之。

包日

夜號

泣

不不

能

去,

至

被

也。

〇薛

包好學

篤

行,父娶

後

妻

而

飄泊。 也。

下邳,今邳

州

裸,露

身。

跳,露

足。

身之物,謂母

身所

便安之物。

不

車

裸,魯果切

跣

蘇典

切。

傭

音

下

邳

貧

窮

裸

跣

行

傭

以

供

母

便

革

苡

去

ム也。

愿

欵

誠

慤

也

俱

全,

謂

母

再二 舉日 聲。 跪。 馬也。 覆姓。 之事 患切。 未嘗 也 門人受業者並 徵七辟皆不就。 孤,昭 怒曰 至「哀哀父母,生我劬勞」,未嘗不三復流涕。 裒,蒲侯切。 死,子炎篡魏,自立爲晉。 助之者,裒皆不 一反覆誦之。 I 辟。 著,直略切。 家貧 自 誰 西向 ○密 東關, 下「司馬」,官名。 攀柏 稱 「哀哀父母,生我劬勞」、《蓼莪 也 司 任 躬 ,猶私也。 而坐,以示不臣于晉。 ○儀, 裒父名。 地 馬 其咎?」 耕 悲號,涕淚著樹,樹爲之枯。 名。 廢《蓼莪》篇者,恐其師哀感,故舍之而不誦 裒 復,音福。 欲 計 廢 痛 敗,謂 委罪 . 聽。 聽 廬於 父非 《蓼 口 言儀爲魏國安東將軍司 儀對 ,猶從也。 衣食不求豐裕。 而 於孤 戰 及 莪》之篇。 魏,曹氏篡國之號。 蓼,音六。 墓 田,度身 命, 敗。 司 一側 日 邪 馬 於是隱居教 咎,罪 : 逆而奪取之日 ,旦夕常至墓 ?」遂引 氏 〇朝廷召曰徵,郡國 責在 而 》詩之辭。 篡 也。 而坐不面闕 辟,音壁。 度,音鐸。 靈。 魏, 元帥,稱 元帥 上「司馬」, 出 裒 馬昭 或有 篡 三復,謂 授 斬 終 讀詩 所 號,平 篡,初 之司 皆 昭 之。 昭 拜 身 密 昭 痛 既

敬。 寧,繇 大也。 報 南昆 用 河,縣名。 夏 父非命,不忍 萃,聚也。 唐博陵人。 夫人不粒食數年 日 長孫夫人 常無全衣,而 也。 則 一櫛縰笄,拜于階下,即 新 飲乳也。 弟子孫之盛,鄉 扇 則崔氏之門安 婦 曾祖王母,即曾祖母也,姓 全,完也。 恩,願 枕 延,字延元。 爲山 年高 席, 故爾。 南 南 齊庾 滋味 親 新 冬則 西道 日 無 極 婦 而康 疾 齒,祖 ,猶言甘旨。 滋味。 色養,以和悦之顔色而 黔 晉 節 以 有 得不 病 度使 婁 族罕比。 西 子 身 寧。 長 爲 河 有 母 温 故 養,去聲。 昌大 升堂乳 人王 孱陵令, 長孫。 乳,去聲。 幼 孫 唐夫人事 被 稱 成萃, ,皆得 山 柳 南。 延, 乎 山 不 隆 ? 玭 其姑。 南 扇 粒食 〇山 冬盛 事 到 昆 日 宣言 奉養 平聲。 如 曾 姑 縣 親 兄 疾 m 南,名 新 祖 未旬 甚 也。 也。 寒, 色 康 長 無 婦 崔 王 樂安 〇西 **養** 以 孝 王 孫 每 母 體 以 Ш

●「夕」,資講本作「夜」。

戒切。 也。」時 熊氏 子真。 音異。 父易 甜苦。」 辰, 劇。 荒 踰 棄 風 如 以 日 情 在家 北 袒 繼 官 日 米數合爲粥 孱 劇,音極。 遘,音垢。 易疾始 "「父子一 事 極 易泄利,黔 陵,縣 括之日。 蓋以糞甜則病甚,糞苦則病 歸家,家人悉驚 也。 以 每 未 兄子 至夕每 遘 哭 師 申 名。 疾。 〇海虞令何子平,母 旅, 踊 〇南 -,天 稽,音起。 一日,醫云: 體而 伯 旬,十日 興欲 八 稽 頓 南 黔 冬不衣 地 ,不進鹽菜。 分、父疾 年不 三朝。 絶 顙 婁 輒 顙,蘇 爲 方蘇。 也。 北 忽心驚,舉 罪 其忽 取嘗之,味 齊,蕭氏僭國之號。 葺理,子平不肯,曰: 得 絮,夏 辰,求以 而子心 易,黔 人耳,屋何宜 「欲知 朗 誉 至。 切。 愈 葬。 屬大 婁父名。 矣。 驚汗 所 不 0 差 孱 身代。 身 病 八明末 居 就 喪去官,哀 稽 轉 组山 晝 劇 出,自然之 愈日 顙 流 屋 清 夜 甜 遘,遇 但嘗糞 [差,病 黔 切。 敗,不 呐 汗 東 凉, 號 滑 覆 差,楚 妻,字 頭 心心 哭 易, 也 也。 即 土 其 理 申,謂 氣絶 訣,句。 涕。 其孝。 爲營 露臂。 稽。 聞,謂言之於朝。 秦,即 壽 劉 州太守。 嫁 子平,南朝 民間。 昌 氏 軍 也 雍州 還 肼 括, 蘇 就 年 括

北

日

毁

饑

常

H

蔽

我

屬,音竹。 方,求之不已。 雍,去聲,下同。 1塚壙。 親未葬也。 法二千五百 〇朱壽昌生七歲,父守雍,出 御,用 誓不 會稽 袒,音但。 之地。 猶醒 母子 官, 七十 髪。 會,音檜。爲,去聲。 人。 也。 見母不復還。 也。 法, 繇 訣, 蔡興宗爲 人子初喪 人爲師 餘 不 哀 茸,音 是天 飲 棄官不得復 熙 矣。 屬 别 〇壽昌,字康叔,宋天長人。 相 毁 食罕 瑜 寧 ,猶會也。 也。 知者五 Ŧ, 緝。 禮 下 初, 之禮 雍守 次,猶 百人爲 會稽太守 皆知 御 痛 覆,敷救 也。 就 棄官人秦,與家 傷 酒 錢 大明 行次 一十年。 〇矜者憫其苦 過 至 旅。 以 其 肉 葺 明 於 也。 尋 切。 年 孝。 禮 逸 修 營,謀 母 同 與 ·, 甚 號。 也。 明 補 0 故 其 以 州 壽 逸 煕 母 也 海虞,縣 優 事 加 東 爲 頓 言 昌 字 詔 ,賞者 也。 土 絶 得焉 聞 父爲 劉 矜 ·, 年 情 輒 行 即 許 子 事 賞 遽 氏 袒 飛。 流 四 會 然

其

壽

00

族尤 明。 昌嘗爲閬 中 同 通 母 盡恩意,嫁兄弟之孤女二人,葬其 拊 判。 再 ,音府。 其 餘 弟 爲 廣德二 拊 弟 喪。 妹 郡 ,安慰也。 爲,去聲。 妹 以 守 郡守,至是以便於養母之故 益篤,爲買 蓋其天性如 ·, 至 歸 推愛母之心, 是 ○河中府,今蒲州也,近同 居 以 數 母 歲, 田宅居之。其於宗 故 此。 ,而篤 母卒,涕 通 判 幾,平聲。 於同 河 解郡 母 中 弟 泣 府 守 州。 妹; 喪,去 不能 幾 前 喪 迎 壽 推 爲 切。 武 都尉。 蚡 有是官。 名。 安 弗

達。 有過。 化之。 有常 Ш 霍 先生家治喪不用浮屠,在雒 下,去聲。 爲大將軍。 處 光 雒,音 郎、 爲 出 人 人 射, 樂。 禁闥 僕 沉 禁 音 射 静 **遏二十** 0 夜。 官 竊 詳 浮 中 識, 審,每 識 屠, 小 視之,不失尺寸。 餘 門 音 佛 志。 也 氏 年, 出 也。 深沉 〇光,字子孟,漢平陽 人下 小 雒,水 亦有一二人家 心 安静 殿門, 謹 名,在 示不 慎 浮 進止 題,音 未 躁 河 〇伊 也 嘗 南。 日:

怒,變色而罷朝,公卿皆爲 欲而外施仁義,奈何欲效唐虞之治乎? 之而已。 儒者,上曰「吾欲」云 官,歲俸滿二千石 尉,亦官 馬,官名。 太子洗馬,以 數,音朔。 不失尺寸,猶言 爲禮。 侯 甚矣,汲 名。 洗之言先也。 關中語 以 田 以嚴見 以,猶 數直諫,不得 蚡 蚡,音: 黯見蚡未嘗拜,句。 爲 也。 嚴 ,轉射爲夜耳。 惲,以正直爲景帝所敬 黯之憩也!」治,去聲。 因 丞 忿。 見 也。 蚡負貴而驕人,黯獨不爲之屈 步不差耳。 一相,句。 天子出 憚。 ○黯,字長孺,漢濮陽人。 中, 云,黯 滿 久居 武 則 ○汲 也。 前導也。 帝即 中二千石拜 語懼。 僕, 對 位。 中二千 日 黯 主 揖之。 也。 位 ,漢景帝 憚 是 上方 也。 上退,謂人 ·石,謂 古者 陛 召 時 下 招 爲 太 洗蘇蘇 謁, 重 **。** 上 太子 九 主 内 文 但 后 時 射 卿 爵 多 學 弟 爵 爲 故 洗 典

0 唐 正 直」,沈刻本作「直 "資講本作「陶」。

精詳

密,不

麙率也。

進

此

進

止

也。

郎、

僕射

皆官

爲,去聲

愛父之心,而篤於宗族兄弟,蓋至孝出於天性

而

然。

河

正。

也。 其 之擁輔幼君 作愈,過 也。 少,去聲。賁,音 矣。」數,音 也?」曰 不 也。 諛承意, 數黯,黯日 之治也。 日 輔少主守 輔德而弼違也。 愛身,奈辱 大節 **看**。 想,愚也。 瑜,通作 「然。 也。 也。 多病 最後 心多欲,如好征伐、好神 陷 然,是其言也。 朔。 ,以保守成業, 成, 孟賁、夏育,皆古之有力者。 「使黯任 愈,病痊 古 :「天子置公卿 病 朝 主 帝不罪 嚴 從諛承意,順從阿 奔。 瘉,音愈,下同。 於不 有 雖 廷何?」數,上聲。 助 且 社 也。 自 ○漢法,病滿三月當免官。 爲請告,上曰:「汲黯何 黯而容之,君人之度偉也。 滿三月,上常 稷 職居官,亡以瘉人,然至其 謂 ,雖自謂有實育之勇者,亦不能 嚴 社稷臣, 乎? 賁 之臣, 助,人姓名 育,弗能 仙之類。 . 諛以奉承上意也。已,既 爲,去聲。 輔弼之臣, 寧令從 能安社稷者。 且 至 已在其 〇數,責 如 時爲侍中。 賜告者數, 言黯之正直 唐虞, 汲 奪 亡、無同。 黯 也。 也。 唐堯 位 羣臣 大將 告,休 近 , O **痛**,當 如 輔 、虞舜 ,若託 彌 之 終 縱 軍 或 人 假 奪

其奏。 崔 實,庶或見原,不可重爲欺罔 子有 是也。 黯 冠。 青侍 諱之。」黑子怨允曰:「君奈何誘 告,爲當諱之?」允曰:「公帷幄 黑子謀於著作郎 見,宴閑時進見也。 中,侍於禁中也。 人見帝,不以實對。 前 鑒、公孫質曰:「若首實,罪不 至如 寵於太武,奉使并 中,上踞厠視之,丞相弘宴見,上或時不 奏 從其奏,則稱制曰 其見 事 ,上不冠,望見黯,避 見黯,不冠不見也。 敬禮如此。見,音現。 踞 曾,曾也。 蹲 高 坐也。 允曰: 可。 帝怒殺之。 州,受布千疋。 武帳,帳中置兵衛者。 厠, 床邊 「主上問 初,魏遼東公翟黑 側。 也。」中 上嘗坐武帳 帷 可 寵 翟,音狄。使,去 人 ○青,衛青。 弘、公孫弘。 中,使人 就 測,不如 我,當以 臣,有罪 夕上 書 事 地? 侍 可 實 郎 姑 口 猶

慙,音撞。

〇上,謂武帝。

云云,猶言如

此如此、蓋言效唐虞

「其」,資講本無。

「弗」。資講本作「不」。

「同」"霍刻本作「通」。

諱 删

0

平聲。 纂揚國惡,收浩誅之。 重,再 脱,儻若也。 語。」崔浩爲司徒,與允等修國書 授太子經,及崔浩以史事被收,太子謂允曰 然浩所領事,句。 公孫質,皆中書侍郎。 人見至尊,吾自導卿,脱至尊有問 國 隱 也。 制制 并 事 也。 諱 〇史氏記 魏,元魏。 ,音兵。 皆浩所爲乎?」對 繇 也。 言已受賄若更隱諱,是再造欺罔之罪也。 崔 帷幄 太子見帝,言高允小心慎密, 上 浩 , 請 爲 事 龍 ,去聲。 太武,魏帝。 ·而原其始 臣 多總裁而已。至於著述,臣 測 ,侍帷幄受寵眷之臣 赦 將及於允,故太子欲指導其生路。 ,度,姑,且 幄, 其 則曰 死, 帝 日 角切。 覺,發覺也。 ,刻石以 初。 「臣與浩共爲之。 誘 首,去聲,下同。 此則節 召 引也。 彰直筆,太武怒其 也。 允 允,字 取其 問問 ,但依吾 宥罪 帝 事 且微 使允 崔鑒、 伯 日 日 而 重, 原。 恭。 : 失 耳。 辱,義 向。 也 此 也。 虚 妄。

免,非 生。 去聲。 日,太子讓允曰:「吾欲爲卿脱死 之。」遂赦之。 太子之稱。 次,謂所對失其次序。 何也?」允曰: 人情 動容, 丏,音蓋。 總裁,謂總其大綱 爲 實 〇讓 臣 無 不問 殿 臣 所 變貌 所 獨 ,責也。 丏,乞也。 下 難 不 願也 殊。 也。 〇微賤,言其職之卑。 臣 前 以 欺 直哉,贊其直也。 臣 臣 君, 殊,異也,言當與浩同之。 。」太子動容 「臣與崔浩實同 允退謂人曰:「我不奉東宫指 誠 允 曏 一侍講 而裁正之。 亦無 帝顧謂 何 能 貞 ,猶昔也。 殿 爲之。 也。 日 此言,不 下 久, 紀事 再 太子曰:「直哉 東宫、太子之宫。 宜 稱嘆。 旌之,表其 制 哀 臨 造之慈,違 特 日 著 敢 臣 史事 死 著,纂言曰 除 前 迷亂 述也。 不 爲,去聲。 其 再造,猶 欲 易辭,信 ,死生榮 善 卿不從 罪 丏 多,猶 也。 述。 以 其 心苟 他 旌 生 失 皆

如東宫所言乎?」對曰:「臣罪當滅族,不敢

失次

耳。

臣

曏

問

,皆云浩所爲。」帝問

允

信

生!

」太子懼,曰:

天

威

嚴

重,允小臣,迷

亂

多於浩。」帝

怒

日

介允

罪

甚

於浩,

何

以

得

賤

<sup>0</sup> 「死」,資講本作「罪」。

仕

行問 史臣 暐,音偉。 足,衣馬 兄屯田 數年,不可 黑子,則允所以爲是者,非以義理之當然 謂首實者,乃所以爲徼倖之資,又以不奉東宮指導,爲恐 子之言,衷情之忠亮,●而作史者遽 云貧乏不 , 豊直筆可信之史乎。 二〇李君行先 至宰相 户 籍取 宋之京師 不明義理 ○崔玄暐 入京 籍 .其故,曰:「科塲近,欲先至京師 ,恐負翟黑子故也。」静修劉氏曰 欲 郎中辛玄馭 應。」君行不許,曰:「汝虔州 馭,音 姨兄 輕 ,至泗州,留止。 能存,此是好消息。 行 在開 求 肥, 而 御。 '姨之子長於我者也。 事君 也。」虔、音乾。 母 於遺辭之際,輕爲增損,使允忠亮之心不 封 此 盧 貨,音咨。 府。 迅惡消 而 氏 曰:『兒子從宦者 貫,猶 ,嘗誡玄暐 先 息。」 欺 0 係 君,可乎? 〇君行,字, 其子弟請 玄暐,名 也。 繼之以 吾 冒 貧必 嘗 ,第以 若 生名潛 日 籍 庶 显, 以 以 廉 聞貲貨 或 此 潛,名,宋人 高 爲 ,貫開 有 先往 唐 應舉,欺 見 「吾見姨 故 爾。 加 寧 博陵 1,虔州 原 確 允告 日 遲 人來 質開 1,君 此 好 則 論 充 人。 緩 封 君 皆 負 黑 消 所 名安世 參政。 别,必 息。 0 事 非 從 錢 ? 理 何 物 衷 所 F 而 且

户

封

也。

矣。

所未聞。」張 聲曰:「勤、謹、和,既 來,常持四字:勤、謹、和 如竊官物,剥民財,皆是。 不内愧於心?」玄暐 富必貪,故曰 列切。 ○劉器之待制 ,宋元城人。 三人同 得 來。 其父母,父母 道 此此 〇比,近也。 世 E 必 間 悪 起身請 是 色作氣 與 待制、參政、皆官名。 消息。 甚 禄 盗 事,不 初 咎 俸 親,同 賊 遵 但 登科,與二同 罪 比 聞 教 E 餘 奉 何 知喜悦 見親表 也。 張曰: 命矣,❸緩之一字,某 因 :「何嘗教賢緩不及 資 姓。 、緩。」中間 教 别 忙後 ? 言罪雖幸免,心實有 誠,以清謹 表,外 誠 亦 「某 縱 中仕宦者, ,竟不問 勤以從政,謹以 錯 姓。 善 無 了?」器 年 自 事 大 非 後 守官 謁 理 咎, 見 張 此 生 所 如 得 應 獨 物 以 觀 其

刻 本作 「忠」。

<sup>」,</sup>資講本作

既」,資講本作

0

巡

仁、錢 身,和 弟備 孝 先 陳州人。 官爲守也。 慎,乃所 求知者 何 人 則 蓋緩非迂緩不及事之謂,乃從容不忙迫之謂 諾。」成,音庶。 有, 於爲 婦 舉 生 養。 公輔 以 言不難也。 薦。 曰 : 圃 曰:「安定之門 待 守邊日 嫁, 舜 政 是 人,緩以 干,求 以 吾不還,汝肯養吾母 其 也。 也 水知 我 從 未 子 何 戍。 生 有 對 也。 稽古,經義齋之事。 屬。音竹。 〇吕滎公自少官守處 《處事。 舜 有 死 子。 也。」少,去聲。會,音檜。 日 夫 舜 從,守官 未 果 一門人,如 從,名 未聞 其夫 可 死 勤 養,去聲,下 知 往 於 不 疑 猶 幸 當行戍, 間。 會 未喻 職 還 往 劉 1稽, 有老 事,其他 彝 知 愛民,治事齋之事。 乎?」婦 也。 同。 婦 錢 稽 漢 人或 耳。 藻 賢,稱後生 養 母 且 古 〇孝 ~, ●未 陳 無 〇官守,以 愛民 孫覺、 姑 行 孝 譏 不 〇伊川 應 婦 時 不 敢不 婦 其不 嘗 他 日 范純 漢 屬 矣, 衰 也。 兄 年 干 時

八年。 也。 習 資 復,音 殺。 以 少君父學,父奇其清苦,故 與,猶及也。 許 老 也 復之終身,無所 〇卒,終也。 以葬之,終奉祭祀。 箴。 崩 將 美 人 母,妾既 淮陽太守以聞,使使者賜 福。 其父母 飾 甚 以 取嫁 居 盛。 諾 姑八十 與,去聲。 喪 丽 夫死不嫁,節 而 之。 吾 許諾之。 宣不悦,謂妻曰:「少君生 懼 漢鮑宣 不 實貧賤,不 年 餘 圃 能 孝婦 與,號 0 以 不 其 信, 淮 天年終,盡 敢 妻 父母 也。 陽 少,去聲。 日: 夫養人 將 嫁 日 桓 即 養姑 敢當禮。」少、去聲、下同 何 也 「夫去時 氏 「孝婦」。 哀 陳 州。 以 字字 ൬ 其 以 遂 老 立 黄 屬,音竹。 生 少 女妻之。 復 賣 使 少 母 事 金 於 無 其 養 君。 謂 葬 屬 下「使」,去聲 四 世 而 除其 祭 子 田 其 妾以 十斤,句 不 必 夫,音 宅 姑 而 宣 家之役 盡 能 裝 欲 早 財 供 力,老 二十 送 就 扶 自 物 寡

慈愛愈固

,姑慈婦愛愈深固

也。

紡以車

,績以

指,織以機,紅

愈

占

紡

績

織

紅

以

爲

家

業,

終

無

嫁

意。

<sup>●「</sup>官守」,資講本作「守官」。

音缺。

從弟

同

祖之弟。

夏侯,姓,

文寧,名。

関

終

曹氏

絶

婚

嫁之,令女聞,即 子,恐家必嫁己, 女,名令女。文叔 君子以德,稱其 姑禮畢,提甕出 ,婢妾也。 及爽被 執巾櫛。 著,音酌。 少,去聲。 妻曰: ○曹爽從弟文叔妻,譙郡夏侯文寧之 賄,音悔。 如是,是吾 短 强 學以清苦而成 布 服飾,資裝也。 人夫也。 誅 「大人以先生脩德守約,故 裳,與 断,音 迎 挽,音晚。 既 曹 汲,修行婦道,鄉 **\$** 〇宣,字子都,渤 奉 乃 約,即清苦之謂。 復 短。 女 氏 蚤 斷髮 承 (宣共 志 以 歸。 盡 〇大人,稱其父也。 ,行以清苦而 死 復, 君子,唯命是從。」宣 也。 刀截 死 引車曰挽。 爲信。 挽 扶又切。 服 從,去聲。 ,令女叔 妻乃 鹿 兩 翼 海 車 耳,居 <u>\\</u> 歸,謂還于父家。 人。 悉歸 自 其 彊,上聲。 鹿車,小車可容 邦 歸 譙, 以 父上書 後 稱之。 1 鄉 清,謂 音樵 先生以年, 能 家 止 年 里。 侍 如 常 果 少 御 使 此 淡 0 更, 闋 泊。 與 依 欲 笑 賤 無 拜 服 曹 亦 欲誰 節,義者不以存亡易心。 去聲。 欲保終,況 吾豈爲 竊、私也。 竊人寢室,以刀斷鼻,蒙被 許之是也。」家以爲信,防之少懈,令女於是 乃微使人風之。 相 斷 憐 懈、音戒。 其 哉 或謂 少 執 斷 之 義

侍御

鹿者。

平聲。

飾,更著

能

截; 誅 殺 也。 可 令女嘆且 馬懿 又 (曹氏 殺爽,夷其族。 無 泣 遺 日 類 時文寧 「吾亦惟之、 冀 其 意 爲梁

奇矣。 苦,謂

妻,去聲。

愛勤

惶,往視之,莫不酸鼻。 語,不應,發被視之,血 ,音短。 ○無遺 相, 流 類, 滿 而 作 ,盡死 即。 牀 州。 席 也。 少, 其母 冀其 去聲。 舉家 呼 意 阻 風 驚 與

幸其阻守義之意而改適也。 風,謂以言動之。● 惟 思 也

草耳,何辛苦乃爾? 爲哉?」令女曰:「聞 日 人 且 夫家 生 世 仁者不以盛衰 間 夷滅 如 已盡 邨 塵 守 棲 改 此 弱

今衰亡,何忍 爲,去聲。 行,去聲。 棄之? 0 輕 禽 塵 獣之 弱 草, 氏

曹氏前

盛之時,

尚

0 以」,沈刻本作「人」。

〇六

也。 若萬 也。 剽 里。 「人所 冒 聲。 死 在 杖 史 不 日 生 有急,尚 義 鼓 室。 犯 掠 Ę 危 杖,兵 () 禽惻 m 捶, 輕 杖 也 譟 己 其 草 禍 舅 塵 以 主 ,音丈。 危 日 盧 村 野 謂 之行 易 器 蕋 賊 踰 姑 相 異 耳 散 切 冒 禍 也。 姑。 去 甚 幼 赴 於 垣 也 如 弱 譟 白 幾, 救, 後 豈 鼓躁, 而 得 獨 禽 有 此 草 先 生 刃, 姚 宜 平 婦 日 志 潤 家 到 女皆 酮。 依 聲。 謂 唐 鼓 操。 獨 道 況 者 切 往 人 己。 舞 適 家 生?」五 鄭 夷 在 至 〇涉 間 然 呼 箴 有 以 人 於姑 嘗 義 永 誅 躁 姑 棲 何 其 取 容色,長 宗 也。 悉 夜 泰 唐 也。 涉 泊 側, 亂 獨 有 水。 切。 中, 有 家爲 奔 妻 題 奉 守 不 奔 而 即 爲 盧 竄 强 此 天 竄 懼 在 冒 羣 去矣。 鄰 義 可 賊 盗 謂守 者 書 氏 寶氏二女, · 一 十 奔 音 唯 盗 委棄 也。 盧 史 捶 數 年 走 墨。 # 則 有 略 義。 數 氏 竄 擊 + 泛 有 五 千人 姑 涉 乎 鄰 爲, 匿 日 一觀之 不仁 家爲 繅 九, 也。 幾 自 持 書 里 去 固

年號。 去。 音捐。 義 臨 前 敦 家 學聖人之法, 懷忿嘆, 妻,諸婦 烈,奏之,詔旌 繼之,自投 謂 繆 壑 乎?」弟及諸 不受辱。」即 睦 前 長,上 谷 之 彤 〇京 剽 行。 掠、攻 行。 少 乃掩 遂求 深 學。 拾之,謂 兆 孤, 數 折 繆 劫 郡。 剽 百尺。 户 也。 將 分 足,破 兄 投 表其 音 音 捨其 自撾 尹 婦 、異、又 崖 以 弟 木。 票。 村 聞 官。 齊 妹。 落 門 下 四 形, 曳, 之, 日 面 其 閶 整 而 村居 數 人 第 . 京 音 流 姊 音 風 悉 死 皆 五. 有 裔。 容。 永 兆 也。 先 Щ 繆肜 俗 加 同 姓 鬭 蠲 尹 日 〇奉天 **羣盗** 少、 盗 匿 頭 奈 争之言。 財 第 其 琦 方 去 謝 汝脩身謹 藏 業。 何 名。 家 Ŧi. 學。 驚 吾 也。 縣 罪 乃 不 琦 T 駭 寧 捨 名。 及 取 蠲 嘉 曳 能 役 遂 其 就 肜 之而 各 其 音娶。 永 更 除 拖 IE. 死 行 蠲 屯 妹 爲 其 取 也 貞

幼

者

年十六,

匿

巖穴間,曳出之,驅

迫

一以前,

數

音

朔。

撾

職

瓜

切。

行

俱

去聲。

更,

平

學。

○肜

字

<sup>0</sup> 相」。資講本作「且」。

歲

也。

俱

勒

過

屢,音慮。

反,

毗

病

得

差,

衮亦

同

癘,音利

臨

,去聲。

輟,音拙

有

臨

不

輟

如

此

+

有

留

不

去。

諸

父兄

强

扶持,畫

夜

危

殆

癘

氣

方熾

父

祥

妻,句。

覽

妻

M

[虐。

朱

、屢以

〇覽,字玄通。 ,普明兄弟悔過,可以見人心之天矣。 共爲之。 普明,名。 令,平聲。 泗水,攸 諭 八遇祥 持。 而無父曰 令得田 證 非 亦 南 分異十年,遂還 斷 問 之曰:「天下難得者兄弟,易 理 清 趨 **-無道** ○晉右僕射鄧攸,永 之以發動其 至于 斷,決也。 莫 一使祥 各 〇瓊,字珍之,北朝人。 遇,待 河 以 孤。 而 地,失兄弟心,如何?」 不 相援據,乃至 共之。 牛馬 太守,有百姓乙普明兄 成 , 覽年數歲, 見祥 撾,打; 灑 也。 覽 童 援據,攀援他 人良心 泣。 負 與 楚,痛 每 妻子 、祥俱。 朱患之,乃 更,改,敦 也。 諫 同 普 也。 其 住 太守下 明 百 而 成 母 兄 又虐 人爲證據 嘉 逃 南清 厚; 童 斷,都玩 弟 王祥 -淚,而 末 少 被 一,十五五 止 泂 睦, 没 使 止 楚 吅 瓊 又 陷没。 度 遇 無 餘 不眠,句。 之,乃曰: 母 庾 能存姪也。 兒。」弟子綏服 右僕射,官名。 去之,卒以 存,我後當 熾,昌志切。 哀之,爲之 不能 息,理不 賊 恙。 諸弟皆出次 旬 衮二兄 掠 息,子息。 疫 疫,音役。 兩 其 勢既 服喪三年,如喪父也。 全 强,上聲。 其間 俱亡,次兄 牛 「衮性不畏病。」遂親自 口 無 有 語 攸,字伯道。 馬, 乃謂 弟子,弟之子。 子。 歇 嗣 絶,止應自棄我兒耳。 日 毗,音 攸 於外,衮獨 復 步 喪 • 家 撫 間,音澗。 妻 其 射,音夜。 一天 走, 三年。 皮。 人 柩 毗 妻 泣 永嘉,年號。 乃 哀 道 日 復 擔 復,扶又切,下 而

郡。

乙,姓;

也。

緰

也。

如

何

諸

證

人灑泣

切。

易,音異。

頭

,乞外更思。

因

m

下

淚

諸

求者

田

地,假

召普明兄弟

弟

田

積

年

木

和

也

蘇

瓊除

公,漢汝南

人。

幼

其

兒

及

其

弟

子

「吾弟蚤

唯

有

弟覽,

母朱氏

撻

輒

涕泣

拘

〇七

爲,去聲。

〇義者,

義其

〇 晉

咸

寧

中

大

疫

綏,其名也。

時

人

義

௱

石勒,

胡

人。

没,

度。音鐸。

應,平聲。

從之,乃

棄

其

子

而

幸

而

得

無

知,使

鄧

伯

道

無

不脱衣 不食。 舍也。 椿 並 室 時 廳堂 相 衆木之凋。 癘之不能相染也。」父老,鄉之高年者。 所 老 音又。 不命 登 一,假 就 不能 事 咸 偃 衮,字 台 休 日 冠 猶卧 昆季,兄弟也。 間 差,楚 寢 有 坐, 鼎 偃 廳堂間 行。 丽 空隙 ,叔褒。 閣 如 寢 還 也。 ○楊播 戒 父子。 津不 相 前 異 面 也 歲寒 也。 切。 哉 津 共 對,未嘗入内。 次兄 椿年 承 閣 往 敢坐。莫,音暮。 常 談 此 臨 恙 然後 家 候 名毗 椿,字 往 謂 笑。 椿、 哭; 日 老, 子 音 世 室之門。 安 幃 樣。 莫參問 1 ,曾他· 津 知 輟, 否。 純 延 幔 幔,莫半切。 危 高。 〇咸 恭 松栢之後 守 厚 止 殆 隔 並 人 寢,本傳作 謙 處 椿、 謂 , 子 障,爲寢息之所 寧、年號。 津,字羅漢。 差,愈; 有一 所不 病甚 醉歸, 兄 〇台鼎,三公之稱, 敦 津 姪 ○播 第旦 也。 義 年 羅 美 凋,始 能守,行 恙 後凋, 寐。 津 讓。 疫、 字延 熾,盛, 過 病 列 味,不集 扶持 則 休, 0 癘 階 也。 六 ,謂後 假 聚 慶 昆 知 亦 +, 下, 皆 寢, 還 次, 季 北 於 疫 父 人 息 於 瘟 英公李勣,貴爲僕射,其姊病,必親 輟。 是異 謂弘 四四。 不先 嘗。 椿還 庭 每 取

並登台鼎。 言,異言也 未寄於兄,則不先食。 曰:「作脯。」坐定,其妻又曰:「叔 如星之有三台,鼎之有三 無間 有 弟名弼。 酗 亂切。 事 嘗醉 入口 曰 : 然 四 椿 命食, 許御切。 言 時 後共食。 椿 弘 間 嘉 叔射 酗 射 每 飯,上 、去聲。 味, 隋 然後 酒 殺 脯 家之内 近 狂 殺 吏 弘 輒 ,音府。 聲。 總麻之服 出 也。 牛。 部 ○京宅,宅在 食。 己 駕 食則津親 足也。 因 匙,音 或 直 尚 知 車 使 輟,音拙 弘 男女百口 日 津 猶但 牛。 書 次附之。 同 椿爲司 時。 聞 斜 爲 |炊爨,四世 牛 顔 也 肆 京 不 弘 色 弘 箸, 授匙 無 至,津 也。 徒,津 州 〇弘,字里仁,安定 自 輟 還 弟 所 音 總 Ŀ, 若 宅 箸,味皆先 射 酮 住。 若 怪 椿 不 **脉**味, 爲 ·分異 也 殺牛, 問 或 服 在 司 讀 其 使 好 美 一; 京宅, 先 未 空, 同 也。 書 妻 酒 去聲 味 寄, 飯。 故 唐 迎 也 而 間

爲

然火费

族皆不能若是。

夫」,未嘗敢

呼

姑、尊姑之夫,必曰「某姓 與其兄伯康友愛尤篤,伯康年將八十,公奉 「某姓幾丈」,亦未嘗敢呼字也。 呼外姓尊長,必曰「某姓 無饑乎?」天少冷,則拊其背曰 氣體虚,易寒易熱,故公撫問之勤如此。1○近世 火焚其鬚,姊曰 父,保之如嬰兒。 爲,去聲,下同。 僕射,唐宰相 曰:「豈爲 保之如嬰兒,愛之至也。 以道 字 姊 晁,音潮。 〇伯康,名旦。 也。 煑粥,復可 申 數,音朔。 : 戒子弟皆有法度,羣 無 顧,猶 其言 「僕妾多矣,何 人耶,顧今姊年老,勣 每食少 0 姑夫」,「某姓 第幾叔若兄」。 念也。 故家, 父黨交遊, 復,去聲。 吴氏曰:「奉之如嚴 得乎?」動,音迹。 老人腸胃弱,易 舊家。 頃 當時 〇司 (, 則問 「衣得 ○勣 惟,獨也。 故 馬 爲 家 必 尊 温 自 日 ,字懋 居 舊 故 日 姑 諸 公 苦 無 : 鲍 不消 謁,萬 也。 於此 因 車 故皆可以爲堯舜。 謂 滎公聞之曰:「世人喜言『無好人』三字者, 道。 者曰 以道、名悦之、澶淵人。若、及也。 字希仁、孝肅、謚 人也。」兩人相讓 予之。」尹召其子,辭曰:「亡父未嘗以白 百 黨交遊,父之友也。 長 趨 自賊者矣。 兩寄我者死矣,予其子,不肯受,願 某姓第幾兄。 讓,爲 老 ○包孝肅公尹京時,民有自言:「 而 3 石君必 萬石君石奮歸老於家 見路 肉袒 知之。」賊,害也。 便 馬, 也,宋廬州人。 固 朝 坐 蓋,疑辭。 姑,父之姊妹也。 古人言人皆可以 謝 稱姓、稱行、稱位 一,對案不食,然 服 必 久之。 罪,改之,乃許。 見之,不名。 軾 焉。 古人,謂 此,指讓金而言,猶言此等事 予,音與,下同。 尹京時,爲京尹之時。 子 尊 7,過 尊姑,祖之姊妹 孫 者 孟子。 m E 後 爲 不呼 子 宫門闕, 爲堯舜,蓋 某 諸 孫 小

家,惟

晁氏

因

相

易饑;

父,敬之至也。

薄乎?」 拊,音府。

之如嚴

得

如此

記?」動

亦老,雖欲數

爲

,音夜。

,封英公。

粥。

姓

第

幾

叔。

Æ

也

父

字

。 皆

厚

之

以

白

誚,在笑切

子

相

有

過

口

吕

〇公名拯

召其

子

人無有

不善

觀

吏,

必

下

爲,去聲。

肉 便室、設 坐、復食也。 袒 袒 而 衣露 食於案。 子 肉 也。 孫 · 對 之而 勝 固,再三也。 冠 不食, 者 自 在 責 側, 許,謂 也。 雖 長 許其 燕 老, 必 改 族之高 過, 冠 圃 年者。 申 己復 申

家,必 也。 如 訢 音 也 訢 銀。 訢 稽首俯 童 和 0 僕 悦 勝 也。 冠 訢 伏 訢 謂 和 而 年 如 則 食, 及 也, 易 冠 肆 如 者。 唯 故 在 燕, 謹 加 上前。 謹。 謂 勝, 燕 音升。 E 居。 時 其 申 執 賜 側 申 喪 食 音 和 哀 於 則。 緩

乎郡 首。 戚 必甚,子 稽 國 首 俯 孫 雖 伏 而 遵 齊、 後 教 起 魯 亦 食 諸 敬也。 如 儒 之。 質 萬 行, 稽,音啓。 石 皆 君 自 家 〇稽 以 以 爲 孝 不 謹 即 及 聞 吅

首

長子 也 行,去聲。○孝謹,即下宮門闕等事。 建 爲 郎 中 **令** 少子 慶爲 内 史。 齊、魯、二國名。 少, 去聲。

> 罷慶。 食。 衣。 假一 内 老皆走匿,而内史坐車中 袒,萬石君 史 日,以 厠腧,穢器。 洗,音緩。 慶恐, 慶 君 慶及諸 醉 知 洗身沐首。 之, 歸 肉 讓 滌,音狄。 日 不使親知者,共爲子職,而又欲親心 袒 人 以 子 :「内史貴人,人間 外 謝 爲 子舍,小 人 門 罪,不許。 嘗。 〇恙,病 里門, 不下 房。 恙 也。 趨 自 車 音 親 樣。 如, 至 舉 謂 漢法,在 萬 家。 萬 帬 宗 固 石 石 里, 當當。」 及 音 君 君。 外門 官 裙 里 兄 聞 五 中 日 乃 建 之不 中 安也 巷 帮,中 腧 則休 門 謝 長 肉 音

門,則 斤? 舊賓 斤。 慶者,許 舉宗,猶言闔族。 H 疏 客 乞骸 疾趨而歸,不但下車矣。 歸 不過慶 趣 相 鄉 賣 與 里 骨 以 而復食也。 娱 H 讓,貴 共 加 樂。 令家供 具。」疏、音疎。 賜 也。 黄 數 里門 金二十斤,太子 問 固當者,反辭以 具,設酒 其家: 即巷門。 疏 骸,音諧。 廣 食,請 爲太子太 言自 金 責之也。 餘 是以 樂,音 尚 贈 族 後 五 有 傅 人巷 謝 + 幾 故

取

親

中

幕

厠

牏

,身自浣滌

,復與侍者,不敢令

恙

每

Ŧī.

日

洗

沐

歸

謁

親

入子舍,

竊

問

侍

者

○郎中令、

内

史

皆官名。

建

老

白

首

萬

石

君

尚

無

<sup>0</sup> 少」,資講本作「次」。

促同。 切。 欲也。 以 則 孫倚之而 顧 且 「子孫 餘 太傅,官名。 子孫怠惰 所 子 閒 益 ,與凡人齊。 自有舊田 盡,宜從丈人 説,誘 〇老悖,年老而 廣 孫,不 暇 以 其 共,與供同。 君 冀 子 惠養老臣 過。 時爲 怠惰矣。 ,指廣。丈人,即廣所愛信之高年兄弟也。 也。 趣,音促。 孫 及 耳。 上疏乞骸骨,猶今之告老也。 欲 君 竊 且 廣曰:「吾豈老悖,不念子孫 廣言此計。 廬,令子孫勤力其中,足以 謂 益 時 悖,音佩。 夫 賢 言促 乖悖也。 今復增益之,以 其 )所勸説 其 頗 共,音供。 也 富 而 昆弟 立 過 賣餘金,以供 者衆 ,故樂與鄉黨宗族共享其 名 産 愐 財 令,平聲。 贏,亦餘也。 老 業 生 君 之怨 説,音税。 則 0 人廣 置 怨。 基 損 廣,字仲翁,漢 田 址 酒食之具 也 其 共,音供。 所 一吾既 八爲贏 宅。●」老人 一,今日 又此 志 爲,去聲。 娱,歡也。 衣食有餘 信 愚 「愛者 金者, 也。 餘 飲 無 而 蘭 復,扶又 共衣 食 哉 居歲 以 多 但 所,處 〇冀, 趣,與 陵 則子 日 人。 即 費 教 聖 財 教 1 : 與

賜,以 於前。 賓。 ○益 亮,晉潯陽人。 澤令,不以家累自隨。 富貴者易危,勤勞者嘗安,理勢然 猶罷也。 龐公,字德公,漢襄陽人。 未爲無所遺也。」表嘆息而 皆遺之以危,今獨遺之以 官禄,後世 薪水之勞。 `汝旦夕之費,❷自給 也, 增 赡 劉表候之,龐公釋耕於壟上,而 盡 也。 也。 壟,田 表指而 吾餘 遇 何 此 間 彭澤,縣名。 待 日,不 以遺 龐 也。 高 問 亦 公未嘗 處也。 人子 曰:「先生苦居 子 亦 劉 畎, 孫乎?」 龐 崔孝芬兄弟孝義慈厚。 也,可 爲難。 可 家累,妻子也。 表,漢宗室。 送一力給其 人 乎?」夫,音扶。 田 安。 城 也 間 去。 善遇之。」淵明 今遺此力,助 水道 府, 遺,音位,下同。 雖 也。 公日 畎 候,猶訪 夫 陶 力,僕 所 畝 子,書曰 妻 淵 遺 遺 猶 妻 相 樂,音 明 而不 「世人 也。 也。 不同 子 爲 敬 與 ,字元 給。 汝 彭 也 耘 如

「置」,資講本作「買」。

②「費」,資講本作「麼」。

錢尺

帛

不人私房。

吉凶

有

須

聚

對

分

給。

芬不

弟

老

細 氏 博陵人。 諸婦 (,若事所生。 一以咨決。● 亦 孝芬叔 相親 愛,有無共之。 振既亡後,孝芬等承 旦夕温 每兄弟出行,有獲,則 清,出 暐,音偉。 人啓 覲 ○孝芬 奉叔 家 尺寸以 事 母 北 Ē 李 朝

也 孝芬之叔 謂 尼反必 子 孫 名 面 非 振。 獲 公 温 得 服 也。 謂 不 冬温。 見 齊,與 開 凊, 也。 門 謂夏凊。 之内 〇 王 若 凝 啓 謂 常 朝 居 出必 廷焉。 慄 告。 如

此二十餘

歲。

凊,

七正切。

上,上

學。

賚,

雒代切。

0

F

皆人李之庫。

四

時分齊,李氏

自

裁之。

如

恕以待 婚 以 四 喪、祭。 教 四 勤 禮 説 治 儉、 見 也 恭、 嘉 言 勤 恕。 以 事 聖 事 IE ·, 儉 人 家 八之書 以 以 制 用 四 及公 、恭以 禮 服 處 冠、 己 禮

慄、音栗。

0

凝

,字叔恬,文中子之弟。

慄

、嚴謹

貌

御家

責望 和也。 爲壇以 爲宗 請紙 素。 不假 相 幼禮節 宅,召見 唐皆旌表其門。 每事亦不苟如此。 與 也。 經畫門巷 ,阮氏曰: 筆 族 果木 卑幼· 祭也。 北齊,北朝高齊 忍之,則家道 淮 乖 所 或有不備,更 以對,乃書「忍」字百 水 公藝,問 責望尊長之不均 戾 以 必 出 泰山 也。 「皆自足也。」營築垣 種 不 方 桐 植 協 雍 果木, 列 Ц 栢 ○張公藝九世 麟 也。 名。 縣 和 其 雍 Ш 日 中 德 必 和 所 睦 麟 天子所 尊 東 ,尊長貴望卑幼之不備 : 方 中,高宗 德,唐 矣。 以 責望,遂爲 長 整成 馳 能 無 韓 衣食 遥 至 屋, 更,平聲。 高 列。 荷 睦 餘 文公作《 H 宗年 遥 同 幸。 造設什 族 亂 以 封泰 千 或 蓋其爲 居 之道。 進。 號。 也 里 忍 有 北 乖 物, 不 董 争,苟 不 封、謂 山、幸其 耐 人不苟,故 其 齊、隋 假 必 能休。 均, 也。 生 是 公藝 意 借 唐 堅朴 行 更 封 紛 能 卑 以 也 相 土 東

日 淝 水 出其 側 不不 能 F 里,百 里 人 淮 流 州

器不假。

垣屋什物必堅朴,曰:「

無苟費

也。

不去

以

翼

來

覆

待

狗

歸。

乳

去

聲。

哺

音

步。

彷

音

皇。

躑

音

擲。

躅,

音

逐。

覆

敷

救

切。

0

天

庭

拾

蟲

蟻

哺

之不

食

鳴

聲

悲。

期。

家有

狗

乳

出

求

食,

鷄

來

哺

不

識

唯

有

天

翁

知。

生

安其孝,故不憂。

妻子樂其慈,

故

不

-怨。」 嗟:

廚

具

付旨

, 上 堂 問

起

居。

父

昊氏日

感

感

,憂愁

也。

日

不

得

息,

或

山

而

樵

或

詩

賦

imi

興

也。

嗟

哉

董

生

朝

出

耕

栢

Ш

唐縣。

淝

水,在

合肥

縣。

生

隱

居

行

義

於

淮

淝

心之間

時

之人不

能

與

安豐,縣名。 母不感 咨答,嗟 索,音色。 人董 南。 祥 儔。 天 其 水 日 彷 哉 夜 下 行,歌 子 徨 兒 董 歸 來 而 生 怨也。 韓子爲 貞元,年 感,妻子 瑞 徴 讀古 躑 生 漁。 不 召 〇公, 類。 無 啄 孝 躅 租 聞 南 父母 作 號。 久 啄 休 且 人 人 名 更 名 隱 此 桐 也。」〇 至,則 平旦 鐘 講 及 有 生無 將與 中門之北。 綽,字子寬。 將與儔」,疑而問之之辭 君之禄, 翁 慈之行 家法。 議居官治家之法, 羣從弟 ,然後歸寢。 猶言老天。 輒 與 儔? 命一 ,獨天知之,故祥瑞見於異 唐 儔 出 河 而 綽,尺 再 人子 中 時之人夫 至小齋, 東 令父母 乳,生子 會食, 公綽決 門 倩,音紬。 約 節 弟執 東有 諸子復昏定於中門之北。 切。 度 也 也。 自 愁。 使 0 諸 私 或 小 經 ○儔 妻 旦 河 柳 F 躑躅 事 子 東 史,躬 齋 論 公綽, 句「無與 至莫,不 相 亦 仲 自 元 文, 類如 道 接賓客, 跳 獨 虐、兄弟 郢 名 也。 貌。 或 非 讀 何 此。」 皆 (儔), 在 朱子 節 聽 吴氏 朝 心 離 束 公 度使 嗟 琴,至人 過。 ? 謁 Ė 與 帶 卿 小 爲 哉 日 順 之日 :「上句「誰 弟公權 晨 官 間 齋。 決之之辭 嗟 讎 董 訖, 名。 董 省 哉 最 生 生 定 燭 於 名 董 誰 食 每 公

索錢。

行如字。

淝,音

肥。

召,音

部

愈,字退之,謚

文,唐

昌

黎

人。

董

生

名

召

屬

縣

有

安

(豐。

唐

貞

元

年

時

縣

居

行

義

於

其

中

刺

史

不

能

薦

禄

不及

門。

門

外

惟

有

吏,

0 [休], 資講本作

+

未

嘗

見

其

啓

监

爲

搢

紳

家

楷

每

歸

覲

不

乘

金

屣

以

隨

常

命

賜

諸子,每

永

夜

少、去聲。

衣,去

奩,鏡匣 業未成, 食,曰:「昔吾兄弟侍先君 公權,節 從,去聲。 ,胡結切。 盒, ※嫠者, 爲言, 未嘗 何 ,節度言也。 節度 其 公權莫歸 通 餘 纈 如 度之弟,字 也。 衢, 不 法 年, 莫,音暮。 也。 仲郢 嫁 文 雖 不 事公 束帶。 〇姪,謂兄弟之女。 纈文絹 絹 聽 不 必下 疎 未嘗 父没稱先君。 以上言家法之在外者。 終不 失 爲 遠 食 必必 ,誠懸。 小必 離 肉, 馬,端 權 時 資 繫絹染爲文者。 爲 東 以 、裝。 。」嫠,音離。 、去聲。 如 日 京 爲 吾 其 帶 官 事 變易。 不 兆 聽,猶許 擇壻嫁之。 笏 達 迎 常言 遇 公綽。 〇仲野,節 敢 尹、 孤,無父者。嫠,無夫者。 候 立 有 饑歲,則 爲 志 小 於 候 鹽 也。 丹州 朝 及公綽卒, 爲,去聲。 也。」食,音 馬首。 公權 改。 「必待資 鐵 非 公綽妻韓氏, 音 度之子 姑姊 使,出 潮。 甚 刺史,以 皆 莫,音暮 諸子皆 過, 病, ,字》 公權 盒, 用 郢, 妹 似 乃 見 仲 裝 刻 遇 输蒙 音 姪 音 郢 廉。 穎。 上 豐 木 有 學 蔬 公 公 屢 0 0 式。 聲。 常衣 知愛其 碧 範。 世 能 畜,許六切。 食、設廣 言家法之在内者。 子,竹轎也。 宰相之稱。 習學含之,以資 粉苦參、黄連、熊膽和 相國 百 至二 興 守 餘 秖,音止。 婦人謂 " 概 更 先 共 絹素,不 歸 休之曾孫。 (類,和 一百餘 法 柳 席,長 乘 一嫁日 休,其名 二青衣,二僮使也。 久 爲,去聲。 氏 順之所感 竹 牢 兜,當侯切。 口 而 歸 三 食, 兜子,二青 用 猶 不 年, 幼  $\bigcirc$ 也。搢 勤 啓齒 綾 家法 衰 也。 以 苦。 ○陳氏名褒,南唐人。 江 同 羅 無 者 犬不 笑也。 次 紳, 州 居 錦 嚴 屣,音 少 ○温 楷,口 爲 工共爨。 坐 唯 陳 搢 繡 肅 長, 至 衣 笏垂 丸 而 屣,徐行貌。 故 氏 歸 洗。 儉約 公日 駭切。 , 諸 步 共 覲

備

纈

粧

孤

E

馬。

其

以

李

相

家

子

孫

數

田

袁

뫲

舍所

收

權

導

權

於

紳

也。

楷範

言

法

歸

寧父母

也。

竹

兜

資,助

也。

此

和,去聲。

相

國

宗族七百口

每

食之。

有畜

犬爲之不

食。

十世同

居、犬

或

朝

公

卿

之子,字昌武 規 姻 及 ,滁州人。爲宰相 喪 有官者俸禄,皆聚之一庫 模大抵出 邸 (葬所 ,音底。 ,費皆有常數,分命子弟掌 ○國朝,温公自謂 一於翰林學士宗諤所制 ,故稱李相。 邸舍,客店也。 本 朝也。 計 李相 日 其 也。」相,音 ,名昉,字明 給 宗諤,李 事。 師,婚 其 相

右實明倫李氏曰:「首十章,實父子之親。 一章,通實五倫之義。」或問此篇似少朋友章。 一章,實展幼之序。次一章,實朋友之交。後十 十章,實是幼之序。次一章,實朋友之交。後十

或問 而 舉,心不能忘,而亦終不用也。吾兄子嘗病 有 夜十往,退 與吾千里馬 竟夕不眠。 第五 ,名,字伯魚 倫曰:「公有私乎?」對 而安寢。 若是者 ,漢京兆人。 者,吾雖不受,每三公有所選 ,豈可謂 吾子有 爲司空,以公正稱。 無私 疾,雖 乎? 日 不省視 :「昔人 一第五 周以 太

> 好禮 婢 師、太傅、太保爲三公。 尹、左馮翊、 妻子,若嚴君焉。 朝,音潮。 倉,上聲。卒,音村,入聲。 異,乃徐言曰:「羹爛汝手乎?」其性度如此 夫人欲試寬令惠,何當朝會,裝嚴已訖,使侍 段會省察了。□○劉 私,這便是避嫌。 取舉意思不過,這便是 竟,終也。 以爲儀表。 恚,怒也。 奉肉羹,翻污朝衣,●婢遽收之,寬神色不 矜嚴,矜莊 動 朱子曰:「不薦自是好,然於心終不忘,便是喫他 奉,音捧。 裝嚴,謂裝著嚴整。 右 止 扶風 有 好,去聲。 而嚴厲也。 別,居 只是他見得這意思,已是大叚做工夫,大 爲 寬 污,去聲。 三輔 私 及在 雖 東漢以 意。」又日 處,去聲。 處 嚴君,尊嚴之君長也。 居 ,共治 遽,音句。 幽室,必 鄉黨,詳言正色,三 倉卒,未嘗疾言遽色。 異,變也。 太尉 ○寬,字文饒,漢弘農 長安城中。 "「如十起與不起,便是 ○湛,字子孝,漢平陵 司 志,音惠。 徒、司 自 修 儀 張湛 整,雖 空爲三公。 表 漢以 伺,音似 猶言 矜 京 人。 輔 遇 嚴 兆

● 「衣」,資講本作「服」。

六

音平。 屬吏也 湛曰 步。 如 式。 也 建 : 主 妼 武 「禮,下公門,式 恂恂,信實之貌。 音亦。 簿 父母之國,所宜盡 初 進 日: 爲 〇建武,年號。 左 明 馮 府 翊 〇楊 路 位 告 寺,官府之稱。 馬,孔子於鄉 尊 禮 震 歸 德重 一何謂 所 平 舉 一,不宜 陵 荆 輕 州 望 哉 主簿 茂 寺 黨 自 才王 恂 門 輕 馮 馮, 怕 飒 而 外 侃 著 學

容獨 人。二〇茅容與 何謂 震,字伯起,漢弘農人。 密。 危 熊氏 無 坐 知?」密 日 愈 恭 一等輩 明不欺 愧 郭 當爲 避 天 林 而 **数** R 荆 去。 宗行見之, 樹 州 不 刺史。 欺 下,衆皆 遺,音位。 神。 故人,震自謂。 内不欺 而 夷 莫, 奇 踞 心 音暮。 外外 其 相 異, 對, 不欺 君, 0

夜無

知

者。」

震

日

一:「天

知

神

知,

我

知,子

知

故人知君

君君

示

知

故

何

也?

密

日

莫

:

昌

邑令,

謁見,懷金十斤

以遺

震。

震

日

:

遠 膝 人。 敏 皆此 力中 故朝夕運 平聲。 勤 近 危 蹠 莫運 爲 仕至太尉。 而 書疏 原,過 卒 坐。 類 廣 坐也。 於 ○容,字季偉 以 甓 也。 州 吏 於 以 成 ,莫不手答,筆翰 閫 刺 職 爾 習 齋 林宗,名泰,太原人。 甓,音闢。 德 外 甓,磚 史, 勞 優 内。 多 恭 也。 逸 ,漢陳留 夷 在 也。 事, 而 本 人問 州 後 恐不 近 莫,音暮。 作 千 無 爲 人。 禮 時 跠。 其 緒 堪 事 中 ,愛好 荆 夷踞 故, 原 踞 事。」 萬 州 如 ○侃"字: 輒 異 陷 音 端 答 刺 流 没 調 蹲 朝 人倫 據。 其 坐 日 史。 異 侃 運 未 罔 也。 勵 於 爲, 欲 士 百 終 有 衆。 致 行 志 侃 去 吾方致 危 甓 遺 力 坐 勤 學。 晉 日 性 興 於 一,以尻 漏 力, 鄱陽 斂 復 期 令, 齋 陶

飯

林宗起,拜之曰:「卿

賢

乎哉

因

勸

**\$** 

宗

謂

爲己

設,

既

而

供

其

母

自

以

草

蔬

與

客

同

遂

與

(共言

因

請

寓

宿

且

日

容殺

鷄

爲

饌

林

處

江

左,

以

荆

楚

爲

或

之西

F

故

H

關

外。

常

語

下「疏

平聲。

○愛好人倫

,尚名教

也。

閬外

謂

邦域之外

引

接

疏

遠

門

無

停

客。

閘、苦

本

切。

上

疏一、去

聲

嘗

维

滯

左」、霍刻本作「右」。 磚 刻 本作

得

令長

餘

得

\$

終

爲

幸。

其

後

勃

溺

南

鄰

投

潁水,賓

Ŧ

被

誅

炯

終

盈

JII

**令** 

皆

浮躁

淺露,豈

享爵禄之器耶?

楊子

沉

致

遠

一、先器

識

而

後

文

〈藝。

勃

等

雖

有

文

賓王

皆有文名

一,謂

之四

傑。

裴行

儉

日 談

養其

虚

望

也。」〇

王勃

楊

炯

盧

照

而 0

無

、實也。 一廢事

攝

簡

束

也。

養望

通

鑑

》作

跣

足。

蒱樗,蒱

博、局

戲、雙陸之類。

浮華,謂老聃、莊

戲

蓬

運頭跳

足,皆老莊尚玄虚、

、棄禮

頭

養

望

自

謂

弘

達

耶

?:」蒱,音蒲

下

同。

行

也

君子

當當

Œ

其

衣

冠

攝

其

威

儀

何

寸陰,至於衆人當惜 王之法言,不 :「樗蒲者,牧 法之流弊。 逸遊 博之具, 周之言,虚 樗, 如 諸 死 「士之 才, 海 静 鄰、 行 音 有 參 無 荒 吴氏 樞。 駱 醉 儉 照 應 丽 蜀 可 佐 分 聞 郢當爲 熏香。 之言。 馬 郢 官不奏祥瑞,不 自公而 齋,未嘗不束 屏 既 柳 夫 丈,皆許納拜,未嘗笑語欵治。 孫。 嗜慾,不顧前後; 長,令尹。 器,器局。 蔽之義 以禮 然。 衣不熏香 公 至,每出 懦,柔弱 綽 退 Ш 公退必讀 戡,音堪。 躁,音竈 也。 南、劒南、天平三道節 律 也 居 令終,善終。 識 身, 也。 外 釋,捨 其門 儉 識 入,常於 也。 藩, 見。 帶。 言其 居 得列戟,故 懦 湖, 度僧道,不 也。 家 讀 浮 其 書,手不 勇 三爲大鎮 音 於利 盈川 :躁,不 音 書 無 於爲 端 子 糯。 匿。 不 戟門外下 坐 事 釋 縣名。 每 與 沉 日 義 度使  $\bigcirc$ ,拱 卷,勤 〇行儉,字守約,唐 戟門。 )戡,字 静 人 禄 亦 釋 而 手 貸贓 也。 境 端 則 東帶 故日 怯 卷。 也 廐 於 畏 君 淺 坐 外藩 孔 馬 郡 受也。 趨 勝 無 避 露 家 拱 敬 廐, 戡 一爲大鎮。 利 吏法, 邑 良馬,衣 孔子三十八 不 退 法, 手。 呼 謂 禄 也。 音 於爲 未 深 如 節 幕 救。 句。 此。 度 嘗 絳 廐 凡 賓 也。 出 公退 使, 如 義 柳 州 無 知 理 在 不 内 爲 人。 若 仲 儒 良 仲 世 4

猪奴

戲

耳。

老莊

浮

華,非

先

或以

談

戲

廢

事者,

乃

命

取

其

酒

器補

悉投之于江

一,吏將

則

加

鞭

朴,

日

於後

是自

棄

也。

語

去

聲。

0

陰

光

陰。

陰。

豈可

逸遊荒

醉

生

無

益

於

時

E

「大禹

.聖人,乃惜

交代之際,食儲帑藏必 孤,有 必 貴免, 水 卓 舘 傳 必 先 必 增 期 飾 假 宴 貨, 盈 賓 溢 廩 女 固 拒之,然妖物必與 有 涯女嫁實氏者。 招 禍之道 禍隨 歸 謂 則 歸 名言也。 熊

貫,音 法。 餉。 溢 貨,寬 精豐,不 逸。 世。 「皆爲」之「爲」,去聲。 也。 傳,朱 待欠也。 假 戀 貸, 切。 謂 貰 以 犒, 除 錢 П 也。 穀借之。 到 切。 館 〇在官以下,皆柳氏之家 "客舍。 帑,音 廩, 倉 傳 倘。 廩。 馬 藏, 軍 驛。 食 去 犒, 聲。 軍 其

選

壻

出

俸金

一爲資

裝嫁之。

貸,音泰。

逋,奔

謨

切。

可

久

乎

?

球,音

求。

0

婚

姻

會

因

婚

姻

而

燕

會

也

於

始

至。

境

内

有

孤

貧

衣

纓

家女及笄者,皆

爲

犒

軍

必

華

盛

而

軍

食

必

精

豐

一,逋

租

藩

府

急

於

濟

貧

邮

氏 勞 日: 也。 及笄,年 儲,蓄 食儲 帑 十五 也。 藏 者。 帑 盈 ∺藏,皆 溢 熊 一於始 氏曰: 庫名 至。 所以 不 出 納 奏祥瑞, 貯 有 金帛者。 籍,用 爲諂上 無所 衣 纓 也。」吴 私 猶 而 簪 致

於女惜。 寶氏 隨。」女子 萬錢。」王 女歸 柳 玭 請 **三**: 但 日 日:「玉 七十 釵 敢 王 七十 言。 相 萬 I 或 女, 萬 錢 貨 涯 一音汝 方居 此 我 釵,奇巧,須七十 妖 復,扶 相 物 月俸 位 必 又切。 金 掌 與 耳 利 禍 贵 權 相 Ŧ

涯

唐

译相。

掌

利

權,謂

其

兼

度支鹽

鐵

権茶等使也。

實氏

以

珍

玩

奇貨爲

物之妖,

信

知言

矣。

徒知

物

之

0

不

復

王嘆 一前 時 日 釵, : 「馮 爲 也。」數1 爲 馮 郎 外 月,女自 吏,妻之首飾 郎 妻首 婚 飾 蓋妖 、氏日 姻 矣。」 會 巧 有 之物 歸 涯 乃 七 實 告 + 馮 靳 E 球 所 嗇 萬 錢 託 也 競

馮 福 ,馮 爲 賈 召 相 面 餗 勗 門 之。 未 最 浹 密 旬 賈 馮 有 晨 蒼 謁 賈 頭 有二 頗 張 青 威

竟不 衣 捧 知 地 其 黄 繇。 酒 出 餗 飲之,食 音 速。 勗 頃 音 而 旭。 終。 浹,音 賈 爲 接。 出 飲, 涕 去

奴僕以蒼爲巾 賈爲」 之「爲」, ,故曰 蒼 去聲。 頭。 勗 0 勉 賈 也。 餗 亦 浹 宰 周 相 也。 密, + 親 日 密 爲 旬 也

二青 頃, 衣,二 飯之頃 童 也。 使 也。 球以 地 奴張 黄 藥 威 名 福 無 恐 爲 毒, 主 蓋 雺 他 故 酒 戒之。 詭 稱 耳。 奴 恐 食

垢。 球告主, ○遘 故 遇 毒殺之。 也。 涯 餗 又明 皆爲宦者 年, 王、 仇 土 賈 良 皆 所 殺 遘 禍 噫 遘, 王 音

下矣。

范

文正

公少有

毀譽歡

戚,不一動

其

孝先,宋青州

人。

仕

至

宰

相。

在

飽。」解,去聲。

場,言鄉試、省試、廷

試

,皆第一

省、廷試皆爲首冠,或戲之曰:「狀元試三 生喫著不盡。」公正色曰:「曾平生之志,不 而不知,五戒也。」〇王文正公發 權之隆赫,禍機所伏 冠,去聲。 足言矣。 赫之妖甚於物 作,作 心 獲,指蒼頭。 正 謂 赫不可恃,二戒 欲終始 大節 保身,四戒也。 謚文 也。 知 其 .戒數端。」熊氏曰: 愐 理之言也。 著,音酌。 (家,盡 慨 正。 志不在 」, 其 賈之臧 然 門客,指馮 富 狀 於 有 忠 貴, 温飽,則 元,指公。 耶! 也,故謂 也。 志於天下。 富 盡 嬖臧獲,張威 〇公名曾,字 獲 所 忠所 貴 其 溺愛而 害門 事 解、南 球。 貧 在安天 「珍玩 (事,謂 之妖。 可 馮 而 試三 一場, 賤 廡, 得 客 以 不 不 嘗自 當 樂 危 爲,未嘗有不 自 害 滋 自 嘗坐一木榻,積 必盡其方,而 盡其方也。 聖賢不能必,吾豈苟哉!」自信,守其正也。 仁人之心如此。 而不散,失而不戚也。天下未憂而先憂,天下已 動其 坐如 我者 味, 司 爲 少 膝 而 趨捨。 講 馬 樂也。」少,去聲。 誦 處 跪。 心,謂富貴不慕,貧賤不厭,毀之不怒,譽之不喜,得 無疾言 皆穿。 學 ,當如是。 曰:「士當先天下之憂而憂,後天下之 温公嘗言:「吾 箕股 事上待人,一以自信 即即 成敗不苟焉。 其有 其事上遇 遽色, 可 謂 以 股,音古。 對 兩展其股 五. 治 所爲,必盡 其 十餘年,未嘗箕 人言者 心 無 譽,音于。 成 養 容心於其間, 窘 ○寧,字 ,狀如箕 與否,有不在 人,一以自信, 無 性 步 耳。」誠 丽 過人者 爲 不趨 其方。 無 樂、音雅、下同。 也。 本。 幼安、漢高士。 惰 利 而 有 不 容。 但 寡 틴 股

盡心於

也。 也。

奴曰

臧

,婢曰

知言,本謂

知言之是非

", 此

則

堂下周

屋 餗

此

雖

事

奇貨不可

貪,

戒

也。

恩權隆

福 能

,害門客

正家,三戒也。

失言而

不能

乎?

廡,音武。

〇恩

於

牆

廡

之間

而

不

知,

卑

位

貪

寶貨

已

不

能

妖

而

不

知

恩

權

隆

能

保

其身,斯

亦不

嗜

慾,

薄

凡嬉

笑

正獻

公

其

榻

古人

管

噬

避

害。

有

所

爲

行

法

俟

命

平

生所

日:「爲之

]樂而

後

〇不

不

擇

利

我

、者,雖

如

是

之所 先生終 性之事。 放 應,遇 力行 EI ... 窘, 臣隕 游宴,以至於博奕 俚近之語 行之者,公曰: 忠定公見温公, 好,即此 iffi 公曰:「自不 心也。 明道先生作字 專 温公所謂 行,與 七年 和 欺也。」 事 切。 日端 窘,迫促也。 氣 是學」。 坦 性、養其德性也。 俚 丽 然,常有餘裕。 劉 未 凡 誠 坐, 塑, 音里。 後 公初 妄 嘗 即 所 音 「其 成。 如 大學 語 出 言, 間 朱子曰: 時甚敬,嘗謂人曰:「非 素。 俚 泥 伎,音 奇 甚易之,及退, 始。」忠定,元城 盡 諸 誠 圖。 所 塑人, 玩 〇終 自 自 乎 口。 心 俗也。 謂 自 忌。 淡 此 相 誠 !」劉公問 行己之要,可 「此亦可以收放心。」 「寡嗜慾」以下,當治心以 日 言 掣肘矛 然無 易,音異。 於 好、去聲。 及至 其 端 伎,巧 意 行 坐 世 一者,指 接 所 利 戲也。 如 先 面 好。 致, 生謚 泥 盾 人, 紛 榮、音隱。 行之何先, 0 塑人, 自檃括日 人之實 者多矣。 華 治心,收其 表裏 〇明 少 山。 以 則 ,去聲。 終 欲字 聲 敬 渾 朱子 其 掣, 也。 身 劉 是 道 伎 相 眷 心

去聲。 進。 括,皆制木之器也。 昌列切。 黄白 直也。 仲 時 人而盾蔽之,不 能運也。 無 車父早卒,盡孝於母。 見安定先生,退,頭容少偏。 亦不移。 曰:掣,挽也。 頭容直!」某因 撥便轉,終身不爲惡也。」〇文中子 體 車 長 其學 初從安定胡 不 物 ○易之,以 無 自此 肘 矛、有鉤之兵。 御。」 焉 欹 音帚。 欹,音欺。 以至誠 例,肩 綺 肘 不敢 能 婦 潔,謂不垢污。 羅 不 傷也。 臂 矛,音謀。 妄語 自 錦 節 背 朱子曰:「這樣人,都是資質美,所以 有 自思,不獨 爲本,事母至孝。 疎,音聳。 相掣 則 先 也。 繡 邪 盾,即今傍牌也。 爲 生 疎 有青 ,不入於室,日 肘 易 掣 心。」卒 一學,潛 直 劉 肘 矛 盾 也。 一,身不 碧。 盾, 長,剩 公見 ,汝允切。 調 〇敬 揉 肘欲運 响言 安定忽厲聲云: 頭 謚 曲 心力行 也。 絜、音潔。 而已 者 少 賓 之服 容直,心亦 節 行 矛盾 E 「言行 無長 動 矣。 客 動 相 孝 自 檃 m 違 先 儉 言 謂矛欲 物 人挽之,不 談 不 〇徐 至 也 正 長,音丈。 君 」之「行」, 生。 以 方 謂 復 手 論 子 吴氏 儉潔 要 初 積 足 非 仕 踰

○儉,謂不華靡。

公宜 旋,回 此 也。 子 僅 列 所 事 貮,不兼設也。 翰林學士。 載,音恣。 之外,無所 孫。 衣 容 親 則已寬矣。」公名流,字太初,位宰相,謚文靖, 第,第宅。 雖自信清約,外人頗有公孫 轉 旋馬。 ○張文節公爲相,自奉 玉食,何 少從衆。」公嘆 或規之曰:「今公受俸不少,而自奉若 〇李文靖公治居第於封丘 也。 速 此爲宰 齕,音核。 柳 增飾也。 客 奢 次銖、給事中。 隘,窄狹 玭 羹,肉羹。 不 封丘,宋都門 或言其太隘,公笑曰:「居第當傳 、儉難 患不能? 日 輔 黄白 羹 也。 匏, 音庖。 廳 載。 高 日 ,麻絲自然之色。 事 献,肉臠。 太祝、奉 吾今日之俸豈 次 侍 名。 誠 錯,禮部侍郎。 夕 郎 顧人之常情,繇儉人 吾今日之俸,雖舉家 隘,爲太祝、 食、齕 廳所以治事, 兄弟三人, 禮,皆世蔭之官。 高氏兄弟,唐人。 如 齕 河陽掌書記時。 一、猶嚼 門 蔔 青碧, 布被 也。 外, 速,召 匏 能 故日 奉禮 俱 葡、 而 染造使 廳 常有 之譏。 宋雒州 也。不 長針, 已,太 己。」 廰 事 匏 居 事。 廳 前 清 皆 然 被

身豈能常存? 初爲河陽掌書記,後爲宰相。 身存身亡如一日乎?」公名知白,字用晦,宋滄州人。 儉約,亦疑其詐,故引是以譏之。 久,不能頓儉,必至失所。 、汲黯曰: 「弘俸禄多而爲 一旦異於今日,家人習奢已 布被,此許也。」或人見文節之 溢文節。 頓,遽也。 豈若吾居位去位 漢丞 〇温 相公孫弘 公日 爲 布

巡也。 棗、柿,肴止於脯醢菜羹,器用甆漆。 按。 之,以爲鄙吝,故 數日營聚,然 異,食非多品,器 情厚。甍,音慈。數,音朔。 大夫皆然,人不相非 行,或五行,不過七行。 先公爲羣牧判官,客至,未 〇内法,謂宮内造酒之法。 近日士大夫家,酒非 後 敢 不 M 發書。 隨 非 也 俗 滿 〇温公父名池,字和中。 酒沾於市,果 營,辦也。 奢靡者鮮 案,不敢 會數 苟 内法,果非遠方珍 嘗 或 面 不 聚。積也。❶ 不 禮勤 會賓 置 然, 矣。 酒。 止梨、 當時 人争 物 友。 案,亦作 行,猶 薄 非

● 「積」、霍刻本、沈刻本作「集」。

板切。 敢服 敝 得菜根,則百事可做。」胡康侯聞之,擊節 乃簪一花。平生衣取 喜宴獨不戴 美之服,輒羞赧 性不喜華靡,自爲乳兒時,長者加 能禁,忍助之乎!」居位,謂 召客之書。 ○温公曰:「吾家本寒族,世以清白 壞, 垢敝以矯俗干名,但 矯,音皎。 矯,拂,干,求也。 嗟乎 花。 0 赤, 叨 棄去之。 同年曰:『君賜,不可違也。』 風俗頹弊如是,居位者雖 也。 ○汪信民嘗言:「人常咬 蔽寒,食取 聞喜,進 |順吾: 居相 年二十忝科名 位。 性而已。」 士宴名。 時公已作相 充腹,亦不 I相承。 以 金 垢,污 一赧,乃 銀 嘆 聞 矣。 華 吾 不

賞。

信民,名革,宋臨川人。

康侯,文定公字也。

人能

计滑

泊,而不以外物動心

,則可以有爲矣。

擊節,一

説擊手指

節

説

擊器物爲節

皆

通。

嘆

嗟

嘆。

賞,稱賞。

朱子曰

學

心

輕矣。

況衣食外物至微末事,不得未必便死,亦何

用

犯

者須常以[志士不忘在溝壑]爲念,則

道

義重,而

計較

死

生之

犯分,役心役志,營營以求之邪!

某觀今人因

不能咬菜

根

至於違其本心者衆矣,可不戒哉!」

而

右 次七章,實威儀之則。 實 敬 身李氏曰: 次 「首十四 章,實衣服之制 [章,實心 術之要。 末

六章,實飲食之節。」

小 學 集 註卷之六終

# 童蒙須知

[南宋] 朱 熹 撰

目録		雜細事宜第五	讀書寫文字第四	灑埽涓潔第三	語言步趨第二	衣服冠履第一	重蒙須知	校點説明	<b>录</b>
	Δ	=	0 0 0 0 0 0 0 0 0 0 0 0 0 0 0 0 0 0 0 0	0 0 0 0 0 0 0 0 0 0 0 0 0 0 0 0 0 0 0 0	0 0 0 0 0 0 0 0 0 0 0 0 0 0 0 0 0 0 0 0	9 8 8 9 9 9 9 9 9	8 8 9 8 9 8 9	:	

書》、清同治至民

或 間

刊本)等;

書

名作《訓

齋 規》

#### 校 明

能」。 好 而 定,涵養純熟」,成年之後,才能 飲食之節,養成正道、「於灑掃應對進退之間,持守堅 基礎、學會謹守心 尤重於蒙學教育。 作爲教育家的朱熹,一生有關教育的著述甚多, 童 基於此、朱熹寫了《童蒙須知》,以規範兒童 一蒙須知》,一作《訓學齋規》,一卷,宋朱熹撰。 術之要、威儀之則、衣服之制和 他認爲,兒童接受童蒙教學打 通 達事物」,「無所

膠 歷 本主要有元刊《居家必用事類全集• 主要版本可分爲兩個系統。書名作《童蒙須 州 代少見單行本,多見存于各種叢書之中。 刊《東聽雨堂刊 是書始刻於何時,今已不可曉。 雨 何時 軒 刊本)、《西京清 書 儒 先訓 要》(清光緒 麓 叢 又因篇 書 甲集。 續 二十 編 知》的 幅短 爲 現 學》、 存的 七 小, 版

校

點

説 明 思想品行、言談舉止。

《居家必用事 必 之處,尚請讀者不吝賜正。 集補遺》及《説郛》本等,訂正了 須知》《《東 際清等刊本)、《張楊園先生集 刊本)、《青照堂叢書摘次編》(清道光十五年朝邑 的 清同治十年江蘇書局刊本)等。 `版本主要有明朱培《文公大全集補遺》卷七、《居家 備家儀》(明刊本)、《說郛》(清順 聽雨堂刊書 · 儒先訓要》本)爲底本,校以 \*類 全集》本及《訓學 一些訛誤。 齋規》系統的 此次校點,以《童蒙 楊園 治三年 先生經 宛委山 疏漏不 《大 IE 録 全 堂

校點者 嚴文儒

417

#### 童蒙須知

理 蒙 雜 步 盡 須 細 趨 知》。 事宜 性之要,自 ,次及灑埽 夫童蒙之學,始 ,皆所當 若其: 涓 修身治心,事 有 知。 潔,次及讀 聖賢 於衣 今逐目條列,名曰《童 典 訓 服 冠 昭 親 書 然可 履 接物,與 寫 次次 文字,及 考, 及 當 夫 語 窮 次 有 言

#### 衣服冠履第一

第

曉

達,兹不復詳著云。

先人常訓 服 、腳緊。」 鞵 大抵 韈 ,皆須收拾愛護,常令潔 子弟云:「男子有三緊,謂 爲人,先要身體端整。 一頭謂 頭 巾,未冠者總髻 净 自冠 ; 腰謂 整 頭緊、 齊。 市 以 腰 衣 絛 我

> 寬 或 一个件 慢。 束 寬 腰 慢 , 腳 則 身 謂 體 鞵 韈 放 肆 , 此三者 不 端 嚴,爲 要 (緊束, 人 所 不 輕 可

賤矣。

凡著衣服,必先

提整衿領,結

兩

社

紐

帶

不可令有闕落。飲食照管,勿令污壞;行败

月 看顧,勿令泥漬。

致散 頓 洗 澣 放 失。 ,則不爲塵 凡脱衣服,必齊整摺疊箱篋 破 綻 著 衣 則 既 補 埃 久, 綴 雜 之, 穢 則 所 不 儘 污,仍 免 補 垢 綴 膩 易 無 於尋 中,勿散 須要勤 害 取,不 只 勤 要 亂

完潔。

勿令有所濕。

凡

盤

面

必

以

巾

帨

遮

護

衣

領

捲

束

兩

袖

凡就勞役,必去上籠衣服,只著短便,愛

護勿使損污。

蝨,不即 凡 日 敝 中所 壞。 著 苟 衣服, 能 如 此 夜 則 臥 必 不 更,則 但 威儀 不 可法 藏蚤

以儉化俗,亦其愛惜有道也。此最飭身之一舒緩。又可不費衣服。晏子一狐裘三十年,雖意在一若父母

要,毋忽。

#### 語言步趨第二

至。 向者當是偶爾遺忘」,或曰「當是偶 默,久卻 上檢責,或有過誤,不可便自分解,姑且 所教督,但當低首聽受,不可妄自議 緩,不可高言諠鬨,浮言戲笑。 凡爲人子弟,須是常低聲下氣,●語言詳 若爾,則無傷忤,事理自明。 徐徐 細 意 條 陳,云「此事恐是如 父兄長上,有 至於朋友 爾思省未 論。 此, 隱 長 0

凡行步趨蹌,須是端正,不可疾走跳躑。包藏,不應便爾聲言。當相告語,使其知改。凡聞人所爲不善,下至婢僕違過,宜且

分上,亦當如此

若父母長上有所唤召,卻當疾走而前,不可

### 灑埽涓潔第三

所。 嚴肅 散亂 文字,皆置簿鈔録主名,及時取還。 案,當令潔净。③ 文字筆硯,凡 父兄長上坐起處,文字紙劄之 ,當加意整齊,不可 整齊,頓放 凡爲人子弟,當灑埽居處之地,拂 有常處,取 輒自取用。 用 既 百器 畢,復 屬, 用,皆當 牕壁、 几 凡借人 拭 置 或 有 元 几

全

<sup>···「</sup>是」、《大全集補遺》、《居家必用事類全集》、《説郛》\*\*

<sup>≇》、《</sup>說郛》本改。 集》、《居家必用事類

作「常」。作「常」。《大全集補遺》、《居家必用事類全集》、《説郛》本

源子 雅 案文字間 潔 弟 ,切宜深戒 職。 ,不可書字。 書几 書硯 自 前 黥 輩 其 굸 面 2 「壞筆 。此 爲 污 最 墨 不

## 讀書寫文字第四

嘗謂 字,不可牽强暗記。 浪 在 細分明。 書 法,●心 自見。」謂讀熟則 上口,久遠不忘。 此 字,不可少一字,不可多一字,不可 册 誦 讀書有三到:謂心到、眼到、口 整 凡 讀,決不能 則 讀 齊 到最急。 眼不看子 讀之,須要讀 頓 書,須整頓几 放, 正身 記,記 心既 不待 古人云: 細,心眼 只是要多誦 體 到矣,眼 解説,自曉其義也。 亦 對書册,詳緩看字,子 案,令潔净端 得 不 字字響亮,不可 既 能 「讀書千 不專  $\Box$ 久 也。 豊 遍數, 一,卻 一不到乎? 到。 遍 正。 ,其 自 心不 倒 到 只 之 漫 義 誤 將 余 然

> 江 禄,書讀未完,雖 凡書册須要愛護,不 有急速,必 可 損 待 污 掩 縐 束 摺 整 齊 濟 陽 然

後起,此最爲可法。

一汁污手。高執筆,雙鈎端楷書字,不得令凡寫文字,須高執墨錠,端正研磨,勿使

畫,嚴正分明,不可潦草。 凡寫字,未問寫得工拙如何,且要一筆

手指

著毫。

墨

凡寫文字,須要子細看本,不可差訛。

### 雜細事宜第五

凡子弟,須要早起晏眠。

凡諠鬨争鬭之處不可近,無益之事不可

作「中」。

爲。 謂如賭 博 、籠養、 打毬、踢毬、放風禽等事。

凡 飲食,有則食之,無則不可思索,但粥

飯充饑不可闕。

凡向火,勿迫近火旁,不惟舉止不佳,且

防焚爇衣服。

凡相揖,必折腰。

凡對父母、長上、朋友,必稱名。

弟行者,則云某姓某丈。按《釋名》,「弟」訓 凡稱呼長上,不可以字,必云某丈。 一,謂 如

相次第也。某丈者,如云張丈、李丈。某姓某丈者,如云張

三丈、李四丈。

凡出外及歸,必於長上前作揖, 雖 暫出

亦然。

凡飲食於長上之前,必輕嚼緩嚥,不可

聞飲食之聲。

凡侍長者之側,必正立拱手。 凡飲食之物,勿争較多少美惡。 有所問,

則必誠實對,言不可妄。•

凡 開門揭簾,須徐徐輕手,不可令震驚

凡侍長上出行,必居路之右,住必居左。

凡衆坐,必斂身,勿廣占坐席。

凡飲酒,不可令至醉。

凡如厠,必去外衣,會下必盥手。

凡夜行,必以燈燭,無燭則止。

凡待婢僕,必端嚴, 勿得與之嬉笑。

器 皿必端嚴,惟恐有失。

凡危險,不可近。

凡道路遇長者,必正立拱手,疾趨 而揖。

凡夜臥,必用枕,勿以寢衣覆首。

0 集》、《説郛》本改 「妄」,原作「忘」,據《大全集補遺》、《居家必用 類 全

作「上」。 「外」、《大全集補遺》、《居家必用事類全集》、《説郛》本

凡飲食、舉匙必置筋、舉筋必置匙。食

已,則置匙筯於案。

德修業,入于大賢君子之域,無不可者。汝謹愿之士,必又能讀聖賢之書,恢大此心,進具矣。凡此五篇,若能遵守不違,自不失爲無細事宜,品目甚多,姑舉其略,然大概

曹宜勉之。

# 增訂發蒙三字經

〔清〕許印芳 增訂

目録		增訂發蒙三字經	附録勸孝詩 …	增訂三字經條辨	陳敘:	劉敘	增訂發蒙三字颂	校點説明	目録	
					0 0 0 0 0 0 0 0 0 0 0 0 0 0 0 0 0 0 0		經敘			
					-	mi				

#### 明

院,經 重光集》、《詩 集》,編撰有《 昆陽學正,永善教 山人,雲南省石屏縣人,晚清詩人和教育家。 印芳(一八三二—一九〇一),字茚山 之本競起、《增訂發蒙三字經》爲其中優者。 宋末王應麟所撰《三字經》行世後,增訂 正 書 院 陶 譜詳説》等。 山 詩 長 涯 渝 等 評》、《增訂發蒙三字經》、《滇詩 職。 昭 通、大理 著有《五 教授,五華書 塘詩草》、《清秀 麟篆, 7或模做 號 先後任 作者許 院 Ŧi. 塘 監 的

六句; 十二句。 地 氏原本比較,許氏在以下諸 全面地介紹了中國古人對人們生活大背景的宇宙天 的 認 王 許氏增訂本三千五百一十六字,一千一百七 一氏原本《三字經》一千零六十八字,三百五十 《增訂發蒙三字經》可視爲許氏新作。 如道、太極、陰陽、三才、三光、五行、五色、 方面作了增 補:一、 比較 與王

目

録

補 處是包含内容更廣泛。 代,增加了一些 知識等方面,也有所增 及,但增訂本作了較爲 附天地宇宙。 天干、陰陽、四 戒九塞,四 洲、三壺神、 識。 斗、北斗、日躔、月建、分野、八音、十二律等專 注 州、十二州、五嶽、五鎮、三十六洞天、七十二福地、十 餘、十二次、二十八宿、二十四節氣、七十二物候, 五 四、介紹了中國古人獨特的天地之學,比 味等。 原本「疏脱敗闕」(語出增訂本劉 知識。 三、補充了地理方面的知識,從中可以 習增訂 二、對天文、曆法、樂律方面也予以充分 這些知識,雖 要 四海、南北極、四瀆、五湖、三川形勢、兩 害、 本、能瞭解到七政、三垣、三台、四 五、介紹了軍政、刑法,修身養性 時 一職 古都 相 官、爵 配相生來解釋、 城,以 然王氏原本《三字經》已 全面 補。 秩方面的内容。 寫 作目的 的 如,介紹 及歷史地 補充。 之 春霖《敘》)。 用卦象來 一,就是爲了 了元以 而 理 增訂 勸 經 如用五 學 瞭解 典名 推 本的 後 和 有 門 的 歷 方 演 到 行 長 史 九 南 彌 朝 涉 比 面 知 四

至於三百一十六句相 同 或近似 的 部分,以王氏

順序。

原

三傳等九經,增訂本嚴格按 幼,身已仕。 列古文經學 又如序儒家經書《周易》《尚書》《詩經》三《禮》《春秋》 羊、雞犬豕、此六畜、人所飼」兩句、原本在五常和七 養獸,籠養禽」四 情之間 犬守夜,雞司晨」前,中間加上「日飽食,不用心。 本在「有爲者」前 本與許氏增訂本互校。有如下 ,增訂本移至勸學 如「稻粱菽、麥黍稷、此六穀、人所食」、「馬牛 的順 爾幼學,勉而致。 句。 序排列。 加馬高 增訂本這 部分「有爲者,亦若是」後、 =, 山 照《經典釋文•序録》所 樣處理,條理更清晰。 起平地」兩 加句。 有爲者,亦若是」,增 一些變動。 如原本「彼 一、變换 雖 牢 《禮》《春秋》,總五經,細講求」。 不教,父之過。 合歷史,增訂本誤。 不嚴,師偷惰。 改,是。四、换字,但基本上不改變文意。 秋》,號六經,當講求」,增 南北判」,宋傳十八帝,爲 教不嚴,師之惰。

被既成,衆稱異。爾小生,宜立志」,增訂本改爲「彼 爾小生,宜立志」,雖然都是鼓勵少年 爲「蘇老泉、二十 又原本「蘇老泉, 句,使得轉 十八傳, 如原本 十八 觀念而存在輕視科技的思想,如「正教行,禁奇淫,百 《周易》、《尚書》也相 官、士民一起。 但並未與歷史朝代放在 必同姓,異姓王,唐宋盛」,本來是歷 又如,「君天下,爲天子。 章部分, 短而事略備,文簡而義頗賅」(語見增訂本劉《敘》)反 見劣勢。 幼不學,老何爲」,增訂本改爲「養不教,父兄過。 增訂本内容固然比原本豐騰,然比較原文的「句 列舉人物時代錯 叙事順序亦有混 又如述 子失教,非所宜。 隔 及河 甚 遠。 一起叙述, 稱皇帝,自秦始。 亂,有些人也不具代表性。 亂之處,例 圖 個 洛書、 别 幼不學,老傷悲」。 地 而是與 史方 如,介紹 方 八卦、 尚 面 囿 爵 九 的 臣封 於 集部解 疇,與 知 傳 王, 識 職 統

傳,南北混」,增訂本改爲「趙宋興,受周禪。

二十七,始發

奮,讀

書

籍」,增訂

本

五

讀

知好

古」。

原

本「炎宋興,受周禪。

早

立志,但啟發的

角度有所不同。

既

老,猶奮勵。

换自然,語勢貫通。

三、通過换字改變意義。

訂

原本「《詩》《書》《易》、《禮

元

所滅,南北

統

原

本

契

訂本改爲「《易》《書》《詩》。

六經缺樂,增訂本所

子不學,易爲

非。

如原本「養

《增訂發蒙三字經》最早的刻本由許氏監刻,當技巧,害人心。指南車,辨方位,木牛馬,亦小慧」。

校點者 萬義廣

# 增訂發蒙三字經敘

良,某 書。 物義 厚 開 哺 有《玉海》、《 厚所撰。 其敘史事 本,正文皆大字,一行 發蒙三字 開 原 口 類,可 書 乳 周 口 今世黄 也不 乳 徧 意 無 伯厚 式,截 主 閶 ,必乞乳他家兒 異,書之美惡烏 良,兒 經 爲 八小輩 勸 閻 困 止 儒 爲宋末 學 學紀聞》,而 五 便於初學。 門導先路 以其 東 ,詳於策 眼 代。 髪受 識 名儒 句 之無 兩語,後有小字注 卷端 短 而 書, 勵 可 所 易 ? 也。 選乳 流傳之廣未若此 夫人愛初 不 題 讀 師 撰之書 即 名,書 辨 自 子嘗 輒 母 且 仲 授 1 Ĭ 授 使 尼 以 竊 : 見 以 最 乃 稍 生兒, 書, 「某也 古 坊 師 謂 著  $\pm$ 知 釋。 伯 刻 伯 與 者 名 本 項

字, 橐」以 文》、《四六言雜字》等書,滿 學,詳 外,幾不 海 量。 道始 寥。 聞, 林 於庭階,胡可 弟,雖努力向 即棄而業農、工、商賈 上之資,稍長,擴 物,後生讀 管天 故故 面 以王書爲 雖有「知某數 意謂 一受敵 基 中人以 於 歷 F ,導先路者, 貽譏 策 引 知 久 無隙 研 之, 天 證 勵 不 下 窮 得 壤 Ŀ, + 廢。 根柢, 謭 而略於啓發,書 往往往 事 足 閃 也 閒 餘事 陋。 理 而 以 其 識某文」之言,究竟 惜 更 ,歲月有待。 何容苟且! 見 先入爲 激 知 參 有 ',較量古人,責望今人, 其 爲 且 闡 發志 異 識,固非 讀《百 何 其 偃 意 狹 日 事何 書敘次 主 鼠 氣。 隘 主 腹 又 勸 飲 由 之 以 家 物、欲 囿 河 王 學 孝悌 是  $\pm$ 願 然致 所 如 姓 於 草草,蓋 . | 者 書 誠 而 書 E 是 知 ※、
千 見 但 所 植 不 開 督 足。旋 中 知 開 引 有 聞, 求 能 課 人 功 巓 示 乃 示 亟 之 字 見 由 以 寥 講 玉 識 蠡 限

其言 是 高 名 非 補 任 此 鐸 以 時 詉 忽 復引 自 其 語 又不然。 聖之書 其 書 賢 師 視 訓 臐 故 標置,居之不疑,誕妄 律 所 輾 童 以 未 迪 腨 未 明 其 孺 轉 分分 依 證 過 後 敢 抵 不 備 知 誤 淺 託 略 矣。 曉。 進 輕 捂 原其名經之意,慮夫教 名 書 漢 , 近 聖 者 不 率 乃 繩 經 有 書 哲 經 下 予 直 總 職 心 典,王 愆 敗 . 坊 意 大 不 筆。 論 分 視 甘 糾繆,易 闕 韋 本 不忍。 自 内 全 蹈 爲 措 賢 書 爲 續 事, 書 既 量 棘 僭 (傳》「 語 襲 尊 編 一,嘗欲 年 門 敗 竊 若 遂 其 史事 取 先 而 之罪 於 過 闕 兒 有 此,尤 教 訓 曹 所 輩 半百, 是 戲 處 雜 子 未 訂 魏 迪之方首 不不 ¨, 斯 提 亦 箝 不 亂 人而 安。  $\equiv$ IE 當 多 綱 者 經 字 謬 復 固 而 帰 更 挈 結 而 或謂 石 司 增 繩 哰 偏 有 一易。 語 足。 領 舌 海 重 害 經 益 之 教 譇 辟 ED

將是古: 易 書 厚之 就 語, 初 録 又 書 滅 免掠 有三年丁亥夏 心。當 芳麟 於 置 慮 講 正 倘 毋 九 卷首 講 學 塾 書 有 美之嫌 使 有 原 篆 非 之門 解 師 至 道 更愉 貽 博 有 書 福 俾 今, 狃 是 學 雅 誤 知 0 於積 徑。 既 開 欺 快 童 好 凡 後 六 迨 口 能 卷了 誑 學, + 易 事 而 月 流 習 因 勸 勿 者 冥 無 於 餘 傳 自 學 書名姑 雲南 然。 幼 怨 易而 領 不 遺 爲 H 捐 懟 憾 會 之增 解 且 久 復著《辨説 廉 永善縣 而 浮,揆 後定, 也 所 可 鋟 仍 卷 作 夫 補 啓 以 諸 今 板 其 中 者 註 增 發 但 覽者 舊。 伯 教 韻 名 釋 訂 以 童 刊 諭 時 厚 言 氏 著 蒙 之 廣 其 光 勸 使 咸 屬 石 树 將 故 爲 樂 緒 學之 謂 屏 塾 倍 干 草 訛 遂 條 許 師 原 必 讀 伯 後 謬 湮

字,與一下从崩之字音義相通 按: 應避字樣各 是 書付梓, 有以 有 本字 應 避字樣 文 有 通 雖分兩體 不寫代 用 之字。 字 疑 實是 如 ,>, 而 下 來 字,並 从 問 岸 應敬 是 謹 本

於讀

者

無

所

裨益

,於作者反

似

攘

奪

所

有

不

於己,

而

實

無

損

於

人。

日

憪

然

削

其

書

名

--

計,故數典不忘其初。覽者可勿疑也。許印芳識。 」對,故數典不忘其初。覽者可勿疑也。許印芳識。 」對,故數典不忘其初。覽者可勿疑也。許可芳識。 」對,故數典不忘其初。覽者可勿疑也。許可芳識。 」對,故數與不忘其初。覽者可勿疑也。許可芳識。 」以後詳細分辨。兒輩初學識字,當先認明本字及通用字,以後詳細分辨。兒輩初學識字,當先認明本字及通用字,以後詳細分辨。兒輩初學識字,當先認明本字及通用字,以後詳細分辨。兒輩初學識字,當先認明本字及通用字,以後詳細分辨。 」以宏字恭代,凡宏道、宏化之類皆寫如差也。避寫本字因以他字恭代,而代者正文之字不可牽混。 」對,故數典不忘其初。覽者可勿疑也。許印芳識。

图

敘

其 乖 慎 戾 也 而 凡 不 事 而況 能 貴 有 慎 於 所 始 爲 成 ,始之不 學 平 是以 慎 學 君 何 子 終 始? 作 或 事 至 謀 ^ 於 小 始 謬 學》 誤 蓋

其

分始

也。

朱子

以

聖

賢

爲

學

爲教之道,參

以

曲

禮》、《

小

儀

(学)、《弟

子

職

諸

篇

輯

爲《小學》

字 則 最 ^;亦 便初學 經》 未 規 書, 能 模 則 驟 節 旬 又 語 Ħ 短 小 及 於 而 學之 此。 是 事 備 略 始 王伯 矣。 備, 也 厚 文 黄 惟 所 簡 小 其 著《 而 初 中 義 發 識 疏 頗 蒙 之 脱 賅 = 敗 無

鑿 慨 見 佪 字 然 其 而 思有 蔽 其 遂 也 流 聽 以 始 其 石 正 條 沿 之。 屏 達 訛 許 而 習 如 君 不滯 謬 神 茚 禹 Ш 貽 導 如 博 誤 河 秦 雅 童 越 積 君 孺 石 子 治 疏 也 鳴 病 決 呼 洞 開 獨

則 村 成 爲 隨 破 學 Ŧi. 出 所 屋 博 膕 以 閒,嘗 記 癥 而 示 憶 結 識 余。 mj 精 以 鍼 指 此 回 灸隨 其 示之,或 書 憶 用 開 施 心 + 導 而 厚 擴 年 來 沉 而 學 前 充 疴 力 其 設 應 而 勤 所未備 童 手 苦 蒙 如 立 於無 館 此 愈。 於 注 既 其 書

與之 切 望 足 洋 向 講 以 若 經 提 而 史 醒 歎 各 愚 也 書 蒙 0 爲 皆若 又 不 況 少 有 其 哉 綱 勵 領 志 於 勸 惜 學 胸 未 中, 能 語 如 尤 不 警 許 至

是其 君之訂訛 大 而 補 遠 闕 也 若 是 陳 其 文 公 精 日 Ħ. 確 童 而 蒙 爲 之 惠 學 後 學若 以 先

焉。 士。 人之言 爲 此 館 書 爲 賓 出 主。 者 而 隨 先 王 其 人 荆 文義 者 公教 IE 而 矣,得蒙 人 引 求 神之, 館 以 賓 養 須 亦 以 īΕ 博 之 學 使 學 義 善

間

或以

其

爲

昔

人

成

書,

不

復

敢

動

筆、

易

知

加

宏

通

淹

雅

之

儒

則

又

以

其

淺

近

而

不

屑

過

鷃

往

往

而

是。

淺

見

寡

聞

者

或

茫

焉

而

不

能

四

五

敘

陳

之。 之。 書便於 端,長愈浮靡,鄉 得其要領,每 之訂 不誣。 養之善本 自王伯厚。 截至五代止,乃宋時粤中逸老某所作, 及《三字經》 郵 說補要,自爲《條辨》,言之詳且 而其中罅漏正 曩在滇 寄示余。 是此 初學 也。 公博極 垣 書之爲 讀朱子《小學》 風 書。 志局 廣文輯 余竊 行宇内,人手一 無善俗,世乏良 公謂曾見古本 復不 伯 羣書,攷校精核,其 與 慨世之訓 厚 之, 南 ·少。許茚山 作未可 海 雨 譚公叔 題 Щ 太 定也。 辭,「 材 童 編 ,節録 守 子 裕觀 數 確? 蒙蒙 序 廣 者 童 語 養 恒 而 誠 文 而 言 非 特 察論 史 弗 不 行 蒙 爲 習 其 當 事 出

> 蒙爲 今此書行,與文恭設義學輯養正書之意 而 規》書分布 之三嘆不置。 行,其有益於蒙養之功者豈淺鮮哉! 呕 一務,捐 各 」學,所 廉 昔陳文恭公宦滇 設 義學最多,並 以 訓 童 子 者 (時, **韓**《養 極 以 爲 培 肫 貴筑 正 相 養 摯。 遺 童 輔

燦 書於知足知不足齋。 光緒十有四年,歲在戊子秋七月,

陳

六

# 增訂三字經條辨凡六十條

一、教養子弟,父兄皆有責成。《孟子》所云 「樂有賢父兄也」。原書但以不教歸過於 無父之人,兄更得以藉口諉過,坐觀成 無父之人,兄更得以藉口諉過,坐觀成 無父之人,兄更得以藉口諉過,坐觀成 所兄」字,以儆世之「罔念鞠子哀,大不 放。究竟孤兒失教,責有攸歸。今特改 放。究竟孤兒失教,責有攸歸。今特改 大、爲人兄者皆可置身局外。而凡有兄 友于其弟」者。

其過。 安特改加「偷」字,以規一、教之不嚴,非但師心怠惰,實由苟且偷

深省。原書「非所宜」、「老何爲」,語意浮一、子弟失學,百病叢生。宜切指其弊,發人

淺,改之。

義亦相通,故雖宜改,而仍从之。知道。」此書引用,改「道」爲「義」以叶韻,、《學記》云:「玉不琢,不成器,人不學,不

謂知悌也,語太落空,改之。、原書云「所當執」,謂執孝也,「宜先知」,

、《禮記・內則》篇云:「子生六年,教之數所,學書計。」王氏原書以某數某文導兒知識,即是此意。然當舉事物之大者,隨知識,即是此意。然當舉事物之大者,隨四五六七八九十爲定數,已覺鄙陋可笑。四五六七八九十爲定數,已覺鄙陋可笑。不宣拘執。乃執偏見以三四五六七八九十爲定數,已覺鄙陋可笑。如三次是不盡屬典要,且有舛謬語。如三個不指君父夫,泛言君臣父子夫婦,随外職不指君父夫,泛言君臣父子夫婦,敢之數

之,闕略 族,皆病偏枯。 作,又與 無 取義,言樂只舉八音,九 (所言三 者 補 之。 今於乖辟冗雜者删之、改 綱 重複, 以文義爲主,不計數 其舉六穀、六畜 族只舉 内

目,庶免鄙陋之譏耳

數生於一,成於十。以後皆以十倍遞 規 算,更有 增人數目之後。 此書原文既不分明,又不叶韻。 十萬爲億,十億爲兆,十 加 亦儒者造道之方,初學所宜先知者。故 方之名次序不順,亦不完備。 算。 矩準繩,度量權衡,皆日 十十爲百,十百爲千,十千爲 秭、垓、壤等名。 兆爲京。 詳見《風 用常行之事, 今并改之。 俗通 所舉四 由 京 萬 加 加

既親切,頑

石亦應點

頭

也

、三才萬象,由道 大、道大、王亦大。」此即至誠與天地參之 子《道德 而 「域 生,宜 中 有 從 四大,天大、 道 字 説 來。 地 老

> 、太極 子,即 求深 此欺 爲本 又謂 與孔孟之言相表裏,無妨徵引 義。 體物之妙。 子天有九重之説,亦從雞子白 陰陽, 也。 天 人之談也。 反 而天地王之大,皆以 雞卵,俗呼 地 晦。 《老子》書多精緻 未 理本平實。 今故以此設喻,開示初學,語 分一氣混 遂謂 先儒謂 雞 童 蛋 孺 沌 講學家 無 非 如 天 有 知,不 雄 語,其 雞 地 道 雞 子。 也 形 好 看出,深得 而 腰 可 如 爲 大, 所 子。 告 雞 高 是道 謂 論 朱 雞

、道之本原,由 躍,寓 載理 附? 先有理後有氣者,由於崇尚理學,尊理太 陽之謂道」,陰陽者氣也,道者理 而 空空説理,無 目 行,充塞宇宙,流 即 是。 氣 而 若 來。 無 有是 此 孔子 處。 氣, 而 明説 不息,鳶 此 凡 理 宋 何 儒 也。 陰 所 飛 依 魚 氣

實 過,故 以理 實。 道之説 增是書,力矯其弊。 細理 高 釋氏 寂 餇 談 滅。 爲先,以氣 鳥 會,致使天下 道義,蔑視 言一色即 氣 有此説。 有子 既 蓋 即 必 理 不 先 虚,莫此 不不 ·悖謬。 是空,空即 有 其 爲後,流弊遂至於此。 事物,於源 先 事 蹈 不 物 空落 先言氣,後言理。 爲甚 切制 後。 前 初學 是色」。 虚 後 於孔子陰 度 ,讀之, 委曲 歸 ,甚於釋氏之 器 其 於 數 病 折 寂 胸 有 都 蹈 根 滅 有 空者 陽 名 總 不 故 其 把 爲 無 下 今 在

、三才以下 複 凡 也 五 道 行 之 字 功 原 面 書 用 疊 太 見 全 略,今舉其義之大者 在 處,各有意旨,不嫌 五 行,故言之較詳。 補 重

功言。

今分二條,詳言於後。

心,最喫緊處。

又在寶愛精氣神,

勉立

德

握。

異日講

學,不至誤人歧途矣。

、古人 示 初學,意 著 每 重 人 以 事 天 非 地 以 物 博 分段。 物,故 人事 此 書 加 開

> 、大段 、天地人事,皆舉其大者。 引起 而言, 段。 故分 尤 明舉三統,用 才合一之道,亦 置 夥 書 兩段。 ,不容忽略 讀書講學之事 ,舉八卦 人事先舉 中宜分小段。 推及家 地 側卸法,歸重人事 或 九 帝王官 事 故 以 天 疇 以 下, 暗 以 ,爲全書大關 仍 天事 Щ 以 收 示 民,下及 水 從 前文。 學者。 天 爲 政 以 人事尤 地 大端,亦分 星 教 人分段云。 説 曆 物 再 掛 鍵 類, 到 爲大端 就 用 醻 切於身 也 養蒙 提 引出 乃 一身 筀 兩

詳,物理從略。

而天地爲

人事緣起,天事

、人之始生,禀天地 得之後天者 生後、飲食 之元精,結胎 所 也。 成形,此得之先天者也 人,化精 合精 絪縕之元氣,父母 液 與 而 氣 補 圃 助 神 血 生 氣 構 此 降

四

患哉 泄 復 此 爲之慎擇交游, 深 斲 神 衰,甚至虚 放縱不收,或攻苦 之三寶,亦謂之三奇。 身有此 講 獨 傷精 至寶,有以戕 可 舍 哀憐。 於此三者,多不愛惜。 多。 於 明 氣 三者, 心, 利 其受病皆自少 害 虧損 症百出,盧扁莫治,短命絶祀 具 愚 其 聰 痛 魯 貴 嚴 元 賊其性 明 切 人 神。 「 術業 重甚 密管束。 才 誥 患 力 人有金玉,萬 此 誠。 未 而 於金銀 命也。爲父兄 而 年 較 壯先 勞耗 或耽樂嗜 揮 柔 少 安 爲 霍 有 脆之日,發 過 老、未老先 珠 師 聰 萬 度,以 戕 玉,故謂 保者 慧 事 賊 人患 分愛 好 之 又 者 致 面

以喻聖賢,非科第也。 讀書須 望 志 氣 博 取 打 科 V. 破 第,作 志 此 爲天 關 三年 以後 圖不 地間 方能 朽之盛事。 不可 人 想。 附 少之人, 驥 初 青 時 所謂 雲,青雲 勿徒 立 不 定

其 流,即 存。《 形質因 太史公曰:「古者富貴而名磨滅,不可 不過尸位素餐,作守錢虜 此三者。 力。 終壞,其 者。 朽者 志之人,借 空文耳,何以見其不朽 地 有 氣、神貫注流通於寓内。 身。 萬 補 若謂 物, 形質内含精 ,太上立 於世道人 勿論 是此 孟子》所云浩氣 而 而 精、氣、神聚 即使果得富貴, 皆有形質。 必 朽壞。 福 義。 巧言以 窮 待 過 德, 身居富貴 達 心, 灾 不然, 貧 氣神 其 文 生,富· 塞責。 富 古人謂之三不朽。 德、功、言者,能 次 ,精枯氣竭 凡是形質,無不朽 圃 文 德功皆 塞 隨 耶 貴 功,其次 不散,故萬 醉 仍然 天 方可 ! 數窮理 時 彼之志原 亦 地 隨 人有志於 生夢死 化 存 有 虚名,言 一無所爲, 地 爲 爲,乃 極,形 立言 而 皆 神 灰燼。 使精 神散 古 以終 口 與 勝 無 著 此 質 亦 日 天

爲 數。 件,講解 盡 此三者, 者,則揚名後世,身殁而名不殁。 舍德、功、言,何以自立哉 耳! 人處,故詳 惟倜儻非常之人稱焉。」非常之人, 豈不痛哉! 則虚 時義理自見,不能 生一世,草亡木卒,同 言之,以示初學。 以上二事,皆喫緊 備 人能立此三 述。 其他 不能 歸 事 於 立

、人身所禀精氣 補之。 官。 爲本,以養氣 由來,無非五行之秀,故形體內分五 開 七竅。 五官之用有五事。 合内 ,雖有天地父母之别,溯厥 爲 外而 歸。 撮 原書太略,今皆 爲學之方以 舉 其要,則有 慎 猫 Ŧi.

、五常有二説,一指 誓》篇 所謂 智信之德,班固《白虎通 人生而得五 一种 氣以 侮 五常」是也; 爲常」是也。 五 倫之教,《 情性》篇 一指仁 周 此 書 書 五. 所 . 義 . 泰 謂 常 禮

> 、人情不外欲惡兩 《大學》教人修身齊家先 專指 修倫紀。原書都無分曉,今闡明之。 扶成五性; 有多端,皆由五性而發。 七,易「樂」爲「懼」,更加 六,加「愛、惡」二字。《禮運》篇又衍之爲 四,曰「喜、怒、哀、樂」。 然,以之言五性之德殊 白。原書云「不容紊」,此惟五 五德,其德根於五行之性,當剖析 發而偏勝,則爲五性之賊。 端。 不 《中庸》篇衍之爲 《白虎通》衍之爲 「欲」字。 貼切。 治 發而中節,足 七情,又當 倫之教宜 改之。 人 情 故 以 雖 明

一、五典始見《虞書》。五者五倫,典者常法。 典。 謂 十者謂之人義」是也。 + 悌、夫義、婦聽、長 五 義 八人禮 若舉十義,詞太冗蔓。 倫之教 運》篇 可爲常法也。 云「父慈、子孝、兄良、弟 惠、幼順、君仁、臣忠, 雖分十義,仍是五 分言之,則有 原書十義

舉五典,不引十義云。 用《禮運》原文,尤爲猥雜。今特改正,但

正。 三綱當 之子猶子也」,此皆倫常中扶持安全、兩 伯叔之親,次於父母,故《檀弓》稱「兄弟 父,故《國 相依賴者。 至於 提明君父夫,原書太混,今已改 師 語 傅及朋友之倫,位則尊 原書疎略,今特 稱 民生於三,事之如 補之。 一也 同君

九族有二義,一就門内九代之宗支而 孫 外九族,史書亦 五 九族,每認誅族爲 而言,以父母妻三族,分其差等是也。 自高祖以至玄孫是也。 在 服 曾孫 三族。 乃九族 下,原書倒置,今亦改 世俗見王氏此書,不言內外 要義,今亦補入。 稱 三族。 九代之人。今特補之。 一合内外之族黨 以罪 誅族者,謂 正 九代之玄 言, 内

、政教之大者原書皆略而不言。 其言樂,

雖多,不及《四庫》全備。

書既

不全,所學

樂之名義、聲律,亦爲補入。但舉八音,亦病偏枯。今舉大者示初學

析之。 讀,而訓詁則無所不包。原書儱侗,今分、教童稚讀書,首貴正其音義,次貴明其句

、讀書務講專門之學,惟專而後能精, 遍讀。 門徑,新穎者借之參 窮。 是有 書》。 數十種。 而後可傳。 求益,不畏其多 本之書,義 書,多者千餘種,少者數 小者爲枝葉之書,淺顯者借之引 限 學者語及《四 豈 其卷帙 又 知以專門之學讀 藴宏深。 於其 各家專門之學,各有應讀之 ′,轉→ 備 間 嫌 載《 分别 庫》,每畏 酌 終 其 四 變化。 身尋 少矣。 大 百 庫 小,大 其 》,故 種,至少 繹 書,爲數已 其多,不 他 如 妙 稱 人者爲 書 此 爲《全 亦 緒 卷 分 惟 能 帙 類 無 根 有 精

六

先。 詔 時 庫 確 則 史 確 此 事 略 分部, 學 後 醖 理 書》,始能 更須 方可 後 生之有 此 釀 專 如 必 而 日 經 其 治 有 深矣,參究則 言精。 不 自 貫 誤 學 不 義 言 唐 穿 事 志 史,餘 專 明 造 也 諸 讀 已 治 0 不 粗 真 聖賢 追 書者 家, 然。 通 故 疎 學 悔 史 經 者。 ,問,爲 實 今之學者必 教 乃 無 伯 見 更 甚。 餘 人擇善, 得 及 解 須 荒 厚 經 醖 不 確 參 宋 疎 今特 更 釀 又 朽 矣。 究 之病 人,撰 須 深 凡 人物 以 也 讀 補 旁 丽 專 既 博 Ē 出 通 此 見 家 深 旁 四 學 伏 也 書 之 以 四 庫 爲 且 通 解 於

書籍 舟 詳 文達公竭 楫 明 也。 總 各有 議 目 論 學者於 得失 提 平允, 生 要》,於 精 ,辨之不早,最易誤 力稽 應讀之書,檢察 乃 書 羣 核 城 書 校 之 源 正 鎖 流 舞 鑰 利 弊, 部 成《 學, 人。 頭,先 海 考 刀 之 訂 庫 紀

> 讀 自 能 提 棄 要》, 瑕 取 書 瑜,不 之得 至誤 失,了 用 然 聰 於 明 心。 矣 誦 時

T 四 讀 最 敘 尤 原 氣 各 今按次序分爲 示 經、子、集部 有 著 史事 書 脈 書 著者,仍各示 爲 爲 庫 之書 聯 指 述要旨 分經子史,倒 四 疎 次 末 貫 語 序 歸 漏 接 也 以 舉 甲 使 ,各舉書之切要者 前 子 經史子集 人 經、乙史、 切 四段。 用 部 原 知 以 要 總 文字 但 書 置 史 讀之之法。 提, 不妥。 舉 口 書 史部 爲 丙子 誦 本 五 1,指 後 子,簡 名 源。 心 用 仍 目,以 示 又不 1 維 總 依 歸 四 四 集部 或舉 收 原 集 略 句, 宿 及 段 甲 書。 太 分講 之 集 使之 特 並 家 Z 王 甚 處 部 增 指 旧 氏 數 丙

類 正 語 經 》、《國策》、「三通」、《綱目》之類, 足 之外 以 羽 如《 翼 韓 經 詩 傳 外 傳》、《大 IE 史之 外, 戴 禮 如 記 與 **>** 正 之 或

八

賦 史 一當歸 及 相表裏 詞 曲 重 皆 原書太 儒 家 宜 參 略,今並 集 讀 部 參觀 詩 文爲 一補之。 子 總 部 滙 家 數 附 雖 以

其 炫夫 讀 述 究 以 考世 亦亦 事 史 致 書 於歧 所 華 其 勿 非 系, 藻。 以 乃通套 論 道 要義。 途。 證 專 知 是 經。  $\pm$ 功何書,要 終 大主 讀 語 氏 如 始」,語 集 讀 原 不 讀 部當 子部 腦 書 切子 子 闕 則 知文 皆期有實 當 窮 太 略既 書。 日 知 經 粗 以 道 所 撮 多 淺。 讀 載 有 其 以 史則 偶 用。 道 IE. 要, 明 今 有 路 而 道 並 記 學 E 稱 不 而

、經籍之在 經内 六經。 而 詩》、《 以 有《樂經》也。 五 《禮記 禮》、《 經 官 爲 大宗。 學者, 樂》、 . 經 解 ^ 趙 秦 春 在 》篇 宋 人燔書, 秋 孔 以 所 **>** 子 是 來, 稱《 删 其 易》、《 訂 有 而《樂 名 時 + 目。  $\equiv$ へ書き、 但 經 經 有 六

改之。

秋》、《 多雜俗 經,分三《禮》、三傳合之爲 合,與今五 傳及《周 明 言其 六經者,又以《易》、《書》、《詩》、《春 猶是先聖遺文,自漢以後,傳習無替。 禮之三《禮》、《春秋》之三傳,總 亡,由 廢,尚舉六經 王氏著此書時,當趙 徒 漢人 武德》諸樂 五 存 設 經 (僅 義 科取 其 禮記》定爲 是雅樂 (名耳。 mi 樂。 丽 傳《 禮 士,又 分析之,分《易》、《 不 經 》、《戴記》當之,於古六經 樂 習夫鏗 又表章六經, ,猶襲秦舊。 教 亦悖。 記 失傳,乃古今來 惟《易》、《 入,已 以《易》、《書》、《詩》、 》篇,附《禮 Ŧi. 鏘 經,至· 今特改正。 屬 宋 鼓 書》、《詩》三經及 末 舞者。 虚 武帝: 而《 誕 造、《樂 今 記 九 書 樂經》非古 相 一大 始立樂  $\forall$ 經。 丽 高 中。 沿 名 至 所 祖 經 秋 不 五 恨 益 由 號 蓋 雖 **>** 改。 經 府 事 以 漢 不 爲 久 前 制 能

漏《儀禮》、《爾雅》,今並 (孝經 ×, 當 全 魯 一舉名 論  $\approx$ 目, **念孟** 以 子 並補之。 \*\<u>\</u> 示 初學。 爾 雅 **>** 原 則 書 爲 遺 +

學 者。 音學 起,不易斯 其專門之書,自《 習之,白首莫 乃 其尾 則 不 原書謂 數 分明, 所 經學根柢。 日 語,尤爲孟 讀 小學原是經學,今於十三經後 韻 種 不見其首, 「《孝經》通」,皆從後 ,以示學者。 書,凡數 學 之 且無定準。 必 書 言 有 當以《 世 浪。 窮其藴奥,何有終極之時 或講字義,或講字音 初, 十種, 此 爾 蓋 意 語 孝 雅 而 小學專 在 病 》、《説文》以 經》爲首。 則 孝爲百行之原, 非 小學、《孝 也 面 曰「小學終」, 初 講 突然説 學 而「小 六書 所 經 聖人復 能 迄近 學終 了**,** 一之學, 出,見 略 驟 而 初 舉 讀 代 而 再 1 語

、朱子《小學》稱名雖小,實道兼小大,講學

言善 史諸 學爲朱子書,尤屬紕繆,故詳辨之。 所 其 家 需 書 終 行, 書 係 身 則 菁 采 미 淺陋之見 미 華不盡於此, 摘 以 爲 經、史、子、 奉 畜 行,不 德之助。 矣。 但 世 丽 集 童 俗 若 所 薈 稚 每 采 萃 但 宜 認 視 摘 成 導 六 爲 一皆 編 循 書 童 也 小 稚 嘉 經

世。 王氏乃敘《孟子》於《中庸》之前,又置《大 崇朱子章 論》居前、《中庸》第三、《孟 官書以輩行,先後更定次序、《大學》、《魯 《孟子》又次之,《中庸 稱 四 四書次序,以《大學》爲首,《魯論》次之, (孟)編 魯論》,於 爲 書 原在 四子書。 其書傳自孔子、曾子、子思、孟子,故 次,亦 十三經内,宋人始分出,另行 句者,又以《學》、《庸》、《論 理 尚 通 亦 順。 行 稱 無 四書。 其 碍。 》殿 次 即 後。 王 《朱子語類》分 當敘《大學》, 子》第四。 一氏原 自明至今, 書先敘 尊 於

子思稱名,亦屬非禮,坊本改稱字,今學》於末,乖舛甚矣。今特改正。原書於

從之。

、原書敘作四書之人、《魯論》記孔子語,卻 未敘出孔子,未免鶻突。《孝經》傳自孔 子,初學當先讀《孝經》,亦當著明作經之 人,且使下文敘《論語》處「羣弟子」二語 亦有來歷。文字來踪去跡要有著落,此 亦有來歷。文字來踪去跡要有著落,此

孔氏門徒所撰,決非二戴所得冒名也。《禮經》文字。京山郝氏嘗有歸還原書之《禮經》文字。京山郝氏嘗有歸還原書之《禮經》文字。京山郝氏嘗有歸還原書之《禮記》下著明二篇,且以見《禮記》南,宋儒

初學。

《詩》 前,次序紊亂。 《春秋》之後。 《禮記》,著書者晚出 四《禮》五《春秋》。 王氏 今特改正。 原 孔氏 書 之門, 《禮經》若 敘《禮》在《詩 亦 敘 單 次

易》。 《小序》爲主,而參宋儒之説。 數而 經典各有主名,各有要旨。 於此等處 傳自上古,故曰《尚書》。 後人尊用毛傳,故曰《毛詩》。 中」字。 理寓焉,其道至周而大備。 《書》自三皇以來,遞有紀載。 《詩》之大指,歸於「思無 尚多 疎 略。 今各著 傳心之要,在一 如《 王氏 講 明 易》 故 義 日《周 原 邪」。 以 以示 當 生於 其 書 以

、三《易》之名見《周 《連》、《歸》易者皆僞撰也。 後其 贊《周易》,《連》、《 書並亡,惟《周 歸》二《易》寖微 禮》。 易》 獨 孔子 存。 王氏 、黜夏、 後 書敘三 世 有 秦 殷 傳 火 而

五

經以

世次先後爲序,一《易》二《書》三

、史籍 複,間 乃《 重。 其謬,用 言 樂備」一語,施之《禮記》不合。 記》,坊刻又改「著」爲「註」,皆大謬。 記》乃七十子所作,漢之二戴不過删其 禮》之作,而稱「我姬公」,語生而俗。 猶存。語病不小。典、謨、訓、誥、誓、命 書久矣。 秋》三傳 敘《詩》 易》 易》 旦 樂,僅《樂記》一篇,以此稱「備」,陋矣。 書》之六體,非「《書》之奥」。 一蠲除。 三《易》並舉又似《連》、《歸》之《易 乃 平 而 有增益耳。 紀 列 不 四語,誦 今爲 亦 以考古對策,蒙譏 事之書。 歸 欠 似 伯厚九 重《 八明順。 乎《連》、《歸 逐 周易》, 與詠 王氏 原有知 更正。 自有天 凡若此者後 字不叶 書 殊 稱「一戴著」《禮 亦亦 欠分曉。 地 遭擯,歸罪 如 與《周 |當稱: 韻。 積 便 且《禮 有 年 生不 紋《周 快也。 易》 紋《 事 痼 且三 「禮 《禮 . 蹟 記 疾 春 繁 並 知

端。 《周官》。其書掌之外史、《 爲天 非 不 孔子删《書》,斷自 有 可 盤 述 宬,爲稽古博文之資。 法,乃經出於史之明證,亦經史分門之肇 籍中,擇其 陋,無文字紀 稱爲三墳、五典,是即唐 已久,更無異議。 稱爲三才首君,一 ·敢廢。 紀載。 見義農既作書 古 史 竟芟除之也。 而三、五史籍,自夏商迄周,藏 地 氏 事 萬 剖 者 所 後 物 當 判 (典章) 謂 儒 之祖 上 實。 删者,采擇 但 儀 溯 醕 1契,自 不然,孔子 據結 夫 , 首 備 唐虞。此蓋 此妄言也。 號混 盤 三皇五 古, 者著録 婦 出 孔子 繩 剖 沌氏。其人傳 人倫之始 御 次及三皇五 虞 時 而 判 世。 治,謂 左氏 帝之號, 以前之史籍 一魯之大夫, 爲 以 固 有 經,垂 所 於三、五 來 不 後 任彦 春 事 不 能 儒 上 秋 取 . 蹟 廢,亦 見 諸 古 史 昇 又 萬 傳》 於 中 稱 中 ## 稱 樸

康成 作本紀,而補敘天、地、人皇於後,又不追 其説於《秦紀》而 有其 后,何 天地 帝,而 説,撏 據,或即三、五之書所傳述者。 貴。」注云:「泰皇,人皇也。」夫上古之世, 祝 曰:「古有天皇、地 竟可 人、伏羲、女媧、神農、黄帝、少昊、顓 墳》、《典》皆亡。 融、 紛然,迄無定論。 · 芟除 之説,以伏 而 人事有闕多矣,苟 能 撦 於《秦皇紀》特 帝嚳、堯、舜 欲 出 次第整 秦去古未遠,博士之説當有 考訂其人,遂舉近 皇帝之書哉 人。或三或五,以充其 義 理 不紀三皇;小司 後儒 、女媧、神農爲 十一人當之。 皇、泰 司馬《史記 :載博 固 聞 非 知 其名,不 至秦 皇,而 士議 亶聰明,作元 經 丽 緯 (播書, 史遷但 可指 》但紀 三才, 禮之説 三皇,補 各逞 馬 泰 數。 見 主 皇最 者 其 於 頊 依 鄭 載 實 五 臆 是 聚 燧 書

之精 紀。 子 出 人,是宜 人,是宜 袒。所紀之事,采摭史傳, 農、黄帝、堯、舜爲 名義正大,包孕閎深,既無滲 嚳所及。胡氏 道德之高,功烈之盛,迥非 爲三皇,而 敘 且其紀事 五君,有先天開闢 王 一、羣喙 繁詞,顯 盤 大紀》,始 次自伏羲,下至虞舜,統 而語之詳。 古,皆 爲 爲 미 始自盤古,下至燧 帝。 皇。 息。 非 有 據孔子繫《易》所稱 據秦 也。 品 據經斷爲五帝,其識卓矣。 今以是説 以 近代 别。 通 博 至宋 黄 五帝。 之仁,後天制作之義 儒 士 帝、堯、舜 王 以 咸 説 儒 西 義、 推 覆 中古聖人惟此 五 莊 許之。 以 質通 少昊、顓 考《 農 人,統爲三皇 峰 鳴盛 天、 漏 爲 胡 爲 爲 繋 地、人 五 經籍,擇 伏羲、神 氏 後 上 猶 亦無 此 詞 一帝紀。 頭、帝 撰《 》,所 世 古 謂 書 聖 聖 孔 既 皇 偏 皇

云上古皆指羲、農之前,所云後世皆指

此 章 非伯 《紀聞》正誤之意大有徑庭。 五帝 《尚書序 竟抹 説 帝嚳 記・ 矣。 徵。 允當也。 黄帝、堯、舜而不及羲、農,中間 西 義 羲、農以 者。 莊 作 則 摋 五帝 厚 湊足五數,未免疎 獨 捏 然 書 Œ ·辟之處,誤人不淺,亟宜更正。 造 則 但 所 盤 怪 舍其三而 契 , ) 説 ? 其誤。 後 而撰此發蒙之書,其敘史事, 區 本紀》依《大戴禮 伏 作 古、 以 王 以 ", 羲 便 伯 别之説,三尺童子亦知其 代 如 天地人三皇,轉 於 爲上古乎? 厚 是伯 結 以 結 後 著《 初學,真 稱 羲、農、黄帝爲三皇,於 繩 繩 人 事 僞 二帝,乖 厚 而 困 治, 亦 託。 謬。 學 載 以 僞 紀 • 史册 爲後 此 予常疑此 五 因 古 五德》篇, 可 辟 聞 從孔安 條 峰 引 事 勿深 如 取顓  $\preccurlyeq$ 尤其 確 紀 胡 世 也 是, 以 事 五 乎 有 辯。  $\sim$ 頊 今 章 與 書 或 妄 何 爲 峰 列 史 ? 伏 明

既點易原書,復詳辨之,以解世俗之

惑云。

、夏曰歲,商 皆見《爾 詞 亦有 未愜 雅 曰祀,周曰年,在 **%** 當 處。 此 書 今並改之。 概 稱 爲載,謬矣。 唐虞則稱 載,

《史記 義。 然「屋社」當從商 社」,與本 於天之罪,因 之社覆之以屋,使氣不上通,而著其 屋夏社」。 社,不可,乃作《夏社》篇」,言社不可遷 《竹書紀年》云「湯放桀後十八年 殷本紀》云「湯 事 屋者,覆以 相 以 反。 垂戒 ൬ 言,從夏自言仍不妥。 「遷」字當改 屋也。 也。 既勝夏, 此 古人於亡 書 稱「 「屋」字。 欲 遷 遷 自 夏 或 始 之 其 絶

今並其句改之。

、征誅 侯哉? 引帝 爲 而 有天下,始於黄 口實 而南巢放桀,湯則 也 豈 榆 罔 非 帝。 天 内有慚 子、 至湯 軒 伐 轅 夏, 非 未

毫自恕之心。 放 足見聖人處 伐之舉, 身始 萬不得已之事 當表而出之,以儆來 作 俑, 且 將 教 \*, 猱 當 升 有 木

周自后稷 誅紂言,不妥,改之。 積德最深,故其子孫 躬稼,至文 享 王事殷,屢 或 長 久。 代忠厚, 此 書以

世矣。

、全史所載,以無道主 曹魏,原書含糊,今並改之。 秦之吕政,假禪讓名而 而 篡奪 併 人 海 國 内 者,實 者, 惟 始 見

節目 南朝。 晉篡 或 魏,滅蜀、吴,而避胡,始遷江 割據漢 ,原書一 中原 則爲元魏 土,蜀爲正統,魏、吴爲 概含糊。 所據。 今並改之。 此 皆緊要大 左 僭 一,爲 或

、元魏分 分曉。 禪隋。 隋 東 隋文帝傳煬帝後又有兩恭帝,實 一、仲尼師 西, 滅 南 一禪 陳,始 周 混 一禪齊。 一天下,原書 周 滅 都 齊 無 而

是三世, 原 書 云 不 再 傳, 謬 甚。 今 並

、篡唐者朱梁,宜著明。 改增「步」字。 或 乃改」句弱,宜

、趙宋受周禪、宜著明。 删之。 七。 皆不清晰, 句,含糊尤甚。 今 並 明 改 傳十六世 Æ 此下坊 「權 本 丽 奄」 而 補 原 亡,誤爲「十 敘 書 四 遼 南 語 金元事 太 北 兀, 混

、流寇亡明,我朝世祖 史。 取天下於羣盜之手,當據 坊本誤稱太祖,兹已敬 滅流寇而定天下,實 事 謹 直 更正 書,以昭信

、原書「心而 唯字。 也。 心,寫作小,又可从糸,通 坊本誤: 若講義爲 項彙,乃好學,非勤學 惟」句,惟者思也,其字 从 П 思者 作 唯 1,不可 講 義 作維字,亦 通 爲 也。 也,「古聖 獨 者 改之。 从 口 通 思 硻

賢」亦太混,改之。

順,改之。
「鄭苦孔之卓」,揚子雲《法言》中語也,蓋、「鄭苦孔之卓」,揚子雲《法言》中語也,蓋

此書誤記年,又誤稱老,今並改之。蘇洵年廿五始讀書,事見洵《上歐公書》,、劉晏八歲號神童,「官正字」事見本傳。

用警省字,改之。 用警省字,改之。 用警省字,改之。

語配之。

四語串之。如此,則六穀、六畜皆有取串成文。又舉六畜示人,今以「犬守夜」、原書舉六穀示人,今以飽食而不用心,貫

義,不病冗雜也。

學,及時而力行,不至忨愒苟安矣。 富,往往虚度光陰,最爲可惜。《淮南子》 层鐘暮鼓,若輩誠知覺悟,自當愛日以好 晨鐘暮鼓,若輩誠知覺悟,自當愛日以好 人人人人人人人人人人人人人人人人人人人人人人人人人

許印芳識

五五

### 附録勸孝詩

### 永慕廬歌六章並序

内,蓋 風 識人,亦以 之末,擬作 成 、聲,非直爲一家一國計也。 視 學江 座 以廣聖天子孝治天下之意,爲 師 蘇 長 廣先生之意云。 是歌,且鐫詩片,贈管内諸 沙王 作 永 益 慕 吾先生,光緒丙 廬 江 陰署 印芳叨 中 徵 戌 附 九 詩 以 生及所 大 翊 土 遍 教 樹 海 司

乎孝哉! 江河日下,古道從而衰。一、禽獸之别别以人,人倫有道孝爲先。嗚

乾

坤!

二、劉季分羹棄父,君號高祖;温嶠絕裾棄

嗚乎孝哉! 衰君臣!母,臣謚忠武。君豈不仁,臣豈不賢?

三、兒長娶妻,父母老醜。 首 ? 爛, 嗚乎孝哉 不 齧屑飴 記 繡 衰君臣 褓 甘,不記 在 手。 乳 兒昵 鳴 哺 乎 在 紅 孝 П 顔 哉! 肯 抱 衾 戀 衰 白

四、 親在 昆季。嗚乎孝哉! 争利,暮停葬斤斤争地。 有 同 胞 親 殁 蔑 衰兄弟! 同 氣。 恨 汝父母,多 朝 が析産 孜 生 孜

夫婦

享父母。伯歌叔舞勸客酒,曰此日祝父五、賓客滿堂,父母置壁後。八簋享客,二簋

六、波流滔滔,中有砥柱。孝法虞舜,廬 慕。 母 壽。 倫 風 日 嗚乎孝哉! 俗 不 忘親,終 盡 還 純。 衰朋 身道 嗚 友! 乎 文 孝 身。 哉, 錫

永

類

厚

結

永

455

分晝夜,正南北。

月蘇

朔,

弦下上,

## 增訂發蒙三字經

雲南叢書子部之二十七

滇南許印芳麟篆增訂浙東王應麟伯厚原本

過。 音杵。 乃遷。 孝悌 移,俗 人之 融 知 方,教五 義 四 初,性 次 訛 教 歲 子不學,斷 義。 老傷悲。 不嚴 爲子弟, 教之道, 見 能 子, 香 本善 聞 讓 九 名 梨,弟於 師 龄, 方少時,親 俱 偷 貴以專。 知 玉 機 性 揚。 某數,識某文。 不 惰。 能 杼 相 琢,不成器,人不學,不 温 長 近, 俱 子失教 竇 ,長音掌。 席 音居。 習 昔孟 燕 師友、習禮儀。 子 相 Ш 於 遠,荷 母, ,易爲: 養 燕音 親,孝當 一而 悌 不 擇鄰 當知 教, 烟。 不教,性 非。 十,百 處 父兄 有 儀音 執。 首 義 幼 處 漏刻,

竹。 汀。 靈, 物, 子, 虚。 方, 方。 千 政齊。 爲 承天, 九。 者,日月星。 極,二陰 進 萬 陰 理 氣 應乎中。 陽數 陽 直 宇宙 天包 量多寡 億 敷 寓 陽 渾 氣 H 爲繩 兆 陽, 交, 心。 雨 奇, 淪 温 間 生 地 京,億 露 東,月生 奇 人 函 生三才, 陰 天陽 有 連 度 三才者, 日 音 乃 妙 陽 氣 四 東 刀 短 音 孕 基。 理。 道 生。 浮, 西横 亦。 肅 大 隅 長。 月。 成, 西。 陰 明 道 地 天 號 以,南北 動 精 陽 數 權 三光。 道 陰 爲 倍 陰 地人。 氣 1 爲 剛 貴 偶 取 測 德 本, 凝。 算 品 陽, 清 星 唇景 均 縱,縱音宗。 陽 助 總萬 陰 静 太 達上下 列 規 陰 日 人叶 衡 忌 極 ,唇音 極 觀 氣 陽 用 於 柔 化。 取 陰 迎。 象, 陰 天 神 員 濁 天 平。 醛 文, 詭。 陽  $\equiv$ 氣 如 此 矩 月 天 濁 陰 光 雞 太 四 IE 用 窮 生 驗 地 叶 叶

西金, 土 配 卯 五行 各分 音似,卯 木又生。 乙,火丙丁,土戊己,己音紀。 + 五味 月期 施化普。 歲有節 滿 E 在 + 陰柔, 辰 日。 秋 晦 于 月, 冬, 含 化 田未。 冬北 明 叶 天干十, 一十四。 十二月, 、巴音 滿 動也 某 五 有 爲 孟 四 地 有生尅,有合變,旺 行 水, 仲 朢。 鹹 五色, 時 似。 支數,十有二。 木 十二辰,有肖屬。 在 剛。 苦, 季。 行 中 寅 午未 干 爲一歲。 土 卯, 酸 有青 春 水亥子, 物候分,有七二。 日 音 曰 旺。 辛 歲 幹, 東 申, 一水火, 周 藏 甘。 黄, 中。 木,夏南火,火叶毁。 + 下 戊 酉 四 同 赤白 金申酉 士, 戌 木  $\equiv$ 時末,各分寄,十 或 金水陰, 有音又。 金庚辛 亥。 時。 歲 則衰 配 生養, 金 辰 配星禽,數卅 黑。 閏 五 + 戌 ,火巳午,已 戌音恤 三十 行。 ·, 水 内, 子 木 窮 此 或 平 五 日  $\pm$ £ 水 色 則 斂 春 歲  $\overline{\mathcal{H}}$ 日 下 藏 木 葵, 寅, 陽, 中 反。 行 閉 夏 氣。 同 秋 己 甲 中宿一、精黄龍、爲軒轅、司 踰 四 白 五

斗七二 極。 明, 星,土 名,火 行。 Ľ, 是天 辰。 度。 六。 老人見,見音現 「輔。 萬, 世 偶 西長 喪去聲。 卅音 通。 廟 天九 東蒼龍 金主兵,水主 太微 柔。 緯 填星,填音 熒惑,木 運中央, 文昌六,將 颯。 庚。 右 進賢良,退不 干合支,紀麻數, 垣, 重,重音蟲。 支建月, 旋,緯 土安重,象女皇。 干 西 經 明堂位 繫 歲 酌元氣,天之綱。 白虎, 星 鎮。 萬國 音 日, 星, 刑 相 數 位。 起 府 秉 有三 奇偶 甯。 秉 仲冬。 南 凡 肖。 經 金 陰 天 朱鳥, 陽 四 左 將 光 精。 求, 廟 )廟諱。 市 德, 垣 七,帶 相 轉 盛 諱 南 並 垣 E 甯。 五 極 北 去聲。 宗象都 木昌 金 金 紫微 助 甲 建 轉 奇 主 一,是 與 衆 太 斗 有三台, H 去 子周 寅 水, 剛 武。 聲。 或 白 星 極 明 垣 南 會 八六十 外, 壽 E 奇 斗 水 廟 拱 東 附 火 五 居 音 音 北 啓 H 喪 辰 緯 北 北 征

倮

蟲。

倮音羅

Ě

溟 全。 音用。 不 閭 起 炁 名大 理 善 外,昴畢 泂 地 化。 海 崑 夷 濁 溷 必 ,吴嶽沂。 悪 舍,舍音赦。 行 有 有十 崙。 復。 醒 星, 報 嵩當中。 徐 書 淮 羅 揚荆。 水 間 濟 日 名。 渤 道 計 有太歲 醒音晶 洲 九州 大地 華 Ŧ 戎 清。 漲 至 此 三十 狄。 傳 中 十二次 公。 土,冀 夷 形 青 四 濟 五 南 海 或 界。 長 度 Ě 青 忌左 -六,有 鎮 五嶽 餘 冀分,幽 北 外。 治 善 學,下 彗 瀚 Ш 極 兖 廣 有 天 補 蓬 日 不 四 迎, 山 青,兖音衍。 同。 禍 輪。 闕 一,彗 垂 皆 洞 所 四 裔 ,首岱宗,衡 壺 并營,并 象, 義。 冰 會稽,會 宜 天。 躔 音 服 瀆 惡 河 度 神 惠。 右 哥 水 吞 音 有 見吉凶,見音現。 月交會。 星分野 背。 七十二,福 裔音 奪。 六鼇 洛, 福 妖 布 海 音快。 豫梁 音兵。 屋名。 意 江 精 别 神 數 景 華 戴 服 納 英 派 州 偶 星 雍 肇十 恒 醫 别 叶 有 漢 脈 然, 瑞 華 江 名 中 無 偪 孛 四 地 星 雍 同姓。 輿,有 經,郭 子男,皆侯國。 天下 狹。 燕音 方, 德。 澤, 論 河, 局, 北 洞 淮 四 道。 會泗, 江 庭 百二雄 烟,薊 四 馭 首 以 形勝 ,爲天子。 淮。 河 要 函 隴 紀 景 淮 太 論音倫。 異姓王 與 害, 音 要。 夏。 純。 濟 蜀 聞 鄱 地 海 古 計 陽,都音 會 川 都 尾 分兩 利 汶。 都洛汴, 資 通 注 名 六卿職,六部同 都 渤 城 唐 公孤 稱 病 天 帝 水 ]1] 雍 陝,陝音閃。 碣。 汶音問。 宋 皇 戒 書 經,酈 潢 婆。 Ŧ 宅中 數 州 盛 帝 號, 勢平沓。 宜 河 限 凡 青 西 雍音 冀 無 道改, 自秦始。 探 三太 北 道 六 草 九 五 大 德 用。 討。 合 等爵 高 百 龍 塞。 元 五 敗, 少,師 !,吏户 北 青 湖, 患 宅 祀 丹 都 東 塞音 山 酈 公侯 蟠, 齊,三 有 難 弱 南 音 陽 臣 江 百 Ш 瀦 德 防。 禮 賽。 力。 傅 封 浙 中 聚 下 勢 源 分 百 昌。 兵 保, 伯 荆襄 王 燕 江 益 攬 注 有 史方 乘 流 注

刑

坐

君

卑

乾

東

報

震

廓

山

全

薊

鱪

父

勝,五 宗旨。 弟 用之。 神存 德貴 有。 始, 焉 缺 同。 四, 工 首聖人, 信 卦 福 易 巽 震 士爲貴, 人三寶, 象, ,在脩身。 大夫士,皆在官,三百六, 日 朋 性 極 倫 長不死。 道 下 仰 慎 「哀懼 洒 終。 取 次 友 紀 備 盂 斷 其 河 龜 農工 義 獨 Ŧī. 正 人 愛惡 艮 精 易 天 圖 龍 桂 禮 典 君 禽 音 覆 有 開 誠 日 次 氣 商,爲 亦。 備 默, 盌 臣 智信 子 貌 五官,心爲 其 神。 乾 欲 重 鳳 言 意  $\equiv$ 篤 ,惡音悟。 洛 界 離  $\equiv$ 地 麟。 重 庶 三不 連, 此 書 中 父 幾 綱 行 闢 視 音 類 子 五 奥, 蟲。 者, 希 聽  $\overline{H}$ 直 虚 坤 河 朽, 君。 常 道 思 出 六 百 法 七 九 别 坎 人生 六 君 幾 德 蟲 圖 情 斷 周 根 靐 + 夫 中 父 此 養 音 E 功 長, 天。 具。 五 夫, 基。 婦 浩 寅 中 Ŧi. 四 滿 心 洛 斷 言。 性 音 長 事 學 氣 出 萬 治 兑 臣 睦 七 五 繫 短 民 音 書。 掌。 下 子 七 情 敬 其 事 辭 F. 有 兄 日 有 文 行 主。 智仁 風。 成。 序。 頀音 敬 母。 括 壇 宫 軍 内 妻, 石 有 勸 敗 集 商 賓 農 所 外 兵 互。 有絲 廟 務 母 ,括武 十二律,相 尊, 勇 金 嘉 刑 族 桑 諱。 角徵 匡 音 石器 將 宫徵, 象功 竹, 姥。 扶。 愛敬 除 父 興  $\overline{H}$ 帥 樂有六,祀天 經。 族 其 羽。 學 本 德 刑 材 高 有匏 貫始 事 惡。 立 四, 調 人,分 校 屬,有三千。 作 曾 爲宫, 握 師 將 角 五 土, 母 可 祖 帥 機 音脚,徵 禮 終。 新 禮 校 聲 教民。 族三, 並 父 处,在 樂 九 音 有 有 去聲。 如 立 效。 族。 調 音 正 祖 五 革 萬 而 君 音 音 , 咸 經經 治 木。 法, 妻族二。 父。 心 迢。 旨 身, 克 教 富 六 上 除 國 帥 諧 中 德 肉 章 或 而 F 起黄 傳 君 奇 此 和 毋 事 和 旁 教 總 韶 家 刑 子 八音, 臣 律 伯 徒讀 用兵。 鐘 相 吕 民 夏 以 孫, 嚴 吉 政 愛 漢 制 叔 書,趙 孝 頀 禮 之 信 與 所 五. 官 樂 事 至 有 次 樂。 要。 服 和 武 M 親 音 物

有

登

金

易昌 子,記 侍,傳 治。 萬 春 備 通 亦。 者 先 木牛 隋 讀 奇 尺法,萬 音豆 變, 樂 秋 養 目 淫。 文 四 孟 作 馬 命 經 孝經, 根 總 書 子 有 有 伏 中 定 亦 四 百 亡 初 民 象 熟 提 Ŧi. 言。 人義士 庸 庫 凡 技 要, 小慧。 命。 刑 數。 經 子子 傳 七篇 餘 教 訓 先 書,分甲乙,有經史,有子集。 巧, 制 作 樂 得 蒙, + 萬 孝 細 文王彖,周公爻,孔子 夏 思 大 E 害 記 與 E 講 經, 止 世。 經, 連 筆 廉平,下 學 經世略, 須 人心。 笞杖 失,當考校。 求 中,中 Щ 講 以 講 次 易 乃 論 次 道 四 究 ,答 書 殷 曾 易 語者 不 書。 讀 德 詩 統 無 開 指 歸 子, 音 Œ 偏 痴。 執 南 病 藏 天, 易音 説仁義。 音 古六 仲尼 自 庸 二十篇, 中。 義, 車 校音叫。 徒 黜 文 脩 亦,下 不 政 流 經, 居 籍 夏 傳。 易。 齊, 明 教 辨 教 死。 殷 同 祖 句 人 方 行 禮 孝 羣 曾 至 爲 易 傳 讀 桁 位 禁禁 唐 理 禮 樂 經 ¥. 弟 子 學 全  $\equiv$ 去 音 韻 學 經 合, 行。 穀 記。 超。 説, 興, 字。 謨, 露 别 禮,立學官。 禮 聲。 、善惡。 辨 梁。 緯 韓 興去 解 論 載遺文, 明本義。 有 繼 學庸篇, 有 周文公, 有 方言 緯音位 詩 六 孟 訓 墳 爾 聲 春 四 書 傳 連 誥 典 雅 秋  $\equiv$ 始 無 ,釋雅 傳 傳 傳 説 陸 + 有 尚 詩既亡, 尤 作 傳 資 如 有 邪 ,傳去聲。 文,傳去聲。 詩 文 Ξ 士 誓 書 純 説 周 經 詩 齊 思。 經, 禮, 確 疏 命 文, 粹。 言 禮 學 經 例 魯 殿 傳、 有 於是全。 言情 春秋作, + 六 道 五 不 著六官 風 漢 分三經 大小戴 奉經 七 疏 體 政 可 雅 迄 雅 韓 左擅 並 篇 要。 志 事 廢。 頌 唐 訓 毛, 去 ,子夏傳。 聲。 寓 與與 存治體。 含美 分 多 長,次公羊, 大戴 有 孔 四 傳 = 有 經 褒貶 王 四 師 蒼 白 家 三禮 子 訓 增 心 刺 詩。 法 文 禮 學 承 虎 徒 删 本 ~ 褒音 董 皆 論 考古 訓 出 孝 著 毛 有 小 賦 小 有

小

巡

分

次

包 戴 禮

儀

氏

序

中

典

比

精 變, 故 見 郷 理 古注 典 明 文,皆 疏 通 疏 經 實 去 桁 事 聲。 可 因 宋 施 事 發 行。 跡 明 讀 有 四 陳, 分。 音 潮 土 西 宇 都 樿 金 周 陵。 子 東 無 北 禪 道 齊 兀 魏 = 周 踞 世 滅 中 滅。 齊 原 禪 傳 唐 於 高 + 隋 祖 世

文字。

達

事

解

致

詁

音古

經

日

讀

史。

證

經

義

窮

事

理

盤

古氏

分

師

除

隋

亂

創

或

基

+

傳,

百

載

載

音

起

義

隋

滅

東

西

羲農 百 有 天 歲 湯 地 商 至黄 周 有三 滅 文 夏。 帝, 武 皇 一、天皇、 合堯 稱 湯 = 放 王。 舜, 地 桀 皇、 五帝 有 夏傳 人 慚德 皇 是。 也。 子 慚 居上世。 家 夏 音 讒。 有 天 禹 下 六 百 商 四 自 皆 朱 南 有 梁

曲。

趙宋興,受周

禅,十

八

傳

南

北

判。

篡,

或

步

改。

梁

唐

晉

及

漢

周

稱

Ŧi.

代

八 號 并 洪 滅 爲 武 宋, 宋, 傳 九 北 建 + 遼 文, 年 金, 永 大 金 樂 滅 篡 統 遼 樂 元 明 音洛。 内 滅 侵。 元 遷 北 都 元 京 應 滅 天 金

出 游 百 説 年, 高 秦 最 説音 祖 吕 長 興, 政 税。 久。 漢 始 始 業 周 兼 春 建 轍 并 秋 東, 至 并 終 孝 音兵。 王 戰 平 或 綱 墜 傳 E Ŧi. 莽 逞干 霸 世, 篡 强 戈, 七 楚 光 武 雄 漢 尚 下定。 六世,亡崇禎。

#

四

史,

全

在

44

載

治

亂

知

興

衰

清

世

祖

膺

景

命

平

流

寇

天

祀

紂

滅

周

代

商

代

勿誤

作伐。

積

德

厚,

麟 或 經 語 正 戰 紕 或 繆, 策 法 及三史, 戒 明。 務 有 專 史 力。 通 論 有 史 綱 法 目 析 仿

江 魏 魏吴 左,百年 襌 滅 蜀 分 久。 旲 或 宋齊 蜀 五 胡 帝 繼 亂 胄 ,梁陳承,爲南 魏吴 東 晉牛 賊 繼 司 馬 馬 朝 後 晉 朝 霸。 駮, 尊 通 儒 孔 古

蜀

興

爲東

漢

四

百

年

魏

受

禪。

襌

音

扇

下

並

同

源

流

析

音昔

黜

猥

雜

猥

音

委。

有

 $\equiv$ 

通

考

故, 尊王,治 氏。 今, 識 子 時 家 中 務 言, 朝 朝 經 盈 音 史 天 潮 下 通 通 兼 讀 儒 諸 極 子 道 雜 最 純

邵子。

異

端

樂

汾

音焚。

派

各

氏

从手,非木。 言 有 與朱 惜早 傳 猶 路 白 擇較 列 中 星 道 縱 吕 宗, 文 仙 無 龍 名 年 輩 聖 聚 學 横 雜 異 覽 管 好好 死。 君 一,並宗 奎, 精 家,縱 傳 黄 百 道 孟 羣 屋, 老 父, 法聲。 開 劉 Ш 老 術 子 五 賢 傳 語 氏 文 姚 鴻 雜 分 去聲。 武 佛 裂。 後 音宗。 大 老,文雖工,失中道。 輔 較 書, 起 江 烈 道 孫 老 儒 詳。 衰 申 歸 聞 書 包衆 周 吴。 德 徒 顯 商。 海 自 善 見 周 談 爲 昌 意 人 諸 經 宋 揣 難 同 實 經 儒 名 妙 師 黎 一程 葛 濟 廣 始。 測 陰 彌 術 韓 法 子 Ш 垂 變 儒 雜 楚 附 失 家 濟 比比 及 董 有 萬 **於夷** 家 輯 뾓 皇 真。 書 原 去聲。 張 河河 古。 荀 學 妚 智 熊 極 道 尚 顔 假 朱 揚 , 弥平聲。 氏 略 書 篇 汾 刻 王 有 後 稚 傳 孔 傳 人 荀 覈。 道 王 禮 地 儒 推 闢 立 佛 間 異 道 陸 III揚 家,采 心 性 精 繹 根 山 品 危,諷 勝 六 辭 子 讀 理 董 遏 賦宗。 重 劉 文。 朝 史 同 熟。 寇 醫 繹 史爲幹, 鍾 音 外 人, 書 從糸 文宗韓 虐 陸 甯 貌不 司 鳳。 秋 學古人,忌沿襲, 茂 詞 宣公。 空。 朝 慎 親 實, 讀 音 昌宋, 倩 書 漢文章 音潮。 杜 守 司 集 亦。 集 體 廟 子 玩 詩 詩 身。 文 部, 諱 枝葉, 春 宗 史。 勸 曲 宜 所 馬 修 尚 ,三代風 古文 杜 懲 戒 多 華 班 盛 讀 願 畫 辭 偶 讀 學 八 詩 法 算 謀 論文 本 道 元 儷 至 辭 華 六。 書 利。 讀 代 震 輔 通變化, 貴 音 奏 心, 儷 貫。 花。 E 逮 專 政 川 通 立 文 議 音 밂 讀 魏 詩 集 治 數 變, 利。 誠 有 農 著 學 尋 文 唐 漢 賦 學。 詩 雕 優 書 韋 作 可 初 以 真 魏 唐 文 抵 如 蘇 自 祖 龍 誳 實境 後 來 化 選 李 復 猶 楚 立 自 讀 稼 立 諫 古 I 理 功 漢 X 穡 絶 兵

覈

公音核

論

説

爲

霸

圖

楊

、墨氏

畫

一,好

教。

莊

禮

老

説

歧

Ŧi.

高

時

著

章音

賈

體

詩

騒

俗

書

艱

更

尋

務

發

心

百

經

爲

至

遺

八

官 又音 思。 好古。 仲尼, 爾 謝 映 雖 懸 編 人 誦 經 反 雪, IE 男 勞 梁, 心 道 稱 約 史, 猶 蒲 讀 子 字。 若梁 鰛 奇 奮 編俱平 師 ௱ 養 猶 家 錐 取 彼未老,已悔遲,已音以。 能 勵 苦 惟 當 爾 項 菁 德 能 雖 刺 論 彼雖 灏,八十二, 賦 學。 自 橐 幼 ,惟从心不从口 華 貧 股 咏 阚 詩。 論 大大 勔 學 吟 幼, 小生,宜 學不 菁 音 彼 削 讀 蘇 倫。 聖 音 當 泌 不 竹 子 唐 老泉,二十 身已仕,已音 晶 彼 效 七 輟 教 簡 彼 集, 劉 女子 對 之。 歲 立 彼 棄 且 既 晏, 自 大廷 考 能 朝於斯 志。 如 糟 好 仕, 勤 無 道 蔡文 方 負 學。 粕 且 詠 苦。 書 藝 八 瑩八 五 薪 學 魁 碁 爾 聰 以 歲 姬 好 粕 且 名 且 夕於斯 始 小生 如 如 法聲 敏 音 少 歲, 勤 士。 知 爾 彼 號 能 讀 掛 囊 剥 求 勉 勔 幼 瑩音營 神 辨 穎 螢 書 角 多 彼 宜 披 音 趙 學, 童 琴 悟 敏 既 早 知 身 蒲 昔 中 博 如 頭 而 戲 禹 於 不 民 不 曷 此 稻 勉 無

叶 後 經。 爲 寸 如 六 用 粱 丽 名。 陰、陶分陰 物。 畜 益 人。 心 菽 至 人生 人 揚名 ,戒之哉 牢養 麥 遺 幼 蠶 爲 所 黍 子 聲, 而 高 世 吐 餇 潤 稷 學, 絲 , 山 遺 顯 白 宜 籠養 H 此 去 壯 犬守 起 蜂 父 勉 \_\_ 年 六 聲。 平. 而 母 釀 力。 刻, 禽。 穀, 客 行, 夜 地 蜜 金 母 值 人所 少 滿 E 雞 馬 有 音 釀 千 年 某。 籯 致 4 爲 音 司 金。 食。 時 讓。 羊 君 晨 者 我 光 最 於 下 勤 教 人 荷 雞 日 亦 難 前 有 子 澤 不 不 犬 飽 若 學, 學, 得 功 民 豕 食 是 惟

當 依 繁者 今 是 一句一 以 刻 書 韻 四 讀 立 亦 大 句 言 韻 本 1 都 爲 者。 句、 四 詳 率。 行 句 明 + 文義 四 整 聰穎之人 句 韻 齊 句 亦 界 , 其 間 多 無 畫 有 混 四 義 加 分 雜 句 八 始 倍誦 明 句 破 備 碎 義 讀 之 韻 者 要 節 病。 亦 皆 目

增訂

發蒙三字經

级

遍

可

讀

八

句、或十二

一句、十

·六句,

魯

鈍

者

誤矣。 讀,口 泳, 認 售,貽害無窮。 不 教 義 卷首條 且,字多訛 本後,另作講 小字,頂格寫 正 各附正文後,不便 真 能 初學之書,並 文,專作讀 割截牽搭,作六句 遍 訛字,余必 校 盡 讀 書中文義當有注釋。 耳之間 領 辨, 對 如此 四 神會,容易 了,全刻 句。 認,甚 亦 法。 解之本。 正文,低格寫注 混雜受病 無 本。 根 余監 一須分析 口 原 漏 有 耳 至 (誦讀。 究而 書。 義。 有 如 明 刻 讀 删 既 增 法者往 白。 講 則 毀其板。 是 ,十句讀,十 熟 削 講解 補 若妄行 有 書,並 今用大字寫 讀 兩 原 翻 注 從 若將 得 書 一釋,刻 釋者, 刻 原書有 而 往 時 坊 便 删削, 者, 無 希 難 講 慎之慎 翻 聲 刻 宜 訛 圖 務 刻 書 附 免 貫 宜 四 韻 字。 注 或 賤 荷 本 凡 錯 須 讀 用 刻 文 旬 涵

九

弟子規

〔清〕李毓秀 撰

目 録	餘力學文	親仁	泛愛衆	信	謹	出則弟	人則孝	總敘	重刻弟子規序	重刻弟子規序	<b>弗子規題辭</b>	校點説明校點說明	<b>昼</b>
	+	<b>~</b>	<del>}</del>	Ŧ	Ш	_	_		=		_	_	

### 校點説明

注 王奂曾曾多次問學,深爲折服。 慕名聽講者頗多,監察御史、山西太平(絳州鄰縣)人 譌》、《四書字類釋義》、《學庸發明》、《讀大學偶記》、 精研《大學》和《中庸》。 習和遊歷近二十年,謹守師說,並傳其衣鉢。 三,山西絳州(今新絳縣)人。 人物志》記載,李毓秀師從明清之際著名學者黨成學 (宋孺夫文約》、《水仙百詠》等。 選 縣丞。 弟子規》,清李毓秀撰。 終年八十三歲。 晚年於敦復齋講授《易經》, 據乾隆《直隸絳州志。 其著作另有《四 李毓秀,字子潛,號采 李毓秀曾以國學生 其學尤 書 ΙĒ

有餘力,則以學文」的文義爲綱目,以三字韻語的形「弟子入則孝,出則弟,謹而信,泛愛衆,而親仁。行仁修訂,改名《弟子規》。全書以《論語・學而》中的《弟子規》原名《訓蒙文》,後經山西浮山人賈存

校

點說

明

字經》、《百家姓》、《千字文》等,成爲清代乃至民國時養弟子的仁義道德之風。《弟子規》流傳甚廣,與《三該恪守的行爲規範,核心思想是孝弟仁愛,目的是培式,分述弟子在家、出外、待人、接物與爲學等方面應

期通用的兒童蒙學讀物。

生兼校訂者戴楫所作序。 規題解》,述《弟子規》於童蒙之教益及重刻 本」)、光緒六年(一八八〇)南京李光明莊刻 録已毀版之王撰《重刻弟子規序》,以及王檢心的門 亂毀於南京。咸豐五年,王檢心在彭城再刻《弟子 知縣時,曾將所見《弟子規》重加校訂付梓,該版因 種》刻本(後入《西京清麓叢書》外編,簡稱 年(一八五五)慎修堂《復興齋叢書》刻 規》,是爲慎修堂本。 彭城知縣王檢心在道光二十五年(一八四五)任 堂本」)、同治五年(一八六六)傳經堂《蒙養書十三 《弟子規》之始刻本不詳。 再刻版前有王檢心所 現行版本有清 本(簡稱 「傳 撰《弟子 咸 本等。 高 慎 豐 戰 淖 修 五

慎修堂本與傳經堂本的區别有二:其一,目次

不同。 修堂本《信》中「見人善」至「漸相親」一段,傳 本、李光明莊刻本。 接近慎修堂本。 光明莊刻本目次與傳經堂本完全相同,而內容 則位於《泛愛衆而親仁》中。 似更明晰。其二,某些段落的位置有所移易。 作五個部分,將「入則孝」和「出則弟」、「謹」和「信」、 則弟、謹、信、泛愛衆、親仁、餘力學文,傳經堂本則分 「泛愛衆」和「親仁」各合併爲一類,慎修堂本的 慎修堂本共分八個部分,即總敘、入則孝、出 今以慎修堂本作底本,校以傳 以刻蒙學書籍著名的 經堂本 經 則 分類 如慎 堂 更 李

校點者 王雪華

## 弟子規題辭

大清 俾廣其傳,作聖階梯。 學文,殷勤告詔。旨遠言近,易知易能。 信,葆我天真。衆宜泛愛,親仁最要。 循行罔怠,立大根柢。 爰設義學,大道 淳溪生徒,勃然發越。 綱目畢舉。 忽遭寇氛,板燬金陵。 而習之,終身兢兢。 乙巳之歲,用付剞 觀厥成。 務 本。 檢心 咸 人性皆善,習始相遠。 謹 豐 如芽 題於彭城官舍之復性書屋 絳 五年歲次乙卯端陽後七日 州李君、譔 初長,如 人孝出弟,敬長愛親。 可證。 苗 迄今十載,人猶知興。 兹逢乙卯,民情安定。 孰非父兄,孰無子弟。 重命梓人, 甫生。 爲韻語。 童蒙宜養,首在 保愛護惜,聿 再鐫棗梨。 用 規弟子, 行謹言 内 餘力 鄉王 劂。

# 重刻弟子規序

兄爲仇,其父兄始悔前此之姑息養奸也,亦爲父兄者,姑息其子弟,不肯使守規矩,以爲爲父兄者,姑息其子弟,不肯使守規矩,以爲爲父兄者,姑息其子弟,不肯使守規矩,以爲爲,無所不至。其父兄始欲教訓之,督責之,不可其子弟狎恩恃愛,怙惡不悛,甚者或與父兄,此長,益悖慢無禮,作奸犯受約東於父兄,此長,益悖慢無禮,作奸犯不爲父兄者,如時已不同於人,非古今大聖大賢自其幼時已不同於人,非

生即《論語》「弟子入則孝」一章譔爲韻語,言家子弟多誦之。余觀其書,蓋絳州李子潛先齋諸君子訂性命之交,見《弟子規》一書,其齊諸君子訂性命之交,見《弟子規》一書,其

一晚矣。

中。 端其始,庶幾習慣成自然,少 先,子弟之率不謹,古今同慨。 賢教人之道,可次第 次告成,因 無益之費,令作爲有益之舉。 尚巫鬼,費用無節, 淺 而 之基,亦由此 規》一書,重加校訂,付諸梓人,分頒各義學 蒙,皆有成效。 終身行之不能 子習之,簡切易行。 亦 意近,段落分晰。 未必 意欲使爲弟子者,誦 無 [思教 小 而 補 盡。 歲在乙巳,視事 立。雖 人首 云爾 余購 而謀 弟子讀之,明白易曉; 推而 而 重蒙養。 施,而 不 以所以 以 廣之,雖大聖大賢 敢自謂化民成俗 此 歸, 書 成若 教之。 弟子 課 加 勸設義學,將 乃復取《弟子 高 父兄之教不 兒 玩味之,以 淳,憫 天性,而 希賢 輩 即 《希聖 取 其 訓 其 弟 俗 聖 童

大清道光二十五年歲在乙巳長而亦未必無小補云爾。

日後

學王檢心謹序於淳溪官舍大清道光二十五年歲在乙巳長至前

# 刻弟子規序

字,便於童子誦讀 序。 愛衆、親 等,皆是古人教小兒語。 足 句,皆爲 章總敘,其目次按 儀之末節,故知 又爲韻語。户,音祜,侯古切,上聲。下,音户,古韻讀如 楫 論語》弟子章,著《弟子規》。 無 爲 凡《周易》、《詩》三百篇,叶韻處皆合。 蹶。 子涵 楫序之日 絳 州 仁、餘力學 韻 先生 將上堂,聲必揚。 李 語,共一 子 : 昔朱子嘗疑《曲禮》「衣無撥 一校刊是書畢,而先生命楫爲之 潛先 爲教 ,明白簡切,易知易行 人則孝、出 百八十韻,一千有八 文分章。 生著有《弟子規 小兒語也。 蓋其文三字爲 將入户,視必下」 則弟、謹、信、泛 其文亦三字 書凡八章,首 子潛先生依 所言者又威 **\*** 書。 句, + 爲 所 教其子弟,俾弟子當天性未漓

習,而 之法,可以 因板 身行之不能盡。 梓人,分頒 厚先生《三字 賢子弟者,人之情也。 蓋先生表章之力也。 乙巳, 視事 余購以歸,課兒輩,訓童蒙,皆有成效。 此。 民,則是書之得以流布南方而傳之無窮者 命之交,見《弟子規》一書,其家子弟多誦之。 言皆弟子之事 余計偕人都,與 信乎聖言之義 在江甯遭亂 已昔先生曾刻是書於高淳,其自序云 爲之講 傳於後世。其言簡 各義學中。」及先生任 高淳,勸設 經 明其義。 丁, 楫以 **>** 倭 後 無存,又重刊 疏 所 艮 即 以 爲童子人 夫爲人父兄,莫不 ,而蒙士之準的 峰、楊毅齋諸君子訂 義學,重加 是書原本聖人教弟 蓋 可 爲成人之道,實 授讀 父兄 誠 是書,使 書塾,讀 而 以 得 義該,雖 校訂,付 銅 教 此 Ш 銅 規,以 縣 之誦 歲 欲 Ŧ Щ 基 伯 終 在 有 士 性 平

時

飲飯

聞孝、

俗,爲何如?而凡有教子弟之責者,可不體則是書之刻,其有功於蒙養,而可以化民成終其身而可以不忘,程功甚少,而獲益甚大。弟、謹、信、愛衆、親仁、學文之訓,童而習之,弟、謹、信、愛衆、親仁、學文之訓,童而習之,

先生之意,而服其教耶?

咸豐五年歲次乙卯端陽後七日門生戴楫其人,以爲是闇然自修之君子云。 事不少概見。楫序其書,蓋未嘗不爲之想見事不少概見。楫序其書,蓋未嘗不爲之想見

謹序

79

出

反必面

右

總

弟 子 規●

居

有

常

業無

變。

晨則省, 父母 父母教, 冬則温, 父母命, 父母呼, 責, 須 昏則定。 夏則凊, 須敬聽; 行勿懶。 應勿緩; 順 承。

有餘力, 泛愛衆, 首孝弟, 弟子規, 敘 則學文。 次謹信。 聖人 而親仁。 訓。

諫不人, 德有傷 身有傷 苟私 苟擅爲 號 怡吾色 親 親憎我 親愛我 親所惡, 親 物 事 泣 所好, 有過 雖 雖 小小, 小, 隨 柔吾聲。 孝方賢。 悦復諫, 謹爲 撻 貽親 力爲 勿私 子道 勿擅 諫使更, 孝何難; 貽親羞。 親 無 心 憂 去。 具; 傷。 虧。 爲,

此標題爲校點者新加、底本無。

財物輕, 怨何生, 兄弟睦, 孝在中。

言語忍

忿自泯。

諸

父,

如事父:

諸

兄,

如事兄。

長者先,

幼者後。

或飲食

或坐走

長

(呼人,

即代叫,

稱尊

勿呼名:

不

在

己即

到。

右 入則 居處辨, 喪盡禮 喪三年, 晝 親 一夜侍, 死 有 者, 孝 疾 祭盡 不離牀。 酒肉絶。 藥先 如事生。 常悲咽, 誠, 嘗,

右出

則

弟

老易至,惜此時。朝起早,夜眠遲,

問起對 尊長前 低不聞 長者立, 騎下馬 長無言 路遇 進必趨, 長者坐。 過猶 對尊 待 長 長 卻非宜。 聲要低, 勿見 百步 乘下 視勿移。 退必遲, 命乃坐。 幼勿坐 退恭立。 疾趨 車, 餘。 揖 能

飲酒醉, 置冠服 衣貴 勿亂 勿踐 對 襪 冠 便 晨 勿箕踞, 揖深圓, 步從容, 食適可, 上循分, 飲食, ·方少, 與 必 溺 必 履 閾, 潔, 頓 正 回, 盥 Ó 拜恭敬 有定 勿摇 勿飲 勿過 勿揀 致污 勿有 勿跛 立端 不貴 俱 紐 輒 兼 最 下 -稱家。 爲 緊 必 净 漱 擇, 華, 切。 倚 位 酒 則 手。 正 口

0

「食適可」,傳經堂本作「適可止」。

鬭鬧場 事勿忙 借 倘 吾 將 將 邪 勿畏 執 寬 用 問 虚 不 人 與 E 人 僻 虚 轉 人 門, 難 問 物, 我 堂 器 物 誰 事 及 即 須 不 對 聲 問 絶 絶 勿 忙 如 如 -分明。 明 以 必 孰 輕 多 有 爲 勿 勿 執 觸 時 還 偷。 求, 名, 揚。 存, 問。 近, 略 盈 棱。

右

謹

後有急 借不難。●

市 奸 井 巧 氣 切戒之。 詞

知 見 未 未 真 勿輕言。

非 宜 的 勿輕 勿輕傳。 諾

多易錯 語 穢污 少易好。

不如少, 信爲 奚可焉。 先,

話

説多,

詐

與妄,

凡

出

言,

有則 見人惡 改 無 即 加警。 内 省, 縱去遠

以

漸

躋。

見人善,

0

即

思

齊,

惟德學, 惟 一才藝,

若 不 如人 衣 服 若飲食。 當自勵。

不 如 Ĵ, 勿 《生感。

過怒, 譽恐 友 來, 益 聞 醫樂, 友 卻。 欣

損

聞

聞

聞

過

「多易錯」至「奸巧語」,李光明莊刻本作「惟其是勿佞巧 後有急借不難」,李光明莊刻本作「人借物有勿慳」。

0

疾」,傳經堂本作「連」。

刻薄語」。

之愈加勉揚人惡即是惡疾之甚禍且作」,而「見人善」至 ·見人善」至「漸相親」,傳經堂本作「道人善即是善 漸相親」一段另置於「小人進百事壞」之後。 人知

不

一關己,

莫閒管。

彼説長,

此説

短

勿急疾,

模

糊

凡

道字

重

Ħ.

舒,

苟

輕諾

進

退

錯。

事

四

右

凡是

皆須愛,

通能改, 方心非, 有心非, 名爲惡, 動於無, 衛務, 衛和親。

勿諂富, 人有能, 人所服, 才大者, 己有能, 勿厭故、 人所重, 行高者, 天同覆。 非貌高。 望自大, 勿驕貧 名自高 地同載。 勿喜新 勿輕訾。 勿自私, 非言大。

0

| 「道人善」至「禍且作」,傳經堂本置於上文「不關已莫閒

己不欲,即速已。將加人,先問己,

凡取與,

貴分曉。

與宜多,

取

宜少。

遇不規, 道兩虧。 善相勸, 德皆建, 福且作。

人不與, 勿話擾。 人有短, 切莫謁, 人有短, 切莫謁, 人有短, 切莫説。

Ŧī.

右

流俗衆, 能親 親 不 德 果仁者, 同 小 言不諱, 日進, 親仁, . 是人, 進, 人多畏, 百事 無限 過日 類不齊 色不媚。 仁者希。 無限好,

少。

右 泛 雖貴端 勢服 理 愛 服

人, 僕 短 心不然, 身貴端 報恩長。 慈而寬。

待婢

報

怨

恩

欲

報

怨欲

志

墨磨偏 房室清 任己見 字不 寬爲 方讀 讀書 但力 長浮 几 就 心 工 心 列 此未終。 案潔 夫到 人 有 眼 力 問, 疑, 限 此 П 法 心先 求 緊用 彼勿 成何 心不 牆 隨 有三到, 昧 不學 滯 但 勿慕彼 信皆要。 定 硯 札 塞 理 壁 學 確 端, 海, 起。 真。 文, 義。 記, 通。 功, Æ 文,

六

右餘力學文 右餘力學文 右餘力學文 右餘力學文 右餘力學文 右餘力學文 右餘力學文 右餘力學文 右餘力學文

「屏」,傳經堂本作「絶」。

七

# 曾文正公家訓

〔清〕曾國藩 著

咸豐九年三月初三日,清明 一一	咸豐八年十二月三十日 一〇	咸豐八年十二月十三日 九	咸豐八年十二月初三日 九	咸豐八年十月二十九日,建昌營次 八	咸豐八年十月二十五日 六	咸豐八年八月二十日,書於弋陽軍中 四	咸豐八年八月初三日 三	江西省城八十里 二	咸豐八年七月二十一日,舟次樵舍,下去	無州門外	咸豐六年丙辰九月念九夜手諭,時在江西	曾文正公家訓卷上	校點説明		多		
咸豐十一年三月十三日 二八	咸豐十一年二月十四日 二八	咸豐十一年正月二十四日 二七	咸豐十一年正月十四日 二六	咸豐十一年正月初四日 二五	咸豐十年十二月二十四日 二四	咸豐十年十一月初四日 二三	咸豐十年十月十六日 二三	咸豐十年四月二十四日 二二	咸豐十年四月初四日 二一	咸豐十年閏三月初四日 一九	咸豐九年十月十四日 一八	咸豐九年九月二十四日 一八	咸豐九年八月十二日,黄州 一六	咸豐九年六月十四日 一五	咸豐九年五月初四日 一五	咸豐九年四月二十一日 一三	咸豐九年三月二十三日 一二

三

八四	同治五年三月初五日	七0	同治四年八月初三日
···· 八三	同治五年二月二十五日	六九	同治四年七月十三日
八三	同治五年二月十八日,兖州行次	六八	同治四年七月初三日
····· 八二	同治五年正月二十四日	六八	同治四年六月二十五日
· · · ·	同治五年正月十八日	六七	同治四年六月十九日
八一	同治四年十一月二十九日	六六	同治四年六月初一日
八〇	同治四年十一月十八日	六五	同治四年閏五月十九日,清江浦
七九	同治四年十一月初六日	六五	同治四年閏五月初九日
七八	同治四年十月二十四夜	六四	同治三年七月二十四日,舊縣舟次
七七	同治四年十月十七日	六四	同治三年七月二十日
七七	同治四年十月初四日	六三	同治三年七月十八日
七六	同治四年九月晦日	六三	同治三年七月十三日巳刻
::: 七五	同治四年九月二十五日	六二	同治三年七月初十日辰刻
七四	同治四年九月十八日	六二	同治三年七月初九日
七四	同治四年九月初一日	六一	同治三年七月初九日
… 七三	同治四年八月二十一日	六一	同治三年七月初七日
	同治四年八月十九日	六〇	同治三年六月二十六日酉刻
… 七一	同治四年八月十三日	五九	同治二年十二月十四日

489

四

同

治

Ŧī.

车

+

月二十八日

九

六

九

五

九

四

九

七

同

治六年三月二十二日

九

九

七

同

治五年

十二月二十三日

司

治五

年

十二月初

日

同

治五

年

十

月十八

日

同

治

五

年

+

月

初三日

同

治五

年

十月二十六日

九三

九二

九二

九

九

同

治

五

年

九月十七

Ħ

同

治

五

年

十月十一

日

司

治五

年

九月初九日

百

治

五

年

八月二十二

日

同

治五年

八月初三日

九

0

九

同

治五年七月二十日

同

治

司

司

治五

年

司

治五

年

应

同

治五

#### 校 點 説 明

爲

之學 宗,同 學 職 兩 天 家的曾國藩受任爲湖南團練大臣,後成爲剿滅 秀才,翌年中奉,道光十八年中同進士。 事家、理學家、文學家。 院庶吉士累遷侍讀、侍講學士、文淵閣值閣事、内閣 人家庭,幼從父學,道光十三年(一八三三)入縣學爲 涵 重 江 或 士兼禮部侍郎,及署兵部、工部、刑部、吏部侍郎等 號 總 ,皆蔚爲大觀,卓有成就,兼具「中興名臣」與「理 的 咸 . 時 滌生,湖南湘鄉人,中國近代著名的政治家、軍 國 豐三年(一八五三),太平軍攻入湖南,丁憂在 湘 的雙重身份。 兼 藩(一八一一一一八七二),初名子城,字伯 軍 采 直 主帥,封太子太保、一 漢 隸 學, 總 督。 一生精 同治十一年(一八七二)卒于 在學 曾國 研 藩出生于耕 術上,曾國 義 理、考 等勇毅 據、 藩以宋學爲 此後從翰林 讀並 辭章、經 侯, 先後任 重的 太平 士 濟 頑 局 緒

仁見智,褒貶不一。 元兇」。 江 總督任上, 謚 文正」。 章太炎謂爲「譽之爲聖 後 人對 曾國 藩 的 相,讞之 評 價 見

兩

後,士大夫之家皆以之爲教育子弟的教材,故各地 氣質,所關匪淺」(玉渝語)。 「言近旨遠,意誠 人、處世、養生等多方面。 兒子曾紀澤、曾紀鴻、内容涉及持家、治學、修身、爲 父、二封寫給夫人、一封寫給侄子之外,其餘皆寫 七封,上卷五十五封,下卷六十二封。 上、下兩卷,編者精選出曾國藩教育子女的家書 刊《曾文正公家訓》係單行本。《曾文正公家訓》分爲 名學者長沙人曹耀湘主持編輯,由楊仲蕃刻字,於光 局 立懦,使人滌瑕蕩穢,化惡遷善,於轉 編纂的《曾文正公全集》已於光緒三年 五年(一八七九)由傳忠書局刊行。 組 織 曾國 編纂曾氏文集。 藩去世 , 詞懇, 娓娓不倦, 尤足 後,清朝統 《曾文正公家 後人評價《曾文正公家訓 治 《曾文正 者 開 始 公家 訓 在長 除 因此前傳 振 移 》即 聵 訓 風 刊 封寫 沙 由 印, 》刊行以 發聲,警 氣,變化 傳忠 當 故此 給 忠 時 紛 給 叔 著

穆 紛 書,在近代中國社會産生了深遠 盛贊曾國 翻 刻, 光緒 藩爲「中國 中葉 後已 一大教育家」。 遍 及大江 影響。 南北, 幾於家 著名學 者 有 錢 其

曾國 局編 應 海 年(一九〇九)章 印 二十九年上 各 本、民國十八年上海世界書局石印本、民國十八年上 廣百宋齋鉛 光緒十三年上海鴻 五)上海鑄 全集合刊。 廣益 印刷質量則參差不齊。 社鉛印 書館鉛印本、光緒年間 種 葆、 輯《 版本的《曾 除傳忠書 書局 曾 湘 本等,或爲單行本,或與家 紀澤、 鄉曾氏文獻 記書局石印本、民國年間著易堂書局 石 海 印本、光緒十六年鴻寶南局鉛印本、 各種版本皆以傳忠書局 印本、民 鴻 局原刻本外,晚清至民國年間 文正公家訓》多 寶書 曾紀鴻 福 文書局鉛印本、 書 局 局 》,將曾 國二十四 等人的部 石 石印本、 上海申報館 印本、 國 九六五 達數十 藩、曾國 年上 光緒三十二年 民國 分手稿 光緒十六年上海 書、日 年, 鉛印 海 刻 種。 四年(一 潢、曾 臺 本爲基 大 影印 記 本、宣統 灣 達 主要 合刊, 學 流 出 國 九一 礎 書 石 商 傳的 光 有 版, 編 或 供 ED 務 緒 元

《曾文正公家書》及《曾文正公家 文獻 叔河 無手跡的以 藩往來家書全編》(簡稱「《家書全編》」)爲參校本,凡 局校印本(簡稱 點,是名副其實的家 簡稱「《湘鄉文獻》」)爲校本,以光緒十六年鴻 湘鄉曾氏文獻 |藩家 信 博 原刻本爲底本, 書 和鴻寶南局校印本進行校勘。 物院 匯 館藏曾國 價值甚高。 書録副 編校點 人藏曾 《曾國藩往來家書全編 藩 國藩及其 的《曾國藩往來家書全編》, 抄件」 》中有手 鴻寶南局本」) 親筆 以 九九七年海 臺灣學生書局《湘 書「全編」。 家書墨 及「發 跡 家人親筆家 的 刻抄 一跡、 以手跡 南出版社出版 和 本次校 件」、傳 湖南省 海 訓》爲 所收來自手跡 爲 南 書 墨跡 主 出 鄉 點 基礎 忠 圖 版社 曾氏 進 以 書 以 行 臺北 整 館 湖 傳 局 3 文獻 校 曾 寶 忠 理 南 由 刻 藏 國 校 本 曾 省 故 鍾

局

或

官

校 點者 黄長義

# 曾文正公家訓卷上

# 撫州門外咸豐六年丙辰九月念九夜手諭,●時在江西

字諭紀鴻兒:

勞習苦,可以處樂,可以處約,此君子也。官,但願爲讀書明理之君子。勤儉自持,習少慰。凡人多望子孫爲大官,余不願爲大少慰。凡人多望子孫爲大官,余不願爲大家中人來營者,❷多稱爾舉止大方,余爲

奢易,由 可,太豐則吾 食起居,尚守寒素家風。極 余服官二十年,不敢稍染官宦氣習,飲 審返 儉 不 敢也。 難 爾年 凡仕宦之家,由 尚 幼,切不可貪愛 儉也可,略豐 [儉人 也

起,莫墜高曾祖考以來相傳之家風。吾父吾不敗。爾讀書寫字,不可間斷。早晨要早工商,勤苦儉約,未有不興,驕奢倦怠,未有奢華,不可慣習懶惰。無論大家小家、士農

叔,皆黎明即起,爾之所知

也

莊,言不妄發,則入德之基也。 夫,至今猶不免偶有戲言戲動。爾宜舉止端 命相干涉。吾有志學爲聖賢,少時欠居敬工 長,至今猶不免偶有戲言戲動。爾宜舉止端 正,至今猶不免偶有戲言戲動。爾宜舉止端

▶ 「念」,鴻寶南局本作「廿」。

②「人」"鴻寶南局本作「之」。

## 咸豐八年七月二十一日, 西省城八十里 舟次樵舍,下去江

字諭紀澤兒:

家信中。 省僅至丁、左兩家,餘不輕出,足慰遠 余此次出門,略載日記,即將日記封 聞林文忠家書即 係 如 此 辦 懷。 法。 每次 爾 在

缺一。 非高 書 吟則不 文》《近思録》、今年看《周易折中》之類 讀者,如 昭明文選》、李杜韓蘇之詩、韓歐曾王之文, 守,不輕花費者也。 則 在 聲 外貿易 能 朗 書之法,看、讀、寫、作四者,每日 看者,如爾去年看《史記》《漢書》《韓 四書《詩》《書》《易經》《左傳》諸經、 探 誦 其 則 ~,獲 深遠 不 能 利三倍者也, 之韻 得 其雄偉之概,非 譬之兵家戰争,看書 譬之富家居 讀書 則 密咏 積,看 是也。 在 不 恬 家 可

> 壘,得 亡」相近,●讀書與「無忘所能」相近,二者不 則 攻城略 地 能守者 地,開 拓 也。 土宇者 看 書 也; 與 子夏之「日 讀 書 則 深 知 溝 所 堅

可

偏

廢

作字遲 間 能 斷 作 楷 日。 至於寫字,真行篆 書 鈍,吃虧不少。 一萬則幾矣。 既要求好,又要求快。 **、隸,爾** 爾須力求敏捷,每 頗 好之, 余生平因 切不 日 可

帖詩、: 爲之,則後此彌不肯爲矣。 年不可怕醜,須有 文,數者不可 模,過三十後則長 至於作諸 作律賦、作古今體詩、作古文、作駢 不一一 文,亦宜 狂者進取 進 一講求, 極 一難。 在二三十 之趣。 一一試爲 作四 書文、作 - 歲立 過 之。 時 定 不 試 試 規 少 體

至於作人之道,聖賢千言萬語,大抵不

慎

<sup>0</sup> 「與」,原作「如」,據《湘鄉文獻》改。

咸豐八年八月初三日

安,不多及。 | 本場在即,亦宜保養身體。余在外平 |

立德之基,不可不謹。

·恕」字或易著功,「敬」字則宜勉强行之。

此

晉江西省,廿一申刻即至章門。餘不多及,至家矣。余自十二至湖口,十九夜五更開船再,此次日記,已封入澄侯叔函中,●寄

# 字諭紀澤:②

- 「函」、《湘鄉文獻》作「槭」。
- 「澤」下、《湘鄉文獻》有「兒」字,下多同,不出校。

不足也。此切己體察之一端也。

兩

宜

壁還

余有復信,

可并交季

翁

也

此

囑

視 水 之快也。 潑 游 則 濡 之潤 曰 : 説文義, 瞻有「夜卧濯足」詩,有「 字,庶可得之於意言之表。 水, 此 者之一 地 傷 而 察二二語 涵者, 花,過 澇 心 3 滋 如 涵 莊 如 液 適 卻 人之濯 泳」二字,最不易識。 快 子言 左太沖 花、 如春雨之潤花,如清渠之溉 中則 小 不 悉 清渠之溉 也。 則 甚能 如 心 濠 難 稻、 足。 求之。 涵 有 梁 善 透, 深人。 養 觀 「濯足萬 讀 如 程子 而 稻 過 魚 魚、 書 浡興。 過 大則 者, 浴罷」詩,亦人性樂 安 如 謂 미 少少 |里流||之句,蘇 知 就朱子 濯 須 魚 離 爾讀 則枯槁 余嘗以 非 足, 躍 視 泳者,如 披 樂 書 於 則「涵 適 書易於 涵 如 淵, 0 此 意 中 稻 水 泳、 活 魚 魚 過 測 則 泳 解 子 潑 之 多 之 ൬ 水 雨 涵 溪

購 致十 鄒 ·副,爾收得後可好藏之。 叔 明 新 刊 地 圖 甚好, 余寄 薛曉帆銀百 書左季 翁 託

咸豐八年八月二十日,書於弋陽軍中

字諭紀澤:

之賊 即 擬 信并詩一 日 此 雲 余 在 由 時 際關 安仁 亦 竄 鉛 計 十九日曾六來營,接爾 回 擾 已 Ш 想 首,具悉。 屯踞 出 江 人 閩 闡還家。 西 閩 也 陽。 + 連 進 陷 擣 四 待 次日入闈,考具皆 崇 日 瀘 安仁 余於 安, 溪、 派 破滅 張 初 金溪、安仁 己 初七日第 凱 八日 拜 章 後 疏 往剿, 至 矣。 余乃 河 Ŧi. 齊矣, 三縣 口 十五 由瀘 光 號 澤 本

凡 作 詩, 爾 七古 最 人 宜 詩 講 氣 究 清 聲 而 調 詞 亦穩 余 所 余閲 選 鈔 之忻慰。 五 古九

0

陸 厭。 家、 昂、柳子厚之五 古、七古,須熟 放翁之七古,聲調 七古 余 派所未 一六家, 鈔 讀 者, 古,鮑 聲 五古、 調 如 亦 皆 明 左太 七古各數 清 極 遠、高 越 鏗 沖、 異 鏘 常。 達夫、王摩 江 耐 + 文 篇 爾 通、 百 欲 先之 陳 讀 作 詰 子  $\overline{\pi}$ 不 常

新

也

也; 亦純 種 腕 我之喉舌相習,則下筆爲詩 其 以高聲朗 煅詩 下。 味,二者并 無字句之詩,天籟也。 (會來。 奏泊 在聲調 未就 詩成自讀之, 誦 加 且 古人云「新詩 成,則於詩之道 以 上下工夫。 長 進 昌其氣,繼之以 吟一, ,使古人之聲調 可 亦自 見古人慘 蓋 覺琅琅 改罷自 解此 思過 有 時 字 必必 密 半 者,能使天籟 句之詩,人籟 淡 可 詠 拂 長吟」,又云 有 誦 經營之時 句 拂 恬吟以玩 引 調 然 出 凑 若 赴 斑

光 講 潤 究 『較去 爾好 寫 年春夏 古來書家 字, 是 〇已稍 好 無 氣習。 退 不善 矣。 近 使墨者。 以 日 後作 墨 色不 字, 能 須 甚

> 輕 翰 重 之 種 多 疾 神 徐 所 光 致 活 皆有 色浮 亦 精意 緣 於紙 於 運 墨 E 之 乎其間 新 固 舊 由 濃 臨 故能 淡 池 之 使 用墨 勤 光 氣 染

圓 論 若 歲 體 考》中所 文之書,有十七史中各《天文志》及《五 縱 無 不 涘,獨天文、算學豪 一三座,不 遂致 大 難 爲 在軍 終, 識 匀,次求敏 克 小 認 通 余生平有三 難易, 曉,恒 因 家 報《觀 屢 恥 之子, 作字 變 過 恥 也 數 而 屋、五 皆 捷 也 ş 象授 月, 太 當思 無 宜 15 , 恥 鈍 每 所 若一 時 有 時 可 緯 無 成 作 作 學問 雪 始 畢 **>** 廢 觀 所 日 字, 有 此 閣 遲 識 認 知 種 事 能 終。  $\equiv$ 各 殊多 鈍 矣。 尚 不 作 治 恥。 雖 塗 加 能 易。 每 ·楷書 作字 皆 凡 恒 不 夜認 臨 三恥也 業, 星、 作 推 適 家 摹 略 一萬,少 時,先求 步、 於用, 中 明 涉 輒  $\overline{\pi}$ 事 家 恒 禮 言 算 緯 其 有 > 通 天 學 阚 近 始 亦 涯 無

留 來以之爲學,則手鈔群書, 或七八千,愈多 牘。 無 窮受 用,皆自寫字之勾 愈熟, 則手腕豪 以之從政 不 而 費 且 則 力。 捷 案 生 無 將

出

者皆足彌吾之缺

**w**憾矣。

者迭進 榜後 阚 中所見、簡 難得,一 數先生之書,亦不可不熟讀 之進步,不宜太寥寥。 即當 今年初次下場,或中或不中, 刻千金,以後寫安禀來營,不妨 看 或 編 朝大儒 所 詩經注 得, 馳 如 疏》,以後 騁 顧 議論,俾余得以考察 此 閻、 諭 而深思之。 江 窮 經讀史,二 無甚 戴、 段、王 關 光陰 將 係。 胸

# 咸豐八年十月二十五日

#### 字諭紀澤:

愜

意

者則以

硃筆識出,其

(懷疑

者則

以另册

寫

無

論

看《注

疏》、

看朱傳,曾總宜

虚

心

求

之。

其

廿四日接澄叔信,内坿爾臨《玄教碑》一册。●十月十一日接爾安禀,内坿隸字一册。

王五及各長夫來,具述家中瑣事甚詳。

六

如《鄭 與友人人山,《鴛鴦》爲明王交於 詁,而不復顧文氣之不安。 信已有 朱子以爲皆淫奔者亦未必是。 掃 所 「言」爲「我」,處處 訓,不參私見。 處 舊障,專 疑《螽斯》章解,同 在 確守故訓 爾信: 風》諸什、《注疏》以爲皆 長 進。 内言讀《詩 在涵泳神 ,失之穿鑿; 凡漢人傳注, 釋 「謂」爲 皆然。 經注 味,虚 一穿鑿。 疏》之法,比之前 「勤」,尚 蓋 如《伐木》爲文 其 而 唐人之疏,其 亦十 好處 與之委蛇。 朱子《集傳 爾治經之時, 刺忽者固 不數 萬 口 在 物, 相 確 見 傳之 與 守 非, × 思 然 釋 故 王

● 「朱」,原作「宋」,今據鴻寶南局本改。 ● 「玄」,原作「元」,係避康熙諱,今回改,下同,不出於

生,而 者漸 朝之冠,皆自劄記 自然日進。 小條, 晰 望爾 或多 又記 爲伯 高 於 爲 郵 申氏 此 辨 王懷祖先生父子, 條 論 得 之下, 甚 來。 或僅 切 也 久 吾雖 著 久漸 數字。 不 成 及懷祖 經學 卷 將 帙 爲 來 先 本 則 疑

若學賦 矣。 嘗以《 之相 字, 可。 有本朝之吴穀人、顧耕石、陳秋 漢魏六朝之賦,名篇 惟文章之可以道古、可以適今者,莫如 小 近否 此 爾 賦 西 其小品賦,則有《古賦識 事比 問 ,可於每三、八日作 征 或僅數 時 一》、《蕪 之八股文 藝 可 + 城》及《恨 否 - 字, 或 暫 鉅製,具載於《文選》,余 略有意趣,不 置,抑 對 一篇 以《别 或不 或它 小 大 が筋諸 録 對 ()等賦 有所學,余 知 뒓 均 律 阚 或 家 作 性 無 數 賦 示 賦。 與 不 千 爾 則 阚 恐將

爾 想 所 臨 係 執 隸 筆 書 太近豪之故 孔 宙 碑 \*, 筆 以後 太 拘 須 束 執 於 不 管 其

帶歸 改之。 頂。 專 姻 習 叔 示 余以 真 嫌 《玄教 其子弟。 左肩太俯,右肩太聳。 草二種,篆隸置之可 執 筆太低, 碑 》墨 爾字姿於草 氣 終 甚 身吃 好 可 虧, 也。 書尤相宜 吴子. 故 可 四 序年 喜 教 體 爾 一,以後 并習 伯 郭 趁 欲 早

來

不能

<u>一</u>エ

八 各勇夫病者,十分已好六七。 論 須 善,況兄弟乎? 箇 不 「樂育諸弟之念。 九,忻慰之至。 與之互相勸 能拔營進剿,良深 則 余 彼 癬 此并進矣。 疾 近日大愈,目光平平如故。 勉。 臨三、昆八,係親表兄弟, 爾 君子之道,莫大乎與 爾有所知者,常常與之講 此論 焦灼。 爲下輩之長,須 聞 甲 惟尚 五 目 未 常常 疾 復元 人爲 + 中 存 愈

● 「恨」,原作「憾」,據《家書全編》改。

# 咸豐八年十月二十九日,建昌營次

字諭紀澤:

禀,具悉一切。 | 信,温叔及法。二十七日縣城二勇至,接爾十一日安 | 書至此法。二十五日寄一信,言讀《詩經注疏》之 | 信,遂示閱示。

學。 卷内 定授 書 自 儒 慰 星象雲 梅 於 時、《史記 天文志》是 然皆不講占驗, 定 天 恒 爾看天文,認 前信言《五 氣 文 星 九、王寅 圖 以 曆數之學,講 1 最 . 吉凶 爲 也。 旭 禮通考》中《觀象授 律書》、《漢 明 以 得 **\*** 晰 但講 推 至江、 恒 曾 史 步 星數 求 記 者 推 繙 精熟, 戴諸 書 測 . 步。 閲 十座,甚 天 . 否? 七政 律曆 老,皆 官 占驗者, 度 書 越 時》二十 行 或 \*\ \( \lambda \) 慰,甚 志 前 度以 稱 朝 影是 古。 漢 觀 大 絶

> 人能 矣。 禮通考》内有之,《皇清經解》内 心 壺 四六落脚 略 既肯究心此事,可借此書 窺二者之端 字粘法,另紙 緒,則足 亦有之。 以補 寫示。 若爾與 與之閲 余之 因接安徽 心 看 闕 壶 <u>条</u> 憾

信, 甚得志,設有不測 於度外,且常恐無以 六安州之信,尚有一線 矣,悲悼曷極 叔受恩尚淺,早歲不獲一第,近年 温叔及李 書至此,接趙 -迪 庵方伯 來信 ,賫憾有窮 克彰十五 對同 寄 生機。 尚 叔 事諸 無 深 祖 夜自 期 父封 確 重,久已 君 耶 余官至二品 信 於 桐 内,中 在 地 想 城 軍 置 己 發 有 亦 死 殉 來之 温 生 難

豐四年冬間相似,情懷難堪。 合之變,兹又有三河之大變,全局 平,不圖七月有廬州 軍 情變幻不測, 之變,八九月有 春夏間 方冀 但願 此 破 賊 爾專心讀 壞 江 指 與與 浦、 日 咸 六 口

也。

秦味

經先生之《觀象授時》,簡而得要。

之事鑽研得幾分,則余在軍中,心常常自慰。書,將我所好看之書領略得幾分,我所講求

爾每日之事,亦可寫日記,以便查核。

# 咸豐八年十二月初三日

字諭紀澤:

爾岳 聯尚穩妥。 早世,賀家氣象日以 亦愷惻慈祥 解其憂。 安,爾將有長沙之行, 母,以慰其意,每年至長沙走一二次,以 初 耦 日 '', 而 庚先生學問文章卓絕輩流,居官 接 爾十二日 家運若此,是不可 、凋耗。 想此 爾當常常寄信與 時又歸 禀, 得 解 知 也 四 宅 爾 少 輓 庚 平.

今年六月在岳州寄回一部,每卷之末皆附《校勘記》。《皇清不合者,阮氏《校勘記》最詳。 阮刻《十三經注疏》,《詩經》字不同者,余忘之。 凡經文板本

經解》中亦刻有《校勘記 等著,俱刻於《皇清 段氏《撰異》最詳。 經 解 》, 可 》中。 段茂堂有《詩經撰異》、《書經撰異 取閲 爾 也。 繙 而 凡 校對之,則 引 經 不合者, 疑

者明矣。

# 咸豐八年十二月十三日

字諭紀澤:

《公》、《穀》亦可緩看 之弊; 完。《三禮注疏》,非將江慎修《禮 細看一徧,一則含英咀華, 得大段,則《注 沅叔及寅皆先生望 日來接爾兩禀,知爾《左傳注 一則吾熟讀此 一疏》亦 殊 書 阚 難 可常常教 爾作 明 領 可醫 春 會 四 將 書 阚 爾筆 胡 文,極 書 爾 可 疏》將次 刻《文選》 蹔緩 綱 也 下枯 目》識 爲 勤 歰 即

可太醜,惹人笑話。爾自明年正月起,每月懇。余念爾庚申、辛酉下兩科場,文章亦不

或作得詩賦論策,亦即寄呈。 作四書文三篇,俱由家信内封寄營中。此外

有 未倒之際,一 筆毫之腹著紙,不倒 蹲 中鋒 鋒」, 寫 字之中 時 如獅 也 可此論 提筆則爲 蹲 鋒 虎蹲 者,用 於左,則倒於右,當將 犬蹲之 蹲鋒, 筆尖著紙 象。 是用偏鋒者 ,古人謂 偏鋒者, 亦 倒 用 之

## 咸豐八年十二月三十日

字諭紀澤:

力,蓋 也? 不 發 刻,①或 聞 以 少庚計信百餘 爾 少庚年 至長沙已逾月 倩 人幫 未三十, 件, 寫? 聞 餘,而 情 皆 非 有 爾 謂 等 無 親 爾 差, 禀來 筆 宜 寫 禮 自 誉, 之, 惜 有 隆 精 何 何

近想已歸家度歲? 今年家中因温甫叔

,則精力亦不宜過竭

耳

内外 休 憾。 之變,氣象較之往年迥不相同。 及。 及。 樣。 意 家,争辨細事 日 戚 ,於叔祖、各叔父母 「紀澤之量大於其父之量」,則 又有 故 必 嗣後 余前 日 一體之念,無 處 雖 器愛爾,後輩 信言 我信中 有 日 在 信 親 外, `, 與 教 「涵養」二字, 愈 亦 所論之事,爾宜 鄉 爾學作賦 久愈敬,若使 懷 里 惻 彼 兄弟 前 鄙 然 此 盡 寡 人無異,至今深 歧視之見, 此 姊 懽 愛敬之心, 爾 妹 爾 余欣 復 復 宗 必 爾 余因 禀 禀 以 當 族 然矣。 禀復 並 體 亦 鄉 爾 則 去年 未 未 爲 老 我 抱 黨 常 之 提 榜 畫 存 此 悔 皆 在

502

郵 生 肅,正色立朝。 王 王氏之學。 引之,復以 余於本 朝 王安國 大 生懷 鼎 儒 甲 祖先生念孫 官 自 以鼎甲官至尚書,謚 尚 顧 書,謚 亭林之外,最 文簡。 ,經學 三代 好 文 高

憾學 皆好 精小學,大約不出段、王兩家之範 爲 閲。 志 懷 也。 》,家中無之。 祖 問 學 釋詞》,《皇 其不知者,寫信 先 深 無 懷 生 成,有 思,有 爲 祖 先生所箸《廣 伯 媿 漢 清 申 王 韋 伯申氏 經解》内 氏 氏、唐 文 來問。 則 肅公遠甚,而望 夢寐 所箸《經義 顔氏之風。 雅 有之, 本 疏 之際 朝 圍 證 爾 耳。 窮 \*\ \( \lambda 經 可 述 未 余自 者 試 聞 讀 嘗 爾 皆 書 輩 取 須

#### 咸 九 年三月初三日

擇

#### 諭 紀澤

切。 開 油 加 張 功。 ,覽之忻慰。 内有賀 三月初 ,須多看古人墨蹟 大抵寫 (丹麓 日日 接 先 字,只有 惟 爾 生墓 間 二月廿日 架間 志 9 用筆、 學結體 有 字 太鬆之處 勢 安禀,得 結 流 須 體 美,天骨 用 兩 油 知 尚 端 紙

> 功,每 卻間 肖。 摹古帖。 過 柳 柳、趙爲一,此吾之素願也。 影本,肯用心者,不過數月,必與其摹 工夫,有 數月,間 誠 一家,但不可見異思遷耳。 懸、趙子昂兩家合爲 架工夫,便爾作字不成體段。 吾自三十時已解古人用筆之意,只 日 志莫遂。 用 此二者,皆決不可易之理。 油 架 紙 與 摹帖, 古 爾以後當從間架 人 逼 或百字,或二百 肖 而 鑪 不能 不自 亦亦 則 覺。 生 爲 用一番 間 隨 平 本 小 字, 能 架 欲 字 兒 爾 爲 自 苦 相 寫

所本。《左傳》之文,多現成句調。 語 漢代文宗,而其《太玄》摹《易》,《法言》摹《論 摹仿古人間架。 》、《方言》摹《爾雅》、《十二箴》摹《虞箴》, 不特寫字宜摹仿古人間 《詩經》造句之法 架,即 揚 無 作 子雲 文 句 亦 爲 無 宜

0 耳」下《湘鄉文獻》有「餘不一一」四字。

《甘泉賦》摹《大人賦》,《劇 作文作詩賦 公之文,亦皆有所摹 伐韓》,幾於無篇不摹。 文》、《諫 長楊 賦》摹《 不許 均宜心有摹仿, 難 單 于 蜀父老》、《解嘲》摹《客 朝書》摹《國 擬,以成體段。 即韓、歐、曾、 秦美 圃 策 後間 新》摹《 信陵 架可立, 爾 蘇 封 以 難 諸 君 後 E 諫 禪

《儀禮》、《大戴禮》、《公》、《穀》、《 則王氏《述聞》亦 語》、《太歲考》等卷, 下去,不爲或作或 信言業看三本,如 前信教 爾整不 蹔可不觀 輟,亦是 看 必看《經 爾向 得有些滋味 來未 也 好 義述聞》,今爾此 事 讀 0 過 爾 ,即一直看 惟《 雅 E 周 文者, × 禮 或 字諭紀澤兒:

或七月 體 香 雖 期 弱 既 爾 晉省 思來營省覲,甚好,余亦 定 處多難之世,若能風霜磨鍊,苦心勞 五 鄉試,八月底來營省觀 月 八廿六 日,三 四四 月 間 思 自 爾 亦 不 來 可。 能 見。 來, 身

> 當 神,亦自足堅筋骨而長識見。沅 弱,近日從軍 生之君臣畫 鈔一 目録 像 付歸,餘詳 ,反得壯健,亦其 乃 俗本,不 諸 叔信中。 可 爲 典 証 要。 甫 也 叔 贈 向 奏 摺 伍 最 稿 崧 羸

# 咸豐九年三月二十三日

其

收

效較速

了,其

取

徑較

便。

中 頓 荃、次青、 亦 欣慰也 寓 挫 純 剛 廿二日接 用 綿 許 孫過 裹 仙 藏 屏 爾 庭草 鍼, 諸 察并《 公, 法 動合自然」等語 皆極 而 《書譜 間 贊 架 敘》, 美,云 純 用 以 ,余聽之 趙 爾 示 法,柔 鈎 李 小 聯

下法山 以顔魯公、徐季海之沈著,此一徑也,於晚唐 師 虞 永 趙文 须興,而 谷 敏 ,此一徑也, 集 參以 古今之大 鍾 紹 於中唐 京,因 成。 師李 此 於 以 初 北 L 唐 海, 窺 四 王, 家 而 内

生、汪

、易、葛。

二外

甥

及爾

諸

堂

兄

弟。

又

舊

官

次

青

批

改,此

極

難

得

,千萬莫錯

過了。

付

回趙

書《楚

國夫

人碑》,

可分送三

先

^

手也

爾作文,

在

家

有

鄧

師

批

改,

付

營

有

李

先業,甚望甚望

制

藝一道,亦

須

認

真

用

功。

鄧

瀛

師

名

於字皆下苦功, 沅叔天分尤高。

亭公,少學趙書

,秀骨天成。

我兄弟五

我先大夫

爾若能光大

派,或趨北派,皆可不迷於所往。

紙手卷、新宣

紙

横

幅,

阚

可

學《

書譜》,

請

徐

柳

臣 看。 此

#### 咸 豐九年四月二十一 日

字 諭 紀澤

黄

近

於

南

派、米、

蔡

近

於

北

派。

趙

子

昂

欲

合

派

而

淮

爲

\_\_\_

爾從趙法人門,將來

或

趨

南

派

以

神

韻

勝,

北

派

以

魄

力

勝。

宋

四

家,

也

爾欲學書,須窺

尋

此

兩

派之所

以

分

南

以

溯

歐

、褚及魏、

北

齊

諸

賢,世

所

稱

北

派

者

及

晉

六朝諸賢

世

所

稱

南

派

者

也

由

李

北

海

3

師

蘇

靈芝,此又一徑也。

由虞永興

以

溯

王

書,業 多,而 之目。 《易》、日《書》、日《詩》、日《 子》、曰《離騷》、曰《史記》、曰 大 子厚自 孟 詩 儒 》、日  $\approx$ 前 看書不可不 荀 已百倍於道 而 述 鄉 次 自 禮 於 間 其 日《 述 苦於 諸 × 所 其 叔 日《 得,正 莊 父 無 所 知  $\approx$ 春 信 光中年 書、然 服 所 老 秋 者 中,復 膺之 擇。 × 日 旁 爾生今日, 日  $\sim$ 春秋左傳》、 矣。 書 以韓 易》、 示 者 ^ 相 或 不 爾 日 買 如、子雲。 退之爲千 過 所 日《 語 書 穀 間 數 書 》、 梁 不 吾 各 日 日 種 家 叫 書 ^ 莊 離 柳 之 帖

0 勝」。《

湘鄉文獻》作「分」。

騷》、曰《史記》。二公所讀之書,皆不甚多。

《後 策》、 羊》、曰《穀梁》、 父子之博,古今所罕,然亦不滿三十 生《經義 凡十六種 子》、曰《墨子》、曰《荀子》、曰《淮南 雜 子,曾爲 韓 志 (漢書 非 三三 シ中 日《 日《詩 子》、 朝 禮記 史記 × 所 爾 述聞》中 善讀 ,又别箸《廣 考訂 日 屢言之矣。 日 × ^ × 《老》《 日《 楊子 古書者, 日《漢 之書, 曰《爾雅》,凡十二種。 日《左傳》、 周官》、 所 × 莊》、 考訂之書, 雅 日《 書 日《 今觀懷祖先 余最 疏  $\leq$ 曰《儀 日《吕 楚 逸 證 日《 日《管子 辭 周 **\*** 好 國 書 禮  $\forall$ 高 氏 種。 曰《易》、 語 × 曰 × 郵 春 種 <u>~</u> × × 生《 日《 日 子 王 文 秋 伯 也 日《 日《 Š 王 大 申 選 × 讀 氏 戰 氏 公 戴 晏 父 日 先 書 日 日 或

熟讀精考。 書》、《莊子》、韓 余於四 又好《通鑑》、《文選》及姚惜抱 書 五. 文 經 四 之外, 種 ,好之十 最 好 餘 史 年,惜 記 × 不 ^ 所 能 漢

> 歡欣快 成就 選《 爾 氏父子所考訂之書二十八種,凡家中 深思之,略作劄記 志,將四書五 懷 此十餘書貫 種,共不過 可開一 祖之法。 占 ,中夜思之,每用媿悔。 文 慰,夜得甘寢,此 辭 單來,余當一一購 + 串精 類 今年齒衰老,時事日 經及余所好之八種,一一熟 纂》, 餘 種。 通 ,以志所得,以箸所 ,略作劄 余 早 所 歲 外别 選 得 篤  $\overline{\phantom{a}}$ 記,仿顧亭林、 澤兒若能 + 無所 志 寄回 八 爲 艱 求矣。 學, 家 所 詩 所 疑 恒 成 志 鈔 無 至王 吾之 思 則余 讀 不 **>** 王 將 克 四 而

興。 明 聞,隨時禀知,余隨時諭答,較之當面問 而 者,不過顧、閻百詩、戴東原、江慎修、錢辛楣、秦味 風 不 段 可 爾 學問 一懋堂、 氣略同,國 不 有 志 之途,自 王懷祖 窺 讀 數 書 朝 不不 數 君子之門徑。 又自 漢 必 至 成 别 唐 而 標 風 風 種 「漢 會 氣 風 所 略 凡 學」之名 氣。 同 扇 有所 群 自 其 彦雲 尤 宋 目 至

附禀寄來。

分大綱子目,

如倫紀類

爲

大

綱,

則

#### 咸豐九年五月初 四日

字諭紀澤

如 麗 要、纂言鈎玄」,亦係分類手鈔小册也。 陳文者,照例 略有條理者,即予進學, 搜出生童夾帶,必自加 本,此衆 人不可無手鈔夾帶小本矣。 袁簡 ,不可不分類鈔撮 爾作時文,●宜先講 齋、趙甌 人所 罪斥。 共 知 北、吴穀人,皆有手鈔詞藻小 者。 阮 體 細 公一 阮文達公爲學政 面話頭。 如係請人 詞藻。 関,如 代閎 昌黎之「記 係 欲求 近世文人, 儒 八所鈔 親 手所鈔, 則 詞藻富 》,概録 事 知 時 提 文

成篇。 此 阚 去年鄉試之文,太無詞藻,幾不 此 時 次復信,即將所分之類開 下手工夫,以分類手 鈔 詞 列 能 藻 目 爲 敷衍 録 第 0

之要道,亦即學問之捷徑也,此論。 類 此 田、學校爲子目。 君臣、父子、兄弟爲子目; 看過《説文》、《經義述聞》,二書中可鈔者多。 **|外如江慎修之《類腋》及《子史精** 函》,則可鈔者尤多矣。 此外各門,可以 Ŧ 爾試爲之,此 道類 爲 類 華 大綱 推 一》、《淵 則 科名 爾 曾 井

#### 成豐九 年六月十四 日

字諭紀澤:

疏》看《商 接 爾二十九、三十號 書》已畢。 ^ 書 經 兩 注 禀, 疏 得 V 悉《 頗 庸 書 陋 經 不 注

腰亦可用也。 可大可小,大而星岡公之腹可用也,小而鼎二、鼎三之 翅太大不好帶,改送洋帶 爾上 ,據《湘鄉文獻》有「余送叔父母生日禮目,因魚 此二根皆送軒叔、春羅送叔母」。 一根。 此帶頗奇,可紧 叮

如《詩 姬傳諸公,皆辨别《古文尚書》之僞, 經》之該 博。 我 朝 儒 者 如 閻 百 孔安 詩、 或 姚

之《傳》亦僞作也

孔 世。 世。 其 人皆稱僞古文、僞孔氏 痛辨之,名曰《疏證》,自是辨之者數十家, Ш 行之本也。 不傳於世。 十餘篇,遭巫 小夏侯所 原 ,皆疑其爲僞。 安國《傳》,自六朝唐宋以來承 》者也。 委,王 厥後 蓋 後漢賈逵、馬、鄭作《古文尚書》注 秦 張 習,皆僅 燔書後, 西 厥後孔安國家有《古文尚 自吴才老及朱子、梅 至東晉 霸 一莊、孫 | 蠱之事,未得立於學官,不傳於 有《尚 至閻百詩,遂專著 漢 二十八篇,所謂《 淵 梅賾始獻《古文尚書》并 代 書》百 如 也。 伏 江 生所  $\wedge$ 兩 艮 日 篇,亦 傳, 庭 知 鼎祚、 之,即 録》中 三家,皆 歐 不 今 書》,多 陽 解 書 文 略 傳 今通 及大 歸 人 亦 尚 詳 著 以 震 於 矣。

中 大案,不可 不 知 也

明白 得 此 怕 ,此卻是大病。 無恒 滋 爾 爾不必求記,卻宜求 味,寸心若有 讀 第二怕隨 書記性平常,此不足慮。 若實 怡悦之境,則自 筆 點 看 過 明白了,久之必 遍 并 所 略 未 慮者第 記 看 得 得

日 圈過之《 起得早否? 鄧先生講 通 鑑 》,暫不 書,仍請 并間。 必講,恐 此論 講 周 易 汙 壞 折 中》。 耳。 0 爾 每

箇

丽

白

# 咸豐九年八月十二日,黄州

字 諭 紀澤兒

接 爾 七月十三、 廿七 日 兩 禀并 賦

言之。《皇清經解》中皆有,●江書不足觀。

此亦六經

0

原作「講」,

據《湘鄉文獻》改。

皆 原無 據《湘鄉文獻

訓 尚 有 爾問 以 氣 凡 教 勢 各條,分列 作 余 44 字 與 批 諸 墨 出 叔父 色 發 示 要 還 者, 知 光 潤 爾 凡 謹 作 此 記 文, 先 之, 大 末 無 夫 數 竹 旬 忘 祖 亭 要

類 敢 朱子作《 臣  $\Box$ 司 州 揚 虞箴》爲最古。 韓公《五箴 ,於古人微 司 不敢直告之,但 原,敢告僕夫。」意以 州」曰 箴 青 僕 爾 牧 猶 》,「冀州」日 敢 問 夫。」 臣 敬 僕 :「牧臣 也 告 司 箴  $\overline{h}$ × 荆,敢 有 執 余之「 箴》 末 見司 程 歧 矩。」「徐 日 《左傳・ 子《四 誤 告其僕 司揚,敢 馬遷 告執 句「敢 敢告 敢告 「牧臣 矣。 泛任 襄公》。 爠 箴》、朱子各箴、范浚 州 御。」「青州」日 靈 凡 安書》注 耳。 馬 告 臣 司 告執 臺」, 箴 日 馬 走 冀 有司郊原之責, 其末 揚 走」。 以 ,敢告在階。」 則 班面 籌。」「 牧 即 子雲仿之作 官 日 非 此 箴 臣 《窗 凡 僕 類 荆 爲 司 8 箴, 戲 御 潤 本。 州 牧 注。 也。 徐 之 以 臣

過

心箴》之屬 ,皆失本 義。 余 亦 相沿失之。

有 述聞 中。 棟、 疏 衍 近,亦 注疏 左傳》則 以以 談以 駁。 王伯申引之皆注《左傳 江 《書  $\forall$ 勉强 爾 期作 艮 三禮爲 頗不 爾 問 爾 庭 經》 既 顧、惠、王三家 牽合」二語,甚 曾 看 聲皆注 事 免。 則孫 己 注 有 最 看 看 疏 過 恒 善、《詩疏》次之,此 或 《尚 之法。 不不 動 注 朝 次矣。 數 較 書 如 可 經 勝, 半 Ŧ 俱 》,皆 有 顧 西 塗 精。 即 王、江 書 大 所 亭 莊 而 須 刻《 見。 經 抵《 林 廢 鳴 Ŧ 文 盛、 》文義 炎武、 不 皇 亦 + 志 ^ 外皆有 孫淵 甚 左》 清 有 全  $\equiv$ 惠 足 經 奥 看 經 書 定 疏 如 取 解 衍 注 宇 松平 凌 星

上行,所謂 之,須有 並 無 1 轉 爾 間 折 勒 三换 作 也 形 之類,必 字换 迹 筆 中 亦 折 而 須 筆之法。 Va? F 换 初人手,所謂直 行 須 筆 所 换 者, 謂 筆 波 凡 也。 如 不 轉 以 來横受也。 待言矣。 末 折 向 之 L 横 挑 處 右向 所 如

本斜向 也。 欹 皆以小圈識之。 與直相似,特末筆 悟 人,❷所謂横來直受也,上向左行,至中腹换而右行,所謂努 磔也。● 斜之 取可也。 右, 以一「直」言之,須有 如本斜 换則向左矣。 可以 更撤 向 左,一 類推,凡 向外耳。際原凡换筆, 换筆則向右 舉一反三,爾自 兩換筆。 用筆,須略帶 रु° 矣 首 横

可寄信,由營致情也。 先送,可寄信來。凡家中親友有慶弔事,皆一李春醴處,余擬送之八十金。若家中未

# 咸豐九年九月二十四日

字諭紀澤:

寄安禀來營? 婚期改九月十六,余甚喜慰。廿一日得家書,知爾至長沙一次,何不

來我家時,爾禀問母親,可 得復元,吾即思明春辦大女兒嫁事。 漱六親家患喀血疾,昨 余老境侵尋,頗思 將兒女婚嫁早早 專人走松 以吾意商之。 江 料 看 袁銕 視。 理。 庵 若 袁

速寄來。吾買帖數十部,下次寄爾。此諭。閣初印《五代史》一部,亦寄來。皮衣等件,速講解,即將吾圈過一部寄來營可也。又汲古了中書到時,有胡刻《通鑑》一部,留家中

### 咸豐九年十月十四日

字諭紀澤兒:

新婦能得爾母之歡,是即家庭之福。接爾十九、二十九日兩禀,知喜事完畢,

見竟 百 年不 箇 希公、 時 我 辰 改。 朝 ,始見天亮。 列 星 我 聖相 岡 家 公皆未明即 高曾祖考, 承 ,總是寅 吾父竹亭公亦 相 Œ 起,冬寒 傳早起。 即 起,至今二 甫 起 吾得 黎 华 明 約

即 起 思有以紹先人之家風。 不等,此爾 起, 爲 第一先務,自力行之,亦率新婦力行之。 有事 則不 所 及 見者也。 待黎明,每夜必起看一二次 爾 余近 既 冠 亦 授 黎 室,當以早 明 即 起,

他,中 恥。 業無 爾欲 成,已可深 間 本志 稍 有 變化,尤無恒之大者,用爲 成就,須從「有恒」二字下手。 恥矣。 逮 辨 理 軍 事 自 矢 A.成, 靡 内

余生平坐無恒之弊,萬事

無

成,德無

公。 字。 余行 爾之容止甚輕,是一大弊 心 一無論 路 容 行 止,亦 坐 一,均 頗 須 重厚,蓋 重厚 病 取 以後宜 法 於 星 時 出

細

觀

星

出

公儀

表

絶

人,全在

一「重」

早 起也,有 恒 也,重也,三者皆 爾最 要之

> 務。 恥,不重是爾身之短 早起是先人之家法,無恒是吾身之大 處,故特諄諄 戒之。

筆」, 中矣。 爾之事 教 頗詳,爾來禀 爾之言, 吾前一信答爾 一「敢告馬 此論。 則詳 宜 於寄寅皆先生「看讀 條 何 走」, 條 以 禀 并未提及? 所問 復 一「《注疏》得失」, 不不 者三條 可 疎 以 略 寫 一「字中 後 作」一 凡 此 接 言 外 之 我 縅 教 换

#### 咸 豐 十年閏 三月 初 四日

字諭 紀澤:

祖 居,則黄金堂老 星岡公、最講 初一日 接 爾十 求治家之法。 宅,爾 六 爲 H 一家 禀, 澄 之主 第 叔 起早 已 矣。 移 -,●第 昔 寓 吾 新

0 「一」下,鴻寶南局本有「要」字。

 $\overline{\circ}$ 

祀之需 有疾必 法也。 鄰里。 者,留作祭祀之用, 不久長,至要,至要 常常提 急必周 菜等 則 一打掃 心 經理 經經 必 事 爾現 及書蔬 問,有喪必 濟之,有訟 凡 理, 潔 須 而 ·, 尤 凡人家不講 親 浄 爾 八 不 讀 族 第 母隨 者 미 爲 書 魚 鄰 不 刻 缺 猪 無 里 必排 時 弔。 誠 識 刻 暇 四 來 飲食第一等好者,亦備祭 留 得 留 修 [端者, 不可。 此 究祭 家, 心。 此四 解之,有 此 祭 心 八事縱 意 無 祀 祀, 凡器 蓋 故 事之外,於讀書 ,第四善 不 其 請 祖 余近 恭敬 喜必 縱然興 誠 朱 父 不 修祭 運 第一 能 相 寫 款 慶賀之, 四 待 傳之家 家信, 旺 接, 等好 祀 先 一親 親 亦亦 生 有 族 中漢賦 臨 及至 Щ 我

端

細

自

種

後, 漢 日聲 魏文人,有二 人多不講。 爾 調 所 鎁 論看《文選》之法,不爲無見。 鏘 端最不可及: 宋 《説文》訓 以 後説經,尤不 詁 之學 日 ,自中 訓 明故 話 精 唐 吾 訓 確 觀 以

> 《文選》中古賦 字之不苟矣。 此二者用 響節 實乎桂林之苑, 生杜宇之魄」、「 平之道德,此 「蔚」字該括相如之文章,以一「皭」字該 賦》言之,如 字,凡唐宋文人誤用者,惟 若能熟讀段、王兩家之書,則 兩家,遂 奏,皆後 ,列綺窗 朝 亦 精 心,則 不誤 百 研 儒 「蔚若 世 而 雖 乎 所 至聲 也。 饗 漸 所 洗兵海 瞰 古 始 不 用之字,無 有 不 戎 江」、「碧出 盡 通 人 調 相 即 能 旅 關乎 小 文字、 之鏗鏘,如「 理 如, 島, 及。 以 乎落星之樓」等句,音 學。 處 爾 刷馬 訓詁,亦 六經 皭 爾 禀 不 聲音之 若 段 茛 知眼前常見之 看《文選》 典 中 茂 不誤、《文選 江洲」、「 弘之 君 雅精當 所 堂、 平」,以一 開 足 論 本, 血 見 高 E 《三都 數 其 能 括 軒 乃 懷 軍 下 君 鳥 以 知 祖 阚

0 弘」,原作「宏」,係避乾隆諱,今回改,下同,不出校。

至吾鄉迎接,即請作梅獨 叔既已來營 作 梅 先 「, 則 生想已到 無人陪往 家,爾宜 去可也。 益 陽。 恭敬 聞 款 胡宅專人 爾舅父牧 接。 沅

吾此 次 無 信 爾先致 吾意, 下次再行寄信 其

此

雲先

生,

身體

不

甚

耐

勞,即

請

無

庸

來 誉。

種」字矣。

#### 咸 豐十年四 [月初 四 日

字諭紀澤:

選》俱有所得 二十七日劉得 問問 小學亦有條理,甚以爲慰。 四 [到,接] 爾禀,所謂論《文

問「種」、「種」二字,此字段茂 賢關,將爾禀帶去矣。余不能悉記,但記爾 後熟之禾」。《詩》之「黍稷重醪」、《七月》、《閟 ·種」爲「執也」,猶吾鄉言栽也,點也,插也。 沅叔於二十七到宿松,初三日由宿至集 堂 辨 論 「種」爲 甚 晰

宫》。 「穜」、「種」二字互易,今人於「耕種」概 假借字也; 《説文》作「種稑 「穋」與「稑」,異同字 種 正字也 也。 隸 重」, 書 以 用

若能 書若 有三次長夫接家信也 余之所厚望也。 折 假借漸漸開悟,而後人承訛襲誤之習可改 一古文、一時文,皆交長夫帶至營中,每月恰 漸 能 漸開 通 吾於訓 通訓 詞 悟,而 章,則 詁、 詁,則於古人之故訓大義、引 後 訶 於古人之文格文氣、開合 嗣後 人硬腔滑 章二端,頗嘗盡 爾每 月作三課,一賦、 調之習可改,是 ۱Ļ 爾 轉 伸 看

「重」字,行文留心一「圓」字,至囑 重厚,二則文氣不甚圓適。以後舉 吾於爾有不放心者二事: 則 止 舉 留 止 不 甚

## 咸豐十年四月二十四日

字諭紀澤:

有長 字爲主。 之短,一「圓」字望爾之成也 造句,總以「珠圓玉潤」四字爲主;無論古今 何等書家,其落筆結體,亦以「珠圓 進,慰甚。 十六日接 故吾前示爾書,專以一「重」字救 爾初 無論古今何等文人,其下筆 二日禀并 賦二篇,近 玉潤」 日 爾 大 四

庾信而不 於馬 則亦 求圓適矣,而細讀之,亦未始不圓。至於昌 溯之西漢之賈誼、鼂錯、 東漢之班固、張衡、崔駰、蔡邕則 遷、相 圓,進之潘岳、陸 世人論文家之語,圓 不知 如、子雲三人,可謂 江淹、鮑照則更圓 一機則 匡衡、 而藻麗者莫如 亦圓,又進 劉向 ,進之沈 (亦圓) 力 趁險奥,不 則 亦 又 ൬ 約、任昉 員 徐 進 溯之 陵、 而 至

圓,無 文,用功甚深,惜未能一一達之捥下,每歉 獨造, 黎,其 不怡耳。 不可通之經史矣,爾其勉之。 馬、韓四人之圓,則 鮑、徐、庾四人之圓 志 一句不圓。 力 避 意直欲 圓 熟 陵駕 矣, 爾於古人之文,若能從江、 無 步步上溯,直窺卿、雲、 而久讀之,實無一 子 不 長、卿、雲三人, 可讀之古文矣, 余於古人之 字不 即無

安静不 終 爾禀告 湖亦難安枕。 心 無 江浙 動 愧 爾母,儘 爲妙。❶ 悔 賊勢大亂,江 耳。 余寸心坦坦蕩 可 家中暫不必添 放心。 西不久亦當震 人誰不死,只 湯,豪 起 雜 無 屋 動, 疑 求 總 怖 臨 兩

●「妙」下,據《湘鄉文獻》有「寄回銀五十兩,蔥褂料一容日續寄壽屏。甲五昏禮,余寄銀五十兩,蔥褂料一路。四叔四嬸四十生日,余先寄燕窩一匣,秋羅一匹,

字諭紀澤、鴻兒:

之信,均已接到。 澤兒在安慶 所發各信及在黄石磯 鴻兒所呈擬連珠體壽文, 湖口 決不怕

初七日收到。

爾禀告之。

没 飯

吃,至

囑。

澄叔處

此

次未寫信

撫,余九月六日請 富一軍,此近日最可喜之事。英夷業已 廿 四 三千餘人至南陵,破 九、初四 日歸營,一切平安。 余以初九日出營,至黟縣查閱各嶺,十 獲 勝後 未再開仗。 帶兵 賊 鮑超、 北援一 四十餘 張凱章二軍,自 楊 疏,奉旨無庸 壘,拔 軍 門 出 帶水 陳 就 大 陸

淺,未將一「輕」字之弊除 説 話太易,舉止太輕。 澤兒看書天分高,而文筆 此次 盡 以以 在祁 不甚 後 門,爲 須 勁挺,又 於説 日 渦 話

前往

1,余得一意辦東南之事,家中儘可放心。

走路 喜 時刻 此次連 刻 留心。 珠文,先生改者若干字? 鴻兒文筆勁 健,可 慰 擬 體 可

不可積錢,斷不可買 繫何人主意? 銀錢 田 産,最易長驕氣逸氣,我家中斷 再行詳禀告我。 田。 爾兄弟 努力讀書,

汪匯。 帖、 有信留明年教書,仍收到矣。 壽禀,書法清 聞鄧世兄讀書甚有長進,頃閱賀壽之單 買書之資。 潤。 此 次 兹付銀十兩,爲 未 寫信寄寅階先生,前 鄧世兄

咸豐十年十一月初四日

字諭紀澤、鴻兒:

瓜子二包,得知家中各宅平安 十月廿九日 接 爾 母 及 澄叔信, 又棉鞋、

曾文正公家訓卷上

舉 止要重,發言要訒 澤兒 在 漢 口 阻 風 六日 爾 終身 此 時 須牢記此二 當已 抵 家。

語,無一刻可忽也。

信,爾等禀之。 小,總以起早爲 番苦工夫,切莫把天分自 澤兒字天分甚高,但少剛 第一 義。 澄 叔處 棄了。 勁之氣, 此 次 家 未寫 中大 須 用

# 咸豐十年十二月二十四日

字諭紀澤:

曾名琮來,接爾十一月廿五日禀,知十

痰,吾尤以 五、十 每 開之方藥,亦不令爾服鄉醫所開之方藥。 之三。庸醫則害人者十之七,活人者十之 行,歸來大約可三千餘步,三箇月後必 每餐食畢,可至唐家 理 余深恐其害人,故近三年來決計 亦能害人。 Ħ 極 余在 飯後走數千步 明,故言之極切,爾 七 尚 鄉 爲慮,然總不 有 良醫則活人者十之七,害人者十 在 兩 外,凡 禀 未 ,是養生家第 鋪 到。 目所見者,皆庸醫也。 宜 其 行,或 爾 服 敬 體 藥。 聽 甚 至 不服醫生所 而 弱 藥 澄 秘 遵行之。 能 叔 訣。 咳 活 有大 家 叶 見 爾

即 干 過 · 萬留 可 將 也。 京 爾 中帶 心 看 此 爾走路近略 完《後漢 回之《通 諭 書 鑑 重否? 須 》,仿照余法,用 將 通 説話略鈍 鑑 看 遍

### 咸豐十一年正月初四日

字諭紀澤:

時二 近日當寫唁信,並寄奠儀,爾當先去弔唁。 送家信之人帶 信,慰悉。● 臘月廿九日接 回。 霞仙先生之令弟仙逝,余於 又由 爾一禀,係十一月十四 沅 叔 處送到 爾 初 歸 H 誌,寥

天授。 全在 者。 字不 造句 句 黎爲第一,揚子雲次之。二公之行氣,本之 能 是文 ·雄奇 造句選字也。 古雅,句不古雅而 次之,選字又次之。 爾問文中雄奇之道。 至於人事之精能,昌黎則造句之工夫 章之雄奇,其 而 句能 雄奇,句不 余好古人雄奇之文,以 氣 (精處 然未有字不古雅而 能 雄奇以行氣爲上, 雄 古雅者。 在 奇 行 圃 氣,其 氣 亦未 能 麤 雄 昌 處 0

居多,子雲則選字之工夫居多。

千奇萬變,不可方物;即盧夫人之銘、女拏之然。 如昌黎《曹成王碑》、《韓許公碑》,固屬 爾問敘事誌傳之文難於行氣,是殊不

篇熟看,則知二大二小,各極其妙矣。

寥

短篇

,亦復雄

奇

崛

强

爾試

將

此

四

暢, 用工夫,此囑。 矣,江、鮑、庾、徐則 對 爾所作《雪賦》,詞意頗古雅,惟 仗 不工。 兩漢 工對 不 尚 矣。 對 仗, 爾宜從對 潘 陸 氣 仗 勢 則 對 不

寫就而朱金權於十八日始署封面耶」。八日禀中言爾總在日內可到,何也? 豈鴻信於十三四八日禀中言爾總在日內可到,何也? 豈鴻信於十三四日悉」下,據《湘鄉文獻》有「爾以十四日到家,而鴻兒十

## 咸豐十一年正月十四日

字諭紀澤:

有柳 求其神氣,摹 爾 寫字筆力太弱,以 可 取《 書《玄祕塔》、《琅 爾 求鈔古文目 琅 邪 碑》, 以 倣 後即 其 日 録,●下 間 臨 邪 常摹 架。 百字、摹 碑  $\approx$ 次即 柳 每 <u>~</u> 西 帖 次家信内,各 百字。 行 平 亦 寄歸。 好。 碑》各種 臨 家中 以 爾

中 寄送祁門,余常思繙閱 面 Ŀ ·帶回之《通 左傳注 其去秋在營帶去之手校本, 疏 鑑 》,做我手校 閲 畢, 也 即 閲 看 本,將 通 鑑 便 目 中 録 仍 寫 將 京 當 於

附

數紙送閱。

甚 現 九関《通 高 1,作字天分甚高,作詩文天分略低,若 爾言鴻兒爲 鑑》,爾亦 鄧 可 師 時 所賞,余甚 時教之。 爾 欣 慰。 看 書 天 鴻 在 分 兒

0

擴」,原作「拓」,據《湘鄉文獻》改。

之。。 不能 已 + 痛 余身體平安,告爾母放心。 # 下 五 爲力。 六歲時 三歲 I 走路 夫。 全靠一 作詩 宜 教導 看 重,説 書 文是 爾自己紮挣發憤,父 寫 得 字爾 法, 話 爾 宜 亦當不止於此。 之所 之所 遲, 短,即 常 長 常 即 記 宜 宜 兄 憶 從 擴 師 今年 否 而 短 長 充 處

户强 切。 閣之故,此不足信。 至 送担之真與否也,況并無佃户强令送担乎? 能按期往返,有責之者,則曰被杉木壩、 禀,十二日又由安慶寄到爾 爾上, 家 與 我送担耽關了, 長夫走路太慢,而託醉於爲營中他 黄 據《湘鄉文獻》有「正月初十接爾臘 金堂送信至白玉堂,遠 譬如家中人遺人送信至白玉 爲家主者但當嚴 臘月初 近 雖殊 四日 責送信之遲, 其情 周 信繞道 之稟,具 家老屋 月十 一也」。 管中送 長 九 堂,不 各個 沙 知 E 耽

#### 咸 + 年正月二十 四 $\Box$

兵

來

助

南岸,則大局

必有轉機矣。

目下春季

#### 字諭 紀澤:

羽 賊 塘 日 雪 獲 内 匪 泥濘,寒風凛冽,氣象殊不適人意 踞 勝 祁 正 門 月 下 後 即即 + 尚 隅坂,與之 屬 四 追賊至 平安。 發 第二 一彭澤。 相持,尚未開仗。 鮑 號 春 家 霆自 信, 官軍駐 諒 初 已 九 牯 收 日 牛嶺 到 日 在 内 洋 0

李逆一 堅守 縣, 景 以 陳坊等處 官軍竭力堅守,解圍 撲 德 初八日圍廣豐縣,初十日圍 江 僞 忠 王 李 秀 成 西省城,皆意中之事。 ~,或由 省城 金溪 月 西 一股,正月初 亦 以 以 間 腹 預 公去,現 竄 安慶克復,江 地,黄逆 籌 撫、建,或徑 防 竄 余囑 守 「 ) 廣信・ 鉛 事 五日 山之吴坊、 宜。 股 劉養 府,均經 北 由 童 不 家等 東鄉 玉 再 祗 可 要 犯 分 Ш

説《詩 選 夏之「因 象》則本義爲 旁推曲 有内傳,有外傳。 解《詩》、《書》、《易》與今解不合。 查 必 已 韓詩外傳 出補注 鈔 尚 》、《古文辭 余身體 目録寄歸。 有 》,亦本子貢之 危 衍,以盡其餘義也。 素 一大約 險 》盡 絢 迭見,余當謹慎圖之,泰 平安,惟 多 而 類纂》三書之外。 餘 、《大象》則 不出《百三名家全集》及《文 其中 悟 義 内傳者,本義也; 禮 也、《左傳 後」,亦 因 丛 有未注明名氏者 痛 貧 時 富 餘 孔子繫《易》,《小 證 發。 》説 義 而 餘 悟 爾 爲 經亦以餘 義處爲多。 古 所選古文, 多。 問 切 然處之。 外 人 磋」、子 1,爾可 左 傳 解 孟 傳 經 子

0 諒」,原作「亮」,據《湘鄉文獻》改。

立言者多。

0 處」, 原無 據《湘鄉文獻》補

二七

備二 堂先 寫信寄營 金送季仙九先生,此項祗算還袁宅可也。 百金,并 生送 袁臾生之二百金,余去年曾借松 酬 爾三百金,余當面言祗受百金,爾 謝,言受一璧二云云,余在 信函交馮可 也。 此字並送澄 江二百 誉 中 樹

### 咸 豐十一年二月十四日

叔

閲,此次不另作書矣。

爾

字諭紀澤、鴻兒:

爲夷。 事,自去冬十一月至今,危險異 得 目下惟左軍在景德鎮 正月廿 四 日 信,知 家中 一帶十分可 平安。 常,幸皆化險 此間 危, 軍

日之舊觀。 下手竹茂盛 付 回 銀 余七年在家, 芟伐各竹, 以倒廳 屋後 八兩 ,爲我買好茶葉,陸 山内 仍 須栽竹,復吾父在 續 寄來。 餘俱平安。余將以十七日移駐東流、建德

不光 得 故 否? 囇 明 爾 也。 重 栽之。 乃芟 後 「勞」字、「謙」字,常常記 而 黑 暗 如 故, 至 今悔之,

### 咸豐十一年三月十三日

字諭紀澤、鴻兒:

鎮失守之信。初四日寫家書託 慰甚慰! 接二月廿三 余以初三日至休甯 一日信, 知家 中 縣 五 九叔處寄湘 ,即聞 宅平安, 景 德 甚

攻、强中、湘 匪偷營劫村,强 日再行進攻,未能誘賊 徽州,或可得 即言此間局勢危急,恐難支持。 二營,其挫 敗者八營,强中三營、老湘三營、 前等營在西門挫 手,即 中、湘 是 前 出仗。 條 等營 生 一路。 敗 大潰。 是夜二更,賊 然猶意 一次。 初 凡 五 十 二 力 去 目 前 廿 進 攻

震字一。其幸而完全無恙者十四營,老湘六,霆

三,禮二,親兵一,峰二。與咸豐四 湖 水 營情形相仿 年十二月十二 此次未 挫 之營

較多 夜賊 者,左軍能破景德鎮、樂平之賊,鮑軍 元 濟已斷,加此 迅速 氣。 ,以尋常兵事言之,此尚 偷 來援,事 下值 一挫,軍 局勢萬緊之際, ,或略 心尤大震 有轉機,否則 爲 四 小挫 動。 面 梗塞, 一不甚 所盼 不堪 能從 設 湖 望 接 傷

想矣。

若遂不測 遂成廣陵之散。 古文尤確有依據 深,探索頗苦,而 萬分,夫復 志,失信於世 1 品,壽 、戊年在 余自從軍以 逾 次豪無 何憾 五 家 十,薄有浮 抱 牽戀。 起復 作字用功最淺,而 病, 未能 ,若遽先朝露,則寸心 來, 惟古文與詩二者,用 常恐 再出,意尤堅定。 介然用之,獨 即懷見危授命之志。 自念貧窶 名,兼秉 溘 逝 牖 下,渝 兵 無知,官 近年亦 權 闢 **赤** 康 此 所得 我 力 莊。 次 頗 竊 至 初

||有入處。三者|無所成,不無耿耿。

歷愈多,深諳 負 處行 即 平,兵貴詐而余太直,豈 見功,易於造孽,尤易於 爾等長大之後,切不可涉 所學者,未嘗須臾忘愛民之意耳。 前 間, 至行 此屢有克 日 軍,本非余 日 如 督師之苦。 捷、已爲僥倖、出 坐 鍼 氈 所長。 治 歷兵間。 能 所 爾曹惟當 萬 兵 差 辦 世 此 不 貴奇而 口 滔 負吾心、不 於 此事 實。 非 天之賊 一意 近來 望矣。 余久 余太 難 閲 於

讀古 親以 人,則專重孝字,其少壯敬親 孝致祥,勤致祥 不要錢 以 不 書 得 妄 吾教子弟,不離 歡 以 爲本,行 語 心 訓詁爲本,作詩文以聲 爲 爲 本,治家 本,養 軍以 ,恕致祥。 八本、三致祥。 生以 不擾 以 不 民爲 晏 少惱怒爲 吾父竹亭公之教 起 ,暮年愛親 本。 爲 本 調 本,立 ,居官 八者, 爲 本 身 日 以

書,不可從軍,亦不必作官

别 當 除 藥,皆不信 掃、書、蔬、魚、猪,三者曰僧巫 之教人,則 於至 免禍,用度 軍 無遺 「勞」字、「儉」 誠 事 訓之語,爾可禀告諸叔及爾母 ,故吾纂 極 危 有 愈省 也。 八字三不信, 輒 處 墓 字 則 將 誌 兹 此二字叮 之外 愈 僅敘 亂 可 世 别 養 一事。 一,銀錢 福 八者 無 囑 安身之法。 爾兄弟奉 日 日 愈少 吾祖 徧, 一考、寶 地 仙 則 星 此外亦 無忘 「早、早、 岡 愈 日 母 吾 可 醫 公

# 咸豐十一年四月初四日,東流縣

字諭紀澤:

軍 六 省後所寄一禀,卻於廿 發 日 七千餘人於廿五日自景德鎮起行,三十 一信,并 自 月卅 祁 門 爾 拔 日 將 營起 建 去省 德 行 途 時 次 八 在 初 接 日 家 先 澄 日 所 侯 留 至 到 己之禀。 弟 也。 東 在 流 余於 永 縣 豐 爾 日 鮑 # 到 所

> 濠。 進援 至下 安慶穩 廿 家中 四自 隅坂 安 守十二 一慶,大 儘 祁 因 門 餘 可 風 約 放心 起行 日 雨 初 極 阻 八 初 滯, 爲平安。 九 二月已 口 初 到 = 日始 朱雲 至安慶 沅 弟、 渡 巌 江 季 助 帶 守 弟 五 即 誉 百 在 Ħ

疲我 湖 可 皆 年 夢、黄梅、蘄 吉水、新 更狡、 北 決 不 多 耳。 遽與之争得失。 則 此 次 破 更悍。 方 淦 賊 黄 以誤 州 永豐 州 救 等屬,江 破 安慶,取 吾但 我。 等屬,皆 德 求 賊 安, 轉旋之機,只在一二月 西 勢 力破 之善 破 所 則 乃 孝 以 破 在 安慶 於用 古 感 千 分兵力 一,破 安、破 里 兵 以 嗣 ()似 隨 哌 外。 此 瑞 州、 較 肄 州 昔 外 以 雲 如

其價若干,余由 菜園 旺。 中 晏起無蔬之家,類多 鄉 用用 間 早起 重價 之家,蔬 一營中 雇 人 寄回,此囑 至 家 菜 種 衰 茂盛、 弱。 蔬,或二人亦 之家, 阚 可 於省城 類 多 可 興

字諭紀澤

回營

爾

爲害。 紫微 澄 占驗之説,本不足信。 與摇光之外,並未貫紫微垣,亦未犯天市也。 叔 垣 六月廿日 函,具 之間,漸 悉 唐 漸 一切。 介科 南移,不 今年 即有 數日 彗 接 不祥,或亦不大 星 而 初三日 出 退 於 出 北 禀 右 斗 并 輔 與

澮, 寬一尺六寸,足容便桶。 袁 之時,人足行 長,五尺寬,窄者四尺餘 吾現在 省雇 雨則水有所歸,不使積潦傷菜。 園 一營課 丁來家,宜廢田一二坵,用 兩 邊 勇 溝 夫種菜,每塊土 内,不踐 寬,務 大小横 菜 使芸草 土之 直,有 約三 内 皮 溝 四 摘 爲 菜 Ш 溝 蔬 丈 有

> 茶 荒 直 菜 地,可試種之。 真,老圃則全不 田 清 園 亦 Щ 遺 獲 曠 則不 法。 極 大, 土 利 可 盡 吾 極 溝 少。 大, 可 鄉 澮 開 講究。 吾鄉 終 吾鄉 墾 家 歲引水長 東 種 無 老農 土 百穀雜蔬 我家開 人試 一有 雖 限 行, 流流 不 此 斷 甚 頗 吾家若 之類 風氣, 精 無 得 猶 横 古人井 溝 有 將 如 頗 Ш 種 來 認 而

被傳 鄭氏父子書 引《説文》有之,知 同 皆許 所 箸一 又附考三百字,則 寫 書 爾前問《説文》中逸字,今將貴州鄭子尹 逸脱者實已不 本有之字, 一卷寄 細 爾 閲 閲, 而後 同辨爲不當有者也。 遍, 少。 許書本無之字,而 渠 世 所 則知叔重原有之字, 脱失者也。 補一百六十五文, 其子知 爾將 他 書

紀 渠 姪 近 寫 篆字甚 有筆力,可喜可 慰!

0 遍」, 原 作「編」,今據鴻寶南局本改。

曾文正公家訓卷上

家 誠 職 旁本 故 澄 温篆帖《三墳記》、《拪先塋記》,亦可尋出,呈 寫 兹 中 姻 也。 叔 圏 》之類,永州楊太守新刻 就付歸 有 叔 意 出 閲。 褚 搨 鄧 付 ,壽姪 渠 書 一二分,俾家中寫篆者有所摹仿。 石 回 澄弟 姪 《西安聖教》、《同 如 先 爾 亦當付 湘 須 生 作篆字間架太散,以 姪要大字横 所 教之認 寫篆 一扁也。 熟 一套,爾可 字《 **※篆文**, 州 西銘 扁 聖教 家中有 余 并 \* · « 求 即 無 解 爾 弟 郭意 李 帖 日 明 可 子 意 少 當 偏

次 食如 近 好。 未 常。 寫 余瘡 信 疾略 安 與 慶 澄 軍 好, 叔, 事 而 爾 甚好,大 癬大作,手不停爬,幸 將 此 呈 約 閲 可 克復矣。 并 問 澄 弟 飲 此

分,江西一分,想俱在家,可寄一部來營。

# 咸豐十一年七月十四日

字諭紀澤:

《西安聖教》,兹與手 先生 至 星 顔 油 以入古,又送爾扇一柄, 閲。 囇 江 柳 紙摹字,若常常爲 至 河 四 處,請其批 爾 也。 十三日 囑 前 大家,是詩家之李杜 寄 所 阚 晤 臨 有 評 柳臣 志學書,須窺尋四人門徑, 初七 書 ·卷并寄 譜 之,間 先 生,渠盛 日 兹寄 卷,余 接 架 回 韓 渠 必 口。 杳 蘇, 回 大 收 稱 比 信, 天 劉 爾 進 送 地 世 爾 草 滋 徐 之日 兄 字 歐 前 寄 柳 送 虞 用 可 爾 臣

尋出

寄營

(王

聖教》亦寄

來

閲,

如

無

裱者

則

不必寄也。

《漢

魏六

朝

百三

家集》,京中

#### 咸 豐十一 年七月二十四日

字諭紀澤:

字碎錦 爾十餘歲至二十歲 文太少,即以此代作字工夫,亦不可少者也。 之詞藻,或分類 常摘 摹歐 教以「 寫作」四字逐日無間,尚 夫,必不可少者也。 尚 (通鑑》,算看字工夫,鈔《説文》,算 有 尚能 鈔 柳 恒 前 「看讀 一,能耐 否? 分類 接 楷書,以樂 來 臨 寫 帖否? 纂鈔,以爲屬文之材料,今尚 久坐,至以 已卒業否? 作, 鈔《説文》之訓詁,爾生平作 知 四者闕 爾鈔《説 爾柔 虚 爾去年曾將《文選》中零 或 度光陰,及今將 臨《書譜》,或 爲慰。 弱 可 或分類鈔《文選》 不 之體。 有成。 文》、 可。 去年 閲《 此 爾語言太 在 通 寫 爾 用 讀字工 「看 一營,余 鑑 今閲 字 油 讀 照 I 紙 均

此間軍事平安,援賊於十九、廿、廿

快,舉止太輕,近能力行「遲」、「重」二字以改

救 否?

化險 過廿二之風波 江西有鮑,均可放心。 每日夜手不停爬,幸無他病。 五更止猛撲十一次,亦竭 撲安慶後濠,均經擊退。 爲 夷,安慶可望 ,當無慮也。 克 目下 復矣。 廿二 力擊 惟安慶較險,然 皖南· 退。 日自巳 余癬 從此 有左、張, 疾 ]刻起 未愈 當可 日 至

咸豐十一年八月二十四日

字諭紀澤:

帖。 及澄叔三信 具悉一切。 廿二日 八月廿日胡必達、謝榮鳳 譚在榮 ,並《漢 到,又接爾及澄叔二信 魏百三家》、《 到,接爾母子 聖 教序》二

朱運 將 蕙 姑 其 娘 四 蔡 口 之女 先生 迎 糧 五 一貞於今冬發嫁,兹付去匳 一之母 竟 兩 補 死 於京 仙 去 外 逝,兹寄去奠 口 江 銀 中 廿 兩 可 人儀 異 振 銀 卹 可 其 憫 八 儀 兩。 家。 + 弦

未寫

澄叔信,爾將此呈閱

兩。 大女兒擇於十二月初三日發嫁,袁家已 家中可分别妥送。

均 其 寄 送 妹敬聽父訓,自有可 多製,尤不宜 八自家 俟下 百 期 處亂 金 來 次 否? 至袁 回 世、尤 再 家 寄也。 家途費,暨六十姪女出 製 一大鑲 余向定妝匳之資二百金,●兹先 備 以 大緣 衣物,餘百金俟下次 戒 居家之道,惟崇 久之理。 奢侈爲要義 過 於絢 爛。 衣服 儉 爾 嫁 教 可 厱 再 導 以 不 寄。 儀, 諸 官 長

目録

一紙。

日

課單

批明發還

不成。 丞 元 牧雲 叔告 一舅氏 假 口 書 長 院 沙 席,余已 當 山 再 函 提 託 及, 寄 當 雲 無 中

余 身體平安,廿一 日成服哭臨,現 在三

> 爲 害。 已 畢 滿 0 叔 瘡 近 尚 患 未 好,每 瘧 疾,廿二日 夜 播 痒 全愈矣。 不 止,幸 此 不 次 甚

日

#### 咸 豐 + 年九月 初 四

字 諭 紀 澤

接 爾 八 月 + 四 日 禀 并 日 課 單、 分 類

問,即 草木,皆古聖賢 爲分類之最古者。 (書》所 人摘鈔之法。 目録分類,非一言可 有一種分類之法。 稱 大 禹「主 若從本原論 人辨 名山川」、《禮 天之星 其 盡。 밆 有一人嗜 辰,地 彙, 之,當 大抵有一 之 命之以 》所稱黄帝 以《 Ш 好 Ш 爾 即 鳥 種 雅 潤 有 學

用,必 故必 原,乃知文字之原。 矢,俎豆 IE 名百物 知 命名之原,乃 鐘鼓,日用之具,皆先王制 有 是 器 而 也。 後 有是字,故 物 君臣上下,禮樂兵 必 知 先有· 文字之 名 又 而 原。 必 後 知 器 有 舟 制 以 是字, 刑, 利 車 器 賞 弓 之 民 品 華》等書是也

之屬 言》,文詞之屬也 也; 事之本, 而 罰之法,皆先 水》、《釋草》、《木》、《 爾雅》一書, 次之,事又次之。 後有字,或 《釋親》,事之屬 也 ; 而 ^ 後 釋器》、《釋 如《釋天》、《釋地》、《釋山》、《釋 知 先 Ŧ. 文字之原。 有 立 字 事 釋 也 三者既具,而後 以 而 鳥 宫》、《 《釋詁 經綸天下,或先有 後  $\approx$ 有 《熠》《 此 事 釋 》、《釋訓》、《釋 三者,物 ,故又必知 樂》,器 蟲》《 有 魚 文 最 之屬 》,物 詞。 初, 萬 事

焉 分類 阚 虚 雅》之分類,惟 屬 事 事 日 者 實 最 詳。 事。 屬 事 虚 事 之中又 事 者 者 最 略。 如 判 經 爲 後 之三 兩 世 乏 端

《禮 《太 蹟,分類纂記, 别 平御 》,馬之八《書》,班之十《志 門類 覽》,及 是也。 如《 我 實事 事 朝 文類 者,就 ^ 淵 鑑 聚》、《白 史鑑 類 》,及 函 中 × 孔 已往 六帖 通》之 史精 之事

成。或余少引其端,爾將來繼成之可耳。 文》訓 世 《子史精 思仿《爾 古語鄙謔,雖未 與《子史精 玉堂 之效,特患年齒已衰,軍務 物 不如《子史精 少 人事日多, ノ,
乃 爾所呈之目録,亦是鈔 爾 詁 雅 勢 華 可 庶與《爾 》之例 華》規 所 取 ×, 史 出 温 華 必 然。 学中 册 核 叔 鈔纂 必 模 於 雅》首 日 對 無 相 目録之精 爾 繁, ,將子目 廿八年帶 用, 類 仿 即 書,以記 摘類  $\equiv$ 丽 即 可 少暇,終不 篇 不 爲 摘 照 書者 略 相 善本。 如 此 回 實 爲 H 近 徑 鈔 事 想尚 事 余在 知 也。 減 摘 去, 之象, 其 能 多 月 15 鈔《 面 有 無 末 但 在 京 説 附 所 忘 亦 期 後 白 藏 而

三六

再 之,兹付筆廿枝、印章一 東南大不幸事,可 赴 付。 廬 江、無 余身體 澄叔 爲 尚好 處尚未寫信,將此送閱 州 惟 傷之至! 切 瘡 平安。 久不 包查收、藍格 愈。 胡宫保 紫兼 沅叔 豪營 仙 本下 已拔 逝,是 中 次 無

# 咸豐十一年九月二十四日

字諭紀澤:

淹雅。 友芝,字子偲,號即 今年甚有長 昨 見 丁未年 爾 進,固 所 作《 在 琉 説 請 亭,貴 璃 莫 文 分韻 廠 君 指 與 州 解 余 示 辛卯舉 錯 字 相 處 凡 見, 例 人,學 心 莫 敬 君 喜 其 問 名 爾

大女兒 侈。 金爲 母服食。 儉」二字可 程 遭此亂 又 寄 于歸 儀。 銀 以持久。 世,雖大富大貴亦靠不住 家 之 百 中 用,以二 五 + 切不 兩, 又寄丸藥二小瓶 可另籌 合 百 金 前 辦 寄 銀 之 厱 錢, 百 具 金 過 以 惟 於 與 五 均 阚 勤 奢 + 爲

説話遲鈍、行路厚重否? 宜時時省記也。爾在家常能早起否? 諸弟妹早起否?

# 成豐十一年十月二十四日

字諭紀澤:

微 活潑,此後當更有 有《 初四 西安聖教》筆 夜接 爾二十 長進也。● 意。 六 號 總 禀, 要 爾去年 養 所 得 刻《 胸 看《詩經 次 心 博 經 大

●「當更」,原作「更當」,據《湘鄉文獻》改。

批

訂

爾所作之《凡例》寄去,余亦批示數處。

者皆

有

本

原,義

理

亦

踐

修

不

· 苟。

兹

將

渠

七月

來

誉

1,復

得

幽

談

其

學

於

考據、

詞

象。

鮑

軍

在

青

陽

亦因

賊

衆

兵

、單未

能

得

手。

浙

江

全省

皆失,賊

勢浩

大, 迥

異

往

時

氣

徽

州

近

又

被

重

一,余任

大

責

重

,憂悶之至。

瘡

恒 注 來另購 耳。 疏》 Ė 講《通 畢 部 否? 爾 鑑 照我之樣 即 若 以 未 我 畢, 過 過筆 自 筆 當 者 一次可 補 講之,亦可 看, 也。 不 可 將 無

# 咸豐十一年十二月十四日

### 字諭紀澤:

矣。 金 後 即 十日日 仍接 爲 在 兹寄 黄 酒席之資,俟下次寄回。 接 人贅。 口 金堂 沅 黄 П 叔 金堂, 銀 一成禮 信, 澄 二百兩,爲二女匳資。 知 叔 想爾母子與諸 或 欲 女 借曾家 於 喜 鄉 間 期 垇 另 亦於此次寄矣。 陳 頭 備 家 叔 行禮, 擇於 已有 屋 外五 一,余意 定 正 朝 + 議 月

箱内。 送。 母子相 再 氛 此 如 以 癬 有 日 賊 羅 並 兹用 甚, 澄 准 行 前 燄 氏 未 敬謹 蒙 見。 叔 女須 信。 少 少 黄箱 爾 則 前 恩 衰,安 減 尊藏,此囑 仍接 夫 言紀鴻 嫁 因 賜 ,每當痛 紀 送回 婦 紀 賊氛 鴻 遺 與 一慶無 爾 念衣 縣 ,宣宗遺 陳 鴻 來 至書院讀 環逼 府各 壻在 須 此 虞, 痒 出 ~,不 極苦之時,常 念衣 則 考,且 考, 家 行。 冠 接 照 敢遽接家眷。 書, 均 爾 料 玉佩 明年 待明春察看 須 則 母 搬 斷 請 帶帶 切。 一,亦可藏此 指 正 不 鄧 紀 思 二月, 叮 師 若 鴻 與 表 親 賊 來 又 爾

0 復信言十二年進 也」下,據 《湘鄉 文獻 程資不敢領 》有「馮 樹 堂 新 師詩 寫 関 草曾 深 寄替 肅 穆 四

扁

字,搨一分付回。餘不多及」。

三七

### 同治元年正月十四日

字諭紀澤:

朗誦 作詩 爾曹相和答,仿蘇氏父子之例。 詩筆遠勝於文筆,以 日一緘,●備悉一切。 又得澄叔十二月廿二日 ,而好讀詩,每夜分輒 ,用以自娱。 正 月十三四 連 今年亦當間 接 後宜常常爲之。 爾詩一首閱過 爾 十二月十六、 取古人名篇,高 一緘,爾母十六 作二三首,與 一發回,爾 余久不 廿四 聲 兩

作五 開 謝六家,專 爾 凡十厚册,在家中,此次可交來丁帶至營中 拓 要 一讀 言 心胸,擴充氣魄,窮極 爾 古詩 之 M 才思,能 不宜作七言。 心 漢魏 讀之,必與 六朝取 古雅 而不能 余所選《十八家 爾 余所 變態,則非唐之李 性 質 選 雄駿,大約 相 曹 近。 阮 陶 至 謝 詩》 於 宜 鮑

明於小學 學麤 竟其緒耳。 而要不 郵王氏父子之説,從事戎行未能卒業,冀 實六經外之鉅製,文字中之尤物也。 古今之奇觀。 杜 韓白、宋金之蘇黄陸 有所 可不將此八人之集悉心研究 無 得,深用爲慰。 可 問問 爾之質性雖 津。 余於道光末年始 元 八家 欲讀 與 八家者不 不 周 足 漢 以 古書,非 爾於小 盡 ·相近, 一番。 好 天下 高 阚

壓,癬 喜? 等空空體面 最要緊者余必付回。 余身體尚可 若節制 痒迄未甚 遗 四 亦有喜報耶 省,則余 愈。 支 持,惟公 家中 京報在家,不 已 索 ? 兩 事 用 次 銀 太 疏 多 錢 辭 知 与每 甚 係報 矣。 多, 易 其 何 此 積

<sup>「</sup>爾母十六日一緘」,原無,據《湘鄉文獻》補。

潛权處此次未寫信,爾將此呈閱」。
『耶」下,據《湘鄉文獻》有「葛家信一封、扁字四個付回、

#### 同 治元年二月十四日

字諭紀澤:

切

叔一 凡順遂,至以爲慰。 信,知五宅平安,二女正月廿日喜事 月十三日接 IE 月 廿三日來禀,并澄 諸 侯

洪叔 犯 進 帥 沅 保衢 亦未 近攻廬 初九 叔 ,洋人助守,尚幸無恙 州之計。 再 初 在 此 來犯。 (日至安慶,三月初赴六安州。 七日至漢 間 州, 三山 軍 賊 事 夾, 堅守不出。 左中 如 鮑 恒 收降卒三千人,編成 口 春 ,十五後當可抵皖。 丞進攻遂安,以爲攻嚴州 霆 徽 頓兵青陽,近未 州 解 上 海 重 後賊 屢次被賊 退不遠, 多 開仗。 四 禮 李希 誉。 撲 堂

僅見。 余身體平安,今歲間 惟聖眷太隆,責任 能成寐,爲近 太重,深以爲危。 年所

曾文正公家訓卷上

**時**? 存 知 "盤費,皆我家供應也。● 交 有 臨 鴻 識 深 兒 者 履 赴 亦皆代我 考須 薄 之 請 想 寅師往 而 危之, 己。 ,只好 送 今 寅寅 年 刻 縣 師 刻 父子 考 謹 在 慎,

何

#### 同治元年三月十四 日

字諭紀澤:

0

比 又須接辦羅 須至瀏陽送陳壻夫婦, 叔信,具悉五宅平安。 余在營更忙。 三月十三日接 氏 女喜事。 然古今文人學人,莫不有家 爾 二月廿 又須 爾至葛 今年 趕 春 四 家 夏 回 日 送親 黄宅送親 爾在家中, 安禀,并澄 後,又

0 回。 也 閲,不另具」。 爾所需筆墨等件付回 一下,據《湘鄉文獻》有「共需若干,爾付信來,由營寄 七十姪女于歸、寄去銀百兩、褂料 照單查收。 此信并呈澄 件并裏裙料

心。 常 目,衣食之謀不縈於懷 瑣 爾 事 現 之勞其 當家門鼎盛之時,炎凉之狀 身, 莫不 雖 有 奔走煩勞,猶 世 態 冷 暖 之 不 接 攖 遠 勝 於 其

每 效,當託 好 月 參 兩 四 阚 逢節 母 錢 人到 咳嗽 五分, 氣, 京 不 服 再 高 止,其 歸 買 麗 脾 參半 也。 湯 病 當 一斤,好 余近久不吃丸 劑。 在 肺 者如試之有 邇來渴 家。 兹 寄 睡 藥, 甚 去 欣

慰

部 勝 六千 之兵,潁郡 仗,少荃坐火輪 軍 Ŧi. 事平安,鮑公於初七日在 百 人當 陸 五 船 續 於初 解 載 韋 去。 八 日 希 赴 庵 銅陵獲 E 所 海 派 救 其 大 潁 所

多,不知是好是歹

閲 銀 ,此囑 百百 第三女於四 五 + 兩 查收。 月廿二日 餘 不 于 **詳**,即呈 歸 羅家, 澄 兹寄去 叔

州

於

初

H

#### 同 治 元年 四 月 初 四 日

字 諭 紀 澤

於

寒士困苦之境

也

二女 連 在 接 陳 爾 家, + 門 四、廿二 庭 雍 睦 日 在 衣 省 食 城 有 所 資 發 禀, 不 勝 知

同。 近 年 日 有 於 日 恒 進 作 朝 可 無 爾 自如 見 르 累 朝 字 摹 年 月 種 無 寫, 道 人 奔 樹 生 分老少, 馳 畜 久不間 亦嘗苦思 惟 們 養 ()日見 有 應 常 事 猶 斷,遂覺月 是 無 其 能 力索, 第 大 分 不 難 失常 而 美德。 易, 終 不 異 覺 無 課 但 而 耳 所 歲 行 余早 當 成。 不 可

事 看 書能 上下一 爾之短 深 番苦工,進之以 人 處 怞 作 在 言 文 不 語 能 欠 鈍 峥 猛,持之以恒,不過 嶸。 訥 舉 若 止 能 欠 從 端 此 重

業進 端重 二年,自 矣。 一,則 德進 爾 阚 前 矣。 精 作 進 詩,差有端緒,近 作文有 而 不 覺。 峥 言 嶸 雄 語 快之氣, 遲鈍,舉 亦 常作 止 則

梁山 州、含山三城 陽、石埭、太平、涇縣四城,沅叔連克巢縣 四隘 此 間 軍 滿 事,近日 暨 叔連克繁昌、 銅 城 閘、 極得手。 雍 南陵 家 鎮 鮑軍 裕溪 城 一連克 暨 魯 港 西 和 青 四

溢

現仍

穩慎圖之,不敢驕矜。

飲食 公事叢集,竟日忙冗,尚多積閣之件。 往昔徹夜不寐,家中可 叔 一閲,不另致也。 余近 如 常 日 每 瘡 夜安 癬 大發,與去年九十月 眠 或二更三更之久,不似 以放心。 此信并呈澄 相等。 所幸

# 同治元年四月二十四日

字諭紀澤、鴻:

一,曾涉

否?

李杜韓蘇四家之七古,驚心動魄

獵及之否?

[等帶來四月初十之信,爾與澄叔各一件,今日專人送家信,甫經成行,又接王輝

藉悉一切。

墨 柳字之《琅 留心,專從「厚重」二字上用工。 薄,即體質亦因之更輕矣。 路毛 氣不豐腴,與爾身體 爾近來寫字,總失之薄弱,骨力不堅勁 病。 琊 爾當用 碑》《玄秘塔》,以藥其病。 油紙摹顏字之《 向 來 輕」字之弊 否則字質太 郭家 廟 正 日 H

志。即以余生平言之,三十歲前最好吃煙,變换骨相。欲求變之之法,總須先立堅卓之則可變化氣質。古之精相法并言,讀書可以則可變化氣質由於天生,本難改變,惟讀書

四

字,須立志變改。 近 片刻不離,至道光 此二端,可見無事 煙,至今不再 五年深以爲戒,現在大小事均尚有恒。 吃。 不可變也。 壬寅十一月廿一日立志 古 四 + 稱「金丹换骨」,余謂立 六 歲 以 爾於「厚重」二 前 作 事 無 恒 即 戒

## 同治元年五月十四日

志

即「丹」也。●

此囑。

字諭紀澤

箸一書、《文選》於此三人之文箸録 家,以此五家之文,精於小學訓詁,不妄下 學訓詁 於古文,志在 於詞章之學。 爾《説文》將 接 者。 爾四月十九日一禀,得知五宅平安。 如 看 放法 余觀漢 相如、子雲、孟堅於小 畢,擬先 此 三人并司 人詞章,未 看各經 馬 注 有不 遷 疏 最 再從 韓 學 多。 精 皆 愈 於 專 小 事 余 五

> 之。凡奇僻之字,雅故之訓,不手 過,一 字也。 章。 者皆不可少。 不通 記,不摹仿則不慣用。 用 讀史,事事易於著手矣。 處下工夫,專肆力於《文選》,手 之用意行氣,必不能 長於看書,短於作文。 戎行,不克卒業,至今用爲疾憾。爾之天 功。 余早歲 小學。❷ 面 《説文》看畢之後,可將《文選》 爾於小學既粗有所見, 細 讀,一 窺此門徑,因人事太繁, 國 待文筆稍有長進,則以後 朝 面 諸儒,通小學者又 鈔記,一 看 此道 得諦當。 自宋以後,能 太短,則 面 正好從詞 作 鈔 目 鈔 文 及 下 又 於古 不 文章 以 則 細 宜 計 久 仿二 能 仿 章上 從 不 讀 分 經 短 歷 文 能 效

● 「也」下,據《湘鄉文獻》有「滿叔回信係忘送,故特由

通」,原作「過」,據《湘鄉文獻》改。

0

軍 城 進 下 兵太鋭 此 兹將沅 間 軍 ,後路蕪湖等處空虚 事 信 平 二件 順。 寄 沅、 家 季 兩叔 閲 一,頗爲 皆直 惟 沅 逼 미 季 金 慮。 陵 兩

余現籌兵補此瑕隙,不知果無疎失否。

信送 來 閣 爲 甚 多,餘 澄 余 叔 身 體 件尚 閲。 平安,惟 能 余思 料 公 理,家中 家 事 鄉茶葉甚 H 繁, 可 應復 以 切,迅速付 放 之信 心。 此 積

# 同治元年五月二十四日

字諭紀澤:

發,廿二日又接澄 二十日 接家 信 侯 係 衡 爾 州 與 澄 信 叔 具 五 悉 月 五 初 宅 平 所

安,三女嫁事已畢。

爾信極以袁壻爲慮,余亦不料其遽爾學

重也。 壞 衣 延 不 可 然 宜 至此。 不可多,事雖 師 可 救 無 過 恥 教 藥 露 疏 矣。 ,拚棄不顧,甘 忽。 痕 之亦可。 若人之傲 蹟 余即 若久 我家 人 日 至小,所關 内 惰 所 當 大 不 鄙 作 外 以 約 悛 大 與 棄業 信 稍 改,將來或 世家子弟,錢 小 īE 顧 教 頗大。 ,於袁壻 人 已 體 之,爾等 爲 露 面 仇, 者 出 接 冀 則 在 處 而 至 不 禮 索 以 家 人 可 皖 後 性 之 貌 卻 誉 均 不 蕩 敬 不

采買, 信,爾禀告之,此 早,頃間 初 沅、季在 三日失 此間 以 三日 金 後 各路 守, 陵 澄 鮑 大雨,人心 孤 叔 軍 攻 軍 囑 不 事 甯 無 平安。 必 或 助 置 心。 不 始安。 恐 多將軍 難 無 此 遽 可 次 穀 克 慮 赴 不 即 援 ·另寄 在 安 湖 陝 長 徽 州 西 澄 沙 亢 於

四三

# 同治元年五月二十七日

字諭紀鴻:

前聞爾縣試幸列首選,爲之欣慰。所寄一難

耐

勞

也。

此

諭

各場文章,亦皆清潤大方。

昨接易芝生先生

宜在寓中静坐,不可出外游戲徵逐。十三日信,知爾已到省。城市繁華之地,爾

干。 向 四 兩,助渠買書之資。 例 百兩,交爾在省爲進學之用。● 印卷之費, 鄧 兩 兹余函商郭意城先生,在於東征局兑銀 寅 學及學書共三分,爾 師 處謝禮 百兩,鄧十世兄 餘銀數十 每分宜送錢百 兩,爲爾 處送 零用 銀 +

望有成。 同,庶可 凡 世家子弟,衣食起 以成大器。 吾忝爲將相,而所有衣服不值三百 若沾染富 居 無 貴氣習, 不 與 寒 則 土 難 相

及

略添衣物之需。

其照例 年不 賞號亦略豐。 金 ,願爾等常守此 必 鄉 應用之錢,不宜過 試 謁 聖後 則爾 儉樸之風, 拜 客數家,即行 工夫尚早,二則恐體 嗇 亦惜 謝廪保須二十千,❷ 福之道 歸 里。 也 弱

同治元年七月十四日

字諭紀澤:

廿六日兩禀,具悉五宅平安。曾代四、王飛四先後來營,接爾二十日

五言詩若能學到陶潛、謝眺一種沖淡之味,《和張邑侯》詩,音節近古,可慰可慰!

<sup>●「</sup>須」,原無,據《湘鄉文獻》補。 芝生先生處借銀亦可」。 「用」下,據《湘鄉文獻》有「如郭不在省,爾將此信至易

第宜 哦 爾 和 詩 既 諧 之音, 作 無 字, 志 於科名禄 以 亦 陶 天下之至 寫性 位 情 但 樂, 則 能 人 一生受用 名 間 讀 之奇 古 書 不 福 時 盡 也 時

灑

則

可

、法嵇、阮之放

蕩名教

則

不

可

耳

束

身圭

璧,法王羲之、陶

淵明之襟

韻

蕭

則斷 庵 去皆可,或目下先去亦可 物,亦無不可 之名,家中似可不另送禮。 到 家之後,我家 不 必送, 庵丁艱 ,然只可 爾 () 余即 與 須有人往弔,或 四 在 叔 送祭 父、 安慶送禮 席 六 或鼎三姪另送 輓 **嬸母** 幛 寫 之類 四 商之。 叔、或 四 銀 兄 禮 希 弟 爾 錢 字諭

紀

澤

麗 兹 喜之客,請 寄 付 全賴 補 三兩、銀 近 口 年 鹿 謝 四 以 茸 寅皆 金 叔 來, 一架、 + = 權 照 先 爾 恭 料 生。 兩, 兄弟 敬 袍 大 款接,不 事,朱 褂 寄 爾一 料 讀 謝 書 一付, 金 金 所 妥送。 權 可 權 以 簡 寄謝 照 不 又 慢,至 料 其 袍 家 四 小 躭 中 褂 叔。 事 要 智 料 閣

至

苑》、《儒林傳》尚在 書,余欲一 寫覆信,爾先告之。 賢 五先生請 看,便 余作 中 否 家中 寄 ? 傳, 來 -有殿 查 稍 出禀知 遲 鈔 板《 本《 寄 回。 職 ,此囑 國 官表》 史・ 此 次 文 未

#### 同 治元年八月初四日

人 事 或 惟 切。 戲,仿古大儺之禮,不知少愈否? 即即 悉 招 疾疫頗多。 降童容 鴻兒 行 此 接爾七月十 由高淳東垻會剿金陵。 間 遣 諸 十三日自省起程, 散, 事 海 每 前建 平 一股,收用 安、沅、季二叔在 給錢 日 清醮,後又 禀并 者三千人, 干。 想早 澄 (陳龍 希 叔 到 鮑 帥 信,具 金 家 公 鮑公在 由 鐙 陵 辦 餘 獅 亦 悉 安 妥 子 五 好, П 此 甯 萬

恩 病 准請假 瘦,咳嗽不止,殊爲可慮。 省,初三已到。 象,亦 高 厚, 回籍,賞銀 非 無 以 □ 籍 復 静 加 病之後 養 八百,飭地方官照料。 斷 而 希 難 帥 痊 本日接奉諭旨,不 加以 思 愈 渠 歸 憂 極 成, 日 切 内 氣象 觀 擬 自 其 聖 黑

之跌宕 若能 則余 宜 而 詰,慰甚慰甚 行 在 先於韓公倔强處揣 具摺陳情也 願 解《漢書》之訓詁,參以《莊子》之詼 軍 爾所作《 償矣。 鮮 ,昌黎之倔强 暇,未嘗偶作,一吐胸 擬 至行氣爲文章第 莊》三首, 余近年頗識古人文章門 ,尤爲行氣不易之法, 摩 一番。 能 識 名 中之奇。 理, 義。 兼 卿 通 徑, 詭, 爾 雲 爾 訓

回里,唐義渠即於是日到皖。

兩公於余處皆

李希庵於閏

八月廿三日

安

一慶

開

行

奔

喪

# 同治元年閏八月二十四日

字諭紀澤:

盤 軍 章 吉齋座 愈。 次風浪,則此後普成 能 亦數日物故。 亦無 聞 東 回 甘子 援金 亦 旋 此 日 沅叔營中 間 少 師之世兄名敬身號藻卿者,遠來訪 内未接家信,想五宅平安,爲慰。 ? 請 瘥。 大至 陵。 近 援 且 狀 之理。 元、季 多公在秦,正當緊急之際,焉 三公無他故,則大局 幸楊、鮑兩軍門皆有轉機,張凱 甯 病者亦多,沅意欲奏調多公一 如 國 常,各軍 共 坦途矣。 惟 行,歸即 帶 祝 一萬 病 士卒多病, 迄未 卒 一病不 餘 漸 尚可 愈, 僅 禁得 起。 爲 保 也 我 少 許 此

相 以 與 長 ,豪無猜疑。 者之禮 見待,公事 皖省吏治, 豪 無 或 掣 可 肘 漸 余 有 亦 起 推 色。 誠

則逐日增劇,夜間幾不復能看字,老態相催,余近日癬疾復發,不似去秋之甚。眼蒙

固

其

理

也。

## 同治元年九月十四日

字諭紀澤:

接爾閏月禀,知澄叔尚在衡州未歸,家

中五宅平安,至以爲慰。

僞 攻 侍 +  $\pm$ 六 此 間 初三四 畫 連 夜, 日悪 經沅 亦至 風 叔 驚 多方 浪 現 在 堅守, 僞 金 陵 忠  $\pm$ 之賊數 得以 在 金 保全。 近二 陵 苦

信,一慰家人之心。 沅叔初九、十與我二信寄歸外,又有大夫第 十萬

業經

守二十日

或

可

化

險

爲

夷

效

將

恐其 霆 雖 日失守,恐賊 在外主戰,或足禦之。 病 由 弁 鮑 間 太 春 多 道 霆 逕 移紮 + 猛 竄 分可 撲徽州、 江 距 西 甯 危, 郡 殊 然凱 城 旌 惟 口 深 德 甯 + 軍 慮 、祁門等城,又 或 里 在 縣城 一之高 城 主 於初 守 祖 Щ 六 春

尚可 身名計 相 類。 徐徐補 余近 也。 蓋安危之機 日 救。 一憂灼 但願沅、霆兩處倖保無恙 此信送澄叔 迥 關 異 係 尋常氣象, 太大,不僅 一閲,不詳 與 爲 八 則 年 己之 他 春 覤 間

# 同治元年十月初四日

字諭紀澤:

旬日未接家信,不知五宅平安如常否?

■ 「也」下,據《湘鄉文獻》有「餘不一一,此信可送澄

叔

四七

分穩 此間 甯國鮑、張 軍 古 事、金 可 靠 3 柱 各軍,尚不過五 關、 金 陵 蕪 沅 、湖及 叔 水師 軍, 一分可 各營, 已 有 七 已有 分 可 九

爲 有 常若皇 似 有 疎 少減,自是老年心血虧損之症 失, 怔忡之象。 此 次風 皇無 近日金陵已穩, 主。 波之險, 前 每 此 日 迥異尋常,余憂懼太過, 專 無 慮 論 而憂皇戰 有信記 金 一陵沅、 與無信 慄之象 季大營或 一,十心 不

兒 進。 則或 母及澄 미 書 來此 "帶之來營。 鴻兒隨之受業。 或今冬起行,或明年正月起行,禀 可 欲 叔行之。 少 阚 行。 解 再 怔 來營中省視,父子團 忡 餘詳日記中,此諭 寅皆 爾 病 症,二 在 先生 金二外甥 此 住 一明年 一則爾 數 月 定 之學問 有 歸 在 聚 志 去, 大 \_\_\_ 向學,爾 大第 再 次。 亦 明 \$ 可 教 鴻 爾 稍

### 同 治元年十月十四日

字諭 紀澤:

城 發信,具 + 月初 、悉五宅平安,希庵病亦漸 十日日 接 爾信 與澄 叔 九 月廿 好, 至 縣 以

日

爲 慰。

陵之轉 深以 圍。 霆 爲 城之内,亦極可危。 軍 危 爲 當 急,賊於灣 沅叔另有二信,余不贅告。 此 慮。 間 危爲安,則大幸也。 士卒大病之後, 軍 鮑若不支,則張 事, 沚渡過 金陵 如 日 布 河西,梗 就 天之福 置 平穩, 凱 散 章 漫 塞霆營糧 甯 不 衆 鮑 困 久 或 軍 於 心 當 亦 甯 H 頗 如 内 可 或 路 怨 金 郡 其 解

慰! 宗,古書惟大、小徐二本,至本朝而段氏特開 爾從 小學凡三大宗: 事 小 學《説文》,行之不 言字形者以《説文》爲 倦 極 慰 極

而

不

爲萬世

所痛駡,則幸矣。●

能平之理。

但

求

全局不

遽決裂,

余能

速

死

者以《爾雅》爲宗,古書惟郭注、邢疏,至一同治,而錢坫、王筠、桂馥之作亦可參觀,言

訓

詁

生

面

本朝 雅 疏 證》、郝 而 邵 二雲之《爾雅 蘭皋之《爾雅 正 義 義》、 疏》皆稱 王 懷祖之《 不朽之 廣

《集韻》,至本朝而顧氏《音學五書》乃爲不刊

言音韻者以《唐韻》爲宗,古書惟《

廣

韻

×

江晉三諸作亦可參觀。爾欲於小學鑽研古之典,而江慎修、戴東原、段茂堂、王懷祖、孔巽軒、

均不可不涉獵而探討之。 義,則三宗如顧、江、段、邵、郝、王六家之書,

過之,甚思 措之象,有似 來營省視? 余近 日 爾 心 仰 兄 咸 緒 觀 豐 弟 極 天 八 來 亂, (時, 年 此 春 心 默察 見,不 在家之時,而 血. 極 人事,此賊 虧,其慌忙 知 爾 何 憂 竟 H 灼 無 無 可

# 同治元年十月二十四日

字諭紀澤、鴻:

品隆 之賊 鮑、張兩軍糧路已斷,外無援兵,一 叔 事,金陵於初 有 竄 一軍被賊 病未愈。 日 過北 内 未 岸,恐李 接 五 目下危急之處 圍 家 日 「撲,糧 信, 解 世忠不能 韋 想 一,營中 米亦 五 宅 缺, 有三 平安。 抵禦。 切平 係 係旌 安 此 大約 九 係 間 洑 德 甯 惟 洲 朱 此 國 滿 軍

三處者,斷難倖全。

狀。 緒 之惡 爾明 余 ,甚於八年 兩月以 年新 正 來,十分 來 春 此,父子一 在 憂 家、十 か, 年 牙 敘, 春 疼 或 殊甚。 在 可 祁 門之 少 心 紓

● 「矣」下,據《湘鄉文獻》有「此信送澄叔一閱,不另致」

句。

五〇

覺遲 壻近常在家 一外甥同來 鈍 爾 近 否? 日 √亦好。• 走路身體略覺厚重否? 否? 鴻 兒近學作試 爾若來此,或帶袁壻與金 帖詩 否? 説 袁氏 話 略

# 同治元年十一月初四日

### 字諭紀澤:

酬詩及澄叔之信,具悉一切。一月初一又接爾初九日一禀,并與左鏡和唱一月初一又接爾十月十八在長沙所發之信,十

之光、淵淵之聲。余生平於古人四言,最好億≫。《百官箴》諸四言,刻意摹古,亦乏作作作,亦復爾雅有餘,精光不足。揚子雲之《州詩最難有聲響有光芒,雖《文選》韋孟以後諸詩最難有聲響有光芒,雖《文選》韋孟以後諸

《淮西碑》、《元 雄拔 響如春霆。 敘傳》一篇,亦四言中 崛之中迸出聲光。 韓公之作。 進學解》、《 而 已。 自韓 即 送窮文》諸四言,固皆光 如《祭柳子 其 和聖德》各四言詩,亦皆於 公而 他 其要不外意義層出,筆仗 凡墓志之銘詞 外,則 之最雋 厚文》、《祭張 班 雅 孟 者。 堅《漢 及 如 集 署文》、 爾 (皎日, 中 將 書 此 如 .

前信 是極是! 須 但亦少奇矯之致。 及《蕪城賦》、《哀江南賦》、《九辨》、《祭 用意有超 鏡和 讀《馬汧 詩 余往年亦篤好斯篇。 群 雅潔清潤,實爲吾鄉罕見之才, 督誄》,謂其 離俗之想,乃能 凡詩文欲求雄奇矯變,總 沈鬱 脱 似《 爾若於斯篇 去 史記 恒 蹊。 極 爾

「揚」,原作「楊」,據《湘鄉文獻》改

數篇熟讀成

誦

,則於四言之道自有悟

境

❶ 「好」下,據《湘鄉文獻》有「澄叔處未另致」六字。

文》等篇吟翫不已,則聲情自茂,文思汩

汨矣。

所知耳 憂灼, 北,巢 此間 智盡 、縣、和 軍 能索,一 事 州、含山 危迫異常, 息尚存,憂勞不懈,它非 俱有失守之信。 九洑洲之賊紛 余 日 竄 夜 江

功,特囑。

至爲廑念。餘詳日記中。● 爾行路漸重厚否? 紀鴻讀書有恒否?

# 同治元年十一月二十四日

字諭紀澤:

塚。 沅叔之意,定以季櫬葬馬公塘,與高軒 轉寄,想俱接到。 叔 ,必恭必慤。 爾即可至北港迎接,一切築墳 廿二、三日連寄二信與澄 季 俟季叔 叔賫志長逝,實堪 葬事畢,再 叔,驛遞 等 7來皖 事 傷慟。 公合 長沙 禀 誉 問

汩一可也。

是爾生質短處,以後宜從「剛」字、「厚」字用爾現用油紙摹帖否? 字乏剛勁之氣,

同治元年十二月十四日

字諭紀澤:

葉 駭 自 詩四首。 則 處、詼諧可笑處細心領會。 長沙歸也。兩次皆有澄叔之信,具悉 + 韓公五言詩本難領會,爾且先於怪 曰「謂是夜氣滅,望舒實其圓」, 日接十一月廿二 十二日又接 初 Ŧi. 日 日 來 來 可 凛,其 禀, 駭 處 内 詠作文, ,如詠落 時 有 切。 奇 爾 鴻 可 兒 初

●「中」下,據《湘鄉文獻》有「此次澄叔處無信,爾詳禀告」。

苦寒,則曰「羲和送日出,恇怯 則日 此等處用心,可以長才力,亦可添風 詠登科,則 「蛟 龍 日 弄角牙, 「儕輩 造次欲手攬」。 妬 且熱,喘如 頻 窺覘」。 竹 趣。 筒吹」, 可 笑 處 爾 如 從 詠

此 湘 又有員弁親兵等數十人送之,大約二月可 爲厚四、甲二、甲六、葛睪山、江龍三諸族戚, 軍營病故例 潭。 間 定 季叔奉初六恩旨追贈按察使,照按察使 葬期若定二月底三月初,必可不誤。 於十九日開弔,二十日發引, 議卹 可 稱 極 優,兹將諭旨録 同行者 歸 到

或 復運漕。 可 勉强支持。 下游 鮑軍 軍 事 漸穩。 糧 此信送澄叔一 路 雖 不甚 北岸 通 蕭軍於初十日克 閲。 IIII 賊實不悍

"閱」下,據《湘鄉文獻》有「外馮春皋對一付查收」一句。

0

曾文

正公家訓卷上終

## 曾文正公家訓卷下

夫雖

不賢,妻不可以不順。

吾家讀書居官

臣

不可以不忠,父雖不慈,子不可以不孝,

尊也,父,至尊也,夫,

至尊

也

君

雖

不

父,天也,夫,天也。』《

儀

禮》記

日

君,至

# 同治二年正月二十四日

字諭紀澤:

中平 安。 蕭 開 羅太親 二來,接 翁 爾 仙 正月 逝 一當寄奠儀 初 五 日禀,得 五十金、 知 家

祭幛一軸,下次付回

亦或 立 臣 順 此 一,天柱 綱 恭 無 父 謹 暴 可 羅 不可 戾不近人情否。●爾當諄囑三妹,柔 壻 如 爲 所 性 何之事 賴 子 情乖 有片語違忤。 ~綱,夫 以 尊。 不不 戾, 爲妻綱,是 與 知 故 平 袁 傳 壻 日 曰:「君,天 三綱之道,君 同 在三女兒之前 地 爲 維 叮 慮 所 0 也 賴 爲 然 以 5 0 0 0

上做 要。 世 并 周 吾於諸 一守禮 濟 不 吾服 憂 工夫也。 面 貧 女妝 覆 義 育之。 官 爾當語戒 爾 多 즃 諄 甚 年, 勸 目 薄 亦 諸 下陳家微窘,袁家、羅 ,然使女果貧 常在 大妹 妹,以 一耐 Ξ 能 勞忍 妹 耐 忍 困 勞 氣 吾 耐 忍 順 四 氣 亦 受。 必 爲 家

復 涇縣 旺 一戦 此間近狀平安。 米糧亦足, 後、❸各處 應可 未 自鮑春霆 再 再 振 開 仗。 僞 忠 Œ 春霆 月初 王 復 誉 六 派 + 賊 氣 日

曾文正公家訓卷下

乖 · 戾,與袁壻同爲」,原無,據《湘鄉文獻》補。

無,據《湘鄉文獻 不知平日在三女兒之前亦或暴戾不近人情否」,原

此間近狀平安。 自」,原無, 《湘鄉文獻

數 萬 續 渡 江 北 非 希 庵 與江 味根等來 恐 難

得手。

此信送澄叔一閱,不另致 余牙疼大愈。 日内將 至金陵一 晤沅叔。

### 同 治二年二月二十四日, 泥汊舟次

字諭 紀 澤

當完畢 家中五宅平安。 十二日、二月初三日兩禀,并 二月二十一日 大姑母及季叔葬事,此 在 運漕 行 次,接 澄 叔 兩 爾 信,具悉 IE 時均 月二

營付 橋 聞 游。」古之言孝者, 孤 爾 嗣 母 歸 爾 與 在 口 後吾家子姪,凡遇過橋,無論 澄 團 也 叔 Ш 之意,欲修石橋,爾寫禀來,由 觜橋 禮》云: 專以保身爲 上跌而不傷,極幸極幸 道 ∭ 重 不 徑,舟 鄉 間 輴 路窄 加 馬, ! 不

0

而」。《湘鄉文獻》作「西」。

均 須下而 步行

萬難,爾切莫錯過此等好光陰也 書,兼持門户,處 濤性定,再行寄諭定奪。 險,不復望爾前 吾本 意欲 爾 來。 亂 來 世 營見 且 뻾 待 得 目下爾在家 画, 九月 寬閒之歲月 因 霜降 遠 道 水 飽 風 千 落,風 看 波 群 之

直犯江 處 股竄撲徽州,古、 行,月杪即可還 等處,軍 看 處單薄,不 金柱關、東西梁山、裕溪 余以十六日自金 心 均 知 屬 足以 省。 穩 飽 賴 固 ,殊爲可 等股竄擾青陽 禦賊否。 ,布置亦 南岸近亦 陵 開 慮。 Ц 船 尚妥當 而上, 沿 余再至青 喫緊,廣 運 漕、 其 志 惟 無 皆在 陽 途 匪 爲 兵 カ 州 閲 兩

止此舉,以 澄 叔不願受沅 成澄 志。 之貤封,余當 爾 讀 書有 恒,余歡慰之 寄信至京,停

西以

誉

證。 至。 第所 脚 涉 近 閲 稍穩 H 博, 重否? 亦 須 劄 常常留心,此囑。● 記 一二條, 以 自 考

#### 司 治二 年三月 初 四日

字 諭 紀澤

文章亦 若 解。 達 段 源 爲班 無 悉 近古,直逼漢唐,而文章不能追尋古人深處 於 懋 已 流 家 爾 堂、 曹 、張、左、郭之文章,晉人左思、郭璞小學最 私 本 ŧ 中各宅平安。 接 逼兩漢,潘 而文章又窺見漢魏六朝之門 竊 前 阚 能 王懷 余嘗怪 有 二月十三 成 閡 志 我 於 、陸不及也。 祖 欲 末, 未 或 諸 竟之志,則至樂 朝 以 老,其 知 日 爾於 戴、錢、段、王之訓 大 其 禀 儒 久 并《聞 小 小 如 事 加 學 學 戴 戎行,斯 昧 訓 訓 人 東 其二,頗覺不 詁 詁 賦 原、錢辛楣 英大 實能 頗 **>** 徑、欣 願 一首,具 識 乎 · 詁,發 莫 超越 古 是。 遂 慰 人

> 即 日當批 改付 歸

精

其訓 郭,上 近; 徐、庾 韓文實與《詩經》相近。 息 至韓昌 《送鄭 中 其 息 確 消 又觀《祭張署文》、《平淮西 與揚 之訓 詁 相 爾 川則 圃 尚 黎出 既 息 通 亦 揚 書序》諸篇, 詞 得 ŝ 甚 討 , 馬、 則 一, 乃 下 愈 馬 此 精 幾 作古茂之文章。 班 津 雜 而 矣。 當。 由 而《莊》、《騷 後,以 氣 潘 張 班 陸, 愈薄 爾 張、 則 試 鼻孔出氣。 後 近世學韓文者,皆不 知 而 揚、 觀 更 而 韓 任、 當 ×, 訓 馬 南 文 碑 沈 詁 專 而 由 而 實 海 》諸 之道 心 上躋 六 班 與 神 而 爾 、張、 壹志 經,靡不 能 漢 廟 江 六經 衰 參 賦 碑 則 矣。 以以 鮑 左 透 知 相

阚 閲 看 書 籍 頗 多 然 成 誦 者 太 少,亦 是

此

知

0 告」。 屬」下 據《湘鄉 文獻 》有「澄叔此次未另寫 信 將 此

宜熟讀 背 通考》載之,《五禮通考》載之。 序二十四首,天文如丹元子之《步天歌》,《文獻 後之文, 賦》及《九 誦 短 0 爲 斷 嗣 如《 辯 又 後 經 與 》、《解嘲》之類,皆宜 宜 如 、楊遵彦 將《 世 ^ 兩 之文 文選》 都 書》徐、《哀 賦 如 地 × 最 馬 理 ^ 愜 貴 西 如 意 與《文獻 征 顧 者 上熟讀。 江 賦 祖 熟 南 × 禹 讀 賦 之《州 通 《選》 蕪 庾亦 考》 城 能

讀 所 誦 19,互相 選文七篇三 也 背 誦 將 種 來父子相見,余亦課 爾 與 紀 鴻 兒 皆當 手 爾 等 鈔 背 熟

域形

勢敘》,見《方輿紀

要

首數

卷

低

格

者

不必

讀

高

格者

可

讀

其

排

列某州某郡

無文氣者亦不必

讀

以

上

字諭

紀

澤

起 起 抛 以 文。 程 程 荒 一,則 學業 爾 則 惟 擬 奉母 只 長 以 爾 帶 江 四 及弟妹 袁 禀 風 月 壻 請 波 來 及 爾 頗 皖, 妻女合家同來。 母 金 不 及 ·放心, 余亦 澄 甥 同 叔 甚 來 又恐往 酌 望 示 爾 如 來, 到 八 如 返 皖 九 四 途 教 住 月 月 中 爾

數月,孰歸孰留,再行商酌。

則余派 年上 於 四 月 半年必不安静 目 大船 下 來 謁 皖 至 北 舟 |湘潭 賊 中 犯 宜 迎 ,下半年 湖 十分 接 北 口 也。 穏慎 皖 或 南 當 賊 稍 如 犯 勝 八月來, 江 西,

# 同治二年三月十四日

皆已 湖下 辦 所發 頃 妥。 接 爾 信 爾 禀及澄 自 同 櫧 日 叔信, 到 Ш 歸 家 來 季 知余二月 、俗務 叔 與 應 伯 稍 姑 初 減 1 四 少。 葬 在 事 蕪

丹、 景 急,又令鮑改援北岸,沅叔亦撥 攻,水洩 **〜**德鎮。 劉南雲營盤 此 間 不 余本 近 通。 H 檄 軍 一被圍 次 鮑 事 則 軍 最急者, 黄文金 ,自初三至初 救援 景 大股 鎮 惟 石 七營援 因 由 十 澗 石 建 -, 畫 埠 澗 德 救 埠 夜 毛 竄 石 危 犯 環 竹

守 澗 解 城事 埠。 圍 宜 只要 又 有 捻 各路交警,應接不暇。 守住十日 匪 由 湖 北 兩 下 路援兵皆到 竄安慶 必必 幸身體平 須 一,必可 安 排

安,尚可支持。

聞

人賦》

圈

批

發

還。

爾

能抗

心希古,大

之需。 年較遲 與澄 若干斤。 慰余懷。 叔一 重否? 又付 紀鴻 看,不另寄。 去 銀 年寄來之茶,不 + 頗 付去高麗參 兩,爾託儲 好 學 杏? 奏章諭旨 山爲 甚 一斤,備家 爾 説 好 我 話 也。 本查收。 買 走 好 路 此 中 信 茶葉 木 比 送 時 往 澄叔,爾爲禀告。

# 同治二年五月十八日

字諭紀鴻:

接爾禀件,知家中五宅平安,子姪讀書

有恒,爲慰。

爾問今年應否往過科考? 爾既作秀

放心。 才,凡歲考、科考,均應 功令,士子之職 承,甚好甚好! 若鄧 師能 業 若鄧 晉省送考 也 師不赴省,則 前 惟 往 則 爾 年 人場,此朝 爾 紀 凡 太 爾 事 輕 或 有 廷之 與 所 余 禀 易

同伴,總須得一老成者照應一切,乃爲穩妥。芝生先生同住,或隨睪山、鏡和、子祥諸先生

番,無錯平仄, 爾 近 日常作 無 錯 試 擡 帖 頭也。 詩 否? 此次未寫信 場 中 細 檢 與

# 同治二年七月十二日

丹閣十叔大人閣下:

前奉賜函,敬審福履康愉,闔潭多祜,至

爲慶慰。

四 月以 此 後 間 (,巢、 軍 事 自自 和、二浦次第克復 去 秋 以 至今春, 今奪 危 險 回 萬 九洑 狀。

逆復叛 各軍 洲 飹 項 要 隘 奇 疾 絀 疫 江 大 踞 醫 北 作,死 數 藥 肅 城, 無資,茫茫天意不 清 亡相 大 波未 局 屬,幾與去 極 平, 有 轉 波復 機。 知 一秋相 何 起 不 日 料 等。 果 苗 而

遂

厭

亂

也

不圖 以 祖 不固,此外視聽 宗之餘澤。 菲 豐 材 姪 久竊 身體觕適,牙齒脱落一箇,餘 豫, 以 高 是 位 眠 報 兢兢 食未 聖主之厚 慄 改五十以 慄,惟 恩,即 是不 前舊 以爲 · 貪安 態 亦 稍 動 逸, 惜 自 摇

告知 聯、 敬 貤 謹 暨 封 書帖等微物、略將鄙忱、伏乞哂存。 任 伯祖 收 蕭 上 尊叔 年 藏 二十金,少 太 父 恭 夫 及芝圃、榮發、厚一、 重 遇 焚黄告墓之日 人,兹將 語軸 五 兩 一公暨· 次 助祭席之資。 覃 恩,已將 中 和 專盛 公、伯 子子 本 四送 姓 身 祖 厚四 悉 又 母 應 參 與 回, 得 彭 枝、對 諸 於 即 太 封 祭, 弟, 求 夫 典

> 亦須 拆屋 本 歸官辦,不特不能添新委員, 已函告東局主事者酌量 錢,分途采買,因此 紛 左君辦 撤 紛 釀 回, 硝 成 之 是以 控 事 案 未 因 東 半途 能 採 調劑 征 辦 照 而 局 辦 諸 ,不令虧本矣。 廢 即 司 人 不 前 道 但諸 在 免 此 乃 各 吃 給 詳 人借 縣 虧, 札 請 挖 姪 者 凑 概 牆

# 同治二年八月初四日

字

諭紀

鴻

女與羅壻 函 , 知 接 爾 爾 奉 澄 母 同前 叔 於 七 八 月 來。 月 十 + 八 九 日 日 信 起 并 程 爾 來 寄 皖, 澤 兒

大女理 毛,爾 慶,因榆生在此,故吾未嘗寫信阻大女之行 現 母 在 應 及四 金陵未復,皖省 在 袁家 女等姑 侍 姑 嫂 盡 來 孝,本 此 南 并 北 非 不 兩 久 應 岸 住 群 同 一之局。 盗 安 如

若三女與羅 孝順翁姑,敬事丈夫,慎無 其翁姑者,其後必無好處。 不 必 同 來。 余 壻, 每見嫁 則尤應在 女貪 家 重母家 戀 余家諸女當教之 事 母 姑 家 事 加 富 母 輕夫家 貴 九 而 忘 可

之仍回羅家奉母奉姑,不必來皖。若業三女夫婦若尚在縣城省城一帶,儘效澆俗小家之陋習也。

可令

務大順,余寄信去接可也。● 計必在長沙相見,不可帶之同來。 行,勢難中途折 之仍回羅家奉母奉姑,不必來皖。 一月二月,余再派 回,則 人送歸。 可同來安慶 其 陳 壻 一次,小住 若業 俟此間軍 與 二女, 已開

# 同治二年八月十二日

字諭紀鴻:

挂 帆 東 爾 行 於十九自家起行,想九 矣。 船 上有大「帥」字旗, 月 初 可 余未 自 長 在 沙

> 船,不 平安,沅叔及紀澤等在金陵 避 開 不 可 誤 可 驚 挂。 動 官 經 過 長 府 煩 縣 人 各城 亦平安。 應 酬 可 也 避 此 者 余 略 H 爲 内

# 同治二年十二月十四日

字寄紀瑞姪左右:

長 進。 前接 紀鴻 吾 奉 姪來信,字 母 來 此, 跡端 詢 及 秀, 切, 知 近 知 姪 日 大 身 有

業已長成,孝友謹慎,至以

爲

慰

吾不及見,竟希公、星岡公皆未明即起,竟日吾家累世以來,孝弟勤儉。 輔臣公以上

無片刻暇逸。

竟希公少

時在

陳氏

宗祠

讀書

去人送去,余未另人告澄叔也」。 王甥初二俱赴金陵。此信及奏稿一本,爾禀寄澄叔,交王甥初二俱赴金陵。此信及奏稿一本,爾禀寄澄叔,交

其儉 見 種 月歸 正 菜 也 月 收 如 上 時 糞。 今家 此。 **,**僅 學 用 輔 中境 星岡 吾父竹亭公之勤 去 臣 公當 公給 地 文,尚 雖 漸 錢 孫 人 寬 餘 翰 百 裕 九 姪 爲 儉 林之後,猶 + 零 八文還 與 則 甪 諸 爾 之 昆 等 其 需 親 弟 所 切 及 自 五

貴 不可 不可 有 使 志 恒 盡。 卻 先 「儉」字 「勤」字工 世之艱 İ 難。 一夫,第 夫,第一貴早起,第二 有 福 莫著 不 可 享盡 華 麗 有 衣 服 勢

字諭

紀澤:

第

二莫多用僕

婢

雇工

肯 早 志 當 -勉之也 向 最 立 何 志 富 凡 將 之年,明 都 事 相 不 可 無 可 做 種 成? 年 得 ,聖賢豪 又 到 從 的 何 最 人不 傑 賢 姪 等 之 亦 可作? 處 無 師 種,只 但 最 順 須 願 之境 要人 立定 吾 姪 殺之。

專 十八九歲 心讀書,宜 廕生尚 **一**即 算 以 與 E 八股試 紀 途 澤 功 同 名 帖爲要。 進 京 可 應 以 考。 考 不可 御 然 史。 專恃 姪 待 此 廕 際 姪

> 之光。 弟互相 生 爲 基 勸勉,則日進 總總 紀官聞甚 以 鄉 試 聰 慧,姪 會 無疆矣。 試 能 亦 到 以 榜 立 前 志二 益 爲 一字兄 門 户

# 同治三年六月二十六日酉刻

神甚 亦 於 计六 好。 余於廿 日 僞 申 Ŧi. 忠 刻 日 王 趕 E 曾 到 刻 親 抵 訊 沅 金 叔 陵 濕 陸 次, 毒 誉 擬 未 文案 愈 即 在 丽 各 此 精 船

稿, 各 亦 亦 處 可 無 兹寄去一 礙也。 ,不宜多散 由 沅 安慶咨行 叔 要二 刻摺 稿。 各處之摺,在皖 百分,宜先儘 稿寄家可一二十分,或百 若已先發, 即 沅 與 叔處。 時 此 未 稿 辦 此 不 咨 分 符 札

此次令王洪陞坐輪船於廿七日回皖,以

後送 主,至囑。 次 包 不 封 미 者仍 頃見 再 多 坐 安 舢 慶 爾 板 付來之咨行稿, 歸 切 去。 以 「勤 包 封 謙 每 」二字爲 日 甚 止 妥。 送

# 同治三年七月初七日

此間

稿

不用矣

字諭紀澤:

李酋 殊費 字。 未發 已於初 目 信 日 兩 力 日 也。 内 内 北 六 頃 看 風 僞 E 始 該 忠 甚勁,未接 法 具 酋 E 一供詞 親 奏洪、李二酋處 自 供, 寫 亦鈔送軍 親 如 包封 供,多 校 \ 對房 及爾禀,余亦 至 機處矣。 治 本 Ŧi. 之法。 誤 萬 書, 餘

老 將 年 江 五 畏 西 前 沅 叔 後 熱,亦畏案 擬 起 案 程 於十一二等日 出 П 奏, 皖 計 牘 非 之 日 繁 五 内 日 演 因 難 不 戲 天 能 請 熱 余將 核定 事 客,余亦於 多 來 一,尚 此 到 稿 金

> > 理

# 同治三年七月初九日

字諭紀鴻:

東北風,不知爾已至岳州否?自爾起行後,南風甚多,此五日内卻是

得何 余所 初 八日戮洪 八 懋賞? 發之摺,批旨尚 日接富將軍咨,余蒙恩封 余以廿五日至金陵,沅叔 秀全之尸,初六日將僞 然得 五等者甚 未 接 到 少。 不不 病 侯,沅叔 余借 知 已痊 忠王 同 事 人之力 愈。 IE. 封 諸 伯。 法。 廿

戒之首末二條,及力去「傲」、「惰」二弊,當已子弟,門第過盛,萬目所屬。臨行時教以三爾在外,以「謙」、「謹」二字爲主。世家

以竊上賞,寸心不安之至。

子。 牢記之矣。 進身之始,務知自重。 場 前 不 可 與 州 縣 酷 來 熱尤 往,不 須保 可 養身 送 條

寄來。

體,此屬。

# 同治三年七月初九日

字諭紀澤:

另送潤筆費三十金,蓋亦僅見之美事也。 叔 相處 摺,●批旨尚未到皖,頗 可不辦一分。 撰 耶 初九日接爾 表。 ? 各處來信皆言須用 伯旉前後所作 爾請程伯旉爲我撰一表,爲沅 初六申刻之禀, 不 可 謝摺太多,此 解,豈已 賀表,余亦不 知廿三日之 遞 次擬 至 官

考》 封 而 一爵之人 竊上賞,寸心深 得五等之封者,似無多人。余借人之力 部,爾試查《封 較多,求闕 抱不安。 建考》中三藩之役共封 齋 西 間 從前三藩之役, 有《 皇 朝文獻 通

幾人,平準部封幾人,平回部封幾人,開單

僞幼主有逃至廣德之説,不知確否。

此論。

# 同治三年七月初十日辰刻

字諭紀澤:

伯、太子少保、 眼花翎四人。 孚泗男爵。 侯、太子太保、 初七之摺寄回 今早接奉廿九 其 恩旨 發刻,李秀成供明日付回 雙 餘 雙 黄 眼 眼 本 馬 日 花 花 日 褂 論旨, 翎,李臣 翎,沅 包 九人,世職 封 余蒙 叔蒙 鈔 典 回。 封 恩 恩 十人,雙 子 封 封 兹先將 爵 也。 等 等 蕭

● 「初九日接爾初六申刻之禀,知」,原無,據《湘鄉文獻

補。

## 同 治三年七月十三日巳刻

字諭 紀澤:

周 料理 切。 體 月廿三日起,凡人證皆由余發給 酷 卹。 石 熱 周到,精力沛然,余則深以 ,老人所畏,應治之事多閣 此間初十、十一二等日戲 接 一案,奏稿久未核辦,尤 爾 爾託子密告知兩司可 + 一、十二、十三等號 也。 以 酒 爲苦。 盤 爲 三日,①沅 廢 凛,具 川, 疚。 者。 自六 亢 悉 以示 江 早 西 叔 事

晤,聞余將以七月回皖,遂不來矣。 貼大圖空處。 輪 船行江説》,三日内准付回,另紙繕 鄂 日内均 刻 地 圖 來此一見。 萬篪軒、忠鶴皋及泰州、揚 爾 미 即 送 李少 一分與 荃亦 此論。 莫 擬 偲 寫 來 粘 老。 州

#### 同 治三年七月十八日

字 諭 紀澤:

十七日大風 一日未 大 接 RI 爾禀、蓋 ,蕭然便有秋 北 風 阻 氣 滯之故。 此間

坐之位,無一刻 積閣之事亦尚不少,●皆須在船一爲清 登舟,乘坐民船,不求其快,舟 摺,非三四日不能了。 富將軍今日來拜,鬯談一切。 清浄之時,故未 沅 中 叔 辦 處 須 也。 余擬 作 無 周 理,到 其 人 明日 石 他 獨 獄

無,據《湘鄉文獻 「接爾十一、十二、十三等號票,具 》補 悉 切。 此間」,

0

皖當在月杪矣。

此囑。

- 「給」,原作「及」,據《湘鄉 文獻 》改
- 亦尚不少」,原無,據《湘鄉文獻》補。

曾文正公家訓卷下

# 同治三年七月二十日

### 字諭紀澤:

餘里。 長行 約行七十里乃 順 余於十九日回 (風,行 七十 至 棉 花 拜富將軍,●即 里泊宿, 距采 **隄**。 今日 未 刻 石不 起程回皖, 發報 過十 後,

隆。 銷,真中興之特恩 鈔録封爵單一 愧悚戰兢,何以報稱? 接奉諭旨,諸路將 册。 也。 我朝酬 帥督 頃 又接 庸之典,以此次最 撫 爾曹當勉之矣。 均 爾十八日禀, 免造册 造 報

# 同治三年七月二十四日,舊縣舟次

#### 字諭 紀鴻

自 爾 還 湘啟行後, 久未接爾來禀,殊

不

0

放心。 余在金陵與沅 今年天氣奇熱,爾在 叔 相聚二十五日,二十日 途次 平安 登舟 否?

還皖,體中尚適。

署可 事 者,此囑。 即 騰物議。 爲祗懼。 ,請問 可 '回家。 也。 余與沅叔蒙恩晉封侯伯,門户太盛,深 意 + 爾在省以「謙」、「敬」二字爲主,事 臣、芝生兩 擇交是第一 九月初在家聽榜信後,再 六日出闡,十七、八拜客,十九 姻叔,斷 要事,須擇志 不 可送條 趣遠 起 冰子,致 程

能不嚴懲也」。 一日之信至十 余」上,據《湘 鄉文獻》有「十九日接爾十七日票、知十 t 日 早始趕到 安慶。 哨官疲緩 如此,不

大

來

日

# 同治四年閏五月初九日

字諭紀澤、鴻:

澤湖至 徐州。 帶,英方伯 江 兩 面 浦 皆賊 余於初四 臨 聞 淮 糧 捻 雉 匪 路 而 河 日自 張、任、牛三股并至蒙、 自 難 集營被圍,易開俊在蒙城亦 留 通。 邵 此 伯開行後,初八日 待羅、 余商昌岐 劉旱隊至,乃赴 帶 水師 亳 由 至 清 洪

惕,而 内 奢逸爲慮,爾二人立志撑持門户,亦宜自端 者,驗之於内眷而畢露。 教始也。 爾等 接物 奉 出 余身尚安,癬略甚耳。 母 以 在寓,總 謙 慎。 以「勤」、「儉」二字自 凡世家之不勤 余在家深以 婦 女之 不 儉

# 同治四年閏五月十九日,清江浦

字諭紀澤:

信。 所以痛懲之之法,尚無善策。 已叛變,恐各處 焚之懼,竟日憂灼。 俟劉松山到後,擬於廿一日由水路 故爾遲遲未發。 江已十一日,因劉松山未到,皖南各軍鬧餉 爾母病已全愈,羅外 羅茂堂等今日開 接爾十 楊見山之五十金,已函復小岑,在於伊 身體平安,惟廑念湘 一、十五日兩次安禀,•具 相 雉 煽 河、蒙城等處,日 孫 即即 蔣之純 行,由 亦好,慰慰! 湘 勇鬧 鄉 陸路 亦難安居。 軍 飹 赴 ,有弗戢 赴 在 臨 内 臨 湖 悉一切。 余到 淮 淮 亦 北 無警 思 業 自 余

●「十一、十五日」,原無,據《湘鄉文獻》補。

同 治 四 年六月 初 日

計每 該局 單 札 卿 由 處致送。 月 何 劉 伊 卿長 伯 用 時 錢 可 Ш 送矣。 邵世兄及各處月送之款,已 書 若干? 撤 局 ,尚無聞 撤後, 惟 兒婦諸 壬 也。 再代 叔 向 謀一 女,果每日 寓中絶 按 季送,偶未 安硯之所。 不 ·酬應, 有 紡績

有常課否?

下次禀復。

不葷,專食蔬 於日人時手摘鮮 不必貴,適口則足養人。 種,令極爛如臡,味美無比,必可以資培養,菜 今則加以 吾近夜飯不用葷菜,以肉湯炖蔬菜一 肉 湯, 蔬,以供夜餐。 而 而味尚 不用肉湯,亦養生之宜,且崇 試炖 不逮 與 於昔 吾當時侍食,實覺津津 爾母食之。 時。 後輩則 星岡公好 夜飯 有

教 張文端英。 家 者 顔黄門之推。 極 精 聰 爾 訓 兄 《顔氏家訓》作於亂離之世, 齋 弟各覓一册,常常 語 作於承平之世,所以 関習

儉之道也

余廿八

日寄一信,❷因太遠,止其來臨

淮

則

日進矣。

字諭紀澤、鴻兒:

松山 州 於廿 等候旱隊,廿九日抵臨 約 日抵徐州,廿八日由徐州赴援雉河。 里,●廿七日入淮,廿八 也。 圍 初 可 余於廿五、六 六日攻克高 解矣。 毛寄雲年伯至清江,急欲 五、六可到。 羅、張、朱等明 鑪 日 集,雉 余小住半月,當仍 渡 淮。 日 洪 河 在 澤 聞劉 之軍 H 五 湖 可 河 面 省三於廿 與余一 心 停 以 益 泊 到 英西 百 此 固 日, 赴徐 四十 晤。 林 劉 大 四

- 0 三日 余」上 家外孫既係漫惊風 票,六月一日 據《湘鄉文獻 由 驛遞到 則 閨 五 爾十 由 八日 治
- 「廿八日寄一信」,原無,據《湘鄉文獻

此

間

水大異常

各營皆已移渡南岸。

惟

0

四 者爲近,可放論 韻,有趣則有味」,古人絶 所示「有氣則 者之中必有 文字意 阚 寫 信太短 趣 儘 有 丽 長。 勢, 미 詳問焉。 自 近日 有 攄 网 識 所 所 所 則 好文字,大約 見 閲 看之書, 鴻兒 有度, 2,隨時 古文, 亦 有 宜 何 質 及 常常 篇 情 領 正 於 則 略 於 具 此 古 何 有 前

#### 同 治 四年 六月十九日

禀,自述近日工夫,此示

字諭紀澤、鴻

虞。 미 謬,不知何以家運衰替若此? 深傷悼。 測 羅 耶 今日接小岑信,● 氏 外 位 爾 孫 西立身行己 母之病,總帶 及朱金權已痊 知 邵 一讀 温 世 愈否? 書 補 晃 作文,俱 之劑 豈天意 病 不起, 當 真 無 無 他 不 差 實 0

余所 勢 可 殊 不 未已 移 居 再 淮 也 北 長 兩 水 八 一寸則 係 羅 茂 危 矣。 堂所帶,二日 陰 雲鬱 熱,

内

尚

雨

牘否? 人,可令每 爲代出,有便差來 諸友凌曉南等相見契愜 銀十六兩,亦候下次兵來時付去。 二十金 長夫送信。 邵世兄處應送奠儀 爾 爾 半月 每 告 余託 旬 伊 派 至 卿 陳 營即 李 照 小浦 宫 常 兵來此,不必 付 否? 保 致 買 五十金,可 去。 處 送否? 龍 0 井茶, 滕 談 中 否? 須 邵 爾 定 由 軍 家中 補 宅 候 所 미 幕 每 先 家 帶 先 中 月 交 鄉 白

四 象之説可以分配,兹録於别 氣 、勢、識 度、情 韻、 趣 味 四 紙 者, 爾 偶 試 思邵子 究之。

兒無禀,何也」。 今上, 據《湘鄉 文獻》有「十五日接澤兒十 日

南」,原作「嵐」,據《湘鄉文獻》改

# 同治四年六月二十五日

字諭紀澤:

巡 之病,●不知此時全愈否? 撫。 廿 四日 諭旨咨少泉宫保處,爾 接 奉 寄 諭, 知 沅 余須寄信囑 叔 可 八旦簡 借 閲 授 其北 沅 山 叔 西

試

解説一二首寄來。

上陛見之便,且至徐州兄弟相會。

否? 事,亦可來營。 陳刻 《幾何原本》可先刷 廿 四 史頗 余又有 爲 可 取 愛,不知 閲之書, 一百部。 其錯 可令滕中 曾 恒 字 德 多 無

### 同 治四年七月初三日

軍

派兵送來,録

如别紙。

字諭 紀澤、鴻兒:

紀澤於陶詩之識度不能領會,試取《飲

傑皆已升堂入室。爾能尋其用意深處,下次 襟之廣大,寄託之遥深,則知此公於聖賢豪 酒》二十首、《擬古》九首、《歸 詠貧士》七首等篇,反覆讀之,若能 田 園 居》 窺其 Ŧī. 首、 胸

作」,此則斷斷不能。 者,皆其一無所長者也。 剛之美,況於他人而能兼之? 凡言兼衆長 又問「有一專長,是否 韓 無 陰柔之美,歐 須 兼 三者 乃 爲 無 陽 合

善於領會。 所謂 實工夫,然少年文字,總貴氣象 鴻兒言此表範圍 蓬蓬 勃勃, 至於純熟文字,極力揣摩固 如釜 曲 F 成,横豎 「氣」。 古文如 峥 相 嶸。 合, 賈 足 東 屬 誼 坡 見 切

<sup>0</sup> 0 「之」上,據《湘鄉文獻》有「閏五月初六至十四日」九字。 刻《公羊》、陳刻《後漢書》、茶葉、臘肉等,事具悉」。 世上 ,據《湘鄉文獻》 有「廿三日接爾十七日禀,并汪

蘇東一同治四年七月十三日

《治安策》、 齋、曹寅谷,墨卷如《墨選觀止》、《鄉墨精鋭》 坡《上神宗書》,時文如黄陶庵 書》、韓退之《原道》、柳子 賈 Щ ^ 至 一言》、 太 ,厚《封 史公、《報 、吕晚村、袁簡 建 論》、 任 安

當 中所選 約 屋之格式,短或三五百字,長或八九百字、千 兼 偶句多,單句少,段落多,分股少,莫拘 在 氣勢上用功,無徒在揣摩上用 兩排三疊之文,皆有 最 盛之氣 功。 勢。 ,場 大 爾

勢展得開,筆仗使得强,乃不至於束縛拘滯,事,或論目今之時務,亦無不可。總須將氣

餘

字皆無

不可。

雖係四書題,或用後世之史

者寄余閲改。 一課氣勢之文,講揣摩者送師閲改,講氣

愈緊愈呆。

嗣

後爾

每

月

作

五

課揣摩之文,作

勢

兩

爾陸續支付可也。

能 在 而 氣勢上痛 可貴。 四 象表」中,惟 古來 下工夫,兩兒均宜勉之,此囑 文人雖 氣 勢之屬太陽者, 偏於彼三者, 而 無 最 難 不

字諭紀澤:

爾 炒黄熬成極釅之稀 皆不受峻補也 峻 母 補 當尚 脾胃,似亦 福 秀之病,●全在 能 記 憶。 不甚相宜。 爾 飯,服之半年,乃有轉 少時亦極脾虧 金陵 脾 虧 可覓得老米 0 凡 今聞 五 藏 ,後用老米 曉 否? 極虧者 岑先生 試

并邵 爲 福 開 秀 生到已數日,元徵信接到,兹有覆信 世 服此 兄 信, 方。 阚 閲 後 封 口 交去。 渠需銀

一切」。「福」上,據《湘鄉文獻》有「十二日接爾初八日稟,具悉「福」上,據《湘鄉文獻》有「十二日接爾初八日稟,具悉

0

「虧」下,據《湘鄉文獻》有「余前信已詳言之」七字。

0

六九

夫。 近年 文》、在爾處。 唯余有丁刻《史記》、六套,在家否? 道光廿二、三、四、五、六等年,用 久不衰。若拘苦疲困 望爾等於少 尾完畢,餘皆有始無終,故深以 詩》、康 (震川 然須有情 ·在軍 集》、在季師處。 義 刻《古文 山 中 集》似 閲 壯 程刻《韓 韻 時, 書, 趣味 曾批 辭 稍 即 《山谷集》,在黄恕皆家。 類 從「有 覺有恒,然 ,則不能真有恒也。● ,養得生機盎然乃 過, 纂 詩》、最精本。 × 但 温 所 恒二二字 叔 批 帶 已晚矣。 無多。 回, 無恒 胭 小本《 王 霞仙 脂 痛 一爲 刻 卷 可 下 余於 借 憾。 批。 杜 韓 故 去 歷 工 首

# 同治四年八月初三日●

## 字諭紀澤、鴻:

走。 嘉禮 郭宅 儘可 姻 事, 安和中度,何必冒大洋風 吾 意 決 不 肯 由 輪 船 海 濤 道 之 行

> 家。 險。 據防之嫌,是爾 後成禮之或湘或粤亦可定。 家主意定後,而後昏期之或遲或早可定, 江督之任,而全眷猶戀戀於金陵,不免武 或全 至禮 成 眷 回 或 湘,或 在 母及全眷早遲總宜 廣 東, 澤 兒夫 或 在 婦 湘 吾既決計不 送 陰, 妹 回 須 回 先 湘 湘 將 仲 我 口 而 吾

眷皆須還鄉,四女何必先行?

鄉。 母 親至 吾意九 經過 湘 省 陰 」城時, 十月間,●爾兄弟送家屬悉 一送亦可; 如吉 期在半月之内, 如吉期 "尚遥, 則 或 歸 澤 爾 湘

- ) 「也」下,據《湘鄉文獻》有「密稟悉,當細察耳」七字。
- ●「八月初三日」,原作「七月二十七日」,據《湘鄉文獻
- 專兵之稟尚未到也」。
   再一稟并郭雲仙姻丈與爾之信,具悉一切。其廿六日專、鴻兒十四日之稟并詩文一首,八月初二接澤兒廿八惠、鴻兒十四日之稟并詩文一首,八月初二接澤兒十九日之

途次平安,勿念。

姻丈去歲嫁女至左家,●既 在 禮 長 之 沙小住, 地, 余意 届 總 期 欲 再 在 行 湘 送 陰 可 至 在 爲 湘 湘 正 陰 同

辦。

雲仙

成婚。

至

成

夫婦

帶

四

妹

陰由 意城主持。 意 城 主 金陵至湘陰近三千里,粤東 一持, 則今年娶婦,亦可 在 湘 至 陰 湘 由

成 陰近二千里,女家送三千,壻家迎二千,❸ 禮於累世桑梓之地,豈不盡美盡 善? 而

貴等由 誤。 排單 可 之説,則 初二 也。 寄去。 如筠 日,全眷十月上 爾 海 以 我家全眷暫回 道 仙姻丈不 此 即以此信爲定,喜期定用十二月 □ 意 粤。 詳 覆 願在 筠 余亦以此意詳致 一函,由 旬 仙 湘 自 湘 姻 鄉,明 金 陰 丈 陵啟 舉行,仍 一函,❸令崔成 年 行, -再商 執 斷 吉期 送 不 粤 致 0

自 爾 臨 母 須 淮 鴻 用 兒之文,●氣勢頗 起行,十 伏苓,候至京之便 H 無 雨 明日 正,下 購 미 買。 次 到 再行詳 徐州矣。 余以 廿 示。 四

# 治四年八月十三日

### 字諭紀澤

遺文亦閲 邵 世兄開 调 來節略等件 本月當作 墓 收到,6位 銘 出 月親 西 爲 先 書 生

至左家」,原無,據《湘鄉文獻》補。

0 「二」,原版不清,據鴻寶南局本和《湘鄉 文獻

·筠」,原作「雲」,據《湘鄉文獻》改。

存,此間送女途費理應自 馬褂之類全數收領, 十兩,但用余名寫書 鴻」上,據《湘鄉文獻》有「郭宅送來衣服、首飾 時再辦」。 途費四 封答之。 備也。 百則交來使帶 其喜期之書,待湘 崔巡 捕 楊 僕 回, 及 無庸收 無菜 陰成 銀 四

到」下,據《湘鄉文獻》有「臨」字。

6 6

又派人送信否」。 八月初三日禀二件,知王長勝中途被搶之事,不知初六 「邵」上,據《湘鄉文獻 》有 「八月十 H 接爾七月廿五

可。 邵 以 刻。 寫 墓 미 (速爲: 氏 蔵 之址丈餘 仍付 家 事。 大約 此次不可待碑成再定葬期也。❷ 廟 妙。 金陵 刊 ,或嵌之邵家屋壁,或 爾告邵子晉急急返杭,料埋葬事 此石不宜埋藏 刻、 另穿一小穴 交刻 搨印須三箇月工夫,年 季公銘之, 張氏 補 土中,將來或藏之 行埋之,亦無 一二年後,於 兄 弟 底 不 乃 鈎

#### 同 治 四 年八月十九日

字 諭 紀澤:

取 行 閣 説 回。 刊 鈔 序 刻。 出 E 者。 尚 船 薄 有二十六本 劉 Ш 本, 爾 松 先 Щ 生 可 係 前 速 託 書 借去鄂 寄歐 劉 經 在金陵,可 韞 稗 陽 齋 疏 刻 曉 先 》三本、 本、 地 岑丈處 生在 圖 寄至大營, 七 **€** 京 一,以 本,兹已 城 春 文 便 秋 續 淵 家

6

「王」上,據《湘鄉文獻》有

「兹因潘文質回金陵、寄去鹿

唐詩》四

本,即六月間取來者,恐其遺失,歸於全部之

膠二斤、高麗多三斤,并冬菜、口

蘑等物

查收。

又付《全

閲,取 書》亦一 集十 取李芋仙送毛刻本。 吾曾點過田賦 制 配 輿地等門者。 成 全 餘 其無 可帶來。 種,其 部。 注,便於温 、錢幣、户 全唐文》太 中 《晉書》、《新唐書》要殿本、《晉書》兼 殿本。 有《韓 均 口、職役、征搉 取 冬春皮衣,均於此 誦 來,以 昌 也。 繁, 黎 集 而 便 、市糴、 又《文獻 ×, 郭 繙 吾 慕 閱。 土貢、國 欲 徐 借 通 處 次 後 考 來 有 用 舢 漢 × 專 刑

刻 季公銘之」, 據《湘 鄉 文獻

0 0 配禮。 格字一 已來過信三次,兹封寄爾等一閱,餘不多及」。 即日坐 叔母生日,不便由余處寄禮 一也」下,據《湘鄉文獻》有「科四進學在四十二名,其 有三名。 一舢板回金陵,此間有高麗多三斤帶去,亦可用以 幅。 余以初四 堯階之世兄賀儀二十兩,亦已付出。 余於八月六日送去賀禮銀五 抵徐, 一切平安。 由 爾母寄去爲妥。 九叔自聞撫晉之命 + 兩 潘文質 横批寫 爾九

# 同治四年八月二十一日

## 字諭紀澤、鴻:

籍。 局。 送妹先行至湘陰,辦喜事畢即 屋,冢婦及四女皆隨母 屋,覓妥後寫信至金陵,鴻 若昏期改至 余意姻期果是十二月初二,則澤兒 家 眷旋 湘 ,●應俟接筠 明 年, 明年 則 澤 仙 兒奉 起程 丈覆信,乃 兒一 □ ·母并 湘 人 鄉 全眷 另覓 回 夫婦 湘 山 回 房 定 覓

求解 在長 中溺人之事,自以另擇一處爲妥。 年 半 沙住,以 静 黄金堂之屋,爾 載 處 亦 所 無 亦亦 風 不 俗 殊 可 華 難 靡 母 得,不 澤 素不以爲安,又 .兒回 一家不能 如即 湘與 在 网 余意 獨儉,若另 金 叔父商, 陵 多住 不 有 願 塘

祠間 在 置,新年再議可也 既定於明年起 兑否? 知 油 星 出 附 鋪 可買庄兑换或借住一二年否? 壁 公昔年思在牛欄 里 近二三十里覓一合式之屋,或 係元吉公屋,犁 也,不知果可造 爾禀 商 程 兩叔 則 松生夫婦 少必 大坵 屋以 頭觜係 可設法 起 屋, 終先志 及 輔 邵 辦 即 臣公屋,不 富托 艥 成。 小 否? 尚 姐之位 魚 可得。 可 爾 垻 母 移 又 蕭

功 韶旨,又失民望, 焦灼之至。 近奉諭旨,飭余晉 餘 不多及。 遽 往 駐許州。 則 局 勢 不順 不去 必 則 無 屢 成 違

● 「家」上,據《湘鄉文獻》有「二十日馬得勝至,接爾十

七三

[文正公家訓卷下

#### 回 治四年九月初一日

字諭 紀澤:

眩,不知近已全愈否? 爾十一 後連日患 病,①十 六日尚 神倦 頭

戒奢而益富,體弱者如貧人,因 二語,即養生之道亦然。 吾於凡事,皆守「盡其在我, 體 温者 聽其在天」 如 富 而自全。 人,因

約,不使太過。 節嗇非獨食色之性也,即讀書用心,亦宜檢 余「八本扁」中,言「養生以 少

一節

番

潑地,養得一段生機,亦去惱怒之道也。❷ 惱怒爲本」,又嘗教爾胸中不宜太苦,須活潑

藥餌 聽 在 其 我者矣。 ,求禱神祇,皆妄想也。 在天,不必多生妄想去計較他。 既戒惱怒,又知節嗇,養生之道已 此外壽之長短,病之有無 吾於醫藥、禱祀 凡 多 盡 服 概 其

> 等事, 後輩。 皆記 爾可 星 常常與家中内外言之。 岡公之遺 訓 而 稍 加 推 闡 教 爾

陵太遠 也。 近日 賊犯 山 東,余之調 度,概 去金 咨

爾今冬若回湘,不必來徐省問,徐

少荃宫保處。 寄來矣,此 澄、沅 兩 叔信附 去查 関 不須

#### 同 治四年九月十八 日

字諭紀澤:

十七日接爾 初十 日 禀, 知 爾 病三 次 翻

覆,近已全愈否?

舢板尚未 到 7徐,而 此 間 群賊 交於 銅、 沛

<sup>0</sup> 0 「道」。《湘鄉文獻 六日稟,具悉」。 爾上 據《湘鄉 「後連」,原無, 》作「義」。 文獻》有「卅日 據《湘鄉文獻》補。 成鴻 綱到 接爾八

馬步賊約六七萬,火器雖少 二縣 水淺,近郡 攻 破 民 處 圩 又窄,舢 頗 多, 與 板 或 微 畏 Щ 而 賊 湖 剽悍異常,看 相 不 欲 近。 進 湖 耶 ? 中

安之若素。

來凶燄尚將日長。

吾已定與賊相終始,故亦

氣矣。

望較 言漸息,霞 去一閲。 改明年,然則爾今冬亦可 減 文輔卿自京來此,言近事頗詳。 天 爾母 眷 仙 小 甚 雖降 健飯,大慰大慰 平平。 調 而 物望尚好。 不回湘矣。 頃 接雲信 雲仙 原信鈔 婚 九叔浮 期 已 衆

署

查閱。❸

此囑。●

# 同治四年九月二十五日

字諭紀澤:

匠人刻出太俗,無深厚之意,余字尚不如是字,爾可填寫,交匠人鈎摹刊刻。季公墓銘,兹將邵位西墓銘付回,●其兄之名空二

之法。 薄 也。 刀下 阚 可 無 教張 氣 則 氏 二匠 順 修 用用 逆 描描 刀 全 須 失 略 勁 明 健 行 之 氣

奏李公人洛、李丁迭遷一疏,爾可至李宫保《幾何原本序》付去照收。余十九日覆

日出外管帶馬隊矣」。 「兹」上,讓《湘鄉文獻》有「廿四日接爾十一日稟,并耆、 「兹」上,讓《湘鄉文獻》有「廿四日接爾十一日稟,并書、 「兹」上,讓《湘鄉文獻》有「廿四日接爾十一日稟,并書、

0

「薄也」,原無,據《湘鄉文獻》補。

) 「宮」,原作「公」,據《湘鄉文獻》改。

文煜检各種筆墨二十餘支、十餘笏,便中付來」。

#### 同 治四 年九月 晦

字諭 紀澤、 鴻

初 六日 廿六日接紀澤二十日排遞之禀。❶ 舢 板 帶 來禀件、❷衣 書,今日 派 夫 紀 往 鴻

接矣。

《聰訓 友、觀 肝鬱之症 心宜約, 本弱,用 澤兒肝 玩 齋語》,皆教子之言。 其中 山 心 阚 一,或 太過。 水花竹,純是一片太 管體 氣痛病已全好否?● 由 元 驗否? 上次 氣不足,諸 函示 張 文瑞公英。 以 病易 節 和 言養身、 嗇之道, 生 爾不 生。 機 爾 所 應 身 擇 用 體 有 宜 箸

> 太過 吾前 後即 切不 水。 言。 要缺,懲忿即吾前信所謂少惱怒也,窒慾 宜歇 ,亦慾之類也。 以 信所謂 環 可 金 後 再 陵百 息 在 看,讀他 游 家 知 里内 節 觀。 則 嗇 蒔 書亦 外, 古人以 也。 養花 藥 雖 可 以半 因 有 竹, 以 懲忿窒慾 好 利 徧 自 出 名好 ,害亦隨之,不 遊 爲 也 率, 勝 則 爲 飽 未 而 算 用 養 學 刻 看 心 即 生 以 Ш

可 輕 服, 切囑

「二十日」,原無 據《湘鄉文獻》補

0

0 初六日」,原無 據《湘鄉文獻

0 愈否? 矣」下,據《湘鄉文獻 深爲系念」。 有「李 老太 太病 勢頗 近

日

略

0 「已」,原作「亦」,據《湘鄉 文獻 》改

6 告李宫保也,餘不多及」。 一二日可以見仗。 囑」下,據《湘鄉文獻》有「此間 十九日摺奉留中,暫無寄 派隊於廿八 諭 H 出 爾可先

申夫又刻於安慶。

種爲教,

句句皆吾

肺

腑所欲

言》、家中尚

有數

本。

張公之《聰

訓

齋

語

》莫宅有之,

吾教爾兄弟不在多書,但以

聖

祖之《庭

訓

格

常常省覽。

鴻

兒

體

亦單弱,

亦宜

常

看

此

#### 同治四年十月十七日

#### 字諭紀澤:

爾病已好, 動慰慰

1

賊於廿九日稍

與馬

同

治四年十月初四日

十里,并非强人所難。●以後即限九日。以八百里之程,每日僅走九遠,現尚不知果竄何處。各兵既力求寬限,隊接仗,●其夜即竄蕭縣,初一二日竄又漸

益。余身體平安,惟精神日損,老景逐增,而弟細心省覽,不特於德業有益,實於養生有張文端公《聰訓齋語》兹付去二本,爾兄

責任甚重,殊爲悚懼。**●** 

#### 字諭紀澤、鴻:

所 倉 敗。 皇 賊自 西竄,行至甯陵,又爲 據捦賊供稱將竄湖北,不知確否。 初三、❸四 兩 日 在豐縣 歸 德 爲潘 周 盛波 軍 所 敗, 此 軍

■「爾」上,據《湘鄉文獻》有「初三夜蔣大春到,接爾廿

郡派出之」五字。 郡派出之」五字。 即派出之」五字。 即以上,據《湘鄉文獻》有「此間之」三字。 即以下有「徐

● 「難」下,據《湘鄉文獻》有「仍須立一課程,早到一日賞 一日 「要」下,據《湘鄉文獻》有「仍須立一課程,早到一日賞

「懼」下,據《湘鄉文獻》有「餘不多及」四字。

6 0

畢,兩月後再借可也」。 亭、省三、眉生申封,皆可迅速。每次借十個,填寫完亭、省三、眉生申封,皆可迅速。每次借十個,填寫完帖,具悉一切。郵封最捷,不如借李官保移封,或借雨「賊」上,據《湘鄉文獻》有「十四日接爾初四禀并賀壽各

七七

七八

間 有兩枝游兵,● 俟 幼 泉 游 之 儘 敷 師 剿 辦 成, 辨。 除四 但 求 鎮大 朱、 唐、 兵 外 金 軍 尚

遣撤不生事變,則諸務漸有歸宿矣。

月十五以後前來徐州,侍余度歲可也。定,爾蹔不必來。如余不赴齊、豫,爾至十二今冬至曹、濟、歸、陳四府巡閱地勢,現尚未澤兒身體復元,思來徐州省覲。余擬於

病 長 處 延年,爾兄弟與 彭笛 究竟何如 仙 在 ? 糧 臺,爾常相見否? ^ 松生、慕徐常常體驗否? 、聰訓 齊語》,余以 其 爲 學 미 卻 問

### 同治四年十月二十四夜

可

禀及,此囑。

字諭紀澤、鴻:

久無消息。十九日之摺,頃接寄諭,業經余近日身體平安。● 捻匪自竄河南後,

照准。

父,想必允許。 育泉者至金陵教書,爲紀鴻及陳壻之 非長久之局。 我家居住,明歲將送全眷回湘,吴來金陵,恐 泉以廩生舉孝廉方正,其子汝綸,係一手所 專心讀書,多作古文。 余勸令不必遽爾進京當差,明 教成者也。 此、渠以本年連捷、得内閣 明年寓中請 摯甫聞此言,欣然樂從,歸 摯甫由徐赴金陵,余擬派差官 惟澄、沅叔已答應將富 師,頃 因擬 桐城吴汝綸摯 中 請 書,告假出京。 年 其父吴元甲號 可至余幕 師。 圫 , 甫來 讓 告 其 中 與 育

<sup>● 「</sup>枝」下,原有「大」字,據《湘鄉文獻》刪。

病,

何必託

詞

送之,爾可與之面 商 切。

濃厚。 鴻兒每十日 此囑。 宜 寫 一禀,字宜略大, 墨 宜

#### 同治四年十一 月初六日

字諭紀澤:

無所 遇 彭宫保尚在安慶,●松生陪王益梧去, 抑 别 他 誉 耶 ? 河 南 吴 中 丞 恐 疏

有

諭旨又催移營。 稱,●豫省情形萬 現因 難 供供 職無 一案關 狀,請 係極大,必 另簡賢能,

須

在徐料

理。

迎接,大約水陸不過十二三日程耳。 江 月來徐省覲,隨 一,清江雇王家營轎車至徐,余派 新年即將 不來? 移 同 駐 . 度歲。 河南之周家口,爾 由 金 陵 分至 坐 船 季泉 可 至 於 清 無 清 臘 江

> 曾 本帶來亦可。 慕徐齋頭《全唐文》殘本之中韓 來營,●可將此二書帶來。 [與慕徐説及否?《明史》亦未帶來。 聰訓 齋語 王氏《廣雅疏證》可 》俟 覓得 再寄。 《明史》即將 文 余前信 '附帶 種 也 , 欲乞 陳 臘 刻 月 爾

邵銘既難遽刻,擬换寫後半。 公字,便中寄來。 切」下,據《湘鄉文獻》有「沈戟門先生今冬可醉謝也。 滕將薪水單閱過,可照此發」。 琦、賽兩名之下,各添一

0

廿六日一票,具悉一切」。 彭」上,據《湘鄉文獻》有「十一月初五宛慶榮至,

0 「之」,原無,據《湘鄉文獻》補

「河」上,據《湘鄉文獻》有「日内賊尚在」五

0

0

6 不細心,爾」十五字。 臘」上,據《湘鄉文獻》有「其時爾 疾未痊, 鴻 兒 信

紳奏留,仍撫秦中。 也」下,據《湘鄉文獻》有「爾岳霞仙先生因楊厚庵 金陵已見邸鈔否? 餘不及」。

6

七九

八〇

### 同治四年十一月十八日

字諭紀澤、鴻:

先

寄。

月, 陵 中人少,不宜分作兩處住也 鴻、陳壻隨吴 三月回 省覲,送余 金陵 口 亦 八 如 ,與通信於長沙,其 百四十里 一千三百餘 余明年正 果 湘 師 爲妥。 移營起程 弟 師 相 月 得,或 距 來余營 里。 即 吴育 長 移 任後即 沙一千六百餘里, 兩 駐 泉 請 讀 邊皆係陸 周家口,●該 難 之 IE 書, 回 赴 月上學, 金陵,全眷 也。 亦 湖 無 南, 路,通 澤 不 教 或 可。 兒 處 仍 \$ 滿 來 距 距 信 紀 此 金 家 以 漢 兩 於 0

來。 竣。 此間無書可 凡經制之現行者查典,凡因革之有由者 惟提、鎮以下至千、把,每 余日 來核 改《長 查,澤兒可 江 水 師 翻《會典》 章 年各領 程 \*, @ 查 養 將 出 廉 次 寄 若 完

> 羨 足名糧案内; 查 事 歸 例。 公案 武 内。 職 文 養 爾 職 廉 細 養 記 廉 查 始 記 武 於乾 養 始 廉 於 隆 雍 數 四 目 正 十 七 五 即 年 年 耗 日 補

院 典》,或詢之淩曉嵐 兵者,不 一條内,本與 又提督之官,見《明史 知 何 時 總督、巡撫等官皆 改 爲 張嘯 武 職 Щ ? 等, • 職 爾 速行禀覆。❸ 官 係 試 志》 文 翻 職 尋 都 而 《會 帶 察

「長江」,原無,據《湘鄉文獻》補。

午去世。篇行好學,極可憫也。餘不悉」。 「覆」下,據《湘鄉文獻》有「向伯常十一日得病,十八日

陵,以便去余稍近,聲息易通」。 信面注十 函,十七日午刻接專兵楊錦榮送到爾二人信 余」上,據《湘鄉文獻》有「十 來。 《廣雅》、邵銘收到。 爾母之信欲令澤兒夫婦先歸 一日,則楊弁七 郭家 日即 一日接澤兒初 到,已 《韓文》既缺四 照格賞錢 而自 帶鴻 六日排 卷,即不必 函 兒 百文 單 留 澤兒

### 同治四年十一月二十九日

字諭紀澤:

始於 要紧,凡辦事不必定講考據 名而去之? 爾試問劉伯山 挂印之名,而 平西將軍、征 或 師章程》定於十二月出奏, 初 何 提 蔣 時 督尚文武兼用,厥後專用武 大春賫到《會典》五 ? 前 實無 南將軍 明 真 有 等印。 挂 印,不知何 印 總 册、●《明史》一册。 也。 如 能記 或 兵,以 其 朝 查不出 之否? 年 總 并 總 兵 職,不 挂 兵 亦 亦 印 間 而 《水 不 之 存 挂 知

#### 同治五年正月十八日

字諭紀鴻:

爾學柳帖《琅邪碑》,效其骨力則失其結

字,骨 構,有 四 紙 如 然 猶 十八歲以後, 此神速? 爾學之尚不過 力間 其 且一無 開 架皆 張 余昔學顔、柳帖, **然所似。** 則 習李北 無 無 旬 其 可 日, 余四 、
捖
搏
。 觀, 海《嶽 焉 一十以 余 能 自 古 衆 麓寺碑》, 前在京所作之 臨摹 媿 美畢 帖 而 本 動 自 備 不 輒數 「悪之。 易學, 收收 略有 效 百

- ●「也」下,據《湘鄉文獻》有「薛世香業由徐州經過回豫, 後局排單遞來。二十八日接爾二十二日信,係」。「到」 下有「并」字。
  下有「并」字。

求效太 凡 爾用 進 事 境 皆 功未 ,然業歷 捷 用 也 滿 困 知勉 八年之久,臨 月,遂欲 行工夫, 遽 躋 爾 摹已 神 不 可 妙 過千 求名太驟, 耶? 紙。 余於 今

亨通 意興 專學其 此關 之,雙日以 難之時,打得通的便是好漢。 ",便可 愈 精進之日。 以 低,所 開 後 張 每 11 油 處。 日 進。 紙 謂 習 摹之。 不特習字,凡事 困 數月之後 柳字 再進 也 百 臨 再 困 帖 困 箇, 時 了,手 宜 切 再 單 愈拙, 徐 莫 敖 日 摹 皆 間 再 以 有 奮 斷 字 帖 生 極 愈 宜 紙 自 熬 困 醜 疾, 有 臨 極 過

爲止,總 古文、古詩 極 白 簡 门,閲《 余所 每 宜 高 ,或八股試 日 通 責 聲 不 朗 鑑 爾 過 誦。 ž 之功 帖。 兩箇 三八 葉 從 課,并無 誦 時 前 日 辰 讀 熟 作 魯即 即 書 可 多 爲 文一 八熟書, 完畢 千 事 字,或 詩。 每 總 日 以 而 經 能 習 看 此 書 背誦 讀 課 字 或

寫作四者俱全,餘則聽爾自爲主張可也。

元,二 家 口 亦 口 非 河 阚 月 母欲 長 道 初 局 其 決計 以全家 口 窄, 金 與 陵, 全 永 住周 眷 豐 余 田 河 家 於 湘 相 İ 初 似, 断 九 紀 澤 而 不 日 俟 余 可 起 駐 行。 全 程 行 周 也 復 家 周

### 同治五年正月二十四日

此

囑。

字諭紀鴻:

等處 眷 月 九 回 日 ~,駐 湘 起 日 日 内 程 由 紥 未 徐 周 花 接 州 家 朝 爾 起 前 口 禀 程 後 至 以 想 미 爲 置 抵 Ш 老 寓 金 東 誉。 Y 陵, 濟 安。 兖 紀 澤 月 河 余定 定 初 南 送 於 以二 歸 全 初 陳

爾出外二年有奇,詩文全無長進。明年

伴,由六安州坐船至周家口,隨我大營讀書。放心。爾至安黄後,●可與方存之、吴摯甫同尋明師,長沙書院亦多游戲徵逐之習,吾不鄉試,不可不認真講求八股、試帖。吾鄉難

股、試 即 溢 得雖有命定,但求 及,不過半年即可使聽者歡欣鼓舞,●機趣洋 年苦功不可。 而不能自己。 看《鑑》、臨帖、 李申夫於八股、試帖最 . 帖上講 求。 算學等事皆當輟舍,專 爾到營後,棄去一切外事 試卷不爲 T 卯六月 回 人所譏笑,亦非 善講説 籍鄉 说,據渠 試 在八 得 不 論

# 同治五年二月十八日,兖州行次

#### 字諭紀鴻:

凡作字,總要寫得秀。學顏、柳,學其秀

兼以勿助,乃不致走人荆棘耳。又頗有好高好速之弊。若求長進,須勿忘而非下等姿質,特從前無善講善誘之師,近來而能雄。學趙、董,恐秀而失之弱耳。爾并

### 同治五年二月二十五日

字諭紀澤、鴻:

孟武伯問孝一節之真切。甚速,病亦大愈,爲慰。老年來始知聖人教

接紀澤在清江浦、金陵所發之信,❸舟行

- ●「黄」,鴻寶南局本作「慶」。
- 「鼓」,鴻寶南局本作「歌」。

所謂 君治 用 明 年峻 輕 老微旨, 字之意。 存黄庭。」下一「存」字正合《莊 治 則 妄施 下本無 於小學,試取「在宥」二字之訓詁體 下也。」東坡 、游羅浮》詩云:「小兒少年有奇志,中宵起 7, 豈不 服 功 知 天下亦然。 看 藥,自然日就壯 (補,疾輕而妄施攻伐、强求發汗, 莊、蘇 攻 「名爲愛之,其實害之」,陸務觀所謂「天 爾 沿治。 雖 事,庸人自擾之」,皆此 能 似 荆公治 故稱其 蓋蘇 體 粗 窺 皆 莊 取 弱 透 [有順] 淺 若服 氏兄弟父子皆講 生 此二語 多 此 宋,全失自然之妙。 子爲「有奇志」。 云: 病, 卻 旨? 其 藥 得 健 自然之意。 然 而 聞 自然之妙 以 只 余 日 在宥天下,不聞 爲養生之法。 教爾 宜 更數方 清 子》「在宥」二 從 養生,竊 静 義也。 無無 養生 調 眠、 以 爾 味一 養 爾之聰 故而 以 食 柳 則 亦 東 後 取 如 爾熟 子 治 不 番, 然, 不 端 黄 坐 坡 厚 商 終 天 宜. 騰

出 Щ 東 潘軍 余以 東 ,蹔駐此間,不遽 曹縣 赴 十九日 曹 境,余調 1攻剿。 至 濟 朱心檻 須俟賊出齊境,余乃移 甯 赴 豫。 即 聞 三營來 賊 河 於 南 廿 賊 濟 匪 護 日 圖 己 竄

人

山

誉

西

行

也

爾

侍

母

西行,宜

作還里之計,不

宜

留

連

鄂中。 力矯 目 前 此 之快意 弊。● 仕 宦之家, 甚 少,將來之受累甚大,吾家宜 往 往貪戀外 省, 輕 棄其

#### 同治五年三月初五日

字 渝 紀澤:

容料理。 全眷 得沅 起 行 叔 已定 二月十三日信,定於 + 七、廿 六 兩 日<sub>,</sub> 當 三月初 미 從

赴鄂履任。爾等到鄂,當可少爲停留。

間

書。 弟即 鴻 果能大有益於鴻兒否。 慶,往拜吴摯 周 能 住。 省 遽 口 覲 若余 定 至 賊 尚 計 周 在 且 不 抵 家 請 隨 Ш 甚 口。 周 之 東 母: 甫之父種 難。 家 口 至 余 紀鴻 口 船 湖 須 爾 赴 北 距 留 則 兒 鄂, 泉翁 漢 於濟 奉 如 過安慶時,不 再 口 母 其 即 行 3、觀其 還 八百 甯 藹 在 定 湘 然可 就 沅 計。 言 四 ,不必在 近 叔 + 調 親,爾兄 論 署 爾 미 里 度, 風 中 過 輕 範 鄂 紀 讀 安 桂 不

物 姓 於富圫。 寄 ,稍留去後之思。 除 銀 三白 金 送 陵 人 但求結 署内木 請澄 少 产許外, 叔在 實 器之稍 餘 不 湘 概 求 鄉、 佳 華貴。 交與 湘潭 者 不 八房主 置些木器,送 必 衙 一帶 門木器 姚 去, 姓、 余 等 張 擬 其

# 同治五年三月十四夜,濟甯州

字諭紀澤、鴻:

意。 亦有 仍當赴 改竄 其任 頃 周家 據 西路 一、賴 探 口,以踐前言 報 之意。 股鋭 張 逆 意來 業 如果 已 東, П 齊 省一 竄 已 過 似 律肅清, 汴 有 梁, 返 頃 豫 余 探 之

席外,爾兄弟遇之,須 行 清 否? 介而 琹之坐船已送到否? 沿途州 生傲惰也 縣 有送迎者,除不 有 種 謙 三月十 謹 氣 受禮 象, 七 物 勿 果 侍 成 酒

用 質 就 謙、渾」八 些工夫。 聰 中 穎 能 余近年 但 體 會 德 一嫌過 , 曾爲澤兒言之, 宜轉告 鴻 默省之「勤、 一二字,便有日進之象。 兒則從「勤」字上用 於珍 瓏 剔 儉、 透,宜從「渾」字上 剛、 明、忠、 些工夫。 與鴻兒。 澤兒天 恕、

八六

平安,告爾母放心,此囑。用工不可拘苦,須探討些趣味出來。余身體

能

遽赴周家口,

申夫亦不能

遽赴

鄂

中。

道遠

加

逼

近

賊

氛,鴻兒

不可冒昧

來營

即

在

武

昌

# 同治五年四月二十五日,濟甯

#### 字諭紀澤、鴻:

未修完,即在大夫第借住,紀鴻即留鄂署讀書。業已回籍,即以一直到家爲妥。富圫房屋如沅叔恩明誼美,必留全眷在湖北過夏。余意信,●知沿途清吉,爲慰。此時想已安抵湖北,接爾二人在裕溪口、在安慶、在九江所發

來湖 理。 미 東谷,是 笑,❷斷不可不切實用功。 禀商沅叔,擇 北,❸紀 既 世家子弟,既爲秀才,斷 人科場,恐詩 時 鴻宜從之講求 `文好手,此外尚 一善講者而師事之。 文爲 科 同 八 有能 人 無 六與 股。 及 不 手否? 黄 内 應 湖 外 余尚 宅 科場之 北 生 有 簾 若 不 爾 胡 所

#### 同治五年五月十一夜

沅

叔左右

,苦心作詩文、●經策。⑤

#### 字諭紀澤、鴻

接爾二人禀, 面知爾九叔母率全眷抵

● 據《湘鄉文獻》,「接爾二人在裕溪口、在安慶、在九江所發票,廿二日接紀澤在安慶一信,廿四日接紀澤在九江所發票,廿二日接紀澤在安慶、在九江所發

「及内外簾」,原無,據《湘鄉文獻》補。

③ 「宅」,原作「澤」,據《湘鄉文獻》改。

● 「詩文」、《湘鄉文獻》作「文詩」。

「策」下,據《湘鄉文獻》有「彭芳四來,已留用矣」。

據《湘鄉文獻》,「接爾二人禀」有刪節,原作「前接澤兒

四月廿一日信,兹又接爾二人廿七日禀」。

578

逢,亂 鄂 瑞姪一同讀書,請黄宅生看文,●恰與吾前信 0 極 世尤 骨肉團 難 留鄂過暑,自是至情。 聚之樂。 宦 一途親 眷, 本 鴻 難 兒 與 相

之意相合。

佩仰。 先生德。 悉 瑞姪等須買《仁在堂全稿》、《檉華館 律 回亦 未見此書,僅見其所箸《檉 生先生之門,湖北官員中想亦有之。 心揣摩。 賦、課藝,無 可。 屢 聞 陝西近三十年科第中人,無一不 近日精於舉業者,言及陝 仁在堂稿》及所選《仁在堂 如武漢 一不當行出色,宜古宜今。 無 미 購買,或摺差 花館試帖》, 西路 武試帖 紀鴻 由 試 出 京買 久爲 帖 閨 與 閨 生 余 營省覲矣。● 讀

專 宜專攻八股、試帖,選《仁在堂》中佳者,讀 者,亦可不必 讀,唐文除韓、柳、 鴻兒信中擬 多 讀。 專讀唐人詩文。 李、孫外,幾無一 明 年 鄉試, 鴻 唐 瑞 不 詩 四 固 兩 六 必 宜

> 亦 篇 手鈔,熟必背 可 畢,終身受用不盡。 將《文獻通考》序二十五篇讀熟,限 以背誦爲要。 ,苟能踐 言,實良 誦。 對 爾信中 《法也。 策不可 既 言須能 在鄂讀書,不 讀《 太空,鴻、 檉 背誦 華 館 瑞 五 試 乃 必來 十日 讀 帖 他

#### 同 治五年六月十六日

字諭紀澤、

沅叔足疼全愈 ,●深可喜慰 1 惟外毒 遽

- 「宅」,原作「澤」,據《湘鄉文獻》改。 爾」、「全」,原無,據《湘鄉文獻》補。
- 鄉試」,原無,據《湘鄉文獻》補。
- 0 「矣」下,據《湘鄉文獻 九叔信中日記」一句。 》有「餘詳初六日所送

四

月日

記

及

6 二十六兩稟,具悉一切」。 沅」上"據《湘鄉文獻》有「六月六日接紀澤 五 月十七

#### ,不知不生内疾否?

定。至儲欣同人而添孫、李二家、《御選 文醇》亦從儲而增爲十家。以全唐皆尚駢 家」始於唐荆川之《文編》,至茅鹿門而 之文,故韓、柳、李、孫四人之不駢者爲可貴耳。 湘 唐文李、孫二家,係指 鄉 修縣志,舉爾纂修。 李 翺、孫 爾學未成就, 樵。 其 唐 名 一八 儷 宋 大

贊 則 文甚遲 助 通 縣 鈍,自不宜承認,然亦不可全辭。 公事,吾家 則爾憚於作文,正可借 爲 物 望所歸,不得不竭力 此逼出幾篇

文而 半。 天下 虚 所譔《邳州 而 名 成 微有文名,深以爲恥。 事 , 尤不可也。● 吾友有山陽魯一同通父, 者 爾篆韻鈔畢,宜從古文上用 居其 無 所 志》、《清 半,有所激、有所逼 爲而成者極少,有所貪、有所利 河 縣 志》,即 爾文更淺而 爲 加 功。 近 成 余 者 居 志 亦 不 其 書 獲 能

> 例,俟余核過,乃可 動手。

#### 同 治五年六月二十六日,宿遷

字諭紀澤、鴻:

小舟酷熱, 晝不乾汗, 夜不成寐, 較之去年赴 十六日在濟 **甯開** 船,●廿 五 日 至宿 遷。

修,而爾爲協修」一句。 一也」下,據《湘鄉文獻》有「或請本縣及外縣之高手爲

0

乏耳,此論 病在太無拄意,以後以看題及想拄意爲先務。 回川。 五日自 姪聽渠細講一月,縱八股不進,試 「手」下,據《湘鄉文獻》有「紀鴻前文申夫改過 文三詩,兹寄去。 渠善於講說,而講試帖尤爲娓娓可聽。 濟寧起 程 頃始行二十餘里。 申夫訂於八月至鄂,教授一月即行 帖必有長進。 身 體尚好, 鴻兒、瑞 ,并自 余於十 但 鴻兒文 作

0 下寄沅叔 「船」下,據《湘鄉 五」,原作「四」, 信并日記 文獻 據《湘鄉文獻》改 》有「後 ,均到否 寄去 信 廿三日 在

之最善者。

此外再取有名之志爲式,議定體

日

#### 臨淮時困苦倍之。❶

兒婦諸女親主中饋。後輩視之,若不要緊。┃●饋。《内則》一篇,言酒食者居半。故吾屢教 |-重在酒食是議。家人卦以二爻爲主,重在中

事。

《斯干》之詩,言帝王居室之事,而

女子

茶之類。●爾等必須留心於蒔蔬、養魚,此一常至廚房,必須講求作酒、作醯醢、小菜、换此後還鄉居家,婦女縱不能精於烹調,必須

不可間斷。大房唱之,四房皆和之,家風自家興旺氣象,斷不可忽。紡績雖不能多,亦

厚矣,至囑至囑

#### 同治五年七月二十日●

字諭紀澤、鴻:

在臨淮住六七日,每擬由懷遠入渦

河,

經

那用,余近日將此數寄武昌撫署可也」。「之」下,據《湘鄉文獻》有「歐陽健飛言宿遷樂極寺寬大下,白玉堂六百,有恒堂四百。爾禀商爾母及沅叔先行本家兄弟接禮究嫌太薄。兹擬酌送兩千金,內澄叔一本家兄弟接禮究嫌太薄。兹擬酌送兩千金,內澄叔一本家兄弟接禮究嫌太薄。兹擬酌送兩千金,內澄叔一本家兄弟接禮究嫌太薄。兹擬酌送兩千金,內澄叔一面

「總」,原無,據《湘鄉文獻》補。

「换茶」,原無,據《湘鄉文獻》補。

「二十」,原作「二十一」,據《湘鄉文獻》改。

0 6

鄂署,均得達否」。 家信六封:澄叔一封,專送沅叔三封,爾等二封,皆排遞 日遇風舟危之狀,想已到鄂。 余自近三月以來,每月發 「在」上,據《湘鄉文獻》有「十六日寄信與沅叔,戴十五

八九

蒙、亳以達周口,中秋前必可趕到。• 届 時沅

叔若至德安,當設法至汝甯、

正陽

等處

會。

事 養生五訣已行之否? 有恒,未改常度。 余近來衰態日增,眼光益蒙。 爾等身 澤兒當添不輕服藥 體皆弱, 然每 前 所 日 示 諸 所驚,旋爲疾病所苦。

層

,共六訣矣。

月寫禀一次。 弟七八人皆學樣 窮 通,皆於勤惰卜之。 既知保養,卻宜勤勞。 澤兒禀 矣。 亦 鴻兒 澤兒習勤有 嫌太短,以 來 家之興衰,人之 禀太少 後可 一,以 恒, 則諸 泛論 後 半

#### 百 治 五 年八 月初

時

事,或論學業也,此論。

字諭 紀澤、鴻

股。 兩人 接紀 氣象 澤 兩 俱 禀 光 昌,有發 并 紀 鴻 達 及 之概 瑞 姪 作用思 禀信、 路 八

> 未開。 作文以思路宏開 爲 必發之品。 意 義

層 出 不 余此次行役,始爲酷 窮,宏開之謂 也。 熱 所困 中 爲

百餘里,或可平安耳。

此

間

赴

周

家

П

尚

有

風

波

爾擬於《明史》看畢,重

看《

通

鑑

即

叮

或作 便 看 王 詠史詩。 船 山之《讀通 惟 有所 鑑 作, 論 則 心 爾 自易入,史亦 或 間 作 史論

易 熟,否則難記也。3

油 家 口。 醬菜、 早間 吾家 所食之鹽薑已完,近 好 醋 婦 倒 女須 筍 講 之類,常 究作 小 常做 菜, 日 設法寄至 如 些,寄與 腐 我 周 醬

0

前,

原作「後」,據《家書全編》改。

後

又專弁送信,此示」一句。

<sup>「</sup>澤」下。

<sup>0</sup> 字。 [也]下,據《湘鄉文獻》有 據《湘鄉文獻》有「六月廿三、七月初三日」九 余近 一狀詳 H 記 中 到 周 口

吃。 《内 則》言事父母舅姑, 以 此 爲 重 若外

間買者,則不寄可也。

### 同治五年八月二十二日

字諭紀澤、鴻:

喜。 軍 接爾 事 等八月初十日禀, 棘手、衰病 焦灼之際,聞此大爲 知鴻 兒生男之

喜慰。●

偶 假手於人,責望太重,萬不能不用心也。 换鴻兒回家鄉試。 周家口侍奉左右。 一用心,即有齒疼、出汗等患。而摺片不肯 九月初十後,澤兒送全眷回湘,鴻兒可來 余病已全愈,惟不能用心。 明年夏間,澤兒來營侍奉, 人或車或馬皆可,請沅叔派人送至羅

若有而字大明顯者,可買一部帶來,此論 編者,白玉堂忠愍公有之,武漢買得出否? 朱子《綱目》一書,有續修宋元及明合爲

#### 同治五年九月初九日

字諭紀澤、 鴻

日還 湘。 接澤兒八月十八日禀,具悉擇期 十月廿四 日四女喜事,諸 務 想辦 九月廿 妥

矣。凡衣服首飾百物,只可照大女、二女、三

女之例,不可再 即可束装來營。 加。 自坐 紀鴻於廿日送母之後, 轎,行李 用小車,從

派人迎至羅山

悠,何足深信? 淮勇不足恃,余亦久聞此言。 所貴好而知其惡,惡 然物 而 知 論 其 悠

0 名也」。 兒乳名濬一,書名應用廣字派否? 一慰」下,據《湘鄉文獻》有「排行用濬、哲、文、明四字 俟得沅叔回信再取

温山,余

所見將才,傑出者極少,但有志氣,即可予以 | 周申夫好作識微之論,而實不能平心細察。 余 | 鄂美。省三、琴軒均屬有志之士,未可厚非。 |

續假 之舉,吾乃可徐行吾 一月,十月奏請 余病雖已愈, 而 開 難於用心。 志 缺。 耳。 但 否 須 1則别 沅 擬於十二日 弟 有 無 波 非 常常

美名而獎成之。

#### 同治五年九月十七日

又須虚與委蛇

也。

此論。

字諭紀澤、鴻:

開 責 任 引退,殆恐不能。 各缺。 任 艱 稍 鉅,已於十三日具 余病大致 輕,即 縱不能離 爲 已好,惟 至幸。 即求免於謗議 誉 調養,但 不 欲 、片續 甚 求 能 平 假 用 求 捻 ,亦不能也。 心。 月,將 事 功 成 權 自 稍 從 來 度 容 請 難

> 鄂境 否? 捻匪 一竄過 若鴻 沙河、 兒 尚 賈 未 回 魯 湘 河之北,不 目下亦不 知 必來 己

口,恐中途適

與

賊

遇。

中外須講 家之興衰,不可 鹽薑 求 頗 好,所 蒔 蔬 忽也。 作 内 須 椿 数子、 講 此 求曬 諭 醖 小菜,此足驗 菜亦 好。 家

#### 同治五年十月十一日

字諭紀澤:

大 將 家名家之作, 來於六朝文人詩文,亦必易於 爾 讀 李 義 山詩,●於情 必有一 種 面 韻 貌 既 有 契合。 種 所 神 得, 態 凡 則

0 廿九、初 湘 如 爾」上,據《湘鄉文獻》有 人果開 陰舟次而往乎? 船 一日接爾十八、廿一日兩 則此時應抵長沙矣。 抑自省城發喜轎乎」。 「九月廿六日接爾 廿四之喜 具悉 一切。 事,不 初 九 H

如 義 不 虞 與 大家之目 文亦然 劉 同,其神 他 褚 石 雖稱書家, 人 、李、顔 ,若非 庵 迥 之貌 不 氣亦全 其 柳 相 異 貌 血 同 神 其 未 無 異 神 能 點 似 譬 處。 盡 之 迥 乃 變古人之貌 畫 書 絶 口 , 其 群 本 家, 推 倫 朝 爲 面 不不 張 大家 貌 得天、 足以 獻 既 が、故 截 歐 當 何 詩 必 然

之類,不足信也。 識 指某人學某家,大抵多道 貌,後觀其 者之咎也。 其 附和也 貌 既 ,領取其神,是讀者之見 迥 神, 爾以 絶 久之自能分别 群 後讀古文古詩,惟當先 倫 君子貴於 矣, 而 聽 後 自 人讀 塗 蹊 知, 説 解 徑。 之, 未 不 扣 到 今人 不 必 槃 隨 捫 認 能 非 動 衆 其 燭 作 辨

缺。 數 首。 近作 余 病 古文二 已 唐 大 鏡 愈 海 首,亦 尚 先 生殁時,其世 難 尚 用 心 理, 日 今 内 兄 冬 當 求 或 奏 作 미 請 墓 再 開

> Ш 日 向 誌,余已應允,久 部付 自 文集、年譜 唐家 黄 安起程 來, 或賀世兄 以便作 未 日 帶 處 未 内 來 碑 索 動 應 誉, 取 筆 미 行 償 到 亦 并 狀 此。 向 夙 將 節 諾 易 節 芝生 略 略 紀 寄 鴻 先 來 去, 生 初 索 羅 爾

### 同治五年十月二十六日

字諭紀澤:

調 注 銷 理 爵 就 余於十 秩。 痊 進京陛見一次,余擬於正 三日 廿 Ŧi. 具 日 接 疏 請 奉 批 開 旨, 各缺,●并 再賞 假 月 附 初 片 月, 旬

「此」下,據《湘鄉文獻》有「餘不悉」三字。

0

所發之禀,廿 喜期果仍是廿四 ,據《湘鄉文獻 一日接爾在橐駝 否 》有「十八日 筠 仙 河 近 接爾初 口 日 所發之禀,具 意興何如」。 H 在六

思邇 思 次,亦足以娱暮景。 爾兄弟輪流侍奉,軍 各缺,惟 戊春之多悔多愁 成 起 眠。 程 亦似開朗,❷當令其回家事母 進 年 京。 群 行 以 疑 事 散 衆謗之際,此心不無介介。 無甚 余近無他苦,惟腰 員 留營維 也。 差謬,自反 務鬆時請 紀鴻 到 繁軍 京後,仍當具 在 此 而縮,不似 心,擔 假回籍省墓 耳。 體 疼畏寒,夜不 氣甚好, 荷 疏 稍 請 然 T 輕 心 開 冬 П

### 同治五年十一月初三日

#### 字諭紀澤:

余決 想,但在營中照料 時 鴻 計 兒隨 余定於 此 行,二 後 Œ 不 初北上,●頃 復 月 作 回 雜 官, 豫,鴻兒三月 事,維繫軍 亦 不 已附 作 口 ıĻ, 片覆奏。 可還 籍 不居大 安 湘 逸之 也。 届

> 咎,則亦聽之而已。 位享大名,或可免於大禍大謗。若小小凶

於酒食、紡績二事、斷不可不常常勤習。目衰、全係乎内政之整散。爾母率二婦諸女,余近日身體頗健、鴻兒亦發胖。家中興

- 0 否? 回湘,鴻抵湘鄉 「京」下,據《湘鄉文獻 一月十五以後自家來替,隨侍進京。 一会」。 接爾復禀,果有起行來豫定期,余即令紀 過年,爾抵周口過年,中途可約 》有「鴻兒少不更事,欲令爾於十 爾 近 H 身 於鄂 體 鴻 由 强 壯
- 「朗」下,據《湘鄉文獻》有「惜不能久侍」。

0

₩ 「耳」下,據《湘鄉文獻》有「摺片并批旨抄閱,爾送呈澄

0

月來管,侍余正月進京。 切,臘月不必來營,免余惦念」。 有所損。 旬,爾不隨侍亦無大損, 家,又行由豫入都, 「余」上,據《湘鄉文獻 兹再寄 信止爾之行, 馳驅 》有 而富托新造家室,爾不在家,即 太勞。 繼 「廿六日寄去一信,今爾於 又念爾體氣素弱, 爾仍居家侍母,經營 且 余在京 不 過 甫 月兩 經 臘 到

下官雖 無 **灬恙,**須 時 時作罷官衰替之想。 至囑 課作文。

至

囑

0

### 同治五年十一月十八日

#### 字諭紀澤:

已衰。 此 西股張總愚久踞秦中華陰一帶,余派 間 軍事 東股任、賴竄人光、 固 賊賊 勢

春霆往援,大約臘初可以成行。❸

十七日覆奏不能回江督本任一摺,刻木

0

0

質 關 防 開 留 去各缺,不過留營一年,或可 一營自效一片,兹鈔寄家 中一 閱。❶ 請 假 0

省墓。 若果能 但平日雖有讒謗之言 ,亦不乏譽頌之 0

人,未必果准悉開各缺耳。

其瀟灑閑適,一暢天機,●臘月當令與叶甥開 紀鴻 在 此體氣甚好,月餘未令作文,聽

> 氣清者魄恒弱」,若能 膽怯 等 症 善 由 於 睡 酣 陰 眠 虧, 6 朱子 則 此 所 症

自

謂

爾

「囑」下,據《湘鄉文獻》有「初五將專人送信,此 寄澄叔信,可送閱也」。 次

「行」下,據《湘鄉文獻》有「霞仙迫不及待,寄來一信,峻 通信矣」。 畔訶貴,甚至以楊嗣昌比我,余不能堪,此後亦不復與 無續音,不知廿四日果辦喜事否? 「此」上,據《湘鄉文獻》有「自接爾十月初九日一稟,久 全家已抵富托否」。

「閱」下,據《湘鄉文獻》有「前有一信令爾來營侍余進 京,後又有三信止爾勿來,想俱接到」。

「天」,原作「其」,據《湘鄉文獻》改。

睡」,原作「曉」,據《湘鄉文獻》改。

6

句。

0

「矣」下,據《湘鄉文獻》有「此函呈澄叔一閱,特諭」一

九五

### 同治五年十一月二十八日

#### 字諭紀澤:

也。

此論。❺

逆有至漢中過年、 秦,已奏派春霆援秦,本月當可 逆不得逞志於鄂,勢必 此間軍 事,●任、賴 明春人蜀之説,不知 由固 仍 □ 始竄至鄂境,❷ 河 起程。 南 張 鮑 惟 逆 該 該 軍

追趕得及否。

數疏婉辭,必 奉入覲之旨,亦未 劾,奉有明發諭旨,兹鈔回 本日摺差 別期 盡開 回營,十三日 可 各缺 知。 而 爾在家 閲。 後已。 又有 料理家政, 滿御 余擬 將來 史 或 再 再 具 參 0

遠 遠親 親 而慢近鄰也。 ,火燒盜 李申夫之母嘗有二 搶喊 四鄰。」戒富貴之家 我家初移富托,不可 語云: 「有錢 有 不 輕慢 酒 可 敬 款 6 0

不復召爾來營隨侍矣。

我家 閒 近 事 鄰 、不幫官司 ,●或另請 酒 飯宜 一鬆,禮 外,有可 人款 貌宜 待 行方便之處, 恭。 賓 客 建 亦 可。 四 爺 如 亦無吝 除 不 不 管 在

欣慰」。 成慰」。 成慰」。 成慰」。 成慰」。

❸ 「閱」下,據《湘鄉文獻》有「十月廿六日寄信令爾來營隨❷ 「境」下,據《湘鄉文獻》有「十月廿六日寄信令爾來營隨

「此」上,據《湘鄉文獻》有「澄叔處將此信送閱。「建四爺如不在我家」,原無,據《湘鄉文獻》補。

爾信

於

日即接來管之手諭

郭家及長沙事太略,下次詳述一二」。

### 同治五年十二月初一日

歐陽夫人左右:

體氣康健,至以爲慰。接紀澤兒各禀,知全眷平安抵家,夫人

享山 請 余病 劇之任,仍當再三疏辭,但受恩深重,不忍遽 恩 日有起色,余明年 離營,即 准 林之福,則恐不能。 難 交卸欽差大臣 余自八月以後屢疏請告假開缺,幸蒙聖 於見客,難於閱文,不能復勝江督繁 在周 П 或 養 關 可回 病。 防,尚 籍省墓 然辦捻 少泉接辦,如 令回 次。 無功, 江 督本任。 欽差 若久 軍 務

動用。内而紡績、做小菜,外而蔬菜、養魚、手。祭祀之器皿,另作一箱收之,平日不可家中遇祭,酒菜必須夫人率婦女親自經

交出,而恩眷仍不甚衰,已大幸矣。

事,各房及子孫皆依以爲榜樣,不可不勞苦,款待人客,夫人均須留心。吾夫婦居心行

不可不謹慎。

不可瞞他,自然愈久愈親。 誠 否,兹寄一兩與夫 極 敬,我夫婦 近在京買參,每 宜以 人服之。 兩 誠敬待之,大小 去 銀廿 此問近好。 澄 叔 五. 待 金, 兄 不 事 與 絲 嫂 知 毫 好 極

### 同治五年十二月二十三日

字諭紀澤:

辭,❷皆未俞允,訓 余自奉 回 兩 江 詞 本任之命,●兩 **肫摯**,只得遵旨 暫 次 具 P 徐 疏 州 堅

□「兩」上,據《湘鄉文獻》有「十七、初三日」五字。□日排遞之信,十八日接廿七日專勇之信,具悉一切」。□「余」上,據《湘鄉文獻》有「十二月初六日接爾十一月廿

接受關防,令少泉得 吏,不居要任,兩三月内,必 看之書,又不肯全行割棄,是以決計不爲 余自揣精力日衰,不能多閱文牘, 以迅赴 再專 前 敵 疏 而 以慰宸 懇辭。● 意 中 産。● 所 疆 欲

乘之而 裝之。出門則以 阚 板則可作櫃,再開後倉板則 前後用横板三塊,如 小者送 上下,皆有方木爲 可 照樣作數十箱,每箱不過費錢數百文。 余近作書箱,大小如 口 可 以以 累 兩箱、三箱、四箱不等。 爲 式 繩絡之而 柱 樣。 爲匡,頂 吾 吾縣木 鄉倉門板之式,四方 何 可挑,在家 可過風。 廉 底 作最 舫 及 八箱之式 兩 好 當作 頭 開 則 而 前 以 用 賤 架 倉 板

之想。門外但挂「宮太保第」一扁而 者,不求珍異 此意,莫作代代做官之想,須作代代做士民 吾於書箱及 讀書乃寒士本業,切不可有官家風味。 文房器具,但求爲寒 也。 家中 新居富圫, 士斯 己。 切 須 能 存 備

### 同治六年三月二十二日

字諭紀澤:

紀鴻病,請一醫來診,●鴻兒乃天花

痘

抄寄家中一閱」一句。

0

●「離」下,據《湘鄉文獻》有「軍務極爲棘手,廿一日有一里情片,廿二日有與沅叔信,兹抄去一閱。朱金權利令軍情片,廿二日有與沅叔信,兹抄去一閱。朱金權利令

詳寫告我。此信呈澄叔一閱」。 州,搭輪船至漢口,三月必可到家。郭壻讀書何如? 初赴徐,紀鴻隨往。二月半後天暖,令鴻兒坐炮船至揚天下多難,此等均未必可靠」。「巳」下有「吾明年正月天下多難,此等均未必可靠」。「巳」下有「吾明年正月

0

八日寄去一信,言紀鴻病狀。十九日請一醫來診」。據《湘鄉文獻》。「紀鴻病,請一醫來診」有删節,原作「十

0

鄂轉寄家中,稍 也。 痘神佑助,此三日内轉危爲安。 所服之藥無一不誤。● 余深用憂駭,以痘太密厚,年太長大,而 爲一 慰。 闔署惶恐失措,幸託 再過 三日灌漿,續 兹將日記 由

七絶。 以易其樂也。 子厚遊記近之,詩則韋、孟、白傅均極閑適。 種: 而勁氣 日平安,告爾母及澄叔知之。 詩研究一番,但不可走人孤僻一路耳。 極詼詭,此外實不多見。 趣,惟莊、柳之文,蘇、黄之詩,韓公詩文,皆 而余所好者,尤在陶之五古,杜之五律,陸之 二者,皆由天分中得之。凡詩文趣味約有二 爾七律十五首,❷圓 一曰詼詭之趣,一曰閑適之趣。 以爲人生具此高淡襟懷 倔强 處頗 爾胸懷頗雅淡,試將此三人之 似山谷。● 閑適之趣, 文惟 適深穩,步趨 爾於情韻 ,雖南面王不 詼詭之 義 趣 余近 Щ 柳 味

### 同治六年三月二十八日

字諭紀澤:

行寄信回湘也。

鴻兒出痘,●余兩次詳信告知家中,●此

六日尤爲平順,全家放心。6

湯澆灼。 余憂患之餘,每聞危險之事,寸心 鴻 兒 病痊後,又以鄂省賊 久 踞 如

沸

口、天門,春霆病勢甚重,焦慮之至。

服」下,據《湘鄉文獻》有「十五六七八九等日」八字。

0 「爾」上,據《湘鄉文獻》有「爾與澄叔二月廿八日之信頃

「處」,原無,據《湘鄉文獻》補。 已接到」一句。

具悉一切」。 「鴻」上,據《湘鄉文獻》有「接爾三月十一日省城發稟

鄉,俾」十四字。 「全」上,據《湘鄉文獻 「余」下,據《湘鄉文獻》有「十九、廿二日」五字。 》有「兹抄六日日記寄沅叔轉寄湘

九九

之以 畏天 閩 宜妄生意氣,著不得絲毫意見,●切記切記 中 命,力求克去褊心忮心。 怨 謡歌之事,恐均不確。● 爾信 報 :中述左帥密劾次青,又與鴻兒信言 德,此中 誠 不能 無芥蒂,然 余於左、沈二公 爾輩少年尤不 老 年 篤

也。 全數復元,端午後當遣之回湘。● 從 抱,恐其稍涉 刻 미 此二事 爲 變柔爲 教汝讀書須具大量,看陸詩 厚。 剛, 用功,③則終 余字汝日 刻 清則易刻,惟襟懷閒遠,則可 薄 也。 一劼 身受用不盡 爾天 剛」,恐其 性 淡於榮 以導閒 稍 矣。 涉 利, 柔 鴻 適 兒 再 之 弱 化

### 同治六年五月初五日午刻

自余回金陵後,諸事順歐陽夫人左右:

遂。

惟

天

氣

亢

尚不能栽插,深以爲慮。早,雖四月廿四、五月初三日兩次甘雨,稻田

科一出痘非常危險,幸祖宗神靈庇佑,

箇月後,即當遣之回家,計六月中旬可以抵現已全愈,發體變一結實模樣。十五日滿兩

湘。如體氣日旺,七月中旬赴省鄉試可也。

余精力日衰,總

難多

見

人

客

算命

者

爾

京氣太清,清則易柔,惟志趣

高堅

一,則

居此官,不欲再接家眷東來。夫人率兒婦輩言,十一月交癸運,即不吉利。余亦不願久

之事,居家乃是長 在家,須事事 立箇 久之計。 一定章程。 能 從 居 勤 官 儉 不 耕 调 讀 偶 然 E

0 請幼丹督辦輪船廠務,幼已堅醉,見 確一下。 幼丹實不與聞 據《 湘 鄉文獻 特 因官階最大,列 》有「余聞少泉言 諸 渠首 及 閩 衡。 紳 東留 左 左

◆ 「著」上"據《湘鄉文獻》有「於二公但不通問而已"。

❸ 「事」,原作「字」,據《湘鄉文獻》改

● 「湘」下,據《湘鄉文獻》有「此信呈澄叔一閱,不另具」十字。

衰,不 則罷 做 女,常常作家中無官之想,時 出 若貪 官 好 可 立後 規 不預 圖 模,雖一旦罷官,尚不失爲 衙 爲 便 門 之計。 覺 之熱 氣 象 鬧 望 蕭 不 夫 索 立 人 時 家鄉之基 教 凡 有 有 訓 謙 兒 盛 恭 興 省 孫 必 旺 業 儉 婦 有 氣

脱 則 舌頭蹇澀。 ,堪以告慰。 余身體安好 左牙疼甚而 順問 如 常, 近 好。 惟 眼 不 蒙 甚 日 動 甚,説 摇 不 至 話 遽 多

之意,則福澤悠久,余心大慰矣

# 同治九年六月初四日,將赴天津示二子

募勇 余此 俱 教堂」一 難 和叶。 以 行 余即 來 反 案。 覆 Ė 即 前 將來 外 自 思 赴 或 誓 殊 天 構 性 效 津 怨 情 無 命 查 良 興 N 疆 辦 策。 兵, 悍 場。 毆 恐致激 津 余自 今老年 斃 民 洋 習 咸 氣 人、 成大變。 豐三年 浮囂 病 焚毁

> 恐邂 危 難之際,斷不肯吝於一死,以 逅 及 難 而 爾 等諸 事 無所 禀 自 負 承,兹略 其初心。 示

一二,以備不虞。

費。 謝絶 之書籍、木器等過於繁重 湘 而 其 須細心分別去留, 路,較之全行 己。 必 爲 其 便,中 不 余若長逝,靈柩自以 切, 在保定自製之木器,全行分 미 棄 間 概不收禮,但水陸略求兵勇護 者 陸 雖 乃 路 有 行帶 者 可送者分送,可毁者焚 臨 差易。 清 歸,毋 至 由運 一斷不可 張 去年 秋一 貪 河搬 瑣 由 全行 物 節 送。 海 口 而 船 須 江 帶回 花 沿 送 改 南 毁 來 送 涂 涂 陸 歸

鈔 多半, 余 歷 年 自須全行 奏 摺,令夏 擇鈔 吏 擇 要鈔 鈔 畢 録。 後 存之家 今已

- 「叶」、《家書全編》作「協」。
- 「夏」,鴻寶南局本作「胥」。

9

不特篇 不足以 多 中 勸 所未鈔之文,寥 可 垣頃 ', 留 刻 存者絶 余集者,婉言謝之可也, 渠已照 於子 副之,刻 帙 少 太 孫 也。 少, 鈔 觀 出 多寥 且少壯 覽 余所作 分寄余處 適 0 無 以彰 不 幾, 尤不可發刻送人。 不克 古 미 其 發刻送人, 文,黎尊齋 陋耳。 努力, 切囑 存 稿。● 切囑 志 如 此 有 亢 鈔 以 外 其 知 而 録 黎 間 舊 才 頗

求詩》二首録右。

害人 惠,所 求 不常見,每 者畏人修」之類 嫉賢害能,妒 身,千言萬 不常 八之心, 心,所 將欲 余生平略涉 謂 見,每 未 造福,先去忮 發露 語, 謂「人能充無穿窬之心,而義不可 而仁不 得 一發露 功争寵,所謂「怠者 m 患 於名 也。 要以 得,既 儒先之書,見 可 於貨 求者,貪利貪名,懷土 勝 業相 不忮不 心,所謂「人能 用 財 得 侔、 也」。 相接、仕進 患失」之類也。 勢位相埒之人。 求 八爲重。 、聖賢 將欲 不能 立品 教 充無 相 忮者, 修,忌 人 妨之 先 忮 修 懷 欲

> 者痛 未能 勝 滿 用 腔 也。 掃 日 下工夫,并 除 即 净 卑 忮不 汙。 盡 去, 願子孫世世 爾等欲 余 於 滿 此 懷 心 皆 地 者 是 一戒之。 乾 常 荆 浄,宜於此 加 棘 克 附作《忮 求 治 不 恨 去, 尚

宏闊, 登天。 限制 之數,亦云 實不能儉,今署中 可存之牘。生平亦好以「儉」字教人,而 勵,而實不能勤 致,其衰也 歷 相沿 覽 在 由 儉 有國 兩 則 未 奢 江交卸 人奢,易於下水, 反是。 改。 矣。 有家 故故 近 其 内 讀 時,尚存 余生平 之 因 故 外 書 興, 多 由 服 無 病 役 於 手鈔之册,居 皆 亦頗 醫 養 前 之人, 廚 由 由 廉二萬金,在 在 奢反儉,難 克 藥之資 以 軍營, 勤 勤 克 房 字 規 儉 漫 日 自 於 模 問 自 無 用 所 無

「分」下、《家書全編》有「將」字。

去求

<sup>「</sup>於」、《家書全編

<sup>594</sup> 

然亦不 不能 每月 畫 軍 用 已立 余初 力崇 ·營之錢 畢 不 用 盡 意 儉 願 徹 銀若干兩,限一成數,另封 不 准 子 德 以 底痛改。 阚 料 贏 善持 孫過 畫 自 有 餘,不 肥 以 此 於貧 其私 後 ,其後 然 余初帶兵之時,立志不取 准 居 似 虧欠。 困,低顔求人。 家, ,今日差幸不負始 而 此 己。 須 放 學 衙門 手 用 陸 去, 奢侈之習 秤出,本月 梭 山 惟在 轉 之法 瞬 願 爾 即 彌

家,均 母,視堂兄 我 助 孝養之道多疎 立 他 前 獲 叔之家,則處 身殁之後,爾等 事 殃 或 孝 吾毫 有田宅之安,大抵皆九弟扶助之力。● 禍 不 友爲家庭之祥瑞。 盡 弟 無不 無裨 驗, 如手 處 後 驗 獨孝友則 益 從厚,待堂兄弟以德業 足。 者。 來 事 於諸 兩 展 凡 轉 吾早 弟。 叔 事皆從省 兵 立 凡所 如 間 歲 獲吉慶,反是則 余 父, 事 久宦京師, 稱 兄 多獲諸弟之 因果報 弟姊 嗇, 叔 獨 母 妹 應, 如 各 相 待 於

侯、沅 其 温 勸 祥善事 甫、季 次 過 川親 甫 失 代諸 洪 兩 相 之欲 兩弟之死,余内省覺 弟 規, 昆 漸 其 季默爲禱祝 期 老, 貴,愛之欲 於 余 彼 此 此生不 有 自 其 成 審 當當 富 爲 有慚 能 神 常常 第 否 人共 德。 要義 相 以吉 欽。 見。 澄

彌縫缺憾耳。 爾輩若能從「孝友」二字切實講求,亦足爲

我

#### 附忮求詩二首

行,瑣瑣奚比數。 人 己若無事 得多助。 善莫大於恕,德 功,忌人得 勢位 一苟相 己拙忌人 成務。 莫 敵 畏 <u>M</u> 於 能,己塞忌 偪 己若 炉。 又相惡。 無 炉 黨援,忌 者 人遇。 妾婦 己無

- □「九弟」、《家書全編》作「沅叔」。
- 「事」、《家書全編》作「視」。

榮,不 消 道 叢 間 亦 汝 明 好 嗣 除嫉 祚。 無 詬 鬼 渠 裕。 聞 忌,乖 恐 所 何 望 不失寸步。 怖。 一、忌 妬 顧。 我今告後 以 争名日 他 然,不自 心,普天零 人
汙。 右不忮。 氣 人文名著。 天道 相 夜 迴 生,悚 常好還,嫉人還自誤。 奔, 終 聞 互。 知 身 灾 争 甘 其 祝人 然 或 利 露。 重者 故。 己 大覺 欣 東 無賢子 八善,曾 幸, 西 家家 烖 阚 寤。 驚 汝 室 聞 躬, 孫, 獲吉祥 神 不 禍 但 終 來 損 或 忌人 期 輕 身 尺 格 悦 讓 亦 幽 布。 豫 身 我 後 明 高 減

期 得 時 不 富 姿,多欲爲 百百 晦 知 求 求 [ ] 志 千 勿 知 殃紛來會。 壞。 時 乘 足 來多 天 車 患 亢 芬馨 -,貴 地 神 害。 善 寬, 愈 求 緣 比 片言 在約 忲。 萬 貪 椒 運 釘 得 蘭 1動招 去生灾 每 歲 帶。 宇 磐 思 燠 宙 心豐,居 , 尤,舉 固 有 未得 隘。 怪。 方 時 泰 寒, 足便 求 困 豈 諸 岱 速 常 無 日 福 償, 求 過 明 求 不 礙。 泰。 可 有 榮 既 人

有

右不求 求 + 坤 戚 可 耐 人 戚 俯 中 何大。 抱 仰 殷憂, ጢ 有 況 餘 九 安榮無 處 快。 精 無 夷 爽 倚 塗, 俟 賴 日 遽 命堪 奚 凋 欣 事 人窮 瘵。 終 生 患 古 嗟 難 多 矯 曾 愾 無 過 首 遽 望 不願 我 於 憝。 八 我 世 乎外。 荒 少所 君 窮 猶 看 乾

#### 日課 四 條 同治十 年 金陵節署中日記

「戒慎」、「恐懼」,皆能 力,以 好 學》之「誠 與 養 理,則《大學 否, 心。 蓋他 爲善去惡,則謂 悪悪 日 心 意 慎 既 人所 美 獨 如如 」章,兩言慎 知 則 有 惡 不及知, 所謂「自 心 善 惡 安。 知 臭」, 切實行之。 之自欺。 有 獨 ௱ 慊」、《 恶, 力 己 自 去 果 修 獨 而 中 人 能 之道 知 方寸 不 庸》 欲 之。 好 即曾子 能 善如 莫 之所 之自 實 以 故《 存 用 難 大 好 欺 其 於

務也。 之事 第 故能 斷 所 無 自 慎 所 ,則天君泰然,此心常快足寬平,是人生 行 「自反 獨 有 謂 强之道,第一尋樂之方,守身之先 リ則 不嫌 養 而 内 ·縮」,孟子之所謂「仰不愧、俯不 N. 於 省不 莫善於 心則餒之時。 疚,可以對 寡欲」, 皆 人無 天 不 地 外 質 鬼 乎 内愧 是。 神,

效 蓋謂 敬 千言 齊嚴 持 畢至,聰明 天下平,敬之效驗也。 承大祭,敬之氣象也; 尤 ", 則 以 教 敬 肅 萬 在 天 語不 曰 則 ,敬之工夫也; 能 地 主敬 無 固 自 睿智皆由此 春秋 離此 人 位,萬物自育,氣 則身强 不 肌膚之會、筋骸之束。 旨。 士大夫亦常言之,至程 備 也。 内 修己以安百姓,篤恭 程子謂 出門如見大賓 出,以 而 吾謂 專 「敬」之一字,孔門 ;静 此事天饗 敬」 無 「上下一於恭 純 不和 字切 一**,**外 (,使民 帝。」 朱則 莊 近 四 而 之 靈 敬 而 如 整

不敢懈慢,則身體之强健,又何疑乎? 身强矣。 病 日强,安肆日偷,皆自然之徵應。 不 覺 軀,一 神 爲之悚,氣爲之振,斯 遇壇 若人無衆寡,事. 廟祭獻之時 戦 無大小,一 陣危急之際, 足 知 雖 敬 有衰 能使人 恭敬 亦 年

矣。 救民飢之責 立立人,欲達達 門教人莫大於求仁 庶彙,是於天之所以厚我者辜負甚大矣。 知、●覺後覺之責。 物,其大本乃同 知仁民愛物,是於大本一源之道已悖而失之 地 之理以 至於尊官厚禄,高居人上,則 三曰求仁則人悦。 成性 (,讀書學古,粗知大義 ,得天地之氣以成形。 人」數語。 出 ,而 若但知自了, 源。 其 最 若但 凡人之生,皆 立者自立不懼 切者 知私 ,莫要於「欲 而 即 有拯 不知教 己, 我 有覺後 民溺 而 與 得 如如 孔 養 不 民 天

●「覺」、《家書全編》作「知」。

德、 曰 事。 而 達天下之人, 民 世 富 達,若能推 胞 論 人登高 人百 物物 之者乎? 必 求仁者 賊 如 與, 物 有 此, 誠 以 宏 呼 餘 莫 如 乃可 濟群 而 立人達人,則與物同 不 精 群 其 曾無善勞之足言,人有不 説, 假 於張子之《西 Ш 謂之人,不如 倫,皆事天者性分當然 外 四 則 求 應。 雖 盡立天下之人, 達者四達 孰 銘》。 不 此,則 一春矣。 欲己立 不悖, 彼 其 日 悦 之 後 盡 悖 己 視 如

布,而 若農 憚於 則旁人韙之,鬼 逸 所進之食,與一日所行之事、所用 羞、衣必錦 mi 夫織 勞,古今之所 惡 四 富貴之家 勞 曰習勞 婦 終歲 無 繡,酣豢高眠,一呼百諾,此天 論 則 神 終歲 勤 貴 神欽 許 同 動 賤 之, 逸樂 也。 以 智 以 成 愚 人一 不 數 爲 老 凡人之情,莫不 誉 石 彼 少,皆貪於 日 自 之粟、數 業,而 之力 食其 所著之衣、 力也。 相 尺之 逸 食 稱, 必 好 而

是以君子欲爲人神所憑依,莫大於習勞也。

棄於 見稱 人有 載過 己 可 勤 古之聖君 下 民 有 禹、墨翟之行, 技藝,磨鍊 逸則夭亡, 不遑,周公夜以繼日、坐以 極儉以奉身, 以 材 溺, 勞 最 而 時 於 神 而 門不人,墨子之摩頂放 增智慧 自 不 一時。 平之 材一技、能 見 , 飢 祇 勵。 夫不獲,引爲 用 欽 賢 凍就 筋 歷 逸 其絶無 而 事, 相, 仰 骨, 而極勤 歷 無 以其 長 斃 則 逸》一 若湯 逸 不 鬼 才識 困 無 耐艱苦者, 爽。 則 神 勤 材技、 知 故 能 以救民。 之昧 無 所 勞 勉行, 余辜。 篇, 勤 爲 而 補 也。 爲天 不 則 見棄 不慣作 於 推之於 旦 許 待 壽, 身計 操心 踵以 下 無 軍 日 丕 也 大 故荀子好 逸 而 計, 蓋 顯, 興 不 禹 其 勤 則 危慮 勤 則 神 勞者,皆 利天下, 見 以 之 則必 文 則 無 能 夭 來,每 鬼 用 則 周 必 博 時 王 久 於 壽 勤 稱 己 圃 操 乘 日 濟 不 乎 斯 唾 大 饑 後 以 昃 則 四 ?

曾文正公家訓卷下終

一0七

#### 勸

學

篇

[清]张之洞 著

王雪華

校點

目 録	去毒第九 二八	守約第八 ********** 二〇	循序第七 一九	正權第六 一六	宗經第五 一四	知類第四 一一	明綱第三	教忠第二 三	同心第一	勸學篇上	勸學篇序	敕文	校點説明		自動		
		非攻教第十五	非弭兵第十四 六六	會通第十三 六二	鐵路第十一 六一	鑛學第十一 五九	兵學第十 五五	農工商學第九 五一	變科舉第八 四六	變法第七 四三	閱報第六 四二	廣譯第五 三九	學制第四 三八	設學第三 · · · · · · · · · · · · · · · · · · 二五	遊學第二 三三	益智第一 二〇	<b>勸學篇下</b> 三〇

#### 校點説明

大學 湖 的清流黨人。 官、翰林院侍講學士、内閣學士、禮部侍郎、是著名 緒五 光緒三年(一八七七)奉調回京,任文淵閣校理。 任職 大吏行列,開 年(一八六三),以一甲三名進士及第,授翰林院 隸南皮(今屬河北)人。十六歲舉鄉試第一。 七—一九〇九)字孝達、號香濤、晚年自號抱冰、直 士、大學士,在軍機大臣上行走軍機大臣,兼管 湖北、 同治六年,任浙 勸學篇》爲清末張之洞所撰。 補授國 四 理兩 始向洋務派轉化。 川學政期 光緒七年,外放山 子監 江 總 江 司業,任春坊官、 督。 鄉試 間, 光緒三十二年晉升協辦 副考官,旋督湖 其取士多爲清末英才。 西巡 後歷任 張之洞(一八三 撫,進 日講 兩廣總 北 入封疆 起居注 同治二 學 督、 政。 光 編

> 函 所論變法各條,都 牘、論著、詩詞等,達千萬言,一九二八年王樹柟 ,陳述變法主張,與 在清末新政中, 清史稿》有傳。 宣統元年(一九〇九)病逝,贈太子太保,謚文 爲清廷採納。 張之洞參予政務,積極推 劉 坤 聯 衝 張之洞撰有奏議 會奏「江 楚三折」 新

爲 也,心術也,非工藝也」,即器可 謂「不可變者,倫紀也,非 學問,應新舊兼學,不使偏廢,但以中學爲根本,所 社會。「中學」是治身心的學 商、學校、報館、鐵路等,可以變通舉辦,以改造中國 政治秩序而不動摇,以端正人心, 以開風氣。」所謂務本,是要堅持傳統的綱常名教 他在序言中说:「内篇務本,以正人心。 一個有限的改革者。他獲得了政治上頑固勢力的 勸學篇》共二十四篇: 法制 内篇九篇,外篇十五 問。「西學」是應世 也 變, 所謂 而 聖 道 道 務通,是指 不 也,非器 外篇 能 務 作 械 的 和 I

内有《勸學篇》。

輯

録

爲《張文襄公全集》,由北平文華齋刊刻發行,

係的 舊 後所作艱難探求的重要思想成果之 應 政 欣 賞, 的 時 的 執行。 個人表述,也 而變,即 也 面。 遭 到 《勸學 趨 了 勸 新 4 維 是近代中國人在中西文化碰 的 篇》反映出 篇 新 》既 派 面,也 的 是 抨 張之洞 有維護專 張之洞 認 對 爲 既 新 其 制 有 學 意 體 取 在 和 制 法 舊 阻 西學、 撞 即 學 擾 之 開 守 新

省 名 弟子 省督撫、學政、要求他 紹 術人心大有裨益」,遂在六月七日以 後,指出張之洞所 六月,張之洞的門生、 官紳。 ·教而杜卮言」,又諭 箕所備《勸 篇》進呈,受到 袁昶於 最早版本是該年三月兩湖書院刊本。 勸學篇 不 久,兩 蕪 學 》成 湖 篇》副 中 書 湖 撰《 光緒帝讚賞,光緒帝在詳 於光緒戊戌,即 書 江 勘學 們 翰林院侍讀學士黄紹箕以《勸 總 本 院 書 四十 理 廣爲刊 院院 在 篇》「持論平 衙門 原版 刻 部 入「漸 排 由 書 布,實力勸導, 印三百部下 軍 前 光緒 聖 西 機 附 IE 村 此上 處 諭 通 二十四 形式 頒 舍 五月, 達 加 匯 諭 發 . 發 披 刊。 以 將 於 重 給 新 各 黄 學 覽 其 年 重 各

出版。 書局 沔陽 篇》, rome Tobars)譯成法文,一九〇九年在上 湖 多次刊印,版本甚衆,而其源皆爲光緒 光緒二十五年廣濟 輪書局本等,以上都是光緒二十四年 石印 橋(Samuel Woodbridge)譯爲英文,易名《中國 本、宛平瞿廷韶 書局本、桂林桂垣書局本、雲南善 本、秦中書局 一希望》(China's Only Hope),一九〇〇年 漢學雜刊》叢 書 院 本、 盧 官書局本、 由 刊 氏 於 在蕪湖 时《勸學篇》版次甚多,有京師 江蘇南菁精舍本、浙 本。 慎始基齋 光 緒 本、 刊第二十六期上發表。 的 皇 本、都 勸學篇》还 襄陽鹿門書 西 Ш 帝 班牙耶稣會傳教 叢 縣 西 的 門 書本、 鄒 濬 宣 履 刊印本、 文書局 導, 流 和 院本、黄州 湖 傳 江 刻 各 南 省 到 本。 省 本、 校經廬本、上 後局 重 船 海 紛 刊 外,美國 《勸 山 同 北 士 的 紛 本、 書 本、 河東書 文館本、北洋 戊戌三 京 矕 刻 刊 學 院 撷 本。 海 河 廣 官 篇》 本、 刻 華 出 在 南 州 穆 院本、 版 的 吴板 月 經 又 海 書 勸 廣 江 紐 蘇 局 約 兩 调 扶 局

此次校點,選取兩湖書院依戊戌三月祖本重印

刷印。

以上三種,皆出於同

板刻。

校點者 馮天瑜 王雪華

敕

文

609

# 勸學篇序

福至 夫楚 救 堂 狂 君子曰:「不知 禍 或 以 厲,方將改弦以 秦漢以 時 建 楚者? 勢 、辛有之痛 日 當 者言新學 矣。」今日之世 ,特科設 方 討 昔 至元明 張 楚 春 軍 莊 秋 實 3 何爲 齊、晉、秦、宋 王 儆 魯文、宣之際,土方闢,兵 海 不 ,慮害道 所未有 之 其 《其禍,則辱至矣,知其禍,則 而急迫震 足喻 調琴瑟, 内志 軍 霸 變,豈 也, 也。 以 也。 土 者守舊學,莫衷於 以 禍 發憤 異等以 懼 一特 無 廟 民 至 語 如是之皇皇耶 堂旰 敢 其 春 無 生 揣 抗 禍 秋 日 在 儲 捥。 食,乾惕 所未 顔 訓 勤 則 將 行 其 箴 共工 於是 相 方强 有 國 其 誰 民, 人。 之 圖 學 震 抑 能 ?

> 是,則 之術 州 安。 横 蕩衆 舊 丽 知 之内矣。 者 流 恢 通 因噎 吾恐中國之禍,不在四海 心。 詭 天 新 舊者愈病新,新者愈 不知 下。 傾 者 學者 危、亂 而 不 敵 食廢,新 本 知 摇 既 名改作之流 本。 則 摇 至,無 有 中 者歧多 不 非 無 知 與 薄 通 所 戦 名教 厭 而 遂 主。 舊,交相 則 羊 之外, 敵 雜 之心。 無 未 邪 出 應 至 説 其 敵 而 舊 暴 説 爲 在 無 夫 者 制 瘉 九 與 如 變 不

篇》務 之士。 風 乃規 士化民之責,夙 表在政,其裏在學。 氣 時 竊 本, 勢,綜本 海 惟古來世運 内 以正人心。 君子與 末,著 夜兢兢 我同志, 之明晦,人才之盛衰, 不佞承 論 、思有 ^ 三 十 外 篇》務 乏 亦 四 所 所 兩 篇 以 不 湖,與有教 裨 以告 通, 隱。 助之者 以 ^ 兩 開 内 湖 其

内篇》九:曰《同心》,明保國、保教、保

^

游歷 儲 五 染 中 祖 先人者爲 上 可 也 教 或 本 剛 種 遊 知 爲 也。 也。 朝 下,定民 爲 學》, 我民 類 禮 破 外 日 德 時 宜 》,関 政之 道 才衆 ^ 義。  $\sim$ 用,爲習帖括者擊蒙 或 三 E 澤深厚 宗 斯 明 益 治 勿 主 不爲 時 守 志,斥民 聽 神 原本,人禽之大防,以 明 智 活 要 經 多 手 勢, 約 必必 明之胄裔,無 綱 而 講 國 足 功 絶之使 周 使 昧 約 西 勢 長 折 利 也 喜 秦諸 薄 自昌 者 學 取 志 權之亂 衷於聖 則 綱 新 海 必 來 也。 氣 頭 無 日 者 子, 爲 臣 先 攻 也 目 《設 萌 擴 甘 中 民 日 通 政 也 瑜 淪 康 迷 枿 見 國 學》, ^ 也 中 日 也。 咸 好古者苦, 不 胥 者 也。 去 聞 神 [《教 血 學,乃不 以 掩 懷忠良, 曰 毒 有 保 聖 氣 廣  $\wedge$ Ť, 增 日《學制》, 口《循 瑕 《外篇》十 》,洋 忠》, [X] 教 相 IE 盛 V. 才智 以 也。 權 傳 則 取 也 學 欲 藥 忘 序 保 以 節 之 陳 心 堂 非 滌 其 ×, 辨 日 存 則 種 日 至 保 述 志 《非 懼爲埃及,懼爲波蘭。 耻 蔽 民 事 授 日 西 日 而

之義 也。 教士卒不如教將領 襲常,不 (廣 在 必 方任 不 也 速 或 知懼 攻教》,惡逞 鑛學》, 會通 譯》, 行,括 去, 教 相 之 如 日 (, 教農 日《非 ^ 因 能 强 土 乏以 ×, 能 閲 從 知 也 耳 懼 自 興 外 報 知 西 皆 强 其 爲 弭 地 工商 存 Ŧī. 西 患 出 師 以 日《 印 小忿 兵》, 也。 利 知 學 眉 之 其 學 而 耻 度, 也。 農 睫 之精 益 校 豫 中 利 不 ,教兵易練,教 惡 丽 難 日《變科舉 工 防 有 懼 乃 如 我 師 敗大計 教 見, 日《 意 限 商 也 可 爲 知 暹 宜 有 逸 學 苦藥 通 鐵路 興 越 耻 羅 譯 擇 定 欲 ×, 於 日《 南、 也 西 善 程 也。 而 耻 中 保 》,所習 耻 難 變 書 弟 自 緬 而 不 學 民 將 不 嘗 通 曰 <u>一</u> 十 法 之 甸 斃 從 《兵學 如 有 如 難 在 血 》,專 益 以 也 也 知 養,養 古 適 朝 H 成 所用 氣 应 曉 内 無 從 巴 本 鮮 也 也 固 弊 方 日 E

三、知變。

不變其

柔;

有學、有

力、有

耻,則

明

且 强。

在

魯

目

,况以七十萬方里之廣、四百兆人民之衆

復文武之盛。

然則無學、無力、無耻

則

愚

且

聵,起魯國諸儒之廢疾,望魯國幡然有爲,以

得以兵侮之,故爲此言,以

破魯國

臣

民之聾

孔子以魯秉

禮

而積

弱,齊、邾、吴、

越

皆

不能 分寸而已哉? 事也。夫《中庸》之書,豈特原心杪忽、校理 皆求仁之事也; 道矣,雖愚必明,雖柔必强。」兹《内篇》所言, 行近乎仁,知耻近乎勇。」終之曰:「果能此 哀公問政,而孔子告之曰:「好學近乎知,力 説,竊嘗考諸 國,見異俗不忘親,多智巧不忘聖。 藝非要,西 中學,考古非要,致用爲要。 變法。 政爲要。 不變其 令中 《外篇》所言,皆求智求勇之 ·庸》而有合焉。 法,不能 五、知本。 變器。 西學亦有别 在海外不忘 魯,弱國 四、 凡此所 知要。 也。 西西

復求强 之將及 者哉 繫於苞桑。」惟知亡,則知强矣。 ? 也,故舉魯事。 也,故舉 吾恐海 楚 内 士大夫狃於晏安而 事。 《易》曰: 吾又恐甘 「其亡其亡, 於暴棄而不 不 知 禍

光緒二十四年三月南皮張之洞

# 勸學篇上

#### 同心第一

官,則 親 或 然而 有責 若皆有 所 子 所濟。」顧亭林曰:「保天下者,匹夫雖賤,與 安於磐石,無能 ·曰:「一命之士,苟存心於利物,於人必 、長其長,而天下平,人人智其智、勇其 濟 .積天下之秀才,則盡士類,積天下之命 焉。」夫以 范文 盡 濟 持 者 臣 危 正爲秀才時,即以 類,積天下之匹夫,則盡 幾 扶顛之心,抱冰握火之志 何? 秀才所任,任者幾何? 傾覆之者。 匹 夫 所責,責者幾 天下爲己任。 是故人人親 民 何? 則 類。 命 有 其 其 程

學以 之世 勇, 以 興 而 能 濟時,同 ,士厲其節 天 下强 朝 廷 心 明 以救弊,齊力以捍患,人才奮 大抵全 於上,則人才成於下 ,民激其氣,直言以悟主, 盛之世,庠以 勸 3 學,官 艱 博 危

於下,則朝廷安於上。

曹魏 唐之佐命,如房、杜、魏、薛,皆與交遊,其書雖 而 講明者天下之大計,故昭烈得之而成王業。 亦 節 術大興,聖道昭 年。 居躬耕,而師友極盛,其人皆天下之豪傑,所 人,故卓、操不能遽篡,而蜀漢以興。 子明仁義,弟子布滿天下, 儒 布滿天下,一時朝野多重 經學最盛,李、郭之氣類,鄭康成之門人, 風 迄隋,江北皆尚鄭學,故北 七十子後學者,流 昔春秋之季,周若贅旒,孔子誅亂賊,孟 不 墜。 隋王通講 明,功在萬世。 衍 道 益 河、汾, 而周祚延二百 操 廣 朝兵 行、尚名義之 東漢末造,名 至 門徒 西 事 諸葛隱 漢 衆盛 紛 而 紜 餘 儒

有

夸

飾

其 其

事

不

能

杰

誣

房

杜

畫

非

必門

人也。

故

貞

觀

多

軌

也

上,有 應求 厚、 唐。 老,尊 其 常 起。 賢 文忠諸公,提 行 廉 學大明, 咸 敏、吕文節 豐以 弟 百 Ŧ 諸 而 廟 辨 於數 宋代 學, 儒 或 年 子 民 以 算 義 孟 來 ·閒 私 脈 得 致之。 元 如 利 學 子 要 千 學 淑 既 蘇 王 神 海 虐 È 皆 統、 術 倡 里 朱 贊 亦 厚 息 以 内大亂 智 以 講 之内 子 茂 之中 亦 伯 布 文 減 是故學術造人才,人才 於上 蔭 扶 故 求 集 由 滿 夷,文宗六經 體 唐 諸 於 持 其 雖 曾 天下 E 明 皆 韓 臣 公, 次第 名教、 成 弱 尚 賀 胡、駱、 子 本 風 + 忠 而 IE. 朱學, 熙齡 昌 推 俗 故 削 言讜 年 當 不 於下 砥 黎, 明 之潔 平, 元 以 時 亡。 長 厲 道 左諸 中 有 前 雖 龄 由 論 至 固 原 明 氣 清 葉 許 未 宋 是 於 北 陶 陳 由 公, 祚 節 以 竟 儒 文毅、 廟 劉 遠 大 攘 慶 德 宋 後,并 爲 其 以 鏞 堂 聲 維 澤 重 過 儒 圃 斥 吴、 延 事 用 或 之 林 氣 袁 深 緇 漢 佛 蔚 IE.

> 勢。 此 皆 往 代 之 明 效 而 吾 先 正 不 遠 之 良

朱, 術 主 景 佛 也。 也。 心, 事 王 我 п 或 曰 聖 耶 教 教 教 保 屏 以 明 是謂 故國 教 蘇 國 教 種 貫 吾 黜 道 國 近 無 教 之教,行 何 家, 聞 行 何 而 異 垂 弱 理 同 理 爲 不 以 欲 於 以 己 端、纂述 教 法 者 心。 者 政 威 救 行 存 中 矣。 也 改。 也 曰 以 ? 則 ? 今 土 於 保 保 我 自 君 土 教 印 數 地 保 希 種 有 有 聖 經義 朝 耳 之世 兼 度 不 千 球 臘古 國、 力 智 必 教 其 列 師 循 蠢 十 年 則 則 先 猛 保 聖 變 之六, 愚 以躬行實踐 而 教, 國 行 存 保教、保教 漢 者 騺 教 日 而 尤 無 不 唐 敢 若 佛 保 保 其 尊 改 盛 及 兵力爲之也 力 智 戰 存 教 華 説 孔 者 者 者 種 明 則 而 若 Ļ 種 有 「<del>,</del> 兵 種 П 宗 Ŧi. 教 者 孟 必 合 滅 教 不 之 教天 帝 波 之 先 尚 爲 夫三 存 程 尊 謂  $\equiv$ 天 斯 謂 保

達

時

務

爲

事

君

臣同

心,

四

民

同

力,

則

洙

泗

下,故凡有血 氣,咸知尊親 蓋政教相維者,

古今之常經,中 西之通 義

假使果如西 我 朝 邦 基 人瓜分之妄説,聖道 深 固,天之所祐,必有 雖高 與立。 雖美,

彼安用之? 五經 四子,棄之若土苴 儒冠 巴

儒 度,充大寫。 服 ,無望於 西人用 仕 進。 華人爲記室,名大寫。 巧黠者充牧師 充 椎 魯 剛

者

哉 ?

今日頗有憂時之士

或或

僅

以

尊崇

孔

學

愈

謹納身税,供兵匠 隸 役之用而已。 愈 賤

將 愚,愚賤之久,則 如印度之婆羅 貧苦死 門,竄伏 亡,奄然 深山 ,抱守殘 澌 滅 缺 聖 教 3

華民 將 如 得矣。 南洋之黑崑崙,畢生人奴,求免笞 今日 時 局,惟 激發忠愛、

駡

而

不

可

以 講 啟 求 沃 富 E 强 心、集 尊 朝 廷、衛 思 廣 益 社 爲事,言官 稷 爲 第 一義 以 直 言 執 政 極

教 諫 戰 爲 爲 事 ",疆 事 軍 吏 以 民 足 以 親 食 足 上 兵 死 爲 長 事, 爲 事 將 , 土 帥 林 以 以 明 耻 通

> 之傳,神明之胄,其有賴乎! 然則舍保國之外,安有 焉憂梁國之危,望齊宣之王,謀齊民之安。 其賜。 孟子守王道,待後學,保教也 公,匡天下,保國 也 而孔子 所謂保教、保種之術 以 爲 且 夫管仲相 民 到 前 于今受 汲汲 桓

家,誰 之不存,毛將安傅?」《孟子》 國、教、種安危與共之義忽焉。 爲保教計 敢侮之?」此之謂也。 或僅 以合羣動 衆爲保 日 《傳》曰:「 : 種計 能 治 其 而 皮 咸 於

#### 教 忠 第

以

自 漢 唐 以 來, 國家愛民之厚,未 有 過 於

我聖清者也。 請言其實

庸 調 三代 等之賦,最稱善政,已列多名。 有粟米、布縷、力 役之征 盛 唐 以 有 後 租

篇

爲二。 停編 法,金 IE. 康 賦 增户 秦創 有 四 力役之外 熙 食 年 五 審 口 鹽 T 有 之法 定丁 + 明季 錢, 口 唐 推 之 中 括 排 年奉 銀 於 又 錢, 土户 民 唐、 有 明 併 是 户 漢 滋 潦 萬 À 北 以 歷 物 行 錢 生人丁 饟 曆 宋 代 代 算 力 糧 行 勦 逃亡。 有 之 苛 緡之 之制 饟 青苗錢, 制 徵 條 永 。 皆 法 乾 不 鞭 練 唐及 加 饟。 法, 隆 出 朝 隋 賦 宋 豁 於 T 五 責 二十七 至我 之旨, 有 糧 常 秊 有 除 手 尚 例 宋 司 朝 年 賦 分 實 雍 初 以 田 民。 至 漕 熙 上

之又損,是 石 浙 江 漕 日 糧 薄 賦。 + 六 仁 萬 政 餘 石。 也 初 制 己 寬 損

於水 益 糧 乾 下 四 前 隆 政 卓 次。 代賜復蠲 两 合 蠲 朝,普免天下 而計 也 緩, 嘉 慶 無 之, 租 朝 年 不不 已 復普 無 逾京 過 之, 錢 免天 糧 動 鄉 垓以 輒 下 次 數 縣 上 漕 普 百 糧 是 萬 免 我 E 天 朝 次 寬 損 F 康

災 蘇 賜 僅 楚各省 歲 立 現 賑 霈 不 軾 錢 勸 有 款 絶 僅 之倉,或移民 歷代 五 民 動 書。 每 逾 請 + 出 輒 賑 粟 度 萬 一次輒數百萬,或百餘萬,從古罕 鉅 千 T + 卹 貫 萬 萬 Ħ. , 了,貸 五 見 、戊 百道。 金。 萬 即 東 於 就 斛 寅 如 史傳 食。 此 之閒 益 光 百 外, 本 緒 以 宋 者 萬 朝 晉 畿 以 官 河 爲 石。 凡 輔 來 廪。 北 數 遇 豫、 之災, 蘇 災荒 杭 有 賑 曾鞏 限 陝、直之 州之災, 卹 浙 之舉, 、仁恩 僅 富 或 ][[ 弼 發

減

江

南

地丁銀三十

·萬

減

江

南漕

糧五十

餘萬

隆

年

減

江

省

地

T

銀

+

萬。

同

治

四

年,

T

銀

四

+

五

萬

南

昌

道

地

丁銀

+

七

萬

乾

蘇

地

銀

四

+

萬

雍

E

年

減

蘇

松

道

地

元

年

即

將

前

明

饟

除免。

康

、熙中,

復

減

江

産

一、運

貨

行

商

者,終身不

納

錢

於

官

順

治

民

甚

至

一里宅、

、貨肆、

錢業、銀

行,

荷

非

家

有

 $\mathbf{H}$ 

出

一於田

田定

於

額

凡

品品

官、

士

一吏、百

I

閒

災。 發少 於賑 聞 府 卹 以 |政三 之私 之款 今日 也 錢 雖 度支之匱乏,洋 一,出 多 自 不 ·惜, 慈 恩,以 甚 至 價之浩 期 減 博 東 濟 朝 之上 繁, 是 日 而 供 救 獨

民,不 百 朝 堰 隋 内 送 官官 政 萬 Ī 騒 造 唐 役 東都 四 動 前代國家大工大役, 惟 有 開 不給錢。 ,皆給 也 決 廣 死 無 明明 運 亡 累, 宋 造 雇 則 枕 燕京 長城 且 值 藉 F 議 因 餘 即 口 調調 馳 以 萬 以 如 河 道 贍 及漢 皆 發 河 民 足焉。 皆 天 汴 I 發 力爲之困 鑿 發民夫,行 下 河 庫 端,歲 子午,梁築 民 之工 帑。 是 夫 日 無 工 沿 修 敝 惠 斤 論 常 齎 河 居 數 本 淮 海 居

官價 民 最 民害。 蘇 ,或竟不給價,見於 前 杭 代 [官買 織 造 本 朝宫 民 、楚粤材木 物, 中 名 府 日 唐 中 發帑 和 宋 需 買、 史 用 購 傳 之 和 辦 物 奏 糴 議 商 或 文集 不 民 强 吏 累 給

> 無 虧 胥 物 匄 折 皆 而 有 奪。」於今見之。 者 致 霑潤 富者矣,未 也 子 但 産 聞 述 聞 商 鄭 商 是 賈 商 賈 日 因 之 因 恤 承 盟 采 商。 辦官 辦 日 上供 工、承 無 政 之物 Ŧī. 强 買 也。 官 而

貢 不擾 遂 興 史書之日 Ш 所 唐 木石、金錫、丹青之物 貢茶、筍、艾、葛之屬 荔之屬 民 花 之禽 谷 貢 釀 巨 地方。 害,其 致 大 並 石 任土作貢,唐虞已然。 政六也。 亂 綱 無珍異。 鳥 雁 江 ,明之鰣 蕩之山 破 南 他 今内 又如宋真宗修 及 屋 貴 貢 其 壞 重 牋 廣 府 由 魚 成 者 城 扇、 E 東 ,皆以 此 他 等 也 一用,民 可 貢 微發 筆 開 知。 ?於劫 省 石硯、木香、黄橙 墨、 民 通 至微 玉 類 不 力 漢之龍眼、荔支 徧 香藥之 本 清 始 推 與 奪, 困 朝 九 之物 昭 爲 竭。 知。 民 州 此 應 由 屬 義 不 世 宫 官 是日 宋 搜 而爲官 聊生, 湖 所 發錢 雖 徽宗 羅 所 知 減 乾 窮 需 北

篇

悦豫 皆出 免錢 金陵 事 論 塘,查災問 矣。 祀 ",從無 聞 七 自 糧 前 指皆 狂 四 也 鹽 私 本 代 恣 海 記 商 遊 其 朝 民 敗 以 幾 騒 幸最 橋 屢 瘼,召試求人 度,尤乖 但 微 省方觀 然 或 道 次 道 煩擾愁苦 豁 供 爲 南 若 其 免 張 病 巡, 時 民 明 君 積 民 除 武 市 爲 虧 德 亦 宗 之詞 内帑 才。 漢 廛之豐 主。 或 閒 北 唐 至於 有 子 官 勘 遊 宋 所過 東 以 是 盈 款 河 宣 以 秦 洲 優獎。 一、民情、 外, E 大 來 郡 I 隋 西 戒侈 縣 大 閲 巡 東 更 南 之 率 之 無 至 必 海 到 封

之屯 戰 家 匈 7,于 鬭 化 奴 衛 離 前 忠肅嘗改之矣。 征 唐 代征 勞 書 死 戍之苦,愁怨慘 關 4 傷 伐 稱 過 輔 多發民兵,漢選 之 半 爲 良 師 僅 以討 法 得 北宋簽官軍,刺 凄, 生還。 然 南詔 而 司 本 馬温 江 唐之 係 田 淮 農 東 公嘗 之卒 府 夫 荒 義勇, 强 兵、 蕪 論 以 室 之 明 征 以

> 民,除 從 以 練 無簽派 後參用 保 甲 八旗 當 之事。 鄉 禁旅 時 勇,其 朝 外, 是 野 人由應 乾隆 日 病 恤 之。 軍 以 募 前 本 而 仁 多 朝 來, 政 用 軍 八 得 緑 制 也 饟 誉 不 而 累 嘉 慶 農

六

萬,果 生。 開 興以 緡。 宣和 漢、 朝 旅 錢,歲得 加 ";則 廷 設 遼 唐以來皆然,今土 見蔡絛 將伐遼 是 後又有經 不 捐 饟 前 别 如 日 代 惜 輸 數千 此 爲 繼 行 國 《鐵 爲 籌 法 獎 加 則 權 有大 權 重 以 饟 萬 總 籌 勦 山 宜之策, 之策, 派 官 緡 饟 饟 叢 制 事 天下 談》。 爵 .政 錢 易 並 又 財 九 耳 不 司 并 無 月 加 出免夫錢六千二 也。 宣 用 而 猶 加 以 獎 椿 練 和 不 本 終 敘。 科 廣 仍 錢 饟 中 足 朝 不 其 派 其 則 創 板 每 忍 共 明 俗。 學 民 科 經 遇 帳 朘 季 加 閒。 額 錢、折 制 斂 河 小 賦 用 即 錢, 中 於 Į 民 歷 兵 百 如 民 之 年 7 初 帛 宋 軍 紹 萬

自暴 秦以 後, 刑法濫 酷, 兩 漢 及隋,相 去

十二; 中, 之 諸 旨 拷訊 之法 歲 後 女 流 遠 罪 實 情 無 定 期 收 方,非 繋獄 杖 斷 虐 大率從 配 實中稍 幾 句決 天 罪 政。 贖 沙 四 ,犯者革 如 宋 六、 +, 天, 刑 門 不 者天下 子 絶 稍 如 凡死 四 絶其 遇 島 有 老 無 素 無 輕 漢 夏 具 和 白 有 幼 肉 漢 〈於《大 黜 服 月 緩 額 法 比 罪 嗣 綫 慶 刑 更遠 不 從 輸 大 **\$** ; 有 滿 者 必 明 \* 可 四、 過 典 織 寬 爲 埶 居 則 經 學 九、 矜者 復 過之。 清 二三百 3 室 城 審 多 投  $\equiv$ 死 嚴 則 + 七、 律 問 軍 減 , 法 日 唐 之 罪 节。 停 捧 × 五. 刑 鬼 流 大 刑 司 没 孤 刑 中 旬 本 若罪 人。 衙 之令, 、杖 徒 海 薪 部 書 會 掖 子 又 本 減 門 犯,不 審 核 夾 分 庭 9 留 : 朝 等。 較 不 亦 不 酌 秋 籤 情 養 立 百 之漢 不 應 明 又 准 再 實 法 過 者 死 職 比 減 聲 審 發 用 無 緩 平 文 歲 旬 宋 移 折 教 官 爲 明 面 非 滅 允, 決 帝 之 徙 擬 然 決 坊 婦 代 死 = 責 請 族 刑

慎

刑

仁

政

+

也

聲

案 事 于 出 死 者 再 明 至 之 0  $\equiv$ 請 總督降 ,謂之「失入」 五 失 旨 案 平 入死罪一 11: 反無數, 遇 降 級 有 級 調 疑 留 3 用 獄 任 具 應 臬司 見 不 死 + 則 於 准 面 詔 案 歷 擬 抵 巡 旨 以 朝 銷 輕 駮 撫 E 聖 者 查 始 訓 兼 失 覆 降 謂 出 管 之 訊 調 是 者 巡 至 仍 撫 失 日

郡 其 遭 華 带 .及 之 略 也 T. , 特 酷 海 賣 民 昔 (没蕃 外, 南 以 遣 此 北 歸 使 凡 何 陷 分據之 漢 臣 古 異 虜之民, 地 與 巴 取 耶 文 内 誘 朝 專 ? 府 販 約 朝 中 之 之 是 廷 外 金 豬 保 不 仔、 阻 以 護 覆 復 絶 贖 其 遠。 美 過 之 魯 身家 或 問 世 被 禁 政 拔 虐 其 本 除 之 朝 横

得 過 康 前 熙、 然 代 雅 乾 贖 克 隆 武 薩 兩 之朝 既 朝 下 其 殘 而 時 界 民 逞 碑 以 定, 其 逞, 兵 恰 本 力 克 朝 圖 何 武 交 求 功 犯 不 無

之勝 之下。 兵。 和 屢 而 而 來 不 商 搆 利 耐 市 過 政 假 衅 收 其 開 爲 + 使 越 士。 愛 越 荷 因 南 惜 南 大院 也 口 大夫 自 生 來 以 道 民, 亦 朝 情 君 光 何 而 之 不 恕 以 即 所 亂 理 至今 忍 不 赦 遺 而 捐 其 口 取 兹,外 之 即 者? 罪 朝 於 不 鮮 浩罕 N 惜 洋各 是 乘 鋒 屈 畏 諒 盡 己 曰 或 議 戢 燄 威 Щ

本

寒 濫 任 元 畯 代 貴 Τ. 登 辟 市 任 則 戚 本 漢 文 子 朝 儈 人、南 雍 \*, 法 待 爲 駕 朝 偏 士大夫最 朝 多 臨 至 頗。高 官 任 魏 試 不 武 明 以 與。 卷 官 將 宦 以 親 厚 重 道 寺 覽。 本朝 六 權 與 + 厮 朝 宋 役 木 專 專 寒 文 代 典 賢 匠 + 用 用 等。 州 爲 儒 無 蒙 世 郡 古 六 臣 方 家 兩 卿 趙 嘉 與 色 唐 漢 若 宋 南 惠 目 以 多

> 道 是 親 宋 碧 朋 謫 日 友 朝 Щ. 重 待 且 不 官 横 本 於外 士 前 得 飛 士 朝 代 餞 有 天 即即 送。 進 每 禮 H 政 退 有 晦 日 既 十三 明 以 黨 逐 闇 無 代 禮 錮 出 失 也 宰 尤 不不 學 國門 刑 相 爲 禁, 以 千古 被 亦 罰 逐 程 不 告 及 即即 期 未 唇 累 廢 不 有 + 日 其 . 得 世 之 柴 (終身。 淹留 虐 株 又唐 車 政 連 就

親

漢之外 脋 仁 族,明之藩 主、禁軍、五坊小 皆 政 + 無之,政令清 官 歷 更,殘 戚 四 代 也 常常 親 府、礦 貴 虐 侍, 佞 小 使、 兒、 北 幸, 肅, 民 魏 邊 監 流 驕 民安其 之 軍 軍 暴 王 一、緹騎 毒 敕 横 族、 徧 使,元之僧徒、貴 居。 行 於 武 方士、 天 是日 臣 最 下。 唐 爲 鄉官, 民 之 本 害 貴 朝

加 封 贈 者 官 無 本 階 論 朝 · 給子 矣 篤 凡 念 勳 世 戰 臣 陣 職 捐 ,自三品輕 優 軀 恤 者 戰 士 但 有 其 車 都 立 命, 尉 功 至 無 而 七 襲 不

明

則

東

廠、

北司

毒刑廷杖,專

施於忠直之臣,

大

臣

習

爲

常

事

唐

則

捶

楚

簿

尉

行杖

朝

堂

;

陽

近

親

豐

鎬

舊

族

體

柄

用

又

漢

魏

誅

戮

也。 如 請 與 均 品 而 没 忠 「難 恩 此 之 於 義 無 恩 或 騎 廕 騎 襲 Ŧ 卹 窮。 尉 舉 優 典 事 尉 其 二十餘次, 渥 即至外委 己 自漢迄 ,或積勞病 咸 ,世襲罔替,皇祚 最大者, 者 豐至今,京師 乎? 至數百案。 明 (生監 或 了,其 是 此 襲 故,亦官其子一人, 外良 日 待忠義死事之臣 殉 勸 難 又職官 順天府 四 億萬 忠。 次, 法 者,亦皆有之。 善 其 襲次 仁政 雖 及 政, 各 食 非 完 不 禄 + 省 戰 時 有 名 功 即 미 五 奉

中,長 生。 之内,西史 百 仁忠厚者乎? Ŧi. + 富 西 列 養 貴 聖 或 餘 涵 貧 繼 或 年 五 濡 勢 賤 繼 + 薄 繩 雖 以 中 皆 年 海 繩 盛 有 國 以 得 家法 臣 今 雖 前 而 俯 民 日 不 小 仰 其 日 ·富强 心 民之愁苦怨毒 寬 游 試 或 法 然, 於 考 政 相 ,然天下之人, 高 有以自樂其 中 有 承 天 史二 如 無 厚 此 改。 干 之寬 地 年 之

> 鬱 不 過未 絶 書 伸 固 待 知 機 其 而 政 發 事 以故 亦 必 弑 有 君 不 刺 如 相 我 之 中 事 歲 或

者矣。

説 所 在 避之若浼, 民,固當各抒忠愛,人人與 譏者哉? ,天必祐之。 暴行 當此 ,足以 時 惡 世 啟犯上作亂之漸 之如 艱 世豈 虞,凡 鷹 有 鸇 我 無良之民,如《 之逐 公國 報 禮 爲 鳥 者, 之士、 體,凡一 雀 拒之勿聽 大 戴 小 切 順 邪 之 所

## 明綱第三

殫

書

因 大原出於天,天不變,道亦 論語 白 [虎通》] 謂 君 「殷因 綱 爲 引《 五 臣 於夏 常。」此《集 禮 綱 緯 禮 父 一》之説 爲 周 子 因 解 也, 綱 於殷禮」,注:「 **>** 不變」之義 董子 馬 夫 融 爲 之説 所 妻 謂「道之 綱 本之。 也 所 此

子《集 中國 變革 説 女平權之説不可行也 喪、廢祀之説不可行也; 年更無異義,聖人所以爲聖人,中國所以 尊尊也,長長也,男女有 不可行也 注》引之。 也。」五倫之要,百行之原,相傳 在於此。 知父子之綱, 《禮記 故知 君臣 • 别,此其 知夫婦之綱 大傳 則 之 綱,則 父子同 × 不 可 親 民 得 罪、 親 則男 權 數 與 也 免 之 爲 千 民

其 議。 其 外,令行威 相 權,而國 總統不以議院爲 (尊嚴君上不 國有吉凶 去甚 君主、民主之國 嘗考西國之制,上 一近,威 君、 立,不悖 總統 事 儀簡略,堂廉 ,賀弔憂樂,視如切身,是 如 中 亦有散議 然,則罷散之,更舉議員再 不 國,而親愛過之,萬里之 略 欺。 同。 下 議院 院之權。 每見 不遠,好惡 西 或 各有議 旅 君 華 若國君 與 西 易 臣 事之 西國 人遇 通 民

固

有君臣之倫也。

也。 子、女子皆同,兼及親友,非不分其子也 年長藝成,則使之自謀生計 舉,以插花冢上爲敬,是 母、兄弟之照像,雖不墓祭,而常有省墓之 廟、木主,而室内案上,必 西人父母 家富子壯則出 摩醯《十戒》,敬 喪亦有 分,乃秦法。 服,服 天之外, ,别居異財。 以黑 西 西人於其子,必教以 供奉其 或 色爲 ,以孝 固 臨 有父子之倫 緣。 終分 祖 父 父母、父 母 析 雖 財 爲 無 祠

《左傳 議婚 檢雖 此小異於中國。 男衣氊布,女衣 母族亦然,故姑、舅、姨之子女,凡中表之親 重,爲齊侯夫人,曰請使重見。」是古有夫人與燕饗之禮,因 者,皆不 》昭二十七年: 有限,父族、母族之親,凡在七等以 視 戒淫爲十戒之一。 中 爲 國爲疏,然淫佚之人,國人賤之。 婚。 七等謂 《禮記 絲錦,燕 「公如 •坊記》:「大饗廢夫人之禮。」 自父、祖 齊 齊侯請饗之。 西俗男女交際,其防 會賓客,女亦 。曾、 高以 ,無爲婚 子 L 推至七 仲之子 者。 爲主 代 惟 内

之倫 女無 苟 有 之廠局,未嘗以婦 而 合。 流弊,廢之。 於 **灬别,**則 也 其 或 不 家 納妾, 誣 女自 政 事 且西人愛敬其 此 擇 議 人預之,是西國 大異 配 院、 亦亦 軍 於 須請命 中 旅、商之公司、工 國。 、妻、雖有過當 父母 且訂 固 然 謂 有夫婦 約, 之男 丽 非

得不然 事,亦以七日 以 於泰西政治、 以 詳 人,西人每譏笑之。 亦不學,獨 國,人師 ,機器局 天 明 從之,飲 秩 聖人爲 西 民 所以 非此 人 彝, 食服 援 禮拜日停工 禮 人倫之至, 禮 學術、風 其 不能 中 制 玩、閨 和 拜之期 外 雖 立教。 政 大 略 者, 甚 敝 門習尚 俗之善者懵然不知 同 ,以局 俗、欲 是 爲 至 而 以 節 乃貴洋賤華之徒, 禮 中 人 内洋匠其 因 目。 意 君 士文學聚 盡 無 未 情 非 棄 禮 嘗 制 日必休息,不 此不 不 吾 拜 禮 盡 日 墓 教 廢 亦 能 會 仿 吾 品 名 知知 之 西 立 政 誠 節 星

> 耳,無 驢 者,其意欲舉 非 近 過 日 馬, 於斯 微 吾 聞 恐 海 世 中 濱 地 放 洋 無 球 恣 界 此 萬 黷 有 政 亂 或 公然 而 將 西 後 無 衆 創 快。 此 惡 廢 教, 而 怵  $\equiv$ 共 綱 所 心 謂 駭 棄 之

議

#### 知 類 第 四

之也

非

如 不 非 未 象曰:「君子以類族辨 非我族類,其心必 神之化能之,我中華帝王 知愛其類。」是知 族。』《禮記 可 概之他人也。 種 類之説,所從來遠矣。 三年問 異。 有 西人分五大洲之民爲五 教 ¥ 物。」《左 神不 無 類之説,惟我聖人 : 無外之治能之, 歆 《易 有 非 知之屬 類 氏 • 民 (傳》曰 同人》之 不 莫 祀

類族」、《周易正義》作「族類」。

爲黑 種 種,美洲 種 斯拉物 : 西 以 種 南 才智 歐 種 美洲 兩 羅 ,英、德、奥、荷爲日耳曼 印 巴洲 由 土人 度 英遷 人 人爲白 爲 往 爲 紅 與 椶 八英同 種 色 種 種 亞亞 爲白 種、法、意、 歐 洲 細 種 阳 種 非 亞 類 司 又 洲 日 利 種 自 者 比爲 人 加 有 性 别 爲 洲 情 羅 黄 人 馬 俄 相

近,又加親厚焉

之朝 洲 或 峽。 適 祖 前 帝聲教之所及 奉 越南、暹羅 故。 均 司 人 佛書謂之「震 夫、 其 種之證 統 俄 吉林 寒燠得 地 [起崑 謂 國語 同 海 之日 緬 中之日 爲亞洲,其 崙 黑 中。 言 其 東 甸、東 「蒙古」,以歐洲與中 龍 呼 神 旦」,今西人書籍文字,於中 地得 江、 其人秉性 明胄 本,日 至 中 于 國 中 内 天地中和之氣 人同 海 裔 北 人曰「契丹」, 本地 外蒙古,南及沿 種 三印 爲 南 脈與 靈淑 族之所分。 黄 至 、朝鮮 度,東及 于 種 風 國通,始於元 一。皆二 南 連 故書 俗 海 是 僅 和 爲 皇 隔 環 隋 海 北 厚 夜 亞 以 海 之 Ŧî. 至 太 海

> 各國, 亟矣。 之治,至 悛,守其 中 摩厲,求免滅亡,積懼成奮,積奮 邃古以來, 統,外 或 士夫庶民 開 無 周 傲惰,安其 闢 稱爲 强 而 也 鄰 極 晚 ,懵然罔覺,五 一文勝 最尊、最 鬱 積 文 積 偷苟,情 成 而 勃 敝 虚 大、最治之國。 發 鬭 孔 積 見 十年 虚 子 力競 勢 憂之。 成强 成 絀 來 弱。 屢 巧 而 外 各 獨 歐 歷 文明 我 侮 洲 朝

籍。 恣爲 紓國 此 調 譏 家之休戚,漠然無動於其心。 之比,中 者,仁者謂之悖亂,智者謂之大愚 聖教爲 日 貪 而 難者,固 方今海内之士,感 夜 贖 莠 冀 華 以以 無用,分 民 幸天 雖 邪 待 淪 不乏人。 説,甚 下 合 富貴自在, 有 同 西 變, 室 至 夥 概 爲 詆 爲 而 以 發 畛 中 西 晷 求 憤、 域 墨之人 或 商 方且 庇 意謂 徒 爲不 竭 於 引 乘 智 他 彼 此 西 足有 此 盡 法 則 地 人。 非 贴 忠、 爲 視 危 若 同 西 捻 國 求

不能 華人身税有 得 有禁,西人否也。 爲 盛之後,則禁華 人議院 武 印 員, 度屬於英矣,印 不得 也。 加, 西人否也 人學堂 美國 古巴屬於西班牙矣,土人 工,而 開 度土人爲 也 闢之初 ŝ 西 華人 越 工 不 南 禁也 則賴華 無票,遊 兵爲弁,不 屬 於 法

身矣! 之卑宋,必亡其家; 惟薄 於德 仁、不智、不耻、爲人役之人,君子知樂大心 猛 死,不伐晉,鍾儀囚,不忘楚。 給 國銀行。 近年有道員某,吞蝕公款 息而 己。 其人死後,銀行遂注銷 夫君子不 韓非之覆韓,必殺 以 所 數十萬金,存 悪 若今 廢 鄉 其 日 故 帳 其 不 Ŧ

門。」語卑宋大 《左傳》昭公二十五 宋,桐門右師 日 : 「右師其亡乎 (夫, 而 見之,杜 賤 年:「春,叔孫婼聘于 1 注 司 君子貴其身, 城 「右 氏。 師,樂大心 昭子 告其 m 居 後 桐

> 必亡!!」定公九年《傳》: 賤 能及人,是以 注:「終叔孫昭子之言。」 其宗,是賤 有禮。今夫子卑其大 其 身 也。 能 逐 有 禮 桐 乎 門 右 夫, 師。 無 禮 而

國,以 於叔孫 也則 未臣 情,伐之必得志焉。」退 有百福也。 愛其國,以及人之國。 臣光曰: 『臣聞君子親其親,以及 今子以小惡而欲覆宗國,不亦難乎?』」 山不狃曰:『非 通鑑》卷六:「秦王下吏治韓非,非自殺 左傳》哀公八年:「吴爲 隱。 而 售其 有伐之,奔 輒。 且夫人之行也,不以所惡廢鄉 言, 今非爲秦畫謀,而首欲覆其宗 叔 孫 罪 禮 輒 也。 固 命焉,死之可也。 對 不容於死矣。 是以 君子違,不適 而告公山不狃。 日 邾 : 功大名美而享 故, 『魯有 將伐 人之親 名 讎 魯, 鳥足 所託 而 或 公 無 問

愍哉!!

#### 宗經第五

爲 後,此不過如 均,墨子貴兼,料子貴别,王廖貴先,兒良 諸儒以諸 情尤顯。 流十家。 變,然皆有釣名儌利之心。 合於大道者亦多矣。 小兒醫,聊以適時自售耳,豈其情哉! 衰周 子證經文音訓之異同,尚未盡諸子之用。 其中理之言,往往足以補經義、乾嘉 惟其意在 之季,道術分裂,諸子蠭 扁鵲適周 偏勝,故析理尤 即如皇子貴衷,田子貴 則 爲老人醫,適秦 故詭僻 起,判爲 精, 横恣,不 應世 而述 貴 則 九

聲跛 斷。 經 曰:「文章可觀,義理可法,合於六經之義。」 義 今欲 躄之陋 權 自漢武始 衡 通 而 儒,未嘗不可 知學術 節 屏斥百家,一以六藝之科 取之。 流 别,增益 劉 向 兼 (讀諸) 論《晏子春秋》 才智,鍼 子,然當 起 以 爲 瘖

能修六藝之術,觀九家之言,舍短取長,則可以通萬方之略期可爲讀諸子之準繩矣。《漢書・藝文志》曰:「若

矣。」意與此同

而施於今日必有實禍者:
一端,而要歸於中正。故九流之精,皆聖學之所,而要歸於中正。故九流之精,皆聖學之所點也。諸之所有也,九流之病,皆聖學之所點也。諸

外,其《非儒》、《公孟》兩篇至爲狂悍,《經》 **羼**雜 縱横之説。《墨子》除《兼愛》已見斥於孟子 子》謂「 《列子·楊朱篇》惟縱 亂 雌, 以爲亡,楚之存不足以爲存。此不得以寓言爲解 國。 則 ,僞託最多,故兼 如老子尚無事,則以 以 「惠者民之仇讎,法者民之父母」,其書 莊子齊堯、桀,黜 强 爲死徒; 任自 有道、法、名、農、陰陽、 嗜欲,不顧毀譽。 聰 然 明 禮 爲 則 謂 亂首;主 以 凡之亡不足 有 忠 臣 <sup>《</sup>管 守 爲

四四

謬語 史部 見世 見 所引。 觀 道 惡 用。 於公孫龍巧言 孝弟仁義,無足論矣! 術 傳之後,即 古事,大致 教人主以不任人、不務德。 有算學、重學、光學之理 心,法後 論論 一下、《經説》上下四篇,乃是名家清 劉向謂其中詆孔子者爲辯士 《荀子》雖 又如 變,勢不 孫子》惟《用閒 尹文、慎 韓 卑行 孫》、《吴》、《尉 非 王、殺《詩》、《書》、讀「隆殺」之「殺」。 《關 用 近 鄙 爲 能 申 尹子》多勦 儒 ,教人主以 世道 到、 名爲 無實, 廢。 之術,兼商 篇》末有謬語 鶡 《晏子》兼 經 儒家,而《 晁公武以 冠、尸佼,可 鬼谷 繚 籍之禍。 此外,若《吕覽》多 佛 》,兵家 不 殘 陰 、《尉繚 一傷託。 書 誠。 《戰國策》人子部,今人 之法,慘刻 賊 商鞅 通 不 非 ,并有 儒 可 可讀 專 《韓非子》及 》惟《兵令篇》末有 十二子》倡 ^ 申不 采 鄙 (戦國 暴横 門,尚 墨,瑕 後世 無 言 害專用 皆不 多。 無 道 [策》考 無 不害 瑜 盡 裨 雖 書 他書 理 至 存 語 足 略 廢 性 致 4 苛。 趨 最 獨 繆 非

智慧者 事,雖 《文子》全襲《淮 者自拙 氏之學爲之也。「大巧若 後,是養成頑 吏巧士挾詐 苟安誤國之風,致 最爲純正; 如賈長沙、董 治《公羊》多 法言》文藻而已; 避鑽刺之巧則可矣,若步天測地、工 鉅。 老子 天資 易見,學者 道家如《淮南》,可資考古,閒 有附益,要皆有本,近人概斥爲王肅 ,豈有巧拙相類之事哉? 皆爲此 見道 功 乖 》墨守 (新書》已多殘缺, 險, 江都 在 説 誉 頗 西 後 鈍 所誤 或愛其文采, 鮮 《孔叢》、《家 劉子政,皆爲儒家鉅子。 私、 深, 師 漢 積 南 有 之説 之 弱、不能 輭 陋 功 》,皆出作僞。 故學老者病 事 初, ,幾陷大愚之誅 媚 儒 用 事 拙 《春秋繁露 空 無 較 語 而 則 數十年來,華人不能擴充 有精理。 耻 疏 博, 》甚多精 自 病 傚、 或 語 作軍 之習,其害亦 廢學之弊,啟 振 發 最 而 節 實 之中 諸 痿痹,學餘子 害 於二千年 械,巧者自巧,拙 開 取一義。 言, 精義頗 西 大抵諸 事。 人僞作,未免太 見 宜 説 [漢儒 後 兼存 分 施 苑》、《新序 華者, 此 世 别 多 家諸子 行 孔門 謂 觀 君 之, 惟董 者 世 之 荷 爲 猾 臣 紕 俗 行

辨 嫌 者 疑 病 而 冥 者 發 視 .行不休,墜入於泥,亦必死矣 狂 聖 人。」若不折衷 董子曰 : 正 朝夕者視北 於聖經 是朝 辰,正 夕 不

往往 説 顯 諸經之義,其有迂曲 餘 諸儒,嗜古好難 秋》者爲尤甚。 造 旨 十子之説,乃秦漢經生之説也, 論 ,又羣經之權衡 ,是孔子作《春秋》 波,實有不宜於今之世 ,如「文王受命」、「孔子稱王」之類,此非 () 讖益 之初,曲 異 説 有大毒,可以殺 い、《孟 · 獨諸 緯 ,或以 ,以媚巨奸。 學 子》折· 子然也,羣經簡 团 篇 新周、王鲁,以《春秋 世,以 簡 力爲闡 衷之。 摩 矣。 而亂 人。 難 滅,或 冀 於是非常可怪之論益 通、紛歧莫定者,當以 伊 ·揚,其 假 立 一道者,如禁方 ĴΠ 臣賊子喜也。  $\sim$ 論 學。 程子曰 出 如 古,其中每 × 後 近 風 》當 而説《公羊 哀、平之際, 師 儒《公羊》之 孟 日 新王。 誤 「窮得《語 文 肆,演 解。 奇 竊惟 多 約 乾 藥, 其 意 嘉 春 七 漢 奥

> 弊恐有 學;光緒以 權 孟 衡相似。」道光以來,學人喜以緯 》,自有 非 要約 好學諸君子所及料者,故爲此 處 來,學人尤喜治周 以此觀他 經,甚省力。 秦諸子。 語 》、《孟 佛書 峛 其 説 講 丈尺 流 經

### 正權第六

規之。

此 不 將 百 民 害。 權 興學也, 士之不 召 之議 亂 今日 之言 憤 以以 能 百司之不講 世疾 戦 哉 水合 也,大臣之不 俗之士, 羣 民 而 權 求 自 之説 恨 工 振 商 變 外 人之 法 也,於是 嗟 無 也,官 乎 1 欺 益 淩 倡 加 安 師 也 得 之 爲 有

曉 者 外外 尚 多。 將 國 文 興學、立政、練 議 環 院 球 歟 之大 ? 勢 中 兵、製器之要不 國 不 士民 知 或 至今安於 家 之 經 聞, 制 固 即 不 陋

貨者 又 下 談 不 無 囈 膠 「乃得 議 遠 院 語 膠 等耳 志,議 文 擾擾之人於一 將 法 舉 焉 等事重 及大舉 議 用之? 此 員 無 益 · 籌饟 在 今華 者 室, 且 H 外 明 必必 議 商 或 院。 者 素 皆 鮮 推 款 故 鉅 闇 諉 等 必家 貨,華 默 者 事 息 百 有 重 議 民 中 在 游

壓 欺騙 鬨 無 所 集 鬭 禁,何必 股 則 之事,若 誉 存者矣。 將 誰 連, 以立公司 爲禁之? 家 有 獲 有 權 利, 技 無 機 ? 官 者 器造 百家 開 權 自 此 且 爲 可 I 無 菙 仿 貨 之懲 合夥 廠 益者 商 行 廠 歟 硒 ? 假 罰 造 習 無 冒 機,本 常常 官 則 有 牌 權 貲 公司 有 名, 爲 者 非 藉 之 眥 工 自 官 招 匠 彈 本 法 股 口

之材 院 學堂之理? 立 既 義學 以 無 開 進 學堂 身之階, 設 何 善堂, 必 歟 有 ? 權 又 例 ? 無 子 從 來 餼 旌 若 紳 廪 獎 盡 富 之望,其 廢 豈 捐 官 轉 貨, 權 有 誰 學 創 禁 成 開 書

來學者? 此無益者三。

亦不 能 需 又無船澳 借 饟 將 無國 能 洋債 以 進 練 口,徒 ? 兵禦外 法 以 此 造 豈 能 手 戰 無 或 益 鳥 艦 抽 歟 合,豈 者 釐 即 ? 四 捐 欲 既 ? 能 購 無 之外 非 機 戰 或 廠 家 ? 洋 以 擔 況兵 非 製 官 利

豈

必

物

械

謂 爲 民 暴 他 掠 四 其 自 八業者, 云國家法令不能 主之 起,倡 倡, 君 人。 市 名,兵船 朝 虐 鎮 廷於非理要求,可 方今中華 愚 ′,焚 或 政之後 是 由 此 民 民 毁 陸 朝 議 必 我 權 廷之法 軍 教堂, 吾恐外 喜 者 舉 誠誠 制 朝 之説 服 深 豈 深 亂 國 彼 得 非 諉之民權 民 以將自以 古 維 怨 、占踞, 雄 獨 一厚澤, 必作, 憤 敵 繫之也 强 安獨 广上下 兵力脅之。 人 不 然 全 洋各國 願 所 朝 紀 活 局 百 此 願 無 ? 綱 相 拱 姓 大誤 使 聞 苛 不 攻 尚 必 且 昔 手 民 者 政 也 藉 必 能 始 法 而 權 矣。 何 屬 將 之説 改 保 大 自 國 若 之 亂 承 護 劫 安 或 我

謂 倡 有百 此 亂 [害者 階 以禍 忧 其 身而并禍 天下 哉 此 所

言上 尤 民 之談耳。 欲民 之人人無自 官掌之,君 有 可 弊,下挾私,上偏徇,深以爲患。 有 民權」,誤矣 得 大誤 兵 共 有 議 申 律 益 而駮之; 主 爲 帝 院 考 耳。 予 其情 矣 外洋民 近日摭拾 或 爲 民 人 民 怪 有 閒 必 以性 非 主之權則可, 譯者竟釋爲「人人有自主之權 妄 皆 有 泰 工 口 議 權 西西 欲民 律,商 政 以 不得違 美國人來華者 院 之説 靈 西説者 諸 政 發 所 此語 攬其權。 國, 人 公 定, 所 有 必 其 論 人各 出 華人之稱羨者,皆不加深 由 ,甚至謂人人有自 有 商 無 朝 安得 法。 達 於彼教之書, 來, 律,律 法, 論 廷 自言 有智 君 衆 得 譯者變其 其 官 政 曰「人人自主 其國 主、民主、 情 而 意 府 有 慮 師 散之。 面 不 議院公舉 所 習 官 聰 己。 過 **�**, 之, 律 明 其 文 日 議 主 日 謂 法 兵 君 皆 意 但 或 7 考

> 也,譯 哉!? 猶言 至 環 貧 坐食 夫,賤不服貴,弱肉强食,不 長。 外 球 民 事 或 萬 若人皆自主,家 願 農 事公道 今 夫一 或 劫 願 有 必 奪, 蠲 鬨 自 無 子 租 於衆 之市 由 此 不從父,弟 政,生 黨 商 也 願 有 私 必 西 專 益。 有平, 其 語 番 利 家 實 蠻 譯爲「公諭 不 日 盡 獠 I 鄉 羣 尊 滅 亦 願 私 盗 里 人 師 必 高 其 之中 勃 , 婦 類 無 價 鄉 而 黨 此 不 特」, 不 無 士 必 此 俗 從 業 願 有 可

矣,然 立,南 能 而 擁 地義之道,古今中外不 天下之心,以朝 拒 衆 南 渡, 若强 鳥 依 兩 加 桓 中 不 河 於晉,而 中禦 結 原 能 祖 寨、陝州嬰城, 數千里之遺民,人人 據 外 逖 廷 之策 遂足以 智 威 邑; 勇 靈 善 易之理。 , 合九州 田 惟 禦石 戰 疇 有 莫能 德 以 在 勒 望 之力 忠 中 昔盜 自保, 服 義 原 宋 可 號 以 棄 不 跖 乃 召 宋用 自 汴 能 天 而 才 主 孟 自 怒 合 京

爲「自由」

非

之,而 韓、岳 需 戰 曾文正名爲起家辦團 權能 連 行民 回之志 吴玠、吴璘爲 戦 以來,皆是募勇營,造師船,濟 勵 破敵 寨義 禦 以 有順昌之捷 爲大將, 氣 敵 國 國 激 ,王師敗於富平,其衆遂散 勇也, 家之賞罰 民權斷 厲三軍, 將, 加 先 加 成 以 3 後保全蜀之險。 破金之功,八字 趙宗 不 感 不 練矣,其 圃 能 發 能 以 禦敵 印 海 戰 耿 起 爲 内,故能 耿 實 國 忠義、 義 人欺 「勢固 自 以國家之饟 兵 與 少。迨宋 於 成 髪 蓋 軍 百 劉 弱 然 戡定 惟 亦太 折 匪 錡 也 中 用 接 不 國 用

中 政 或曰 至 有 日 大 事 : 聯名公呈於都察院 國舊章所有也 民權 事 韶旨交廷臣 民 不 權 民 미 固 得 僭 有 以 一、公議 弊矣,議 會議 公呈達 即 或 外外 不 或 諮 院 口 於 家 詢 吏 無 獨 院 令紳 有 所 不 大事 司 不 凡 可 道 及,一省 局 遇 設 京 府 公議 有 平 朝 大 甚 ?

> 達? 時 但 官 而 堂 縱 建 有 無 미 議在下,裁 大 欲 沸羹之弊, 忠愛之心、治安之策 陳奏,可呈請 如其 興 開 議 事可 院 一才日 其 擇 見 何 在上 施 必 代 如 盛 行, . 奏。 襲 無 然 一,庶 議 議 固 後議之,今非 何 員 乎 院之名 朝 方今朝政 何 收 廷 患其 羣 ? 所樂聞者 哉 策之益 此 不 清 必 能 明 其 俟 此

循序第七

時

也。

之功。

豈團

練哉?

豈民權哉

者矣。 爲 然 亂首 不 今欲强 先 以 弱 中學 者爲 中 國 固 人奴,其 其 存 根 中學, 柢 端 禍 則 更烈 其 不 識 得 於不 趣 不 講 通 則 西 西 强 學。 者

以爲 專信 近 日 英 孔 或 教之弊,此 洋文 報 譏 大誤 中 威 也 不 肯 變法 彼 所繙 强 四

備武 譏 天 孔門之政,尊尊 學,博文 從出也,巧 之;以避 非、 弊爲養元氣,此老氏之學,歷代末造之政 非孔門之學也。 文,禪寂之性 地,贊化育 、墨翟所非 五 何 李斯之學,暴秦之政 、因時 事 經 m 皆 無 事 而 約 宦 責 俗 爲老成,以 者哉 党遗迁 制宜 理 禮 用之,非孔門之政 焉 儒 而 温 ,雜博之考據,浮誕之詞 耳。 村 簿書文法,以 親 師 陋 故 孔子集千聖,等百王,參 親 淺 解 無用之老儒 先富 而 偷惰 哂 釋 知 所 之講 之理 新,參天 從 爲 而 出 吏 章, 息 後教,有文 也。 固 民, 也 爲 腐敗 如盜 不 師, m 孔門 以 俗 知 盡 此 不 吏 之 孔 跖 物。 章, 所 而 之 除 韓 時 所 用 教

亂、九 學術文章。 師 立教之旨; 今日學者必先通經,以明 州之風 然後 ±, 考史, 擇西學之可 涉 獵 以 子、集, 識 我 中 以 我 以 補 國 中國 通 吾 歷 我 闕 代 先聖 中 者用 之 或 治 之 先

> 也; 羞; 物 或 之, 舟,其西學愈深,其疾視中國亦愈甚 學,此猶 本國之强 多陳述本國先君之德政,其公私樂章多 書。 學必先由中學,亦猶是矣。 無其 地 多能之士,國家亦安得 西 外國名學堂,每 小學堂先習蠟丁文,示存古 療 害。 圖,再覽全球圖,示有序也,學堂之書, 政 病 之可 不知 盛,示 者,先審 如 養生者 以 其 起 愛 姓之人,無轡之騎, 藏 吾 國 日 先 府, 疾 必 也 有 者 誦《耶 而 而用之哉 穀 取之, 華文不深者,不能 如 後 氣 中 可 蘇 士 施 而 斯 也 經 圃 藥 後 有 》,示宗 無 不 先 雖 石。 口 其 熟本 有 柁 通 費 飫 益 譯 之 揚 博 中 教 庶 西 丽 西

## 守約第八

H 本; 儒 以言乎遠,我 桁 危 矣 以 不 言 미 乎邇 不 鑒 於戰 我 不 可 或 不 昔 鑒 戰 於 歸之。 好,而 大謾。 少功? 談之《 諸子所操之術, 書策,修文學,用之則 又教其門人公尚過不 詬 爲九流之一耳, 國之際, 儒家者 儒 論 以 墨 繁 由 流 六 儒 詬 絶學 難 於 博 家 術 儒 有 幾 無 要 而 日 無 焉 皆 博 指 爲 用 寡 憂。」又 得 「累 以 無 誣 **>** 異學諸家 要,勞 而 爲 約。 儒 便 或 讀 壽 聖? 得 家 捷 亂 書。 以 其 不 而 故 放 如 。」《韓非子》語 能 孔 故焉 少功。」何 縱, 所軋 此 焉得爲賢? 法 學 盡 子 之儒 詬 者樂 投 説 其 儒 學。」 + 世 吾 其 日 聞 人 止 讀 以 説 : 墨 之 經 大率 미 寡 而 司  $\Box$ 所 藏 子 爲 多 列 馬 老 要

事 孔門 之世 時 可 所 變 以 先 ,則當以 致用。 無 博 博 多 後 」,非今日 人執 約 故其博易言也。 孟 孔 子 守 孟 業 所 約 之 可 謂 施 教 以 博之説 所 博」也。 同 成 今日 名 通 3 而 之。 四 官 孔 處 部之 習 孟 今日 之 且

> 書,汗 經 者,不過什 師 羣 而 儒 論 牛 之説 充 古言古義 五 棟,老死 解,紛 加 己。 紜 隱 不 百 能 奥 出 難 徧 大 觀 明 率 而 譌 有 盡 舛莫 確 識 解 定 定 即 後 以

救 欲 辭 不 **武道**盡」 不學者之惑 者,今日無志之士 微寖滅,雖無 而 行 (之, 庶) 立 悦中學,因 不 面 兼 知其 廢 助之攻,於是樂 滄海 講 中 之憂。 可 舊 學 横流,外 益 以 學 則 而 嬴 閒 倡 則 後 秦坑 儒 執 爲 此 力 快。 益 本 讎 中 侮 可 不 不 焚之禍 爲 爲 洊 中學者之 其 學 給 是 悦學, 人 繁 至, 便 大懼 惟 所 圃 難 再 設 不 亦 賤 和 無 者 歷 離 講 口 之者益衆,殆 用 數 矣 聖 經 必 易 新 之 畔 有 年 教 簡 學 而 说,設 道 梁元「文 儒 尤可 之 解 苦 則 者 畏 策 其 勢 尤 難 以 淫 患 寖 難 不

除門 面 今欲存 始。 中 爰舉中學各門求約 學 必 自 守 約 始 之法, 守 約 條 必 自 列 於 破

不以 好古 明白曉暘、文字有 博,亦有合焉。 過此以往,專力講求時政,廣究西法。 十年可了 政 歲始,以左方之法求之,統經史、諸子、理學、 天文、地 經》、四書、五經 後,損之又損,義主 止,能者爲之,不必人人爲之也。學堂之書, 堂教人之學。 博,與子夏所 人學,必有三、五人願爲專門者,是爲以約 此 專書,中 治、 五年以 研精、不 殫 地理、小學各門、美質五年可 見 理 ·材亦五年可了,而 後,博觀深造,任自爲之。 、歌 治 若有學堂專師,或依此纂成學堂 聞 騖功名之士,願 謂 括、 專門之書,求博求 爲 大抵 正文,隨文解 博 益於今日行文者。 學近 圖 賢。 救 一式諸 有專門著述之學, 世,以致用 + 思、荀 書, 五 以其閒兼習西文。 歲 爲專門之學者 及漢、 子所謂 義 以 並 、精,無 當務爲 前 唐、 通 讀 然百人 自十五 以 誦《孝 中中 史 其有 宋人 有 有 淺 貴, 略 材 學 持 存 底

> 學堂與普通學堂爲 但 長 通 人人必解者也。 之日,吾學吾書,庶幾其不亡乎 曉 貴 中 舉要切用,有限有程,人人能 學大略之人。 兩事。 西人天文、格致,一切學術皆分專門 將來 書 種 入官用世之人, 既 存,終有萌 解,且 限 皆 定 滋

《詩譜 下者, 政典 六典。 之樞紐,官不治,則國民交受其害。 民,《詩》之大義,將順其美,匡 之大義,陰陽消長,《書》之大義,知 若荒唐險怪者, 義,治國、治官、 匡救其惡。」《春秋》大義,明王 禮》之大義,親 刑 》序:「論功頌 治典 典 謂之大義。 經學通大義。 事 經邦國 典,皆國 德,所以將順其美; 親、 治民三事 乃 治官府 官 異端,非 凡大義,必 尊尊、賢賢 民三義並舉。 紀萬民。 切於治身心、治天 相 此爲《周 大義 維。 道 其 刺過譏失,所 明白 餘教 蓋官 也。 誅 救 太宰 周 禮》一 亂 其 爲 典 平易 禮》大 建邦之 國 ^ 人安 禮 賊 恶; 易》 與民 經 典 以

七端: 批 考其最著而今日有書者。 隱 别 日 據者 以國朝人爲善。 反。 經貫通之義。 音韻爲一要事。 《孟》、《左傳》之説《書》,大、小《序》之説 禮》,皆所謂 經之大義也。 有之義,故漢名《周官經》,唐名《周官禮 〈詩》,《孟子》之説《春秋》,《戴記》之説《儀 力。 郤導窾,事半功倍。 奧難明、碎義不急者,置之不考。 ,擇其較長 事,多則 本經授受之源流,古今經師之家 大率國朝人説而後出者較長。 要指,謂今日尤切用者,每一 明例,謂全書之義例。 譜與表同。 大義也。 熟於《詩》之音訓,則諸經之音訓皆可 百餘 如《十翼》之説《易》,《 一説主之,不必 解紛,謂先儒異義各有依 事。 以 欲有要而無勞,約有 上七事,分類求之, 大率羣經以 會通,謂本經與羣 圖 表。 《毛詩》以 再考,免耗 諸 闕 此總括全 經圖 經 國 一流 疑 論論 朝 表,皆 少 法。 訓 經 謂 則 隅 詁

纂》; 即 考證古説 《論》、《孟》除朱注外,《論 《詩》止 注。 IE 翬《儀禮正義》;《周禮》止讀 者,惟此書立言矜慎,尚無流弊。 止 語正義》、《孟子》有焦 讀鍾文烝《穀梁補注》;《儀 傳》止讀孔廣森《公羊通義》; 及孫星衍《周 主,参以國朝 並 師之説爲主: 義》; 不相妨。 讀 讀 顧 通行注本,不必考辨 書》止讀 欽定七經傳説、義疏,皆學者所當讀,故不備舉。 讀陳 棟 已刊未畢。 ^ ,惟義 高《春 論》、《孟》、《學》、《庸》以 奂《毛詩傳 易 經師之説;《易》止讀《 孫 《易》則《程傳》與古説 理 星 集 秋大事 《禮記》止讀 仍 解》,孫書兼采漢人説及王弼 術《尚書今古文注 以 《循《孟 朱 表》; 疏》,《春秋 語 注 春秋 子正義 》有劉寶 爲主;《孝經 爾雅 禮》止 朱彬 孫 國朝人講《公羊 《春 詒 穀梁傳》止 讓《周 **《**禮 秋公羊 》,可 讀 止讀郝 朱注 《楠《論 兼取 左傳》 (程傳) 疏 記 胡 資 禮 訓 培 爲

勘學篇

之。 學堂 過一 或 録 成一書,皆采舊説,不參臆説一語,小經不 説,不必措意。 本加 先講明之, 解,亦須五年。 鈕諸家,明白詳慎。 懿 而 大端已解矣。 、説文》止讀王筠《説文句讀》。 兼采段、嚴、桂、 東塾 本 行 不 以上 年半 説 經全文。蓋十五歲以前,諸經全文已讀,文義 卷,大經 以 哂 讀 爾 經義之書,不必章釋句解,亦 鉤 一所舉諸書,卷帙已不爲少,全讀全 書 雅 ·畢之。 乙標 即 記 師以 用韓昌 義 若照前説七端,節録纂 或 不過二卷,尤便學者。 》、王文簡引之《 疏 識。 段注《説文》太繁而奥,俟專門者治 廢 宜就此數書中,擇其 是講,徒以是習,期以一年 **\***; 如 於 一黎提要鉤元之法,就元 但看其定論,其引徵、辨駁之 ^ 此 半途,亦不 五 治經,淺 經 總 義》止 經 義 而 至 不謬 述 全無 讀 集, ハ要義 聞 此 不 陳 簡 爲 必 澧 以

得。

有經

義千餘條以開其性識,養其本

非邨塾學究、科舉時流之所能矣。 先盡破經生著述之門面,方肯爲之,然已根,則終身可無離經畔道之患。總之,必

四

《通》。 制止考 緩也。 之。 典》、《通考》,約之以節本,不急者乙之。 議。 《通鑑》之學、《資治通鑑》、《續 寄禄虚封 《天文》、《五行》, 約之以讀《紀事本末》。 考之,無所取者略之。 亂大端、有關今日鑑戒者考之,無 大端有二:一事實,一 如漢《郊祀》,後漢《輿服》,宋《符瑞》、《禮樂》,歷代 典制擇其考見世變、可資今日取 有關 地理止考有關大事者,水道止考今日有用者,官 正史之學,約之以讀志及列傳中奏 史學考治亂 ,閒曹雜流,不考可也。 治理 者。 元以前之《律曆》,唐以後之《藝文》,可 如古舉今廢,名存實亡,暫置 典 制。 典制。 事實求之《通鑑 典制求之正 二《通》之學,《通 通鑑》、《明 事實 史學切用之 關 擇 史、二 通 法 者 其 屢改 鑑》。 者 置 治

有應詳 此 今致 因 《考異 讀趙 義 讀 論》、《宋論》 御 通 ]尊王 [朝人有《文獻通考詳 例 《御 略 最 批》最 考》取十之三,《 》精於考 翼《廿二史劄記》。 純 用 而然,好學而更事者讀之自見。 而不詳者, 批 知 正 之史學。 其 通 爲 古,略 義 鑑 得 而 識 輯 例 内又有數門 中, 專 多 覽》。 於致用。 可 節 重 獨 而 也。 若考古之史學,不 》,但 通 守 到 切於經世 典》取 若司 經。 可 可不考者。 王氏《商搉》可節取,錢氏 考史之書,約之以 緩。 圃 事中最要之原委條目 偏 馬 王夫之《 十之一,足矣。 史評,約之以 公《通 之用。 好 凡此皆爲 翻 通志》二 案 鑑 此 通 3 説 在 惟 論 通 鑑 非

及别 棄之。 出 新 諸 説詳《宗經 理 子 而 知 不 取 悖經義者取之, 舍。 》篇 可 以 證 顯悖 發 經 孔 義 孟 者

朱子》一卷最

善。

一理學看學案。 五子以後,宋明儒

補 稍有 惟 愿 語 互起 者 面,宜更采録之。 多,學案所甄録者未能 學家專書 之,取其什之二即 然易見。 棃洲《明儒學案》成於一手,宗旨明 讀 者 輯 録,質而 遞 一,出 ,選録較寬,而議 相 門户習氣。 學案,可 惝 沿 怳 人佛老,界在微茫,文體多仿宗 兩書甚繁,當以提要鉤元 襲,探 可緩矣。 而 近 無 以 俚。 得, 兼 索 全謝 陳蘭 可。 考學行,甄 高明者厭倦 幽 惟《 理 渺 論持平 學 山《宋元 朱 盡見朱子之 辨辨 通 甫《東 不絶 子 此 析 兩書 語 - , 學術 整讀 綜 朱、陸, 學案 類 如 加 流 綫 不 書記 其 之法 全 得 原 派。 》成 顯 觀 焉 體 書 餘 掊 失 達 耳。 真 甚 理 瞭 於 而 黄 門

然詞章有奏議、書牘、記事之用,不能廢無足觀。況在今日,不惟不屑,亦不暇矣。一詞章讀有實事者。 一爲文人,便

字。」又曰:「作文字須是靠實説,不可架空細巧,大率七 詩,則不至勞精損志矣。朱子曰: 作,勿爲鉤章棘句之文,勿爲浮誕嵬 也。 處,只是平易說道 述理之文讀之,其他姑置不讀。 八分實,二三分文。 語類》 當於史傳及專集、總集中,擇其敘 一百三十九 理,初不曾使差異底字换却 歐文好者,只是靠 寶而 「歐、 若學 有條理。」均 尋 蘇 瑣 者自 常底 文好 之 事

産,一 知今, 路,一險要,一海陸邊防,一通商口岸。 日考之可也。 漢志》之證古、《水經注》之博文,姑俟暇 都會,一 一形勢, 地理考今日有用者。 一今日水道,先考大川 考地理必 運道,水道不盡能行舟。 有圖,以今圖 地理 專 若 爲 道 物 在

> 俄、法、德、英、日本、美六國,其餘可 圖索之,十日可畢。 遠近,都會海 全形,外洋諸國,亦須 主,古圖備考,此 口,寒煖險易,貧富 爲中學 暫可不必求詳,重在 知其方域 地 理 言。 廣 强弱。 狹 若 緩。 程 地 按 途 球

涯涘。 故附於此 世之具也。 梅侣、李壬叔諸君,專 製造,莫不有算,各視所業何學,即習何 與矣。天文、地圖、化力、光電,一切格 欲卒其業,皓首 之算,取足應用 精算,而算不足以盡 今世學人治算學者,如李尚之、項 算學各隨所習之事學之。 算學西多中少 而止。 難 期。 西藝,其於西政 講算理, ,因恐求備求精有妨中學 如是則得實用 此專家 之學, 窮 幺 極 非 更 而 西 郷 學 致 無 人 有

詁,猶西學之繙譯也。欲知其人之意,必一小學但通大旨大例。 中學之訓

之爲 譯 甚 朱子 欲 實 訓 可 明 曉 駭 先  $\Box$ 日 理 論 而 多。 謂 爲 刊《説文》,不 詁 都 見 其 者 漢 曉 所注 可 佳 急,今人多是 文 近 學 其 玩 善 曉 意 也 後 訓 一《答》 謂 索 義 人 説 不 者 人之語 生 宋學, 詁 潛 \*,然後 得也 各 善 經文。」《答張敬夫書 經 厭 也。」《二程遺書》、《近思録 伊 且 夫 則 [聲。 經 者, 中 昌 111 教 論 伯 1。」《答黄直卿 當 , 學 斷 程 他 訓 恭 知 不 可求 依 **>** 若不通古音古義 者 殲 無 去 依 子 書 . 過 詁 韓 古 古 讀 本 日 等妄 丈有 精 只 其 動 聖 . 注 書 此 子 久遠,經 審 意,未有 説 詆 書》。 外 爲 認 作 丽 一,考 言 意 訓 凡 訓 天 不 得 訓 語 否? 詁 誑誤後 看 詁 又曰 又 據《 先 訓 詁 口 類 文字, 文 日 爲 影。 文義 使 此 通 詁 《説文》 簡 卷 要 \* 賢 大 而 因 人 訓 文義 七。 者 「漢 生,其 奥 爲 贊 向 以 朱 欲 詁 先 謬 尚 不 多。 解 聖 者 成 子 此 儒 曉 議 分 又 須 之 叮 無

學不 之義 經籍道熄之一日 之才士,必皆 典之古義茫 其人,何 之,十日 通六書,不爲究極 則 字深求者也。 以 分 例 不 惟 古 部多列祭禮, 闕 聲類求義類之樞紐 反,亦 百 書 即 通古今韻之隔閡 講 之不 年 例,至名物 미 何 以 至 或講之 粗 是 應 異 論 來, 舟車今制爲詳,草 有 通 説 用 不 昧, 薄 病。 解 廢 許學,則 講《 許 能 聖道 故 無 僅 大旨 也 閒 時 月 君 譯 説文》者終身 爲 關 書 有 存 要之,止須通 破 大 功 西 既 繁 大 ,識古籀篆之源 爲 難 道之 大例 迁 力有 曉 有 通 文 用 不 難 明,義例 淺 脱 ·蟲 而 部 足 限 逸, 者,解 俗 患 致 引 須憑目 断 如水部 欲 首五 觀 復多奥 説 哉 矣。 申 人 通 觸 偶 鑽 厭 後 驗 百四 其 吾 自 西 得 義 棄 類 有 I有專 研 ,皆不必字 若 書 大旨 恐 起 書 明 委, 但 抵 十 之 廢 趣 存 則 書,示 汩 師 平 爲求 牾 有 字 時 小 知 經 品 大 平 説 没 ?

二七

二八

覽》、《文獻通 中學亦有主宰矣。 近 思 如 録 資 性 平弱,并 東 考詳 塾 節 讀 書 此 記 亦 果能 ×, 畏 難 熟此四書 御 者, 批 則 通 先 鑑 一,於 輯 讀

### 去毒第九

才,其 煙 以 餘 爠 藥價三千餘萬 載,猛獸之害,不出殷都, 力,近年進口洋貨價八千餘萬,出口土貨可抵五千餘萬 也。 (年,蔓延二十二省,受其害者數十萬 後浸淫,尚未有艾。 也。 害較 遂成 然 哉 而 爲今日之中國矣。 則 耗 殆 洋 財 漏 卮 有 煙之 而 也。 甚 又甚焉。 焉。 是中國不貧於通 爲害,乃今日之洪水 廢人才, 洪水之害,不 洋煙之害,流毒 志 圃 氣 弱兵 廢害文武 商,而 不 强,精 氣 貧於吸 耗 萬 過 洋 力 人 財 百 九 猛 洋

不充,任事不勤,日力不多,見聞不廣,遊

歷

深思、不廣交、不遠行而得之。

陋

生拙

拙

生

無遠 取辦 於講 考諸萬物。 之。 中國 詞 無 政所不能化者,學得 曰: 禮,有耻 禍 煙之始,由於嬾惰,嬾惰由 不遠,用度 論 章、 所 中 語》日 君 百家之學,亦皆索之故紙,發爲空言,不必徵諸 顧亭林 於鈍 骨化 章 知 志,行旅無捷塗,大率皆可 或 昔者國家嘗嚴刑 -墨卷; 子如 無 且格。」是法 誰 農 器老 而 日 所 不節,子 無 「齊之以 能 爲四 欲 「以 知 官之學,取辦 厚 除 陣。 化 由 利, 之? 法 裔之魑魅 民 於 治 如 息不 地 成俗 而化之,何也? 人, 刑, 無 所不能治者,名得 峻 是已足。 無 然 不若以名治人。」《學 見 法 蕃 異 免 而 其 聞。 於無 以 而 於例案, 産、工 面 吾 後已 更數 禁之而 必 無 意 以 士之學, 事,無事 近日宋學、漢學 由 耻 以 + 不 無 學 年, 勤 爲 新 兵之學, 不效,天 齊之以 乎。」是 中 動、不 器, 不 取 由 而 國 必 治 於 吸

緩,緩 賤 藥 不 有 游 學之故 Ħ 爲 俾 欲 歷 也 ,無有不學, Ŀ 其 畫作夜,終老 生 況禁之哉 也。 測行星 (君子 暇 暇 若 胸 弱者學之於閱報 生 學 下 羅 廢 會 窮 五 於一 廣 故 地 洲 於 興 是 隔,旁探 其 日 燈 . 嗜 文 小 興 好 武 榻 X 、學者 中 道 者 思 南 ,强者學之於 之。 ? 北 窮 極,豈 百 戒 導 城 此 藝,方 之 煙 鄉 皆 之 且 尚 貴 不

吏、師 彼 愚 傭 僕 抵 滅 分,師 賤之人而 一商賈 各自治其 絶之憂。 其官 楊 近 長、田 不 之 日 不 以 藪 師 海 以爲 爲 已。 所 如 ",猶 主、 内 H 士 傳 屬 一海、揚 志 夥,匠 一,將不 不 工 之人。 夫不 舍 士, 戒 師 亦不 州 傷 不 也 治富 師 以 均 時 乏 如 不以爲工。 戒 爲 且 吸 有 念 貴 吸 也。 兵, 官 煙 亂 戒 智能之人,則 煙 怵 師 者 煙會 者 田 吾 一,彼恃 主 主 謂 然 無 凡 不 其 惟 有 不 常 以 説 在 以 人 有 以 以 將 逃 治 爲 爲 大 類

> 治之, 學治 多創 以各 其 論 之士,大率皆富貴成立 訓 便, 此 何 智能 學 文 治其所屬之人,三十 衰 鄉 四十歲以 會 學 老 約 皆 會 少 者聽之。 約 壯 謂 列 此 之人, 下者不 此 宜 學 即 規 條 愚賤 以 + 規 戒 戒 或或 年 此 煙 者視 四 年 煙 之後, 有位,或有 不 + 會 而 剥 得 附 歲 絶 吾 窮 人會。 此 力 以 矣。 之 則 加 智 上 所 反 戒 今各 能 能 行 家, 此 家 否 少 及 訓 壯 其 聽 無 省 因

中,以 使 始矣 食之酖 不若 孔 人, 孔 孟 自 子 毒 復 何 求 Ė 9 生, 若 貧 獨 . 知 弱 我 人 以 有 中 死 明 耻 華 ! 耻 近 9 夫 教 古 乃 乎勇。」孟 天下 舉 以 今 怪 世 地 -, 其 變, 寢 球 子曰: 饋 萬 無 必 湛 國 過 自 溺 鄙 示不 於此 戒 於其 惡 煙 不 耻

時

乎

1

#### 勸 學 篇 下

#### 益 智 第

者 能 子 智也。 三: 二 强 者也。 自 强 雖 生於力,力生於智,智 愚 人力不 人力不 必明 (,雖柔必强。」未 能 能 禦大水墮 敵 虎 豹, 高 然 生 Ш 一於學。 有 而 能 不 然 禽 明 丽 能 之 加 孔

阻之開之者,智也

其壤 自 之技能,日 多,羣虎 存 地相接, ,故教養富强之政,步天 豈西人智而 相 出 伺 自 各思 新 輪 法,互相 華 船、鐵路 人 吞 愚哉 1噬,非 仿效 暘 ? 勢 測 通以後, ,争勝争 歐 鈞 地 洲 力敵 之爲 格 來往 長 物 利 不 國 尤 且 能 民 也 國之泄

采其

、法,師

其

長,且

可

引引爲

外懼,藉

以

儆我

中

沓,

戢

我

中國之盈侈,則

庶

政

百

能,未

力殷 我聖 是相 年内, 遠 以 於東 數,見聞 舊法、舊學之精意 舊法,隨 部,其治術學術 國之際,人才最多 學有畏友,不 人,遠識雄 治安而 祖高 阜,吾知必已遣使通問,遠 方, 形 進境 而見 所與 尤 時 宗之朝, 無 廣,故 修飭 尤 絀 患。 勞而 略, 速,如家 鄰 矣。 ,守其舊學,不 者,類皆陬 無 百 不囿迂 迨去古益遠, ,累朝 其 多 漸失。 假 有勝於中國者 年 益 時 使 處 以 朝廷 西 混 論 來,焕 通 今日五 中 國 衢,不 華 澨 恢 以 圃 强 春 蠻 舊 豁 踰 人才衆多 後, 然 遊 盛 夷,沙 秋、 洲 弊 問 大 範 大變,三十 就學,不 開 惟 傫 度, 大 戰 日 韋 通 而 是 然 (通,於 滋, 適 國、三 多 不 循 漠 已 獨 知, 惟 欺 物 足 蕃 而 其 處

季,其 必不駕 (時西 而 上之。 或或 勢愈强 乃 通 中國 商 用 兵,待 人才愈陋, 至道 光 雖 之

如故。 本。 謀,充塞 四 偂 事 钜 各書矣,然孤立 林文忠嘗 做於臺灣生番,再做於琉球,三做於伊犂, 不 前 創 壽 禍機急矣,而士大夫之茫昧 於 不終,曾文正嘗遺學生出洋矣,然造端 。罕有 天自牖之,人自塞之,謂之何哉 朝 於朝野,不惟不信不學,且 文文忠創同文館, 譯 鮮 儆 五 五 四 悟,又有 做 而 洲志》、《萬 無 於越 助。 髮 南、緬甸,六儆於 匪 迂謬之論,苟簡之 國 之亂,益 遺 史 駐使,編 略》矣,然任 如故,驕 詬 不 暇 病 西 焉 及。 玩 日 學

皆主 政也, 壘 之好惡,較各國之息耗,商之智也,船械營 化之學,工之智也,訪新地,創新貨,察 宜土化,農具糞料,農之智也,機器之用,物 一,測繪 其 夫 非 故 政刑兵 所 工 常,不肯殫心力以求之。若循此不 謂 程,兵之智也。 奇 食,國勢邦交,士之智也; 技淫巧也。 此教養富 華人於此數者, 强之實 人 國 種

> 改,西 得而智也 所役矣。役之不已,吸之、朘之不已,則 精,將冥冥之中,舉中國之民,已盡爲 即 智,士以導農工商兵。 必歸於吞噬而後快。 相忍相持,通 智益 智,中 商 愚 如 益 故 是故智以救亡,學 愚,不 前 士不智,農工 失 待 利 有 損 權 吞 噬 商兵 西 得 其 以 人之 粗遺 究 不 益

苟。 復振。 根 美國先屬於英,以智而自立。古巴屬於西班牙,以不盡愚 罕、哈薩克屬於俄,阿非利加分屬於英、法、德,皆以愚而 之智者,國雖危,人不能殘其種。 大抵國之智者,勢雖弱 也 固 政治之學不講,工藝之學不 求智之法如何? 二蔽不除,甘爲牛馬土芥而已矣。 陃 虚 憍, 妄之門也; 敵 不能 日去妄,二日 儌幸怠惰, 苟之 滅 印度屬於英,浩 得 其 而 或 行 , 也。 去 广 民 而

<u>=</u>

### 愚 民 辨

西國 則 歸 士,稍稍 教士,漸 咎 三年以來,外强中弱之形大著。 於中 閲《萬國 . 或 有 歷代帝王之愚其民, 悟 華民之智不 公報 》,讀滬 若 局 西 譯 人者 書 此大 海 接 濱

誣 校 襲至今,此 外,兼考書、算、騎、射、律、《明太祖實録》、《日 校,并設武 民 歷代何與焉? 士,舉賢良,求 愚之。」此李斯、韓非之學,暴秦之政也,於 也。 有 據 至 老子》曰: 唐設 我 耳, 非 朝列 謂 學。 不 愚 科 過 立法 民 聖,殷 茂才異 目多 明洪武三年開 爲 也。 漢求遺書,尊六經, 「有道者, 未 薦 至五 殷 自 善 舉 等,絶國 則 公 隋 以 十餘,宋廣 覺 私 以 可,謂之愚 非 世牖民爲 無 詞 以 [使才, 科 憑、 章 明 經經 民 取 詞 土 將 設 民 義 章 立 非 一,沿 則 學 博 考 以 愚 以 知

> 門,教 文館三 學堂 譯 也; 館 德 藏大江南北 經、二十四史、九通, 考》,教農學也 下地圖, 成》,教天算 刊 也,同治軍務敉平以後,内外開 教譯 刊 布《 ,學公法、 總署編刊公法、格致、化學諸書,滬 學 西書七十餘種 船 數 年 生有保獎,遊 也; 教 也 理 有 ; 精 優保, 地 西 鑛學、水 ,縱人入讀,教 設製造局 屢 藴 學 輿 遣 \*\ ~ 纂《七經 也; 西 學 出 ,教各種西學也。 學 暦 歷 洋 生 師 開 遺 教 也 有厚資 象 陸 隨 ^ 出 使 四 義 考成 ; 械 員三 洋 測 師、 經 庫 疏 刊 也; 赴 經 史百家之學 》館 布 × 年 礮 美、英、法、 緯 刊 朝 設 同文方言 有 臺、鐵 度,繪 修書,分 授 儀 廷欲 船 布 優 時 且 + 象 政 保, 路 同  $\equiv$ 通 考

■「《明太祖實録》」。

學 學 竊 譯 且 陋 民 ,故成 非 ,固足以通中學,咎在主 之愚,望 即 書 儒 不 俗 盡 廣 吏, 舊 法 材 學 制 動以 之 土 亦不 三場之法言之,雖不 弊也。 亦不精 之智, 新學爲 多,是不 皇 果 出 皇 詬 能 洋者大半志不在 如恐不及。 病 學 經 一司偏 者負 義 相 策 戒不 重 朝 問, 士 能 廷 學, 人剽 兼 無 事 耳。 事 故 西 如

數 中 1,甚且 自 或 朝 大 視 率 政 其 歸 近 民 咎於數千年以前,歷 高、 日 風 風 曾、祖、父,亦 無 氣 是 其 處 贊 羨 殆 西 無 不 學者, 足 代 不 比 帝 미 鄙 於 王 自 無 賤 人 視

> 千年 善 以 政 Ŀ (), 歷 代 西 或 將 有 相 何 師 學,西 儒 無 一人才。 國 有 何政也? 不知二

#### 遊學第一

貴。 聞。 秦,歸 年,徧 也。 臣 子、左丘 勝於中國學堂三年,此 白 9 聞 如 其餘 嘗見古之遊歷 遊 出 漢 國 歷 不如一見」之説 學之益,幼童 洋一年,勝於 明,0. 諸 光 而 策 强。 侯, 武 士雜家,不能 學於 才如吳起、 歸 春 或 秋 長安; 而 者矣,晉文公在 戰 不 讀 也。 霸。 孟 如 或 西 悉舉。 樂羊子, 子「置之莊嶽」之説 通 最 昭 書五年,此 趙 、外國 尚 人,庶僚 烈 武 遊 周 靈 後 學 學堂 皆 旋 # 王 外 於 趙 英 以 賢 微 不 年, 鄭 主 十九 遊 營平 如 服 如 名 康 學 曾 遊 親

變,決

不至

於

愚

矣。

譬

如

子

弟不

肖,

楹

有

博

通,

其

於

郷

濟

大端、

白

家

學

術

必

能

貫

徹

任

以

政

事

\*,必能

有

爲,且

一必能

通

達

事

欺

飾

及至

頹

廢

貧

困

一,乃怨

懟

其父

母

豈

不

而

不讀,家有

師

而

不

親

過

庭

人

塾

惟

務

哉?

● 「丘」,原避孔子諱作「邱」,今回改。下同,不出校。

三四

成、 效 袁崇焕 也 陳 元 爲 方 京 明 官之日 孫 承宗 潛 未 到 達 遼 之先, 東。 周 此 歷 往 邊 事 寒 明 3

洲 始 吞 爲 法 廠 得 伊 今日遂爲 或 餘 洋之學生也 變,雄 學水、 遣 爲 併 法 人,分詣 籐 并 駕 憤 或 請 火船 其 學 彼 工 Ш 涎 論 世子遊 其 役 國 視 陸 縣、 暹 JЦ 今事 伺 出 之不 + 東 德、法、 兵 各 王 海 榎 於 方。 憤其 紅 廠 餘 法,學成 感 第 : 本、 英國,學水 强 海 光 年 製 日 憤 造,歸 緒 不特 英諸 來 大國。 國 陸 親 本 盡 國 迎者,即 <u>-</u> 爲 奥 小 到 得 圃 内 此 國 西 諸 英 或 其 國之後 歸 毅 年 也,俄之前 洋 師 不 吉 耳 水 或 然 .所脅, 與 用爲將 特 利、 《學政 其 皆 師 去 何 變 法 此 學成之世子 諸 年 輪 荷 興 法 有 也 + 治 率 暹 機 蘭 之 衅 事 相 主 暹 其 年 暴 E 駕 兩 I 丕 切 游 大 政 行 羅 駛 徒 或 前 也 變, 商 歐 彼 更 將 久 之 事 百 船 ? 出

> 羅 暹 也 中 羅 暹 遂 -國獨 王 以 亦 不 不 自 能 通 比 西文、 上爲 其 中 俄,中 者乎? 西 學, 爲 各 日 或 本 敬 下 禮 有 加 暹

者,東· 精 近,易仿行,事 費,可多遺; 中文,易 求備,再赴西洋 至 人已 遊學之國,西 通 删 曉 節 3 半 去 而 功倍, 西學 華 ,有何不 酌 近,易考察; 洋 改 之。 無 甚 不 過 繁, 如 叮 於 中 東 凡 此 東 洋 西 情 學 若 東 勢 自 不 路 風 文 欲 切 沂 俗 近 求 相 要 於 省

之望 失之不 德學 效? 足 嘗 失之使臣 備 派 ,此乃禍人家國之邪説 時 京 水 或 曰 謂 用 選 陸 員 . 者矣。 監督 昔 也 遊 師 失 歷 之幼 各藝矣, 嘗 不 雖 矣, 遣 若因 措意,又無 然 也。 幼 何 童 以 噎 何以 以 又 赴 子 廢 材 嘗 美 所 食之 不 人才不多? 遺 出 學 勿聽 知 材 學生 身明文也。 習 談談 此 相 矣, 可 兼 赴 中 豚 也 蹏 固 英 何 籍 以 亦 日 法 車 有 又 . 無 :

長,工 故, 然不 不耻 患 益所不能 不 成 矣,何生之足云! 能 功 蹙國 ·顧,以 業,其要歸 唱 無 而 考孟 百 已, 曰「生於憂 也。 技 X 效 法 而 和 子所 外外 憚 不懼,是不 無 不 人爲耻,是不忍也; 心 論 於改 不 過 遠 無性 日 聖 遊 作 急 賢帝王將 動 動 官無 内 無 也; 心 加 忍性 能 不立學, 己。 冥 是將死 知, 然罔 ,增益 相 夫受: 歷 習常 是 士 . 覺,悍 險 於憂 侮 不 無 其 難 增 蹈 所 而

#### 設學第三

爲 蓋 然 日 不 而 ,養之無素,而 未 多 六科之目 今年 靚 也。 特 經 科 費 1,可以 之詔 去年有旨,令各省籌 未 集, 下, 求之於倉卒,猶不 當之無愧 興 士 辦者無 氣 勃 上 然, 多。 副 濯 辦學 聖 磨 夫學 樹林木 心 興 堂, 者 起。 堂

> 博 以 基 學堂加 數、繪圖、 堂習四書,通 充者,府能設大學,縣能 學堂,道府爲中學堂 道、各府、各州縣皆宜 之舉,所費既鉅 之學,習 而 而望隆棟,不作陂池 備 無弊,是非天下廣設學堂 理 升入大學堂之選。 已明 深, 外 格致之粗 而 、識已定者,始 或 中 益以習五 語言文字。 威 則 地 人不 淺 理、 州 mj 者。 有 經、習《通 望巨魚也。 能 學。 中 設 府 縣 遺 縣 甚 或 中 大學堂又 中學堂 爲 出 不 多, 學,尤善。 有 京 史事之大 小 洋 人文盛 口。 學 師、省會爲 鑑 且 堂,中 各 則 必 遊 》、習政 各省、 事 加 見 學 學 較較 略, 物 深 小 功 有 外 小 學 力 大 加 小 學 速 初 洋

堂也, 學 此 之財 堂所習,皆在 或 安用 日 力以給之? : 天下之學堂以 駢 枝爲 詔 書 ? 科目之内, 曰: 或 日 先 萬 以 數 府 書院改爲之, 縣 是 國 書 書 家 院 院 安 得 即 經 學 如 費

六

若 親 所 保 際 西 宇 産 都 佛 費 地 以 其 産,學堂用 堂 、賽會演 值 教 ,其物業皆 道 改爲 薄 族 護 得 末 田 養 一寺 法 奏 留留 矣。 産 以 日 儒 師 屋 中 官 熾 悉 之。 風 觀 餘 生、 明 什之三 宇 二氏 大 半 具 職 振 改 品 朝 其 戲 購 甚 率 起 之運,道 爲 然 由 此 廷 七 之款改爲之,一 狹 書 大 每 之。 數亦 如 旌 以 日 亦 布 中 縣 器 此 僧 小 獎 處 微 權 施 華 縣 數 今天 縣 ?,僧道 道 有 其 僧 家亦 宜 而 則 乂安 +, 之寺觀, 限, 仍 日 尤 道。 而 來,若改作學堂 萬 外勢 下寺觀 食 哂 小縣 簡 へ, 則 有其 學 奈 不 不 其 其 易之策也。 可 能 甚 願 何? 族 縣 = 取 改 十餘 鬼不神之憂。 者 獎者 久存,佛 氏 可 可 爲 什之 朝 何 無 計 固 以 以 學堂之 曰 皆 之, 而 移 止 其 七 祠 善 亦 . 起 數 有 堂 獎 田 以 蒙 教 方 則 可 堂 豊 也。 萬 其 産  $\coprod$ 改 其 己 今 之 之 屋  $\blacksquare$ 以 足

> 宗會 寺 紳 今爲 魏 在 觀 太 先 税 情 本 其 昌 武 生 T 形 以 縣 五 太 年,皆 興 育才, ,廢其法 Ψ. 聯名上 起其 真 君 嘗 又 鄉學堂爲 七 請 一廢天 或 有 年、 於 旌 爲 朝 下 獎,公也。 唐 要。 抑 ·僧寺 詔旨宜 高 急者,當 釋 祖 以 矣。 武 伸 無 德 老, 若 體 然前 不 九 各 察 私 允 年 省 本 代 也 也 學。 縣 薦 意 武

度支、 用,不 政、 才 法最 算 者 四 宜 識 繪 書、 善。 西 西 遠 其 鑛 賦 使 藝、 五 藝。 大 西 學堂之法 一經、中 醫、 偏 税、武備、 藝之醫 而 西 廢 、聲光、 小 年長者宜 史 學堂 國 最 爲 史事 約有六 於兵 化電 律 日 新 先 例 政 學。 事 西 藝 政 藝 政 有 西 勸 而 書、 兼 益 舊 一,心 藝 後 工 學。 習 學 也 政 地 思 通 武 爲 日 圖 大 精 備 學 商 西 體 新 爲 者 政之刑 中 敏 校 西 舊 必 舊 新 學 mi 宜 政 地 學 兼 堂先 學 年 講 獄,立 也 理 求 爲 1 西

以

此

爲

基

然後勸

紳

富捐

貲以增廣之。

昔北

<sup>●「</sup>六」,原誤作「五」,今據下文意改

朱子曰:「上之人曾不 往之士,才性 化 急 既習經書, ,始知西 專門,非十 清 於 講 成見已深,難 不深求, 學、 心力鋭者; 何 新學既 於 得 便者, 學 授,以分其 時 用 藝。 要 日不令争利。 文有 製 更要你教?」《 領 造, 政之用意。 可 然 益 是 年不成 又兼史事 精 以 講 體 須 大 事 思量 學圖, 、才思、 力已减,功 操,須 應 於 西 質 諸 抵 倍 科 虚 政 性 救 生自 而 , 一,時文 一受,不 目 者 外 功 須 西 語 奪 氣 穎 時 類 或 其 地 Ħ. 半 口 體 敏 目 日 亦 之 政 之後, 學堂 尚 堂 斷 省會學堂之秀出者 多,分門 爲 費 廣、才益 法,每月核其功課,分數多者酌 令納費 大小學堂皆須 士,研求三月, 不 志,紊亂學規 本意既 初 無千 能 救 可 從 亦豈患無師 設之年,所造亦淺 得 遽 濟 無給 人 萬 從 差 ,亦不更給 寒 別類 多矣。 知 明 西 動 三年之後, 士之地, 其 以 師。 法, 政 輒計 ,剽襲冒 膏 益 可 納金於 亦宜 火 哉? 近年 藝 以 膏火。 即 較 日 者 往 教 要領,大段已 新 可 酌 錙 可令納 師 往 西 小 名,大雅 一等一 、堂,以 以 書大出 改 銖 專 中 學諸 不 學堂矣。 教中學堂矣。 用 念 舊 带 爲 或 北 規 省訪 費 書 求 膏 書 争 爲 一,師 党 堂備· 宋國 掃 充 予獎賞,數 院 攻訐 火 火 詳。 地矣。 滬上刊 用,則 求數 範 初 獎 兩 積

與

時

文

無

異

矣。

況

日

力哉?

,學子自是著急,

百百

九。

諒

哉言乎

於家習之,何勞學堂

理、政治、算學,亦

必

也。

曰

不

課

時

文。

惟

見

功

遲

緩

且

恐

終

課

往

往

不

能

中

程

月且

精

壯

者。

中年

以

力

好

者

學

格

致

;

學方言,須

П

监

宜

教

少

年。

學算

須

宜

略

考

西藝之功

用

計

或

之方,政

尤

口

兼

通

數

事

 $\equiv$ 

年

可

政

而

後

西

藝

必

食

束

脩

之

習,

誤

以

賞

而

來

頹

廢

無

愈

多

入人,亦

年

之後

大

學

高

明之

行

其

學

設

之

年

學積

分之

年

火食

不

今縱

不悦學 所感 之興亡,亦存乎士 兩 都 獨於關繫身世 生惜字,賦 學會,互相切磋。 養,尚 而 後爲學哉? ,必有應之於千里之外者。 若書院猝不 丽 可 亡,越 聽 詩 講 飲 安危之學 通 酒, 句 能多設,則有志之士當自 文人舊俗,凡舉業楷 加 始則二三,漸至什伯 踐 經,豈必横舍千 圍棋 已矣。 以十 而 葉 年教 緩之? 戲, 訓 動 昔原伯 - 閒、載 而 輒 古人 興 有 會 書 國家 精 書 牧 魯 以 放 誠 兼 豕 何 文

#### 學制第四

有定事,所知有定理,日課有定程,學成有定 無限制 發,能今人所不能, 共之學。 外洋各國學校之制, 者也。 專門 公共之學,所讀 之學,極深 畢 生莫殫,子孫莫究, 研 有 幾,發古人所 專門之學,有公 有定書,所 習 此 未

> 書爲 不得 期。 也; 徒 師 閒 同教,此 資性敏者同爲 文武將吏,四民百藝,其學無 無 斷 不 問其 苦。 或三年,或五年。 教, 遲誤者附 獨 不講之書,徒無 少,既 有限制 則 在學堂几年, 問 師 其 不 中程 其 一班,資 人何 者也 · 勞 後 入學者不 而 班 學堂,而 徒 不解之義,師以 即 · 生 無 性鈍 面 以 止, 事 知 能 徒 無 其 勤 中 不皆 解 有 者 知 圖 之事 者 所 同 同 程 其 同 造 功 爲 不 不 無 所 何 堂無 必 止 爲 習 已習之 師 學,則 班 一,惰者 等 加 何 長 有有 也。 算。 甲 有

質、 以次而及,餘事仿此。 算學則 有鐵路、電綫 而微。 極略,僅 繪圖、算學、格致、方言 小 具疆 學 中學堂書較深,事較 講 ( 鑛山 堂之書 代數、對數 域山水大勢,又進則 、教堂、餘書仿此。 較淺,事 於是化學、醫 大學堂又有加焉 有 較 府 多。 體 縣詳 方言則 少, 操 如小學堂 細 之 如 Ш 附、政 天 類 兼 水, 具 文、 各國 又 地 進 圖 治 體 地 則 則

任何官職而授之。 才, 滿以後,考其等第,給予 則取之於學堂,驗其學堂之憑據 小 學、中學、大學,又各分爲兩三等。 是以官無不習之事 執照。 國家 則 欲 知 用 土 無 其 期

則隨時修改之。定之,頒於國中。數年之後,或應增減訂正,定之,頒於國中。數年之後,或應增減訂正,其學堂所讀之書,則由師儒纂之,學部

用之學。

費,則 工商 生出貲甚微,然義學甚少,所教極淺。 之用,不爲學生膏獎。 所籌學堂之費,專爲 成才,不求膏火,每 食束修之費,貧家少納,富家多納。 加 國 家略發官款以 其學堂之費,率皆出地方紳富之捐集, 必 欲 有生計 有 所 得 自 加 無 人月須納金若干,以 補 後 建堂、延 凍 助之。 亦有義學,以教極貧子弟 歸。 餒,此以教爲養之法 學成之後, 仕 入學堂者但 師 來學者既 購 其 官 已 制 爲 宦 出 飲 求 器 紳

> 也。 數千,大學百數,由費不仰 以爲學式。 或 費之虞矣。 法所爲,可無變爲學究之患矣。 凡東西洋各 欲變學究爲秀才,不謂 室,斂民財以養遊士。」 沮 志不在利則無争,官不多費則學 給於紳故也。 ,立學之法,用人之法,小異 新法學校之説曰:「必 是以一國之内,嘗有小學數 王介甫悔 其善有三: 新法學校之誤日 變秀才爲學究。」 一如西 出貲 將發民 給於官 法所爲, 而 來學則不 廣。 大同 5,亦不 萬區, 力 以 可 蘇子 治 無 盡 如 中 本 將 宫 瞻 學 西 仰

### 廣譯第五

矣,然有二弊:師生言 紐,譯者學多淺陋,或僅習其 十年 以來,各省學堂 語 不通 嘗 延 語 ,恃 西 而 人 繙 不 爲 能 譯 教 通 爲 其 樞

學,傳 技,以 匠 此 不 材 西 即 加 減 之、改 能 使 洋 不通洋文,僅 師之費已 兩 朱子所謂「無 弊 多 師 事 教習 久其期,故有 達失真,豪釐 也 不 易之。 至 憚 所授,每 西 機 爲 勞, 人 前 器 鉅 積 憑 此 製製 而 款。 得於心 弊,學 習 目 一二繙譯 造 干 往 弊 西 不 加 局 以 連 人之 往 不 過 也 廠 一, 而 減 一,其 故學堂 故 兩 能 用 法 者,其弊 所知 不 學 作 即 精 西 而  $\equiv$ 解者則 遲 時 使 能 X 雖 教 3 有 後 緩,不 爲 譯 建, 迄少 有 一年者 限」者 所 亦 T. 者 幾 教 以 同 弊 師 何, 善 盡 意 不 學 也 矣。 成 華 其 调 删 豪

或 或 語 南 禮 各書、 書。 雜 夷樂歌 》有象胥 文、鮮 嘗考三代即 近人 各新聞報 于 卑 誦 若 訓 號 謹 邵 令、 兼 講 揚 陽 通 爲《海國圖 雄 譯 婆羅 魏 數 録 學 源 或 **→** 别 流門書、: 於道 言 周書》有舌人、《 或 語,《 方言 志 扶 光 隋 之 南 朱 是爲 季 胡 志 酺 譯 書、 中 有 譯 或 外 周 外 或 西

> 中 F 知 傑之士 或 海 西 道 政 知 之始。 西 時 也 學之始。 創 設 南 方 海 言 跡其 馮 館 焌 先幾 譯 光 西 於於 遠 書 同 蹠 數 治之季, + 洵 種 皆 所 是 謂 爲 官

等 外照 速, 者, 公牘 誤事 談久 甚多 其 爲 者 習者,以 3 僅 所 則 日 師 能 條約 處 一,而 者多矣。 會、 欺 若能 能 東文之用 本 生 解 而 市 條 書 對 華 貽 皆已譯 淺 ,法文之用 不能 明習中 井 爲 語,不 害 人 約、合同, 顯 應 無 師 通 大率 公牘書 得其 底。 酬 多。 西 之, 隨 惟 學 語 語 商 性 而 無 情,其於交涉之際, 我 多 吾見西 惟 華洋文義 西 賈 所 兼 誤 信 略 ; 取 是 文 市 近 通 至 識 且 徑 能 者 繙 博 井 西 各 帳 人善華語 於 易 識 譯 甚 文, 種 學 英文之用 目 啟 東 名物 之學 少 不 西 無 則 字 洋 發 盡 學書之 是 方。 有 者, 一, 力 者 有 符合, 以 華 洋 無 深淺 省 失 多 雖 文 況 洋 教習 效 要 者 動 面 中 教

惟多 年。 等 儒 者,爲上等。 之,采而行之矣。 凡在位之達官,腹省之寒士,深於中學之耆 之,且譯學雖深,而其 能譯各門學問之書,及 譯天文、鑛學書。 未列於仕宦,是仍無與於救時之急務也。 ,略通華文之工 我既不能待十年以 能 譯 西 專 國 門 有用之書,以教不習西文之人。 下等三年,中 非 學 所 問之書,如所習天文、鑛學 商, 習者 志 無論老壯,皆得取 重 趣才識固未可知 不 後譯 能 要公牘律法 等五 睪 材衆 也,爲 年, 多 上 而 中 ', 則 等 深 後 而讀 等, 又 只 是 意 + 用 能

等,其功德比刻善書 貧士治生之計 流必廣,主人得其名,天下得其用 上海有力書賈、好事文人,廣譯西書出售,銷 、出使大臣訪其 書之法有三: ,而隱 則過之。 有開物成務之功,其利益與石印 國之要書 惟字須略大,若石印書之密 一、各省多設譯 而 選譯 矣。 之, 書 此可 場 局 屋 3 書

煩暇少,豈能挑燈細讀? 譯洋報者亦然。開發新知者,首在居官任事之人,大率皆在中年以上,且細字,則年老事繁之人不能多讀,即不能多銷也。今日急

計也。 不 速者 者計 哉? 勝我 沈, 人吞 聲瞽。」夫不通西語,不識西文,不譯西書,人 知外不知中,謂之失心,知中不知外,謂之 如譯東書。 知今不知古,謂之聾瞽。」吾請易之曰 也。 1我而 也。 而不信,人謀我而不聞,人規 王仲任之言 學西文者,效遲 譯西書者,功近 是故 若學 不知,人殘我 東洋文、 從洋師 曰:「知古不 加 譯 不 而 圃 用 效 如 東 不 博 速,爲 通 洋 見,非聲 ,爲少年 知 洋 書 今,謂 I,則 文, 我 中 m 譯 年 瞽 速 未 不納, 之陸 已 仕 西 而 而 仕 者 何 又

四二

## 閱報第六

焉。 衰,軍 凡國 官 下, 切磋。」外國 報言之也。 面 民 報 語 」作「人」,乃 政 是 李 有 之得 更事 翰 以 戰 民 稱 一國之内 船之多少,學術 避 報。 失, 報 吾 通 知 唐 館 更 1神。 世 典 各國之交涉,工 官報 林 益 變; (》之善 斯 立 以二語 如一 宣 , 言 未從 也, 或 日 國多 家, 之新 是, 示不 日 始 爲 政,達民情。」元文 : 民 Ŧi. 至 理 「寡 藝商 今日 ·出户? 報 萬 洲之人 新 交遊 餘 達 法 中 務 家,有 民 之盛 皆 知 西 情。 如 具 天 得 各 助

之事 聞 E 海 紙 ,於洋報采 報 中 而 館 或 讀之,遂知洋情, 自 自 同 林文忠公督 治 摭甚略, 中 有之,特 以後 廣 亦 時,始求 無 所 更無 要 載 語。 多 有 市 得 繼之者 上 井 外 海 猥 國 道 屑 新

然而

吾謂

報之益於人國者

博

聞

次

也

農,始知 毒 於各省,内政、外事、學術皆有焉。 報館 書,故 有 駮不一,要可 臣 月 一、破 一,然皆 時 也 有 局 演 譯 捫籥之瞽 有 不 出 有 譯 與 兩 西 神州 可謂非有志四方之男子學問 洋 無 月 或 以 報 等。 以 近 擴 ; 筐篋之吏、煙霧之儒,始 論 前 參以 事 見 乙未 之 於 聞,長志氣,滌 事 呈 博議,始 是 以 於 觸 後,志 總 時 孔之士、 署 忌 於滬 及 者 士 文 南 雖 輒 懷 山 人 北 削 安 論 澤之 之酖 流 之不 創 洋 説 知 大 開 純 衍

發,互 防 愛惡 政 五 慎 洲 之,此亦天下之至便 攻取 密,不敢宣言, 方今外侮 相 不 駮辨,無從深匿 惟 ,深謀詭計, 中國之政 日亟 一,事 然 事 而 變 世 一,俾 也, 各 日 宣之簡 ,并東 或 我 多 洋 軍軍 得 報 以 西 國大計 牘 早 洋 兼 Ė 互 各 聽 播 國 相 而 之 諸 執 豫 攻

可乎? 諸葛之所求; 然怒者。 醉人,比 之而動 國,故昌言而 亦 以 知 人閱洋報者,見其詆訾中國 國之人蔽 云「士有諍 不 不 病 敢 聞 上 心,忧之而改作,非 盡言之。 其 也 之朽物,議 吾謂 於習俗,必不能 過 友」,今雖 昔 而 無忌。 諱疾滅身者,周子之所痛。 Ļ 此 齊 惟出 桓 何 大抵 公不 足 分裂,議 我 之鄰 怒耶 云「國有諍鄰」,不亦 國 自 君 中國 盡 國 國,又出之至强之 知 ? 争 不 臣 知之;即知之, 之利害安危 其 先,類 勤 留 之福 上下,果能 有 攻吾 餘 疾 哉? 地,比之 而 無 闕 死 不 者, 本 秦 古 拂 近 覽 相 以

#### 變 法 第七

變法 者, 不然。 朝 廷之事 法之變與不變,操 也, 何 爲 而 於國 與 士 家 民

在

政

可

之權 而 實 成 於士民之心 議 論

政,在 之謬説 《公法》、《格致》各書矣。 世所謂廉正守道之名臣也,然所經營者皆是 免爲 新學者,闃 無數使絕國、識 恐爲時賢所詬病 閣之人材,然而 小楷、詩賦之弊矣。《文集》卷一。 ?,設 痛、 戒 Щ 後,若力持 東、四 習非 不入同 試觀曾文正爲侍郎 甘 學堂,與北 可 也。 創 惜 勝 然無 川皆設製造洋槍 設 者矣。 夫以 (文館,不考總署章京,京朝官講 是之談 機 此 時務之才,然 聞。 無 議,當可 器 也。 洋 勛 聞 又 織 所 合 臣 焉。 如左 何也? 呢 文文忠嘗開 議 撓 元老,名德 時 羽 , 加 成 以次 設 何 ,當上疏 文 局 就 招 槍 也 不覩 襄 劫於迂陋 而 近今三十年 商 彈 ? 推行,宜可得 及成 沈 曲 在 局 局 其 重 謹 同 大亂 文 閩 言 效, 權 自好 文館 肅 創 此 1 功 翰 既 是亦 文 成 設 尚 羣 作 林 Ŧ, 誠 船 船 儒 刊 不 考 相

此等事 以 識 閒 或 暇之 廢 時 其 閣 時 或 惜 皆 減 時 在 削 論 同治中年、光 多 無能恢張 加 吹 求, 之者,其 緒 繼 初年, 者 又 (效遂 復 國家 無

也, 非器械也; 夫不 可變者, 心術 倫 也 紀 · 非 也, I 非 藝 法 也 制 也 3 聖 道

時, 必 義也。 之得失。」是漢唐舊説 通達國體。」《百官表》: 舊 宜 有 成帝紀》 惟 損益之道,與時 記敘 中 我 義 請 新、《尚 - 庸》義 師 徵之經: 五帝不沿樂,三王不襲禮,禮 也。 詔 擇善 博物通 日 温 也。 「儒林之官,宜皆明於古今,温 故 而 皆以 義 人,知今温古,考前代之憲章, 窮 「以通古今,備温故知新之義。」孔沖 知 從、《論 不耻不若人,何若人有, 偕行、《易》義也。 也。 則 新 温故知新爲知古知今。 變, 學在 劉 變通 語 楚楨《論 四 義 盡 [夷,《 也。 語 利 正義 時 春 時 器 變 故 ,參當時 爲 秋 引 措之 三人 非 通 知 大, 傳 《漢 新 求 趣

(孟子)義也。

殘酷 省刑、養民兩事爲先務 代變法最著者四事: 陶器,粟 宋因以致亂,此變而 義,秦先强 永,以子孫不肖,與變法無涉。 治,此變而得者也。 趙邊以安; 餘變活閏,篆籀變隸楷,竹帛變 府兵變召募,車戰 剥 請徵之史: 民,非 布 而 變銀錢,何一 北魏孝文帝變法 後促, 不 可 封 變步 變也,法非 建 若武靈之不終,以 失者也。 王 趙 變郡 騎, 安石變法, 是三 武 商 鞅 靈 租 縣 尚 代之舊 變法 王 庸 其法也 商、王之失,在 雕 文明,魏 變法 辟 調 專 舉 嬖幸; 廢 變 版, 籩豆 習騎 乎? 變 務剥民 兩 孝弟仁 科 税 西 魏之不 國 射 目 歷 變

創 貢 懷仁大礮。 募 以 勇。 外 請徵之本朝: 增 咸 優 豐軍興以後,關 乾 貢 (、拔 隆 中 貢 關外 葉 嘉 科 用 慶 場 騎 税 射,討 以 表 之外抽 後 判 改 緑 五 瀋 營之外 釐 用 金 歲 南

變者 **繁興,此時若欲** 同 治 多矣。 以 後,長江 即 如 廢之,有不 設 輪 水 船、 師 新 電 攘 縫 疆、吉林 創 臂 而 設 争者乎 之始,訾 改郡 ? 縣 議

便,故 之迂 作 愛惜 洋各 顧 信 則 事 吏,蓋 法 此 「, 此 `, 其 哉 皆 旋 時 其 mi 經費 之病 員 廢 私 無 輟 ? 儒,泥古之弊易知 今之排斥變法者,大率三等: 藉 其 餘 以 是 故 效者 弛 而 又一 書 唇 隱 變 欺 無 非 ,故左支右 也 L 惰 情 生 法 成 爲苛 飾 法之 亦 爲 泥 偷安、徇 必 也 效效 此 而 身謀 誠 一勞思, 古之談,以文其猾吏苟安之 人之病,非 學 病 求之談士。 有之,然其故 至問 無 絀 生 也 而 情 必 所 出 而 無 以中 取巧之私計,皆 也。 集費 爲, 洋 進 不 能 境 所謂 法 法之學 京員 朝 了,必 精,船 夫近 一爲苟安之俗 之病 無 製 有 擇 守 遊 造 定 四 一爲 年 舊 人, 政 各局 術 歷 論 也 : ·仿行 是也 一、人 是 治 故 有 必 泥 也 理 任 旋 出 足 不 西 古

有

成

功

哉

力,而 未開 乃局 造局 學 此浮言之病,非 則 夜,始有 不 精 工 無 外游 事 而 是 師 吹 責任之不 不 責其獲利 也 而 甚 求責效,較之見彈 舉 談 購 馬。 事緩 不不 機 此 先 推 未 法之病 學堂甫 專, 後失 則 學 事 原 艦 無 無 經費之不充,講求 於國 序之病 定 也。 事 將 造 衡 不廢,一 而 是之不 而 求 購 一、有器 責 鴞 非 艦 其 無 炙、見. 埋一 定,用人之 成 法 定 海 之病 志,事 材, 無 軍、各製 卵 搰 人,未 之不 鑛 求 也。 急 時 Ш

變,而 恭曰 本也,不可不一。」此變法 法者,所 美之質。」此 曰:「孔、孟二子,亦 . 雖 爲當世之法,使不 鹵 然,吾 以 莽 適 滅裂 變也 變 當以 法 之學, 儒 不 而 者之論 將 無 必 或 失 因 誠 盡 而 八乎先 所 作 之 同 悖 折 遇 或 藥 道之藥 衷之矣。 之時、 道 王之意 輟,不能 也 者 1,所以 曾 所 也 加 遭 子 變 吕伯 已。 文 田 由

孔、孟復生,豈有議 棄之,法未 吕之説 夫所 ,則變 謂 行而· 道 而 本者,三 有功; 大亂 變法之非者哉 作矣; 綱 由曾之説,則 四 若守此 維 是 也 不 一,若 變 失, 并 而 雖 此 無

### 變科舉第八

科以蒐羅之。

者高 斯言 數十年,文體日益佻薄,非 明至今? 得美官者、膺重 要恢 本 幸,遂有三場 而 -經之 弊 !頭講章之理,所讀者坊選程墨之文,於 起。 也 復 朱子嘗稱述當時論者之言曰:「朝 義、先 行之已五百餘 須罷三十年 主司 中國仕宦出於科舉 實止 儒 取 之説 權者,必於科舉乎取之。 便 以 場之弊。 概 科舉,以 藏 年,文勝 乎 拙,舉子 惟不通古今,不切 未 有 爲 錢曉徵 雖 而 極 所 有他 實衰,法 因 知。 好。」 語。 硒 途, 延若 近 所 痛 以 自 今 儌 久 其 解 哉

然 也。」遇講時務經濟者,尤鄙夷排擊之以自護 經 於是詔設學堂以造明習時務之人才,又開 其短,故人才益乏,無 日 濟,并所謂時文之法度、文筆 今時 「吾所習者,孔 局 日 新, 而 應 孟之精理、堯舜之治 能 科舉者 爲 國家扶 拘 而俱亡之。 瞀 危禦侮者 益 甚,傲 特 法

官仍絜長於小楷,名位取 之途 才, 待, 死於焚舟,從上所 者也,其世 其 趙文王好劍而 特科之設,然廿年一舉,爲時 來者必白屋 何由 則 敺 夫學堂雖立,無進身之階,人不樂爲也 仍爲 之。 可 族俊才皆仍志於科舉 得? 使 比、詩 鄉、 士死於相擊,越 鈍 且 士,資禀凡下 會 好 夫齊 賦、 試 也。 仍 小 衣 舍,惟在 取 兩 楷 敗 漢 決 紫 句 而 過遠 經學,實 於 晉 不能 己。 踐 而 時 於 好勇而 己。 党 文, 曳苴 斯 救 爲 時 京 禄 能 即 時 則 履 朝 利 坐 有 文

带 H 疏 務 討 亦 或 求 如 通才、 故 而 矣。 申 救 做之,告 故 危 救 局 時 以 而 必 禍 朝 自 野 至 變 之 無 法 汶 日 始 闇 變 戒 如 法 以 故 必 識

自

變科舉

始

之欲 時 無 漸 論 知 制 不 經 每場皆有  $\Box$ 文 先 講 由 ,宜存其 合格者試 四 工,嘗疏 也 以 去 院 詩 而 或 書 科 一,少 策 進 時 日 賦 可 舉 論 去 大體 而易考, 請 惡 乎? 小 者,非 若 救 其 留 改 當 楷 詩 場。 變 説 爲 而 頭 時 之 賦 科 頗 於 廢 谌  $\equiv$ 舉 場策合格 其大 不至 謂 ,猶今之欲以 舉, 是 切 一場分試 酌 74 人 也。 於今日 有 書 修 鄙 廢 一勞昬 (要日 獻 改之。 文也 悪 時 竊 學 文,則 者 剽 隨 : 謂 之情 ¬, 不 校 全不 試 鄙 盜 場 今日 昔歐 貢 中 惡 專 脯 舉 人 西 事 曉 全 場,二場 乖 去之法。 重 經經 陽 不 示 科 私 事 誕 時 舉之 濟 歐 之人 曉 文 讀 議 以以 文, 救 公 事 忠 者 五

發榜 第三 者,斥 名,大 者,頭 之法。 四 歸, 道,此 中 + 經 地 道 如 互易之,而 名, 書 額 格致 濟 理、官制、學校、 專 取 場。 如 題 今宜 不 問 者 率 場 再 額 爲 其 く、製 第一 額 禁 發榜 取 四 始 + 取 五 中 Ξ 纖 雖 略 造、 十名者, 洲 倍 准 又層 八 學 場 場 如 巧 師 解 各國 試 百 中 中 經 是 者, 試 其 試 聲、光、化、電 西 次,不取 額 第 額 名 遞 則 濟 意 法, 以 四 一之政、 二場。 財賦 八 合校三場 取 取 心擬將 取 即 額 中 書 十名者 之,大 III 人二場者 假 或 先 四 文 支 兵 百二十名,大率三 者 專門之藝,政 發 + 如 史 二場 林 今日 離 麗 榜 名者,頭 事 \_\_ 篇、 制 率 均 狂 等 歸 省 試以 如 本 怪、 一、必其 優 類 次, 五 商 取 場 中 府 場 朝 者 經 務等 者始 取 顯 此 場 額 縣 先 時 不 政 始 文 博 悖 爲 考 務 取 後 如 取 治 類 中 + 之序 准 白 聖 西 各 策 者 覆 四 論 士 試 四 教 學. 蓺 百 試 或 Ŧī.

者 IE 場者,必 可 恐其學雖博,才 治外,於是 觀 一,於是 也 明 IIII 習 中 更以 内 其 式 政 通 更 者, 者 四 達 以 也。 書 時 西 雖 必其宗 文、 務、 政 通, 然恐 五 研 西 而 求 藝 其 法聖賢、見 經文考之。 理 考之。 新 明 解 於治 學者也 未純, 其 内 理 其 趣 取 而 純 向 然 人三 闇 IE 場 未 又 於

且分場 校閲 憑 誤之弊, 精,既無 才,三場 末 才必多, 場各有 亦 覆 發榜 以 易,寒士 抵首場先取博學,二場於博學 於通 主司 迁 定 取 闇 而 去 ,下第者先歸,二三 義,較之偏重首場 才 庸 箸 無 取 中 陋之才,亦 無 重 竭 求純 尤 蹶 久羈之苦, 愈 在 草 見 正 末 率之虞。 四 場,猶之府縣 先博 無 書 偏 謄 五 一場卷: 後約 駮 , 所 經之尊 録 狂 無 舉二 得 一妄之弊 數 卷多 中 先 多矣。 愈 哉 試 粗 求 善善 少, 謬 皆 後 通

惟

科

舉

必以

生員

爲基,其學政

歲科兩

考

文,以 場,原係一四書文、一策,亦照歲 場 理 試 場第二篇四 考正場, 生 年來,經古 者 舊 童 即 也。 章,正與今日所 均 免荒經之弊。 專 原 可 以 係 以 場久已 史 書文改 例 論 推之。 四書文、 時 |列算學一門, 爲 務 童試 擬 經 策 歲 科 文 兩 科 舉之法 \_\_ 經文,生員 門 丽 切 考例 己。 照 發 是尤不 生 考 先試 題 相 例 蓋 員 類 生 改 科 惟 生 經 勞而 考 <u>二</u> 十 童 爲 員 古 將 考 經 IE 歲 正

纂中 下 有? 曉 准 何 ? 而 ·,以三 有餘。 時 調 書 外 難者 務者尚多 曰:應 至 政 **,據書考校,何難之有**? 年之 外省主 鄉、 學、 日 功講 會試之外,惟 試難,試官易。 藝學之書不下二十 ,總裁主考,惟 主 一考學 司 求 不 時 政 能 務 ,年力多 盡 自 殿試 通 司 近 足 新 臨 覆 年 以 且房 强 學, 軒 閲 種 來 衡 發 詔 將 何 鼍 文 官 E 量 海 難 中 中 如 典 才 既 之 通 編 之 例

業以 部曹 差。 禮 文藝、小楷之事,断 至 爲 朝 重 一應職官,皆以 考似 進退,則 自 不 爲可 可 廢 已仕之人才,不 省。 斷 然 及 必 講 可 宜 求 通 即 一停免,惟當 政 籍 據 治 以 以 爲主,凡 後 致 爲 以 授 無 雕 考 論 職 考試 之等 蟲 其 翰 小 職 苑

年 識 雄 見 文,非時文之足以得人才也。 石之臣、干城之士不更多乎? 主文者不專以 以 閲 不 時 前 能 文之 歷 者 神 率皆自 不 智 日 無 歸 精 : 本朝名 於 益 力 ? 通 銷 八比、詩賦 彀,此乃人才之亦能 籍 不 磨 以 知 臣 於應舉 後始能 登 出 進 於科舉者多矣,安 爲 限 者不 且諸名臣之學 去取 大進 於 一途,則 少矣。 所 然 得 則 爲 柱 英 假 中 時

明 台 其 説 特 竊 於此 科 謂 議 歲 舉、講 ,并將朱子論科舉之弊及歐公論 者之説,意救 求 經 濟 之意 時 而 而 事 推 易 闡 行 之,因 實 本

> 官人 年 以 場 選舉 上之 以 漸 之 賢 去 無 人 留 君 之 方,其謀 子 疏 憂 節 慮 或 録 固 勢 於 左 已 人 才之不振 , 可 如此,庶今世 知 七 八 疾疾 百

《東塾讀書記》引朱子論科舉

士大夫得

有

所

一个概悟

焉

技

困

之於老

死

其言 亦 南 極 宋 痛 時 切 科 ?,今略 舉 之弊,朱子 舉數條於此 論之 者 甚

然而莫之救也。」舉之教,其害有不可勝言者,不可以爲適舉之教,其害有不可勝言者,不可以爲適《衡州石鼓書院記》云:「今日學校科

妖。 連 子之所 實 而 爲 主司 反 經學之賊 學校貢舉私議》云:「名爲治經, 斷之,爲 不 命題, 意 於於 經 又 所 號 學賊 多 當 爲 爲 斷 作 中之賊,文字妖 新 而 文 奇 反 而 連 實 以 之,於 求 爲 文字 出 所 於 中 當 之 舉 而

者之心志,是以人材日衰,風 之妖。」又 云: 怪 妄 無 稽 適 俗 足 H 以 薄。 敗 壞 學

説 是 曲 有 當時 是甚 削得 於弱 纔 柄 是 下 事,一個作 可惜。」卷一百三十九。 多 被被 人 罷 者,本來合當 秀才作文字不好,這 柔 時節 才。 一麽樣 少 盡 弱之態 亦自然 ,學舍中無 日 人引 語類》云:「今人文字全 衰 所 趨於巧小,將士人這些 那 有 莫説以前,只是宣和 尚 氣。」卷一百 起, 動 有人。 ,所以 時 氣 如 魄,作 士人 尤而效之。 此,只是人 一個學起,有不崇 限 理會底事,全不理 亦 好 及紹 所 「時 九。 養得 出 人 做文字極 (材,如 事 那 「最 興 文之弊已極 氣字。 大關 文字,是 不 (渡江 如 可 知 胡 而 末 世變。」同上。 憂 學,全 之初 無 邦 粗 三志 只看 今作 朝 年三舍法 者, 甚 骨氣 更更 衡 會 氣 而 豪 之類 不 無 亦自 都 件 如 日 直 徧 無 壯 是 今 消 是 物 委 趨 天 本 自

> 之外, 要你 事 上。「問:『今日之學校,自 不思量 得,上之所以 法 問 業。」」同 何 教? 如?」曰: 其他 「今日 時時 上。 文 你 未 科舉 教者 設 嘗 一件,學子自是 『更須 學校,却好教他 過 之弊,使 不過如此。 而 問 兼 焉。」 他 有 科 麻 著急,何 日 미 目 沙 然 爲 取 時 理 上 之時 人。二 會 文 之人曾 怪 本分 册 用 他 更 子 司 此

見今日科舉時文,不知更以爲何如耳。此亦朱子欲救當時風氣之弊,使朱子

曆四年。節録歐陽公《論更改貢舉事件劄子》慶

之不專重詩賦,意與今日不專 更。 知 先 詩 必 伏 賦 先 以 爲 知 貢 舉子之弊, 改 舉 弊 之 之因, 法, 用 則當 重 之已 方 時 可 文同。 重 久 收 策 變 論 則 知 法 通 理 之利 歐公時 考 當 紛 變

新

學、全不曉事之人,無由

而

進。

賦

不工

一, 亦

可

以

中

選

矣。

如

此

미

使童

年

論

粗有

學問

理

識

不

至

乖

誕

之人,縱

使

詩

先

經策論去之矣,比及詩

賦

,皆是已經

策

亦當

不至太

濫

蓋蓋

其

節

鈔

剽盜之人,皆以

唇,考而精當

「則盡

善

矣。

縱使考之不

百

少少

農 工商學第九

矣。 其留 理識 文意 去其二三百。 等之人 限 而 多爲 不對 加 於千人而 者 乖 示 顛 有 先試以策而 誕者 次 先去之,計二千人可去五六百 所 能 倒 司 試試 之弊, 問 重 濫 以 雜 者、誤 雜 進,考者 其留 選五 論,又如前 者、不 犯 則 考之,擇其文辭鄙惡者 舊格 引事 當 而試 識 不至疲勞。 隨 不考式者,凡此 跡 題 詩 場 法 而易考,不至勞 者 者 賦 而 不不 者,不過千人 丽 雖 去 考之,又 能 知 請 而 成 故 寬 後 文 實 其 미 口 以 七 ൬ 略 H 使 譏 或 無

矣 地 民。」《韓詩 雖 石 廣, 田 T 民 外 里 雖 傳 衆,終 語。 謂 之無 不 無 講 地 解 農 ; 於 工 愚 土 商 民 滿、 之學 百 萬 滿之 則 謂 中 之

化學。 辨穀 爲養。 草人掌 者七八。欲盡 有遺力,所遺者 也。 外,林木果實,一切種 種 生齒繁,百物貴 勸農之要如 或用風力,或用水力,各有新 土化 儲 又須精造 故昔之農患惰,今之農 肥 之法,實爲 料, 地 是農具。 利,必自講化學始。 何? 留 水 僅樹 植、畜牧、養魚 澤 拙 曰 : 凡取 農家 引陽 則 五穀,利 講 地 古 水、殺蟲、 化 患 光, 有 義。 學。 拙 遺 無 薄 法 養 心。皆農 利,所遺 惰 不 田 利器 耕 土膏 周 不需 足 則 穀 耘 以

化學非 鄉紳 設農 告於學 國 而 可 新 有 以 畝 法,講農政者宜閱之。 效 有 務 畝 之 省 望者、富室多田 堂,堂中爲之考求 學 農 所 力 地 民自從之。 夫 産 面 種 所 倍 能 植 外縣 能 收 養 最 解 則 優 士人 上海《農學報》多采西 人,亦 機器 又 之 1者,試 兼 利, 各考 機 新 非 可謂 可 器 農家 辦以 法 其 養 之學。 新 鄉 三人。 至 器, 之物産 所 爲之倡,行 富 能 書 矣。 圃 西 辦 若 甚 各 有 以 縣 宜 然 中 謂 新

早,茶商不用機器,烘焙無法之弊也。 茶 故 銷 衰 講 (名曰 銷 無 俄 其 求 尚 人 種 昔者英忌茶之仰 路僅 食 茶,無微 過 「膽念」,印茶惟 華 間 恃俄 緣茶中含有 茶。 矣。 商 不 若 此茶 大率 至。 再 數 給於華也, 户 自 膽 俄銷十之八,英、 年 種 印 質, 念 茶 印 茶 一較華 歰 不 盛 茶 培, 一行,茶 印度、 ൬ H 精 茶 兼 摘 略 香 光緒二 芽 錫 恐 市 少, 不 華 西 美 蘭 H

> 息五分。 臣交俄行 司 + 船 年 除茶價 運 湖 赴 北 若使我自有公司在彼,其利必更饒 俄境 帶 售。 湖 運 南 自 費 東路陸運,銷恰克圖 兩省合力以 銷之。 關税外 西 西路贏餘 路水 官款 運 買 銷 得息一 团 託 疊 百二十 俄 薩、託 餘可 分,東路贏 商 佘威 知 箱 出 也 羅 使 附 許 福 俄 代 大

+ 各國 本 自 不 貴則價難減 之六,意國 貴之弊也 察 用 病 絲之爲 蠶 華絲者十之六。 售 利, 繭 絲十之三, 價昂 者多 比茶尤 則 攙 銷 壞 多。 三年 華 繭,繭 愈 絲 滯 十 以 僅 年 耗 内 + 此 以 既 之一。 由 日 多 前 養 本 成 蠶 絲 西 者 且 銷 洋

莖相距 較往 設 種子三粒爲 人 溼 織 口 地,短莖宜 年 第 外國 布 横三 少 局 尺三寸,縱一尺三寸。 大宗, 來十四 一窠,長至四、 種棉, 以 來 燥 歲 地 分燥 每 一萬 計 年 匹。 五寸,留壯者 種 價 土、 漢 植 四 特 П 溼 7 疏 是洋紗 洋布、洋紗 土 餘 闊 П 兩 萬 進 株 故 種。 兩 最 口 其 結 精 洋 實肥 餘 爲 長 自 拔去 有 布 莖宜 洋貨 湖 四 已 北

敵。 + 紡至二 號 者,而 購洋棉子種之,多不蕃茂。 + 號 華棉 紗 止 絾 0 短紗粗,以機器紡之,僅 以 故 不 能 與 此 洋 由 紗、 農 洋 夫 能 見 布

種棉過密,又不分燥、溼之弊也。

運之出 去麻 織 於省城外,以西法爲之,若有效,各省可仿行。 作袋之用 爲 小膠,又 紬 麻爲物賤,南北各省皆産,然僅 洋 緞 漢,其 攙 ,川、粤、江西僅 無攙絲之法之弊也。 以 利 棉 數 則 倍。 織成苧布 此 能 由 織 漚 夏 浸 湖北 布 無 攙以 耳 現設製麻 術 供 不不 絲,則 緝 西 能 人 繩 局

甚矣。 補 同 土 丽 大宗也,今其利 益 地 不 能 地 每 絲、茶、棉、麻四事,皆中國農 其根 惟種稻 力。 年 外行,或 宜 葉壞爛 七年 换 ,西人謂其勤力得法。 種 自 盡 一周,不 有 爲 物,則 土者,其性 其 他 物 人 必休息, 所 而 其 奪,或 坐 所 西 視 各 吸之 法 内 别 家 植 雖 而 灌 叉 地 物 物 地 有 力 質 産 미 愚 其 學 之 自 不 謂 貨 以 懦

爲

不

曉

此 肥,較古人一易、再易、三易之法更爲 亦簡 顯易行者 也 精 微

或設 運,所謂巧者述之也。 首,習其 機器 工不 齒」者耳。 技,不肯傳授多人,徒以把持居奇、鼓衆 書士人不能爲,所謂 農商之樞 機 曉 得計,此《王 - 爲功。 工 其 器者,然 學、理化學爲 工學 藝 源 器,守其法, 之 學 紐 機 今欲 工有二道: ,堂,均 也。 要 器 不明化學、算學,故 如 制》 教 不合,不通 内 何 I 事,悟 所謂 以士人學之,名曰「工學 ? 師 中, 心 農 智 或 日 能 者 一 曰 工 利, 國 新 執 : 遣 解 創 理 局 技事 其 外 教 人赴洋 物 變 廠 變, 目 增 師, I. 也 良 上,不與 能 商業 物 新 師。 且 匠多 專以 明, 料 廠 式 自 學習 不 I 生 袐 有 指 皆 非 講 日 美, 士 其 通 非 能 匠 讀 明

0 「二十」,文華齊本作「十六」。

見 來 省之工作 教 生 觀 絀 匠 此 第其 首。 將 亦 來學成 各物 更 勸 高 宜 百 下 設 工之要 後 陳 察其 勸 列 名 工 於中 百二二 場, 好 術 悪, 也 凡 以待 學 衝 巧 人 者 要 四 員」, 口 多 方估 岸, 銷 使 客之 拙 集 之 者 本 轉

分 冀 如 爲 本, 利 商 是 計 命 商 者 者 環 主、工 用 權 T 桁 T. 兩 何 億 師 爲 業 坐 無 者 商 何 或 子母 學之 賈 中 端 思 體 相 爲 喜 貨 則 之餘 一、商 新 天 之 易 此 用 商 使 中 法 要 利 而 何 銷 先 爲 也。 國之 創 成 商 如 謀之, 何 物 用 如 如 之末, 何 工有 新 也。 刮 博 此 商 何 物 ? 器,以 罕 毛 寒 工後 術 宜 成 非 惟 此 日 知 龜 求 變 可 易 器 聽 商 : 背 作之, 鸁 者 供 與 新 ,然後 知者 之本 通 其 也 商 他 大 雖 但 自 工 之 或 得 先察 藝。 憑 也。 然 何 也 取 争 商 不 時 法 而 水求,是 者 勝 有 其 外 多 己。 知 夫 運 可 相 販 然 精 精 ; 輕 何 或 益 運 商 所 所 雖 後 成 器 於 I. 會

> 岸 公 隨 會 持 銷 治。 股 商 而 或 有 司 即 價 設 時 會會 商 非 日 谏 積 之計 若 公司 爲 電 近 商 遊 售 律 貨 至 中 有欺 易。 告, 務 不求自治之方, 年 勸 黴 精 如 歷。 自 茶 之大學 不巨,公司非 商 阜 密, 以 舉 騙 溼 西 市 夫 之 各 爲 數 日 攙 官 商 更,更 雖 有司 學 省 製 人 鸁 雜 民 堂 固 敝 問 宜 造 出 者、 千 共 、然仍 罕爲 之要, 也 必 設 洋 金 守, 有 販 不 樣 而 遊 商 有 猶 運 聽 究 故 盤 欲 是 歷 商 會 端 無 之 爲 追 抵 設 芽 集 律 羣 過 衡 西 察 上 换 嫩 總 股 故 不 販 閲 其 商 海 者 易 此 行 無 多 集 亦 歷 役 市 設 價 較 煙 以 股 必 也 情 譯 各 設 者 虧 爲 難 華 不從 貨式 商 總 外 或 合 價 商 而 曰 律 洋 商 羣 自 高 西 集 難

病農。 貫。 農 大 三者 瘠 抵 則 農 交病 I, 病 I 了, 工 不不 商  $\equiv$ 鈍 可 事 則 爲 病 互 或 商 相 矣 Ĭ 表 裹 至 商 如 互 聾 駝 瞽 相 羊 則 鉤

塼、以· 倍矣。 之毛 矣。 商之所知 不 而 氊、洋紙 可。 效哉 易 賤 造者 然 貨 中 雞 水泥、 荀 而 國 也 鴨 洋 觀 卿 以 也 此 音 盛 之羽 蠟 H 西 西 末 土 稱 諸 洋 商 事 人 和 世 儒 背棄 名「塞門 事 塼 捆 事 科 餹 效 屑 載 仰 非 目 燒 洋 而 給 而 成 材 章 + 德 鍼、 土 去, 之。 謂 外 也 句之 紳 儒 人, 3 講 洋 製 華名 火 馬、 不能 儒耳 之、 釘, 造 八柴、火 而 紅紅 而 牛之 歲 官 質 知 毛泥」。 ,烏覩 來, 賤 耗 農、 吏 油 皮革 價 勸 無 用 所 之 算 洋  $\equiv$ 名 火

### 兵

謂

行師 戰,是謂棄之。」諸葛忠武 在學。 ,庶不覆敗矣。」是兵 或日 霍 兵 必 去病 須 學。 曰:「顧 ^ 有法 論 日 方 語  $\stackrel{>}{\exists}$ 有教也。 略何如 陣 以 既 耳, 成 或 不 ,自今 不至 教 É 民

> 心。」是 學古 也,何道之從? .兵法。」 兵 無 岳 法 武 無 日 教 穆 . 也 日 吾將 此 以 運 皆聖賢 四 用 説 之妙, 通之。 名 將 存 之 乎 説

爲 精 算 便,鯔 利,利 鐵 準 兵 兵 豈 能 足、無耳目之人,烏得 而 密 形形 路、 ·, 偵 學 家 一戰之具,範之以不敗之法。 藝 必 後 7,分權 西 多 可 蓋兵學之精,至 勢 惟 探 礮 重不備 械不習,與 法, 以 也。 陰 不 條 臺 施 謀、形 亦 明 陽 理 方略, 濠 豈必 ()與 與與 至 不用,餘皆兼 繁 攻 壘 細 勢、陰 無 無 無 守 古 言 橋 足 耳 手 謀略 今日 故 法 運 道 爲 目 同 同 陽、 哉 權 用。 兵? 同 中 西 技 謀 ? 地 工 之。 技 或 巧 至 作 西 理 聚千 巧 是必 而 漢 既 也 於 不 端 所 不 槍 四 極。 方 成 熟,測量 嫺 同 萬 亦 礮、 類。 先教之以 地 藝 略 爲 無 較 橋 因 有 兵 雷電 文 圖 運 手 西 其 道 械 志 矣, 用 X 法 械 測 無 不 不

Ŧi. Ŧī.

訓》言 説與之官曰 轉運 程 日 物 藥相 之用。 過 渡 塹 以 隊、輜 或大隊相持, 壘 軍 隊之官也, 候之官 至 多 放故 一,頃 皆兼 北 橋 連,一 故故 隊 道之事 陸 將以 爲 刻 立 重 工、輜 裝五子十子連珠 , 偵 有之,如 軍之别有 分鐘 工隊。 進 繁 立 隊。 五官 探 「收藏於後,遷舍不離,無淫 重 一就 不 也 , 輜 可 日 一,故 或負 誤 爲股肱手足, Ĺ 二隊,古人所略。 爲 與之官,即 放數十 今日 若遇 四 用 重 輜 日司空之官,「空」、「工」古今字,即 最 文  $\overline{\pi}$ 兩隊 探扼守,必須 體 隊 重,馬隊 鯔 退 出 用 而發者爲快槍 具 主 溪 重 者爲快礮。 日 輜重隊之官也 不 , 皆 快 而 械 河 隊。 步 全 兼 日尉之官,治軍者 槍、 藥 後 泥 隊、 有步隊 失。 止 衣 爲 沙 分爲數起 快 爲 人。 糧 馬 ",必 典, 礟 ,礟子如槍子式彈 掘 緣 以 之所 包 一之事 隊、 淮 ,所 地營、 火器 無遺 及 I 南 須 抄 其 能 礮 備 子 應 及 一瓣, 需 隊 闕。 猛 隊、 也 戰 層 彈 時 開 偵 主 西 每 與之 兵 烈, 遞 各 藥 濠 其 İ 可 探 法 誉 略 工

> 探。 有戦 醫 官 也。 0 事, 隨 偵 臨 探必 在陣 先於一兩年 往年遼 戰之善 後 以 馬 藥物 東之戰,多因 隊分途 有三: 皆 前 具。 詳 四 繪 出 敵 無此 更 未 西 境 番 法 戰 此隊之爲 地 艑 圖。 先 軍 報 繪 累 圖。 馬 前 隊 欲與 敵 有 充

敵

國

亡者即 别 有 官 卹 主之, 其家終身。 兵之善 有 兵 四 不 自 爨 饟 公,官爲 厚; 供 將 備 不 發 饟 陣

氣,今姑從緩

有

樂

隊,

以

作

戰

1

之

軍

偵

場排 場, 谷,或於平地 器 守機宜、 3 演舊陣也 E 野 教武備 野 操習分合、攻守、偵 操。 古 ,作兩軍 來 學生之法 學堂講 戰 對 事 敵狀 3 軍 操 惟將所指揮 有三: 械 場 理 探。 習 法 體 或 日 無定式,不僅 地 操 於 學 理 Щ 堂, 隊 阜 測 或或 伍 繪 日 在 於 火 戰 操 溪

圖。 兵棋 將 領 者,取 教 偏 裨 地 之法 圖 詳 有 繪 山水、道路、林木、 日 兵 棋 戰

古來 速 所 村 者 期 見 落 平 有 大 商 以 车 = 戦 推 木 可 事 攻 棋 教兵 用 諸 守 書 圖,推究其勝敗之故。 進 馬、 教 止 退 弁 在 步 之法。 即 操 各 有學堂,若緑營把 場,遲者一 隊 戰 將 圖 校 者 環 年可 坐, 其教 取 各 西 總 用, 之 抒 外 或

主

委、額

外

勇

營

哨官

哨長皆爲弁。

步隊、輜

重隊

弁

+

較

官者 年, 數。 爲 緑營千總以 均 兀 弁,界 兼 月 教 隨營操 雖爲官仍不廢學,以時 人大學堂二年。 將 馬 限 甚嚴。 上至 官者 隊 弁十 八演。 副將,勇營管帶以上至分統 1,學堂 教 六月, 其 大大將 干 四 五 者, 年,隨 歲以前例 礟 若提鎮 隊、 學 及大統 堂 營操演 工隊弁 人之小學堂,不 受教於本管之 五 領 年 ,皆爲官 十八 隨 凡 年。 營二 爲 以下 月, 在 將 若 此

> 操, 無 人不 解繪 圖 此 其 通 例 也

尤重。 較尊。 謀,若 堂, 干,皆豫算於平時 項:一曰參謀官,主 車裝若干,何物用馬,一馬馱若干,何物用 習風 陸軍 ·輪機 大率五 宋之樞密、明之本兵, 水 今日固有營務處 曰會計官, 爲尤精。 測 師 濤, 之别 量,駕駛主 年, 測 ,若今之糧臺。 有二 海 一謀畫 主一軍 復教 將領之外,又有關涉軍 道 、糧臺,但無豫爲此學者耳 調度,考 之於 槍 觀 械 將帥之參謀 E 物 戰 礟 管 衣 兩 地理。審 事 練 攻 輪 糧、 項 大大 戦。 船, 、官皆 車 馬。 率 若今之營務 敵情。 游 出 先 駕 馬車, 三年 事最要之官 於學堂 歷 何 教 駛 物用 各 戜 之於 車 君 其 或 管 之 海 輪

之。 備兵。 年調 之三年,即遺之歸 補新兵亦三之一。 大 集 兵之等差有三: 率 有大 操,, 每 年 戰 酌予獎賞,又三年 常 事,常備 備 名 之退爲 爲 在 新 不 豫 誉 足, 舊 備 l 者 爲 豫 層 兵。 備 則 搋 兵 以 常 蜕 不 備 者 豫 則 給 約 罷 備 兵。 饟 兵 爲 之 充 後 每 教

將領。

必至大將,乃不受學。

初入學堂者

年

無

過二

一十歲。

總之,略於教兵,詳

於

教

將

此

其

(要旨·

也。

自

將

及

介,無

人不

讀

書,

自

弁

及

兵

,無人不

識字,無人不明算

無無

人不習體

用。 兵, 脱 始 且 重 兵二三十萬,故 省,得兵 + 有 身 T 武,其民以充兵爲榮,爲國家效 於德、歐 遣 餬 改業 年 於三年學 商 歸 有 名 口 執 愈 本 則 計。 遠 業,故可行 洲 多 舉 籍 閒 兵須多。 出 兵 效之,東洋 民 華 國 者 成之兵, 酌 ·兵以人伍 少, 技 之 不 給 然此 人 常 給 其兵 半 也。 熟 無 饟 爲生計 饟 發 法所以 踵之。 不 (皆有: 兵 給憑 中國 習 以 氣 年 ,故疲老多 供 戰 常 技 以 照,退 若仿爲之, 能 歐洲大戰動 本 者。 新。 能 後, 力計 行 縣 軍軍 者 而 緝 爲 用 亦 其 裁 豫 籍 外 饟 捕 不 照 法 汰 軱 爲 則 既 難 之 備 國 創 愈 西 用

亦無用 家之耻 厲 己是中國 廉 耻 至 也」云云。 一人,將 其 身之耻。 西 教 洋 來學 將 將官教武備學生之言曰: 西 士之本 若無此 成 人武備書所言,意與此略同。 ,專爲 心 **N報效國** 務 雖 有二: 練 家。 成 與 若臨戦 西 日 「汝等須先知 兵 知 一律 忠 無 之才 勇 愛, 東洋 乃 能 日 將 颐 自

法

退

爲

後備

有事

募集,

亦

可

得半。

愛,過 領,人 乎? 習 朝 親 有 以 尚 以 義 知 吴、韓、岳 兵 堂,技藝不 中國 戦, 養。 將 野 療 武 武 也 己 不化也。 雖 之。 功。 給 知 皆 將 士皆能 口 古 E. 官 於齊民 能 彼,軍 「兵事 之銜。 知 兵之死 用 來忠義文字,如 書 故將 勝 其國 必學 練 戚 能精 將 卷 否 在上 知 兵 之善經也 爲 ,近今之江 ,佩之於 必 乎? 臨 君 忠愛、厲 亡,君 1 之尊貴,過 爲 也 强 儒學之至精」, 不 無 戰 服 第 3 或 夫師 力 之 發憤 提 身。 出 之由 不學之於外洋,藝 曰: 親 也。 飢 督 大 廉 師表》、《正 出 有 弔之; 之服 寒 、塔、羅 求戰之心以 後 來湖 耻者 以 能! 事 或 其 有 於文臣 起 律 北 備 日 在 者 然 ī,其道· 鄰 者 兵之創 聖之明 、李、多,與 此 戦 氣歌》之類。 胡 勝,古今之 亦學 國 不教之於學 取 使 矣! 3 文忠閱 之君 視其 殁之家 古之孫 有 倡導之, 西西 兵之自 訓 傷,后 雖 本 法 今 相 所 也 , 精 通 H 屬 所 否 西 贈 E 歷 載

國之 有 疏, 略 將生今之世,必早已習其器 其不學者,必其不 教成十人,萬人學戰,教成 馬輕車,車輕人,人輕戰」,與西法行軍修路合,「一人學戰 天下之交,養天下之權,皆西國兵争要義。 篇》「其次伐交」、《九地篇》「不知諸侯之謀者) 亦同宗旨。 得之格言也。 ,奚爲 畜騎之對 情 切廢 勢, 愐 弛 ,與西法養馬合。 即 不 而又 而 可 非 《孫子・火攻篇 勝哉? 若近 (鼓以 仿行,亦必 藉 知忠愛廉 口 三軍」,與西法學堂重在教將 忠義之氣,運 於漢家自 知忠愛廉 暗 ,曉其法,參以中 耻者也。 即 日 合, 西法先導、《謀 有 《吳子》「地輕馬 武 ,不能豫交」,争 即 耻 制 臣 以 出 則必學, 度 奇正之 怠 使諸名 新 惰 亦 意 多 粗 領 攻

又不 語 由 目 推 視成事 求 方今兵制 示不 精 善,故各 習 ,豈不殆哉 爲 教 吏,視已 法, I國有 東洋、西洋大略皆同, 則 )成 效 事 而 -無 況不習兵 改易之者。 而 蓋

見其無效忠

死

國之

誠

而

己

矣。

薄,鑛脈之横斜 略見苗引, 之,其利甚博 方人之神術矣。 鑛學者 而 前 兼 欲 地 ,施工之難易,是何 測其鑛質之優劣,鑛 其事 學、 化 甚 學、 難 I 夫以 程 學 渾 三者 異 渾 層之 見 土石 垣 而 厚 有

者,一 於此 其 師 也。 不 遇 盡,亦必 水遇 佳 來 小水 鑛亦須數十萬。 者。 者 言,豈能 是惟有先講實學、緩求速效之一 西 中下駟 國 石 中 源 然 鑛 即 作 不 華 師之精者,聲價極重,不 已 驟 而 止 商 丽 廢 輟。 集 己。 既無數 又無數十年 然 孔,石隔 巨股? 若略 而 方今興利之法 返, 百 備微資 且 萬之鉅貨,鑛之易 是 不 無 ·之鑛 止 鑛 論 利 學,但 姑 層 何 終 肯來華, 用 資 鑛, 法。 不 誠 土法 口 費耗 無 非 憑 深 急 西 開

五九

雲南 之法 采。 紳 最 亦 是 能 出 爲 图 非 不 洋 商 爲 豐 公議 以 西 求 用 今 而 察鑛之質 赴 陸 饒 及 商 山 珠 不 西 鑛 有 爲 111 所 東 矣 師 學 立 他 接 滇 覬 之 所 固 堂 省 邊 性 鑛 通 欺 善 學 鑛 亦 界 若 大 習 學 而 尚 即 夷 東 小 如 數數 爲 後 會 不 仍 地 是 鐵  $\equiv$ 購 他 少。 用 省之金 年 籌 則 路 番 機 學 西 集 得 之法 所 地之五金、 有 師 尺 成 資 水 籠 鑛之省 得 П 斧,公舉 我 有 湖 而 寸, 華 Ш 亦 開 南 後 西 不 口 通 再 煤炭 采 四 之 宜 數 等 辨 運 議 Ш 鑛 鑛 於 其 道 開 人 由

不能 凡 較 木 圮 一,其 他 近 深 地 鑛 竊 或 煤 尤 謂 面 煤 質 一之煤, 今 急 遇 氣 必 H 閉 水 不 而 萬 而 其 其 開 或 事 不 取 灰 煤 地 根 能 質 結 尤 火 本 急 必 非 發,是四者皆足 抽 較 鑿 惟 土 多 井 法 在 或 之 於 深 積 其 病 煤 水 鑛 不 淹 故 斜 氣 爲 煤 以 必 或 穿 功 壞 較 鏞 架 丽

> 井 富 煉 若 不 已 廢 則 在 [煉鐵煉 0 能 竭 廢 以以 亦不 孰 五 雖有富 即 能 得 金 煤 而 能 代之? 鋼 數 使 以 精。 鑛 佳 必 月 淺 口 上。 煤 强之策 興 此又煤 須焦炭。 用 必 嘗 未 故 棄 之 可 五 煤源 動。 煤 西 鑛之相 得 金 、安所 非 人 若 井 佳 鑛 佳煤 雖 謂 乏, 煤 斷 因 鑿 措 煤 不 鍋 遞 機 能煉 年 徧 可 爐 而 手 鑛 及 者。 九 必 所 以 哉 器 之 焦 機 易 州 炭,非 得 他 利 文 止 嘗 之 停, 用 無 物 或 考 煙 西 山 Щ 多 代 利 英 煤 爐 百 之, 民 西 國 其 舉 白 而 法 之 斷 力 井 煤 實 但 所

鑛 之 其 後 I 要 策 開 後 師 義 廠 確 焉 鑛 轉 而 大 抵 後 學 有 速 如 製 將 西 閲 就 其 時 造 歷 本 法 而 迫 費 者 省 諸 後 學 效 亦 内 事 練 與 鑛 遠 必 擇 兵 議 師 何 省 皆 取 包 ? Щ 學 以 辦 後 或 先 水 鑛 無 開 日 學 師 已 鑛 . 切用 藝 而 西 則 必 後 其 後 待 有 購 始 人 之曾 舉 學 購器 似 艦 事 變 成 遲 學 辦 通 爲 而

成,此 止開 聽 成 限 獲 其 滿 此 利 主 而 處。 藉 持 以 不 鑛 若 不掣 後,我之學 得 Ш 全 鑛 省 爲 有罰。 包辦 ,其肘,約 鑛學堂之法 則 生及委員、工 即 其 於局 定 害甚大,不 出 也。 内 鑛 設 後 但 可 匠 鑛 優 須嚴定限 行 ,皆已 學堂 給 餘 念記 一,鑛 利, 制 學

年 尤 股 鑛 爲簡易無弊,較之全爲西 匀分,但西本止 而 則必 更有 不 能 梗於時 一 策 開者,不 議,此時或可行矣 與西人合本開采,本 一可十之三四,不得 遠 勝 乎? 人所 此 策 據 在 及 過 ·息按 前 閟 半 佳

以

傲大利,蓋

不可得之數矣。

深之

思、專壹之志,

而欲乞靈

富媪

安安

坐

指

揮

日

地

不

愛其寶

人不愛其情。」若人

無

湛

根於此。

:

#### 鐵路第十二

有一事而可以開士、農、工、商、兵五學

廣見聞 《月令》、《左傳 具 商之利 之門者乎? (糧械。 在 ,農之利 速行 三代 日 程、省 以 在 . 道 國 畼 有 路 運 地 語 , 鐵路是已。 爲 》諸 費,兵之利 産,工之利 大政,見 西 於《 法 在 在 士 富 速 用 之利 周 徴 强 機 禮 尤 調 在

往,師 煤炭 阻; 善 棄 於出 切頹惰之習自然振起,迂謬耳食之論 曠 可 澤行則泥 、民不勞,時 以 物; 工 無 縦 鄉,物艱 中 友易 有鐵 商 日 横 或 不 省 戰 有 淖 道 敷 來 路,則 城城 守 鐵 日 路之政, ; 3 於致 不失。 力,一 路 兵 於 農 市 四 有鐵 リリカリカ 機 有鐵 蕪 遠。 海。 器 久 雜 日 急 路, 無 路, 鄉 已 可 需 士 日 凡 不講 不 則養 治 有 者 則 開 此 僻 到,鑛 + 應 鐵 風 五 土 阻 路, 日 期 首 三十萬 氣,凡從前 學,總之以一 絶 Щ 之事 重 産 糞 行 則 以 壤 無 則 滯 遊 自然消 故 了官不 精 拳 不 歷 者 皆 人 出 确 無 無 憚

六二

也。 十萬 善。 釋 目 聰 使 泯 明 如 方里之地皆其 夫 不 絶 如 羈 人之一身,氣脈 而 而 差徭 後 是 不 故故 作。 有 知 天下 不 覺 至於 擾 地 心 災災 如 也 吏治不壅,民 知 暘 四四 歉不 室, 靈 通 通 百兆之人皆其 而 憂 九 而 後 州 皆 後 有 如 有 相 運 隱 指 謀 因 動, 臂 不 慮 而 遏 耳 人 自 七

行 日 脈 手 也 者 車 耳 鐵 之小 至鐵 目 路 者 也。 路 鐵 外 路 所不到之處 國 若 ,阜民敏 報 鐵 路 也 不成 心 政,亦其 知 則 五 者 先多修 ,學堂也 學之開 、次矣。 馬 未 路 ; 及 有 氣

路 國公設有鐵路會,考求鐵路利病新法,三年 鐵 數 路 + 爲 綜 急, 萬 觀 里 東 日 西 小 增月多,密如 洋 或 各國,自 有 鐵 路 三十 、蛛網。 萬 车 里。 來, 舉。 大 國 東 無 西 有 不 洋 以 鐵 各

厚。 總 公司 其 今中 尤便者,凡借洋款 建 國 浩 幹 路、北 以 後 分 起 造 盧 枝 皆 溝, 路 須 南 I 達 抵 押 尤 廣 省 州 獨 修 利 已 鐵 尤 歸

> 亦 馬 以 縛 鯁 海 爲 路 有 之權 之則 無 也。 此 生 ,人游行於海 在 事 喉。 足之國 較 機 若今日 借 乎 网 利 ,我已與 若内 ? 或 在 款 而 勝 商 昔 即 時勢 已 負之數,謂 無 (西洋 E 魏 以 國 鐵路 太 爲 此 我痿 海 諸 武 之 路 列則 無 或 譏 則 作 痹 兵 共 北 劉 五. 利 抵 於 之,門 輪 方 朝 宋 在 室 無 多 爲 隔 或 陸 中 須 絶, ·, 中 馬 無 無 户 況 他 阻 鐵 足 華豈 南 坐受束 方 物 之 路 塞 朝 今 或 尚 則 無 如 東 商

盡 爲 他 及 今圖 人代 我 之,爲 而造之矣。 時 已晚 若 再 因 循 顧 慮 恐

### 會通第十三

通。 意 是 易傳》言 今日 謂 通 新學、 通 難 者 舊 爲 數 學 + 淺 互 見 相訾聱 好學 寡 聞 深思,心 道 一,若不 是謂 通 知 其 不 其

意 輕舊學,姑 , 則 一,所謂 學 悪 疑行 以 新 無名、疑事 爲 學,姑以 猝不能 爲 盡 無功而 不 廢 得 而存之。 已而 已矣。 用 之,新 終古

以 左 講 則 是 是 也。 地」、《中庸》言山之廣大,終以「寶藏興焉」, 稻人所掌,是農學之義也。 化之法,化治絲枲,飭化八材,是化學之義 與西人「格致」絶不相涉,譯西書者借其字耳。《周禮》土 地之化育」,是西學格致之義也。《大學》「格致」, 開 機器之義 財 西 工 ·居其 《周禮 用足」, 鑛之義 藝、暘土貨之義 國專設 《書》「 中庸》「天下至誠」、「盡 鄉 器 》「一易」、「再易」、「三易」,草人、 也。 樹 夫不 m 也 非 林 必 《論 求 部之義也。 《周禮》有 居肆,意與《管子》「處 以 舊, 商足財, 語 也。 維 **| 一百工** 新 ^ 山虞、林衡之官, 《禮運》「貨惡弃 論 《中庸》「來百 而 物之性」,「 是工 一居肆 以工 語》「工利 生,夫 作 足財,是 必 工 I 取 費天 就 何 新 其 工

之,醫 學堂之義也。 進口 器、行宜鐵路之義 官府 書 可 也。 商學之義, 使有,利者 之事,必貴神速,不貴遲 也。 富國策「生利之人宜多,分利之人宜少」之説 訓 敏則有功」,然則工商之業、百官之政、軍 以 . 四方」,「觀新物」,是博物院、賽 藝文志》謂九流 《大學》「生財 《大學》「生之者衆,食之者寡」,即 藥歸之,與西人交戰時有醫家紅 即 税隨時 同,是勸 戎」,「不教民 亦 使 輕重之義 即 《司馬 阜,●害者使亡,靡者 工 出 場之義 也。 П 大道,爲之者疾」,《 法 百家之學,皆出於古之 戰,是謂 貨 》雖遇壯者,不校勿敵,敵若傷 也。 《周 無税、 也。 鈍 《論 禮 可知,是工 《周 進 棄之」,是武 語 十字會同。 司 口 》「教民 禮 貨 使 市》一二 珍會之義 訓 微 有税 (論語 方 西人 宜 七 漢 備 年 及 機 旅

[利]·原誤作「微」,今據阮刻《周禮注疏》改。

0

之義 合、 衆庶 是體 《左傳》「仲尼 而 獻 民 之義也。 語》「衆好必察,衆惡必察」,是國 有吉凶,是上下議院互相 之」,是訟獄憑中證 貌、《説文》作「緢」、細也。 具之義也。 不能樂學」,是西 學射御」, 官守,是命 可 藝」,是報館 好」,《左傳》「士傳言,庶人謗,商旅市 **瑣瑣傅會者**,皆置 也。 操 」,《書》「謀及卿士,謀及庶人」,從 之義 通 《内則》「十三年舞勺」,「成童 《王制》「史陳 西 《聘義》「勇敢强有力」,所以 官用 《吕刑》「簡孚有衆,維貌有稽」, 法 也。 見 之義 之要指。 郯子 人 《學記》「不歆 人學堂兼 省 之義 也。 **至** 而學焉」,是赴外 取之專 不論。 詩 其以 凡此 也。 一制》「 觀 維持之義也。 有玩 《周 民 門 名物、文字之偶 皆聖經之奧義 若謂神氣風霆爲電 疑 風 學堂之義 其 獄 物 君可 禮 市 藝,從鄭 適 学外 氾 信情 納 散 與 國遊 行 舞 衆 價 逆 朝 諸 《論 議 Ţ, 象 禮 也 注 各 器 룔 觀 院 詢 共

理,創 也。 通也。 勒自華人。 而 被、蓋在三代之時、不待疇人分散、老子 之古説。 在 具西人之器,同西人之法,則 學,含萬物而化光爲光學之類。 四 已然矣。 故埃及之古刻,類 夷,猶信。」是此二語,乃春秋 昔孔子有言曰:「吾聞之,天子失官,學 其 鄒衍談 制 列子述化人,以 以後西漢甘英之通 然則中 則 是 赤縣,以 謂 土之學 聖 乎大篆,南 居臨 經 然 穆王遠 皆已 謂 桁 東 非。 聖 政 海,商 習西人之技 西海,東漢蔡 經皆已 教,東 遊 美 以 西西 洲之碑 舶 前 西 一發其 漸 域 所 相 傳 西 傳

正,均所不免。 然而學術 治理 且智慧既開 或或 推 而 以 愈 後, 精 心 或 理 同 而 而 失

化佛國,次被歐

洲

次

第

顯

然

,不可

誣

也

西僧徒、水陸商

賈,來往

愈數

,聲教愈

通。

先

西

去,大秦有邛竹杖,

師

子

國

有晉白

團扇,中

愔、秦景之使天竺,摩

騰

輩之東

來

法

顯

輩之

謂中 過前 也。 法諸 嫌,況揆之經典,灼然可 國,無損於聖教者,雖於古無徵,爲之固亦 人不能 日食有定,自晉人已推得之。 後起勝,自亦 萬世之巧,聖人不 土今日之工藝不勝於唐虞三代,不可 事 人 豫知。 、之處 ,陶冶、雕 必有冥合古法之處,且必有軼 然則西政、 即 織諸 以 中土才藝論之,算數、曆 工,何一不今勝於古? 能 謂聖 據者哉 西學果其 盡 洩,萬世之變,聖 人所創,可也 有益於中 不 ş

察其 不能 者,令人固 而 不 能用古法練必勝之兵; 是 今惡 用 非 民 西 損 船 敝 法者,見六經古史之無 益 爲 傲 前 慢 海 ,自陷危亡。 防之策,是 概屏之。 詆鐵 如 自 詆 塞 艦爲 洋 也 操 明文,不 費,而 爲 自 非, 寒

東來法,而 略知西法者,又概取 此皆中學 不習算學 所 3 已 但矜火器 有。 經 如 典 但 所 爲 詡 言 完 借 太祖 而 根 傅 方 會 征 爲

欺者,令人空言争勝,不求實事。西域所遺,而不講製造槍礮,是自欺也。

自

惑狂 之,以爲中西 孔教合於耶蘇,是自 易,喪其所守。 溺 於西法者,甚 無 别。 擾 如 或 也。 謂《 取 春秋》 中 自擾者,令人眩 西 之 即 學 是公法 愐 糅 雜

則 不通 庇民 矣。 理,天下萬世皆將怨之詈之,曰: 之心,行聖人之行,以孝弟忠信爲德,以 爲外學; 人之徒也 索之於經文,而必無悖於經義。 口 雖 説 「弟佗 一、傲很 然則 爲政,雖朝運 紛呶,務言而 綜此 中學治身心, 如之何? 三蔽,皆 其冠 不改,坐使 如其 神 (唇情 汽機,夕馳 不 由 禫 日 務 不 無 其 國 西學 . 觀 行,論未定 志, 家 辭」,手 中學 其通。 顛 空言 應 鐵 濟, 爲 路,無 世 如其 注 聖教 事 内 無 不 此 圃 疏 ', 不 學 用 通 堯、舜 兵 而 害 心 之害 滅 爲 尊 聖 必 渡 孤 西 絶 性 主 聖 盡 哂 江

六六

孔、孟之罪人而已矣。

# 非弭兵第十四

無 丽 氣 助 氣,故《内經》以 而 兵之於國家,猶 能生者,國未 有 肝爲將軍之官。 氣之於人身也。 無 兵 而能存者 人 肝 未 藏 有 血

之無 方太平之局,此尤無 具,於是創議 今世智計 之士 人 一,覩 聊 西 mj 或 時 召侮者也 弭 勢之日棘,慨 兵 (會,以 冀 保 戰 東 守

之? 未 幾 幾 耳其、未幾 況今之環 聞 而 m 奥 西 英 向 奥國之立 會 攻 班 戎弭兵,子罕責 中有 牙 西 球 而 攻 藏、未幾 諸 德 起而爲魯連子者也。 古巴,未 攻 弭兵會有 强 阳 國, 洲 而 未 誰 其 幾 法 能 攻 年矣,始則 而 「以誣道 絲 誣 土 馬 而 之? 耳 達 英攻埃及,未 其 加 蔽 攻 斯 俄 誰 德遂以 諸 希 加 攻 能 侯」, 臘 未 土 蔽

> 以 兵 長,而未有底止 占 來 行,但 我膠州矣,俄 聞 此國 增 兵 又 以 船 兵占 彼 或 我 籌 旅 新 順 饟,争 矣。 雄 廿 年

之亦 歐則 局 如 有 械 欲 黄巾不聽; 精 之,不重爲 成矣。 是則 敗 日 兵三十萬,兵日雄,船日多, 弭兵,莫如 約 富 可也,權在 歐勝,與亞則亞勝,如 我果有兵,弱 東 者,必 鐵路 洋 萬國笑乎? 舉騶虞幡 助 出 日 練 順,西洋居間, 通 兵。 於戰,不恤 我 一,則 或 也。 懼 海有戰艦 各國 以 我, 誦《孝 解 我 相 鬭 是則 無 强 孤 視 或 兵 注 面 鬭 經》以散黄 礮 五 耀 而 親 一、不求一 圃 東方太平之 者不 臺 十艘,陸 之可 不 我 望人之弭 日固 肯 止 瓦全, 先 也 動 動 巾 荷 軍 有 弭 與

倡,則朝野上下,人人皆坐待此會之成,更不全生之説勝,則廉恥不立。」若弭兵之議一《管子》曰:「寢兵之説勝,則險阻不守,

才不 壘 復 數 空 有 求,言官結 虚 軍 憂危圖 文 裁 者 酣 [治之心、枕戈 不復, 武 嬉 舌,人才消 吏 存 貪 者 民 不 待 沮 困 練 敵 之事。 器 忠 諸 械 諫 或 不 朽 各省 見我 敗 人 之 賢 臺 寥

晷

愚

如

此

無志如

此,於是一舉

言

分裂之,是

以

哉

適

以

速

L

偂

已

法,强 以 世 印 一,其 恃 矣 東之也 乎? Ш 説 弱 其 行 日 不 愚 不持兵 : 侔 又有 亦 力 法 與 鈞 篤 此 於 角 信 而 同 何 勇, 公法 望 有 虎 夫 勇 ? 權 之説 之不 鈞 古 力 角 來 相 者 咥 智 列 等, 人,不 謂 未 或 公法 聞 則 相 有 持 有 亦 之 公 法 爲 徒

或 同 中 爲政,中 國 不 西 然 不 或 然 也 與 五 也 或 中 各 洲 不 或 國 各 華 然 交又不 洋 國之交際 通 也 商 商 民 只 寓 同。 相 及 商 殺 海 小 受本 即 口 或 如 , 與 重 不 或 進 大 À 約 或 輕 内 束 税 交 ·
交 中 主 河, 不

> 爲 萬 涉之案, 笑 或 公會, 柄 西 悟 奚 人 公法 會 暇 與 審,各 之爲 我講 響言, 國 公法 所 無 哉 舍 也 ? 求 諸 知 不 己 弭 得 兵 而 與 之 於 何

# 非攻教第十五

然則 非也。 黑白; 人倫 荀, 至 攻, 舊 後 教,連兵相殺數十年 正之聖教,炳 魏、 儒 老 之至, 此 異教 至今日 儒 北 也 他 時 相攻。 宋 教之 m 相 爲聖人之徒者,恐聖 則 即 龃 攻 圃 老 遠 相 他 然如 莊,道 是 方 自 釋 攻 乃教 儒 非 周、 相 殊 者,争盛 家 日月之中天,天 大明 攻。 俗 士各争權 相 也 秦 攻。 之 我 亦 儒 圃 閒 無 衰。 勢 之 與 唐 孔 已 有 道 ,藉以 攻 他 則 孟 歐 然。 之 譏 他 道 儒 洲 相 爲 陵 議 理之純 教 家 釋 因 亂 傳 儒 夷,思 之者。 [争新 相 相 非 大中 争是 攻 攻 相

六八

今時 欲 扶 勢 翼 之不 而 張 大之, 司 者 也 要 在 修 政 不 在 争 教 此 古

衅,上 勝,則 禁。 强 既 和 濟 孟 自然可也, 尊親之大義 志之士,但 一,儒 州 爲 所忍爲者哉? 世用,才 之學術、 之,莠民 條 中 比 效日 各國 貽 何 因 外 約 君父之憂,下 益 大 Ш 所 乘之, 何 章 當 矣? 政 乘 略 講 東 通 准 能 砥 不 機 術 則 盗 行 以 爲 我 厲 要求, 足 不 殺教 會 彼 來, 豈 害? 中 學 而 以 能 教 匪 惟 或 間 焚 西 張 實 不 召 游 士 無 而 毁 富 教 或 踐 如仍 過 激發 憑 民 中 益, 教堂 强之要術 威, 堂 案, 力 陵 如 藉 或 學 布 行 之 端 頹 佛寺道 忠 mi 事 德 又 滿 士 禍 攘 廢 義 學 徒 變 威 爲 中 倡之,愚 贵 奪 自 識 日 詬 明 藉 明 或 甘 觀 志 厲 不 威 我 旨 無 亟 口 於孔 傳 士 故 以 足 瀌 勢 中 遂 所 教 肇 民 求 以 或 踞 申 其 日 有 解

哉

不特此也,海上見聞漸狎,中西之町畦

漸 或傳 莫 怯 人非 則 動 不 於 知 奉,則不 呼 化 謂 美 公戰 教、茫 一若游 其端 譟 一,或 中 洲 以 或 人 隨 法, 歷 然 勇 税 也。 無 并不 之,擲 内 不 於 開 教 以 辨, 地 私 所 夫 間 化 數百人 石歐 鬬 用 無 其 愚 故 夫 如 爲 概 或 則 擊 小 而 教 此 憤 擊一二人,則不 官 不 以 兒 詬 士、 疾 狂 局 逐之, 知 擊 見 夫, 恥。 所 則 非 西 募 不 則 教 或 亦 於 或或 明 無 共 鬨 衣 何 是 禮 游 而 冠 歐 以 外 詔 武 ; 歷 起 洲 西 自 灵

辭。 銀,此 傷,羣疑始釋。 其 教 案,先鬨 目 目 及委員往 睛, 至於俗 皆 眼 眶 傳搜 譌 以 内 謬 合 痛 會 又如光緒二十二年江陰教堂之案,乃係劣生 傳教堂 獲 同 相 教堂 其 藥 府縣 、晴 沿 物, 尚 所 每 在 决 蓄幼孩七十人 以 有 其 不 驗 造 荒誕 視 人及其 미 鏹 則 信 水, 皆 残 父母 無影 皆 忍之事 光 以 無 均 緒 響。 目 點 + 言 者, 因 七 鉛 止 出 百 年 謂 而 人 П 宜 痘 成 取 瞢 所 昌

條,安所取之? 且方今外洋各國所需之藥 多有之矣,從無以殘忍之事爲口實者。 向教堂索詐,埋死孩以圖 不智爲海外之人所竊笑也。 先生,縫掖儒者,皆有啟導愚蒙之責,慎勿以 云"「流丸止於甌臾,流言止於智者。」薦 民,日抉數千萬之眸子以供其取求耶? 中國各省雖有教堂,又安得日斃數千萬之教 物、鏹水,所來之銀條,一日之内,即已無算, 未通中華以前,此千餘年中之藥物、鏹水、銀 膚、無遺種矣。 此事,則西國之人早已盡爲教堂殘毀,無完 流行地球數十國,其新教、舊教争權攻擊,則 此皆近事之可憑者。 若謂不悅西人,惟殘華民, .裁誣,城鄉周知,其人當即 試 思 西 教 創 立 千 若有 餘 服 罪訊 年, 紳 語 則

#### 鳴

謝

《儒藏》精華編惠蒙善助,共襄斯文,謹列如左,用伸謝忱。

本焕法師

NE·TIGER 時裝有限公司董事長智海企業集團董事長 馮建新先生

張貞書女士

事長 張志峰先生

壹佰萬元

壹佰萬元

壹佰萬元

北京大學《儒藏》編纂與研究中心

本册責任編委 王豐先 趙 新本册 審稿 人葉 煒 陳 斐 樂偉平

